

LOCUPLETISSIMUS
THESAURUS
CONTINENS

Varias & selectissimas Be-
nedictiones, Conjuraciones, Exor-
cismos, Absolutiones, Ritus, Administratio-
nem Sacramentorum, aliorumque Munerum
Pastoralium, ad utilitatem Christi Fidelium, &
commodiorem usum Parochorum, omnium-
que Sacerdotum, tam Sæcularium, quàm

B. V. Religiosorum Curam habentium, *in Salva.*

EX
DIVERSIS RITUALIBUS

&
PROBATISSIMIS AUTHORIBUS
Locupletior & correctior redditus

Joan. Baptista
GELASIO di CILIA,

Can. Reg. Ordinis S. Augustini, &
Decano ad SS. Andream & Magnum
Pedeponti, vulgò Statt am Hof.

EDITIO QUARTA.

AUGUSTÆ VINDELICORUM,
Expensis Francisci Antonii Strötter, Bibliopol.
Typis Antonii Maximiliani Heiss Celsis. & Rev. Princ. &
Episc. Constant. ac Coadj. August. Typogr. Aug. 1733.

CENSURA.

~~7440 0650~~

EK

Librum sic intitulatum *Thesaurus*
Benedictionum ab Admodum
 Reverendo, Eximio ac Doctissimo
 Domino Gelasio di Cilia, Canoni-
 co Regulari ad SS. Andream, &
 Magnum Ordinis S. Augustini,
 summo labore, ac industriâ conge-
 stum legi & relegi, quem pro spe-
 ciali totius Cleri utilitate & commo-
 ditate dignissimum censeo, qui sub
 prelo sudet.

Ex Commissione Reverendissimi
Consistorii.

P. Bartholomæus Langius
 Minorita Conventualis p.
 t. Guardianus Ratisbonæ.
 SS. Theologiæ Doctor.

THE



THESAURI BENEDICTIONUM CAPUT PRIMUM.

*Benedictiones certis diebus festis per
Annum in Ecclesia fieri solite.*

^{1.}
Benedictio Salis & Aquæ, diebus
Dominicis per annum facienda.

Exorcismus Salis.

✠. Adjutorium nostrum in nomine Domini.

℟. Qui fecit cœlum & terram.

✠. Dominus vobiscum. ℟. Et cum Spiritu tuo.

Semper in omnibus benedictionibus sic est dicendum.

Oremus.

EXorcizo te creatura salis per Deum†vivum
per Deum†verum, per Deum†sanctum, per
Deum, qui te per Elisæum Prophetam in aquam
mitti iussit, ut sanaretur sterilitas aquæ, ut efficia-
ris sal exorcizatum in salutem credentium, & sis
omnibus sumentibus te sanitas animæ & corpo-
ris: & effugiat atque discedat à loco, in quo asper-
sum fueris, omnis phantasia, & nequitia, vel ver-
sutia diabolicæ fraudis, omnisque spiritus im-
mundus adjuratus per eum, qui venturus est ju-
dicare vivos & mortuos, & sæculum per ignem.

Amen.

A 2

Ore-

Oremus.

Immensam clementiam tuam, Omnipotens æterne Deus humiliter imploramus, ut hanc creaturam salis, quam in usum generis humani tribuisti, beneddicere, & sanctificare tua pietate digneris, ut sit omnibus sumentibus salus mentis, & corporis, & quid quid ex eo tactum, vel respersum fuerit, careat omni immunditiâ, omnique impugnatione spiritualis nequitiae: Per Dominum nostrum Iesum Christum, &c.

Exorcismus Aquæ.

Exorcizo te creatura aquæ in nomine DEi Patris omnipotentis, & in nomine Iesu Christi filii ejus Domini nostri, & in virtute Spiritûs sancti, ut fias aqua exorcizata ad effugandam omnem potestatem inimici, & ipsum inimicum eradicare, & explantare valeas, cum angelis suis apostatis per virtutem ejusdem Domini nostri Iesu Christi, qui venturus est judicare vivos & mortuos, & sæculum per ignem, Amen.

Oremus.

Deus qui ad salutem humani generis maxima quæque Sacramenta in aquarum substantia condidisti, adesto propitius invocationibus nostris, elemento huic multimodis purificationibus præparato virtutem tuæ Benedictionis infunde, ut creatura tua mysteriis tuis serviens, ad abigendos dæmones, morbosque pellendos divinæ gratiæ sumat effectum: ut quidquid in domibus, vel in locis fidelium hæc unda resperferit, careat omni immunditiâ, liberetur à noxa: non illic resideat spiritus pestilens, non aura corrum-
pens

Benedictio salis & aquæ diebus Dominicis.

pens: discedant omnes insidiæ latentis inimici & si quid est, quod aut incolumitati habitantium invidet, aut quieti, asperzione hujus aquæ effugiat; ut salubritas per invocationem sancti tui nominis expetita, ab omnibus sit impugnationibus defensa. Per Dominum nostrum Jesum Christum filium tuum, qui tecum vivit & regnat in sæcula sæculorum, Amen.

Hic mittat salem in aquam in modum Crucis dicens:

Cornixtio salis & aquæ pariter fiat in nomine Patris, & Filii & Spiritus sancti, Amen.

Ÿ. Dominus vobiscum. R. Et cum Spiritu tuo.

Oremus.

DEus invictæ virtutis auctor, & insuperabilis Imperii rex ac semper magnificus triumphator, qui adversæ dominationis vires reprimis, qui inimici rugientis sævitiam superas, qui hostiles nequitiæ potenter expugnas; te Domine tremantes, & supplices deprecamur, ac petimus: ut hanc creaturam salis, & aquæ dignanter aspicias, benignus illustres, pietatis tuæ rore sanctifices, ut ubicunque fuerit aspersa, per invocationem sancti nominis tui omnis infestatio immundi spiritûs abigatur, terrorque venenosi serpentis procul pellatur, & præsentia sancti Spiritûs nobis misericordiam tuam poscentibus ubique adesse dignetur, Per Dominum nostrum Jesum Christum &c.

Sacerdos aquâ benedictâ aspergit se & circumstantes dicens:

Asperges me Domine hyssopo & mundabor, lavabis me & super nivem dealbabor. *Psalm.* Mi-

8

Benedictio Panis in magnis Festis.

ferere mei Deus, secundum magnam misericordiam tuam. V. Gloria Patri &c. *Repetitur Asperges me; Pascuali tempore: Vidi aquam ut in Missali*

2.

Benedictio Panis in magnis Festis.

Sacerdos ante Missam indutus paramentis missæ excepta planeta, cum cruce & aqua benedicta procedit ad locum ubi Panem benedicturus est, & dicit:

Vers. Adjutorium nostrum &c.

Resp. Qui fecit &c.

Vers. Domine exaudi. Resp. Et clamor &c.

Vers. Dominus Vobiscum. Resp. Et cum Spir.

Sequentia sancti Evangelii secundum Joannem.

In illo tempore subiit in montem Iesus & ibi sedebat cum discipulis suis. Cum sublevâisset ergo oculos Iesus, & vidisset, quia multitudo magna venit ad eum, dicit ad Philippum, unde ememus panes, ut manducent hi? hoc autem dicebat tentans eum: ipse enim sciebat, quid esset factururus. Respondit ei Philippus: dacentorum denariorum panes non sufficiunt eis, ut unusquisque modicum quid accipiat. Dicit ei unus ex discipulis ejus, Andreas Frater Simonis Petri, est puer unus hic, qui habet quinque panes hordeaceos, & duos pisces; sed hæc quid sunt inter tantos? Dicit ergo IESUS, facite homines discumbere. Erat autem fœnum in loco. Discubuerunt ergo viri numero quasi quinque millia. Accepit ergo Iesus panes; & cum gratias egisset, distribuit discumbentibus, similiter & ex piscibus, quantum volebant.

Ut

Benedictio Panis in magnis Festis.

Ut autem impleti sunt, dixit discipulis suis: Colligite, quæ superaverunt, fragmenta, ne pereant. Collegerant ergò, & impleverunt duodecim cophinos fragmentorum ex quinque panibus hordeaceis, quæ superfuerunt his, qui manducaverant. Illi ergo homines cum vidissent, quod fecerat Iesus signum, dicebant: quia hic est verè Propheta, qui venturus est in mundum.

Resp. Laus tibi Christe.

Antiph. De quinque Panibus, & duobus piscibus satiavit Dominus quinque millia hominum.

Vers. Dispersit, dedit pauperibus.

Resp. Iustitia ejus manet in sæculum sæculi.

Vers. Beatus, qui intelligit super egenum & pauperem.

Resp. In die mala liberabit eum Dominus.

Vers. Nunquid panem poterit dare.

Resp. Aut parare mensam in deserto.

Vers. Pluit illis manna in deserto.

Resp. Et panem de cœlo dedit eis.

Vers. Panem Angelorum manducavit homo.

Resp. Misit eis cibaria in abundantia.

Vers. Domine exaudi &c.

Resp. Et clamor &c.

Vers. Dominus Vobiscum. Resp. Et cum Spir.

Oremus.

Domine Iesu Christe, Panis Angelorum, panis vivus vitæ æternæ, benedicere dignare panem istum, sicut benedixisti quinque panes in deserto, ut omnes ex eo dignè gustantes, inde corporis & animæ percipiant sanitatem. Qui vivis & regnas cum Deo Patre in unitate &c.

3 *Benedictio Domorum in Vigil. Nativ. D. N. J. C.*

Oremus.

Domine sancte Pater omnipotens, æterne Deus, benedicere digneris hunc panem tua sancta benedictione, ut sit omnibus fumentibus salus mentis & corporis, atque contra omnes morbos & universas inimicorum insidias tutamentum. Per Dominum nostrum filium tuum Panem vitæ, qui de cælo descendit, & dat vitam, & salutem mundo & tecum vivit & regnat in unitate Spiritûs sancti Deus. Per omnia sæcula sæculorum. Resp. Amen.

NB. Brevitatis causâ potest Adjutorium omitti, Evangelium, & Benedictio inchoari ab Antiph. de quinque panibus.

3.

Benedictio & Thurificatio Domorum in Vigilia Nativitatis Domini nostri JESU Christi.

1. *Post vespas sacerdos indutus superpelliceo & stola albi coloris ex Ecclesia modestè procedit ad domum & ingrediens illam dicit :*

Pax huic domui, & omnibus habitantibus in ea.

2. *Tum aspergit astantes domesticos aquâ benedictâ in modum crucis dicens :* Asperges me Domine hyssopo & mundabor, lavabis me, & super nivem dealbabor.

3. *Deinde in principali vel alio commodo domûs loco ponit incensum in thuribulum, & illud benedicens dicit :* Ab illo benedicaris, in cujus honorem cremaberis, Amen. *Et mox incipiens dicit :*

Antiph. Hodie scietis, quia veniet Dominus, & mane videbitis gloriam ejus

Misc.

Miserere mei Deus: secundum magnam misericordiam tuam.

Et secundum multitudinem miserationum tuarum: dele iniquitatem meam.

Amplius lava me ab iniquitate mea, & à peccato meo munda me.

Quoniam iniquitatem meam ego cognosco: & peccatum meum contra me est semper.

Tibi soli peccavi, & malum coram te feci; ut justificeris in sermonibus tuis: & vincas, cum judicaris.

Ecce enim in iniquitatibus conceptus sum: & in peccatis concepit me Mater mea.

Ecce enim veritatem dilexisti: incerta & occulta sapientiæ tuæ manifestasti mihi.

Asperges me hyssopo & mundabor: lavabis me, & super nivem dealbabor.

Auditui meo dabis gaudium & lætitiā: & exultabunt ossa humiliata.

Averte faciem tuam à peccatis meis: & omnes iniquitates meas dele.

Cor mundum crea in me Deus: & spiritum rectum innova in visceribus meis.

Ne projicias me à facie tua, & spiritum sanctum tuum ne auferas à me.

Redde mihi lætitiā salutaris tui: & spiritu principali confirma me.

Docebo iniquos vias tuas; & impii ad te convertentur.

Libera me de sanguinibus Deus, Deus salutis meæ: & exultabit lingua mea iustitiam tuam.

Domine labia mea aperies: & os meum annuntiabit laudem tuam. A 5 Quo-

10 *Benedictio Domorum in Vigil. Nativ. D. N. J. C.*

Quoniam si voluisses Sacrificium, dedissem
utique: holocaustis non delectaberis.

Sacrificium Deo spiritus contribulatus: cor
contritum & humiliatum Deus non despicias.

Benignè fac Domine in bona voluntate tua
Sion; ut ædificentur muri Jerusalem.

Tunc acceptabis sacrificium iustitiæ, oblationes,
& holocausta: tunc imponent super Altare
tuum vitulos.

Gloria Patri & Filio &c.

Sicut erat in princ. &c.

Magnificat anima mea Dominum.

Et exultavit Spiritus meus: in Deo salutari
meo.

Quia respexit humilitatem ancillæ suæ: ecce
enim ex hoc beatam me dicent omnes genera-
tiones.

Quia fecit mihi magna, qui potens est: & san-
ctum nomen ejus,

Et misericordia ejus à progenie in progenies
timentibus eum.

Fecit potentiam in brachio suo: dispersit su-
perbos mente cordis sui.

Deposuit potentes de sede: & exaltavit humi-
les.

Esurientes implevit bonis: & divites dimisit
inanes.

Suscepit Israel puerum suum: recordatus mi-
sericordiæ suæ.

Sicut locutus est ad Patres nostros: Abraham
& semini ejus in sæcula.

Gloria Patri & Filio, &c.

Sicut

Sicut erat in princ. &c.

Antiphon. Hodie scietis, quia veniet Dominus;
& manè videbitis Gloriam ejus.

Vers. Dominus vobiscum.

Resp. Et cum Spiritu tuo.

Oremus.

DEus, qui hanc **Sacratissimam** noctem veri luminis fecisti illustratione clarescere: da quæsumus: ut cujus mysteria in terris cognovimus, ejus quoque Gaudiis in cœlo perfruamur. Per eundem Christum Dominum nostrum. *Resp.* Amen.

Vers. Divinum auxilium maneat semper nobiscum. *Resp.* Amen.

4.

Benedictio Salis & aquæ, in die Sancti Stephani Protomartyris.

In Festo S. Stephani Protomartyris manè hora competentipreparatis in cornu Epistola sale & aqua benedicens, Sacerdos indutus Superpelli. eo, item stola & pluviâ violaceo, facta Altari reverentia, genuflectit ante medium Altaris, & dicit Litanias, quæ alias dicuntur in Sabbatho Sancto.

Finitis Litiis, Sacerdos accedit ad cornu Epistole Altaris, ubi absolutè incipit:

Vers. Adjutorium nostrum in nomine Domini.

Resp. Qui fecit cælum & terram.

Deinde statim incipit exorcismum salis.

Exorcismus Salis.

EXorcizo te, creatura Salis, in nomine Dei Patris omnipotentis: & in Charitate Domini nostri

12 *Benedictio salis & aqua in Festo S. Stephani.*

nostri JESU Christi, & in virtute Spiritus Sancti Exorcizo te per Deum vivum per Deum verum, per Deum sanctum qui ad tutelam humani generis te procreavit, & populo venienti ad credulitatem, per servos suos consecrari præcepit. Proinde rogamus te, Domine Deus noster, ut hæc creatura Salis in nomine Sanctissimæ Trinitatis efficiatur salutare Sacramentum, ad effugandum inimicum, quam tu sanctificando sanctifices, benedicendo benedicas: fiatque omnibus sumentibus perfecta medicina, permanens in visceribus eorum, in nomine ejusdem Domini nostri JESU Christi, qui venturus est judicare vivos & mortuos, & sæculum per ignem. Resp. Amen.

Deinde subjungit Exorcismum Aqua.

EXorcizo te creatura Aquæ, per DEUM verum, per Deum sanctum, per Deum totius sæculi creatorem: ut mundam te exhibeas contra omnem morbum, & insidias inimici; ut ubicunque fueris aspersa, sit Deo propitio defensa domus ipsa: & sicut defensæ fuerunt domus Hebræorum per signum sanguinis, sic defendantur, Domine, domus famulorum famularumque tuarum. In ipsius nomine exorcizo te, qui verbo suo fontes emanare præcepit. In ipsius nomine te exorcizo, quem Joannes baptizavit in te, ut te mundam & aptam ad benedicendum exhibeas, ut & omnis spiritus erroris, & omnes phantasiæ dæmonum per tuam asperisionem effugentur, & separentur, per eum, qui venturus est judicare vivos & mortuos, & sæculum per ignem. Resp. Amen.

Ore-

Oremus.

(*Cantando junctis manibus,*)

Domine Sancte, Pater omnipotens, æterne Deus, te suppliciter deprecamur, ut opem nobis mittere digneris, & sacerdotali officio da virtutem ad hanc creaturam salis & aquæ benedicendam: quam tu Domine, de summo Majestatis tuæ throno respicere, & per manus potentia tuæ benedicere dignare: ut quisquis ex ea gustaverit, nunquam moriatur, sed in æternum te sapiat, de te roboretur, de te sanitatem recipiat atque ad æterna dona per tuam gratiam pervenire mereatur. Per Christum Dominum nostrum. Resp. Amen.

Et statim in peculiari vase mittat Salem in aquam, in modum Crucis sine cantu dicens: Hæc commixtio salis & aquæ per virtutem individua Trinitatis & signum sanctæ Crucis salutifera efficiatur ad sanitatem animæ & corporis. Resp. Amen.

Oremus.

(*Cantando junctis manibus*)

Omnipotens sempiterne Deus, qui aquæ vivida creaturam, nobis à te conditam, mirabiliter distinxisti, ut liquorem simplicem ad lavacrum, salsam soliditatem præberes ad condimentum, quatenus & sordida possent ablui, & fatua imbui; quo & noxia tollerentur, & originalis error corrigeretur ad viam salutis: te officii nostri functione (quamvis immeriti) deprecamur, ut hæc salis & aquæ in nomine tuo facta permixtio, clementia tuæ dono sanctificetur: nec ullo contagio reddatur immundum, quod tua fieri credi

14 *Benedictio salis & aqua in Festo S. Stephani.*

mus Majestate beatum; sed ita per te plenum præbeat sanctificationis effectum, ut, ubicunque invocato tuo nomine manu fuerit emissa, vel quolibet modo assumpta, explosis manibus, expulsisque insidiis contrariæ potestatis, non solum diabolica machinamenta ex eodem loco fugata deficient, sed etiam Sanctorum Angelorum custodia semper inibi mansura consistat: præstante Deo qui cum unigenito Filio tuo, & Spiritu Sancto vivis & regnas.

Mox cantat more in Benedictionibus consueto, extensis ante pectus manibus, præfationem sequentem.

Vers. Per omnia Sæcula Sæculorum. Resp. Amen. Vers. Dominus vobiscum. Resp. Et cum Spiritu tuo. Vers. Sursum corda. Resp. Habemus ad Dominum. Vers. Gratias agamus Domino Deo nostro. Resp. Dignum & justum est. Verè dignum & justum est, æquum & salutare, nos tibi semper & ubique gratias agere: Domine Sancte, Pater omnipotens, æterne Deus: cui super Cherubim & Seraphim sublimi Throno sedenti i omnis profunditas abyssi & maria, terræque latitudo perspicua est: Deus, cujus æternis legibus omnis creatura concluditur: Deus, cujus voluntati quidquid resistit, infirmum est; & quidquid sævit inimicus, & immundus spiritus tuis sermonibus sanctis evictum est: Deus, qui malignorum spirituum destruis vires, & adversantia eorum tentamenta per famulos tuos potentes extinguis. Te Domine supplices exoramus, ut ad defensionem nostram placatus aspicias: & hujus salis & aquæ creaturam gratiâ tuæ benedi-

tio.

Etionis sanctifices : & necessariis purificationibus facias efficacem : ut quidquid fuerit liquore ejus aspersum ; ab omni immunditia spirituum immundorum vacuum fiat , & liberum : nihil ibi pestilentiam moribundum , nihil ullo errore inquietum : omne illic dæmonium , omnis adversaria potestas per hujus salis & aquæ asperfusionem deprecatione tuæ invocationis procul pellatur : nec ullas ibi diaboli ministrorumq; ejus insidias nocere , vel latere permittas , ubi de tuo auxilio præsumitur , & virtus tui nominis invocatur.

Quod sequitur , dicit planè legendo , ita tamen , ut à circumstantibus audiri possit. Per Dominum nostrum Jesum Christum Filium tuum , qui tecum vivit & regnat in unitate Spiritûs Sancti Deus , per omnia sæcula sæculorum. Resp. Amen.

Oremus.

(Cantando junctis manibus.)

SANCTE Domine , Creator omnium creaturarum , & totius naturæ artifex , & unus Magister gignentium , origo nationum , utilitāsque virtutum : cuius prudentia in hac quoque natura liquentes aquas cœlesti igne solidavit , ut hæc creatura humanis usibus admixta condiret , & in longiorem usum incorrupta servaret : da ei , Domine , exorantibus nobis , eam ex tua benedictione substantiam , ut , cujuscunque viscera penetraverit , effugiat ex his , atque expellat , quidquid erroris , confusionis , malignitatis ac fraudis diabolicæ , tentationis , malignitas infuderit ; omni hostis nostri infestatione depulsa ; ut in homine tantum , quod à te factum est , relinquatur. Per Dominum

16 *Benedictio vini in Festo S. Stephani.*

minum nostrum Iesum Christum Filium tuum,
qui tecum vivit & regnat in unitate Spiritus san-
cti Deus, per omnia sæcula sæculorum. Resp. A-
men.

Deinde conversus ad salem & aquam sine cantu dicit:

Benedictio DEI Patris, & Filii, & Spiritus
sancti, descendat super hanc creaturam salis &
aquæ, & maneat semper. Resp. Amen.

*Imponit incensum in thuribulum, benedicens more
solito:*

Ab illo benedicaris, &c.

Postea ter incensat in modum unius Crucis.

*Denique ex aqua, in peculiari vase sale permixta fiat
aspersio salis & hominum circumstantium.*

§.

Benedictio vini in die sancti Stephani

Proto. Martyris.

Verf. Adjutorium nostrum in nomine Domini.

Resp. Qui fecit cælum & terram.

Verf. Dominus vobiscum.

Resp. Et cum Spiritu tuo.

Verf. Sequentia sancti Evangelii secundum Jo-
annem.

Resp. Gloria tibi Domine.

In principio erat verbum, & verbum erat apud
Deum &c.

Psalmus. 66.

Deus misereatur nostri: & benedicat nobis. &c.

Benedictio.

Benedico te creatura vini, in nomine Patris,
& Filii, & Spiritus sancti. Et per virtutem
Domi-

Dominicæ Passionis & Resurrectionis à mortuis-
ut sanctificata Verbo Dei benedictionem assu-
mas, omnesque invaletudines & infirmitates
membrorum nostrorum repellas, & quicumque
ex te sumperint, & gustaverint, sis eis in tutelam
mentis & corporis. In honorem Domini nostri
Jesu Christi, & per intercessionem Protomarty-
ris divi Stephani, qui primò fudit sanguinem
suum pro nomine ejusdem, & Catholicæ fidei,
constantissimèque perseveravit in finem usque.
Sic una tota Trinitas perseverare faciat nos nunc
& semper, per infinita sæcula sæculorum. Amen
Aspergatur aqua benedicta dicendo:

Benedictio Dei Patris, & Filii, & Spiritus
sancti descendat super hanc creaturam. *R.* Amen.

Deinde in propinando vinum in calice, dicit:

Bibe fortitudinem sancti Stephani in nomine
Patris, & Filii, & Spiritus sancti. Amen.

6.

*Benedictio Avenæ, hordei &c. in Festo
sancti Stephani.*

Vers. Adjutorium nostrum &c.

Resp. Qui fecit cælum &c.

Vers. Domine exaudi &c.

Resp. Et clamor meus &c.

Vers. Dominus vobiscum.

Resp. Et cum Spiritu tuo.

Oremus.

Domine Jesu Christe, qui es conditor &
Creator cunctorum, qui universa ex nihilo
creasti: exaudi preces nostras, ut hanc avenam
cuncta

cunctaque semina, quæ populus attulit, benedicere & sanctificare digneris, ut quodcunque animal ex ea gustaverit, in tua benedictione ubique maneat, & per eam sanitatem & fortitudinem cunctis temporibus adipisci mereatur. Insuper clementiam tuam suppliciter deprecamur, ut ubicunque seminata fuerint, sive in hortis, sive in campis, nec ærugo, nec rubigo, nec tineæ nec vermes nocturni, nec grando, nec aliqua tempestas, vel aura corrumpens eisdem tua benedictione protegente nocere valeant. Per Christum Dominum &c.

Exorcismus.

EXorcizo te, creatura avenæ (hordei, filiginis, & aliarum frugum) quas populus Domini ad benedicendum in hac sacra die attulit, in nomine DEI Patris, qui est sine initio, & sapientis sanctissimi Filii, qui assumens carnis nostræ formam redemit nos de diabolica potestate, & in nomine Bonitatis Spiritus sancti Paraclyti, qui virtute sua totius mundi machinam gubernat. Item exorcizo te universum semen quodcunque apportatum est ad benedictionem, in nomine SS. Trinitatis unius, ad cuius imperium cuncta sunt creata & creantur omnia præsentia, præterita & futura, ut sit semen exorcizatum & consecratum ad utilitatem humani generis, ut ex eo seminantes multiplicem fructum percipere mereantur; insuper animalia sua ex eo palcentes. Quæcunque ex hac avena, vel universo semine quodcunque in hac consecratione fuerit, gustaverint, periculum quodcunque per circulum anni non sen-

Benedictio Vini in Festo S. Joannis Evangelistæ. 1.

sentiant sibi nociturum, adjutorio Domini nostri Jesu Christi, qui venturus est judicare vivos & mortuos, & sæculum per ignem. Amen.

Oremus.

Deus, qui temporibus Eliæ Prophetæ cælum à nubibus restringendo clausisti, & rursus aperiendo te mirabilem ostendisti: exaudi preces plebis tuæ per Unigenitum tuum, quem substantialem & coæqualem tibi in Divinitate credimus, & per Spiritum sanctum Paraclytum, quem ab utroque procedere confitemur, & per merita beatissimi Protomartyris Stephani, cujus hodie festum colimus, ut benedicas, & sanctifices hanc avenam, hordeum, siliginem, & quæ sint præterea, ut quæcunque animalia ex eis gustaverint, adjutorium sanitatis & incolumitatis recipiant, per te Domine sancte Pater, qui cum Filio & Spiritu sancto vivis & regnas Deus, per omnia sæcula sæculorum, Amen.

Et Benedictio Dei Patris omnipotentis, & Filii, & Spiritus sancti descendat super hanc avenam (hordeum, siliginem) & reliqua *si præterea sint semina*, Amen.

Aspergantur aquâ benedicta.

7.

Benedictio Vini in Festo S. Joannis Evangelistæ.

Adjutorium &c. Dominus vobiscum &c.

Vers. Initium S. Evangelii secundum Joannem.

Resp. Gloria tibi Domine.

in principio erat verbum &c, ut infra.

B 2

Psalm.

Psalmus 22.

Dominus regit me, & nihil mihi deerit : in loco pascuæ ibi me collocavit.

Super aquam refectiois educavit me : animam meam convertit.

Deduxit me super semitas justitiæ : propter nomen suum.

Nam, etsi ambulavero in medio umbræ mortis, non timebo mala : quoniam tu mecum es.

Virga tua & baculus tuus : ipsa me consolata sunt.

Parâsti in conspectu meo mensam : adversus eos, qui tribulant me.

Impinguâsti in oleo caput meum : & calix meus inebrians, quàm præclarus est ?

Et misericordia tua subsequetur me : omnibus diebus vitæ meæ.

Et ut inhabitem in domo Domini : in longitudinem dierum.

Gloria Patri &c.

Kyrie eleyson. Christe eleyson. Kyrie eleyson. Pater noster &c.

Vers. Et ne nos inducas in tentationem.

Resp. Sed libera nos à malo.

Vers. Salvos fac fideles tuos.

Resp. Deus meus, sperantes in te.

Vers. Esto nobis Domine turris fortitudinis.

Resp. A facie inimici.

Vers. Gustate & videte, quoniam suavis est Dominus.

Resp. Beatus vir, qui sperat in eo.

Vers. Et si mortiferum quid biberint.

Resp. Non eis nocebit.

Vers

Ÿ. Domine exaudi &c. Dominus vobiscum &c.
Oremus.

Deus & Pater Domini nostri JESU Christi, cujus imperio cœli firmati sunt, cui omnis creatura deservit, & omnis potestas subjecta est, & metuit, & expavescit: nos te in auxilium nostrum invocamus, cujus audito nomine serpens con- quiescit, draco fugit, vipera fileat, & subdola illa quæ dicitur rana, inquieta torpescit, scorpio ex- tinguitur, regulus vincitur, squalangus nihil no- xium operatur, & omnia venenata & adhuc for- tiora animalia noxia terrentur. Tu, Domine, extingue omnes diabolicas fraudes, & omnes humano generi adversantes nequitias, & hunc liquorem vini, per intercessionem Sancti Joan- nis Evangelistæ, tuâ virtute benedicto; & om- nes ex eo gustantes, meritis & precibus sanctissi- mæ Dei Genitricis Mariæ & omnium SS. tuorum intervenientibus, ab omni malo custodias, & ad regnum gloriæ tuæ perducas. Per Dominum &c.
Oremus.

Deus, qui mirabili potentiâ vinum producis ex vite, ut inde exhilaretur cor hominis; qui mirabili potentiâ in Cana Galilææ, ad po- tandum, nuptiali populo aquam convertisti in vinum; quique mirabilissimâ Potentiâ per ma- nus sacerdotum, elementum vini quotidie in sa- cratissimum tuum transformas sanguinem: Deus, cujus potestate Joannes Evangelistæ vene- noli potûs digessit toxicum, benedicare digna- re hanc creaturam vini, ut omnes ex eo gustan- tes expulso toto genere nocivo, infuso tuæ be-
B 3 netdic.

22 *Bened. Domorum in Profesto Circumcisionis D.N. J.C.*
in dictationis mysterio, in anima & corpore me-
reantur misericorditer exhilarari, Per Domi-
num nostrum &c.

Oremus,

BEati Joannis Evangelistæ, quæsumus Domine
supplicatione placatus, & veniam nobis tri-
bue, & remedia æterna concede. Per Domi-
num nostrum &c,

Et Benedictio DEI Patris omnipotentis, &
Filii, & Spiritûs sancti descendat super hunc
liquorem vini & maneat semper. Resp. Amen.

Aspergatur.

Deinde sacerdos tradens populo ad bibendum dicat:

Bibe amorem S. Joannis, in nomine Patris, &
Filii, & Spiritûs sancti. Amen.

8.

Benedictio & thurificatio domorum in Pro-
festo Circumcisionis D.N. Jesu Christi.

Ant. Ecce Maria genuit nobis salvatorem,
quem Joannes videns exclamavit, dicens: Ecce
Agnus Dei, ecce, qui tollit peccata mundi, alle-
luja. *Psalm. 50.*

Miserere mei &c.

Magnificat &c. Ut suprâ in Vigilia Nativita-
tis, fol. 9. & 10.

Quibus finitis subjungitur:

Antiph. Ecce Maria &c.

Vers. Dominus vobiscum. Resp. Et cum Spirit. &c
Oremus.

DEus qui salutis æternæ Beatæ Mariæ Virgini-
tate fœcunda, humano generi præmia præ-
stitisti

Benedictio Domorum in vigilia Epiphaniæ 23

stitisti, tribue quæsumus, ut ipsam pro nobis intercedere sentiamus, per quam meruimus auctorem vitæ suscipere Dominum nostrum Jesum Christum filium tuum, qui tecum vivit & regnat in sæcula sæculorum Amen.

Vers. Divinum auxilium maneat semper nobiscum. Resp. Amen.

9.

Benedictio & thurificatio domorum in vigilia Epiphaniæ Domini.

Antiph. Apertis thesauris suis obtulerunt Magi Domino aurum, thus & myrrham, alleluja.

Psalmus. Miserere &c.

Magnificat &c. ut suprâ,

Antiphona. Apertis thesauris &c.

Vers. Dominus vobiscum, &c.

Oremus.

DEus, qui hodierna die unigenitum tuum gentibus, stellâ duce, revelâsti: concede propitius, ut, qui jam te ex fide cognovimus, usque ad contemplandam speciem tuæ celsitudinis perducamur. Per eundem Christum Dominum nostrum. Resp. Amen.

Vers. Divinum auxilium maneat semper nobiscum. Amen.

10.

Benedictio Cretæ.

Vers. Adjutorium nostrum in nomine Domini.

Resp. Qui fecit cœlum & terram.

Vers. Dominus vobiscum.

Resp. Et cum Spiritu tuo.

B 4

Ore.

Oremus.

Benedic† Domine Deus creaturam istam Creaturæ, ut sit salutaris humano generi, & præsta per invocationem nominis tui sanctissimi, ut, quicumque ex ea sumperint, vel eâ in domûs suæ portis scripserint nomina sanctorum tuorum Caspari, Melchioris, & Balthasari, per eorum intercessionem & merita corporis sanitatem, & animæ tutelam percipiant. Per Christum Dominum nostrum. Resp. Amen.

Aspergatur.

II.

Benedictio Aquæ in Vigilia Epiphaniæ, vel trium Regum,

*M*ira virtutis contra diabolum & omnes tam naturales quàm innaturales infirmitates atque præstigia à sancto Chrysostomo Homil. de Bapt. Christi commendata, ut inter alios meminit Gretserus S. 9. l. 2. Benedict. cap. 10. ideo conveniens foret, ut fieret etiam in Dominicis quatuor temporum, quibus plebs curat saltem benedici, vel alio quocunque die

Verf. Hodie cœli aperti sunt: & mare dulce factum est; terra exultat, montes & colles lætantur, quâ à Joanne in Jordane Christus baptizatus est.

Resp. Quid est tibi mare, quodd fugisti: & tu Jordanis; quia conversus es retrorsum! Quia

Finito Responsorio dicatur.

Antiphon. Vox Domini super aquas alleluja
Deus Majestatis intonuit: Allel.

Psal.

Psalmus 28.

Afferte Domino Filii Dei: afferte Domino filios arietum.

Afferte Domino gloriam & honorem, Afferte Domino gloriam nomini ejus: adorete Dominum in atrio sancto ejus.

Vox Domini super aquas, Deus Majestatis intonuit: Dominus super aquas multas.

Vox Domini in virtute: Vox Domini in magnificentia.

Vox Domini confringentis cedros: & confringet Dominus cedros Libani.

Et comminuet eas tanquam vitulum Libani: & dilectus quemadmodum filius unicornium.

Vox Domini intercidentis flammam ignis, Vox Domini concutientis desertum: & commovebit Dominus desertum Cades.

Vox Domini præparantis cervos, & revelabit condensa: & in Templo ejus omnes dicent gloriam.

Dominus diluvium inhabitare facit: & sedebit Dominus Rex in æternum.

Dominus virtutem populo suo dabit: Dominus benedicet populo suo in pace.

Iterum resumitur Antiph. Vox Domini.

Antiphon. In Ecclesiis benedicite Dominum; alleluja, de fontibus Israel, alleluja,

Psalmus 67.

EXurgat Deus, & dissipentur inimici ejus: & fugiant, qui oderunt eum, à facie ejus.

Sicut deficit fumus, deficient: sicut fluit cera à facie ignis: sic pereant peccatores à facie Dei.

Et iusti epulentur, & exultent in conspectu Dei: & delectentur in lætitia.

Cantate Deo, psalmum dicite nomini ejus: iter facite ei, qui ascendit super occasum: Dominus nomen illi,

Exultate in conspectu ejus, turbabuntur à facie ejus, patris orphanorum, & judicis viduarum,

Deus in loco sancto suo: Deus, qui inhabitare facit unius moris in domo.

Qui educit vinctos in fortitudine, similiter eos, qui exasperant, qui habitant in sepulchris.

Deus, cum egrederis in conspectu populi tui, cum pertransires in deserto.

Terra mota est, etenim cœli distillaverunt à facie Dei Sinai: à facie Dei Israel.

Pluviam voluntariam segregabis Deus hæreditati tuæ: & infirmata est, tu verò perfecisti eam.

Animalia tua habitabunt in ea: parasti in dulcedine tua pauperi Deus.

Dominus dabit verbum evangelizantibus, virtute multa.

Rex virtutum dilecti dilecti: & speciei domus dividere spolia.

Si dormiatis inter medios cleros, pennæ columbæ deargentatæ, & posteriora dorsi ejus in pallore auri.

Dum discernit cœlestis reges super eam nive dealbabuntur in Selmon: mons Dei, mons pinguis.

Mons coagulatus, mons pinguis: ut quid suspicamini montes coagulatos?

Mons

Mons in quo beneplacitum est Deo habitare in eo: etenim Dominus habitabit in finem.

Currus Dei decem millibus multiplex, millia lætantium: Dominus in eis, in Sina, in Sancto.

Ascendisti in altum, cepisti captivitatem: accepisti dona in hominibus.

Etenim non credentes, inhabitare Dominum Deum.

Benedictus Dominus die quotidie: prosperum iter faciet nobis Deus salutarium nostrorum.

Deus noster, Deus salvos faciendi: & Domini Domini exitus mortis.

Verumtamen Deus confringet capita inimicorum suorum: verticem capilli perambulanti-um in delictis suis.

Dixit Dominus: ex Bafan convertam, convertam in profundum maris.

Ut intingatur pes tuus in sanguine: lingua canum tuorum ex inimicis ab ipso.

Viderunt ingressus tuos Deus, ingressus Dei mei: Regis mei, qui est in sancto.

Prævenerunt principes conjuncti psallentibus, in medio juvenularum tympanistiarum.

In Ecclesiis benedicite Deo Domino, de fontibus Israel.

Ibi Benjamin adolescentulus, in mentis excessu.

Principes Juda, duces eorum: principes Zabulon, principes Nephthali.

Manda Deus virtuti tuæ: confirma hoc Deus, quod operatus es in nobis.

A tem-

A templo tuo in Jerusalem, tibi offerent reges munera.

Increpa feras arundinis, congregatio tauro-
rum in vaccis populorum: ut excludant eos, qui
probatifunt argento.

Dissipa Gentes, quæ bella volunt: venient le-
gati ex Ægypto: Æthiopia præveniet manus e-
jus Deo.

Regna terræ, cantate Deo: psallite Domino.
Psallite Deo, qui ascendit super cælum cæli, ad
Orientem.

Ecce dabit voci suæ vocem virtutis, date glo-
riam Deo super Israel, magnificentia ejus, & vir-
tus ejus in nubibus.

Mirabilis Deus in sanctis suis. Deus Israel ipse
dabit virtutem & fortitudinem plebi suæ: Bene-
dictus Deus.

Iterum resumitur Antiph in Ecclesiis.

Antiphon. Ipse liberavit me: alleluja, de laqueo
venantium: alleluja.

Psalmus 90.

Qui habitat in adjutorio altissimi: in prote-
ctione Dei cæli commorabitur.

Dicet Domino: susceptor meus es tu, & refu-
gium meum: Deus meus sperabo in eum.

Quoniam ipse liberavit me de laqueo venan-
tium: & à verbo aspero.

Scapulis suis obumbrabit tibi: & sub pennis
ejus sperabis.

Scuto circumdabit te veritas ejus, non timebis
à timore nocturno.

A sagitta volante in die, à negotio perambu-
lante

lante in tenebris : ab incurſu , & dæmoni o meri-
diano.

Cadent à latere tuo mille , & decem millia à
dextris tuis : ad te autem non appropinquabit.

Verumtamen oculis tuis conſiderabis : & re-
tributionem peccatorum videbis.

Quoniam tu es Domine ſpes mea : altiffimum
poſuiſti refugium tuum.

Non accedet ad te malum : & flagellum non
appropinquabit tabernaculo tuo.

Quoniam Angelis ſuis mandavit de te : ut
cuſtodiant te in omnibus viis tuis.

In manibus portabunt te : ne fortè offendas
ad lapidem pedem tuum.

Super aſpidem & baſiliſcum ambulabis : &
conculcabis leonem & draconem.

Quoniam in me ſperavit , liberabo eum : pro-
tegam eum , quoniam cognovit nomen meum.

Clamabit ad me , & ego exaudiam eum : cum
ipſo ſum in tribulatione : eripiam eum & glorifi-
cabo eum.

Longitudine dierum replebo eum : & oſten-
dam illi ſalutare meum.

Iterum reſumitur Antiph. Ipſe liberavit &c.

*Quibus finitis ſacerdos ſic dicit : Exaudi nos Do-
mine, deinde ſequitur : quoniam benigna eſt miſe-
ricordia tua : & ſecundùm multitudinem miſe-
rationum tuarum reſpice nos Domine.*

*Verſ. Salvum me fac Deus , quoniam intrave-
runt aquæ.*

Reſp. Uſque ad animam meam.

Verſ. Gloria Patri & Filio , & Spiritui Sancto

Reſp.

30 *Benedictio Aqua in vigilia Epiphania.*

Resp. Sicut erat in principio, & nunc & semper,
& in sæcula sæculorum, Amen.

Vers. Exaudi nos Domine.

Resp. Quoniam benigna est misericordia tua: &
secundum multitudinem miserationum tua-
rum respice nos Domine.

*Litania de omnibus Sanctis, ut in fine, in quibus post
verba: ut nobis indulgeas: addatur.*

Ut hanc aquam benedicere† digneris, te ro-
gamus, audi nos.

Ut hanc aquam benediceret, & sanctificare
digneris, te rogamus &c.

Ut hanc aquam benedicere, & sanctificare
& consecrare digneris, te rogamus &c.

*Finitis litanis sacerdos, qui facit officium, dicat: Pa-
ter noster.*

Vers. Et ne nos inducas in tentationem.

Resp. Sed libera nos à malo.

Vers. Salvos nos fac, Domine Deus noster.

Resp. Et congrega nos de nationibus.

Vers. Ut confiteamur nomini sancto tuo.

Resp. Et gloriemur in laude tua.

Vers. Benedictus Dominus Deus Israel à sæculo.

Resp. Et usque in sæculum, fiat, fiat.

Sufflat in aquam tribus vicibus, sic dicendo:

Exsufflo te omnis legio satanæ in nomine
Patris, & Filii, & Spiritus† sancti.

Exorcismus.

EXorcizo te creatura aquæ: in nomine Pat-
tris, & Filii, & Spiritus† sancti, ne te com-
munices ulli spiritui immundo, sed dabis hono-
rem viventi, atque regnanti Patri, & Filio, &
Spiri-

Spiritui sancto : ubicunque aspersa fueris, spiritus immundus ab eo loco recedat. Itaque adjuro te creatura aquæ, in nomine Jesu Christi Nazareni Filii Dei vivi, regis, & judicis nostri: ut sis purgatio, & sanctificatio hominum, quos Deus ad suam sanctam gratiam vocare dignatus est. Te ergò invoco, Domine sancte, Pater omnipotens, æterne Deus, ut hanc aquam exorcizare, & benedicere pro tua pietate digneris: ut omnis immundus spiritus locum in ea, ultra non habeat, vel potestatem: sed ubicunque aspersa fuerit, Angelorum tuorum ibi descendat exercitus. Per eum, qui venturus est judicare vivos, & mortuos, & sæculum per ignem. Resp. Amen.

Deinde dicat.

Lectio libri Numeri.

IN diebus illis convenerunt filii Israel adversum Moysen & Aaron: & versi in seditionem, dixerunt: da nobis aquam ut bibamus, ingressusque Moyses & Aaron, dimissa multitidine, ante tabernaculum fœderis, corruerunt proni in terram, clamaveruntque ad Dominum, atque dixerunt: exaudi clamorem hujus populi, & aperi eis thesaurum tuum fontem aquæ vivæ, ut satiati, cesset murmuratio eorum: & apparuit gloria Domini super eos.

Sequitur Tractus.

Ultimo Festivitatis die dicebat Jesus: qui in me credunt: flumina de ventre ejus fluent aquæ vivæ. Hoc autem dixit de spiritu, quem accipienturi erant credentes in eum, Alleluja, Alleluja.
Vers.

32 *Benedictio Aqua in vigilia Epiphania.*

Vers. Qui sitit, veniat ad me, & bibat: & de ventre ejus fluent aquæ vivæ. Hoc autem &c. Alleluja.

Vers. Vox Domini super aquas, Deus Majestatis intonuit: super aquas multas. Alleluja *Postea legat*

Sequentia sancti Evangelii secundum Joannem.

In illo tempore, in novissimo autem die magno festivitatis stabat Jesus & clamabat, dicens: si quis sitit, veniat ad me, & bibat. Qui credit in me, sicut dicit scriptura, flumina de ventre ejus fluent aquæ vivæ. Hoc autem dixit de Spiritu, quem accepturi erant credentes in eum,

Exorcismus aquæ.

Exorcizo te, creatura aquæ, per Deum † vivum: per Deum † verum: per Deum † sanctum; per Deum † totius creaturæ, ut te mundam exhibeas contra omnem morbum, atque insidias inimici: ac diabolicas potestates. Ut ubicunque aspersa fueris, sit, propitio Deo, defensa domus ipsa, & sicut defensæ fuerunt in Ægypto domus Hebræorum per signum sanguinis Agni, sic defendantur, Domine, domus Famulorum, Famularumque tuarum, per asperisionem hujus aquæ. In ipsius nomine te exorcizo, qui filios Israel per medium maris eduxit. In ipsius nomine te exorcizo, qui super te suis sanctis pedibus ambulavit. Et in ipsius nomine te exorcizo, quem Joannes in te baptizavit: ut omnis spiritus erroris & omnes phantasie dæmonum, per te aspersæ effugiant, & separentur de eodem loco. Per eundem Dominum nostrum Jesum Christum
filius

filium tuum, qui venturus est judicare vivos & mortuos, & sæculum per ignem. Resp. Amen.

Sequitur alius Exorcismus.

EXorcizo te creatura aquæ, in nomine DEI Patris omnipotentis: & in nomine Domini nostri Jesu Christi: ut omnis immundus spiritus, vel incurio satanæ separentur à creatura aquæ. Proinde ergò efficere aqua exorcizata ad effugandum omne phantasma inimici; & ipsum inimicum eradicare valeas, in nomine DEI Patris omnipotentis, qui cum eodem Filio suo, & Spiritu sancto, vivit & regnat in sæcula sæculorum. Resp. Amen.

Oratio.

Benedic Domine, hanc aquam benedictione cœlesti, & assistat super eam virtus Spiritus sancti, ut ubicunque aspersa fuerit, longè recedat virtus inimicorum, umbra phantasmatum, incurio turbinum, percussio fulminum, læsio tonitruorum, calamitas tempestatum, omnis denique spiritus procellarum, te ipso benedicente, effugetur. Qui vivis & regnas in sæcula sæculorum. Amen.

Oratio super salem.

Virtutis tuæ invictam fortitudinem deprecor, Domine sancte, Pater omnipotens, æterne DEUS, super hoc sal, cui non minimam gratiam conferre dignatus es, ut ex illo possint universa condiri, quæ hominibus ad escam per tuum Filium, Dominum nostrum procreati iussisti, per quem te Domine supplices exoramus: ut sal istud sanctificare, & benedicere, & consecrare

pro tua pietate digneris : ut ex vultu divinæ Majestatis tuæ virtutem tuam contra omnes immundos spiritus possit accipere. Expellat de tabernaculis famulorum , famularumque tuarum, quidquid potest pestiferum esse, & exhibeat plenum salutis effectum. Deterreat præstigia, phantasmataque compescat, per signum sanctæ Crucis Filii tui Domini nostri, & tutelam fidelissimam desiderantibus præstet, per hoc tuum Domine JESU Christe signaculum, quod nullius dolus, nullius pertinacia designavit.

Alia Benedictio salis.

Benedico te creatura salis in nomine Patris & Filii & Spiritus sancti, qui te ad tutelam humani generis procreavit : & populo venienti ad credulitatem per servos consecrari præcepit. Proinde rogamus te Domine DEUS noster, ut hæc creatura salis in nomine sanctæ Trinitatis efficiatur salutare Sacramentum : sitque perfecta medicina in visceribus fidelium tuorum. Per eum, qui venturus est judicare vivos & mortuos, & sæculum per ignem, Amen.

Oratio super sal legenda.

Intuere Domine hanc creaturam salis, quam u-
sibus humani generis tribuisti ; & petimus omnipotens æterne DEUS per signum Crucis unigeniti Filii tui Domini nostri JESU Christi : ut, ubicunque aspersa fuerit aqua, hoc sale commixta, sit efficax ad evacuandam omnem adversariam potestatem inimici. Consummet & arefaciat, nihilque ibi remaneat immundum, nihil pestiferum : sed ad invocationem nominis
tui

tui, sit nobis mundum ac benedictum. Per eum, qui venturus est judicare vivos & mortuos, & sæculum per ignem. Amen.

Exorcismus.

EXorcizo te creatura salis, per DEUM⁺ vivum per DEUM⁺ verum, per DEUM⁺ sanctum per DEUM totius creatorem: per eum, qui te per Elisæum Prophetam in aquam mitti jussit, ut sanaretur sterilitas aquæ. Qui per Apostolum Paulum dicere dignatus est: sit cor vestrum sale conditum. Ideoque efficere sal ad exorcizandum, ad evacuandum, & expellendum inimicum, omnemque virtutem & putredinem ejus, in nomine Domini nostri Jesu Christi, qui venturus est judicare vivos & mortuos &c.

Oremus.

Dominus & salvator noster Jesus, antequam ad cœlos ascenderet, Apostolis suis mandavit, dicens: Habete in vobis sal, & pacem habete inter vos, *Hic ponat sal in aquam dicens:* Hæc commixtio salis & aquæ pariter fiat in nomine Pa⁺tris, & Fi⁺lii, & Spiritus⁺ sancti: & in virtute Domini nostri Jesu Christi; cui est honor & gloria in sæcula sæculorum, Amen.

Exorcismus

EXorcizo te creatura salis & aquæ in nomine Pa⁺tris, & Fi⁺lii, & Spiritus⁺ sancti, Exorcizo te per DEUM vivum, exorcizo te per Crucifixum, exorcizo te per Spiritum sanctum. Per eum te exorcizo, qui per Elisæum Prophetam sal in aquam mitti jussit, dicens: hæc dicit Dominus; sanabitur aqua ista, & non erit in ea

mors, neque sterilitas. Per ipsius nomen te adiuro, qui divina voce oris sui Apostolis suis locutus est dicens: vos estis sal terræ: & cor vestrum sit sale conditum. Ut omnes, qui ex te sumpserint, sint sanctificati in animabus & corporibus. Ut ubicunque aspersa fueris, effuges inimicum, & præstes omnibus remissionem peccatorum, expellas insidias, & excludas omnes dæmonum tentationes. Te autem Conditor, & restaurator omnium elementorum tuorum, qui hæc fluentia tuo nomine sanctificata, ad purificationem locorum proficere iussisti, deprecor, ut Nominis tui invocata Majestatem gratiam Spiritûs sancti hæc aqua accipiat, valeatque ad expellendas diabolicas artes, per manus fervorum tuorum aspersa, & per sanctificationem, quam tu Domine sanctificando sanctificas, & benedicens benedixisti. Ut omnis immundus spiritus aspersione hujus aquæ repulsus & confusus discedat, & omnis incursum sathanæ, & omne phantasma, omnisque immunditia, & putredo inimicorum longè recedat, nec consistendi, aut resistendi habeat potestatem, nec in eodem loco standi, aut commorandi, sed victus & destructus abscedat diabolus cum omni pompa sua, per virtutem & gloriam Domini nostri Jesu Christi, qui venturus est judicare vivos & mortuos, & sæculum per ignem. Amen.

Sequitur:

EXorcizo te creatura aquæ sale conspersa per DEUM vivum, per DEUM totius creaturæ, qui te in principio separavit ab arida, & in qua-
tuor

tuor flumina dividere dignatus est, ut ubicunque portata, vel aspersa fueris, effugetur, & separetur inimicus, & omnis putredo ejus: ut sit ipsa domus DEO dicata, per virtutem Domini nostri JEsu Christi, qui venturus est judicare vivos &c.

Item super aquam.

TE autem, creatura aquæ adjuro per DEUM vivum, per DEUM verum, per DEUM sanctum: per eum te adjuro, qui te in principio separavit ab arida; adjuro te per DEUM vivum, qui te de fonte paradisi manare fecit, *hic dividat aquam in quatuor partes,* & in quatuor fluminibus exire jussit, & totam terram rigare præcepit. Adjuro te per eum, qui te in Cana Galilææ suâ potentiâ convertit in vinum; qui super te suis sanctis pedibus ambulavit; qui tibi nomen imposuit Syloe. Adjuro te per eum, qui in te Naaman Syrum à sua lepra per manum Elisæi Prophetæ mundavit, *hic tangat aquam dicens: Aqua sancta, atque benedicta, Aqua lavans sordes, & mundans peccata, hic extrahat manum.* Adjuro te per DEUM vivum, ut te mundam exhibeas, nec aliquam phantasiâ in te retineas, sed efficiaris exorcizata, ad effugandum inimicum, & omnes actus fulguris, ut ubicunque aspersa fueris, sive in domo, sive in vineis, sive in seminatis campis, sive in fructibus, sive in angulis cubiculorum, sive in navibus, sive in puteis, vel si quis ex te gustaverit, fias ei defensio, & remedium sanitatis, ipse quoque diabolus elongetur, & separetur, quantum elongatum est cælum à terra, lux à tenebris,

nebris, veritas à mendacio, justitia ab injustitia;
dulce ab amaro, tantum elongetur, & separetur
ille immundus spiritus ab habitationibus famu-
lorum, famularumque DEI, per nomen Domini
nostri JESU Christi, qui cum Patre & Spiritu san-
cto vivit & regnat per omnia sæcula sæculorum.
Resp. Amen.

Vers. Dominus vobiscum. Resp. Et cum Spirit.

Vers. Sursum corda. Resp. Habemus ad Dom.

Vers. Gratias agamus Domino Deo nostro.

Resp. Dignum & justum est.

Verè dignum & justum est, æquum & saluta-
re. nos tibi semper & ubique gratias agere, Do-
mine Deus cœli & terræ, cujus virtuti subdita
sunt universa, cujus verbô creata sunt omnia, su-
permitte, quæsumus, virtutem Spiritûs sancti
tui super hanc creaturam, ut fiat aqua sanctifi-
cata in nomine Patris, & Filii, & Spiritûs
sancti. Te igitur omnipotens DEUS altissima
salus, & respector perpetuus, humiliter roga-
mus, & petimus, ut nos exaudias, & miserearis
precibus nostris, quatenus ubicunque hæc aqua
asperfa fuerit, fiat, te jubente, causa purificatio-
nis, habeat quoque perpetuam gratiam ipsa do-
mus, fidem rectam, gaudium verum, honorem
perpetuum, ut omnes malevoli, & invidi spiri-
tus ab ea expellantur, & separentur per Christum
Dominum nostrum, Amen.

Iterumque te alloquor aqua, quæ lucis simili-
tudinem habes, tu sub cœlo, tu super cœlum,
tu sub terra, tu super terram, super te invoco
nomen sanctum, atque mirabile DEI omni-
potentis

tentis, qui te suâ potentiâ convertit in vinum suspendit super cælos, congregavit in terra, miscuit in mari, qui te arcanis & velocibus ventis pluere præcepit, & ad usum hominum lavacrum dedit, & sitientibus potum subministravit, super aquam etiam spiritus Domini non solum ferebatur, sed etiam fertur. Adjuro ergò te creatura aquæ per septiformem spiritum DEI vivi. Adjuro te per novem ordines Angelorum. Adjuro te per vocem tonitruï coruscationis tremendi cœlestis Regis. Adjuro te per lignum mysterii, de quo aqua percussa statim dulcis facta est. Adjuro te per eum, qui omnia creavit, ne contemnas vocem humilitatis meæ, sed expellas omnem umbram, omnes satellites adversariorum, omnes machinationes diaboli, sive spirituum immundorum sive damnatorum, sive errantium, sive ex invocatione magicæ artis, sive præcantatorum argumenta, sive draconum, & omnium volucrum, vel viperarum, quia imperat tibi Dominus JESUS CHRISTUS Filius DEI vivi, quòd mox, ut aspersa fueris, in nomine DEI Sabaoth, sive in hominibus, sive in domibus, sive in vineis, sive pecoribus, vel quibuslibet animantibus, sive in seminatis campis, sive in qualicunque creatura universali, quocunque loco aspersa fueris, sive super infirmum, vel languentem, sive in potum data fueris homini in valetudine detento, aut maligni spiritus infestatione percusso, mox expellas & excludas omne malignum, ut possit homo velocius salvus fieri per virtutem D. N. JESU CHRISTI, qui neque dici, neque

scribi, neque combinari potest, cui nomen est **DEUS**. Tu autem Domine, qui per Angelum tuum fontem Agar ostendisti & ex eo Ismael sitientem potâsti, qui pueri tui Abrahæ in Mesopotamia preces exaudisti, & omnia desideria cordis ejus implevisti, qui famulo tuo Moyfi in deserto eremi petram percutere, & ex ea aquam producere, & populum rigare iussisti. *Sequens versus ter dicatur.*

Qui aquam amaram immisso ligno dulcorasti:

Antiph. Baptizatur Christus, & sanctificatur omnis mundus, & tribuit nobis remissionem peccatorum, aquâ & spiritu omnes purificamur.

Antiph. Baptizat miles Regem, servus Dominum suum, Joannes salvatorem, aqua Jordanis stupuit, columba protestatur, paterna vox audita est: Hic est filius meus.

Sacerdos dicat hanc orationem.

Benedicere & sanctificare digneris, hanc creaturam aquæ in nomine Patris, & Filii, & Spiritus sancti, ubicunque aspersa fuerit in nomine tuo, omnes jaculationes sævas inimici expellat. Illud etiam rogamus, & petimus Deus omnipotens, ut sicut ad domum Raguelis sanctum Angelum tuum Raphaellem mittere dignatus es, ut Asmodæum dæmonem alligaret: simile quoque beneficium domibus nostris donare digneris: ubicunque hæc unda aspersa fuerit, nunquam malignus spiritus in eadem domo consistendi, vel commorandi habeat potestatem, sed confusus protinus & destructus abscedat. Per Christum Dominum nostrum, per quem Majestatem

statem tuam laudant Angeli, adorant Dominationes, tremunt potestates, cœli cœlorumque virtutes, ac beata Seraphim socia exultatione concelebrant. Cum quibus & nostras voces, ut admitti jubeas, deprecamur, supplici confessione dicentes: sanctus, sanctus, sanctus Dominus Deus Sabaoth &c.

Exorcizo te, spiritus immunde per DEUM vivum, qui fecit cœlum & terram, mare, & omnia quæ in eis sunt: ut omnes virtutes adversarii, omnes exercitus diaboli, omnes incurfus, & omnia phantasmata inimici eradicentur, & effugiant ab hac creatura salis & aquæ, ut sit sancta & salutifera & ignis ardens adversus omnes insidias inimici. Ut ubicunque portata, vel aspersa fuerit hæc creatura salis & aquæ, sit sanitas, sinceritas & corporis medicina, ut effugiat omnis infirmitas, fulgura quoque & grandines ab aspersione hujus aquæ separentur, & effugiant & elongentur. Per eum, qui venturus est judicare vivos & mortuos, & sæculum per ignem.

Oremus.

VErè sanctus, verè benedictus, terribilis, metuendus, & adorandus es, Domine Deus noster: ab occultis nostris munda nos, & ab alienis parce servistuis: ut cum fiducia valeamus dicere orationem illam regalem, quam Dominus & Salvator noster per Evangelium suum orare docuit dicens: Pater noster, qui es in cœlis, sanctificetur nomen tuum, adveniat regnum tuum, fiat voluntas tua sicut in cœlo & in terra. Panem nostrum quotidianum da nobis hodie, &

dimitte nobis debita nostra, sicut & nos dimittimus debitoribus nostris, & ne nos inducas in tentationem. Resp. Sed libera nos à malo.

Oratio.

Libera nos, quæsumus Domine, ab omnibus malis, præteritis, præsentibus & futuris, libera nos, quæsumus, Domine, famulos & famulas tuas à gladio, à fame, à tentatione diaboli, à percussione sæculi, & ab infirmitatibus malis, per liberatorem & Redemptorem Dominum nostrum JESUM Christum Filium tuum, qui tecum vivit & regnat in sæcula sæculorum. Amen.

Oratio.

Domine sancte Pater omnipotens, æterne Deus: Pater Domini nostri JESU Christi. Deus Abraham, Deus Isaac, & Deus Jacob, exorcizantem me istam creaturam salis, & aquæ, precor te, ut me exaudire digneris in nomine Domini nostri JESU Christi Nazareni, Filii Dei vivi, regis, & judicis nostri, ut sit purgatio & purificatio omnibus hominibus, atque in eis, in quibus aspersa fuerit, habeat potestatem ad effugandos immundos & phantasmaticos spiritus, & omnem nefarium diabolum, atque omnes figuras & minas sathanæ. Concedatur etiam ei potestas ad exterminandum fulgura, & grandines, & omnes adversitates humanæ naturæ, ut non possit immundus spiritus nocere iis locis, in quibus aspersa fuerit, sed confusus & destructus abscedat. Per virtutem Domini nostri JESU Christi Regis nostri, qui cum DEO Patre vivit & regnat in sæcula sæculorum. Amen.

Adju-

Adjuro te creatura salis & aquæ in nomine Patris, & Filii ⁊ & Spiritûs ⁊ sancti. Adjuro te in nomine Domini nostri Jesu Christi, qui super te suis sanctis pedibus ambulavit. Adjuro te per eum, qui te de fonte paradisi produxit. Adjuro te per eum, qui Apostolis suis præcepit, dicens: ite, Baptizate omnes gentes in nomine Patris & Filii & Spiritûs sancti. Per ipsius nomen te adjuro, ut ubicunque aspersa fueris, omne phantasma de domo ipsa, & omnis incurio diaboli eradicetur & effugiat: Per Deum vivum ⁊ per Deum verum ⁊, per Deum totius Creaturæ, ut neque hominibus, neque domiciliis, neque navibus, neque pecoribus, neque frugibus, neque arboribus noceat. Per Dominum nostrum Jesum Christum Filium tuum, qui venturus est judicare vivos & mortuos, & sæculum per ignem.

Oratio.

DEus, qui ad salutem humani generis maxima quæque Sacramenta in aquarum substantia condidisti: adesto propitius invocationibus nostris, & Elemento huic multimodis purificationibus præparato, virtutem tuæ benedictionis infunde: ut creatura tua mysteriis tuis serviens ad abigendos dæmones, morbosque pellendos divinæ gratiæ sumat effectum, ut quidquid in domibus, vel in locis fidelium hæc unda resperserit, careat omni immunditiâ, liberetur à noxa, non illic resideat spiritus pestilens, non aura corrumpens: discedant omnes insidiæ latentis inimici, & si quid est, quod aut incolumitati habitantium invidet, aut quieti, aspersione hujus aquæ effugiat,

giat, atque discedat: ut salubritas per invocationem tui nominis expetita ab omnibus impugnationibus sit defensa. Per eum, qui venturus est judicare vivos & mortuos, & sæculum per ignem.

Benedictio.

Benedictio Dei Patris, & Filii, & Spiritus sancti, descendat super hanc creaturam salis & aquæ. Resp. Amen.

Subito Sacerdos incipiat: Credo in unum Deum. Quo finito aspergat populum aqua, & dicat Antiphon. Asperges me, cum Gloria patri.

Quibus finitis recitet Evangelium.

Sequentia sancti Evangelii secundum Lucam.

Factum est autem, cum baptizaretur omnis populus, & Jesu Baptizato, & orante, apertum est cœlum, & descendit Spiritus sanctus corporali specie sicut columba in ipsum, & vox de cœlo facta est: Tu es Filius meus dilectus, in te complacui mihi. Et ipse Jesus erat incipiens quasi annorum triginta, ut putabatur, Filius Joseph, qui fuit Heli, qui fuit Mathat, qui fuit Levi, qui fuit Melchi, qui fuit Janne, qui fuit Joseph, qui fuit Mathathia, qui fuit Amos, qui fuit Nahum, qui fuit Hesli, qui fuit Nagge, qui fuit Mahath, qui fuit Mathathia, qui fuit Semei, qui fuit Joseph, qui fuit Juda, qui fuit Joanna, qui fuit Resa, qui fuit Zorobabel, qui fuit Salathiel, qui fuit Neri, qui fuit Melchi, qui fuit Addi, qui fuit Cosan, qui fuit Elmadan, qui fuit Her, qui fuit Jesu, qui fuit Eliezer, qui fuit Jorim, qui fuit Mathat, qui fuit Levi, qui fuit Simeon, qui fuit

fuit Juda, qui fuit Joseph, qui fuit Jona, qui fuit Eliakim, qui fuit Melea, qui fuit Menna, qui fuit Mathatha, qui fuit Nathan, qui fuit David, qui fuit Jesse, qui fuit Obed, qui fuit Booz, qui fuit Salmon, qui fuit Naasson, qui fuit Aminadab, qui fuit Aram, qui fuit Efron, qui fuit Phares, qui fuit Judæ, qui fuit Jacob, qui fuit Isaac, qui fuit Abrahæ, qui fuit Thare, qui fuit Nachor, qui fuit Sarug, qui fuit Regau, qui fuit Phaleg, qui fuit Heber, qui fuit Sale, qui fuit Cainan, qui fuit Arphaxad, qui fuit Sem, qui fuit Noe, qui fuit Lamech, qui fuit Mathusale, qui fuit Henoch, qui fuit Jared, qui fuit Malaleel, qui fuit Cainan, qui fuit Henos, qui fuit Seth, qui fuit Adam, qui fuit Dei. JESUS autem plenus Spiritu sancto regressus est à Jordane.

Quo finito incipiat Te Deum laudamus: Te Deum confitemur & totum dicatur. Deinde dicat,

℣. Ostende nobis Domine misericordiam tuam,

℞. Et salutare tuum da nobis.

℣. Domine exaudi orationem meam. ℞. Et clamor meus ad te veniat.

℣. Dominus vobiscum. ℞. Et cum Spir. &c.

Oratio.

EXaudi nos Domine sancte, Pater omnipotens, æterne Deus, & mittere digneris sanctum Angelum tuum de cœlis, qui custodiat, foveat, protegat, visitet, atque defendat omnes habitantes in hoc habitaculo, per Christum Dominum nostrum. Resp. Amen.

46 *Benedictio auri, thuris & myrrhæ in festo trium Reg.*

12.

Benedictio Auri, Thuris, & Myrrhæ in Festo trium Regum contra maleficia.

Adjutorium nostrum &c. Domine exaudi &c.

Antiphona.

Apertis thesauris suis, obtulerunt Magi Domino, Aurum, Thus, & Myrrham.

Psalms 66.

Deus misereatur nostri &c. ex Laud. diei Dominicæ,

Repetitur Antiphona. Apertis thesauris &c.

Kyrie eleyson. Christe eleyson. Kyrie eleyson. Pater noster &c.

✠. Et ne nos inducas in tentationem. ✠. Sed libera nos à malo. Amen.

✠. Ostende nobis Domine misericordiam tuam ✠. Et salutare tuum da nobis.

✠. Domine exaudi &c.

✠. Dominus vobiscum &c.

Oremus.

OMnipotens sempiterne Deus, te humiliter deprecamur, ut has creaturas, auri, thuris, & myrrhæ, hodierna die à tribus Regibus tibi tanquam summo Regi, & Deo vero, & homini vero oblatas benedicere, consecrare, & sanctificare digneris, & eis donum tuæ benedictionis infundas, & quicumque eas gestaverit, vel iisdem fumigatus fuerit, ab omni periculo animæ & corporis salvus semper existat. Qui cum Patre & Spiritu sancto vivis & regnas in sæcula sæculorum, Amen.

Ore.

Oremus.

Domine JESU Christe, qui nobis sacerdotibus non nostris meritis, sed sola dignatione clementiæ tuæ præ cæteris gratiam contulisti, ut quidquid à nobis in tuo nomine dignè & perfectè agitur, à te fieri credatur. Adesto, quæsumus, nostræ officio servitutis, & beneddicere, ac sanctificare digneris has creaturas auri, thuris, & myrrhæ, quas in nomine sancto gloriæ tuæ beneddicere confidimus. Qui vivis & regnas cum Patre & Spiritu Sancto Deus, per omnia sæcula sæculorum, Amen.

Oremus.

DEUS Dominator, Dominus magnus & excelsus, fortis & terribilis, qui es, qui eras, & qui venturus es, qui ante luciferum genitus in Dei Patris sinu in æternum triumphans, de Virgine Matre nasci, & in sinu ejus immaculato, tanquam throno requiescens à tribus Magis adorari, & muneribus, auro, thure, & myrrha honorari dignatus es, ut superbum hujus mundi principem cum omni suo exercitu, qui arroganter in coeliste venerari & adorare renuit, foras ejiceres, eumque catena magna ligares, ne nobis pretioso sanguine tuo redemptis nocere valeat, supplices Clementiam tuam rogamus, ut hæc mystica munera, tibi Filio DEI oblata, ita beneddicere & sanctificare digneris, ut per merita & intercessionem sanctissimæ Genitricis tuæ Virginis Mariæ & sanctorum trium Regum Caspari, Melchioris, & Balchafari ea sint nobis contra omnes insidias inimicorum nostrorum tutamen.

48 *Bened. auri, thuris & myrrha in festo trium Reg.*

men fortissimum; aurum sit omnibus dæmoni-
bus catena ignea, vinculum indissolubile, stri-
ctissimus compes & sagitta potentis acuta; Thus
redolens, sit eis odor formidabilis, crucians, &
expellens. Myrrha verò sit eis memoria insua-
vis, amara & tremenda, augensque poenas eo-
um absque termino, per virtutem † sanctæ trium
Regum adorationis. Per JESUM † Christum Dei
Verbum † Deique † Genitum, qui cum DEO
Patre & Spiritu Sancto † vivit & regnat per om-
nia sæcula sæculorum, Amen.

Benedictio.

Benedico † itaque in titulum omnipotentiae
& spem salutis fidelium utentium his creatu-
ris, auri, thuris, & myrrhæ, in nomine Patris †
& Filii † & Spiritus † Sancti; & sicut beatos tres
Magos, Caspar, Balthasar & Melchior, eas offe-
rentes ad mysteria tua cognoscenda illuminare,
& ad te devotè adorandum accedere, atque ab
insidiis & periculis custodire dignatus es: ita fi-
deles tuos in tua misericordia sperantes, qui eis-
dem creaturis tuis, auro, thure, & myrrha in tuo
nomine usi fuerint, lumine tuo illustrare, amo-
re tuo inflammare, & à cunctis adversitatibus,
& ab omnibus insidiis & nocumentis diabolicis
præservare & liberare digneris. Qui cum eo-
dem DEO Patre & Spiritu sancto vivis & regnas
in sæcula sæculorum, Amen.

Aspergantur.

13.

**Benedictio Panis in Festo S. Blasii Episcopi
& Martyris.**

Potest

Benedictio Panis & Candelarum in Festo S. Blasii. 49

Potest fieri intra missam, ante verba (per quem hæc Domine, bona creas) vel extra missam.

Verf. Adjutorium, &c. Resp. Qui fecit, &c.

Verf. Domine exaudi &c. Resp. Et clamor &c.

Verf. Ora pro nobis beate Blasii. Resp. Ut digni efficiamur promissionibus Christi.

Verf. Dominus vobiscum. Resp. Et cum Spir. &c.

Oremus.

SALVATOR mundi **DEUS**, Domine **JESU** Christi, qui hodiernum diem beatissimi Blasii Martyrio consecrasti, & diversas creaturas ad salutem hominum creasti, quique ex quinque panibus, & duobus piscibus quinque millia hominum satiasti, ac populum judaicum in deserto miraculose pavisti; ineffabilem misericordiam tuam suppliciter exoramus & petimus, ut hos panes, quos plebs fidelis tibi devotè hodie ad sanctificandum attulit, tua pietate benedicere, & sanctificare digneris, ut qui ex eis comederint vel gustaverint, ab omni gutturis plaga, & totius corporis infirmitate meritis & intercessione B. Blasii Martyris tui plenam recipiant sanitatem: & nos servos tuos ab omni corporis ægitudine sanos conserves. Qui vivis & regnas Deus, per omnia sæcula sæculorum, Amen. *Postea aspergatur.*

14.

Benedictio Candelarum in eodem Festo

S. Blasii contra morbum gutturis.

Verf. Adjutorium nostrum &c.

Verf. Domine exaudi &c.

D

Verf.

Verl. Dominus vobiscum &c.

Oremus.

OMnipotens & mitissime Deus, qui omnium mundi rerum diversitates solo verbo creâsti, & ad hominum reformationem illud idem verbum, per quod facta sunt omnia, incarnari voluisti: qui magnus es, & immensus, terribilis, atque laudabilis, & faciens mirabilia: pro cuius fidei defensione gloriosus Martyr & Pontifex Blasius diversorum tormentorum genera non pavescens martyrii palmam feliciter est adeptus. Cui inter cæteras gratias hanc prærogativam contulisti, ut quoscunque gutturis morbos tua virtute curaret: Majestatem tuam suppliciter exoramus, ut non intuitu nostri reatûs, sed ejus placatus meritis & precibus, hanc creaturam ceteræ benedicere & sanctificare tua venerabili pietate digneris, tuam gratiam infundendô, ut omnes, quorum colla per eam ex bona fide tacta fuerint, à quocunque gutturis morbo ipsius passionis meritis liberentur, & in Ecclesia sancta tua sani & hilares tibi gratiarum referant actiones: & laudent nomen tuum gloriosum, quod est benedictum in sæcula. Per eundem Dominum &c.

Aspergat eas aquâ benedicta, & iisdem decussatim junctis tangens singulorum colla dicat:

Per intercessionem sancti Blasii Episcopi & Martyris liberet & præservet te Dominus à malo gutturis in nomine Patris &c.

15.

**Benedictio vini in Festo S. Blasii vel
alterius Sancti.**

Verf. *Adjutorium nostrum &c. R. Qui fecit &c.*

Verf. *Domine exaudi &c. Resp. Et clamor.*

Verf. *Dominus vobiscum &c.*

Oremus.

Domine JESU Christe Omnipotens, sempiternus Deus, qui vinum, quod lætificat cor hominis, in Sacrificio Missæ offerri die Cœnæ præcepisti, & in Cana Galilææ ex aqua vinum fecisti: Tu, qui es vitis vera, meritis sancti tui Martyris & Episcopi Blasii (vel S. N.) multiplica supernos servos tuos misericordiam, quemadmodum fecisti cum patribus nostris, in tua ineffabili misericordia sperantibus pietatem, benedicere ac sanctificare dignare hanc creaturam vini, quam ad servorum tuorum usum, & subsidium tribuisti, ut ubicunque fuerit fustum, vel à quibuslibet potatum, divinæ benedictionis & sanctificationis tuæ repleantur dulcedine, cum gratiarum actione, & in eorum visceribus sanctificetur, per te, salvator mundi JESU Christe, qui vivis & regnas cum Deo Patre &c.

Resp. *Amen. Aspergatur aqua benedicta.*

16.

**In Festo S. Agathæ Benedictio panis, fructuum, aquæ, vini, candelarum &c.
contra ignes.**

Psalmus. 60.

Deus misereatur nostri &c. Kyrie eleyson &c.

D 2

Pa.

Pater noster &c.

Verl. Adjutorium nostrum &c.

Verf. Sit nomen Domini benedictum &c.

Verf. Ora pro nobis beata Agatha. Resp. Ut digni efficiamur præservari à periculis ignium.

Verf. Domine exaudi &c.

Verf. Dominus vobiscum. &c.

Oratio.

Domine JESU Christe fili DEI vivi, qui es panis vivus, qui de cælo descendisti, benedic, & sanctificatos panes (fructus, cereos, aquam, vinum, oleum) & cætera hic posita in honorem beatæ Agathæ virginis & martyris tuæ deportata: & concede per intercessionem ejusdem virginis & martyris, ut ubicunque contra ignem comburentem missa vel posita fuerint, illicò ignis evanescat, & penitus extinguatur. Qui vivis & regnas cum Deo Patre in unitate Spiritûs sancti Deus per omnia sæcula sæculorum Amen.

Benedictio Dei omnipotentis Patris, & Filii & Spiritûs sancti per intercessionem beatæ Agathæ virginis & Martyris tuæ descendat, & maneat super hos panes, & super omnes ex eis gustantes. Amen.

Aspergantur aquâ benedicta. Postea sacerdos dicat
Per eundem Dominum nostrum JESUM Christum filium tuum, &c.

17.

Benedictio schedularum in eodem festo
S. Agathæ.

Primo

Prius scribantur super parvas schedulas sequentia verba:

Mentem sanctam + spontaneam + honorem
Deo + patriæ liberationem.

Ignis a læsura protege nos Agatha pia.

Quæ scheda sic scripta benedicantur hoc modo.

Veri. Adjutorium nostrum &c.

Vers. Sit nomen Domini &c.

Vers. Domine exaudi &c.

Vers. Dominus vobiscum &c.

Oremus.

OMnipotens sempiterne Deus, qui meritis beatae Agathæ virginis & martyris tuæ apparitione Angelica tabulam marmoream hoc versiculo inscriptam (mentem sanctam, spontaneam, honorem Deo, & patriæ liberationem) ad caput ejusdem virginis & martyris tuæ posuisti, quam populus paganus contra irrupentem ignem adhibuit, eumque fugavit, & illæsus permansit: dignare per tuam clementiam & gratiam benedicere & sanctificare has, eodem versiculo insignitas schedulas: & concede propitius, ut populus tuus fidelis precibus & intercessionem ejusdem virginis & martyris tuæ Agathæ fugare possit, & fugere nocumentum omne, & periculum non solum ignis temporalis, sed etiam ignis æternalis. Et in quocunque loco affixæ fuerint hæ benedictæ, & signo sanctæ crucis + tuæ insignitæ schedulæ, eundem ab omni incendio præservent: ubi verò in noxiam flammam injectæ fuerint, ibidem per altissimam potentiam tuam, & per merita sanctissimæ Agathæ

54 *Benedictio schedularum in Festo S. Agathæ.*

thæ sponsæ tuæ flammam omnem dissipent, no-
xūnque incendium prorsus disperdant per Do-
minum &c.

Antiphon. Paganorum multitudo fugiens ad
sepulchrum virginis, tulerunt velum ejus con-
tra ignem, ut comprobaret Dominus, quod à
periculis incendii meritis B. Agathæ Martyris
sux eos liberaret.

Vers. Ora pro nobis Beata Agatha.

Resp. Ut digni efficiamur præservari à periculis
ignium.

Oremus.

DEus qui inter cætera potentia tuæ miracula
etiam in sexu fragili victoriam martyrii con-
tulisti, concede propitius, ut qui B. Agathæ V.
& M. tuæ natalitia colimus, eius meritis & pre-
cibus à periculis ignium, & à gehennæ incendiis
liberemur. Per Dominum &c.

Benedictio Dei omnipotentis Patris & Filii
& Spiritus sancti, & intercessio B. Agathæ V.
& Martyris descendat super has schedulas, & ma-
neat semper. Amen.

Aspergantur aquâ benedicta, & incensentur

*Ha schedula super liminaria affigantur, & tempore
incendii alligata lapidi bona fide in ignem projiciantur.*

18.

Benedictio Panis in Coena Domini.

Vers. Adjutorium nostrum &c.

Vers. Sit nomen Domini &c.

Vers. Domine exaudi &c.

Vers.

Verf. Dominus vobiscum. &c.

Oremus.

Domine JESU Christe, Panis vive, qui de cœlo descendisti, & das vitam æternam, benedicere dignare panes istos, ut omnes ex eo gustantes, corporis & animæ percipiant sanitatem. Qui vivis &c.

Lectio libri Levitici. c. 23.

IN diebus illis dixit Dominus ad Moysen : mensis primo, quarta decima die mensis ad vesp̄am Phase Domini est : & quinta decima die mensis hujus solemnitas azymorum Domini est : septem diebus azyma comedetis, Dies primus erit vobis celeberrimus, sanctusque, omne opus servile non facietis in eo, sed offeretis sacrificium in igne Domino septem diebus. Dies autem septimus erit celebrior & sanctior, nullumque opus servile facietis in eo. Et libamenta offerentur in eo, duæ decimæ similæ conspersæ oleo in incensum Domini odoremque suavissimum. Panem & polentam, & pultes non comedetis ex segete usque ad diem, qua offeretis ex eo Deo vestro. Resp. Deo gratias.

Resp. Dixerunt : nunquid poterit DEUS parere mensam in deserto? nunquid & panem poterit dare, aut parare mensam populo suo? & mandavit nubibus desuper, & januas cœli aperuit. Et pluit illis manna ad manducandum, & panem cœli dedit eis. Panem Angelorum manducavit homo : cibaria misit illis in abundantia.

Et manducaverunt, & saturati sunt nimis: desiderium eorum attulit eis.

D 4

Verf.

Verf. Dominus vobiscum &c.

Sequentia sancti Evangelii secundum Lucam.

IN illo tempore: cùm facta esset hora, discubuit JESUS, & duodecim Apostoli cum eo: & ait illis: desiderio desideravi hoc pascha manducare vobiscum, antequam patiar. Dico enim vobis, ex hoc non manducabo illud, donec impleatur in regno Dei. Et accepto calice gratias egit, & dixit: accipite & dividite inter vos. Dico enim vobis, quòd non bibam de generatione vitis, donec regnum Dei veniat. Et accepto pane gratias egit, & fregit, & dedit eis dicens: Hoc est corpus meum, quod pro vobis datur. Hoc facite in meam commemorationem. Similiter & calicem, postquam cœnavit, dicens: hic est calix novum testamentum in sanguine meo, qui pro vobis fundetur.

Resp. Laus tibi Christe.

Exorcismus.

EXorcizo te creatura panis per eum, qui benedixit quinque panes in deserto, & dedit manna patribus nostris in eremo, omne delectamentum in se habens, & omnem saporem suavitatis; ut sis fortitudo & sanitas, & purificatio omnibus ex te sumentibus: ad effugandos omnes spiritus immundos, omnémque netariam vim diaboli. Per eum, qui venturus est judicare vivos & mortuos, & sæculum per ignem. Resp. Amen.

Oremus.

Domine JESU Christe, Fili Dei vivi, qui hodierna die panem non solum benedixisti, sed

sed etiam in verum corpus tuum convertisti: hos panes, quos famuli tui in memoriam sacratissimæ cœnæ tuæ benedicendos attulerunt, tuâ omnipotentia benedicere, & sanctificare, atque eis tantam virtutem infundere digneris, ut quicumque ex eis cum devotione sumpserint, corporis & animæ sanitatem percipiant, à tentationibus diaboli liberentur, atque in bono tua virtute stabiliantur. Qui vivis &c.

Oremus.

Domine sancte, Pater omnipotens, æterne Deus, benedicere digneris hos panes tua sancta spiritali benedictione ut sint omnibus sumentibus salus mentis & corporis, atque contra omnes morbos & universas inimicorum insidias tutamen. Per Dominum nostrum Jesum Christum Filium tuum, panem vivum, qui de cœlo descendit, & dat vitam & salutem mundo & tecum vivit & regnat. &c.

Aspergatur Aquâ benedictâ, & incenset.

19.

Ordo ponendi SS. Corpus Domini in Sepulchrum.

Feria sexta Parasceves, facta communionem, ardentibus adhuc candelis in Choro, pro reverentia Hostia in calice relicta, celebrans stans, imponit incensum in thuribulum absque benedictione; incensat ter venerabile Sacramentum genuflexus: ordinatur lugubris processio; præcedit crux; quam immediate sequitur clerus luminaria ferens, ultimo loco sacerdos, casula nigrâ indutus calicem coopertum vel albo manibus gestans; choro in-

D S

terim

terim cantante sequens Responsorium; thurificante continud thuriferario; adhibito quoque malleo ligneo, cymbaliloco.

Hymnus.

VExilla Regis prodeunt ,
 Fulget crucis mysterium ;
 Qua vita mortem pertulit,
 Et morte vitam protulit.
 Quæ vulnerata lanceæ
 Mucrone diro , criminum
 Ut nos lavaret fordibus ,
 Manavit unda & sanguine.
 Impleta sunt quæ concinit
 David fideli carmine ;
 Dicendo nationibus:
 Regnavit à ligno Deus.
 Arbor decora , & fulgida ,
 Ornata Regis purpura ,
 Electa digno stipite
 Tam sancta membra tangere.
 Beata , cujus brachiis
 Pretium pependit sæculi ,
 Statera facta corporis ,
 Tulitque prædam tartari.
 O Crux ave spes unica ,
 Hoc passionis tempore
 Piis adauge gratiam ,
 Reisque dele crimina.
 Te , fons salutis Trinitas ,
 Collaudet omnis spiritus :
 Quibus crucis victoriam
 Largiris , adde præmium. Amen.

Interim

Interim reverenter ponitur calix cum Hostia in loco Corporali mundo strato: quo facto ter; ut antea, incensato Sacramento, à cantoribus, vel ipsomet sacerdote, canitur sequens Responsorium.

Tenebræ factæ sunt, dum crucifixissent Jesum Judæi: & circa horam nonam exclamavit Jesus voce magna: Deus meus, ut quid me dereliquisti? Et inclinato capite emisit spiritum. Vers. Exclamans Jesus voce magna ait: Pater, in manus tuas commendo spiritum meum. Et inclinato capite emisit spiritum.

Quo finito, dicit sacerdos.

Vers. Christus factus est pro nobis obediens usque ad mortem. Resp. Mortem autem crucis. Oremus.

Respice, quæsumus Domine, super hanc Familiam tuam; pro qua Dominus noster Jesus Christus non dubitavit manibus tradinocentium, & crucis subire tormentum. Qui tecum &c. *Dicitur hac die sub silentio.*

Cum in Ecclesiis ruralibus, aliisque in locis, ubi fidei custodes, & devotè psallentes, non reperiuntur; rectè faciet sacerdos, si corpus Dominicum post finem divini officii tum in suum locum vel Reservatorium solitum reportaverit, illicque conclusum tutò asservaverit.

Ordo recipiendi SS. Christi Corpus è Sepulchro in Sancta nocte Paschæ.

Nocte sancta Paschæ, hora congrua, sacerdos, indutus alba, seu superpelliceo, stola & pluviali albi coloris, & duo ministri, aut plures (si haberi possint) cum debitis paramentis, præcedente Thuriferario cum incenso & thuribulo fumigante, sequentibus iuxta crucem duobus

bus Ceroferariis cum candelis accensis, veniunt ordine ad sepulchrum, pro deferendo processionaliter sanctissimo Sacramento. Coram quo facta aliquantisper, cum genuflectione, sub silentio oratione, suas singuli candelas accendunt. Sacerdos surgens ac stans imponit incensum in thuribulum absque benedictione. Deinde genuflexus *thurificat* venerabile Sacramentum triplici ductu; illudque processionali ritu, praecedentibus aliis cum luminibus accensis, & ministro continuè thurificante, cymbalisque personantibus, reverenter deportat ex sepulchro ad Altare majus, vel aliud, ubi ordinariè aservari consuevit: interim Choro inchoante, & in tono festivo, interposito etiam, ubi fieri potest, organo, cantante sequentem Hymnum.

Hymnus.

A Urora coelum purpurat,
 Æther resultat laudibus.
 Mundus triumphans jubilat
 Horrens avernus infremit.
 Rex ille dum fortissimus,
 De mortis inferno specu
 Patrum senatum liberum
 Educit ad vitæ jubar.
 Cujus sepulchrum plurimo
 Custode signabat lapis
 Victor triumphat & suo
 Mortem sepulchro funerat.
 Sat funeri, sat lachrimis,
 Sat est datum doloribus:
 Surrexit extinctor necis,
 Clamat coruscans Angelus.
 Ut sis perenne mentibus

Paschale JEsu gaudium;
A morte dirâ criminum
Vitæ renatos libera.

Deo Patri sit gloria,
Et filio, qui à mortuis
Surrexit, ac Paraclito,
In sempiterna sæcula, Amen.

Itaque sacerdos, cum pervenerit ad altare antèdium, & posuerit ibidem venerabile Sacramentum, facit profundam genuflexionem; stansque iterum imponit incensum absque benedictione & venerabile Sacramentum triplici ductu, genuflexus, incensat. Postea canitur à ministris, vel ipso sacerdote, ipsis deficientibus:

Vers. Surrexit Dominus de sepulchro, alleluja.
Resp. Qui pro nobis pependit in ligno, alleluja
Oremus.

DEUS, qui hanc sacratissimam Noctem gloriâ dominicæ Resurrectionis illustras: conserva, in nova familiæ tuæ progenie, adoptionis spiritum, quem dedisti: ut corpore & mente renovati, puram tibi exhibeant servitutem. Per eundem Christum Dominum nostrum, & Amen.

Et factâ Venerabili Sacramento profunda reverentia, accepto super humeros velo oblongo albo, quo in processione usus fuit, ad altare ascendit; venerabile Sacramentum reverenter accipit; & stans, cum eodem populo in modum crucis benedicit, nihil dicens: illudque in tabernaculo, absque ulteriore incensatione, recondit & cum suis ad sacristiam vel chorum redit; in majoribus Ecclesiis inchoabitur Matutinum; in minoribus cantari poterit cantio Paschalis.

**Benedictio Domorum in Sabbato
S. Paschatis.**

Sacerdos ingrediens domum dicit: Pax huic domui
& omnibus habitantibus in ea.

*Deinde aspergens loca præcipua domûs, & eos, qui ha-
bitant in ea dicit.*

Antiph. Vidi aquam egredientem de templo à
latere dextro. Alleluja. Et omnes, ad quos
pervenit aqua ista, salvi facti sunt, alleluja, alle-
luja, alleluja.

Psalmus 117.

Confitemini Domino, quoniam bonus, quo-
niam in sæculum misericordia ejus; Gloria
Patri &c.

Repetitur Antiphon. Vidi aquam &c. *deinde dicit*
Vers. Ostende nobis Domine misericordiam
tuam. all. Resp. Et salutare tuum da nobis allel.

Vers. Domine exaudi &c.

Vers. Dominus vobiscum &c.

Oremus.

EXaudi nos Domine sancte, Pater omnipo-
tens, æterne Deus, & sicut domos Hebræo-
rum in exitu de Ægypto agni sanguine linitas,
quod Pascha nostrum, in quo immolatus est
Christus, figurabat, ab angelo percutiente cu-
stodisti; ita mittere digneris sanctum Angelum
de cœlis, qui custodiat, foveat, protegat, visi-
tet, atque defendat omnes habitantes in hoc ha-
bitaculo, Per eundem Christum &c.

Benedictio Agni Paschalis, seu Carnis in Paschate. 63.

21.

*Benedictio Agni Paschalis, seu Carnis
in Paschate.*

Vers. Adjutorium nostrum in nomine Domini.

Resp. Qui fecit cœlum & terram.

Vers. Domine exaudi &c. Resp. Et clamor &c.

Vers. Dominus vobiscum. Resp. Et cum Spir. &c.

Oremus.

DEus qui per famulum tuum Moysen in liberatione populi tui de Ægypto Agnum occidi iussisti in similitudinem Domini nostri JESU Christi, & utrosque postes domorum de sanguine hujus agni perungi præcepisti: ita benedice & sanctificare digneris hanc creaturam carnis, quam nos famuli tui ad laudem tuam sumere desideramus per resurrectionem Domini nostri JESU Christi qui tecum vivit & regnat in sæcula sæculorum, Amen.

Aspergatur.

22.

Alia Benedictio Carnium.

Vers. Adjutorium nostrum, &c. Resp. Qui fecit, &c.

Vers. Domine exaudi, &c. Resp. Et clamor, &c.

Vers. Dominus vobiscum. Resp. Et cum Spir.

Oremus.

Domine JESU Christe, fili Dei vivi, qui es verus immaculatus Agnus, qui que immaculatus in ara crucis oblatus, peccata mundi delēsti, & nos in tuum ovile reportāsti: has carnes, quas ad usus hominum creāsti, benedice, & sanctifica.

ficare digneris, ut omnes ex eis sumentes tuâ benedictione repleti, corporis & animæ sanitatem, te annuente, semper accepisse latentur, salvator mundi, Qui vivis & regnas in sæcula sæculorum, Amen.

Oremus.

DEUS universæ creator carnis, qui Noë & filiis ejus, de mundis tantum animalibus sumere: & agnum Paschalem olim in figuram Jesu Christi, (qui verus est agnus) manducare præcepisti; dignare, quæsumus, Domine Deus has carnes ovium, vel (hœdorum, vel agnorum, vel boum vel avium &c.) benedicere & sanctificare, ut quicumque de tuis fidelibus ex eis comederint, omni benedictione cælesti, & tua perrenni gratia repleti satientur. Per eundem Dominum nostrum &c.

Aspergantur.

23.

Benedictio ovorum in Paschate.

Vers. Adjutorium nostrum &c. *Re.* Qui fecit &c.
Vers. Domine exaudi, &c. *Resp.* Et clamor &c.
Vers. Dominus vobiscum. *Resp.* Et cum Spir. &c.

Oremus.

Subveniat, quæsumus, Domine tuæ benedictionis gratia huic ovorum creaturæ, de qua pullos gallinarum procreare dignatus es, ut cibis salubris fiat tuis fidelibus in tuarum gratiarum actione sumentibus. Per Christum Dominum nostrum &c.

Aspergantur aquâ benedicta,

24Be.

Benedictio Casei ex lacte & Ovis, Panis in Paschate. 65

24.

**Benedictio Casei confecti ex lacte & ovis
in Paschate.**

✠. Adjutorium nostrum &c.

✠. Domine exaudi &c. R. Et clamor &c.

Oremus.

Dignare quæsumus, omnipotens Deus benedice-
dicere, & sanctificare creaturam hujus ca-
sei, quam ex ovis & lacte animalium producere
dignatus es : & concede propitius, ut quicunque
ex eo comederint, vel gustaverint, omni bene-
dictione coelesti & gratia repleantur in bonis.
Per Christum &c. *Aspergatur.*

25.

Benedictio Panis, seu ciborum.

✠. Adjutorium nostrum &c. R. Qui fecit &c.

Oremus.

Domine JESU Christe, panis Angelorum, pa-
nis vivus & æternæ vitæ, benedicedig-
nare panem istum, sicut benedixisti quinque pa-
nes in deserto : ut omnes ex eo dignè gustantes
inde corporis & animæ desiderabilem percipiant
sanitatem. Per Christum Dominum nostrum.
Amen. *Aspergatur.*

26.

Alia Benedictio Panis.

✠. Adjutorium nostrum &c. R. Qui fecit &c.

Oremus.

Domine sancte Pater omnipotens, æterne
DEUS, benedicedig-
neris hunc panem,
E tua

tua spiritali benedictione, ut sit omnibus fumentibus salus mentis & corporis, atque contra omnes morbos, & universas inimicorum insidias. Per Dominum nostrum IESUM Christum filium tuum, Panem vivum, qui de cœlo descendit, & dat vitam & salutem mundo & tecum vivit, & regnat in unitate Spiritûs sancti DEUS, per omnia sæcula, sæculorum, Amen.

Aspergatur aquâ benedictâ.

27.

Benedictio ad quodcunque comestibile

mutatis mutandis.

℣. Adjutorium nostrum &c. R. Qui fecit &c.

℣. Domine exaudi &c. R. Et clamor, &c.

℣. Dominus vobiscum &c. R. Et cum Spirit.

Oremus.

Benedic Domine, creaturam istam N. ut sit remedium salutare generi humano: & præsta per invocationem sancti nominis tui: ut quicunque ex ea sumperint, corporis sanitatem, & animæ tutelam accipiant. Per Dominum nostrum IESUM Christum &c.

Aspergantur crimina.

28.

Benedictio sementis ac segetum in agris post

Pascha circa Festum sancti Marci

Evangelistæ.

Sacerdos superpelliceo & stola indutus, cum ministris, Cruce, & cereis ad agros procedens canit vel recitat *litánias omnium Sanctorum, in fine post Kyrie eleyson. Pater noster secretò. Et ne nos inducas &c,*

℣. Do-

℣. Domine exaudi &c. ℞. Et clamor &c.

℣. Dominus vobiscum &c. ℞. Et cum Spir. &c.

Oremus.

Pietatem tuam quaesumus, omnipotens DEUS
ut has primitias frugum, quas aëris & plu-
viae temperamento nutrire dignatus es, bene-
dictionis tuae imbre perfundas, tribuens populo
tuo de tuis muneribus tibi semper gratias agere,
& à sterilitate terrae esurientium animas bonis
affluentibus repleas, ut egenus & pauper laudent
nomen gloriae tuae: per Christum Dominum
nostrum, Amen.

Oremus.

Omnipotens sempiternae DEUS, arbiter throni
qui molem terrae ex nihilo pendentem gu-
bernas, & ad victum humani generis, corporis-
que sustentationem, agros operibus excolere ius-
sisti: misericordiam tuam supplices exoramus:
ut quidquid in hos agros salubris seminis satum
atque plantatum est, oculis tuae clementiae respi-
cias, aëris temperiem moderari digneris, ut re-
secato atque absorpto omnium tribulorum, spi-
narumque squalore ac diabolicae fraudis incursu,
fruges istas efficias foecundas, & ad maturitatem
perfectam pervenire concedas, & conservare
digneris, ut nos famuli tui uberem donorum
tuorum fructum, cum gratiarum actione perci-
pientes debitas & acceptas nomini tuo laudes
referre mereamur. Per Christum &c.

Oremus.

TE, Domine, petimus, & rogamus, ut hos fru-
gum, ac seminum frumenti, siliginis, hor-
dei,

68 *Benedictio segetum circa festum S. Marci.*

dei, avenæ & aliorum, cujuscunque generis fructus, tuis oculis serenis, hilarique vultu respicere digneris: sicut testatus es Moyfi famulo tuo in terra Ægypti dicens: dic filiis Israel, cum ingressi fuerint in terram promissionis, quam eis daturus sum, ut primitias frugum offerant sacerdotibus: & erunt benedictæ fruges: ita & nos oramus Te, Domine, ut auxilium gratiæ tuæ super nos, & hos fructus ad benedictionem proferendam concedas, ut non grando surripiat, non turbo subvertat, nec vis tempestatis detruncet, nec aëris æstus exurat, non inundatio pluvialis exterminet, non bestia mala, & noxia ulla depascat vel destruat, sed incolumes & superabundantes pro usu tuorum fidelium ad plenissimam maturitatem perducere digneris. Per Christum &c. Amen.

Oremus.

Domine sancte, Pater omnipotens, æterne DEUS, mitte Spiritum sanctum, cum Angelis & Archangelis tuis & cum omnibus Sanctis & electis tuis, ut defendant, & custodiant has segetes nostras à vermibus, aliisque malis bestiis, ab omni maligno incurso, ac vastatione, ut magnificetur Nomen tuum, DEUS, in omni loco. Per Dominum nostrum Jesum Christum filium tuum, qui tecum vivit & regnat in unitate ejusdem Spiritûs sancti DEUS per omnia sæcula sæculorum. Resp. Amen.

Tum sacerdos circumeundo agrum vel partem ejus aspergit aqua benedicta, & postea cum cruce, vel aliqua S. Reliquia dicat:

Et

Benedictio herbarum comestibilium 1. Maji. 69

Et Benedictio Dei omnipotentis Patris, & Filii & Spiritus sancti descendat super nos & has fruges, & maneat semper. Resp. Amen.

29.

Benedictio herbarum comestibilium primo die Maji vel alio tempore.

✠. Adjutorium nostrum &c. ✠. Qui fecit &c.
✠. Dominus vobiscum &c. R. Et cum Spir. &c.

Oremus.

Domine sancte, Pater omnipotens, æterne DEUS, qui dixisti: germinet terra herbam virentem, & facientem semen, & lignum pomiferum faciens fructum iuxta genus suum: dignare has herbas, quas ipsemet creasti, & in usum hominum è terra germinare fecisti, ore tuo proprio & dexterâ tuâ sanctâ benedicere & omnibus inde sumentibus ad corporis & animæ medelam utiles efficere propter nomen sanctum tuum magnum & glorificatum in cœlo & in terra, imple dexteram tuam larga benedictione, & effunde eam super has diversi generis herbas, quas & ego sacerdos tuus in nomine sancto tuo & ad gloriam laudis tuæ exorcizo & benedico, & sanctifico, ut quicumque de iis sumpserit, vel super iis biberit, vel ex his fumigatus fuerit, vel in domo sua collocaverit, per omnipotentiam tuam & gloriosam Resurrectionem & Ascensionem Filii tui D. N. Jesu Christi, elongetur ab eo omne malum, omne periculum, omne phantasma, & omne opus diaboli. Idcirco per te DEUM omnipotentem, qui das herbam servi-

70 *Benedictio herbarum in festo assumpt. B. V. M.*
 tuti hominum, has creaturas herbarum virtute
 ordinis sacerdotalis benedico, & sanctifico ad
 fugandos dæmones, ad destruendum omne ma-
 leficio, ad dissipandam omnem tempestatem,
 ad avertendum omne tonitru, & ad annihilan-
 dum omne opus nefarium satanæ à corporibus
 hominum. Et quocunque hæ herbæ deporta-
 tæ, sive à quocunque sumptæ fuerint, ibi dispe-
 reat omnis fraus inimici: & ibidem per virtu-
 tem nominis Jesu atque B. M. V. omniumque
 Sanctorum nomina super has herbas invoco, sit
 omnis benedictio divina, omnisque desiderata
 sanitas atque prosperitas, in nomine Patris, &
 Filii, & Spiritûs sancti, Amen.

Aspergantur aquâ benedicta.

30

**Benedictio herbarum, in Festo Assumptio-
 nis B. M. Virginis.**

*Sacerdos ante Missam indutus Albâ & Stola hoc die
 benedicit herbas ante se, in aliqua mensa, positas cum
 signo crucis dicens:*

℣. Adjutorium nostrum &c. ℟. Qui fecit &c.

℣. Domine exaudi &c. ℟. Et clamor &c.

℣. Dominus vobiscum &c. ℟. Et cum Spir. &c.

Oremus.

Domine sancte, Pater omnipotens, qui ab
 initio fecisti hominem ad imaginem tuam,
 condidisti cælum & terram, solem & lunam,
 stellas & omnia cœlestia & terrestria, Tu Do-
 mine dominaris potestati maris, tu habes pote-
 statem abyssi magnæ, tu condidisti omnia ele-
 men-

menta; benedicere, & sanctificare digneris has creaturas herbarum, sicut benedixisti quinque panes in deserto, & duos pisces, & satiasti quinque millia hominum virorum: omnesque, qui utentur ex eis, benedicere & sanctificare dignare, ut sis eis sanitas animæ & corporis in Nomine Patris, & Filii & Spiritus sancti: & ab omnibus hominibus, pecoribusque, qui ex his gustaverint, omnem putredinem, & omne phantasma diaboli amovere, & omnem morbum, & pestilentiam, ac dolorem expellere digneris. Qui in trinitate perfecta vivis & regnas Deus: per omnia sæcula sæculorum. *℟. Amen.*

Alia Oratio.

Oremus,

OMnipotens sempiterne **DEUS**, suppliciter; atque submissis precibus tuam clementiam deprecamur: qui mirabiliter cuncta ex nihilo creasti, qui terram diversa proferre germina præcepisti, & varia medicamentorum genera ad sananda generis humani corpora herbis indidisti: benedicere & sanctificare has diversi generis herbas tua pietate digneris: ut quicumque ex eis in hac solemnitate venerabilis ac sanctæ Dei Genitricis **MARIÆ** sumpturi sunt, tam animæ, quam corporis sanitatem recipiant: & intercedente eadem beata Maria semper virgine, sic earum virtute jucundentur salubriter, quatenus in tuorum unguentorum odore Paradisi januas adire mereantur, præstante Domino Deo nostro **JESU Christo**: Qui tecum vivit & regnat Deus, per omnia sæcula sæculorum, Amen.

Oratio.

DEUS qui universis generibus herbarum humanis necessitatibus præstitisti remedia : hanc herbarum collectionem tuæ miserationis benedictæ dexterâ : ut quisquis languore depressus ex eis aliquid gustaverit, Ecclesiæ tuæ sanctæ repræsentatus, optatæ munus salutis te donante percipiat. Per Dominum nostrum JESUM Christum Filium tuum, qui tecum vivit & regnat in unitate Spiritûs sancti DEUS : per omnia sæcula sæculorum. Amen.

Oremus.

VEneranda nobis, Domine, hujus diei festivitas opem conferat sempiternam, in qua sancta Dei Genitrix mortem subiit temporalem, nec tamen mortis nexibus deprimi potuit, quæ filium tuum Dominum nostrum de se genuit incarnatum. Pereundem Dominum nostrum JESUM Christum Filium tuum, qui tecum vivit & regnat in unitate Spiritûs sancti DEUS : per omnia sæcula sæculorum. Amen. *Deinde thurificentur & aspergantur.*

3 I.

Benedictio seminum Dominica I.
Septembris,

Afferat unusquisque agricolarum modium frumenti seminandi, quod sanctus erdos ante Sacrum indutus Alba benedicat hoc modo :

*¶. Adjutorium nostrum &c. R. Qui fecit &c.
Psal. ex ser. 3. ad vesp. In convertendo &c.*

IN diebus illis dicit Dominus ad Moysen: loquere filiis Israel, & dices ad eos: si in præceptis meis ambulaveritis, & mandata mea custodieritis, dabo vobis pluvias temporibus suis, terra gignet germen suum, & pomis arbores replebuntur. Apprehendet messium tritura vindemiam, & vindemia occupabit sementem: & comedetis panem vestrum in saturitate, & absque pavore habitabitis in terra vestra. Dabo pacem in finibus vestris, dormietis, & non erit, qui exterreat. Auferam malas bestias, & gladius non transibit terminos vestros. Respiciam vos & crescere faciam, multiplicabimini, & firmabo pactum meum vobiscum. Comedetis vetustissima veterum, & vetera novis supervenientibus projicietis. Ponam tabernaculum meum in medio vestri & non abjiciet vos anima mea. Resp. Deo gratias.

✠. Manè semina semen tuum & vespere ne cesset manus tua: quia nescis, quid magis orietur hoc aut illud: & utrumque simul, melius erit.

✠. Dominus vobiscum. ✠. Et cum Spir. &c.
Sequentia sancti Evangelii secundum Marcum.

IN illo tempore dixit Jesus discipulis suis: simile est regnum cœlorum, quemadmodum si homo jaciat sementem in terram, & dormiat, & exurgat nocte ac die, & semen germinet, & increseat, dum nescit ille. Ultero enim terra fructificat, primum herbam, deinde spicam, deinde plenum frumentum in spica, Et cum pro-

duxerit fructus, statim mittit falcem, quoniam
adest messis. *℟.* Laus tibi Christe.

Per Evangelica dicta sint hæc semina benedicta
℣. Dominus vobiscum &c.

Oremus.

Domine sancte, Pater omnipotens, æterne
DEUS, te suppliciter rogamus ac petimus,
ut hos fructus segetum serenis oculis hilarique
vultu respicere, & tuâ dextera sanctâ benedice-
re digneris. Et sicut testatus es Moyse famulo
tuo in deserto dicens: dic Filiis Israel, cum in-
gressi fueritis terram promissionis, quam Ego
dabo vobis, afferetis primitias frugum vestra-
rum sacerdotibus, & erunt benedictæ: sic & nos
rogamus Te Domine, ut per auxilium miseri-
cordiæ tuæ benedictionem tuam super hæc di-
versi generis semina, quæ à fidelibus tuis nobis
ministris tuis benedicenda ante conspectum tu-
um, in templo sancto tuo hodierna die præsen-
tata sunt, proferre digneris, ut virtute benedi-
ctionis tuæ germinet, crescant, multiplicen-
tur, & ad optatam maturitatem perveniant. Da,
quæsumus, Domine, ut eadem grando non sub-
ruat, nec turbo subvertat, nec inundatio exter-
minet, nec mala bestia consumat: Sed propter
misericordiam tuam ad usum nostrum salva per-
maneant, & ad abundantem fertilitatem, plenissi-
mâque maturitatem perveniant. Per Domi-
num nostrum, &c.

Oremus.

Domine Jesu Christe, Fili Dei vivi, qui pro-
prio ore tuo dicere dignatus es: Pater me-
us

us agricola est ; atque temetipsum sæpius homini seminatori comparare voluisti : adesto propitius precibus nostris, & super hæc diversi generis semina , atque super omnes alias segetes , quibus hæc commixta fuerint , nec non super agros , super quos hæc fuerint seminata , largam tuam benedictionem infunde : atque ab eis omnem vim procellarum , omnique nocumentum bestiarum gratiâ tuæ defensionis clementer averte , ut omnis fructus ex his seminibus natus tua benedictione repleatur , & in horrea sine damno & impedimento congregetur. Qui vivis &c.

Benedictio Dei omnipotentis Patris , & Filii , & Spiritûs sancti descendat super hæc semina , & maneat semper. Amen.

Aspergantur.

32.

Benedictio Panis S. Nicolai de Tolentino.

Primò dicatur Hymnus.

TE canunt omnes , Nicolae Gentes ,
Te pii Patres simul , atque Matres
Voce te laudant pueri canora

Laude perenni

Efferunt cæci , resonantque muti ,
Quos tuâ cunctos ope liberâsti ,
Mira decantant tua facta claudi

Laude perenni.

Eruti per Te maris è periclis
Quosque tu morbis variis gravatos
Mille sanâsti , tua dona cuncti

Magna fatentur.

Quos.

Quosque vexatos pius expiasti,
 Dæmonum dira feritate, quosque
 Consequirursum veteris dedisti,

Lumina vitæ.

Dive, cœlestisque habitator aulæ,
 Dive, cui tantum tribuunt superni
 Posse, quem totum Dominator alti

Auxit olympi.

Laus Patri summo, Genitôque semper,
 Quique procedit Deus ex utroque
 Spiritus sanctus, Deus unus idem,

Laus tibi semper, Amen.

Lectio libri Regum.

IN diebus illis: Factus est sermo Domini ad Eliam Thesbiten, dicens: surge & vade in Sarephta Sidoniorum, & manebis ibi. Præcepi enim ibi mulieri viduæ, ut pascat te. Surrexit & abiit in Sarephta. Cùmque venisset ad portam civitatis, apparuit ei mulier vidua colligans ligna; & vocavit eam, dixitque ei. Da mihi paululum aquæ in vase, ut bibam. Cùmque illa pergeret, ut afferret; clamavit post tergum ejus, dicens. Affer mihi, obsecro, & buccellam panis in manu tua. Quæ respondit, vivit Dominus Deus tuus; quia non habeo panem: nisi quantum pugillus capere potest farinæ in hydria, & paululum olei in lecytho. En colligo duo ligna, ut ingrediar, & faciam illud mihi, & Filio meo, ut comedamus, & moriamur. Ad quam Elias ait. Noli timere, sed vade, & fac sicut dixisti. Verumtamen mihi primùm fac de ipsa farinula subcinericium panem parvulum, & affer ad

ad me; tibi autem & Filio tuo facies postea. Hæc autem dicit Dominus DEUS Israël. Hydria farinæ non deficiet, nec lecythus olei minuetur usque in diem, in qua daturus est Dominus pluviam super faciem terræ. Quæ abiit, & fecit juxta verbum Eliæ. Et comedit ipse, & illa, & domus ejus. Et ex illa die, hydria farinæ non defecit, lecythus olei non est imminutus, juxta verbum Domini, quod locutus fuerat in manu Eliæ.

Resp. Deo gratias.

Vers. Respexit Elias ad caput suum subcinerici-
um panem: qui surgens comedit, & bibit, &
ambulavit in fortitudine cibi illius, usque
ad montem Dei.

†Sequentia S. Evangelii secundum Joannem,
Resp. Gloria tibi Domine.

In illo tempore: abiit Jesus trans mare Gali-
lææ, quod est Tiberiadis; & sequebatur eum
multitudo magna; quia videbant signa, quæ
faciebat super his, qui infirmabantur. Subiit er-
gò in montem Jesus, & ibi sedebat cum disci-
pulis suis. Erat autem proximum Pascha dies
festus Judæorum. Cùm sublevâisset ergo oculos
Jesus, & vidisset, quia multitudo maxima venit
ad eum, dicit ad Philippum: unde ememus pa-
nes, ut manducent hi? hoc autem dicebat ten-
tans eum, ipse enim sciebat, quid esset factururus.
Respondit ei Philippus: ducentorum denario-
rum panes non sufficiunt eis, ut unusquisque
modicum quid accipiat. Dicit ei unus ex disci-
pulis suis, Andreas, frater Simonis Petri: Est
puer

puer unus hic, qui habet quinque panes hordeaceos, & duos pisces: sed hæc quid sunt inter tantos? dicit ergò JEsus, facite homines discumbere. Erat autem fœnum multum in loco. Discubuerunt ergò viri quasi quinque milia. Accepit ergò JEsus panes: & cum gratias egisset, distribuit discumbentibus. Similiter & ex piscibus, quantum volebant. Ut autem impleti sunt, dixit discipulis suis: colligite, quæ superaverunt, fragmenta, ne pereant. Collegerunt ergò, & impleverunt duodecim cophinos fragmentorum ex quinque panibus hordeaceis, quæ superfuerunt his, qui manducaverunt. Illi ergò homines cum vidissent, quod fecerat JEsus, signum, dicebant: quia hic est verè Prophetæ, qui venturus est in mundum. Resp. Laus tibi Christe.

Verf. Dominus vobiscum. &c.

Oremus.

Domine JEsu Christe, qui benedixisti quinque panes in deserto: multiplica super fideles tuos misericordiam tuæ pietatis: quemadmodum fecisti cum Patribus nostris in tua misericordia sperantibus: & benedicere, & sanctificare digneris hanc creaturam panis, quem ad subsidium tuorum fidelium tribuisti: quatenus à quocunque sumptus fuerit, benedictionis tuæ opulentiam repleatur, & gratiarum actione, per te, in visceribus ipsorum sanctificetur. Per Christum, &c.

Oremus.

Domine sancte, Pater omnipotens, sempiternæ

terne Deus, qui per potentiam tuam panem istum in forma visibili distribuisti, & magnitudine largitatis tuæ humanis usibus emanare de segete iussisti? te suppliciter exoramus, ut hunc panem, quem negligentia nostra polluit, sancti Spiritus gratia ad munditiam revocet, & sanctificet, mundet, ac purificet, & turpitudine calidi hostis abscedat, ac familiæ tuæ deinceps cum benedictione comestibilis tribuatur, & comedentium mudentur corda, & corpora ipsorum per tuam gratiam sanctificentur. Per Christum Dominum nostrum, Amen.

Oremus.

PRecamur, Domine Deus, tuæ pietatis clementiam, ut panem istum, cælesti benedictione sanctifices, & ita ex hoc fugare digneris omnem diabolicæ tentationis incursum: ut quicumque ex eo comederit, totius virtutis & sanitatis dulcedine perfruatur, & tibi sanctificatori, ac salvatori omnium gratias cum gaudio & lætitia agere mereamur. Per Christum Dominum nostrum. Amen.

Oremus.

TE igitur suppliciter deprecamur, ut benediceret, & sanctificare digneris hanc creaturam panis: ut quicumque ex eo gustaverit, per intercessionem dilecti famuli tui Nicolai de Tolentino consequatur vitam æternam: & extingue ab omnibus dignè sumentibus, si quid veneni, si quid mortiferæ operationis fuerit, & clementer eos defende. Per Christum, &c. Amen.

Ore,

Oremus.

DEus, & Pater Domini nostri JESU Christi ;
 cujus verbo cœli firmati sunt, cui omnia
 subdita sunt, cui omnis creatura deservit, & po-
 testas subiecta est, & expavescit, nos Te ad au-
 xilium provocamus, cujus audito nomine ser-
 pens conquiescit, draco fugit, file viperæ, & om-
 nia venenata, etiam adhuc fortiora animalia rep-
 tantia noxia terrentur, & omnes adversæ salu-
 ti humanæ radices arescunt. Te ergò, Domi-
 ne, suppliciter deprecamur, ut beneddicere, &
 sanctificare digneris hanc creaturam panis, ut
 quisquis ex eo comederit, per intercessionem
 sancti tui Nicolai de Tolentino vitam æternam
 consequatur. Per Christum Dominum no-
 strum, Amen.

*Aspergatur, & incensetur. Postea fiat distributio &
 dicatur sequens*

Hymnus.

LAudibus summis celebramus omnes
 Regis æterni memoranda dona
 Mentibus lætis modulemur ejus

Grandia facta.

Qui dedit quondam fidei coruscans
 Sydus ex altis, oriensque cœlis,
 Sancta quem mundo peperit beatum

Monica Patrem,

Ex suo te nunc grege procreatum,
 Multa post tandem revoluta sæcla
 Contulit dignum Nicolae nobis,

Ejus alumnum,

Cujus ingentes, memoresque gestas

Res

Res queat nemo fatis explicare,
Cujus excellas, celebrésque laudes
Nemo referre.

Dive, cælestisque habitator aulæ,
Dive qui tantis meritis opimis
Vivis, & gaudens super alta Cæli
Astra triumphas.

Laus Patri summo, Genitôque semper,
Quique procedit Deus ex utroque
Spiritus sanctus, Deus unus idem,
Laus tibi semper, Amen.

Antiphona.

Nicolaus verus Christi pauper, virgo, à Deo
electus: obedientiam jugiter servans Eremita-
rum Ordinem signis & virtutibus decoravit.

Vers. Ora pro nobis beate Nicolae. Resp. Ut
digni efficiamur promissionibus Christi.

*Si talis benedictio fiat ante Missam, vel in Quadrage-
sima, dicatur sequens*

Oratio.

COncede, quæsumus omnipotens DEUS, ut
Ecclesia tua, quæ beati Nicolai Confessoris
tui virtutum & miraculorum gloria coruscat,
ejus intercessione & meritis perpetua pace atque
unitate lætetur. Per Christum Dominum no-
strum, Amen.

Si autem post Missam, dicatur

Oratio.

POpulum tuum Domine, quæ sumpsimus;
Sacramenta, custodiant, ut qui beati Nicolai
de Tolentino Confessoris jugiter implorant auxi-
lium, petitionum suarum salutarem consequan-
tur.

32 *Benedictio Panis S. Erhardi Episcopi*
tur effectum. Per Christum Dominum nostrum.
Amen.

Aspergatur aqua benedicta.

*Cum maxima reverentia tenebitur hic panis in domo
pro occurrentibus necessitatibus; quia ab Eugenio Papa
laudata fuit huiusmodi benedictio, & approbata.*

33.

Benedictio Panis

*S. Erhardi Episcopi Ratisbonensis à tempo-
re obitus ipso in loco, ubi defunctus est, fieri
solita, & ab ipso profecta, die octavâ
Januarii, festo ipsius.*

*Sacerdos ante missam indutus paramentis Missa ex-
cepta planeta cum Cruce & aqua benedicta procedit ad
locum, ubi panem benedicturus est, & dicit:*

℣. Adjutorium nostrum in nomine Domini.

℟. Qui fecit coelum & terram.

℣. Domine exaudi &c. ℟. Et clamor, &c.

℣. Dominus vobiscum &c. ℟. Et cum Spiritu.

*℣. Sequentia sancti Evangelii secundum Joan-
nem. ℟. Gloria tibi Domine.*

IN illo tempore subiit in montem Iesus & ibi se-
debat cum Discipulis suis, cum sublevasset
ergo oculos Iesus & vidisset, quia multitudo
magna venit ad eum, dicit ad Philippum: unde
ememus panes, ut manducent hi? Hoc autem
dicebat tentans eum, ipse enim sciebat, quid
esset factururus. Respondit ei Philippus: ducen-
torum denariorum panes non sufficiunt eis, ut
unusquisque modicum quid accipiat. Dicit ei
 unus ex Discipulis ejus, Andreas, frater Simo-
nis

nis Petri: Est puer unus hic, qui habet quinque panes hordeaceos, & duos pisces, sed hæc quid sunt inter tantos? Dicit ergo JEsus: Facite homines discumbere. Erat autem scœnum multum in loco. Discubuerunt ergo viri numero quasi quinque millia. Accepit ergo JEsus panes, & cum gratias egisset, distribuit discumbentibus, similiter & ex piscibus, quantum volebant. Ut autem impleti sunt, dixit Discipulis suis: Colligite quæ superaverunt, fragmenta, ne pereant. Collegerunt ergo, & impleverunt duodecim cophinos fragmentorum ex quinque panibus hordeaceis, quæ superfuerunt his, qui manducaverant. Illi ergo homines cum vidissent, quod fecerat JEsus, signum, dicebant: quia hic est verè Propheta, qui venturus est in mundum.

Resp. Laus tibi Christe.

Antiph. De quinque panibus & duobus piscibus satiavit Dominus quinque millia hominum.

Vers. Dispersit dedit pauperibus. Resp. Justitia ejus manet in sæculum sæculi.

Vers. Beatus qui intelligit super egenum & pauperem. Resp. In die mala liberabit cum Dominus.

Vers. Nunquid panem poterit dare. Resp. Aus parare mensam in deserto.

Vers. Pluit illis manna in deserto. Resp. Et panem cœli dedit eis.

Vers. Panem Angelorum manducavit homo.

Resp. Misit eis cibaria in abundantia.

Vers. Domine exaudi &c. R. Et clamor &c.

Vers. Dominus vobiscum. R. Et cum Spir. &c.

Oremus.

Salvator mundi **DEUS**, Domine **Jesu Christi** ste, qui hodiernum diem, beatissimi **Erhardi Confessoris tui** atque Pontificis festivitate decorasti, & diversas creaturas ad salutem hominum creasti. Quique ex quinque panibus & duobus piscibus quinque hominum millia satiasti, ac populum Judaicum in deserto miraculosè pavisti, ineffabilem misericordiam tuam suppliciter exoramus, & petimus, ut hos panes, quos plebs fidelis tibi devotè hodie ad sanctificandum attulit, tuâ pietate Benedicere † & Sanctificare † digneris, ut qui ex eis comederint, vel gustaverint, & ab omni plaga, & totius corporis infirmitate meritis, & intercessione ejusdem sancti **Erhardi Confessoris tui** atque Pontificis plenam recipiant sanitatem, & nos servos tuos ab omni corporis & animæ ægitudine sanos conservet. Qui vivis & regnas **Deus** per omnia sæcula sæculorum. Amen.

Oremus.

DEUS & Pater Domini nostri **Jesu Christi** cujus Imperio cœli firmati sunt, cui omnis creatura deservit & omnis potestas subjecta est, & metuit & expavescit; nos te in auxilium nostrum invocamus, cujus audito nomine serpens conquiescit, draco fileat, morbi cessant, languores evanescunt, & pericula fugiunt, & omnia venenata, & adhuc fortiora animalia noxia terrentur; tu Domine extingue omnes diabolicas fraudes, & omnes adversantes humano generi nequitias, & hos panes per intercessionem

S. Er-

S. Erhardi Confessoris tui, atque Pontificis tuâ virtute benedicas †, ut omnes ex eis piè utentes meritis & precibus **B. MARIAE** semper Virginis & omnium Sanctorum tuorum intervenientibus ab imminentibus periculis custodias, & ad regnum Gloriæ tuæ perducas, per Christum Dominum nostrum, Amen.

Oremus.

DEUS, qui laboribus hominum etiam de mutis animalibus solatia subrogâsti, supplices te rogamus; ut sine quibus non alitur humana conditio, intercessione **S. Pontificis**, & Confessoris tui Erhardi nostris facias usibus non perire.

Domine sancte, Pater omnipotens, æterne **DEUS**, benedicere digneris hos panes tuâ sancta benedictione † ut sint omnibus sumentibus salus mentis & corporis, atque contra omnes morbos & universas inimicorum insidias tutamentum, per Dominum nostrum Filium tuum panem vitæ, qui de cœlo descendit, & ad vitam & salutem mundo, & tecum vivit & regnat in unitate Spiritûs sancti **DEUS**, per omnia sæcula sæculorum, Amen.

Hic benedicat thus. Ab illo benedicaris † in cuius honorem cremaberis. Et thurificet panes trino ductu, deinde aspergat illos aqua benedicta in nomine Patris & Filii, & Spiritus sancti,
Amen.



CAPUT SECUNDUM.

*Benedictiones spectantes ad res
sacras.*

I.

Benedictio Crucis.

Vers. Adjutorium nostrum &c.

Oremus.

Benedic, quæso, Domine hanc crucem, per quam nos eripuisti, & salvâsti à dæmonum potestate; sanctifica signaculum istud Passionis tuæ, ut sit inimicis tuis obstaculum, & credentibus in te auxilium perpetuum, in quocunque loco fuerit collocatum, nulla sit habitatio dæmonum, sed fugiant confusi, elongentur ab ipso loco, & habitantibus in eo, quantum est cælum à terra: & habitent Angeli sancti fortissimi, locum, & habitatores protegant. Qui vivis & regnas in sæcula sæculorum, Amen.

2.

Alia Benedictio Crucis parvæ pro
moribundis.

Vers. Adjutorium nostrum &c.

Oremus.

Omnipotens Deus, qui crucis signum pretiosum Filii tui sanguine decorâsti, quique per eandem crucem Filii tui Domini nostri JESU Christi mundum redimere voluisti, & per virtutem ejusdem venerabilis crucis humanum genus
ab

ab antiqui hostis chyrographo liberaſti : te ſup-
pliciter exoramus, ut digneris hanc crucem pa-
terna pietate benedicere †, cæleſtēque ei vir-
tutem & gratiam impertiri : ut quicumque eam
in paſſionis & crucis, unigeniti tui ſignum ad tu-
telam corporis & animæ ſuper ſe geſtaverit, cæ-
leſtis gratiæ plenitudinem in ea, & munimen
valeat tuæ benediſtionis accipere. Si quis verò
infirmus, aut moribundus eandem in manu ſua
tenuerit, aut ſuper pectus ſuum impositam ha-
buerit, ad eum non audeant appropinquare
hoſtes maligni, nec ei tentationibus ſuis nocere,
aut ſpectris ſuis pavorem immittere. Sed vir-
tute hujus crucis benediſtæ ab infeſtationibus
dæmonum liberatus, Jeſu Chriſto filio tuo,
Redemptori ſuo laudes, & gratiarum actiones
perſolvat. Et quemadmodum virgam Aaron
ad rebellium perfidiam repellendam benedixiſti,
ita hoc ſignum crucis tuâ dextrâ benedic †, &
contra omnes diabolicas fraudes virtutem ei tuæ
deſenſionis impende : ut portantibus illam ani-
mæ pariter ac corporis proſperitatem conferat
ſalutarem, & ſpiritualia in eis dona multiplicet.
Per eundem &c.

Aspergens crucem dicat :

Sanctificetur hoc ſignum Crucis in nomine
Patris † & Filii † & Spiritus ſancti † : & benediſtio
illius ligni, in quo membra Salvatoris noſtri ſu-
ſpenſa ſunt, ſit in iſto ſigno Crucis, ut portan-
tes eam propter Deum inveniant corporis & ani-
mæ ſanitatē. Per Chriſtum &c.

Conjuraciones, quando crux contra tempestates erigitur, à S. Carolo Borromæo introductæ.

Benedic etiam Domine & sanctifica illud signaculum Passionis tuæ sacræ, ut sit inimicis tuis obstaculum, & credentibus perpetuum perforce auxilium. Qui vivis & regnas.

Hic aspergatur aqua benedicta dicendo.

Sanctificetur istud lignum in nomine Patris, & Filii, & Spiritûs sancti, ut orantes & inclinantes propter te, Domine, ante istam crucem inveniant sanitatem corporis & animæ.

Benedicat vos nubes Deus Pater, Benedicat vos nubes Deus Filius, Benedicat vos nubes Deus Spiritus sanctus.

Per effusum sanguinem Jesu Christi, per lignum crucis descendat, & liberet Deus hos campos, & vineas à tempestatibus, & simul omnibus diabolicis insidiis. **JESUS** Nazareus Rex Judæorum. Ecce crucem Domini † fugite partes adversæ † vicit leo de tribu Juda, radix David Alleluja, alleluja, alleluja. Hoc signum † erit in cælo, cum Dominus ad judicandum venerit, fugite vos per hoc signum sanctæ crucis in nomine Patris, extermino vos per crucem † admirabile signum, in nomine Filii, dissipabo vos per crucem signum æternæ confusionis vestræ in nomine Dei Spiritûs † sancti. Disperdo vos per crucem † in qua fides nostra consistit in nomine Pa † tris! destruo vos per crucem † torcular,

eular, quo sanguis Christi exprimitur in nomine
Fili; Annihilo vos per crucem † triumphum
redemptionis nostræ in nomine Spiritûs † sancti.
Consumo vos per crucem clavem Paradisi in
nomine Patris; destruo vos per crucem † in
qua pretium nostrum pependit in nomine Fili; ;
Dirumpo vos per crucem † morsum satanæ, &
angelorum ejus in nomine Spiritûs † sancti. Li-
quesfacio vos per crucem † perpetuum scutum
Christi amorem in nomine Patris; Persequor
vos per crucem † fugatricem diabolorum in no-
mine Fili; : Resolvo vos in aquam per crucem †
maledictorum perditionem in nomine Spiritus †
sancti, Amen.

Fugite inimici crucis Christi per Nativitatem,
per passionem, mortem & resurrectionem Jesu
Christi, dissipentur, destruantur, annihilen-
tur opera omnia diaboli his campis & vineis
contraria.

Exorcizo vos ventos favorabiles, & præcipio
per eum, qui producit ventos de thesauris suis;
per eum, qui fecit ventum, quasi rorem flantem
in medio fornacis ardentis, & liberavit Azariam
& socios ejus; & per eum, qui cùm ascendisset
naviculam, fecit cessare contrarium ventum,
& facta est tranquillitas magna, ut dispergatis,
& auferatis nubes absque læsione horum cam-
porum, & vinearum, & deportetis vos, ubi
non aratur, nec seminatur, nec nomen Dei
invocatur, in nomine Patris, & Fili, & Spi-
ritus † sancti, Amen.

Aspergantur omnia.

H. §

4. Ex.

**Exorcismus pro nova Cruce benedicenda,
& pro loco, ubi figenda.**

Benedictio loci.

Vers. Adjutorium nostrum &c.

Vers. Dominus vobiscum &c.

Oremus.

Domine Deus omnipotens, qui virgâ Moy-
sis præfigurâsti venerabilem & vivificam
crucem dilecti Filii tui D. N. JESU Christi. Be-
nedic + & sanctifica locum istum virtute & effi-
cacia venerandæ & vivificæ crucis ad avertendos
dæmones, & omnia adversa, custodi etiam lo-
cum hunc, & animas omnium hic habitantium
precibus & intercessione gloriosæ Dominæ no-
stræ Deiparæ semper virginis MARIÆ, quia be-
nedictum, & gloriosum est regnum tuum. Per
eundem &c.

**Ecce Crucem Domini, fugite partes adversæ,
vicit leo de tribu Juda, radix David.**

Vers. Domine exaudi &c.

Vers. Dominus vobiscum &c.

Oremus.

DEUS & Pater D. N. JESU Christi, invoco
nomen sanctum tuum, & clementiam tuam
supplex exposco, ut adversus hunc & omnem
immundum spiritum, qui vexat has præsen-
tes, & circumjacentes partes mihi auxilium præ-
stare digneris. Per eundem, &c.

EXorcizo te, immunde spiritus, omnis incur-
sio adversarii, omne phantasma, omnis le-
gio,

gio, quocunque modo infestans in nomine D. N. JESU Christi + eradicare, & effugare ab his partibus & creaturis Dei + ipse tibi imperat, qui mari, ventis & tempestatibus imperavit. Audi ergo, & time satana; inimice fidei, hostis generis humani, mortis adductor, vitæ raptor, justitiæ declinator, malorum radix, fomes vitiorum, seductor hominum, proditor gentium, incitator invidiæ, origo avaritiæ, causa discordiæ, excitator dolorum, qui stas & resistis, cum scias Christum Dominum vires tuas perdere. Illum metue, qui in Isaac immolatus est, in Joseph venundatus, in agno occisus, in homine crucifixus, deinde inferni triumphator fuit. Recede ergo in nomine Patris, & Filii, & Spiritus + sancti, per hoc signum Crucis JESU Christi D. N. Imperat enim tibi Deus Pater + imperat tibi Deus + Filius, imperat tibi Deus + Spiritus sanctus, imperat tibi Sacramentum Crucis, imperat tibi fides SS. + Apostolorum, imperat tibi continentia SS. + Confessorum, imperat tibi pia Sanctorum & Sanctarum + intercessio, imperat tibi Christianæ fidei + mysterium & virtus; discede ergo transgressor ab his omnibus partibus, discede seductor plene omni dolo & fallacia, virtutis inimice, innocentiae persecutor, cum omnibus tuis nocumentis, grandine, fulgure, maleficiis, da locum dirissime, & inimicissime Christo Domino, in quo nihil invenisti de operibus tuis, qui te spoliavit & regnum tuum secluserit, qui te victum ligavit, & vota tua dirupit, qui te projecit in tenebras exteriores,

riores, ubi tibi cum ministris tuis erit præparatus interitus per Christum D.N. in sæcula sæculorum, Amen.

Vers. Domine exaudi &c.

Vers. Dominus vobiscum. &c.

Oremus.

DEUUS conditor & defensor generis humani, qui hominem ad imaginem tuam formasti, respice super hanc familiam tuam, loca, domos & rura ipsius, quæ dolis immundi spiritus appetuntur, quam vetus adversarius & antiquus hostis terroribus conturbat, & damnis exagitat. Repelle, Domine virtutem Diaboli, fallacesque ejus insidias amove: procul impius tentator aufugiat, da Domine ad hanc invocationem sanctissimi nominis tui gratiam, ut qui hucusque terrebat, territus aufugiat, victus abscedat, ut tibi hæc familia secura serviat, famuletur. Per Christum &c.

Benedictio Crucis, ad quam paranda sunt, thus, tharibulum & aqua benedicta.

Vers. Adjutorium nostrum in nom. &c.

Oremus.

Benedic Domine, hanc crucem tuam per quam eripuisti mundum à potestate dæmonum, & superasti Passione tua suggestorem peccati, qui gaudebat in prævaricatione primi hominis per vetiti ligni sumptionem, qui cum Deo Patrè & Spiritu sancto vivis & regnas, &c.

Oremus.

Rogamus te Domine sancte, Pater omnipotens

tens, sempiternæ Deus, ut digneris benedice-
re hoc lignum crucis tuæ, ut sit remedium salu-
tare generi humano, sit soliditas fidei, bono-
rum operum profectus, & redemptio anima-
rum, sit solamen & protectio ac tutela contra
sæva jacula inimicorum, per Dominum no-
strum, &c.

Deinde dicitur extensis manibus ante pectus

Præfatio.

Per omnia sæcula sæculorum, Amen.

Dominus vobiscum, &c.

Sursum corda, &c.

Gratias agamus Domino, &c.

Verè dignum & justum est, æquum & saluta-
re, nos tibi semper & ubique gratias agere, Do-
mine sancte, Pater omnipotens, æternæ Deus,
cujus sanctum & terribile Nomen inter cæteras
visibiles creaturas, ligna quoque fructifera lau-
dare & benedicere non cessant, qui in figuram
unigenitæ sapientiæ tuæ ligno vitæ à principio
paradisum voluptatis ornasti, ut ejusdem fru-
ctus sacrosancto mysterio protoparentes nostri
generis mortem cavere, & vitam admoneret
custodire perpetuam, quique nos vetitæ arboris
tractu justæ morti addictos ejusdem coæternæ
tibi sapientiæ Dei & Domini nostri Jesu Christi
innocua morte ad vitam misericorditer revocare
dignatus es. Te supplices exoramus, ut hoc
singulare signum, quod ad exemplum primi
illius sacratissimi vexilli, quo pretioso sanguine
Filii tui triumphasti, fidelium tuorum devotio-
ne compactum erigendumque (vel erectum)
est,

est, tua cælesti benedictione sanctificare digneris, ut omnibus hic genuflectentibus, ac tuæ Majestati supplicantibus largior, & cordis compunctio, & admissorum concedatur remissio, atque ipsa intercedente victoriosissima unigeniti Filii tui Passione & tibi placita postulare, & citius valeant postulata percipere.

Da quæsumus clementissime Pater, in quo vivimus, movemur, & sumus, ut quoties triumphum divinæ humilitatis, qua superbiam nostri hostis dejecit, oculis intuemur, quotiescunque menterecolimus, & contra hostem ipsum fiduciam & majorem tibi devotæ humilitatis gratiam consequamur, quatenus in illo tremendo tuæ Majestatis examine, cum paventibus elementis, cælorumque tunc commotis viribus, signum istud gloriosum redemptionis nostræ apparuerit in cælo, ipsi de morte ad vitam transire, ad perpetuæ resurrectionis gaudia pervenire mereamur, per eundem &c.

Oremus.

DEUS, qui beatæ crucis patibulum, quod prius erat sceleratis ad pœnam, convertitis redemptis ad vitam, concede plebi tuæ ejus valuari præsidio, cujus est armata vexillo; sit ei fidei Fundamentum, spei suffragium, in adversis defensio, in prosperis adjuvamen; sit ei in hoste victoria, in civitate custodia, in campis protectio, in domo fultura, ut per eam pastor in futuro gregem conservet incolumem, quæ nobis Agno vivente ⁊ conversa est in salutem ⁊, per eundem &c.

Qre

Oremus.

SANCTIFICA Domine JESU Christe istud signaculum passionis tuæ, ut sit inimicis tuis obstaculum, & credentibus in te perpetuæ victoriæ vexillum, qui cum Deo Patre &c.

Benedictio thuris.

Oremus.

Domine Deus omnipotens, cui adstat exercitus Angelorum cum tremore, quorum servitium spirituale & igneum esse cognoscitur, dignare respicere, benedicere, & sanctificare hanc creaturam incensi, ut omnes languores, omnesque infirmitates, cunctæque insidiæ inimici odorem ejus sentientes effugiant, & separentur à plasmate tuo, ut nunquam lædatur à morfu antiqui serpentis, quod pretioso Filii tui sanguine redemisti, qui tecum & cum Spiritu, &c.

Hic incensat & aspergit dicens :

Sanctificetur istud lignum in nomine Patris, & Filii, & Spiritus + sancti, & benedictio illius ligni, in quo sacra membra Salvatoris suspensa sunt, sit in isto ligno, ut orantes, inclinantesque se propter Deum ante ipsam inveniant animæ & corporis sanitatem, per eundem &c.

Imponantur Reliquia, recludantur, & erigatur.

5.

Benedictio SS. Nominis JESU.

✠. Adjutorium nostrum &c.

Oremus.

Benedic Domine JESU sanctissimi Nominis
tui

tui impressionem & concede; ut sicut in fide S. Nominis tui claudum ambulare fecisti, dum dixit ei Petrus : in nomine JESU Christi Nazareni surge, & ambula : sic tua creatura hanc S. Nominis tui impressionem apud se devotè portans, ab omni infirmitate & tentatione diabolica per tuam piissimam misericordiam liberari mereatur. Et in quocunque loco hæc tremendi Nominis tui figura fuerit affixa, ibi nullus malignus spiritus possit intrare, aut maleficia sua, sive per se, sive per alios exercere, præstante Domino nostro JESU Christo, qui præ omnibus Angelis excellentius Nomen hæreditasti, & cum Patre, & Spiritu S. vivis &c.

Oremus.

DEUS qui sacratissimum Nomen dilectissimi filii tui D. N. JESU Christi fecisti fidelibus tuis summo suavitatis affectu amabile & malignis spiritibus tremendum atque terribile, concede propitius, ut omnes maligni spiritus hanc S. Nominis tui figuram, quam ego sacerdos tuus ad honorem tuum benedico, atque sanctifico, aspicientes divino terrore percussi fugiant procul, nec audeant appropinquare homini, aut loco, in quo, & apud quem hoc benedictum Nomen JESU fuerit. Per eundem Dominum &c.

Aspergatur.

6.

Benedictio Imaginis JESU Christi.

Vers. Adjutorium nostrum &c.

Vers. Dominus vobiscum &c.

Ore-

Oremus.

OMnipotens sempiternus Deus, qui sacras Unigeniti filii tui, & Sanctorum imagines, & effigies sculpi vel pingi per Ecclesiam tuam voluisti, ut quoties illas oculis corporis intuemur, toties eorum actus & sanctitatem ad imitandum, memoria oculis meditemur: Hanc quæsumus, imaginem (vel sculpturam) in honorem & memoriam unigeniti filii tui Domini nostri JESU Christi adaptatam benedicere & sanctificare digneris, & præsta, ut quicumque coram illa eundem unigenitum Jesum Christum humiliter & suppliciter honoraverit, & invocaverit, ejus meritis & obtentu à te gratiam in præsentem, & gloriam æternam obtineat in futuro. Per eundem Dominum &c.

Aspergatur.

7.

Benedictio Imaginis S. MARIAE V.

*Vers. Adjutorium &c. Resp. Domine ex. &c.
antiphona.*

Sub tuum præsidium confugimus sancta DEI Genitrix, nostras deprecationes ne despicias in necessitatibus nostris, sed à periculis cunctis libera nos semper virgo gloriosa, & benedicta.

Psalmus 86

Fundamenta ejus in montibus sanctis *ut in Officio B. M. V.*

Antiphona.

Sub tuum præsidium &c.

G

Vers.

Vers. Ora pro nobis sancta Dei genitrix. Resp.
Ut digni &c.

Oremus.

DEUS, qui de B. **MARIÆ V.** utero verbum
tuum Angelo nunciante carnem suscipere
voluisti: præsta supplicibus tuis, ut, qui verè
eam genitricem **DEI** credimus, ejus apud te in-
tercessionibus adjuvemur. Per eundem **Chri-**
stum Dominum nostrum Amen.

Oremus.

OMnipotens sempiterne **DEUS**, qui Clemen-
tiæ tuæ dispositione cuncta ex nihilo creā-
sti: hanc imaginem in honorem piissimæ Geni-
tricis Filii tui Domini nostri **Jesu Christi** vene-
rabiliter adaptatam benedicere, & sanctificare
digneris, & præsta misericordissime Pater per in-
vocationem Nominis tui, atque unigeniti Filii
tui Domini nostri **Jesu Christi**, quem pro salute
humani generis, integritate Virginis **Mariæ** ser-
vata, incarnari voluisti, ut precibus & interces-
sione ejusdem sacratissimæ Virginis, quicunque
eandem Misericordiæ Matrem & Reginam, co-
ram hac ejus effigie suppliciter deprecari fuerint,
eamque piè honoraverint, omnium delictorum
veniam & gratiam, quam desiderant, impetrare
mereantur. Per eundem Dominum nostrum
Jesum Christum &c.

Aspergatur & thurificetur.

8.

Benedictio imaginum aliorum Sanctorum.
℟. Adjutorium nostrum &c. **℞.** Qui fecit &c.
Ore-

Oremus.

OMnipotens sempiterne DEUS: qui Sanctorum tuorum imagines, & effigies sculpi vel pingi per Ecclesiam tuam voluisti, ut dum illas oculis corporeis intuemur, eorum actus, vitam & sanctitatem, ad imitandum, memoriae oculis meditemur: hanc quaesumus, imaginem (vel sculpturam in honorem Tui, & sancti N. (Apostoli vel Martyris, vel Confessoris, vel virginis &c.) adaptatam benedicere & sanctificare digneris: & praesta, ut quicumque coram illa, gloriosum (Apostolum vel Martyrem, vel Confessorem, vel virginem &c.) N. suppliciter colere, ac venerari studuerit, illius meritis, & obtentu a te gratiam in praesenti, & aeternam gloriam obtineat in futuro. Per Christum Dominum nostrum, Amen.

Aspergantur.

9.

Benedictio imaginum S. Magni, vel alterius Sancti.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

OMnipotens sempiterne DEUS, qui Sanctorum tuorum imagines sculpi & pingi non reprobas, ut, quoties illas oculis corporeis intuemur, toties eorum actus, & sanctitatem ad imitandum mentis nostrae oculis meditemur; has quaesumus imagines in honorem ac memoriam B. Confessoris tui & Abbatis Magni adaptatas

tatas beneddicere, & sanctificare digneris, & præstare, ut quicumque coram una ipsarum gloriosissimum sanctum Abbatem, & Confessorem Magnum suppliciter honorare, & colere studuerit, illius precibus & obtentu gratiam in præsentia, ac æternam gloriam obtineat in futuro per Christum Dominum nostrum &c.

Vers. Ora pro nobis beatissime Magne. *Resp.* Ut digni efficiamur promissionibus Christi.

Oremus.

Immensam clementiam tuam omnipotens Deus humiliter imploramus, ut imagines has beneddicere & sanctificare tuâ pietate digneris, ut domus & habitacula fidelium tuorum, in quibus affixæ, vel collocatæ fuerint, careant omni immunditia, liberentur à noxa, non illic resideat spiritus pestilens, non aura corrumpens, discedant omnes insidiæ latentis inimici, &, si quid est, quod aut incolumitati habitantium invidet aut quieti, ad illarum præsentiam fugiat, ut salubritas per sanctam tui nominis invocationem, & per sancti tui Magni piam apud te intercessionem expedita ab omnibus sit impugnationibus defensa per Dominum nostrum, &c.

Aspergantur aquâ benedicta.

10.

**Benedictio Candelarum in honorem
S. Magni.**

Vers. Adjutorium nostrum &c.

Vers. Domine exaudi &c.

Vers. Dominus vobiscum. &c.

Ore;

Oremus.

Benedic Domine JESU Christe Fili DEI vivi meritis & intercessionem Sancti Magni Abbatis & Confessoris tui candelas istas, supplicationibus nostris, & infunde eis per virtutem S. Crucis caelestem benedictionem, ut, qui eas ad repellendas tenebras humano generi tribuisti, talem benedictionem & fortitudinem signaculo Crucis accipiant, ut in quibuscunque locis accensae siue positae fuerint, discedant principes tenebrarum, & contremiscant, & fugiant pavidum cum omnibus ministris suis ab habitationibus illis, nec praesumant amplius inquietare, aut molestare servientes tibi omnipotenti DEO.

Proinde rogamus te Domine, ut per merita & intercessionem S. Magni emittas Angelum sanctum tuum Raphaellem, qui evulsit, & expulit à Sara & Tobia Dæmonem mortiferum & infestantem, ut conterat illos & dispergat de cunctis habitationibus colentium Deum, de lectulis de refectoriis, & de cunctis locis, in quibus DEI famulantes habitant, & requiescunt, dormiunt, vigilant, ambulant, & consistunt, nec valeant illos maligni spiritus amplius inquietare vel molestare, aut pavores immittere super eos, quos sancti Chrismatis tui unctione fecisti esse munitos.

Benedico vos † Candelas in nomine Dei † Patris omnipotentis, & Filii ejus unigeniti, & Spiritus † sancti Paracliti, ut sitis per merita & intercessionem S. Magni Abbatis ubique diaboli effugatio, atque omnium contubernalium
G 3 suo-

suorum exterminatio: adjuvante eadem sancta
& individua Trinitate, quæ in unitatis essentia
vivit & regnat per omnia sæcula, sæculorum.
Amen.

Aspergantur aqua benedicta.

II.

Benedictio Imaginum & Numismatum S. A-
nastatii Mart. Carmel. contra malos spi-
ritus & morbos.

Verf. Adjutorium nostrum &c.

Verf. Ora pro nobis S. Anastasi Christi Martyr.

Resp. Ut digni efficiamur promissionibus
Christi.

Oremus.

DEUS in te sperantium virtus, qui de Carmeli
solitudine ad subeundam Martyris Palmam
B. Anastasium evocasti: per intercessionem hu-
jus gloriosi Martyris porrige nobis dexteram
tuæ divinæ Majestatis, ut in virtute illius præsen-
tem benedictionem perficiamus. Per Christum
Dominum nostrum. **Resp.** Amen.

Antiphona.

Sancte DEI Mar yr Anastasi constans contem-
ptor idolorum, qui crucem Christi adamasti:
sequens viam Dei amatorum, præbe nobis, ut
tuo gloriemur in honore.

Psalmus.

Ad Dominum, cum tribularer, clamavi, &
exaudivit me.

Domine libera animam meam à labiis iniquis
& à lingua dolosa.

Quid

Qui detur tibi, aut quid apponatur tibi ad linguam dolosam?

Sagittæ potentis acutæ cum carbonibus desolatoriis.

Heu mihi, quia incolatus meus prolongatus est, habitavi cum habitantibus Cedar, multum incola fuit anima mea.

Cum his, qui oderunt pacem, eram pacificus cum loquebar illis, impugnabant me gratis. Gloria Patri.

Repetitur Antiphona.

Oremus.

OMnipotens sempiterne Deus, qui Sacerdotibus tuis in consecratione eorum tantam gratiam contulisti, ut quidquid in tuo nomine dignè perfectèque ab eis agitur, à te fieri credatur: quæsumus immensam clementiam tuam, ut quod modò facturi sumus, nobiscum facias, & quidquid benedicturi, nobiscum benedicas: & ad ea, quæ acturi sumus, dexteram tuæ potentiae extendas: ut sicut ego has imagines sive numismata S. M. Anastasii benedico & sanctifico; sic & tu eadem benedicas, & sanctifices. Sintque hujus Sancti tui meritis fuga dæmonum, omnium languorum, morborumque sanatio, cujuscunque maleficii ac damni fraude nequissimi spiritus illati exterminatio & Angelorum pacis ingressus & fida custodia. Per Christum &c. Amen.

Aspergantur aquâ benedicta.

Antiphona.

Sancte Anastasi Martyr victorioso, qui vicisti

104 *Benedictio imaginum S. Anastasii.*

mundum gloriosè; Pugil caste pervigil, cultor
eremi in terra sancta Carmeli, miles Christo
consecratus, sanguine proprio purpuratus, ora
pro nobis, pugna pro nobis, triumpha pro nobis.
Psalmus 121. fer. 3. ad Vesp.

Antiphona repetitur.

Oremus.

DEUS Angelorum DEUS Arch-Angelorum,
DEUS Prophetarum, DEUS Apostolorum
DEUS Martyrum, DEUS Confessorum, DEUS
Virginum, & omnium bene viventium, DEUS
& Pater Domini N. J. Christi te invoco & no-
men sanctum tuum atque præclaræ Majestatis
elementiam supplex exposco, ut mihi auxilium
præstare digneris, & mecum has imagines five
numismata gloriosi Martyris tui Anastasii benedi-
dicere, sanctificare & consecrare, ut ubi-
que reperta & apposita fuerint, inde velociter
exeat, & recedat omnis nequitia maligni spiri-
tus & maneat benedictio tua & sanctificatio ibi
sempiterna. Per eundem &c. Amen.

Aspergantur aquâ benedicta.

Oremus.

Domine JESU Christe piissime redemptor
Castissime animarum sponse, omniumque
Illuminator & Rector, qui per Spiritum sanctum
Ecclesiæ tuæ in sancto Concilio Nicæno congre-
gatæ indicâsti, eaque te inspirante fideliter agno-
vit, per effigiem S. Martyris tui Anastasii dæ-
mones morbosque fugari: Concede per piissi-
mam clementiam tuam & sanctissimam tuam
benedictionem hæc imagines vel numismata
ejus-

ejusdem S. Martyris tui effigie insignita ita à me
sacerdotali & consecrata manu benedicantur, uti
in præsentib. benedico, & sanctificare intendo,
ut omnibus eisdem piè & devotè utentibus sint
remedium salutare corporis & animæ & super ea
bibentes tam homines, quàm animalia à lan-
guoribus suis curentur, & pristinæ sanitati resti-
tuantur. Per te misericordissime salvator, qui
febris imperâsti, mox recesserunt, qui cæcos
claudos, leprosos, paralyticos & omnes languen-
tes ad te confugientes clementissimè sanâsti,
adauge quoque in nobis eandem sanctam fidem
in sæcula sæculorum, Amen.

Oremus.

Omnipotens sempiterne Deus, qui in omni
loco dominationis tuæ totus assistis, totus
operaris, adesto supplicationibus nostris, & om-
nis illius loci sis Protector, ubi hæc imago, vel
numisma affixum fuerit, ut ibi nulla nequitia
contrariæ potestatis consistat; sed virtute Spiri-
tûs sancti & operatione ejus fiat ibi promptum
tibi servitium & assistat devota libertas. Per
Christum Dominum nostrum. Amen.

Aspergitur aquâ benedicta.

12.

Benedictio Annuli S. Iosephi.

Vers. Adjutorium nostrum &c.

*Vers. Manda Deus virtuti tuæ. Resp. Confirma
hoc Deus, quod operatus es.*

*Vers. A templo sancto tuo, quod est in Jerusa-
lem. Resp. Tihî offerent Reges munera.*

G 5

Vers.

Vers. Annulo suo subarrhavit me & posuit signum in faciem meam. **Resp.** Ut nullum præter eum amatorem admittam.

Antiph. Joseph fili David, noli timere accipere Mariam Conjugem tuam; quod enim in ea natum est, de Spiritu sancto est: pariet autem tibi filium & vocabis nomen ejus Jesum.

Vers. Constituit eum Dominum domus suæ. **Resp.** Et Principem omnis possessionis suæ.

Oremus.

Sanctissimæ Genitricis tuæ sponsi, quæsumus Domine, meritis adjuvemur: ut quod possibilitas nostra non obtinet, ejus nobis intercessionem donetur, Qui vivis & regnas cum Deo Patre &c. **Resp.** Amen.

Hymnus.

Joseph ab ortu Regio, de stirpe flos Davidica,
Huic creditur Nutritio Proles Tonantis unica.
Hunc Virgo sponsum prædicat, Deusque Patrem nuncupat.

Antiphona. Salve Patriarcharum Apex, cui Deus omnipotens omni benedictione spirituali in cælestibus benedixit.

Oremus.

Omnipotens æterne Deus omnium moderator & inspector Cordium, superbiorum humiliator & humilium exaltator, qui sanctum Patriarcham Joseph à fratribus suis in ferreis compedibus humiliatum universæ terræ Ægypti constituisti dominatorem, & regio consignato annulo omnia Regni bona manui ejus subjecisti, omni etiam de super ei infusâ cælesti benedictione,

ne, quâ populus electus à fame & mortis faucibus ereptus; & similiter in lege gratiæ sanctum Josephum à fabrilibus operibus ad Thronum gratiæ exaltasti, unigeniti & dilecti Filii Salvatoris constituisti Nutritium, eumque gloriosissimæ Virgini *MARIÆ* Unigeniti Verbi tui electæ Matri annulo sanctæ fidei castissimi connubii, & intemeratæ Charitatis desponsasti: proinde & omnia bona pariter ei venerunt cum illa & innumabilis honestas per manus illius. Per potentissimam intercessionem & cumulatissima merita horum duorum sanctissimorum & castissimorum supplices conjugum deprecamur piissimam clementiam & Majestatem tuam, quatenus digneris hunc anulum in honorem sancti Josephi Nutritii Incarnati Filii tui & gloriosissimæ Virginis *MARIÆ* Sponsi benedicere & sanctificare, ut sit tutamen contra insidias & contagia diabolica: omnium maleficiorum exterminatio: casti amoris incitamentum: infirmarum manuum roboratio: omnium piarum operationum prosperitas: & illi piè & reverenter portantes liberentur ab omni odio, & mala voluntate diligantque charitate perfectâ Te æternum Patrem Ingenitum, & Filium tuum unigenitum *JESUM* Christum Dominum nostrum, ac Spiritum sanctum Paraclitum in sæcula sæculorum, Amen.

Aspergatur Aquâ benedictâ.

Antiphon. Salve fidelis Ecclesiæ sanctæ Dei econome, cui frumentum electorum & panem Vitæ pro solatio animarum conservasti.

Vers. Qualis est dilectus tuus ex dilecto ô pulcher.

cherrima mulierum. Resp. Dilectus meus
candidus & rubicundus, electus ex millibus.

Oremus.

Domine Jēsu Christe Candor lucis æternæ,
& Speculum sine macula divinæ Majestatis,
Virginitatis, & castarum mentium amator, qui
sanctum Josephum Nutritium tuum, virgineam-
que Matrem tuam annulo sponsalicio conjuga-
tos perfecto divinōque amore dilexisti; illis in
omnibus subditus te panem vivum Angelorum
pro totius mundi solatio custodiendum tradidisti.
Per illum tuum divinum amorem te piissime
Domine rogamus, præsta nobis auxilium gratiæ
tuæ, & hunc annulum benedicere, & sanctifi-
ficare digneris, ut omnes reverenter & devotè
eum portantes secum, & venerantes, à te cœle-
stibus benedictionibus repleantur, Tibi Virgi-
nīque Matri grati & dilecti existant, atque ad vi-
tam promoveantur æternam, ubi tecum vero
cœlesti sponso uniti vivant in sæcula sæculorum,
Amen.

Aspergatur aquâ benedicta.

Antiph. Salve Magni consilii adjutor, qui su-
dore vultus tui victimam nostræ salutis aluisti.

Vers. Inveni, quem diligit anima mea. Resp. Te-
nui eum, & non dimittam.

Oremus.

DEUS, in cujus Verbo, quod tutelæ & ali-
monix sancti Josephi commissum fuit, san-
ctificantur omnia, quæ vel facimus, vel perci-
pimus: effunde, quæsumus sanctissimam be-
nedictionem tuam super nos, & super hunc
annu-

annulum eidem Sancto dicatum, ut per intercessionem & merita Beatissimæ Virginis Mariæ ac ejus sancti sponsi Josephi benedicti maneant & nos quæcunque præsentis vitæ necessitas piè postulat, misericorditer cum gratiarum actione feliciter assequamur. Per eundem Dominum &c. Amen.

Aspergatur.

13.

Benedictio Candelarum,

Verf. Adjutorium nostrum &c.

Oremus.

Domine JESU Christe Fili Dei vivi, benedic candelas istas supplicationibus nostris: infunde eis Domine, per virtutem sanctæ Crucis benedictionem cœlestem, qui eas ad repellendas tenebras humano generi tribuisti: talem benedictionem signaculô sanctæ Crucis accipiant, ut quibuscunque in locis incensæ, sive positæ fuerint, discedant principes tenebrarum, & contremiscant, & fugiant pavidum cum omnibus ministris suis, & facturis ab habitantibus in illis, nec præsumant amplius inquietare, vel molestare servientes tibi omnipotenti Deo, qui vivis & regnas in sæcula sæculorum, Amen.

Aspergantur,

14.

Alia Benedictio Candelarum,

Verf. Adjutorium nostrum &c.

Verf. Dominus vobiscum. &c.

Ore,

Oremus.

Domine sancte, Pater omnipotens, æterne Deus, qui omnia ex nihilo creasti, & jussu tuo per opera apum hunc liquorem ad perfectionem cerei venire fecisti: Te humiliter deprecamur, ut has candelas ad usus hominum & sanitatem corporum & animarum, per invocationem tui sanctissimi nominis & per intercessionem B. MARIE V. & per preces omnium Sanctorum tuorum bene t dicere, & sanctificare digneris: quatenus ii, qui eas in honorem tuum accendunt, aut in manibus suis deferunt, sancto igne dulcissimæ charitatis tuæ accensi, in templo sanctæ gloriæ tuæ repræsentari mereantur, Per eundem Christum.

Oremus.

Domine JESU Christe, lux vera, quæ illuminat omnem hominem venientem in hunc mundum, effunde benedictionem tuam super hos cereos, & sanctifica eos lumine gratiæ tuæ ut sicut hæc luminaria igne visibili accensa nocturnas depellunt tenebras, ita corda nostra invisibili igne, seu sancti Spiritus splendore illustrata omnium vitiorum cæcitate careant: ut ii, qui eos ad honorem tuum accendunt, aut in manibus suis portant, purgato mentis oculo cernere possint, quæ tibi sunt placita, & salutis suæ utilia, quatenus post hujus sæculi caliginosa discrimina ad lucem indeficientem pervenire mereantur. Qui vivis.

Oremus.

Domine JESU Christe, Fili Dei vivi, benedic

dic has candelas supplicationibus nostris, & per virtutem sanctæ crucis tuæ, infunde iis benedictionem cœlestem: ut in quibuscunque locis accensæ sive positæ fuerint, discedant principes tenebrarum, & contremiscant ac fugiant pavidum cum omnibus ministris suis ab habitationibus illis, nec præsumant amplius inquietare aut molestare servientes tibi omnipotenti Deo, qui vivis.

Aspergantur aquâ benedicta.

15.

Benedictio Candelæ pro moribundis.

Vers. Adjutorium nostrum &c.

Vers. Domine exaudi &c.

Vers. Dominus vobiscum. &c.

Oremus.

Domine JESU Christe, Fili Dei vivi, qui dixisti: sint lumbi vestri præcincti, & lucernæ ardentes in manibus vestris: benedicere dignare candelam istam, & infunde ei per virtutem S. Crucis benedictionem cœlestem, talémque benedictionem signaculo S. Crucis accipiat, ut quibuscunque in locis accensa, aut à quibuscunque infirmis in manibus portata fuerit, discedant & contremiscant principes tenebrarum, & fugiant pavidum cum omnibus ministris suis. Nec præsumant inquietare aut molestare aut tentare famulos tuos, qui eam ob honorem tuum in manibus suis gestaverint. Tu Domine, qui es lumen ad revelationem gentium, & illuminas omnem hominem venientem in hunc mundum,

dum, digneris illuminare intellectum eorum, qui lumen hoc devotè susceperint: ut cognoscant te solum verum Deum, & Patrem tuum cœlestem. Qui cum eo & Spiritu sancto vivis & regnas in sæcula sæculorum, Amen.

Aspergatur.

17.

**Benedictio vexilli Ecclesiastici pro templis
& processionibus.**

Vers. Adjutorium nostrum &c.

Oremus.

Domine JESU Christe, cujus Ecclesia est velut castrorum acies ordinata. Benedicere digneris hoc vexillum, ut omnes sub eo tibi Domino Deo nostro exercituum militantes, per intercessionem sancti N. Patroni, inimicos suos invisibiles in hoc sæculo superare, & post victoriam in cœlis triumphare mereantur, per te JESU Christe, qui vivis & regnas cum Deo Patre in unitate Spiritûs sancti Deus, per omnia sæcula sæculorum, Amen.

Aspergitur.

17.

**Benedictio Rosariorum Confraternitatis
Rosarii.**

Vers. Adjutorium nostrum &c.

Oremus.

Omnipotens, & misericors Deus, qui propter eximiam Charitatem tuam, qua dilexisti nos, & Filium tuum Dominum nostrum JESUM Christum de cœlis in terram descendere, & de bea-

Bened. Rosariorum & Candel. Confrat. Rosarii 113

beatissimæ Virginis **MARIÆ** utero sacratissimo, Angelo nunciante carnem sulcipere, crucemque ac mortem subire, & tertia die gloriole à mortuis resurgere voluisti, ut nos eriperes de diaboli potestate: obsecramus immensam clementiam tuam, ut hæc signa Rosarii in honorem & laudem ejusdem Genitricis Filii tui ab Ecclesia tua fidei dicata benedicas, & sanctifices; eisque tantam Spiritûs sancti infundas virtutem, ut quicumque horum quodlibet secum portaverit, atque in domo sua reverenter habuerit, & in eis ad te, secundum ejusdem sanctæ Societatis instituta, divina contemplando mysteria devotè oraverit, salubri & perseverante devotione abundet; sitque consors & particeps omnium gratiarum, privilegiorum, & indulgentiarum, quæ eidem societati per sanctam Sedem Apostolicam concessa fuerunt. Et ab hoste visibili & invisibili semper & ubique in hoc & in futuro sæculo liberetur: & in exitu suo ab ipsa beatissima Virgine **MARIA** Dei Genitrice tibi plenus bonis operibus præsentari mereatur. Per eundem Christum Dominum nostrum. Amen.

Deinde aspergantur aquâ benedicta dicendo. In nomine Patris, & Filii, & Spiritûs sancti Amen,

18.

Benedictio Candelarum S. Rosarii.

Ps. Adjutorium nostrum &c.

Oratio.

Domine **JESU** Christe, lux vera, quæ illumi-
H **na**

nas omnem hominem venientem in hunc mundum; effunde per intercessionem B. Virginis MARIAE Matris tuæ, & per quindecim ejus Rosarii mysteria benedictionem tuam super hos cereos, & candelas, & sanctifica eas lumine tuæ gratiæ, & concede propitius: ut sicut hæc luminaria, igne visibili accensa nocturnas depellunt tenebras, ita corda nostra invisibili igne, id est, Spiritûs sancti splendore illustrata, omnium vitiorum cæcitate careant, ut puro mentis oculo cernere semper possimus, quæ tibi placita sunt & nostræ saluti utilia, quatenus post hujus sæculi caliginosa discrimina ad lucem indeficientem pervenire mereamur. Qui vivis & regnas per omnia sæcula sæculorum Amen.

19.

Absolutio impertienda Confratribus

SS. Rosarii in articulo mortis.

Dicto Confiteor, Sacerdos dicat: Misereatur tui &c. Indulgentiam &c.

Dominus noster Iesus Christus Filius Dei vivi, qui B. Petro Apostolo suo dedit potestatem ligandi, atque solvendi, per suam piissimam misericordiam recipiat confessionem tuam & remittat tibi omnia, quæcunque, vel quomodo-cunque in toto vitæ decursu commisisti, de quibus corde contritus, & ore confessus es, restituens tibi stolam primam, quam in baptismo accepisti, & per indulgentiam plenariam à summis Pontificibus Innocentio octavo, & Pio quinto Confratribus SS. Rosarii in articulo mortis

con-

constitutis concessam, liberet te à præsentis, & futuræ vitæ pœnis, dignetur purgatorii cruciatus remittere, portas inferi claudere, paradisi januam aperire, teque ad gaudia sempiterna perducere, per sacratissima suæ vitæ, Passionis & glorificationis mysteria in sanctissimo Rosario comprehensa. Qui cum Patre & Spiritu sancto DEUS unus vivit & regnat in sæcula sæculorum, Amen.

20.

Ordo benedicendi & recipiendi scapulare
B. V. M. de monte Carmelo.

Persona receptura genuflectat ante Altare majus, vel ante Virg. & tunc sacerdos habens potestatem, stola ad collum indutus incipiat Antiphonam.

Suscepimus DEUS misericordiam tuam in medio templi tui: secundum Nomen tuum, sic & laus tua in fines terræ, justitiâ plena est dextera tua.

Psalmus 47.

Magnus Dominus & laudabilis nimis: in civitate Dei nostri in monte sancto ejus.

Fundatur exultatione universæ terræ mons Sion, latera Aquilonis, civitas Regis magni.

DEUS in domibus ejus cognoscetur: cum suscipiet eam.

Quoniam ecce Reges terræ congregati sunt: convenerunt in unum.

Ipsi videntes sic admirati sunt, conturbati sunt: commoti sunt; tremor apprehendit eos.

Ibi dolores ut parturientis: in spiritu vehementi conteres naves Tharsis.

116 *Benedictio Scapularis B.V.M. de Carmelo.*

Sicut audivimus, sic vidimus in civitate Domini virtutum: in civitate DEI nostri: DEUS fundavit eam in æternum.

Suscepimus DEUS misericordiam tuam: in medio templi tui.

Secundum nomen tuum DEUS, sic & laus tua in fines terræ: justitiâ plena est dextera tua.

Lætetur mons Sion, & exultent filiæ Judæ: propter judicia tua Domine.

Circumdate Sion, & complectimini eam: narrate in turribus ejus.

Ponite corda vestra in virtute ejus: & distribuite domus ejus, ut enarretis in progenie altera.

Quoniam hic est DEUS, DEUS noster in æternum, & in sæculum sæculi: ipse reget nos in sæcula.

Psalmus 132.

ECce quàm bonum, & quàm jucundum: habitare fratres in unum.

Sicut unguentum in capite: quod descendit in barbam, barbam Aaron.

Quod descendit in oram vestimenti ejus, sicut ros Hermon, qui descendit in montem Sion.

Quoniam illic mandavit Dominus benedictionem: & vitam usque in sæculum.

Kyrie eleison, &c. Pater noster.

Vers. Et ne nos inducas &c.

Vers. Salvum fac servum tuum. Resp. Deus meus sperantem in te.

Vers. Mitte ei auxilium de sancto. Resp. Et de Sion tuere eum.

Vers.

Verf. Nihil proficiat inimicus in eo. Resp. Et Filius iniquitatis non apponat nocere ei.

Verf. Domine exaudi, &c. Resp. Et clamor &c.

Verf. Dominus vobiscum. Resp. Et cum Spir. &c.

Oratio.

SUSCIPIAT te DEUS in numero fidelium suorum, & nos licet Indigni suscipimus te in orationibus nostris: concedat tibi DEUS per unigenitum suum Mediatorem DEI & hominum tempus bene vivendi, locum bene agendi, constantiam bene perseverandi. Et sicut nos hodie fraterna charitas spiritualiter conjungit in terris, ita divina pietas, quæ dilectionis est auctrix & amatrix, nos cum fidelibus suis conjungere dignetur in cœlis. Per eundem Christum Dominum nostrum. Resp. Amen.

Oremus.

A Desto, Domine, supplicationibus nostris, & hunc famulum tuum, quem in tuo sancto Nomine ad participationem omnium bonorum spiritualium, & fraternitatem recepimus hujus sacræ religionis beatæ Genitrici tuæ Virgini Mariæ specialiter dedicatæ, benedicere digneris, & præsta, ut te largiente devotus in Ecclesia persistere valeat cum augmento virtutum, atque suffragiis hujusmodi sacri Ordinis adjutus vitam percipere mereatur æternam. Per Christum Dominum nostrum, Amen.

Deinde conversus ad habitum dicat.

Verf. Ostende nobis, Domine, miser. &c.

Verf. Scapulis suis obumbrabit tibi. Resp. Et sub pennis ejus sperabis

Vers. Dominus Deus virtutum converte nos.

Resp. Et ostende faciem tuam : & salvi erimus.

Oremus.

Suppliciter Te, Domine, rogamus, ut super hunc habitum servo tuo imponendum benedictio tua benigna descendat, ut sit benedictus, atque Divina virtute procul pellantur hostium nostrorum visibilia & invisibilia tela nequissima, Amen.

Oremus.

Caput omnium fidelium, DEUS, & humani generis Salvator, hunc habitum, quem propter tuum, tuæque Genitricis Virginis MARIE de monte Carmeli amorem atque devotionem servus tuus est delaturus, dextrâ tuâ sanctifica, & hoc, quod per illum mysticè datur intelligi, tuâ semper custodiâ, corpore & animo ad remunerationem perpetuam cum Sanctis omnibus felicissimè perducatur. Qui vivis &c.

Oremus.

Creator, conservator & salvator omnium, largitor humanæ salutis, DEUS, dator gratiæ spiritualis, benedictionem tuam super hunc habitum immitte: ut, qui eum gestaverit, cœlesti virtute munitus, fidem integram, spem firmam & charitatem desideratam teneat, & à te nunquam separari permittas. Qui vivis &c.

Deinde aspergat aquam benedictam super habitum, & postea ipsum imponat persone recipienti, dicens :

Accipe vir devote habitum benedictum, precamurque sanctissimam Virginem, ut ejus meritis

ritis illum perferas sine macula, & te ab omni adversitate defendat, atque ad vitam perducatur æternam Resp. Amen.

Deinde dicat :

EGO, ex potestate mihi tradita, & concessa, suscipio, ac recipio te ad participationem omnium orationum, disciplinarum, precum, suffragiorum, eleemosinarum, jejuniorum, Vigiliarum, Missarum, horarum Canoniarum, ac cæterorum bonorum Spiritualium, quæ passim die noctûque (cooperante misericordia Jesu Christi) à Religiosis totius Ordinis Carmelitarum peraguntur. In nomine Patris &c.

Postea signo crucis benedicens personam recipientem dicat.

Benedicat te Conditor coeli & terræ, DEUS omnipotens, qui te eligere dignatus est ad B. V. Mariæ de monte Carmeli societatem & confraternitatem, quam precamur, ut in hora obitûs tui conterat caput serpentis, qui tibi est adversarius, & tanquam victor palmam, coronam sempiternæ hæreditatis consequaris. Per Christum Dominum nostrum, &c.

Deinde aspergatur persona recipiens aqua benedicta.

21.

Forma absolutionis S. Scapularis pro agonizante.

Dicto Confiteor &c Misereatur &c. Indulgentiam &c. dicit has orationes.

Oratio.

Dominus noster IESUS Christus DEI Filius, qui omnia horribilia tormenta pro peccatoribus subiit, ut eos ad vitam revocaret, salvat omnes, & neminem vult perire, neque vult mortem peccatorum, sed vitam semper inquirat. Ipse nunc suâ infinitâ misericordiâ te respiciat, avertat omnem iram, & indignationem, atque per indulgentissimâ Misericordiæ suæ viscera tibi remittat universas iniquitates tuas, & quascunque pœnas ex rigore maximæ justitiæ suæ debitas. Ego autem ipsius Domini nostri IESU Christi indignus famulus, & Minister, ex auctoritate sanctorum Apostolorum Petri & Pauli, & sanctæ Romanæ Ecclesiæ; item ex Privilegiis per summos Pontifices fratribus & confratribus Sanctissimæ Matris Mariæ de monte Carmelo concessis, atque ex licentia, potestate & commissione mihi à meis superioribus imposita, in quantum possum & debeo, declaro te consequi indulgentiam plenariam, & remissionem omnium peccatorum tuorum (si tamen hac vice è vita non migraveris, aliàs eandem tibi reservo pro ultimo mortis tuæ articulo) in nomine Patris &c.

Ego insuper eadem auctoritate tecum dispenso super omnes negligentias, si quas contraxisti, istum S. Habitum deferendo, & declaro, atque significo, te creaturam DEI fore absolutam hic, & ante tribunal Domini nostri IESU Christi ab omnibus pœnis tibi in purgatorio debitis propter peccata, quæ contra bonitatem DEI vi-

vi & veri commisisti, téque manifesto restitutam illi innocentiae, quâ in Baptismo per sacrum Salvatoris lavacrum induta fuisti: In nomine Patris, &c.

Oremus.

Dominus noster JEsus Christus, Pater misericordiarum, & consolator peccatorum, qui dixit, nolo mortem peccatoris, sed magis, ut convertatur & vivat, nec veni vocare justos, sed peccatores ad pœnitentiam, ipse sua ineffabili misericordia & solita pietate ad veram cordis contritionem te vocet, & gratiam devotæ pœnitentiæ inspiret, ut dignè remissionem negligentiarum acquirere, & indulgentias hujus sacri Carmelitici habitûs obtinere, atque cum Electis ejus ad æterna gaudia valeas feliciter pervenire, Qui cum Patre & Spiritu &c. Amen.

Oremus.

Adesto Domine supplicationibus nostris, & istam creaturam ad tuam sanctissimam imaginem creatam, tuo proprio sanguine redemptam, tuâ providentiâ ineffabili conservatam, gubernatam, custoditam, & salvatam, quam nos in tuo sancto Nomine ad participationem omnium bonorum Spiritualium, & Confraternitatem recepimus, benedicere digneris & præsta: ut te largiente devotè te diligat, te quærat, te inveniat, ad te tendat, atque suffragiis hujus S. Ordinis B. V. adjuta vitam percipere mereatur æternam. Per Christum Dominum nostrum. Amen.

MARIA Mater gratiæ, Mater misericordiæ.

H 5

Ora.

Oratio.

Defende quæsumus, Domine B. Maria semper Virgine intercedente, istam ab omni adversitate familiam, & toto corde tibi prostratam ab hostium propitius tuere clementer insidiis. Per Christum Dominum nostrum. Amen.

22.

Benedictio vinculorum sive catenularum
Mancipatûs Parthenici.

✠. Adjutorium nostrum &c.

Oremus.

OMnipotens sempiterne Deus, qui vincula peccatorum nostrorum disrumpis, ut libertate filiorum gaudere valeamus, & qui ad vincula salutis hominem advocas dicens, injice pedem tuum in compedes illius, & collum tuum in torques illius, & ne acedieris vinculis ejus; hæc vincula, quæ in signum perpetuæ servitutis ad honorem B. V. servi ejus deferre intendunt, benedicere, & sanctificare digneris, & concede eis, sic illa devotè gerere, ut vivendo candore castitatis illustrentur, ac moriendo à vinculis peccatorum absoluti, intercessione ejusdem sanctissimæ Matris **MARIÆ**, tecum, & cum illa in regno gloriæ congaudere valeant sine fine. Per Christum Dominum nostrum. Amen.

23.

Benedictio annulorum, & armillarum, quæ
in B. V. **MARIÆ**, & S. Josephi æternum
obsequium deferri solent.

Anti-

Antiph. Tulit rex annulum suum de manu sua, & dedit eum in manu Ioseph, vestivitque eum Stola byssinâ, & collo torquem auream circumposuit.

Vers. Annulo suo subarrhavit eum. *Resp.* Ut præpositum eum scirent universæ terræ.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

OMnipotens æterne Deus, qui iusto iudicio disperdis superbos, & exaltas humiles, quique antiquum Patriarcham Ioseph, ob insignem castimoniam suam de squalore carceris eductum, supremum Ægypti Dominum constituisti, & regio annulo, ac torque aurea condecorari voluisti; concede propitius: ut qui secundi Iosephi castissimæ MARIÆ Sponsi, ac unigeniti tui Nutritii sacrum annulum, quo sibi innocentissimam ac semper illibatam Virginem MARIAM desponsavit, in terris nostra devotione colimus, ejus intercessione & patrocinio à te in cœlis desponsari mereamur. Per eundem Christum, &c.

Oremus.

OMnipotens æterne Deus, qui unigenitum Filium tuum Jesum, per piissimæ V. MARIÆ purissimas manus fasciis ligari & involvi, à sanctissimo Ioseph ulnis gestari ac manibus impiorum durissimis vinculis ferreis & funibus ligari, crudeliter constringi & trahi permisisti, ut nos à vinculis peccati, & cruciatibus æternis clementer

ter eriperes: benedic, Domine annulos istos, & catenulas, & vincula, quæ fideles tui in signum sacræ mancipationis gestare decernunt, & præsta, ut quicumque in memoriam fascinarum & vinculorum dilectissimi Filii tui, ac beatissimæ Matris ejus MARIÆ, sanctissimique Josephi devotè ea portaverint, & sanctissimæ Virginis ac beatissimi Josephi sponsi ejus perpetuo famulae tui & obsequiis sese dedicaverint, in articulo mortis suæ ab omnibus peccatis absoluti, perpetua libertate donati, cum omnibus Sanctis coronâ gloriæ perfrui mereantur in cœlis, per eundem Christum Dominum nostrum, Amen.

Aspergantur.

24.

Benedictio Coronarum D. N. JESU Christi.

- ✠. Adjutorium nostrum &c.
- ✠. Benedices coronæ anni benignitatis tuæ.
- ✠. Et campi tui replebuntur ubertate.
- ✠. Domine exaudi orationem meam. &c.

Oratio.

DEUS, qui redemptionem populo tuo Angelo nunciante per unigeniti filii tui incarnationem misisti, eumque triginta tribus annis servilem formam gerendo humani generis salutem operari sanxisti, per quem postmodum B. Michaëli Eremitæ Camaldulensi tot in memoriam annorum illorum orationes Dominicas recitare tibi beneplacitum esse ratificasti: dignare ergo, Domine has coronas bene t dicere, & san-

Benedictio numismatum &c. contra pestem. 125

sancti + ficare, ut famuli tui, qui eas devotè gestaverint, ac devotè recitaverint, indulgentias & gratias per summos Vicarios concessas plenè consequi mereantur. Per Christum Dominum nostrum, &c.

25.

Benedictio S. Zachariæ ad cruces & numismata contra pestem.

Relatio.

Quando An. 1546. Tridenti gravissima grassabatur pestis, referuntur Patres Concilii Tridentini cum devotione deportasse quosdam characteres in forma crucis dispositos à S. Zacharia Episcopo Hierosolymitano collectos, & in effectu deprehendisse ipsorum deportationem ac venerationem esse utile remedium contra pestem utpote signantium varias devotas preces jaculatorias & affectuosas, vetustas & approbatas precatiunculas, pro averi endo malo contagionis, ut constat ex earum explanatione infra posita. Fuerunt autem dicti characteres olim ab eodem S. Antistite manu propria in membrana conscripti; ac demum in Hispaniensi Monasterio de Fraytes rursus reperi, & in venerationem positi cum miro effectu devotarum personarum illos venerantium, deportantium, & eorum signata orantium.

Explanatio Characterum.

† Z † D. I. A. † B. I. Z. † S. A. B. † Z. † H. G. F.
† B. F. R. S.

Sacra hæ litteræ à S. Zacharia Episcopo Hierosolymitano ante aliquot centenos annos in membrana manuscriptæ, in Hispaniensi Monasterio de Fraytes reperiuntur, una cum earundem expositione & Oratione.

† CRUX

126 *Benedictio numismatum &c. contra pestem.*

† Crux Christi salva me,

Z. Zelus domus tuæ liberet me.

† Crux vincit, crux regnat, crux imperat,
per signum crucis libera me Domine ab hac
peste.

D. Deus, Deus meus expelle pestem à me, &
à loco isto, & libera me.

I. In manus tuas Domine, commendo spiri-
tum meum, cor & corpus meum.

A. Ante cœlum & terram Deus erat, & Deus
potens est liberare me ab ista peste.

† Crux Christi potens est ad expellendam
pestem ab hoc loco, & à corpore meo.

B. Bonum est præstolari auxilium Dei cum
silentio, ut expellat pestem à me.

I. Inclinabo cor meum ad faciendas justifica-
tiones tuas, ut non confundar, quoniam invo-
cavi te.

Z. Zelavi super iniquos pacem peccatorum
videns, & speravi in te.

† Crux Christi fuget dæmones, aërem cor-
ruptum, & pestem expellat.

S. Salus tua ego sum, dicit Dominus; cla-
ma ad me, & ego exaudiam te, & liberabo te
ab hac peste.

A. Abyssus Abyssum invocat, & voce tua ex-
pulisti dæmones: libera me ab hac peste.

B. Beatus vir, qui sperat in Domino, & non
respexit in vanitates, & insanias falsas.

† Crux Christi, quæ antea fuit in opprobri-
um, & contumeliam, & nunc in gloriam, &
nobilitatem, sit mihi in salutem, & expellat à
loco

loco isto diabolum , & aërem corruptum , & pestem à corpore meo.

Z. Zelus honoris Dei convertat me , antequam moriar , & in nomine tuo salva me ab ista peste.

†. Crucis signum liberet populum DEI , & à peste eos , qui confidunt in eo.

H. Hæccine reddis Domino popule stulte ? redde vota tua offerens sacrificium laudis , & fide illi , quia potens est istum locum , & me ab hac peste liberare , quoniam , qui confidunt in eo , non confundentur.

G. Gutturi meo , & faucibus meis adhæreat lingua mea , si non benedixero tibi : libera sperantes in te , in te confido , libera me Deus ab hac peste , & locum istum , in quo Nomen tuum invocatur.

F. Factæ sunt tenebræ super universam terram in morte tua , Domine , Deus meus , fiat lubrica & tenebrosa diaboli potestas , quia ad hoc venisti Fili Dei vivi , ut dissolvas opera diaboli , expelle tua potentia à loco isto , & à me servo tuo pestem istam , discedat aër corruptus à me in tenebras exteriores.

†. Crux Christi defende nos , & expelle à loco isto pestem , & servum tuum libera à peste ista , quia benignus es , & misericors , & multæ misericordiæ , & verax.

B. Beatus , qui non respexit in vanitates , & insanias falsas , in die mala liberabit eum Dominus , Domine in te speravi , libera me ab hac peste.

F. Fa

128 *Benedictio Numismatum &c. contra pestem.*

F. Factus est Deus in refugium mihi, quia in te speravi, libera me ab hac peste.

R. Respice in me Domine, Deus meus Adonai de sede sancta Majestatis tuæ, & miserere, mei, & propter misericordiam tuam ab ista peste libera me.

S. Salus mea tu es, sana me, & sanabor, saluum me fac, & salvus ero.

He litteræ debent benedici à sacerdote post Missam, antequam sacra paramenta deponat.

Benedictio Characterum præfatæ Crucis.
V. Adjutorium nostrum &c. R. Qui fecit &c.
Oremus.

DEUS omnipotens, bonarum virtutum dator, & omnium benedictionum largus infusor, supplices te rogamus, ut manibus nostris opem tuæ benedictionis infundas, & hos Characteres & litteras ad abigendos dæmones, morbosque pellendos, tua revelatione præparatas virtute sancti Spiritûs benedicere digneris, & omnibus eis utentibus sanitatem mentis & corporis, & gratiam sanctificationis benignus concede: ut in conspectu tuo sancti & immaculati, atque irreprehensibiles appareant, & insidias latentis inimici per auxilium misericordiæ tuæ clementer effugiant. Per Dominum nostrum &c.
Oremus.

Domine JESU Christe, qui voluisti pro mundi redemptione de virgine nasci, circumcidi, à Judæis reprobari, à Juda traditore osculo tradi, vinculis alligari, sicut agnus innocens ad

ad victimam duci, atque in conspectu Pilati spinis coronari, aculeo clavorum perforari, in cruce levari, inter latrones reputari, felle & aceto potari, ab hominibus blasphemari, lanceâ vulnerari, & tandem in cruce mori. Per has sanctissimas pœnas, & passiones tuas, quas ego indignus recolo, suppliciter te oro, ut de loco isto, & de domibus ejus, & de omnibus incolis ejus, & de me servo tuo, & de omnibus quicumque per litteras, & characteres hos invocaverint sanctum Nomen tuum, expellas omnes insidias diaboli & fraudes, & pestem, & ad pristinam sanitatem hunc locum, & omnes habitatores ejus, me quoque indignum famulum tuum, & omnes, quicumque signati fuerint hoc signo sanctificationis tuæ, perducere digneris fracto vinculo cujuscunque gentis malignæ, Amen.

Deinde dicat Sacerdos sequentia verba S. Zachariae.

Maledicti & excommunicati, & blasphemæ dæmones in virtute verborum istorum, Messias, Emanuel, Sabaoth, Adonai, Athanatos, Ishyros, Eleison, Taragrammaton, vos constringimus, vos privamus, vos expellimus ab isto loco, & ex domibus ejus; ubi fuerint hæc signa DEi, & præcipimus vobis, ut non habeatis potestatem per pestem nocere corporibus habitantium in eo. Ite, ite, ite maledicti in stagnum ignis, ite statim ad loca vobis deputata, & nunquam huc accedatis. Imperat vobis Deus Pater, imperat vobis Deus Filius, impe-

rat vobis DEUS Spiritus sanctus, imperat vobis SS. Trinitas unus DEUS. Discedite maledicti dæmones in nomine DEI nostri JESU Christi, qui venturus est judicare vivos & mortuos & sæculum per ignem. Amen.

Oremus.

DEus, qui culpâ offenderis, pœnitentiâ placaris, preces populi tui supplicantis propitius respice, & flagella tuæ iracundiæ, quæ pro peccatis nostris meremur, averte.

DEUS, qui justificas impium, & non vis mortem peccatoris: Majestatem tuam suppliciter deprecamur, ut famulos tuos de tua misericordia confidentes cælesti protegas benignus auxilio, & assidua protectione conserves, ut tibi jugiter famulentur, & nullis tentationibus à te separentur.

Benedictionem tuam Domine, populus fidelis accipiat, qua corpore salvetur & congruam tibi exhibeat servitutem & propitiationis tuæ beneficia semper inveniat.

Concede nos famulos tuos, quæsumus, Domine DEUS perpetua mentis & corporis sanitate gaudere: & gloriosæ beatæ MARIÆ semper Virginis intercessione à præsentis liberari tristitia & æterna perfrui lætitia.

Da nobis, quæsumus, Domine piæ petitionis effectum, & pestilentiam mortalitatemque propitius averte, ut mortalium corda cognoscant, a te indignante talia flagella prodire, & te miserante cessare. Per Dominum nostrum JESUM Christum Filium tuum, qui tecum vivit & regnat

nat in unitate Spiritûs sancti DEUS, per omnia
sæcula sæculorum, Amen.

Deinde aspergit eas.

26.

**Benedictio Numismatum & Crucis Sancti
tissimi Patris Benedicti.**

*Sacerdos Ordinis sanctissimi Patris Benedicti cotta
& stola saltem indutus ad altare, vel crucifixum, &
candelam benedictam ardentem poterit modo sequenti
benedicere Numismata, & cruces S. Patris Benedicti,
præparatis oleo, & aqua benedictis.*

Vers. Adjutorium † nostrum &c.

Vers. Dominus vobiscum &c.

Oremus.

OMnipotens, sempiternæ DEUS, qui Sacerdo-
tibus tuis, præ cæteris tantam gratiam con-
tulisti, ut quidquid in tuo nomine dignè perfe-
ctèque ab eis agitur, à te fieri credatur: Quæsu-
mus clementiam tuam, ut, quod modò benedi-
cturi sumus, benedicas, & ad ea, quæ acturi su-
mus dexteram tuæ potentix extendas: Sintque
ad nostræ humilitatis preces, sanctissimi Patriar-
chæ Benedicti meritis, fuga dæmonum & An-
geli pacis ingressus, per Christum Dominum
nostrum, Amen.

*Invocandum est devotè Patrocinium sanctissimi Pa-
triarchæ Benedicti Litaniis sequentibus.*

KYrie eleyson. Christe eleyson. Kyrie eleyson,
Christe audi nos. Christe exaudi nos.

Pater de cœlis DEUS, miserere nobis.

Fili Redemptor mundi DEUS, miserere nobis.

132 *Benedictio Numismatum SS. Patris Benedicti.*

Spiritus sancte DEUS, miserere nobis.

Sancta Trinitas unus DEUS, miserere nobis.

Sancta MARIA, ora pro nobis.

Sancta DEI Genitrix, ora pro nobis.

Sancta Virgo Virginum, ora pro nobis.

Sancta Maria Ordinis nostri Patrona sanctissima,
ora pro nobis.

Sancte Pater Benedicte, ora pro nobis.

Sancte Benedicte amator castitatis, ora pro nobis.

Sancte Benedicte,	Amator charitatis,
	Amator omnium virtutum,
	Bone consolator afflictorum,
	Benigne dilector proximorum,
	Bone custos fratrum tuorum,
	Imitator JESU Christi,
	Amator crucis,
	Contemptor mundi,
	Calcator sæculi,
	Contemptor mundanarum voluptatum,
	Profligator cacodæmonum,
	Dux sacrae militiæ,
	Auctor nostræ Religionis,
	Instaurator vitæ Monasticæ,

Doctor disciplinæ,

Speculum perfectionis,

Stella Religionis,

Decus Ecclesiæ Catholicæ,

Regula paupertatis,

Flos Castitatis,

Magister obedientiæ,

Magister discretionis,

Ora pro nobis.

Exem

Sancte Benedicte

Pro
Pro
A p
r

Sancte Benedicte,

Ora pro nobis.

Exemplum humilitatis,
 Præceptor taciturnitatis,
 Flos pietatis,
 Flos Religiositatis,
 Flos sanctitatis,
 Decor totius honestatis,
 Lux devotionis,
 Lux orationis,
 Lux contemplationis,
 Exemplum fratrum tuorum,
 Exemplum Religionis,
 Exemplum virtutum omnium,
 Templum Spiritus sancti,
 Protector ad te clamantium,
 Protector tui Ordinis,
 Patriarcha monachorum,
 Pater tuorum devotorum,
 Resuscitator mortuorum,
 Operator Miraculorum,
 Asseda Patriarcharum,
 Compar Prophetarum,
 Sectator Apostolorum,
 Similis Martyrum,
 Gemma Abbatum,
 Imitator Anachoretarum,
 Gloria Confessorum,
 Consors Virginum,
 Collega Sanctorum omnium,
 Victor & Triumphator mundi,

Propitius esto : Parce nobis Domine.

Propitius esto : Exaudi nos Domine.

A prævaricatione mandatorum tuorum, libera nos Domine.

A transgressione votorum nostrorum,
Ab incurso omnium malorum,
Per sanctam conversionem sanctissimi Patris
 nostri Benedicti,

Per exemplarem vitam ejus,
Per sanctam paupertatem ejus,
Per ardentissimam charitatem ejus,
Per mundissimam castitatem ejus,
Per profundam humilitatem ejus,
Per ferventissimas orationes ejus,
Per sancta Jejunia ejus,
Per sancta silentia ejus,
Per admirabilem abstinenciam ejus,
Per merita & intercessionem ejus,

Peccatores, Te rogamus audi nos.

Ut perfectum amorem tuum in nobis con-
 servare digneris,

Ut perfectam mortificationem sensuum &
 propriæ voluntatis nostræ nobis donare
 digneris,

Ut veram conversionem morum secundum
 regulam Sanctissimi Patris nostri nobis
 largiri digneris,

Ut disciplinam monasticam in nobis augere
 & conservare digneris,

Ut continuum in virtutum acquisitione pro-
 fectum nobis concedere digneris,

Ut Ordinem nostrum amplificare & tueri
 digneris,

Ut perseverantiam in tuo sancto servitio no-
 bis donare digneris,

Libera nos Domine.

Te rogamus audi nos.

Ut

Ut hæc numismata benedicere tuâ pietate
digneris,

Ut hæc signa prohibeant accessum sagis ad
locum, in quo reponentur,

Ut animalibus veneficio aut maleficio affli-
ctis remedium exhibeant,

Ut cruces istæ morbos ope dæmonis infl-
ctos cum omnibus maleficiis & ligaturis
expellant,

Ut tentationes, spectra & insidiæ latentis ini-
mici per auxilium misericordiæ tuæ abi-
gantur,

Ut maledicti dæmones ab humanis corpori-
bus in virtute benedictionis sanctissimi Pa-
tris Benedicti procul pellantur,

Pater DEUS piissime, Te rogamus &c.

Fili Deus dulcissime, Exaudi nos Domine.

Spiritus Sancte Deus benignissime, miserere
nobis.

Christe audi nos. Christe exaudi nos.

Kyrie eleyson, Christe eleyson, Kyrie eleyson.
Pater noster.

Ora pro nobis S. Pater Benedicte. Ut digni
efficiamur promissionibus Christi.

Oremus.

EXcita Domine in Ecclesia tua spiritum, cui
beatus Benedictus Abbas servivit: ut eodem
nos repleti studeamus amare, quod amavit, &
opere exercere, quod docuit.

DEUS, qui nos à sæculi vanitate conversos ad
bravium supernæ vocætionis accendis, pec-
toribus nostris purificandis illabere, & gratiam
nobis

nobis, quâ in te perseveremus, infunde: ut protectionis tuæ muniti præsidiiis, quod te donante promissimus, impleamus, & nostræ professionis executores effecti, ad ea, quæ perseverantibus in te promittere dignatus es, pertingamus. Per Christum Dominum nostrum, Amen.

Lectio Libri Regum.

HAbitavit Arca Domini in domo Obededom Gethai tribus mensibus: & benedixit Dominus Obededom, & omnem domum ejus: Nunciatumque est Regi David, quod benedixisset Dominus Obededom, & omnia ejus propter Arcam DEI. Dixitque David: Ibo, & reducam Arcam cum benedictione in domum meam 2. Reg. 6.

Verbum crucis pereuntibus quidem stultitia est: iis autem, qui salvi sunt, id est nobis, DEI virtus est. 1. Cor. 1.

Domine fac mecum signum in bonum, ut videant, qui oderunt me, & confundantur, quoniam tu Domine adjuvisti me, & consolatus es me. Ps. 65.

Ponam te quasi signaculum. Agg. 2.

Signum habentes salutis ad commemorationem. Sapientiæ 16.

Fecit Moyses serpentem æneum, & posuit eum pro signo, quem cum percussi respicerent, sanabantur.

Adjutorium nostrum in nomine Domini, Qui fecit cælum & terram. Ps. 123.

Domine exaudi &c. Et clamor meus ad te veniat Ps. 101.

Vers. Domini

Verſ. Dominus vobiſcum. &c.

Oremus.

Rogamuſte Domine ſancte, Pater omnipotens, æterne Deus, ut intercedente ſanctiſſimo Patre noſtro Benedicto digneris bene+dicere hoc ſignum Crucis, ut ſit remedium ſalutare generi humano, ſit ſoliditas fidei, proſectus bonorum operum, redemptio animarum, ſit ſolamen & protectio, ac tutela contra ſæva jacula inimicorum. Per Chriſtum Dominum.

Oremus.

Benedic Domine hanc crucem tuam per quam eripuisti mundum à dæmonum potestate & ſuperâſti S. Paſſione tua ſuggeſtorem peccati, qui gaudebat in prævaricatione primi hominiſ per ligni vetiti ſumptionem.

Hic aſpergatur aquâ benedicta, & dicat:

Sanctificetur hoc ſignum crucis in nomine Patris, & Filii, & Spiritûs ſancti, ut orantes ante iſtam crucem, portantéſque illam inveniant corporiſ & animæ ſalutem. Per Chriſtum Dominum noſtrum. Amen.

27.

Benedictio olei ſimpliciſ, quod adhiberi poterit modo infra memorando.

Ŷ. Adjutorium noſtrum &c.

Exorcismus.

EXorcizo te creatura olei per Deum Patrem omnipotentem, qui fecit cœlum & terram, mare & omnia, quæ in eiſ ſunt. Omniſ virtus adverſarii, omniſ exercituſ diaboli, & omniſ

incurfus, & omne phantasma satanæ eradicare;
& effugare ab hac creatura olei, ut fiat omnibus
qui eo usuri sunt, salus mentis & corporis in no-
mine Dei Patris omnipotentis, & JESU + Chri-
sti Filii ejus Domini nostri, & Spiritus sancti
Paraclyti, & in charitate ejusdem Domini no-
stri JESU Christi, qui venturus est judicare vivos
& mortuos, & sæculum per ignem. Amen.

Vers. Domine exaudi &c. Resp. Et clamor &c.
Vers. Dominus vobiscum. &c.

Oremus.

Domine DEUS omnipotens, cui adstat exer-
citus Angelorum cum tremore, quorum
servitium spirituale cognoscitur, dignare respi-
cere, & benedicere + & sanctificare + hanc crea-
turam olei, quam ex olivarum succo eduxisti,
& ex eo infirmos inungi mandasti, quatenus sa-
nitate perceptâ tibi Deo vivo gratias agerent:
præsta quæsumus, ut hi, qui hoc oleo, quod
in nomine tuo benedicimus, usi fuerint ab
omni languore, omnique infirmitate, atque
cunctis insidiis inimici liberentur & cunctæ ad-
versitates separentur à plasmate tuo, quod præ-
tioso sanguine Filii tui redemisti: ut nunquam
lædatur à morfu serpentis antiqui. Per eundem
Dominum nostrum JESUM Christum Filium
tuum.

Aspergat oleum aquâ benedicta.

*Applicatio olei. Oleo præfato benedicto in modum Cru-
cis inungenda sunt Numismata sub pronuntiatione ho-
rum verborum:*

Per intercessionem sanctissimi Patriarchæ Be-
nedi-

nedicti accipiant hæc Numismata virtutem repellendi dæmones, & omnes insidias eorum in nomine Patris † & Filii † & Spiritus † sancti, Amen.

28.

**Benedictio olei miræ virtutis contra quas-
cunque infirmitates & præstigia
diaboli.**

Sacerdos superpelliceo & stola indutus, stans ante altare, in quo est SS. Sacramentum, dicit à cornu Epistola

Antiph. Tulit autem Samuel lenticulam olei, & effudit super caput ejus, & osculatus est eum.

Psalmus.

Audite cœli, quæ loquor &c. *qui habetur in Sabbatho ad Laudes.*

Lectio libri Levitici. c. 2.

ANima cum obtulerit oblationem sacrificii Domino, simila erit ejus oblatio, fundetque super eam oleum, & ponet thus, ac deferet ad filios Aaron Sacerdotes. Quorum unus tollet pugillum plenum similæ & olei ac totum thus : & ponet memoriale super altare, in odorem suavissimum Domino. Quod autem reliquum fuerit de Sacrificio, erit Aaron & filiorum ejus sanctum sanctorum de oblationibus Domini. Cum autem obtuleris sacrificium coctum in cli-
bano : de simila, panes scilicet absque fermento conspersos oleo & lagana azyma oleo lita. Si oblatio tua fuerit de sartagine, similæ consper-
sæ oleo, & absque fermento, divides ea minu-
tatim,

tatim, & fundes super eam oleum. Sin autem de craticula fuerit sacrificium æquè simila oleo conspergetur: quam offerens Domino trades manibus sacerdotis. Qui cum obtulerit eam, tollet memoriale de sacrificio, & adolebit super altare in odorem suavitatis Domino. *℟.* Deo gratias.

Antiphona. Inveni David servum meum: oleo sancto meo unxi eum.

Manus enim mea auxiliabitur ei: & brachium meum confortabit eum.

Nihil proficiat inimicus in eo, & filius iniquitatis non apponat nocere ei.

Et concidam à facie ejus inimicos ejus: & odientes eum in fugam convertam.

Et veritas mea & misericordia mea cum ipso: in nomine meo exaltabitur cornu ejus.

Lectio Epistola B. Jacobi Apostoli.

Infirmatur quis in vobis, inducat presbyteros Ecclesiæ, & orent super eum, ungentes eum oleo in nomine Domini: & oratio fidei salvabit infirmum, & alleviabit eum Dominus: & si in peccatis sit, remittentur ei. Confitemini ergo alterutrum peccata vestra, & orate pro invicem, ut salvemini: multum enim valet deprecatio justi assidua. *℟.* Deo gratias.

℟. Parasti in conspectu meo mensam, adversus omnes, qui tribulant me. Impinguasti oleo caput meum: & calix meus inebrians, quam præclarus est.

Et misericordia tua subsequetur me: omnibus diebus vitæ meæ.

Et

Et ut inhabitem in domo Domini: in longitudinem dierum.

à cornu Evangelii dicitur.

Verf. Dominus vobiscum &c.

Sequentia sancti Evangelii secundum Lucam.

In illo tempore, suspiciens Iesus dixit: Homo quidam descendebat ab Ierusalem in Jericho, & incidit in latrones: qui etiam dispoliaverunt eum, & plagis impositis abierunt semivivo relicto. Accidit autem, ut Sacerdos quidam descenderet eadem viâ, & viso eo præterit: similiter autem & Levita, cum esset secus locum, & videret eum, pertransiit. Samaritanus autem quidam iter faciens venit secus eum: & videns eum misericordia motus est, & appropians alligavit vulnera ejus infundens oleum & vinum: & imponens eum in jumentum suum duxit in stabulum & curam ejus egit. Et alterâ die protulit duos denarios, & dedit stabulario, & ait: curam ejus habe, & quodcunque supererogaveris, ego cum rediero, reddam tibi. Resp. Laus tibi Christe.

Sacerdos osculato libro vadit ad cornu Epistola.

29.

Benedictio Evangeliorum S. Joannis.

Verf. Adjutorium nostrum &c.

Verf. Domine exaudi &c.

Verf. Dominus vobiscum &c.

Oremus.

OMnipotens & misericors Deus, te suppliciter deprecamur, ut benedicere, & sanctificare

care digneris hæc sancta Evangelia, in tui nominis honorem per dilectum tuum Apostolum Joannem Evangelistam, dictante Spiritu sancto conscripta, ut meritis sacratissimæ Incarnationis tuæ, intercessione ejusdem beatissimi Evangelistæ tui, quicumque eis usus fuerit, vel cum reverentia super se portaverit: salutem animæ & corporis à te recipiat, & à visibilibus atque invisibilibus inimicorum insultibus præservari mereatur. Qui vivis

Et Benedictio Dei omnipotentis Patris, & Filii, & Spiritûs sancti, descendat super hæc Evangelia & maneat semper.

Aspergantur aquâ benedicta, & incensentur.

30.

Benedictio & Exorcismus Chartæ contra
dæmones, & spectra, quæ infestant, & vexant homines, vel jumenta, vel domos, &c.

Accipe chartam, eamque exorciza & benedic hac formula.

Verf. Adjutorium nostrum &c.

Exorcismus Chartæ.

EXorcizo, & conjuro te Charta, per titulum Domini nostri Salvatoris (JESUS Nazarenus Rex Judæorum) per omnia verba & nomina, quæ de creatore omnium creaturarum dicuntur, & per eum, qui tribuere, & facere potest, ut omnia, quæ in te scribentur ad effectum salutis æternæ perducere valeas, & ut omnis fallacia, & virtus diaboli exeat de te, & intret in

te

re omnis virtus prædicta sine mora, In nomine Patris, & Filii, & Spiritûs + sancti Amen.

Aspergatur aquâ benedicta, & in ea scribantur sequentia verba in modum crucis.

J.
N.†.R. **Qui** verbum Caro factum est, & habitavit in nobis, nascens ex M A R I A Virgine, per ineffabilem pietatem, & misericordiam suam piissimam, & per intercessionem B. Virginis Mariæ, Angelorum, Sanctorumque omnium, & maxime Apostolorum, & Evangelistarum Matthæi, Marci, Lucæ, & Joannis & sancti N. Martyrum, Virginum, & Viduarum, ipsum quæso, ut dignetur me liberare, & conservare ab omni infestatione Satanæ & ministrorum ejus. Per eundem Dominum nostrum JESUM Christum, qui cum Patre & Spiritu sancto vivit & regnat &c. Amen.

Deinde accipiatur sal exorcizatum & benedictum; item modicum cera de cereo paschali, vel alterius benedicta & cruta benedicta, & omnia aspersa per aquam benedictam, ponantur in prædicta Charta benedicta complicata, & suspendatur in collo patientis vel in loco vexato & infestato, & Dei gratia conservabit.

31.

Benedictio & Exorcismus chartæ pro Agnus Dei, vel aliis rebus sanctis, ad fugandum diabolum, & destruendum maleficium.

Vers. Adjutorium nostrum &c.

Vers. Dominus vobiscum &c.

Exorc

Exorcismus

EXorcizo te creatura chartæ, quæ in usum humani generis ad reservandum etiam magnalia de lege Domini digna visa es, & per divinam voluntatem carthæ conjugii à Raphaelc inter Tobiam & Saram celebrati; in quo etiam opere Angelico diabolus extitit victus, per Dominum Deum universi, Patrem, & Filium & Spiritum sanctum, qui extendit coelum sicut pellem, in qua cœlestibus splendoribus quasi characteribus scribens, cœlos facit suam gloriam enarrare, ut benedictaris, & sanctificeris ad omne opus diaboli destruendum, sive illud præsentis sive potentis, sive malefici, ut quicumque te sacris rebus respersam vel sacram rem concludentem super se portaverit, ab omni infestatione diabolica liberetur per eum, qui venturus est judicare vivos & mortuos, & sæculum per ignem, Amen.

Oremus.

Domine potens in prælio, Deus ultionum, & Pater patrum nostrorum, qui per Moysen & Prophetas antiquorum voluminum scriptores, etiam divinæ tuæ bonitatis mysteria divinitus revelasti, & per SS. Evangelistas & Apostolos tuos novi testamenti Filii tui paginam scribi voluisti: quique per Jeremiam Prophetam tuum, cadaver Joachim Regis Juda projiciendum ad æstum per solem, & ad gelu per noctem eidem nunciasti, quoniam tres pagellas vel quatuor cum Juda legisset in libro à Baruch filio Neri ex ore Jeremiæ scripto, eundem in ignem inje-

injecit, atque comburi fecit: benedicere & sanctificare digneris hanc chartam, ut quicumque eam vel sacris scriptam, vel sacra concludentem super se portaverit, ita misericordiam tuam gaudeat adfuisse, ut & ipse satanas & ab ipso immissæ oppressiones tam maleficiorum, quàm incantationum omnium confundantur, conterantur, amoveantur, & in infernum deiciantur. Per te DEUS Trine in personis, unus in essentia, æqualis vivens in sæcula sæculorum, Amen.

Aspergitur.

32.

Benedictio Atramenti.

Benedic Domine hoc atramentum benedictione celesti, & assistat super illud virtus Spiritus sancti, ut ubicunque usurpaberis, longè recedat virtus inimicorum, umbra phantasmatum, incurfusio maleficiorum, percussio diabolicae artis, omnis spiritus sagarum, teque ipsum omnipotentem deprecamur, qui vivis & regnas per omnia sæcula sæculorum Amen.

33.

Benedictio Chartæ & Atramenti.

Vers. Adjutorium nostrum &c.

Vers. Dominus vobiscum &c.

Oremus.

DEUS Abraham, Deus Isaac, Deus Jacob, qui in dilectissimi Filii tui titulo triumphali Sanctæ crucis (Jesus Nazarenus, Rex Judæorum) scribi voluisti, ipsiusque JEſu nomen in corde

K

S. Ig.

S. Ignatii literis aureis scripsisti, quæsumus, ut hanc creaturam chartæ & atramenti benedicere † & sanctificare † digneris, ut, qui orationes vel sancta nomina super ea scripta devotè portaverit, vel si in plumis laneis, vel paleis, vel lectis, domibus & indumentis, vel in quibusvis locis collocata fuerint, non possint latitare dæmones, sed adstricti dare signum reale suæ potentiae, & contra dæmones sint armaturæ sanctæ & benedictæ potentes ad destructionem cunctorum maleficiorum, incantationum, ligationum, signaturarum, factorum, fascinationum, & omnium inimicorum invisibilium, nec habeant potestatem inquietandi, vel perturbandi creaturas tuas sanguine pretiosissimo Filii tui redemptas, ut possint devotè orare, quietè dormire comedere, bibere, ac alia naturalia liberè exercere: ideo exorcizo te † chartam & atramentum, benedico † & sanctifico † te, per eum, qui dixit Moyse: scribe hoc in libro, & trade auribus Josue: delebo enim memoriam Amalech sub cœlo, per eum, qui ipsemet Moyse præcepit, ut scriberet in tabulis verba fœderis decem: & Tobiae, ut accepta charta faceret conscriptionem conjugii. Per ipsum JESUM Christum Dominum nostrum. Amen.

Aspergantur aquâ benedicta.

34.

Exorcismus supra atramentum.

EXorcizo te creatura atramenti in nomine Patris † & Filii † & Spiritus sancti, ne commune

mune sis ulli spiritui immundo, sed dabis honorem viventi atque regnanti Patri + & Filio + & Spiritui + sancto, ubicunque usum vel per te scriptum fuerit, spiritus mox ab eo loco recedat, atque idcirco sanctifico + te creatura atramenti, in nomine Jesu Christi Nazareni Filii Dei vivi Regis & Judicis nostri, ut sis purgatio & sanctificatio hominum, quos Deus ad suam sanctam gloriam vocare dignatus est, te invoco Domine Sancte, Pater omnipotens, æterne Deus, ut hoc atramentum exorcizare + & benedicere + atque sanctificare + pro tua pietate digneris, ut omnis immundus spiritus locum in eo ultra non habeat, sed ubicunque usum, & ex eo scriptum fuerit, Angelorum tuorum ibi descendat exercitus. Per Dominum nostrum Jesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum, Amen.

Dicatur postea Psal. 67. Exurgat Deus, & dissipentur &c. ex fer. 4.

Psal. 90. Qui habitat in adjutorio altissimi &c.

Psal. 58. Eripe me de inimicis meis &c.

Litania de omnibus Sanctis.

35.

Exorcismus Calami.

EXorcizo te creatura calami, in nomine Patris + & Filii, & Spiritus + sancti, ut per hanc Exorcizationem individue Trinitatis, ac unius

virtutis Deitatis, omnis nequissima virtus adversarii, omnis malitia diaboli, omnis violenta incurio, omne confusum & cæcum phantasma eradicetur, fugetur, & discedat ab hoc calamo, ut omnis, qui eo usus fuerit, & scripserit, fiat per divinam omnipotentiam sanus ab omni maleficio diabolico, nec possit illi nocere ulla nequitia malignorum spirituum; dignare ergo Domine pro tua pietate hunc calamum benedicere † & sanctificare, ut quicumque ex eo scripserit, sit punctus dolore pœnitentiæ, & ab eo eradicentur facturæ, maleficia, incantationes, tumores, dolores, & ligationes, quomodolibet factæ contra creaturas Dei, sit destructio omnium operum satanæ in nomine immaculatæ conceptionis B. M. V. sancti Antonii de Padua, & sancti Ubaldi, benedico † & sanctifico hujus calami virtutem ad obsessos liberandos, ad restituendam valetudinem, ægrotantibus sanitatem, ad extinguenda venena, tumores & dolores, ad restituendum conjugii amorem, & ad depellenda & comprimenda omnia adversa & noxia, & quicumque per hunc calamum scriptis uteretur, ab omni languore & infirmitate sanetur, & ab omnibus insidiis inimici liberetur, Amen.

Oremus.

Multiplica ô æterne DEus benedictiones tuas super hunc calamum sicut stellas cœli dum ego N. N. indignissimus Sacerdos per JESUM Christum benedico † & sanctifico † hujus calami characteres, destruo omnia maleficia, languores & dolores & vexationes diabolicas, atque ir-
rito

rito omnes actiones dæmonum, malignorum spirituum, atque sagarum. In nomine Patris † & Filii, & Spiritus † sancti, Amen.

36.

Exorcismus alius supra calamum.

ITaque adjuro te creatura calami iterum per septiformem spiritum Dei vivi, adjuro te per novem Ordines Angelorum, adjuro te per vocem tonitruī coruscantis tremendi cœlestis Regis, adjuro te per lignum sanctæ crucis & per tres clavos, & per sanguinem pretiosissimum in cruce effusum, adjuro te per omnia merita passionis Christi, adjuro te per eum, qui omnia creavit, ne contemnas vocem humilitatis meæ, adjuro te per septem verba Christi, in cruce prolata, adjuro te per verbum hoc (*Verbum caro factum est, & habitavit in nobis*) ut expellas mox omnem umbram, omnes satellites adversariorum, machinationes diaboli, sive spirituum immundorum, sive damnatorum, sive errantium, sive invocationes magicæ artis, sive præcantatorum argumenta, sive draconum & omnium volucrum, vel viperarum, quod imperat tibi Deus & Dominus JESUS CHRISTUS Filius Dei vivi, quod mox, ut qui hunc calamum usurpaverit, & in schedula verba scripta sacra scripserit, in nomine Dei Sabaoth, sive homines, sive domus, sive pecora vel quæcunque animantia, sive vinea, sive seminati agri, aut campi, sive qualiscunque creatura universalis, sive qualiscunque locus per hunc calamum scriptam schedulam & sacra

nomina, & characteres scriptos sumpserit, ab homine in ægritudine detento, maligni spiritûs infestatione percusso, mox expellas & excludas omne malignum, ut possit homo velocius salvus fieri per virtutem Domini nostri JESU Christi, quia neque dici, neque scribi, neque cogitari potest, cui nomen DEI est, tu autem Domine, qui per divinam voluntatem Moyfi & Prophetis antiquorum voluminum scriptoribus etiam divinæ bonitatis mysteria divinitus revelâsti, & per Evangelistas & Apostolos novi testamenti Filii tui paginas scribi voluisti, benedicere † & sanctificare † digneris hunc calamum, ut quicumque vel sacris nominibus per istum calamum scriptos characteres, & verba sacra concludentem super se gestaverit, vel potu aut liquore sumpserit, ut ab ipso satanæ oppressiones & maleficiorum omnium turbines evanescant. Per JESUM sanguine in monte Oliveti manantem, flagellatum, spinis coronatum, & crucifixum, & agonizantem & mortuum. Qui tecum vivit & regnat in unitate Spiritûs sancti Deus, per omnia sæcula sæculorum, Amen.

Oremus.

VErè sanctus, verè benedictus atque metuentus & adorandus es Domine Deus noster, ab occultis nostris munda nos, & ab alienis parce servis tuis, ut cum fiducia valeamus dicere orationem illam regalem, quam Dominus & Salvator noster per Evangelium suum orare decrevit dicens: Pater noster &c. Sed libera nos à malo, Amen.

Libe-

Libera nos quæsumus Domine ab omnibus malis præteritis, præsentibus & futuris, libera nos quæsumus Domine famulos tuos & famulas tuas, à gladio, à fame, à fraude & tentatione diabolica, à percussione sæculi, ab infirmitatibus malis, per liberatorem & redemptorem nostrum JESUM Christum Filium tuum, qui tecum vivit & regnat in sæcula sæculorum. Amen.

37.

Benedictio super chartam, atramentum & calamum.

OMnipotens æterne Deus, qui dedisti Sacerdotibus potestatem super serpentes & scorpiones, invocamus nomen sanctum tuum potentissimum, terribile & formidabile, super Chartam hanc, atramentum & calamum, quem benediceret consecraret virtutem potentie tue infunderet digneris, qui es dominus Exercituum, Dominus fortis & potens in prælio, & sicut misisti Angelum de coelo, qui catena magnâ apprehendit draconem magnum, antiquum, qui est diabolus, satanas, & ligavit eum per annos mille ne seducat gentes, sic mittere digneris, Michaelem Archangelum, principem militiæ cœlestis, ut dæmones creaturas pretioso sanguine redemptas vexantes ad usum & scriptionem, sumptionem aut potationem ita liget, ut eorum manus & pedes sint compedibus aggravati, ut tuis ministris sese adesse publicent, obedientiam præstent, eorum pareant præceptis: ut creaturas

tuas, famulum vel famulam N. N. statim relinquant, & in sumptione hujus benedictæ schedulæ scriptæ, cum pavore, gemitu, mœrore, fletu, terrore & formidine in nomine sancto tuo ad exeundum, & sanum relinquendum hominem sint adstricti.

Benedico igitur has tres materias: consecrotur & super has potentiam divinam invocotur sit materia fletus materia conculcationis + materia terroris + materia formidinis + materia gemitus & doloris omnibus dæmonibus humana corpora vexantibus, ita ut sicut JESUS CHRISTUS in cruce posuit frænum lucifero, & suis sequentibus, sic ô sacra materia sis frænum dæmonibus super frænum equi, muli, asini, & omnium jumentorum, & ut ad tuum usum adesse suum in continenti relinquunt, nec ullo aut quovis modo vexare valeant. Sis ô materia benedicta frænum fortissimum & oriscipula, in ore & labiis & maxillis eorum, potens, & terribilis, refrænans & expellens superbos, ut mox cedant & cadant in conspectu nostro invocato Nomine omnipotentis Dei, sicut ceciderunt muri in Jericho, sis materia quasi catena contexta operibus mirabilibus, & vinculis fortissimis tanquam manus potens, & fortis. Dominus exercituum super superbiam & arrogantiam eorum, sis quasi catena per merita hujus sanctæ + Crucis Domini nostri JESU CHRISTI. Sis catena triplex per virtutem Sanctorum trium clavorum Christi, sis catena quintuplex, per merita quinque plagarum Christi. Sis materia quasi catena septuplex, per septem

tem verba dicta à Christo in cruce. Sis materia quasi catena multiplex per flagella dura Christi, sis frænum sanguinis exeuntis de latere Christi omnibus spiritibus immundis, ut cum timore mox à creatura humana vexata ad abyssum inferni descendant, ad hujus sacræ materiæ usum & sumptionem, ad hominem vexatum relinquendum sint adstricti, nec sit, qui auxilium præstet. Per Christum Dominum nostrum. Amen.

Iterum benedico vos tres materias per eum qui jussit fieri in rationali catenas aureas ex auro purissimo, per eum qui confregit catenas cervicum inimicorum, per eum qui in camo & fræno maxillas dæmonum constringit, ne quemquam imposterum ullo modo lædere valeant, per eum qui super aspidem & basiliscum ambulat, & conculcat leonem & draconem, per eum qui dissipat gentes, quæ bella volunt, per eum qui jussit ligare hominem non habentem vestem nuptialem, & in tenebras exteriores mitti, per eum qui facit mirabilia solus, per eum qui fuit à Judæis captus, ligatus, flagellatus, consputus, spinis coronatus, & in cruce confixus, occisus: per omnia quæ fecit, dixit & adimplevit Christus, ut sis materia benedicta consecrata ad damnandam superbiam & arrogantiam obstinatorum dæmonum, ita, ut ad usum & sumptionem maleficia sua prosternant, hominem innoxium relinquunt, tandem fugiant, ac laudem Dei omnipotentis, salutem hominum, & omnium dæmonum confusio-

nem, in nomine Patris† & Filii† & Spiritus† sancti.

Super vos iterum invoco virtutem duplicis catenæ Divi Petri Apostoli, Principis Apostolorum, cui & collegis suis potissimum data est à Deo & Domino virtutum potestas calcandi super serpentes & scorpiones, & dæmonia ejiciendi, liberæque facultas & authoritas ligandi & solvendi animas fidelium à peccatorum nexibus, & per catenas & vincula, quibus ligati sunt sancti Dei Martyres, dum testimonium perhibentes JESU Christi verbera & supplicia à tyrannis tormenta, passionem & mortem fortiter sustinebant, ut hæredes fierent in domo Dei: ut dæmonum seu dæmones, maleficia, & fascinationes, atque artes magicas N. famulum vel famulam Dei vexantes, liget, in nomine Patris† omnipotentis, in nomine JESU† Christi salvatoris nostri, & in nomine Spiritus† sancti paracliti, & hanc creaturam Dei, à laqueis cunctis spirituum malorum, & eorum ligaturis & vinculis universis, per virtutem sanctæ† Crucis penitus absolvas, es enim tu Sacerdotale ornamentum, es velut funda David contra Goliath, es lorica sacrorum Dei ministrorum, & aurea torques & monile a gri aurei velleris Regis sæculorum, es denique ea, quo omnia vincula dæmonum distumpis, per nomen JESU Christi Nazareni, & nobis sis materia benedicta, jucunditatis, candoris & innocentiae, atque immortalitatis, Amen.

Aspergantur aquâ benedicta.

38.

**Benedictio sagittarum S. Sebastiani, vel
aliorum signorum alicujus Confraterni-
tatis, vel Sancti.**

Verf. Adjutorium nostrum &c.

Verf. Sit nomen Domini benedictum.

Resp. Ex hoc nunc & usque in sæculum.

Verf. Domine exaudi &c.

Oremus.

Omnipotens sempiterne Deus, largitor bono-
rum omnium, salus & vita nostra, te sup-
plices exoramus, & petimus, ut has sagittas (vel
hæc signa, &c.) quibus Domini Redemptoris
nostri, in cruce pro nobis pendentis signum, &
imago intemeratæ V. Deiparæ MARIÆ, & S.
Sebastiani Mart. (vel alterius Sancti) impressa
est, benedicere, & sanctificare digneris, ut,
qui has secum devotè gestaverint, vel domi as-
servaverint, per merita sanctissimæ MARIÆ, &
per intercessionem S. Sebastiani (vel aliorum
Sanctorum) ab omni pestifera lue, ab omni
morbo contagioso, & ab omnibus inimicorum
insidiis præserventur, & corporis & animæ sani-
tatem continuam consequantur. Per Dominum
nostrum JESUM Christum Filium tuum, verum
animarum nostrarum, corporumque medicum.
Qui tecum vivit & regnat in sæcula sæculorum.
Amen. *Aspergantur omnia.*

39.

**Benedictio imaginis, Numismatis, vel mo-
netæ effigie S. Georgii insignitæ.**

Verf.

156 *Bened. Numism. S. Georgii, Cinguli S. Thom. Aq.*

Verl. Adjutorium nostrum &c.

Oremus.

OMnipotens sempiterne Deus largitor bonorum omnium, salus & vita nostra, te supplices exoramus, & petimus, ut hanc monetam &c. cui imago S. Georgii M. tui impressa est, bene† dicere & sanctificare† digneris, ut, qui eam devotè gestaverint, vel domi asservaverint, per merita & intercessionem S. Georgii ab omni graviore corporis lapsu præserventur, ejusque, uti & animæ, sanitatem continuam consequantur: Per Dominum nostrum Jesum Christum Filium tuum, veram animarum nostrarum corporumque medicinam. Qui tecum vivit & regnat in sæcula sæculorum, Amen.

Aspergatur.

40.

Benedictio Cinguli Militiæ Angelicæ

S. Thomæ Aquinatis.

Verl. Adjutorium nostrum &c.

Oremus.

Domine Jesu Christe Fili Dei vivi, puritatis amator & custos, obsecranus immensam clementiam tuam: ut sicut ministerio Angelorum sanctum Thomam Aquinatem cingulo castitatis cingere, atque à labe corporis ac animæ præservari fecisti: ita ad honorem & gloriam ejus benedicere & sanctificare digneris cingulum istud, ut, quicumque illud circa renes reverenter portaverit ac tenuerit, ab omni immunditia mentis & corporis purificetur, atque in exitu suo
per

per manus sanctorum Angelorum tibi dignè præsentari mereatur. Qui cum Patre & Spiritu sancto vivis & regnas Deus, per omnia sæcula sæculorum, Amen.

Aspergat cingulum aquâ benedicta, & postulanti sequenti oratiuncula distribuat.

Præcingat te Dominus IESUS Christus cingulo castitatis, & meritis sancti Thomæ Aquinatis extinguat in lumbis tuis omnem humorem libidinis, ut maneat in te virtus continentiae castitatis, Amen.

Si plura simul benedicenda sint, dicantur omnia in plurali.

41.

Benedictio Capsarum pro Reliquiis & aliis sanctuariis includendis.

Vers. Adjutorium nostrum &c.

Vers. Domine exaudi &c.

Vers. Dominus vobiscum. &c.

Oremus

Dilectissimi nobis, Deum Patrem omnipotentem, ut, quia omnia per unigenitum Filium suum in virtute Spiritûs S. valde bona creavit, ipse nobis indignis ad consecrationem & benedictionem harum Capsarum reliquiis Sanctorum suorum recondendis paratarum, rorem gratiæ suæ clementer infundere dignetur. Per eundem Dominum nostrum JESUM Christum Filium suum, qui cum eo vivit & regnat in unitate Spiritus sancti Deus.

Deinde manibus junctis ante pectus dicitur Prefatio.

Pref

Per omnia sæcula sæculorum. *R.* Amen.

Vers. Dominus vobiscum &c.

Vers. Sursum corda. Resp. Habemus ad Dominum.

Vers. Gratias agamus Domino Deo nostro.

Resp. Dignum & iustum est.

VErè dignum & iustum est, æquum & salutare, nos tibi semper & ubique gratias agere, Domine S. Pater omnipotens, æterne Deus, ineffabilis Deus misericordiarum, & Deus totius consolationis; Qui Moyfi famulo tuo præcepisti, ut juxta exemplar, quod ei in monte demonstrasti, Arcam de lignis imputribilibus construeret, & eam auro mundissimo circumdaret, in qua vasa aurea mannâ cælesti plena, cum tabulis Testamenti, digito Majestatis tuæ conscriptis, in testimonium futuris generationibus servari deberent: quique nostris sæculis, eadem sacratiùs intelligenda manifestasti: dum corpus unici Filii tui, ope Spiritûs S. de incorrupta Virgine conceptum, & anima rationali vivificatum omni plenitudine refudisti: Te suppliciter imploramus, Omnipotens Deus, Pater Domini nostri Jesu Christi, ex quo omnis Paternitas in cœlo & in terra nominatur, ut hæc vascula Sanctorum tuorum honoribus præparata, eisdem sanctis tuis intercedentibus, cælesti benedictione perfundere digneris: quatenus, qui horum patrocinia requirunt, ipsis intercedentibus, cuncta sibi adversantia te adjuvante superare, & omnia commoda profutura, abundantia largitatis tuæ mereantur invenire, & sicut illi,

li, te inspirante, ſpiritualium nequitiarum verſutias cavere, & humanitus exquisita tormenta, non ſolum contemnere, ſed etiam penitus evincere, Chriſto Domino confortante, potuerunt; ita ipſorum merita venerantibus, & Reliquias humiliter amplectentibus, contra diabolum & angelos ejus, contra fulmina, fulgura, & tempeſtates, contra corruptum aërem, & morbos hominum, vel animalium, contra malarum beſtiarum, & ſerpentium diverſiſſimas formas, contra malorum hominum adinventiones peſſimas, eorundem Sanctorum tuorum precibus complacatus, dexteram invictæ potentiae tuæ, ad depurgationem nocivorum, & deſenſionem proficuum ſemper & ubique propitius oſtende. Per eundem Dominum noſtrum. *R. Amen.*

Oremus.

Domine Deus omnipotens, qui, ut murmur infani populi compeſceres, & ſacerdotium Aaron tibi placitum comprobareſ, virgam ejus aridam germinare, & flores fructiferos producere feciſti: eandemque in arca Teſtamenti pro ſigno virtutis tuæ poni juſſiſti: ſed & nobis eodem præſagio Chriſtum in ara crucis arefactum, citiſſima Reſurrectione reſcitere, & in Eccleſia noviſſimo tempore reſuſcitanda per mortem ſuam, die ac nocte fructificare demonſtraſti; Te quæſumus indulgentiſſime generis humani proviſor, ut hæc vaſcula Sanctorum tuorum receptaculo præparata, ita gratiâ tuâ ſanctifices, ut ubicunque in tuo nomine prola-

ta fuerint intercedentibus Sanctorum tuorum meritis, cuncta adversa depellas & nullifies, & omnia utilia multiplices, atque custodias: quatenus fideles tui, sine magnitudine universitatem beneficiorum tuorum, in parte modica Reliquiarum, integrata Sanctorum corpora se percipisse gratulentur, & per temporalia loca ipsorum precibus impensa, ad æterna cum eis gaudia possidenda fiducialius animentur. Per eundem Dominum nostrum &c.

Aspergantur.



CAPUT TERTIUM

Benedictiones Vestium sacerdotalium & aliorum ad cultum divinum spectantium.

I.

Benedictio Sacerdotalium indumentorum in genere à Superiore Regulari, vel alio Privilegium habente.

Vers. Adjutorium nostrum &c.

Vers. Dominus vobiscum &c.

Oremus.

OMnipotens sempiterne Deus, qui per Moysen famulum tuum Pontificalia atque sacerdotalia seu levitica vestimenta ad explendum in conspectu tuo ministerium eorum, & ad decorem seu laudem nominis tui, fieri decrevistis, adesto propitius invocationibus nostris: & hæc indu-

indumenta sacerdotalia desuper gratia tua irriganti benedictione, per nostræ humilitatis servitutem, purificare, benedicere & consecraret digneris: ut divinis cultibus, & sacris ministeriis apta & benedicta existant. Hisque sacris vestibus sacerdotes, sive levitæ tui induti, defensi & muniti ab omnibus impulsionebus, seu tentationibus malignorum spirituum, esse mereantur, tuisque ministeriis aptè, & condignè servire, & inhærere, atque in his placidè & devotè perseverare, tribue. Per Christum Dominum nostrum. Amen.

Alia Oratio.

DEUS invictæ virtutis auctor, & omnium rerum creator, & sanctificator, intende propitius ad preces nostras, & hoc orarium, seu amictum, albam, cingulum & manipulum, stollam, planetam, ac pluviale, strictam, & dalmaticam leviticæ seu sacerdotalis gloriæ ministris tuis ferenda, tuo proprio ore benedicere, ac sanctificare digneris, omnesque eis utentes tuis ministeriis aptos, & tibi in eis devotè, ac laudabiliter servantès, gratos effici concedas, & nunc, & per infinita sæcula sæculorum. Amen.

Alia Oratio.

Domine DEUS omnipotens, qui vestimenta Pontificibus, sacerdotibus & levitis in usum tabernaculi fœderis necessaria, Moysen famulum tuum facere jussisti, eumque spiritu sapientiæ ad id peragendum replevisti, hæc vestimenta, in usum, & cultum ministerii tui præpara-

L

rata,

rata, sanctificare† benedicere† & consecrare† digneris, atque ministros altaris tui, qui ea induerint, septiformi Spiritus sancti gratia dignanter repleri, atque castitatis stola præcinctos beata facias cum bonorum fructu operum ministerii congruentis immortalitate vestiri. Per Dominum nostrum IESUM Christum, &c.

Postea aspergantur.

2.

Benedictio Amictus.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Immensæ Pietatis, plenitudinis gratiarum infusor DEUS, qui per os prophetæ tui dixisti; expandi amictum meum super te, & operui ignominiam tuam; plenitudinem gratiæ, & benedictionis tuæ super hunc amictum, quæsumus, propitiatus extende, ut omnes qui eò usi fuerint, perfectam, quam designat amictus, castigationem vocis & gulæ sentiant, fiantque perfecta virtute decori, ut ex amictibus ipsis reddantur tibi DEO omnipotenti moribus & gratiâ speciosi. Qui vivis & regnas in sæcula sæculorum,

3.

Benedictio Albæ.

Oremus.

Domine DEUS omnipotens, qui Aaron, & filios ejus, tunicis lineis in decorem & gloriam sacerdotii indui præcepisti, cum quibus ipsi

san-

sanctificati, tibi etiam in sanctuario ministrarent; hanc, quæsumus lineam tunicam tuæ virtutis sanctificatione benedicere, & sanctificare digneris: quatenus omnes, qui eâ induti in sancto ministerio suo uli fuerint, digni fiant altaris tui ministri, ipsosque septiformi gratia Spiritûs sancti repletos, & castitatis zonâ præcinctos, facias cum ministris Angelicis immortalitatis fruitione vestiri. Per Christum Dominum nostrum, Amen.

4.

Benedictio Cinguli.

Oratio.

DEUS innocentiae restitutor, & puritatis amator, qui utriusque testamenti patres lumbos suos præcingere instruxisti: quo videlicet carnalem lumborum luxuriam discerent sobrietate continentiae coarctare; sanctifica, & benedic + quæsumus, Domine, cingulum istud, ut omnes, qui eô cincti fuerint, & ab æstu voluptatum carnalium, refrigerium sentiant, & Spiritûs sancti rore perfusi, quæ tua sunt, mundo corde, & casto corpore desiderent, & sectentur, Per Dominum nostrum &c.

5.

Benedictio Manipuli.

Oratio.

DEUS, qui de fructu operum terram satias, & secundum opera sua retribuis, & iudicas unumquemque; manipulum istum, per quem fructus bonorum operum designantur, tuæ benedi-

nedictionis dono sanctifica, quatenus ministri altaris tui ipso utentes manipulo, per bonorum operum fructum, digna se gaudeant assequi præmia meritorum. Per Christum Dominum nostrum, Amen.

6.

*Benedictio Stola.**Oratio.*

Ineffabilis benignitatis, & clementiæ DEUS, cuius jugum suave, onusque leve esse, tu ipse perhibes, quique per os sapientis, collum nos subicere jugo tuæ sapientiæ docuisti; benedic, quæsumus, & sanctifica, stolam istam, jugum mansuetudinis præsignantem, ut sacerdotes & levitæ tui, qui eidem stolæ humeros, & colla submiserint, suavitatis tuæ sentiant lenitatem, quatenus inter illam magnam, & innumerabilem turbam, quam beatus Joannes vidit in conspectu Agni stolis albis amictam, stolas suas lavare in ipsius Agni sanguine mereantur: ac tanquam formosi in stola sua, & in multitudine suæ fortitudinis gradientes, stolâ induantur gloriæ æternaliter cum electis. Per Christum Dominum nostrum, &c.

7.

*Benedictio Casula.**Oratio.*

Deus fons bonitatis, & justitiæ, qui tui operis ministros ad extremum vestimento casulae, cujus munimine interiùs omnia tegetentur, vestiri sanxisti, benedic, quæsumus, & sanctifica.

sanctifica casulam istam, & concede petitionibus nostris, ut omnes hac casulâ induti, enumeratis intus omnium virtutum ornamentis vinculum perfectæ Charitatis super omnia habeant, quô desiderare, & quô proficere, te præstante, valeant. Per Christum &c.

8.

Benedictio Tunicellæ.

Oratio.

OMnipotens sempiterne Deus, qui Moyfi famulo tuo levitica indumenta, quæ ad cultum sanctuarii pertinent, facere præcepisti; benedic, quæsumus hanc strictam, seu Tunicellam, ut subdiaconatus ministeriis, quibus famuli tui decenter sunt ornati, & virtutum percipiant incrementa, & vitiorum monstra deviantes, ad te, qui via & veritas, & vita es, gratiosi valeant pervenire. Per Christum &c.

9.

Benedictio Dalmaticæ.

Oratio.

DEUS omnipotens bonarum virtutum dator, & omnium benedictionum largus infusor, supplices te rogamus, ac petimus: ut mentibus nostris opem tuæ benedictionis infundas, & hanc Dalmaticam digno cultui tuo præparatam, virtute sancti Spiritus benedicere, sanctificare, & consecrare digneris, & omnibus eam portantibus gratiam sanctificationis sacri ministerii tui benignè concedas, ut in conspectu tuo sancti, & immaculati, atque irreprehensibiles

166 *Benedictio pluvialis, crucis super Vest. ponenda.*

appareant, & auxilium tuæ Misericordiæ acquirant. Per Christum Dominum nostrum. Resp. Amen.

IO.

Benedictio Pluvialis.

Oratio.

Domine DEUS, Pater omnipotens, Rex ac magnificus triumphator, qui per sanctos Patres nostros, qui tibi in sacerdotali Ordine placuerunt, diversi generis ornamenta, & vestimenta sacerdotalia fieri & in his ornari sacerdotes, tibi servientes, voluisti, exaudi propitius orationem nostram, & hanc Cappam, seu Pluviale, dextrâ tuâ sanctâ benedicere, & consecrare digneris; quatenus hoc vestimentum Ministris, & levitis, sacerdotibus ac Pontificibus ad divinum cultum ornandum atque explendum proficiat, sanctisque altaribus mundi, & ornati in hac veste ministraturi irreprehensibiles in actu, & dicto interiùs-exteriùsque appareant, & tibi soli DEO puro corde, & mundo corpore, omnibus diebus vitæ suæ, irreprehensibiliter sanctorum Patrum exempla sequentes servire valeant, iisque sacris ministeriis secundum tuam voluntatem, quando tibi placuerit, expletis, coelestis regni gloriam, cum omnibus nobis, sibi que commissis percipere mereantur. Per Christum Dominum nostrum, Amen.

II.

Benedictio crucis, quæ ponitur super vestimentum.

Bened:

Benedic, Domine JESu Chrifte hanc crucem per quam eripuisti mundum à potestate dæmonum, & superasti passionē suggestorem peccati, qui gaudebat in prævaricatione primi hominis per ligni vetiti sumptionem. Qui cum DEO Patre & Spiritu sancto, &c.

Alia Benedictio ejusdem.

Sanctifica, quæsumus, Domine istud signaculum passionis tuæ, ut sit inimicis tuis obstaculum, & credentibus in te efficiatur victoriæ vexillum. Qui cum DEO Patre & Spiritu S. vis & regnas in sæcula sæculorum. Amen.

12.

*Benedictio Mapparum sive Linteaminum
Altaris.*

Verf. Adjutorium nostrum &c.

Verf. Dominus vobiscum &c.

Oremus.

Exaudi Domine preces nostras, & hæc sancta linteamina sacri altaris usui præparata benedicere, & sanctificare digneris. Per Christum &c.

Alia Oratio.

Domine Deus omnipotens, qui ornamenta & linteamina facere Moylen iervum tuum per quadraginta dies docuisti, quæ etiam Maria texuit, & fecit in usum ministerii tabernaculi fœderis, sanctificare, benedicere, & consecrare digneris hæc linteamina ad tegendum, involvendumque altare gloriosissimi Filii tui Domini nostri JESu Christi, qui tecum vivit &

168 *Bened. Lintheaminis, quo servatur Corpus Dom.*
regnat in unitate Spiritûs sancti DEUS per om-
nia sæcula sæculorum. Amen.

Postea aspergantur.

13.

**Benedictio lintheaminis, quo tegendum &
servandum est corpus Dominicum.**

Vers. Adjutorium nostrum &c.

Omnipotens sempiterne DEUS, benedice lin-
teamen istud ad tegendum, involvendum-
que Corpus & sanguinem Domini nostri JESU
Christi. Qui tecum vivit & regnat &c.

Aspergatur.

14.

Benedictio Corporalium & Pallarum.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oratio.

Clementissime Domine: cujus inenarrabilis
virtus, cujus mysteria arcanis mirabilibus
celebrantur: tribue, quæsumus ut hoc lintea-
men tuæ protectionis benedictione sanctifice-
tur ad consecrandum super illud corpus & san-
guinem Filii tui Domini nostri JESU Christi.
Qui tecum vivit & regnat &c.

Alia Oratio.

Omnipotens sempiterne DEUS, benedicere,
sanctificare & consecrare digneris lintea-
men istud ad tegendum & involvendum cor-
pus, & sanguinem Filii tui Domini nostri JESU
Christi. Qui vivit & regnat in sæcula sæculo-
rum. Resp. Amen.

Alia

Alia Oratio.

OMnipotens sempiterne DEUS manibus nostris opem tuæ benedictionis infunde, ut per nostram benedictionem hoc linteamen sanctificetur, & corporis ac sanguinis Redemptoris nostri novum sudarium Spiritûs S. gratiâ efficiatur. Per eundem Christum Dominum nostrum, Resp. Amen.

15.

*Benedictio sacrorum vasorum & aliorum
ornamentorum in genere.*

Vers. Adjutorium nostrum &c.

Vers. Dominus vobiscum &c.

Oremus.

EXaudi, Domine, preces nostras, Pater clementissime, & hæc purificanda vasa, & ornamenta sacri altaris, atque Ecclesiæ tuæ, sancti ministerii tui usui præparata, benedicere, sanctificare, & consecrare digneris. Per Christum Dominum nostrum. Resp. Amen.

Alia Oratio.

OMnipotens sempiterne DEUS, à quo omnia immunda purgantur, & in quo omnia purgata clarescunt: supplices filii tui tuam omnipotentiam invocamus, ut ab his vasis, ornamentis, & ministeriis, quæ tibi offerunt famuli tui, omnis spiritus immundus concussus longè discedat, & per tuam benedictionem ad usum & ministerium sancti Altaris & Ecclesiæ tuæ sanctificata permaneant. Per Christum &c.

170 *Benedictio Tabernaculi, Ciborii, Lunule Thuribuli.*

16.

**Benedictio Tabernaculi, Vasculi (id est)
Ciborii, Monstrantii & Lunulæ pro Sacro-
sancta Eucharistia conser-
vanda.**

Vers. Adjutorium nostrum &c.

Vers. Dominus vobiscum. &c.

Oremus.

OMnipotens sempiterne DEUS, Majestatem
tuam supplices deprecamur, ut vasculum
hoc pro corpore filii tui Domini nostri JESU
Christi in eo condendo fabricatum benedictio-
nis tuæ gratiæ ditare digneris. Per eundem Chri-
stum Dominum nostrum. Resp. Amen,

Deinde aspergit.

17.

Benedictio Thuribuli.

Oratio.

DEUS, ad cujus sepulchrum cum aromatibus
in specie animarum sanctarum virtutes san-
ctorum operum gestantium diluculo mulieres
venisse memorantur: & in cujus conspectu An-
gelus, habens thuribulum aureum stetisse, & da-
tis incensis de orationibus omnium Sanctorum
ante thronum Domini adolevisse, cœlesti jussio-
ne divulgatur, adesto propitius invocationibus
nostris, & hoc thuribulum cœlesti benedictio-
ne perfunde, ut quicumque ex eo thimiarnatis,
vel thuris fragrantiam senserint, tua donante
immensa clementia, odores orationum ante
conspectum Majestatis tuæ per manus sanctorum
emi-

emittant Angelorum. Qui vivis & regnas cum Deo Patre in unitate Spiritûs S. Deus &c.



CAPUT QUARTUM.

Benedictiones pro hominibus.

I.

*Benedictio Peregrinorum ad loca sancta
excurrentium.*

✠. *Adjutorium nostrum &c.*

Postea ante Dominus vobiscum dicitur

Antiph. In viam pacis: & canticum.

*Benedictus Dominus Deus Israel &c. cum
Gloria Patri, & repetitur.*

Antiph. In viam pacis &c. cum versibus & orationibus, sicut in itinerrario, in fine Breviarii & Diurnalis.

Post quartam orationem, Præsta quæsumus, dicitur hæc Oratio:

Exaudi Domine preces nostras, & iter famulorum tuorum propitius comitare, atque misericordiam tuam, sicut ubique es, ita ubique largire, quatenus à cunctis adversitatibus tua opitulatione, & benedictione defensi gratiarum tibi referant actionem. Per Christum Dominum nostrum, Amen.

Pax & Benedictio Dei omnipotentis Patris, & Filii, & Spiritûs sancti, descendat super vos & maneat semper. Amen.

Aspergantur aquâ benedicta dicendo.

Procedatis in pace: in nomine Domini Jesu Christi, Amen.

172 *Benedictio Peregrinantium redeuntium.*

Si sit unus solus peregrinaturus, omnia dicuntur in singulari: si sacerdos simuliturus, in prima persona pluralis.

2.

Benedictio post reditum peregrinorum.

Vers. Adjutorium nostrum &c.

Antiph. Ecce sic benedicetur homo, qui timet Dominum.

Psal. 116. Laudate Dominum omnes gentes, vel *Psal.* 127. Beati omnes, qui timent Dominum, cum Gloria Patri, &c.

Ex vesp. ser. quarta repete

Antiph. Ecce sic benedicetur homo, qui timet Dominum.

Kyrie eleison, Christe eleison. Kyrie eleison. Pater noster &c.

Vers. Et nos inducas in tentationem. &c.

Vers. Benedicti, qui veniunt in nomine Domini.

Resp. Benedicti vos à Domino, qui fecit coelum & terram.

Vers. Respice, Domine, in servos tuos, & in opera tua. **Resp.** Et dirige eos in viam mandatorum tuorum.

Vers. Domine exaudi &c. **R.** Et clamor &c.

Vers. Dominus vobiscum. **R.** Et cum Spir. &c.

Oremus.

L Argire, quæsumus, Domine, famulis tuis indulgentiam placatus, & pacem, ut pariter ab omnibus mudentur offensis, & securæ tibi mente deserviant:

Omnipotens sempiterne Deus, nostrorum

Bened. mulieris pręgnantis in partu periclitantis. 173

temporum, vitęque dispositor, famulis tuis
continuę tranquillitatis largire subsidium, ut
quos incolumes propriis laribus reddidisti, tua
facias protectione securos.

Deus humilium visitator, qui nos paterna di-
lectione consolaris, prętende societati nostrę
gratiam tuam, ut per eos, in quibus habitas,
num in nobis sentiamus adventum. Per Domi-
num nostrum, &c.

Aspergantur.

Pax & benedictio Dei omnipotentis Patris,
& Filii, & Spiritus sancti, descendat super vos
& maneat semper, Amen.

3.

Benedictio mulieris pręgnantis, ubi aut
Matris, aut infantis vita periclitatur.

*Parochus hac benedictione non utatur nisi rogatus:
tum cautę observet, ne quid, pręsente se, contra ve-
cundiam, quavis necessitate committatur.*

vers. Adjutorium nostrum &c.

vers. Salvam fac ancillam tuam. *Resp.* DEUS
meus sperantem in te.

vers. Esto illi Domine, turris fortitudinis.

resp. A facie inimici.

vers. Nihil proficiat inimicus in ea. *Resp.* Et fi-
lius iniquitatis non apponat nocere ei.

vers. Mitte ei Domine auxilium de sancto.

resp. Et de Sion tuere eam.

vers. Domine exaudi &c. *R.* Et clamor, &c.

vers. Dominus vobiscum &c. *R.* Et cum Spirit.

Oremus.

Omnipotens sempiterne Deus, qui dedisti fa-
mu-

mulis tuis, in confessione verę fidei, æternę Trinitatis gloriam agnoscere, & in potentia Majestatis, adorare unitatem : quęsumus, ut ejusdem fidei firmitate hæc famula tua ab omnibus semper muniatur adversis. Per Dominum nostrum &c.

Oremus.

Domine Deus, omnium Creator, fortis & terribilis, justus & misericors; qui solus bonus & pius es, qui de omni malo liberas Israel, qui electos patres munere Spiritus tui sanctificasti, qui gloriosę Virginis **MARIÆ** corpus & animam, ut dignum filii tui habitaculum esse mereretur, Spiritu sancto cooperante præparasti: qui Joannem Baptistam Spiritu sancto replevi, & in utero matris exultare fecisti: accipe sacrificium cordis contriti, ac fervens desiderium famulę tuę **N.** humiliter supplicantis, pro conservatione prolis debilis, quam ei dedisti concipere; & custodi partem tuam, & defende ab omni dolo & injuria antiqui hostis, ut obstetricante manu, foetus ejus ad hanc lucem veniat incolumis, ac sanctę regenerationi servetur, tibi quę in omnibus jugiter deserviat, & vitam consequi mereatur æternam. Per eundem Christum Dominum nostrum. *ꝛ.* Amen.

Postea aspergat Aquã benedictã in modum crucis recitans sequentia.

Psalmus 132.

DEUS misereatur nostri, & benedicat nobis, illuminet vultum suum super nos, & misereatur nostri.

Ut cognoscamus in terra viam tuam : in omnibus gentibus salutare tuum.

Confiteantur tibi populi Deus ; confiteantur tibi populi omnes.

Lætentur & exultent gentes : quoniam iudicas populos in æquitate, & gentes in terra dirigis

Confiteantur tibi populi Deus, confiteantur tibi populi omnes : terra dedit fructum suum.

Benedicat nos Deus, Deus noster, benedicat nos Deus : & metuant eum omnes fines terræ.

Gloria Patri &c.

Ver. Benedicamus Patrem & Filium cum S. Spiritu. Resp. Laudemus & superexaltemus eum in sæcula.

Vers. Angelis suis mandet de te. Resp. Ut custodiant te in omnibus viis tuis.

Vers. Domine exaudi &c.

Vers. Dominus vobiscum, &c.

Oremus.

Visita, quæsumus Domine, habitationem istam, & omnes insidias inimici ab ea, & à præsentī famula tua longè repelle; angeli tui sancti habitent in ea, qui eam, & fœtum ejus ab omni adversitate & mortis periculo tua benedictione custodiant. Per Christum Dominum nostrum. Resp. Amen.

Benedictio Dei omnipotentis Patris, & Filii, & Spiritûs S. descendat super vos, & maneat semper. Amen.

Aspergat illam in modum crucis.

4. Be;

4.

Benedictio vestis baptismalis, quæ Chrismale dicitur.

Vers. Adjutorium nostrum in nom. &c.

Vers. Domine exaudi &c.

Vers. Dominus vobiscum. &c.

Oremus.

Domine JESU Christe, benedic, quæsumus hanc vestem, tuo baptismo regeneratis imponendam, quatenus adoptionem filiorum adipiscentes, amicti stolis albis, cum omnibus his, qui laverunt stolas suas, & dealbaverunt eas in sanguine tuo, te per semitam mandatorum tuorum sequantur in hoc sæculo, & laudent, ac glorificent in futuro. Per omnia sæcula sæculorum.

Aspergatur.

5.

Benedictio mulieris purificandæ post Partum.

Si qua puerpera post partum, juxta piam ac laudabilem consuetudinem ad Ecclesiam venire voluerit pro incolumitate sua Deo gratias actura, petieritque à sacerdote benedictionem, ipse superpelliceo & stola indutus cum ministro aspergillum deferente, & sacerdoti respondente, ad fores Ecclesiæ accedat.

Deinde illam foris ad limina genuflectentem, vel (ubi commodè fieri nequit) stantem & candelam accensam in manu tenentem, stans ipse intra fores Ecclesiæ aperto capite, ter in modum unius crucis aqua benedicta aspergat nihil dicens

Vers.

Verf. Adjutorium &c.

Antiph. Hæc accipiet benedictionem à Domino.

Psalmus 23.

Domini est terra & plenitudo ejus orbis terrarum, & universi qui habitant in eo.

Quia ipse super maria fundavit eum, & super flumina præparavit eum.

Quis ascendet in montem Domini: aut quis stabit in loco sancto ejus.

Innocens manibus, & mundo corde, qui non accepit in vano animam suam, nec juravit in dolo proximo suo.

Hic accipiet benedictionem à Domino: & misericordiam à Deo salutari suo.

Hæc est generatio quærentium eum: quærentium faciem Dei Jacob.

Attollite portas principes vestras, & elevamini portæ æternales: & introibit Rex gloriæ.

Quis est iste Rex gloriæ? Dominus fortis & potens, Dominus potens in prælio.

Attollite portas principes vestras, & elevamini portæ æternales, & introibit Rex gloriæ.

Quis est iste Rex gloriæ? Dominus virtutum ipse est Rex gloriæ.

Gloria Patri &c.

Antiph. Hæc accipiet benedictionem à Domino, & misericordiam à DEO salutari suo, quia hæc est generatio quærentium Dominum.

Deinde porrigens ad manum mulieris extremam partem stolæ, eam à sinistra introducit aliquantulum in Ecclesiam dicens:

M

In

Ingredere in templum DEI, adora filium Beatæ MARIÆ Virginis, qui tibi fœcunditatem tribuit prolis.

Caveat sacerdos, ut, si quid mulier pro benedictione offerre vult, illud non, dum Stolam ei porrigit, sed finita primùm benedictione accipiat.

Puerpera ingressa genuflectit coram altari Ecclesia in aliqua illius capella, & orat gratias agens pro beneficiis sibi collatis.

Sacerdos autem, stans ante altare, conversus ad illam dicit.

Kyrie eleison. Christe eleison. Kyrie eleison. Pater noster.

Vers. Et ne nos inducas in tentationem &c.

Vers. Salvam fac ancillam tuam Domine.

Resp. Deus meus sperantem in te.

Vers. Mitte ei Domine auxilium de sancto.

Resp. Et de Sion tuere eam.

Vers. Nihil proficiat inimicus in ea. Resp. Et filius iniquitatis non apponat nocere ei.

Vers. Domine exaudi &c.

Vers. Dominus vobiscum &c.

Oremus.

OMnipotens sempiterne Deus, qui per beatæ MARIÆ Virginis partum fidelium parientium dolores in gaudium vertisti: respice propitius super hanc famulam tuam, ad templum sanctum tuum pro gratiarum actione lætam accedentem: & præsta, ut post hanc vitam ejusdem Beatæ MARIÆ meritis & intercellione, ad æternæ beatitudinis gaudia cum prole sua pervenire mereatur. Per Christum Dominum nostrum.

Amen.

Dei

Benedictio conjugum maleficio impeditorum. 179

Deinde illam aspergit iterum aquâ benedictâ ter in modum unius crucis.

Postea extenta manu faciens crucem super illam dicit:

Pax & benedictio Dei omnipotentis Patris, & Filii, & Spiritûs sancti, descendat super te, & maneat semper, Amen.

Mulier post partum adversa valetudine impedita differat purificationem, donec utcumque viribus restituta Ecclesiam ingredi possit, non obstante mortis periculo: purificatio enim absque licentia extra Ecclesias fieri non debet.

6.

Benedictio & Exorcismus Conjugum maleficio impeditorum.

Fit interdum (Deo hominum vindicante sive infidelitatem, sive libidinem) ut vir & mulier maleficio impediti, à matrimonii usu impediuntur. Ad quam depellendam noxam conjuges, primùm omnium diligenti conscientia examine, & Confessione sacramentali pramissa, adibunt sacerdotem; qui, lectâ Missâ de Spiritu S. aus Deipara Virgine Maria sequentes subjiciet orationes.

Vers. Adjutorium nostrum &c.

Vers. Salvum fac servum tuum, & ancillam tuam.

Resp. Deus meus sperantes in te.

Vers. Mitte eis Domine auxilium de sancto.

Resp. Et de Sion tuere eos.

Vers. Nihil proficiat inimicus in eis. Resp. Et filius iniquitatis non apponat nocere eis.

Vers. Esto eis Domine turris fortitudinis.

Resp. A facie inimici.

Vers. Domine exaudi &c.

M 2

Vers.

Verſ. Dominus vobiscum. &c.

Oremus.

Domine Jeſu Chriſte, Fili Dei vivi, qui in paradifo terreſtri matrimonium inſtituiſti in officium; & poſtmodum pro nobis Homo factus; & ex Virgine natus, etiam in Sacramentum; & tuâ præſentiâ ac miraculorum tuorum primitiis dignanter illuſtrâſti: quæſumus, ut per merita Beatiffimæ Virginis MARIÆ, Matris tuæ, beatorum Apoſtolorum Petri, & Pauli, Wölſgangi, omniûmque Sanctorum & Sanctarum tuarum hos conjuges, Matrimonii Sacramento copulatos bene t dicere, & ab omni ligamento, fascinatione, & maleficio ſatanæ, fecunditatem, & ſalutarem ſobolis propagationem eis impertiendo tua pietate liberare digneris. Qui cum Patre & ſancto Spiritu vivis &c.

Deinde Pſalmi ſequentes dicuntur.

Pſalmus I.

Beatus vir, qui non abiit in conſilia impiorum; & in via peccatorum non ſterit: & in cathedra peſtilentiæ non ſedit.

Sed in lege Domini voluntas ejus: & in lege ejus meditabitur die ac nocte.

Et erit tanquam lignum, quod plantatum eſt ſecus decurſus aquarum: quod fructum ſuum dabit in tempore ſuo.

Et folium ejus non defluet, & omnia, quæcunque faciet, proſperabuntur.

Non ſic impii, non ſic: ſed tanquam pulvis, quem projicit ventus à facie terræ.

Ideo non reſurgent impii in judicio: neque peccatores in concilio juſtorum.

Quo-

Benedictio conjugum maleficio impeditorum. 181

Quoniam novit Dominus viam justorum : & iter impiorum peribit.

Gloria Patri. Sicut erat &c.

Psalms.

Qui habitat in adjutorio Altissimi : in protectione Dei cœli commorabitur.

Dicet Domino , susceptor meus es tu , & refugium meum : Deus meus, sperabo in eum.

Quoniam ipse liberavit me de laqueo venantium : & à verbo aspero.

Scapulis suis obumbrabit tibi : & sub pennis ejus sperabis.

Scutô circumdabit te veritas ejus : non timebis à timore nocturno.

A sagitta volante in die , à negotio perambulante in tenebris : ab incursu , & dæmonio meridiano.

Cadent à latere tuo mille , & decem millia à dexteris tuis : ad te autem non appropinquabit.

Verumtamen oculis tuis considerabis : & retributionem peccatorum videbis.

Quoniam tu es , Domine , spes mea : altissimum posuisti refugium tuum.

Non accedet ad te malum & flagellum non appropinquabit tabernaculo tuo.

Quoniam Angelis suis mandavit de te : ut custodiant te in omnibus viis tuis.

In manibus portabunt te : ne fortè offendas ad lapidem pedem tuum.

Super aspidem & basiliscum ambulabis : & conculcabis leonem & draconem,

Quoniam in me speravit , liberabo eum :

182 *Benedictio Conjugum maleficio impeditorum.*
protegam eum, quoniam cognovit nomen
meum.

Clamabit ad me, & ego exaudiam eum: cum
ipso sum in tribulatione, eripiam eum, & glori-
ficabo eum.

Longitudine dierum replebo eum: & osten-
dam illi salutare meum.

Gloria Patri &c. Sicut erat &c.

Psalmus 77.

BEati omnes, qui timent Dominum: qui am-
bulant in viis ejus.

Labores manuum tuarum quia manducabis:
beatus es, & bene tibi erit.

Uxor tua sicut vitis abundans: in lateribus
domûs tuæ.

Filii tui sicut novellæ olivarum; in circuitu
mensæ tuæ.

Ecce sic benedicetur homo: qui timet Domi-
num.

Benedicat tibi Dominus ex Sion: & videas
bona Jerusalem omnibus diebus vitæ tuæ.

Et videas filios filiorum tuorum: pacem super
Israel.

Gloria Patri &c. Sicut erat &c.

Deinde preces sequentes.

Kyrie eleison. Christe eleison. Kyrie eleison.
Pater noster.

Vers. Et ne nos inducas in tentationem &c.

Vers. Salvum fac servum tuum & ancillam tuam.

Resp. Deus meus sperantes in te.

Vers. Mitte eis Domine auxilium de sancto.

Vesp. Et de Sion tuere eos.

Vers.

Verf. Nihil proficiat inimicus in eis. Resp. Et
filius iniquitatis non apponat nocere eis.

Verf. Esto eis Domine turris fortitudinis. Resp
A facie inimici.

Verf. Domine exaudi &c.

Verf. Dominus vobiscum. &c.

Oremus.

OMnipotens sempiterne Deus, qui beatæ sem-
per virginis Mariæ uterum mirabiliter fœ-
cundasti, ut de Spiritu sancto verum Deum &
hominem, salvatorem nostrum Jesum Christum
conciperet: imploramus Clementiam tuam ut
his famulis tuis, matrimonii nexu conjunctis,
sublato omni dæmonis impedimento & malefi-
cio, salutarem matrimonii fructum largiri dig-
neris. Per eundem Dominum nostrum Jesum
Christum Filium tuum, qui tecum &c.

Deinde benedicens utrique, subjiciat:

Creator cœli & terræ, qui primis parentibus
matrimonii fœdere sociatis dixit: crecite, &
multiplicamini, & replete terram; ille sua be-
nedictione adversus omnes diabolicas infesta-
tiones fœcundet, atque multiplicet, & Christia-
næ sobolis salutarem propagationem misericor-
diter vobis concedat, in Nomine Patris, & Fi-
lii †, & Spiritûs sancti Amen.

Postea aspergat illos aquâ benedictâ, & dimittat.

7.

**Alia Benedictio & Exorcismus conjugum
maleficio detentorum.**

Exorcista ponens manum suam super caput maleficiati

184 *Benedictio conjugum maleficio detentorum.*
conetur destruere facturas, & maleficia contra ipsum
facta sacris verbis & adjurationibus hoc modo:

Conjuratio.

SI aliquis maleficus (malefica) per sua maleficia, incantationes, ligaturas, signaturas & facturas suas vel aliquo verbo, aut pacto, arte diabolica inito, vel aliquo maleficio te N. fascinauit, vel aliquo vinculo te ligavit, ut non possis uti matrimonio, Christus Filius Dei vivi per suam pietatem & misericordiam te ab illo liberet & absolvat: Et ego autoritate omnipotentis Patris & Filii & Spiritus sancti, mihi ab ipso, & à sancta Catholica & Romana Ecclesia tradita dissolvo omnia illa maleficia, quibus tu N. ab actu conjugali impeditis, & dissoluta esse decerno, & præcipio omnibus spiritibus immundis, qui ad instantiam aliorum dæmonum seu maleficiorum impedimenta illa fabricaverunt, seu conservaverunt, vel adhuc tali impedimento favent, & illud conservant, & impediunt hunc servum DEI N. aliquo maleficiò, seu facturâ à tali actu, ut statim & sine mora non obstante quocunque pacto cum malefico, seu malefica, inito destruant, & ab illo removeant omnem malignam suam fascinationem, & omne opus nefarium diaboli, & ministrorum ejus, per virtutem, & in virtute Domini nostri JESU Christi, qui propter magnam misericordiam suam venit in hunc mundum & incarnatus est in utero Beatissimæ Virginis Mariæ, ut homines perditos ad cœlestia revocaret, quos diabolus suâ perversitate damnaverat, & causa destruendi, & expellendi.

pellendi omnia opera satanæ & maleficia ejus ab omnibus, & condemnandi dæmones in profundum inferni & abyssi. Ecce crucem † Domini, fugite partes adversæ, vicit leo de tribu Juda, Radix David, JESUS Mariæ Filius, mundi salus, & Dominus, qui beatissimæ Virgini Matri suæ felicem partum tribuit, sit tibi clemens & propitius, & tibi N. concedat, ut matrimonio uti possis ad generandam, & educandam, atque nutriendam prolem Deo & hominibus gratam. In nomine Patris † & Filii † & Spiritus † sancti, Amen.

8.

Benedictio Thori.

Ÿ. Adjutorium nostrum &c.

Exorcismus.

EXorcizo te creatura plumarum: per eum, quem vidit Isaïas sedentem super solium excelsum & elevatum: & ea, quæ sub ipso erant, replebant templum. Seraphim stabant super illud: Sex alæ uni, & sex alæ alteri, duabus velabant faciem ejus, & duabus velabant pedes ejus, & duabus volabant, & clamabant alter ad alterum, & dicebant: Sanctus, sanctus, sanctus Dominus Deus exercituum, plena est omnis terra gloriâ ejus: ut nulla communio sit tibi cum Angelis maledictis & excommunicatis; sed sis creatura benedicta † & sanctificata † ad expellendos & fugandos inimicos nostros, & esto inimica inimicis nostris & afflige affligentes creaturam hanc N. per JESUM Christum,
M s qui

qui vivit & regnat in sæcula sæculorum, Amen.
Oremus.

Clementissime Deus, qui affligendo sanas, & castigando nos salvas, deprecor Majestatem tuam & clementiam super has plumas, quas benedico & sanctifico per nomen tuum, qui iussisti plumas projici prope altare ad orientalem plagam, qui cortinas Tabernaculi variatas opere plumato fieri iussisti: & qui diceris aquila plena multis plumis: ut sicut ego exorzizo & benedico & sanctifico & has plumas, & lectum & thorum, ut sit immaculatum & mundum ab omni opere satanæ: sic & tu benedicere & sanctificare & digneris: ut quisquis & præcipue creatura tua N. super has plumas, & lectulum, ut dormiat, prostrata fuerit, tuam sanctam benedictionem recipiat, dormiat, & secunda quiescat. Inò omnis spiritus immundus, omnis incurfus satanæ, omne phantasma, omne maleficium, omnis incantatio, ligatura, signatura, factura, & omne opus quomodolibet diabolicum in ea N. factum, destruatur, annihiletur, exterminetur, dissipetur, expellatur, & ab ea separatur, quantum est elongatum cælum à terra, lux à tenebris: nec amplius revertatur, prout ego in nomine tuo Tetragrammaton destruo & annihilo & extermino & dissipor & expello & ab ea N. separo, ut non revertatur: & spiritus maledictos thorum creaturæ tuæ N. pretioso sanguine Filii tui redemptæ, violare volentes contero & disperdo & per sanctum nomen Jehova. Sicut verò mulier Sunamitidis fecit coenaculum par-

parvum, & posuit in eo lectum, & mensam & sellam, & candelabrum, & recepit Elisæum virum sanctum Dei, qui ibi requievit; sic plumas & lectulum totum istum benedicere, & sanctificare digneris, & sit nunc & semper benedictus & sanctificatus, prout ego in nomine sancto tuo benedico, & sanctifico per eum, quem adoravit Israël conversus ad lectuli caput: Per eum, quem David adoravit, jacens in lectulo; per eum, qui sanavit paralyticum jacentem in lecto: per eum, qui dormiebat in navicula, & fecit cessare ventos: per eum, qui dixit, non est mortua puella, sed dormit: per eum, qui dixit discipulis suis, dormite jam, & requiescite: per eum, qui dixit Petro: Simon dormis? per eum, qui dixit: Lazarus amicus noster dormit, & qui vivit, & regnat cum Deo Patre & Spiritu sancto in sæcula sæculorum, Amen.

Oremus.

OMnipotens æterne Deus, sicut suscitasti puerum Sunamitidis jacentem in lecto per servum tuum Elisæum: & salvasti Joam per matrem Josabeth in cubiculo: Torum, ne interficeretur; sic digneris salvare hanc creaturam tuam N. ab infestationibus dæmonum, & sicut Sunamitidis illa recepit gratias à Viro Dei, & benedictionem: sic hæc creatura N. consequatur tuam gratiam & benedictionem largam, ut super lectum hunc & plumas dormiat, & fiducialiter requiescat & inveniat locum Domino, tabernaculum Deo Jacob, & ascendat in lectum strati sui & det somnum suis tanquam in sinu

nu sancto tuo, & requiescat sicut in lectis eburneis: sicut in tentoriis Israel pacifice, cum pace, cum Charitate in timore Dei à vespere usque mane, & adoret te tuto corde & mente: nec sit, qui eam terreat, lectulus hic sit floridus, bene + dictus, & sanctificatus ex diversis nominibus Dei: ex aromatibus Myrrhæ & Thuris, & ex diversis pulveribus pigmentarii; & sicut lectulum Salomonis sexaginta fortes ambiant ex fortissimis Dei potentis, omnes tenentes gladios & ad bella doctissimi uniuscujusque ensis super femur suum propter timores nocturnos. Et tu Domine, qui dixisti: ego dormio, & cor meum vigilat: & alibi: ego dormivi, & soporatus sum, & exsurrexi, quia Dominus suscepit me. Sic hæc creatura N. audiat vocem tuam mellifluam & dormiat: sicut Jacob in Bethel: dormiat ut leo, & inimicus suscitare non audeat: dormiat inter medios cleros, & inter columbas, habentes pennas de argenteas: dormiat in sinu Abisag Sunamitidis, & foveat, & calefaciat, sicut Regem David: dormiat super stratum suum, & vivat Dominus, qui eruit animam suam de omni angustia. Irruat sopor super eam & dormiat in lectulo suo tanquam non timens, sed quiescens & suavis sit somnus ejus: & cum dormierit, custodiant eam Angeli sancti Dei, & mandata Jesu Christi: & evigilans, loquatur cum eis verba vitæ, ut in lecto suo per noctem quærat, quem diligit anima sua. Et tandem benedictæ Deus multiplicentur tuæ benedictiones super hanc creaturam N. vexatam,

&

& super plumas has sicut Stellæ cœli & arena maris, sicut jam multiplicâsti super Abraham, Isaac & Jacob. Per ipsum Christum Filium tuum, qui vivit & regnat in sæcula sæculorum, Amen.

Aspergatur aquâ benedicta.

Quo facto in medio thori collocantur mensura alicujus crucifixi: & in plumis ipsis, vel lanis, incorporentur videlicet Thus, Myrrha, Ruta, Hypericon, Oliva, Cera benedicta, ac divina Nomina sequentia.

Ecce Crux † Jesu Christi † cruce Christus vincit † Christus regnat † Christus imperat † Agios † Ischiros † Sother † Sabaoth † Adonai † Heloym † Homoufion † Tetragrammaton † Otheos † Athanathos † Alpha & Omega † Salvator † Principium † & finis † Primogenitus † via † veritas † Jehova † vita † Sapientia † æternus † virtus † Paracletus † Ego sum † Qui sum † Messias † Agnus, Ovis † Vitulus † Aries † Leo † Os † Misericors † Charitas † Lux † omnipotens † Creator † Redemptor † Amor † Emmanuel † Primus † Novissimus † Janua † Petra † Gloria † Imago Patris † Unicus † Fons vitæ † Panis † brachium † Dominus † Mons magnus † Clavis David † Dux Domûs Israël † Radix Jesse † Sceptrum domus Israël † Oriens † Splendor † Adonai † Sol Justitiæ † Rex gentium † Expectatio gentium † Candor Lucis æternæ † Rex gloriæ † Jesus Christus † Dominus virtutum † Triumphator inferni † Jesus Deus de Deo † Jesus æterna sapientia † Jesus Patri co-æqualis † Jesus Deus, & homo † Jesus splendor paternæ gloriæ † Jesus lumen de lumine † Jesus, quo

quo cœli firmati sunt † JEsus amor Patris † JEsus
 brachium Spiritûs sancti † JEsus Thronus sanctis-
 simæ Trinitatis † JEsus Majestas gloriæ † JEsus
 semen vitæ æternæ † JEsus natus de Maria Vir-
 gine † JEsus sacerdos magnus † JEsus lapis angu-
 laris † JEsus princeps pacis † JEsus stella ex Jacob
 † JEsus liber vitæ † JEsus medicina salutis † JEsus
 vena aquarum † JEsus Scala cœli † JEsus porta
 paradisi † JEsus caput Ecclesiæ † JEsus panis vi-
 vus † JEsus fides firma † JEsus spes nostra † JEsus
 charitas perfecta † JEsus fundamentum humili-
 tatis † JEsus fons pietatis † JEsus Judex universi
 JEsus sanitas languentium † JEsus consolator af-
 flictorum † JEsus oppressor superborum † JEsus
 destructor idolorum † JEsus fugatio tenebrarum
 † JEsus depopulator dæmonum † JEsus malleus
 maleficorum † JEsus jugum ferreum luciferi †
 JEsus Prædator tartari † JEsus morsus satanæ, &
 Angelorum ejus † JEsus triumphator inferni †
 JEsus illustrator paradisi † JEsus angelorum fer-
 culum † JEsus gloria Sanctorum omnium † Ma-
 ria Mater universorum † Maria arca thesaurorum
 Dei † Maria paradusus † Maria deliciarum hortus,
 Maria cedrus † Maria cypressus † Maria palma †
 Maria rosa † Maria oliva † Maria vitis † Maria Pla-
 tanus † Maria Balsamum † Maria Myrrha † Ma-
 ria Galbanus † Maria Lilium † Maria scala cœli †
 Maria porta Paradisi † Maria mare † Maria ros †
 Maria luna † Maria sol † Maria terra † Maria arc-
 us cœlestis † Maria collum † Maria columba †
 Maria elephas † Maria ovis † Maria Ebur † Maria
 dies † Maria fons omnium gratiarum † Maria na-
 vis

vis securissimā + Maria nubes + Maria mons Sinai + Maria thronus + Maria vellus + Maria lux + Maria vas Dei + Maria rosa Dei + Maria sedes Dei + Maria civitas Dei + Maria castellum + Maria stella matutina + Maria lignum vitæ + Maria speculum perfectionis + Maria bonitatis metrum + Maria puteus aquarum viventium + Maria Regula morum + Maria via salutis + Maria Sponsa Dei + Maria Mater Christi + Maria Spiritus sancti templum + Maria Palatium superni Imperatoris + Maria hospitium Deitatis + Maria cella Dei aromatica + Maria Imperatrix universi + Maria dominatrix dæmonum + Maria Virga dæmonum + Maria Pavor inferni + Maria auxiliatrix potentissima + Maria advocata prudentissima + Maria Mediatrix efficacissima + Maria medicina peccatorum + Maria salus desperantium + Maria consolatrix afflictorum + Maria sanitas infirmorum + Maria liberatrix captivorum + Maria defensio oppressorum + Maria portus salutis + Maria civitas refugii tutissima + Maria virgo virginum + Omnes Spiritus beati defendite me + omnes sancti Apostoli orate pro me + omnes sancti Martyres intercedite pro me + omnes sancti confessores supplicate pro me + omnes sanctæ Virgines & viduæ orate pro me + Amen.

9.

Benedictio & Exorcismus maleficia patientium, aut à dæmonio vexatorum.

Qui verbum Caro factum est, & in cruce affixus, sedensque ad dexteram Patris, ut
cre-

credentium exaudiat preces, ille per suum sanctum Nomen, cui omne genu flectitur, ac per merita Virginis & Matris ejus, nec non per preces omnium Sanctorum & Sanctarum Dei, præservare ab omni maleficorum ac dæmonum incurtu Te N. dignetur, qui in unitate perfecta vivit & regnat : Ecce enim crucem Domini nostri Jesu Christi, in qua salus, vita, resurrectio nostra, confusio omnium maleficorum ac dæmonum; fugite ergo partes adversæ. Nam ego conjuro vos dæmones infernales, & spiritus malignos cujuscunque generis, ita præsentem, sicut absentes quomodocunque & sub quocunque prætextu aut vocatos, aut invocatos, aut sponte, aut missos; seu per incantationem, seu per artem malorum hominum, aut mulierum, properatis ad habitandum vel molestandum, quatenus semota diabolica fraude incontinenter debeatis per Deum vivum & verum sanctum Patrem & Filium & Spiritum S. & præsertim per eum qui in Isaac est immolatus & in Joseph venundatus in Agno occisus in homine Crucifixus, in cujus sanguine vicerunt vos, quando Michael pugnavit vobiscum, & fecit victoriam, recedere, appropinquantes retrocedere, nec valeatis sub quocunque prætextu molestare creaturam istam, nec in corpore, nec extra corpus, nec per visionem, nec per terrorem, neque de die, neque de nocte, nec dormiendo, nec vigilando, nec comedendo, nec orando, nec aliquid naturale aut spirituale faciendo, aliter vobis infundo & omnes maledi-

ledictiones † & pœnas tormentorum ,
detrusionis in stagnum ignis & sulphuris, per
manus inimicorum vestrorum, sancta Trinitate
jubente, Michael Archangelo exequente.

Nam si tenemini aliquo vinculo præcepti, or-
dinationis, suffumigii, innodationis, artis &
facturæ ad quemcunque perversum finem & ef-
fectum compilato & fabricato, sive in herbis,
verbis, lapidibus, elementaribus, sive naturalia
sint, sive simplicia, aut mixta, temporalia aut
spiritualia, aut Sacramentalia, aut in nominibus
magni Dei, aut Angelorum, sive in Characteri-
bus, horis, minutis, diebus, anno, mense, super-
stitiosè observato, cum pacto expresso aut taci-
to, etiam juramentò firmatò, omnia illa irrita,
annulo, destruo per potentiam Patris, qui totum
mundum creavit † per sapientiam Filii Redem-
ptoris † per Bonitatem Spiritûs sancti, qui to-
tam legem adimplevit † qui est † erat † venturus
est † omnipotens † Agios † Athanatos † Sother †
Tetragrammaton † Jehova † Alpha & Omega †
Principium & finis. Extinguatur ergo in crea-
tura ista, & fugetur omnis virtus diabolica per
delationem sanctissimæ crucis, invocationemque
Angelorum, Archangelorum, Patriarcharum,
Prophetarum, Apostolorum, Martyrum, Con-
fessorum, Virginum, nec non B. Virginis, &
omnium in cœlo regnantium cum Agno occiso
ab origine mundi, & bene viventium in Ecclesia
sancta Dei.

Recedite ergo, & sicut fumus jecoris piscis
combusti dictante Raphael Spiritum à Sara fu-
gavit,

194 *Bened. fumigat. præsente maleficiato faciendâ,*
gavit, ita benedictiones istæ expellant vos, ut
non audeatis accedere ad hanc creaturam insigni-
tam signo sanctæ crucis, per milliaria centum
quia mandatum meum non est meum, sed ejus,
qui missus est à sinu Patris, ut opera vestra de-
strueret, & in ara crucis destruxit, nobis talem
dedit potestatem, ad gloriam suam, & utilita-
tem fidelium vobis imperandi, prout imperamus
& præcipimus, ut non audeatis accedere. Per
Christum Dominum nostrum.

† Ecce Crucem Domini, fugite partes adver-
sæ, vicit Leo de tribu Juda, radix David, Allelu-
ja Amen, Fiat, fiat.

Initium S. Evangelii secundum Joannem.

10.

Benedictio fumigationis aromatum & cu-
biculi, quæ debet fieri quotidie præsente
maleficiato.

Verf. Adjutorium nostrum &c.

Exorcismus

EXorcizo † te creatura fumigationis ex diver-
sis aromatibus composita, per DEUM † om-
nipotentem, qui fecit cælum & terram, mare
& omnia, quæ in eis sunt: Et per tres Reges o-
rientales, qui Christo obtulerunt aurum, thus,
& myrrham: ut nulla virtus adversarii nullus
exercitus diaboli, nulla incurio fatanæ, nullum
phantasma tecum sit: sed efficiaris fumigatio
benedicta † sanctificata † ad fugandos dæmones
à corporibus humanis, & eorum habitaculis: &
ad eradicandum omne maleficium arte diaboli-
ca

Benedict. fumigar. prasente maleficiato facien la. 195

ea factum : In nomine Patris † omnipotentis & in charitate Domine nostri JESU † Christi, & in virtute Spiritûs † sancti, Amen.

Oremus.

OMnipotens æterne DEUS, tuam imploramus clementiam, ut salvare nos digneris ex ore leonis : qui circumit, quærens, de unitate Ecclesiæ tuæ, quem devoret : sed tu fortissime Leo de Tribu Juda contere contrariæ virtutis sævitiam rugientem, & bene † dic, & sanctifica fumigationem hanc aromatum ad fugandos à corporibus humanis dæmones, & ab eorum habitaculis : ad eradicandum omne maleficium, incantationem, fascinationem, signaturam, facturam, ligationem, infestationem, & omne opus diabolicum : ne inimicus possit prævalere contra creaturas tuas sanguine filii tui redemptas. Sancti † fica, & bene † dic hæc aromata, ut sint tanquam aromata, quibus conditi sunt Jacob & Joseph : & quibus utebatur Hester ; & tanquam aromata multa Salomonis : & thymiamata de aromatibus boni odoris ad dissipandum inimicum : & vapor, & nebula, & odor hujus fumigationis sit sicut odor Cypri, & Nardi, & Croci, Fistulæ & Cinamomi, Myrrhæ & Aloes, & super omnia aromata ad destruenda omnia phantasmata, & incantamenta satanæ. Ec ego bene † dico te creatura fumigationis, & sancti † fico per eum, quem cælum & cœli cœlorum capere non possunt : & per eum te sancti † fico, qui tangit montes, & fumigant ; ut domus hæc bene † dicatur & sanctificetur, & à te

396 *Bened. fumigat. prasente maleficiato facienda.*

fumigetur, & repleatur fumo à Majestate DEI: & de virtute ejus ascendat fumus incensorum de manu Angeli coram DEO: & aperiatur templum tabernaculi testimonii in cœlo; & exeant angeli habentes misericordias DEI, vestiti lapide mundo, & candido, & præcincti circa pectora zonis aureis, & inhabitent in hac domo, custodientes hanc creaturam N. & omnes habitantes in ea, & fumus hujus fumigationis ascendat, & eradicet omne genus dæmoniorum, & omnia maleficia, incantationes, ligationes, signaturas, & facturas, ab hac domo, & ab hac creatura N. quam in nomine sancto tuo bene† dico & sanctifico, & benedictionibus cœlestibus† repleo, sit hoc cubiculum, & domus Thalamus DEI: sit palatium Christi, sit habitaculum Spiritus sancti, sit hæc domus, tanquam cella aromatum, & odorem unguenti optimi: & impleatur odore unguenti, & fumi Nardi pistici pretiosi: Sit tanquam domus DEI, ad adolendum incensum coram eo, & ad fumiganda aromata, & descendat dilectus in hanc domum, sicut in hortum suum ad areolam aromatum, & quisquis fumigatus fuerit ex his aromatibus, bene† dicatur, & sancti† ficetur, & videat & audiat voces, & lampades & sonitum buccinæ de cœlo, & montem fumigantem: & loquatur cum DEO, & respondeat ei DEUS, verba vitæ & salutis, & sit sicut, quæ ascendit per desertum, ut virgula fumi ex aromatibus, myrrhæ, thuris & universi pulveris pigmentarii, ut liberetur ab omnibus maleficiis, incantationibus, ligationibus,

Bened. fumigat. prasente maleficiato facienda. 197

nibus, signaturis, facturis, & à dæmonibus eam vexantibus, sit odor hujus fumigationis aromaticæ, sicut odor vinearum florentium, & malorum, & mandragoræ: sit quasi myrrha, dans odorem suavitatis libani, sit tanquam incensum aromaticum, quo adolebatur altare aureum, sub tecto testimonii contra velum: Sit tanquam odor holocaustorum Noe, quæ odoratus est Dominus odore suavissimo: sit sicut odor agri pleni, cui benedixit Dominus, & sicut odor pretiosissimæ victimæ Domini: sit sicut odor Nardi in accubitu Regis, & sicut odor divinus effusus in fundamento altaris Principi excelso: & sicut Christus tradidit semetipsum pro nobis oblationem & hostiam DEO in odorem suavitatis; sic in odore illius benedicatur domus: sanetur hæc creatura N. ab omnibus infestationibus satanæ: & ejus potentia, membræque tota sui corporis sanctificentur in odorem vitæ, & dulcoretur variis odoribus in vitam æternam: & ad odorem & fumum hujus aromaticæ fumigationis non lateant dæmon, sed fugiat cum satellitibus suis & maleficiis, & incantationibus & ligationibus & signaturis & facturis & cæteris operibus suis diabolicis ab hac creatura DEI N. & ab hac domo: & elongetur ab eis quantum est elongatum cælum à terra, lux à tenebris, & veritas à mendacio. Per Jesum Christum Dominum nostrum, Amen.

Aspergatur cubiculum & fumigatio aquâ benedicta, & super ignem benedictum ponatur.

Species pro fumigatione aromatica.

℞. Storacis calam. drac. i. cum dimidia.

Thuris opt. drac. i.

Nucis musc. | an. drac. I. cum

Cariofil. | dimidia

Ligni aloes scrup. I.

Ambræ gris. gra. I.

Musc. elect. gr. II.

Ladani ping. drac. II.

Pulverizentur pulverizanda secundum artem & cum modico draganti infusi, & molliti in aqua rosarum fiat massa, & formentur ad formam troisci, & benedicantur, atque ex dicta fumigatione fumigetur maleficiatus pluries in die vestimenta que & domus, &c.

Suffumigium ad torquendos damones.

℞. Carnis vel limaturæ ungulæ asini unc. i.

Stercoris canis unc. II.

Stercoris diaboli unc. I.

Sulphuris

Hypericonis

Rutæ

| an. unc. III.

Misc. & fiat suffumigium.

II.

Benedictio omnium medicinalium Unctio-
num, Balneorum, & odorabilium,
mutatis mutandis.

†. Adjutorium nostrum &c.

Exorcismus.

EXorcizo † te creatura medicinæ, per medicum æternæ salutis, qui à morte æterna genus humanum proprio sanguine sanitati restituit: per eum te exorcizo † qui ad curationem homi-

hominum virtutem medicinalem herbis , lapidibus , ac diversis creaturis contulit ut nulla tibi sit communicatio cum angelis apostaticis , sed in virtute Domini Nostri Jēsu Christi cunctas inimici fallacias à te expello ; & sicut tu ex diversis materiis facta es compositio medicinalis ad sanandas Dei creaturas , & præcipuè à diabolo vexatas ; sic virtutem tuam naturalem retineas , supernaturalēque recipias , adjurata in virtute Dei Patris † & Filii † & Spiritūs † sancti , cuncta maleficia destruētis ac regnantis in sæcula sæculorum , Amen.

Oremus.

OMnipotens æterne DEUS , qui es vera salus , & medicina ; à quo omnis sanitas , & medicamentum venit , quæsumus clementiam tuam & pietatem , ut hanc medicinam , quam ad expellendas omnes ægitudines , & quascunque virtutes diabolicas , & infestationes maleficiales : imò & ipsos dæmones à corporibus & visceribus hominum , in nomine sancto tuo benedicere , sancti ficare , & conservare digneris : & in homine , qui eam biberit (vel ea usus fuerit) extingue februm infestationes , viscerum tormenta cura ; cordis & capitis dolores & passiones cunctas dissolve , gravitates pectoris remove : infestationēque cunctas è quibusvis partibus corporis resolve , phantasmaticis adesto periculis , tumoresque compesce : fiatque illi hæc medicina sancta morbi præsentis expulsio & peccatorum omnium optata remissio : ut dum glorietur adversarius de habitatione percepta , ab hac

creatura N. cum omnibus maleficiis, incantationibus, ligationibus, signaturis, factoris &c. ipse confusus recedat. Per Dominum nostrum &c.

Oremus.

O Æterne Deus, qui tuâ providentiâ ab initio cuncta gubernas; quoniam dedisti & in mari viam, & in fluctibus semitam firmissimam, ostendens, quoniam potens es ex omnibus sanare etiam sine arte aliquis adeat mare: nam per hæc visibilia medicamenta non sanatur quis a morsu serpentis antiqui, Domine, sed per te omnium salvatorem, quia tu solus es, qui liberas ab omni malo: & misericordiâ tuâ adveniente salvas filios tuos, imò tuus Domine sermo velociter sanat omnes ad te confugientes, qui livore sanguinis pretiosissimi Filii tui totum mundum sanasti: Infunde ergo Domine, tuam sanctam virtutem & benedictionem in hanc medicinam, & sana potentissime Deus creaturam tuam N. quia conturbata sunt ossa ejus, & anima illius turbata est valde: sana etiam à descendantibus in lacum, quia clamat ad te, sicut sanasti Chananæam: & Publicanum: sicut sanasti aquas per Elisæum; sicut percussos aspicientes in serpentem æneum; & sicut Domine JEsu sanasti hydropicum, & tangentes simbriam vestimenti tui; sana eam, sicut qui prius descendebat in piscinam post motionem aquæ, sanus fiebat à quacunque detinebatur infirmitate, sicut sanasti socrum Petri febricitantem, & sicut sanabas omnes languores & infirmitates in populo & omnes oppressos à diabolo. Nam multitudo sapientiæ tuæ sanitas est

or-

orbis terrarum, & cū aqua deleret terram, sanavit iterum sapientia tua, & cujus livore sanati sumus; cujus tactu vis februm mox recessit, cujus sermone confestim surdus audivit: cujus jussu mutus fari non distulit, satan fugit, claudus cucurrit, cæcus vidit, ægrotus prævaluit, surrexit de sepulchro quatrduanus: sic sana eam Domine Jesu, ab omni ægitudine, & à vulneribus satanæ, & ministrorum ejus. Et sicut sanasti pluries populum Israel, & puerum Centurionis, & curasti vexatos à spiritibus immundis: & sanasti multitudinem copiosam plebis ab omni Judæa & Jerusalem & maritima & Tyri & Sidonis à languoribus suis; sic huic creaturæ tuæ N. languenti conferas salutem & veram medicinam. Sint oculi tui Domine super eam, & da illi sanitatem & vitam, & huic medicinæ vim & virtutem & benedictionem † & sanitatem, ut ab hac creatura N. expellat dæmones & destruat, & eradicet omnia maleficia, incantationes: ligationes, tumores, dolores, signaturas, fascinationes, & facturas diabolicas: nam venisti Domine quærere & salvum facere, quod perierat.

Oratio.

Benedic Domine, & sanctifica hanc medicinam, & virtus Spiritus sancti sit super eam: ad evacuanda, & destruenda, annihilanda, & eradicanda à corpore hujus creaturæ N. maleficia cuncta, cujusvis maledictionis sint facta, & simul ad expellendum ipsum dæmonem, prout ego in nomine sancto tuo, & in nomine Domini nostri Jesu Christi Nazareni Crucifixi Filii tui

N s

exor-

exorcizo † benedico † & sanctifico †, quia ipse propitiatur omnibus iniquitatibus nostris, & sanat omnes infirmitates nostras. Benedico te per ipsum, qui redemit de interitu vitam nostram, & coronat nos in misericordia & miserationibus. Sanctifico te per ipsum, qui misit verbum suum & sanavit nos & redemit nos de interioribus nostris, & producit in montibus fœnum, & herbam servituti hominum. Benedico te per ipsum, cujus manus vulnerat, & medetur, percutit & sanat: sanctifico te per ipsum, qui misit Apostolos prædicare regnum Dei, & sanare infirmos. Benedico & sanctifico hanc medicinam, ut sit medicina salutis animæ & corpori hujus creaturæ N. sit hæc medicina tanquam aqua egrediens de sanctuario Dei, in potum ad expellendam omnem febrim, & ægritudinem, ac tumorem, & dolorem & ad extirpandum omne maleficium, incantationem, signaturam: facturam arte diabolica factam. Sit tanquam cor & fel & Jecur piscis Archangeli Raphaelis & Tobie ad medicamenta utilia: & sicut ipse Archangelus duxit & reduxit Tobiam sanum, ejusque Patri restituit visum, & fecit eum videre lumen cœli: sic tu ô medicina, per istam sanctam benedictionem & virtutem Spiritûs sancti, quam in te infundo, restitue sanitatem creaturæ Dei N. Nam altissimus creavit te de terra, ut sis medicina sanitatis, & medicina pacis, consolationis, & benedictionis: sit super te virtus Spiritus † sancti, & virtus divina tecum sit ad sanandam creaturam Dei N. ab omni maleficio & infestationibus

bus satanæ. Tandem in nomine illius, qui est Deus omnipotens, Deus exercituum, qui facit mirabilia magna solus: accipe, ô medicina, virtutem Spiritûs † sancti, ut ubicunque attigeris, virtute divina à corpore creaturæ N. expellas omnem infirmitatem, tumorem, & dolorem, omnéque maleficium, incantationem, ligationem, signaturam & facturam sibi factam, & omne vinculum diabolicum confringe, dissipa, destrue, evacua, extirpa, eradica, vome, vel per secessum emitte, prout magis expedierit, sine læsione aliqua animæ & corporis: prout ego in nomine Jesu Christi expello † confringo † dissipo † destruo † extirpo † eradico † & ad nihilum redigo † à corpore ipsius creaturæ Dei N. & infundo in te omnes benedictiones æterni Dei. In nomine Patris † & Filii † & Spiritûs † sancti, Amen.

Aspergatur.

12.

Benedictio Cerevisiæ, mulsi, vel alterius potûs.

Verf. Adjutorium nostrum &c.

Verf. Dominus vobiscum. Resp. Et cum Spir. &c.

Oremus.

Domine sancte, Pater omnipotens, æterne Deus, qui fecisti cœlum, & terram, & omnia quæ in eis sunt: Rogamuste, in nomine Jesu Christi, unigeniti Filii tui, ut sanctificare † & benedicere † digneris cerevisiam istam (potum istum) sicut benedixisti sex hydrias in Cana Galilææ, ita convertere digneris materiam istam potûs

potùs, in suavitatem & hilaritatem lætitiæ spiritualis, servis tuis, qui in fide catholica crediderunt. Per eundem Dominum &c.

Oremus.

Domine Deus Pater omnipotens, statutor omnium elementorum & fructuum, qui per IESum Christum Filium tuum Dominum nostrum substantiam hanc in refocillationem sitis, & corporum salutem esse voluisti, te supplices deprecamur, ut exauditis orationibus nostris, eam tuæ pietatis aspectu sanctifices †: atque ita omnium spirituum immundorum ab ea recedat incurio, ut quicumque ex ea sumpserit, ei gratia tuæ benedictionis † adveniat, & mala omnia te propitiante ab ea procul recedant. Per eundem Dominum nostrum, Amen.

Aspergatur.

13.

Benedictio Puerorum, seu infantium cùm primùm in Ecclesia præsentantur à parentibus.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Quæsumus Omnipotens Deus, Pueris istis (vel Pueri isti) pro quibus (vel quo) tuam deprecamur clementiam, benedicere digneris, & per virtutem sancti Spiritûs corda eorum (vel cor ejus) corrobora, vitam sanctifica, castitate decora: & sensus eorum (vel ejus) in bonis operi-

peribus munire, & informare, & ab omnibus diabolicis ac humanis fraudibus & insidiis tua protectione & virtute tueri, & tandem ad requiem æternam perducere digneris. Per Christum &c.

Psal. Laudate pueri Dominum, *ex Vesp. Dom. cum*
Gloria Patri &c.

Kyrie eleison. Christe eleison. Kyrie eleison.
Vers. Et ne nos inducas in tentationem. &c.

Vers. Benedic Domine Pueris istis (vel Puero isti) Resp. Et invocetur super eos (vel eum) nomen Domini Dei nostri.

Vers. Videte, ne contemnatis unum ex his pusillis. Resp. Quia Angeli eorum semper vident faciem Patris mei, qui in cœlis est.

Vers. Dominus vobiscum &c.

Oremus.

Domine Jesu Christe, qui parvulos tibi oblatos, & ad te venientes complectebaris (*hic ponat manus super capita puerorum*) manusque super illos imponens benedicebas, atque dicebas: finite parvulos venire ad me, & nolite prohibere eos, talium est enim regnum cœlorum, & Angeli eorum semper vident faciem Patris mei: respice quæsumus ad Pueri vel puellæ (*si fuerit unus*) seu puerorum vel puellarum præsentium innocentiam, & ad suorum parentum devotionem, & clementer eos hodie per ministerium meum benedic, ut in tua gratia, & misericordia semper proficiant, te sapiant, te diligant, te timeant, & mandata tua custodiant; & ad finem optatum feliciter perveniant

per te, salvator mundi. Qui cum Patre & Spiritu sancto vivis & regnas Deus in sæcula. Resp. Amen.

Oremus.

Respice quæsumus Domine, ad præsentium puerorum (vel præsentis huius pueri) devotionem: ut in tua gratia & misericordia proficiant & crescant, & cum sancta benedictione tua in gratia cælesti conserventur, & post hanc vitam ad æternam salutem perducantur. Per Christum Dominum nostrum. &c.

Sacerdos imponens manus super eos (vel eum) cum signo crucis dicit.

Benedictio Dei omnipotentis Patris, & Filii, & Spiritus sancti, descendat super vos, & custodiat, & dirigat, & maneat semper, Amen.

Aspergantur.

14.

Benedictio ad pueros inducendos veste ex voto.

Primò benedicantur vestimenta.

Verf. Adjutorium nostrum &c.

Verf. Domine exaudi &c. Resp. Et clamor &c.

Verf. Dominus vobiscum &c.

Oremus.

Domine Jesu Christe, qui pro nostra salute humanam naturam, te vestimento carnis induere dignatus es, benedictione sancta tua benedic ista parvula vestimenta, quæ pro gratis tibi exsolvendis cum omni devotione, sanctoque voto, ac veneratione B. Virg. MARIE, vel (S. N.)

(S. N.) infans iste super se suscepturus est. Infunde in eum, quæsumus, tuam sanctam benedictionem, ut cum primùm induerit hoc Religionis simile vestimentum, intercedente beato Patre nostro Francisco, descendat super eum gratia tua, & protegat illum ab omni malo mentis, & corporis. Qui vivis &c.

15.

Benedictio Chordæ seu Cinguli.

Vers. Adjutorium nostrum &c.

Vers. Domine exaudi orationem meam &c.

Oremus

DEUS, qui, ut servum absolveres, Filium tuum funibus ligari voluisti, benedic, quæsumus funem istum, ut famulus tuus N. qui eo velut ligamine corpus cinget, vinculorum ejusdem Filii tui Domini nostri Jesu Christi memor existat. Per eundem Dominum nostrum, &c.

Aspergat aquâ benedicta vestimenta & chordam, adoleatque incenso.

Cum verò eum exuit suis vestimentis, dicat:

Eripiat Dominus de corde tuo pompas, quibus abrenuntiasti, dum Baptismum suscepisti.

Psal. Eripe me Domine ab homine malo: à viro iniquo eripe me.

Eripe me de inimicis meis, & ab insurgentibus in me libera me.

Eripe me de operantibus iniquitatem: & de viris sanguinum salva me.

Gloria Patri &c.

Postea

Postea induit eum habitu , dicens ;

Immittat in te Dominus sanctum Religionis amorem , sanctoque fervore succendaris , & ardeas cælestium bonorum desiderio.

Psal. Laudate pueri Dominum &c.

Postea cingat eum dicens :

Præcingat te Dominus zonâ justitiæ , ut immaculatus conserves omnia mandata sua.

Psalms.

Laudate Dominum in sanctis ejus ; Laudate eum in firmamento virtutis ejus.

Laudate eum in sono tubæ : Laudate eum in Psalterio & cithara.

Laudate eum in tympano & Choro : Laudate eum in Chordis & Organo.

Laudate eum in cymbalis bene sonantibus , Laudate eum in cymbalis jubilationis : omnis spiritus laudet Dominum.

Gloria Patri.

Deinde det ei candelam accensam , & dicat :

Vers. Domine exaudi &c.

Vers. Dominus vobiscum. &c.

Oratio.

Domine JESU Christe , lux vera de vero lumine , quæsumus clementiam tuam , ut per intercessionem beati Patris nostri Francisci mentem parvuli hujus illumines , ut , cum ad annos discretionis advenerit , sancto tibi animo corporeque deserviat. Qui vivis &c.

Postea benedicat puerum offerendo eum ad altare dicens :

Confirma Deus in puero , quod operari fecisti à Templo sancto tuo.

De-

Deducat eum spiritus tuus bonus in terram rectam, & benedictio tua sit super eum semper.

Deinde reddat eum parentibus, & conversus ad circumstantes dicat.

Benedicat vos divina Majestas Pater, & Filius, & Spiritus sanctus, Amen.

16.

Benedictio Thalami, Thori, & lecti cum exorcismo.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oratio.

Domine sancte Pater, qui castigando nos salvas, deprecor Majestatem tuam super hunc lectum, & super hanc domum, & super omnia, quæ sunt in ea, & super has plumas, quæ omnia bene + dico, purifico, exorcizo, atque sanctifico, per nomen sanctum tuum, & servi tui N. quem deprecor, ut sit in nostro auxilio, & omnium creaturarum: sic, & tu Domine bene + dicere, & sanctificare digneris hunc lectum, domum & omnia, quæ sunt in ea, & plumas suas ut quisquis, & præcipue hæc creatura N. super has plumas, & lectum prostrata fuerit, dormiat, & tuam sanctam benedictionem recipiat, & dormiat, & segura quiescat, imò omnis spiritus immundus, omne phantasma, omne maleficium, vel factura, ligatura, signatura, & omne opus, quomodolibet diabolicum, in lectum, vel plumas has, vel domum factum destruat, annihil-

hiletur, exterminetur, dissipetur, expellatur, & longetur, quantum est elongatum cœlum à terra, lux à tenebris, nec amplius revertatur, & Ego N. sacerdos DEI destruo, & extirpo, & annihilo, ut non revertatur, & spiritus maledicti thorum, domum, tuas creaturas violare volentes, contero, & disperdo, & tandem Domine multiplica tuas sanctas benedictiones super lectum, & has plumas, & domum, & super creaturas, quæ habitant in ea, nam ego omnia bene + dico, sancti + fico sacerdotali auctoritate + qua fungor in nomine Pa + tris, & Fi + lii, & Spiritus + sancti, Amen.

Aspergatur aquâ benedictâ, & ponat sacerdos incensum super ignem benedictum, ut fumigetur domus, vel cubiculum, vel lectus, ponatur in lecto Cera, Agnus DEI, oliva palmarum benedicta cum sale exorcizato, & incenso cerei, cum auro, & myrrha.

17.

Benedictio vestimentorum vel indumentorum, & lintheaminum lecti, & similia mutatis mutandis.

EXorcizo vos creaturæ diversæ indumentorum, per eum, qui vos paravit ad ornamentum generis humani, ut sitis indumenta benedicta + pura + & munda + ab omni virtute diaboli, & ministrorum ejus, & ab omnibus facturis & maleficiis, cujuscunque generis sint : & vires diaboli retinere non possitis, sed sitis indumenta pura + benedicta, & sanctificata : Quæsumus Domine, ut hæc indumenta purificare, benedicere

dicere & sancti + ficare digneris, nam ego sacerdos tuus hæc indumenta in tuo nomine benedico, purifico + & sanctifico + concede Domine, ut qui ea portaverit, & induerit, cœlestis gratiæ, & benedictionis plenitudinem valeat accipere, ut ab omnibus dæmonibus, & factoris sit liber & defensus. In nomine Pa + tris, & Fi + lii, & Spiritus + sancti, Amen.

Oremus.

OMnipotens æterne DEUS, qui inter cætera mirabilia tua creaturas diversis ornamentis decorasti, & tunicas pelliceas Adæ & Evæ fecisti, nosque veste misericordiæ in hoc sæculo, & in futuro regno stolâ gloriæ circumdas: quæsumus, ut hæc indumenta pro tui nominis honore puri + ficare, & bene + dicere digneris, quæ & ego in nomine tuo purifico +, & benedico, tuamque clementiam supplex invoco, ut creaturam istam, quæ his indumentis vestietur, sub tua protectione conservare, & copiosis meritis, diversisque virtutibus ditare & ornare digneris, ut cum senseris horum vestimentorum fragrantiam, des eidem creaturæ tuæ osculum pacis, & benedicas eam in anima & corpore. Concede Domine, ut odor horum vestimentorum sit sicut odor thuris, qui Angelos lætificet, dæmones verò in fugam convertat. Da quoque Domine, ut famulus tuus (famula tua) qui hæc vestimenta portaverit cœlestis gratiæ plenitudinem, & tuæ protectionis munimen mereatur accipere: utque ab omnibus inimicorum maleficiis, incantationibus, & insidiis incolumis

212 *Bened. annuli sponsalis. Vini in solemnitate. Nupt.*

permaneant, teque DEUM suum omnipotentem glorificet in tempore & æternitate per Dominum nostrum &c.

Benedictio Dei omnipotentis Patris &c.

18.

Benedictio annuli sponsalis.

Vers. Adjutorium nostrum &c.

Vers. Domine exaudi &c.

Vers. Dominus vobiscum. &c.

Benedic + Domine annulum hunc, quem nos in nomine tuo & in honorem B. MARIE Virg. atque S. Iosephi sponsi ejus bene + dicimus, & præsta, ut quæ eundem portaverit, fidelitatem integram suo sponso tenens in pace & fide tua permaneat, in mutua Charitate semper vivat, & senescat, atque in longitudine dierum multiplicetur. Per Christum &c.

Oremus.

Creator & conservator humani generis, dator gratiæ spiritualis, conditor æternæ salutis, Domine emittere digneris Spiritum sanctum tuum Paraclitum de cœlis; & tuam sanctam benedictionem super annulum hunc, ut sit armatura potens contra omnes virtutes diabolicas, & ego in nomine tuo eum bene + dico, & sancti + ficio in nomine Patris +, & Fi + lii, & Spiritûs + sancti, Amen.

19.

Benedictio vini in solemnitatibus Nuptiarum.

V. Adjutorium nostrum &c.

Vers.

Vers. Dominus vobiscum &c.

Oremus.

Domine sancte, Pater omnipotens, æterne DEUS, bonorum omnium dator, & conservator; qui inter reliquas creaturas tuas vinum, in hominum sustentationem & lætitiā, ex fructu uvarum prodire iussisti; quique per unigenitum Filium tuum, Dominum nostrum Iesum Christum, in nuptiis in Cana Galilææ, aquam in vinum mirabiliter permutasti, & Sacramentum pretiosissimi sanguinis ejusdem Filii tui in vini materia sanctificare fecisti: te supplices deprecamur, ac petimus, ut hanc creaturam vini benedicere & sanctificare digneris, ut famuli tui & famulæ, ex eo gustantes, animæ & corporis recipiant sospitatem, & te omnium gratiarum largitorem sine fine collaudent. Per eundem Christum Dominum nostrum R. Amen.

Aspergat aquā benedicta in modum crucis, nihil dicens. Postea vinum distribuitur per manus laicorum in mundo profano vase; primum quidem sponsis, tum aliis Christi fidelibus, qui nuptiis intersunt, omnibus modeste gustantibus.

20.

Benedictio infirmorum.

Sacerdos intrans domum infirmi cum aquā benedicta dicat:

Vers. Pax huic domui. Resp. Et omnibus habitantibus in ea.

Oremus.

Introcat, quæsumus, Domine Iesu Christe,
O 3 do-

domum hanc sub nostræ humilitatis ingressu, æterna felicitas, divina prosperitas, serena lætitia, charitas fructuosa, sanitas sempiterna; effugiat ex hoc loco accessus dæmonum: adsint Angeli pacis: domumque hanc deserat effugata discordia. Magnifica, Domine, super nos nomen sanctum tuum, benedic conversationi nostræ, sanctifica nostræ humilitatis ingressum: qui sanctus & pius es, & permanes cum Patre & Spiritu sancto in sæcula &c. Amen.

Postea dicitur Psalmus. De profundis clamavi &c.
Vers. Dominus vobiscum &c.

Sequentia sancti Evangelii secundum Lucam.
Resp. Gloria tibi Domine.

In illo tempore, surgens Iesus de synagoga introivit in domum Simonis: socrus autem Simonis tenebatur magnis febribus, & rogaverunt illum pro ea, & stans super illam imperavit febrim, & dimisit illam: & continuo surgens ministrabat illis. Cum sol autem occidisset, omnes, qui habebant infirmos variis languoribus, ducebant illos ad Iesum. At ille singulis manus imponens curabat eos.

Quo dicto subditur:

Kyrie eleison. Christe eleison. Kyrie eleison.
Pater noster.

Vers. Et ne nos inducas in tentationem &c.

Vers. Miserere mei Domine, quoniam infirmus sum. Resp. Sana me Domine: quoniam conturbata sunt ossa mea.

Vers. Salvum fac servum tuum. Resp. Deus meus sperantem in te.

Vers.

Vers. Ego dixi: Domine miserere mei.

Resp. Sana animam meam, quia peccavi tibi.

Vers. Domine exaudi &c.

Vers. Dominus vobiscum, &c.

Oremus.

Respice Domine famulum tuum fratrem nostrum in infirmitate sui corporis laborantem: & animam refove, quam creâsti: ut castigationibus emendatus, continuò se sentiat tua medicinâ salvatum. Per Christum Dominum nostrum. &c.

Ponat manum super caput infirmi, & dicat:

Super ægros manus imponent, & bene habebunt †, JEsus Mariæ Filius, mundi salus, & Dominus, meritis B. M. & B. Francisci Confessoris sui, & omnium Sanctorum sit tibi clemens, & propitius. *R.* Amen.

Dominus JEsus Christus apud te sit, ut te defendat: intra te, ut te conservet: ante te sit, ut te deducat: post te sit, ut te custodiat: super te sit, ut te bene † dicat: Qui cum Patre & Spiritu sancto vivit & regnat in sæcula sæculorum, Am.

Benedictio Dei Omnipotentis Patris, & Filii, & Spiritûs † sancti descendat super te, & maneat semper, Amen.

Aspergatur.

21.

Benedictio Medicinæ, unctionis, vel Balnei, vel Brodii medicati, mutatis mutandis.

✠. Adjutorium nostrum &c.

O 4

Vers.

Verf. Domine exaudi &c.

Verf. Dominus vobiscum &c.

Oremus.

Quæsumus clementiam tuam, æterne DEUS, ut hanc medicinam (vel unktionem, vel balneum vel brodium &c.) ad expellendas omnes ægritudines, & fugandas diabolicas virtutes, & maleficorum infestationes, imò & ipsos dæmones à corporibus humanis, quam in nomine sancto tuo, & sancti N. bene † dico, & sanctifico, sic tu omnipotens, & clementissime Deus, beneddicere, sanctificare piissime Deus digneris, & in omni, qui eam biberit, extingue februm infestationes, viscerum tormenta cura, cordis & capitis dolores, & passionem cunctas dissolve, gravitates pectoris remove: infestationes cunctas à quibusvis partibus corporis resolve: phantasmaticis adesto periculis, tumoresque compesce. Sit hæc Medicina expulsio præsentis morbi: & fugiant diaboli cum omnibus suis sociis, factoris, & armis, exorcizo te † creatura medicinæ in nomine JESU, ut virtutem naturalem retineas, supernaturalem recipias adjurata in nomine Christi. Beneddic, O Domine hanc medicinam, & virtus Spiritûs sancti sit super eam, ad evacuanda, & destruenda, annihilanda, & eradicanda à corpore humano maleficia cuncta, cujuscunque generis sint: & simul ad expellendum ipsum dæmonem.

Prout ego N. sacerdos tuus beneddicco, exorcizo, & sanctifico, & benedictiones cunctas
fer-

servorum Dei sint super te, ô medicina, & sis potens ad effugandos dæmones cum suis facturis & armis diabolicis. Tandem benedictio Sancti N. sit super te + in nomine Patris, & Filii, & Spiritûs sancti, Amen.

Aspergantur.

22.

Alia Benedictio Balnei pro maleficiatis.

EXorcizo te unda balnei per Deum Patrem, per Deum Filium, per Deum Spiritum sanctum, per Deum, qui simile lavacrum Moyse servo suo fieri mandavit, dicens: facias labrum æneum cum basi sua ad lavandum: per Deum, qui lavit nos à peccatis nostris in sanguine suo; per Deum, qui nos per lavacrum regenerationis, & renovationis Spiritûs sancti in filios adoptionis accepit, ne tibi aliquid commune sit cum spiritibus immundis, sed sanctificeris, ut sis Christi fidelium purgatio, & immundorum spirituum abdicatio, atque maleficiorum omnium ab homine, sive à diabolo factorum exterminatio, ita, ut quicumque ex te corpus suum laverit, divinam in te virtutem sentiat affuisse. Per eum, qui venturus est judicare vivos & mortuos, & sæculum per ignem, Amen.

Oremus.

OMnipotens sempiterne DEUS, ante cujus conspectum tremunt Angeli, infernus ululat, qui Judith ancillæ tuæ, quæ corpus laverat, & ornaverat, tantam gratiam donare dignatus es, ut fieret Holofernica, & popu-
lum

lum suum ab obsidione liberaret, beneddicere, & sanctificare dignare hoc ablutionis genus, ut quisquis ex eo corpus suum laverit, valeat Hollofernis infernalis interimere virtutem, & ab ejus vexatione liberari, atque ab omni maleficiorum genere misericorditer, te præstante, salvari. Per Dominum nostrum JESUM Christum filium tuum: qui aquâ in pelvim missa discipulorum suorum pedes humiliter lavit, & tecum vivit & regnat in unitate Spiritus Sancti Deus, per omnia sæcula sæculorum, Amen.

23.

Benedictio alia Medicinæ cujusvis.

Vers. Adjutorium nostrum &c.

Vers. Domine exaudi &c.

Vers. Dominus vobiscum. &c.

Oremus.

SUMME DEUS, qui summa & media, imâque custodis, qui omnem creaturam intrinsecus ambiendo concludis, sanctificare & beneddicere digneris hanc Medicinam, & benedictionem tuam super eam infundere digneris, ut per tuam sanctissimam virtutem & copiosissimam benedictionem, per signum S. Crucis impertitam, omnis virtus diabolica ab hac creatura, quæ hanc Medicinam sumptura est, expellatur, & annihiletur, tantam virtutem merito passionis tuæ, & vivificæ Crucis recipiat, ut omnes immundos spiritus, incantationes, ligaturas, signaturas, facturas, & omnia maleficia possit expellere, & divertere à famulo tuo, qui,

qui ea utetur, exhibeatque ei plenum sanitatis effectum. Per Christum Dominum nostrum, Amen.

Oremus.

Benedico te creatura Medicinæ, in nomine altissimi Patris, & Filii, & Spiritûs t̃ sancti, qui te creavit pro tutela humani generis: & rogamus te Domine Deus noster, ut hæc creatura hujus medicinæ famulo tuo, qui eâ utetur, in nomine SS. Trinitatis efficiatur salutare remedium, sitque perfecta medicina in visceribus ejus: Qui in Trinitate perfecta vivis & regnas, per omnia sæcula sæculorum, Amen.

Aspergatur.

24.

Benedictio panis, farinæ &c. pro infirmis, vel maleficio affectis.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Domine Jesu Christe bene t̃ dicere digneris hunc panem, sicut benedixisti quinque panes in deserto, ut sit omnibus sumentibus salus mentis & corporis, atque contra morbos & universas insidias diaboli remedium efficax. Bene t̃ dic igitur Domine, & sancti t̃ifica panem hunc dexterâ tuâ sanctâ, quem & ego sacerdos tuus in nomine tuo, & in nomine sancti N. exorcizo, benedico, & sanctifico. Et sicut S. Elias Propheta benedixit farinam in hydria viduæ,
&

220 *Bened. panis &c. pro infirmis vel maleficiatis.*

& comedit ex ea in tempore famis, sic & ego hunc panem in nomine tuo, & in honorem sancti N. benedico, & creaturæ tuæ trado, ut accipiat & comedat ex eo ad eradicandum à corpore suo omne maleficium, incantationem, ligamen, signum, philtum, & omne opus diabolicum. Nec non ipsosmet dæmones, & maleficos, omnemque febrim, & qualemcunque naturalem ægritudinem, qua premitur.

O Domine Jesu Christe, qui es panis natus in Bethlehem, panis vitæ, & æternæ salutis: panis vivus, qui de cælo descendit, & dat vitam mundo: benedic & sanctifica hunc panem, quem & ego per nomen sanctum tuum benedico, & sanctifico, & virtutem tui S. nominis in ipsum infundens, destruo omnia maleficia, & facio ipsum efficacem contra omnes vexationes diabolicas. Dominus igitur tecum sit, ô panis benedicte, ut venena extinguas, noxia comprimas, dæmonia ejicias, febres repellas, & sanctitatem tribuas cunctis piè te sumentibus. Per Christum Dominum nostrum, Amen.

Oremus.

Benedicte, quæsumus, Domine sancte Pater, æterne Deus, per amorem filii tui in virtute Spiritûs sancti panem istum, benedictione cælesti, ut quicumque ex eo comederit in nomine tuo, & dilecti Filii tui, atque Spiritûs sancti ab omnibus operibus satanæ sanetur, & benedictione tua sancta repleatur, per eundem &c.

Aspergatur.

25. Be.

Benedictio vini, aceti pro infirmis vel maleficio affectis.

EXorcizo te creatura vini, in nomine Patris, & Filii, & Spiritus sancti, ne sis communis ulli spiritui immundo ad honorem S. Mariæ & Sancti N. ut, qui te devotè biberit & gustaverit, omnis spiritus immundus ab eo recedat cum factoris suis, itaque exorcizo & benedico te creatura vini in nomine Jesu Christi, & S. N. ut sis purgatio omnium maleficiorum. Dignare, ô S. N. hoc vinum bene dicere, & sanctificare, ad liberandas, & sanandas creaturas Dei ab omnibus maleficiis, & dæmoniis. O Domine Jesu Christe, sicuti convertisti in Cana Galilææ aquam in vinum: ita benedicere, exorcizare, & sanctificare tua pietate digneris hoc vinum, ut sit remedium efficax contra omnem potestatem omnium inimicorum nostrorum, & etiam contra omnes facturas, quæ factæ sunt, & factæ erunt, & nullus spiritus malus cujuscunque generis possit latere in hac creatura N. quæ gustaverit hoc vinum benedictum. Peto Domine per tuam sanctam Passionem, & Crucem, ut, qui biberit ex hoc vino benedicto, mundetur à spiritibus immundis, & ab omni maleficio: & omnis virtus diaboli exterminetur, & potestas tua, Domine, in virtute verborum tuorum prævaleat. O Domine infunde tuam sanctam benedictionem in hunc vinum, ut alligata sint vulnera satanæ; & ego benedico hoc vinum, &
san-

222 *Benedictio aqua cum Reliq. SS. contra malefic.*

sanctifico in nomine sancto tuo, ut vulpes infernales demolientes hanc vineam tuam, ponentes eam in desertum, unà cum operibus suis, maleficiis & facturis destruantur, confringantur, & annihilentur. Succurre ergo Domine, & benedic, & sanctifica hoc vinum, ut sit vinum gratiæ, scientiæ, sapientiæ, fervoris & amoris ad sanandas tuas creaturas ex eo gustantes, bibentes, corpus reficiat, & corroboret, intellectum clarificet, cor lætificet, dolorem, & tristitiam quamcunque expellat, maleficia cuncta destruat, & annihilat à creaturis tuis ex eo bibentibus, per Christum Dominum nostrum. Amen.

Benedicco hoc vinum, & sanctifico, ut sit tanquam vinum, quod Christus dat suis devotis in convivio suo spirituali. Adhuc bone JESU, dic verbum, & benedic & sanctifica hoc vinum. Tandem benedicco illud, & per hoc sanctum vinum destruo omnia maleficia, & fugo dæmones per eum, qui torcular calcavit solus, Amen.

26.

Benedictio aquæ contra maleficia, cum Reliquiis SS.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

DEUS, qui ad salutem humani generis maxima quæque Sacramenta in aquarum substanti-

stantia condidisti: adesto propitius invocationibus nostris, & elemento huic aquæ, quam SS. NN. Martyrum tuorum virtute consignamus, virtutem tuæ benedictionis † infunde, ut per merita & intercessionem eorundem Martyrum tuorum, sit fidelibus tuis in remedium salutare, dæmonum malitias & insidias, morbos & infirmitates corporis & animæ ab eis repellens: & præsta, ut quicumque eam sumperint, vel eâ aspersi fuerint, ab omni adversitate animæ & corporis liberentur, & utriusque recipiant sanitatem. Per Christum Dominum nostrum, Amen.

Oremus.

Immensam clementiam tuam, omnipotens æterne Deus humiliter imploramus, ut fideles tuos, ad Reliquias SS. NN. Martyrum tuorum devotè accedentes & eorum suffragia postulantes, tua ineffabili virtute benedicere digneris: ut per merita & intercessionem eorundem Martyrum tuorum (vel sancti N.) ab omni ægritudine mentis & corporis liberati, tuæque hic & ubique misericordia custoditi, ad æterna gaudia mereantur pervenire. Per Christum Dominum nostrum, Amen.

Aspergatur. 27.

Benedictio aquæ contra maleficia.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Exorcismus.

EXorcizo te † aqua per illum, qui te creavit, & qui

qui in te baptizari voluit : qui te in quatuor flumina de Paradiso exire iussit , & totam terram irrigare præcepit. Exorcizo te ⁊ per illum , qui Naaman Syrum à lepra mundavit. Exorcizo te ⁊ aqua per eum , qui te per suam potestatem in Cana Galilææ convertit in vinum. Exorcizo te ⁊ per incarnationem Filii Dei vivi , per Nativitatem , Circumcisionem , per baptismum & sanctum jejunium ejus : per passionem , mortem , & sepulturam ejus : per resurrectionem & ascensionem ejus , per adventum & gratiam Spiritus sancti Paracliti : & per beatam Mariam Virginem , Matrem Domini nostri Jesu Christi , & per lac ejusdem Virginis Mariæ ; & per omnes Angelos , Archangelos , Thronos , Dominationes , Principatus , Potestates , Cherubim & Seraphim : per omnia Sacramenta Ecclesiæ Catholicæ : per sanctum Joannem Baptistam , per omnes sanctos , Patriarchas , Prophetas , Apostolos , Martyres , Innocentes , Confessores , Virgines , Viduas , & Continentes Dei , & virtutem omnium Sanctorum , & Sanctarum ejus : ut in virtute Jesu Christi destruas omne opus nefarium diaboli , & ministrorum ejus , omnesque incantationes , ligaturas , fascinationes , signaturas , facturas arte diabolica factas , inventas contra famulos & famulas Dei , ita , ut ad nihilum redigantur : & sicut divina potentia expoliavit infernum , ita expoliare valeas illos ab omnibus factoris : per te extinguantur omnes ardores , calores & frigiditates , cæteræque pestilentia factæ , sive faciendæ contra famulos & famulas

mulas Dei in omnibus facturis. Per eum, qui venturus est judicare vivos & mortuos & sæculum per ignem, Amen.

Exorcismus.

ITerum exorcizo te Aqua per DEUM + vivum per DEUM + verum, per DEUM + sanctum, per Dominum nostrum JESUM Christum, qui fecit cælum & terram, mare, & omnia, quæ in eis sunt, ut omnes virtutes adversarii, omnis exercitus diaboli, omnis incursus, & omne phantasma inimici eradicentur, & effugiant à te, ut sis sancta, salutifera, & ignis ardens adversus omnes insidias inimici, ut, quicumque te biberint, seu gustaverint, sis eis sanitas & medicina animæ & corporis, & in virtute sanctæ Trinitatis effugiat omnis infirmitas, & omne opus nefarium diaboli potatione tui separetur, effugiat, & elongetur. Per eum qui venturus est judicare vivos & mortuos, & sæculum per ignem, Amen.

*Initium sancti Evangelii secundum Joannem.**In principio erat verbum &c.**Oratio.*

Benedicat te + Aqua, Deus Pater omnipotens, qui te suo verbo creavit, & det tibi ad omne malum, & maleficium virtutem, ut quicumque te devotè sumpserit, & gustaverit, liberetur ab omnibus maleficiis, incantationibus, ligaturis & facturis arte diabolica factis, & ab omni spiritu immundo & per omnia sancta nomina tua. Domine JESU Christe sana cor & omnia membra famulorum & famularum, & ipsos libera

P

ab

ab omnibus malis animæ & corporis. Qui cum Patre & Spiritu sancto vivis & regnas, in sæcula sæculorum, Amen.

Hic exsufflatur in aquam dicendo:

Exsufflo te, omnis legio satanæ, in nomine Patris †, & Filii †, & Spiritus † sancti, Amen.

Exorcismus.

EXorcizo te, creatura aquæ in nomine Patris & Filii, & Spiritus † sancti, ne sis communis ulli spiritui immundo, ad honorem sanctissimæ, atque individuæ Trinitatis viventis, atque regnantis, ut quicumque te devotè biberint & gustaverint, omnes spiritus immundi cum omnibus factoris suis ab eis recedant: itaque exorcizo te † creatura aquæ in nomine Jesu Christi Nazareni filii Dei vivi, Regis, & Judicis nostri, ut sis purgatio omnium maleficiorum & incantationum factorum creaturæ Dei, quam ipse ad imaginem, & similitudinem creavit, & ad baptismum, & gratiam suam vocare dignatus est. Te ergo invoco, Domine sancte, Pater omnipotens, æterne DEUS, ut hanc aquam exorcizare & benedicere pro tua pietate digneris, ut omnis immundus spiritus locum in ea amplius non habeat, sed in virtute Spiritus sancti, omnes, qui biberint ex ea, recipiant sanitatem corporis, & animæ, & ab omnibus spiritibus immundis, ac operibus eorum sanentur. Per eundem Christum Dominum nostrum, Amen.

Oratio.

Dignare Domine Jesu Christe exorci † zare, bene † dicere, & sanctificare aquam istam ad liberan-

liberandos, & sanandos famulos & famulas tuas ab omnibus maleficiis, incantationibus, ligaturis, signaturis, & facturis sibi arte diabolica factis, ut ad nihilum redigantur. Et sicut tuâ potentiam infernum spoliasti, ita eadem extipoliare digneris ipsos ab omni machinamento diabolica arte facto, qui redemisti nos in manu forti, & brachio extento. Da Domine Jēsu Christe, ut, quod fideliter petimus, efficaciter consequamur. Per te Jēsu Christe Salvator mundi, Amen.

Oratio.

TE igitur, Domine Jēsu Christe, qui es fons, & aqua salientium in vitam æternam, suppliciter exoramus, ut hanc aquam beneddicere, & exorcizare pro tua pietate digneris in salutem, adjutorium, & liberationem famulorum & famularum tuarum, & ipsos tueri ab omnibus maleficiis, incantationibus, & illusionibus dæmonum, ac ministrorum ejus, & ab ipsis potenter illos defendere per virtutem tuam, de cujus latere fluxerunt sanguis & aqua, in remedium & remissionem peccatorum nostrorum; ita nos, Domine, famuli tui, Clementiam tuam, & nomen sanctum tuum imploramus, ut, quicunque ex hac aqua biberint, & devotè gustaverint, abluantur ab omnibus sordibus dæmonum & reddantur suæ incolumitati: nec eis in futurum nocendi habeat potentiam adversa dæmonum & maleficorum potestas. Qui sanctus & pius es, & permanens in sæcula sæculorum, Amen.

Benedictio prandii vel cœnæ pro maleficiatis,
 tis, aut à dæmone vexatis.

ꝑ. Adjutorium nostrum in nomine Domini.

Verl. Domine exaudi &c.

Verl. Dominus vobiscum. &c.

Oratio.

IN nomine D.N. JESU Christi ego N. sacerdos
 DEI benedico, atque exorcizo vos, creaturæ panis & vini, carnis, fructûs, cujuscunque
 comestibilis, per illum, qui benedixit panes in
 deserto, & multiplicavit. Et per illum, qui
 aquam in vinum convertit, qui manna patribus
 dedit in deserto, omne delectamentum in se ha-
 bens, ut sitis fortitudo & sanitas, & purificatio
 huic, & omnibus creaturis DEI sumentibus, ad
 effugandos omnes spiritus immundos, omnemq;
 nefariam vim diaboli & facturas suas, & figuras
 omnes, & minas satanæ exterminandas, per eum,
 qui venturus est judicare vivos &c. Purifica-
 re, O Domine JESU Christe, benedicere, &
 sancti- & ficare digneris has creaturas cibi & po-
 tûs, quas ego N. Sacerdos tuus in tuo nomine
 bene- & dico, purifico & sanctifico, & quicum-
 que comederit, vel biberit ex eis, per dilectio-
 nem B. M. V. & omnium Sanctorum bibat &
 comedat coram Domino cum omni lætitia,
 & sint contra maleficia, & insidias diaboli, quæ
 maleficia per hæc optabilia, & comestibilia de-
 struo, & annihilo, & etiam fugo dæmones, &
 omnia diabolica in nomine JESU confringo, &

eradico, & ejicio à corporibus humanis. O creatura DEI, tolle has creaturas cibi, & potûs, quas misit DEUS, & quas ego N. sacerdos DEI exorcizo † purifico † benedico † & sanctifico † in nomine sancto ejus, & S. Mariæ Virginis. Requiesce ergo & comede, bibe, & in nomine JESU recedat à te satan, cum omnibus suis facturis. In nomine Pa † tris, & Fi † lii, & Spiritûs † sancti, Amen.

29.

Remedium contra febres ex S. Ambrosio.

Infirmus confessus, & S. Eucharistia refectus quinque continuis diebus jejunus in Ecclesia genuflectat, teneatq; candelam benedictam accensam in manibus, sacerdos verò singulis diebus stolâ indutus legat super eum seq. preces. Primò quidem ponat manum super caput infirmi dicens:

Super ægros manus imponent, & bene habebunt, JESUS Mariæ Filius, mundi salus, & Dominus, meritis Sanctorum suorum sit tibi clemens & propitius: & liberet te ab omni febre qui vivit & regnat &c.

Justus es Domine, & rectum judicium tuum, Fac † cum servo tuo secundum misericordiam tuam. Vers. Dominus vobiscum &c.

Oremus.

Omnipotentem Deum, qui per SS. Apostolos & Martyres suos diversa sanitatum dona largitur, Fratres Charissimi deprecemur, ut huic famulo suo N. (famulæ suæ N.) qui febris vexatione fatigatur, fidelissimi famuli sui Sigis-

mundi precibus clementer occurrat : qui dum nobis illius patefecit merita, isti conferat medicinam per Christum &c.

Lectio Epistola B. Jacobi Apostoli.

Charissimi, tristatur aliquis veltrûm, oret : & quo animo est, psallat : infirmatur quis in vobis, inducat presbyteros Ecclesiæ, & orent super eum : ungentes eum oleo in nomine Domini, & oratio fidei salvabit infirmum, & alleviabit eum Dominus, & si in peccatis sit, dimittentur ei. Confitemini ergo alterutrum peccata vestra, & orate pro invicem, ut salvemini. Multum enim valet deprecatio iusti assidua.

Resp. Deo gratias.

Vers. Domine refugium factus es nobis à generatione & progenie. Alleluja.

Vers. Dominus vobiscum &c.

Sequentia sancti Evangelii secundum Lucam.

IN illo tempore : surgens de Synagoga introivit in domum Simonis : socrus autem Simonis tenebatur magnis febribus, & rogaverunt illum pro ea. Et stans super eam imperavit feбри, & dimisit illam : & continuò surgens ministrabat illis. Cùm autem sol occidisset, omnes, qui habebant infirmos variis languoribus, ducebant illos ad Jesum. At ille singulis manus imponens curabat eos. Resp. Laus tibi Christe.

Det ei librum osculandum.

Infirmorum propitiator, abjectorum protector, desperatorum salvator, DEUS Patris mei, & Deus hæreditatis Israël : dominator cœlorum & terræ, creator aquarum, & Rex totius creaturæ :

turæ: exaudi preces nostras, & ad aures misericordiae tuæ supplicantium vota perveniant.

Vers. Adjutorium nostrum &c.

Oremus.

Domine sancte, Pater omnipotens, æterne DEUS, qui contulisti fidelibus tuis remedium vitæ post mortem, ut sanos se esse sentiant, quibus paradysus patet: præsta quæsumus; ut quod fideliter in nomine electi tui Sigismundi pro infirmitatibus petimus, famulus tuus, qui febrium patitur molestiam, celerem medicinam consequatur. Præsta ergo Domine, ut quicumque sub conspectu nominis tui nomen famuli tui Sigismundi invocaverit, ad sanitatem pristinam ex tua gratia se pervenisse protinus sentiat. Per Dominum nostrum Jesum Christum, Amen.

Vers. Dominus vobiscum &c.

Vers. Sursum corda. Resp. Habemus ad Dominum.

Vers. Gratias agamus Domino Deo nostro.

Resp. Dignum & justum est.

Verè dignum & justum est, æquum & salutare nos tibi semper & ubique gratias agere, Domine sancte, Pater omnipotens, æterne DEUS per Christum Dominum nostrum. Qui peccata nostra portavit in corpore suo, cujus vulnere plagarum sancti facti sumus; cujus tactu vis febrium mox recessit: cujus sermone confestim surdus audivit: cujus jussu mutus fari non distulit, claudus cucurrit, cæcus vidit, ægrotus convaluit, quadriduanus de sepulchro surrexit. Nunc ergo Domine, donum Majestatis tuæ ag-

noscimus, requiem esse homini pacifico. Tu namque omnipotens æterne Deus, qui inter bellatorum tumultus, & adversariorum persecutiones famulo tuo Sigismundo triumphum Martyrii contulisti, secutus gratiam, secutus misericordiam, ut post mortem ostendat virtutem, quam ante mortem firmavit. In fide enim tua dona sunt Domine, ut in nomine electi tui Sigismundi per communicationem Corporis & sanguinis Domini nostri Jesu Christi tempestatem frigoris excutias, febrium ardorem repellas, & præsentem famulum tuum N. ad sanitatem pristinam revocare digneris, per Christum Dominum nostrum, per quem Majestatem tuam &c.

Ut in præfatione &c. Sanctus, sanctus, &c.

Non est aliud refugium, nisi in te sperare, Christe, Precibus supplicum tuorum libera nos, Domine.

Vers. Dominus vobiscum &c.

Oremus.

Omnipotens sempiterne DEUS, quæsumus clementiam tuam, ut benedicendo sanctifices, & consecrando † consecres hoc oleum: ut quicumque ex eo usi fuerint, beneficiæ dictionis tuæ opulentia corda & viscera eorum repleantur, & cuncta membra eorum per gratiam S. Spiritus a veneno antiqui serpentis liberentur. Per Christum &c.

Et ego sacerdos tuus benedico, & sanctifico hoc oleum; ad restituendum obsessis liberationem, febricitantibus valetudinem, & ag-

grotantibus sanitatem, ad comprimendos tumores, ad leniendos dolores, ad reprimenda noxia, ad restituendum conjugii amorem, & ad expellendum malignum adversarium; & quis eo usus fuerit, ab omni pariter languore sanetur, & à morfu antiqui serpentis nunquam lædatur. Fundat petra rivulos olei super vexatos à diabolo, & ungat eos Deus oleo lætitiæ in habitaculis justorum, multiplicet Deus benedictiones suas super hoc oleum sanctificatum, & perficiat sanctificationem suam in salutem nostram sempiternam. Per Dominum nostrum Jesum Christum Filium suum, qui mundum unxit oleo misericordiæ suæ quique cum eo & Spiritu sancto vivit & regnat, &c.

Aspergatur &thurificetur.

Sacerdos hoc oleo aliquem infirmum uncturus dicat:

Sicut sanctus sanctorum unctus fuit spiritu Domini, sic Spiritus sanctus sit super creatura Dei, quam ego ungo olei sacra ti liquore (*hic ungat infirmum in fronte*) & per istud sanctum oleum & unctionem sanctam libero & absolvo te ab operibus malignis satanæ; ac destruo omnia maleficia, incantationes, ligaturas, dolores, & tumores arte diabolica factos: ut in omni parte olei sancti, & S. crucis virtute diabolicos impetus contemnere valeas, atque hoc medicamento sancto omnem dæmonis infestationem procul repellere possis, prout ego repello, annihilō, & destruo, in nomine Patris, & Filii, & Spiritûs sancti. Amen.

Hic ungat singula membra infecta, vel saucia, quantum honestas permittit, & ad singulas unctiones dicat.

Per istam sanctam unctionem, & benedictionem restituat te Dominus in statum pristinum, & conservet te in omni sanctificatione & virtute. In nomine Patris, & Filii, & Spiritus sancti. Amen.

Peracta unctione dicat.

Vers. Domine exaudi &c.

Vers. Dominus vobiscum. &c.

Oremus.

Domine Jesu Christe, qui es salus & medicina vera, è quo omnis sanitas & prosperitas dimanat: qui instituísti, ut languidos olei liquore in salutem ungamus, quæsumus clementiam tuam, ut diabolica vexatione laborantem sanare digneris: fiatque hæc olei sancti perunctio morbi præsentis expulsio. Et sicut ego oleo sancto tuo creaturam tuam unxi, sic & tu divina medicina digneris eam ungere, & ab infirmitate sua liberare. Qui vivis & regnas &c.

30.

Benedictio Thuris sive incensi.

Vers. Adjutorium nostrum &c.

Exorcizo te creatura incensi per Deum & verum, per Deum & sanctum, per Deum & qui omnia ex nihilo creavit, & pravos angelos de cælo ad ista inferiora expulit: ut sis in defensionem nostram, & efficiaris fumigatio & creatura benedicta in perpetuam poenam omnibus malignis spiritibus, & in solutionem omnium ligaminum

num. Per eum, qui venturus est judicare vivos & mortuos & sæculum per ignem.

Oremus.

Domine JESU Christe beneddicere & sanctificare per tuam clementiam digneris hanc creaturam incensi; ut in quemcunque locum odor ejus pervenerit, ibi nullus spiritus, nulla incantatio, nullumque maleficium possit perdurare aut consistere. Et sicut fumus Jecoris piscis à Sara dæmonium expulit, ita fumus incensi hujus expellat omnes malignos spiritus, cum omnibus maleficiis suis, per signum sanctæ crucis tuæ, in qua redemisti mundum. Qui vivis &c.

Oremus.

Deprecor te Domine JESU Christe, ut hanc creaturam odoriferam, quam in nomine tuo purifico, sanctifico, & benedico, tuâ sanctâ virtute digneris corroborare, & odore ejus omnes dæmones cum factoris suis effugare. Et ego sacerdos Dei benedico te creatura odorifera, ut in odore tuo benedicatur domus, locus & cubile, ubi accensa fueris; ita ut nullus spiritus malus odorem tuum sentiens possit stare aut perdurare. Nam domum, locum & cubiculum, ubi odor tuus fuerit, benedico, & omni benedictione cælesti repleo; ita, ut sit domus & locus & cubiculum Dei, & habitaculum SS. Angelorum. Et quisquis fumigatus fuerit hac creaturâ benedictâ, sanctificetur & benedicatur à D. N. JESU Christo, & sit liber ab omni infestatione satanæ & ministrorum ejus. Per eundem Christum &c.

Ore-

Oremus.

PER intercessionem B. Michaëlis Archangeli
stantis à dextris altaris incensi, & omnium
Electorum suorum, incensum istud dignetur
Dominus benedicere, & in odorem suavitatis
accipere. Sit quæsumus Domine famulis tuis,
pretioso sanguine tuo redemptis defensio per-
petua contra omnes spiritus malignos, & omnes
incantationes, præstigia & diabolicas vexatio-
nes. Et in quocunque loco odor hujus incensi
fuerit, nullum maleficium, nullaque molestatio
diabolica possit perdurare. Sed statim tuâ im-
mensâ potentiâ & virtute tollatur, & abigatur
per signum S. crucis tuæ. Qui vivis &c.

Aspergatur aquâ benedicta.

31.

Benedictio Rutæ contra Dæmoniacos.

Vers. Adjutorium nostrum &c.

Vers. Dominus vobiscum &c.

Oremus.

Benedic Domine JESU Christe, hanc crea-
turam Rutæ, & infunde ei per virtutem san-
ctæ crucis, tuam benedictionem cælestem, ut
ei, qui ex ea fumigatus fuerit, vel super se eam
habuerit, nullus inimicus nocere possit. Et in
quibuscunque locis posita vel portata fuerit, ab
eis discedat & contremiscat diabolus, fugiatque
pavidus: & non præsumat ampliùs inquietare
vel illudere creaturis tuis. Proinde supplico ti-
bi Domine, ut S. Angelum tuum Raphaëlem
mittas, qui expulit à Sara & Tobia dæmonem

mor-

mortiferum, ut illum conterat & disperdat de cunctis animabus colentibus Deum: & de balneis, & de angulis, & de lectulis, & de omnibus locis, in quibus Deo famulantes habitant & requiescunt, vigilant & consistunt. Nec valeat amplius inquietare vel pavores immittere super illos, quos sancti Chrismatis tui unctione fecisti munitos. Benedicaris igitur Ruta in nomine SS. Trinitatis, Patris & omnipotentis, & Filii unigeniti Domini N. Jesu & Christi, & Spiritus & sancti paracliti, ut sis exterminatio diaboli & omnium contubernalium ejus. Per eum, qui venturus est judicare vivos & mortuos, & sæculum per ignem, Amen.

Oremus.

Omnipotens sempiterne Deus, qui fecisti cælum & terram, mare & omnia, quæ in eis sunt: benedicere digneris hanc creaturam Rutæ, & super eam benedictionem tuam effunde: ut per tuam sanctissimam virtutem, & copiosissimam benedictionem, quemcunque dæmonem famulos tuos vexantem, torqueat & fatiget: ipsumque à famulis tuis pretiosissimo sanguine Domini N. Jesu Christi Filii tui redemptis, arceat & expellat. Per eundem Christum &c.

Oremus.

Domine sancte, Pater omnipotens, æterne Deus, qui inter cætera virtutis tuæ opera, terram germinare herbam virentem, & facientem semen juxta genus suum mandasti: quaesumus clementiam divinæ bonitatis tuæ, ut benedict;

ditcere & sanctificare digneris hanc Rutam ; ut quicumque illam super se portaverit, vel etiam tantum olfactu senserit, ab omni invasione diabolica atque malefica sit liber & securus. Dæmones quoque & omnes malefici odorem hujus Rutæ benedictæ sentientes fugiant procul, & quemadmodum olera herbarum citò decendant. Per Dominum nostrum JESum Christum, &c.

Modicum hujus Rutæ, unà cum Thure benedictò, ad collum maleficiati appensa valet ad maleficium infermandum & diabolum coarctandum.

32.

Fumigatio Dæmoniacorum ad expellendum diabolum & maleficia solvendum.

Accipe Rutam, Thus, & Grana Juniperi & benedic illa, ut sequitur, Sicut habetur in Thesaurò Exorcismorum pag. 185.

Verf. Adjutorium nostrum &c.

Verf. Domine exaudi &c. Resp. Et clamor &c.

Verf. Dominus vobiscum &c.

EXorcizo te creatura Rutæ, thuris, & Grani Juniperi, per Deum † vivum, per Deum † verum, per Deum † sanctum. Per sanctissimam Trinitatem Patrem †, & Filium, † & Spiritum † sanctum. Per Deum, qui omnia creavit ex nihilo: Per Deum qui expulit pravos Angelos ad ista inferiora. Per JESum Christum Filium ejus, Dominum nostrum; qui dabit prædestinatis regnum æternum, & reprobis ignem infernalem perpetuum. Per omnia nomina sancta Dei conjuro & exorcizo te; ut sis in defen-

defensionem nostram, & efficiaris perpetua fumigatio exorcizata, benedicta & consecrata in salutem nostram, & omnium fidelium Christianorum: sisque perpetua poena omnibus malignis spiritibus, & fortissimus ignis eorum, magis quam sit damnatis spiritibus sulphur & ignis infernalis. Et omnia supradicta sint nobis defensio, & perpetua expulsio, atque suffumigatio omnium spirituum ac solutio omnium ligaminum, & factorum ac prastigiorum: ita ut nihil praedictorum nos, nec hanc creaturam Dei. neque locum, in quo moratur, modò al quo offendere & impedire valeat. Per eum, qui venturus est judicare vivos & mortuos, & saeculum per ignem. Resp. Amen.

Oremus.

Ineffabilem clementiam tuam, omnipotens aeternae Deus, humiliter imploramus, ut sicut es unus in essentia, & trinus in personis, scilicet Pater, Verbum & Spiritus S. ita benedicere & consecrare digneris per immensam clementiam & pietatem tuam, hanc creaturam suffumigationis: ut sit omnibus ipsam sentientibus odor & defensio perpetua contra omnes malignos spiritus, omnesque incantationes, praestigia & maleficia. Sitque perpetua expulsio malignorum spirituum, praestigiorum annihilatio, solutio ligationum, & dissolutio omnium maleficiorum. Et in quemcunque locum odoreus pervenerit, nullus spiritus, nulla fascinatio, nullum maleficium, nullaque molestia maligni spiritus possit durare neque stare: Et quicumque

240 *Benedictio profumigationis contra malefic.*

que odorem hujus suffumigationis senserit, à quorumcunque malignorum spirituum invasio-
neliberetur, & ab omni maleficio quomodo-
cunque facto evacuetur. Per Dominum no-
strum &c.

*Aspergatur & detur maleficiato, ut omni die sapius
ex illo odore fumigetur.*

33.

Benedictio Herbarum, sive Profumigatio-
nis contra maleficia vulgò *Hexen- Rauch*
oder *Pulver.*

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

DEUS omnipotens, qui in creatione universi
inter mirabilia opera tua dixisti: germinet
terra herbam virentem, & facientem semen,
& lignum pomiferum, faciens fructum juxta
genus suum, cujus semen in semetipso sit super
terram, & eam dedisti nobis in escam & usum,
quia valde bona: Sic propter nomen sanctum
tuum laudabile & benedictum, magnum &
glorificatum in cœlo & in terra, pone dexte-
ram tuam plenam largâ benedictione super has
herbas, & reple eas cunctis benedictionibus,
prout ego in nomine sancto tuo Jehova eas e-
xorcizo †, benedico †, & sanctifico †, & ubicun-
que collocatæ fuerint sive in lanis, vel plumis,
vel paleis, vel lectis, vel in domibus, cubicu-
lis, habitationibus, & in quibuscunque locis vel
super

Benedictio profumigationis contra maleficia. 241

super se habuerit, vel portaverit, vel si quis fuerit ex eis fumigatus, vel in balneo lotus, per omnipotentiam tuam, & virtutem passionis D. N. Jesu Christi Filii tui elongetur ab eis omne malum, omne periculum, omnes virtutes & opera satanæ, sicut elongatum est cœlum à terra, lux à tenebris, veritas à mendacio, nec habeant potestates ipsi adversarii nostri latitandi, nocendi, veritatem tacendi, nec permanendi in ipsis locis & creaturis, & ideo per eum, qui dat herbam servituti hominum, & per virtutem sanctissimi Nominis tui Tetragrammaton, & per vocem ipsius dicentis: Pater ignosce illis, quia nesciunt, quid faciunt, has herbas benedico & sanctifico & ad fugandos dæmones, ad destruendum, & annihilandum, extirpandum & eradicandum omne maleficium, incantamentum, ligationes, signaturas & facturas à corporibus humanis & aliis creaturis, & à quibusvis locis omne opus diabolicum factum, vel fiendum, ita ut ibi nulla habitatio & virtus nulla sit inimici. Sed in nomine Jesu cujus SS. Nomen, & virtutem & potentiam invoco super has herbas: recedant maledicti, & vadant præcipites confusi in barathro, in tartaro, in gehenna, & inferno cum operibus suis hæreticalibus, & inhabitent sancti Angeli Dei, ut recipiant sanitatem; & sicut pluviis germinat herba de terra, sic ros de cœlo, & virtus Spiritûs sancti pluat super herbas & per suam sanctam benedictionem & fiant herbe virescentes, pascua pingua super montes Israel. Requie æterne DEUS, quod perierat, reduc, quod

Q

abje-

242 *Benedictio profumigationis contra maleficia.*
abjectum est, alliga, quod contractum, & con-
solida, quod infirmum est, custodi, quod forte
& pingue est, & pascere oves tuas, & accubare fa-
cias in Sinu Abrahamæ per Jesum Christum, qui
languores nostros & dolores portavit, qui vul-
neratus est propter iniquitates nostras & attritus
est propter scelera nostra & livore ejus sanati su-
mus Amen.

Exorcismus

EXorcizo te creatura profumigationis per
Deum † verum, per Deum † sanctum, per
Deum, qui Moyse servo suo altare aureum sub
tecto testimonii contra velum ad adolendum su-
per eo incensum aromatum ponendum impera-
vit: ut benedicaris † & sanctificeris † divina de-
super adveniente virtute, ut quicumque te super
se portaverit, vel odoratu senserit, fiat sacrifi-
cium Domini in odorem suavitatis ad expulsio-
nem diaboli, & maleficiorum destructionem,
ut confortatus ab Angelo Domini bono semper
existat, sicut Zacharias sacerdos Domini, cum
sacerdotio fungeretur in ordine vicis suæ ante
Deum, & sorte exiit, ut incensum poneret. Per
eum, qui venturus est judicare vivos & mortuos,
& sæculum per ignem. Amen.

Vers. Domine exaudi &c.

Oremus.

Fortissime Deus spirituum universæ carnis,
qui aperte fuisti revelatus domui Eli, cum es-
set in Agypto in domo Pharaonis, & elegisti
eum ex omnibus tribubus Israel in sacerdotem,
ut ascenderet ad altare tuum, & adoleret incen-
sum

sum tibi & portaret Ephod coram te ; dirigatur, quæsumus, oratio sicut incensum in conspectu tuo, & propitius ad nostræ clemens respice officia servitutis, ut benedicere † & sanctificare † digneris hanc creaturam incensi, & quicumque in nomine tuo super se portaverit, vel odoratu senserit, ab omni infestatione diabolicæ tyrannidis & maleficii oppressione salvus semper existat. Per Dominum &c.

Exorcismus.

ITerum exorcizo te creatura per Deum † vivum, per Deum verum † per Deum † Sanctum: Per SS. Trinitatem Patrem † Filium † & Spiritum † sanctum, & per Deum, qui creavit omnia ex nihilo, per eum, qui expulit pravorum Angelos de cœlo ad ista inferiora ; Per Jesum Christum Filium ejus Dominum nostrum, qui dabit prædestinatis felicissimè regnum æternum, & reprobis regnum infernale perpetuum ; per omnia Nomina sancta ipsius Dei conjuro & exorcizo † te, & per omnia suprâ dicta, ut sis in defensionem nostram, & efficiaris perpetua fumigatio exorcizata † benedicta † & consecrata † in salutem nostram, & omnium fidelium Christianorum, & perpetua pœna sis omnibus malignis spiritibus, & fortissimus ac infinitus ignis eorum & magis, quàm sit infernalibus spiritibus sulphur, & ignis infernalis, & omnis pœna, & omnia suprâ dicta sint nobis defensio, & perpetua fugatio & expulsio, fugatio omnium spirituum, ac solutio omnium ligaminum ac factorum & præstigiorum, ita, ut nihil prædictorum nos, nec

244 *Benedictio profumigationis contra maleficia.*

aliquam creaturam Dei, neque locum aliquem ullo modo offendere, & impedire valeat, per eum, qui venturus est &c.

Oremus.

Ineffabilem misericordiam tuam & clementiam omnipotens æterne Deus humiliter imploramus, ut sicut tu es unus in essentia & trinus in personis, scilicet Pater, Verbum, & Spiritus sanctus, ita benedicere † & consecrare † per immensam clementiam & pietatem tuam digneris hanc creaturam suffumigationis, ut sit omnibus Christianis ipsam sumentibus odor & defensio perpetua contra omnes malignos spiritus & omnes incantationes, præstigia & maleficia: sitque perpetua expulsio malignorum spirituum, & omnium incantationum, factorum, & præstigiorum annihilatio, ac solutio perpetua omnium ligationum, & dissolutio omnium maleficiorum, & in quocunque loco odor ejus venerit, siue affuerit, nullus spiritus, nullaque incantatio, diabolorum nulla fascinatio, nullum maleficium, nulla molestia maligni spiritus possit perdurare, neque stare modo aliquo, sed statim tuâ immensâ virtute & potentiâ fugiant perpetuò, & procul expellantur omnes insidiæ latentis inimici, ac eorum inhabitationes dissolvantur, & annihilentur per signum sanctæ crucis † Domini nostri Jesu Christi, qui cum Patre & Spiritu sancto vivit & regnat &c.

conjuratio.

In nomine sanctæ & individux Trinitatis Patris † & Filii † & Spiritûs † sancti, Amen.

Ego

EGO Minister Exorcista S. Ecclesiæ Apostolicæ Rom. per Auctoritatem fundatam in Passione & cruce Domini nostri IESU Christi mihi concessam super serpentes & scorpiones, super aspidēs & basiliscos, & super leonem, draconem, termino omnia maleficia, incantationes, ligationes, & signaturas, facturas, rumores, infestationes, inquietudines, perturbationes, dolores & tormenta quæcunque qualiterque & quomodo-cunque creaturæ Dei arte diabolica facta, ubi hanc materiam fumigationis vel secum porterit, vel odore senserit, & sicut æternus DEUS constituit homini terminos dierum & mensium, quos præterire non possunt: sic terminum & finem impono omnibus operibus satanæ, ne de cætero aliquam creaturam Dei inquietare, molestare, nec perturbare possint, nec valeant, per eum, qui circumdedit aquis terminum, quem non transgredientur: per eum, qui fecit omnes terminos terræ, & posuit terminos à mari usque ad mare, & à deserto usque ad desertum: Per eum, qui terminavit & fine clausit terram Chanaan: per eum, qui terminavit omnem locum à deserto, & à Libano, & à flumine magno Euphrate, usque ad mare occidentale, & terminavit omnem terram trans Jordanem, & sicut omnipotens Deus in creatione universi terminavit lucem à tenebris, & aquas, quæ erant sub firmamento ab his, quæ erant supra firmamentum, & terminavit aquas, quæ sub cœlo sunt in locum unum & herbam & lignum, ut ferrent fructum & semen secundum speciem suam: &

246 *Benedictio profumigationis contra maleficia.*

sicut terminavit luminare majus, ut præesset diei
& luminare minus, ut præesset nocti, & stellas
in firmamento cœli, & omnem animam viven-
tem in aquis in species suas & omne volatile se-
cundum genus suum & jumenta & reptilia & be-
stias terræ secundum species suas, & sicut hæc
omnia creata terminavit omnipotens sub ho-
minis potestate, quem formaverat ad imagi-
nem & similitudinem suam, sic in virtute ipsius
DEI, & per virtutem, quâ omnia terminata
sunt definitio, ac termino omnia maleficia, incan-
tationes, ligationes, signaturas, ac fascinati-
ones, rumores, infestationes, inquietudines,
perturbationes, dolores, tormenta cuncta dia-
bolica super creaturas DEI facta: & sicut Deus
benedixit illis, sic ab omnibus cruciatibus dæ-
monum liberentur: benedicat † Deus, & ego
in nomine sancto tuo termino omnia maleficia
& benedico † te, proposita materia, ut sis nunc
& semper benedicta, sicut DEUS benedixit diei
septimo, & sanctificavit eum; sicut benedixit
Noë & Filiis suis: sicut benedixit Abraham, &
magnificavit nomen inter Sanctos: sicut be-
nedixit Melchisedech offerenti panem & vi-
num. Benedicat † te DEUS, corroboret te
bene † dictione sancta sua contra infestationes
diabolicas, prout termino omnia maleficia, &
bene † dico te DEO excelsa, quo protegente
hostes in manibus tuis sint: quæ omnia malefi-
cia, incantationes, ligaturas, signaturas, factu-
ras, rumores, infestationes, inquietudines, per-
turbationes, & dolores, tormenta cuncta per
me

me terminata solvo, destruo, annihilo, dissipō
& eradico.

Benedicat te DEUS noster ex Sion: benedicat
te DEUS per singulos dies in omni opere ma-
num tuarum: benedicat tibi DEUS & cu-
stodiat te, ostendat Dominus potentiam suam in
te materia suffumigationis, benedicat te in om-
nibus benedictione cœlesti, ut sis sancta & bene-
dicta. Omnipotens benedicat tibi benedictio-
nibus cœli & extendat manum suam ad te & be-
nedicat tibi, sit benedictio DEI super te, sicut su-
per montem Garizim, & sicut super Obededom,
& omnem domum ejus, sit hæc benedictio ter-
minus contra aquilonem, ut nullus terreat ma-
leficii gladius, ubi hæc materia fuerit posita, vel
odoratu sensa. Pone DEUS omnipotens dexte-
ram tuam plenam larga benedictione super crea-
turam istam, & reple eam æternis benedictioni-
bus, sicut à principio posuisti Adam in Paradiso,
à quo manare fecisti magnum flumen, & de quo
divisisti quatuor flumina scilicet Phison, Gehon,
Tygrim, & Euphratem, quibus totum mundum
rigare præcepisti, & sicut nemo potuit, nec potest
tuæ contradicere voluntati, sic non permittas
aliquem molestari per maleficia, ubi hæc materia
fuerit collocata, vel odoratu percepta, sic rogo
te omnipotens DEUS per merita & omnes de-
precationes & perfectiones Sanctorum & San-
ctarum Dei. Sic rogo te per sacrificium Abel,
per custodiam Angelorum, per fortitudinem Mi-
chaelis Archangeli, per annuntiationes Gabrie-
lis, & per medicinam Raphaelis, per oblationes

248 *Benedictio profumigationis contra maleficia.*

Enoch, per liberationem Noe, per oblationem Isaac, quem redemit Deus per Angelum: per oblationem Melchisedech & per Sacrificia omnium sacerdotum, per castitatem, vincula, & pulchritudinem Joseph, per patientiam Job, per dilectionem & humilitatem Moyſis, per Religionem Aaron, per orationes, myſteria, & virtutes Psalmorum David, per lamentationes Jeremiæ, per orationem Zachariæ, per eum, quem vidit Moyſes de facie ad faciem, per omnes Sanctos & Sanctas incessabili voce Deum laudantes, & per voces Angelorum canentes: Sanctus, Sanctus Sanctus Dominus DEUS Sabaoth, pleni sunt cœli & terra gloriâ tua, qui fuit, qui est, & qui venturus est ad judicandum vivos & mortuos. Per claritatem Deitatis, & per splendorem corporis Christi, & luminum cœlestium, per sermones Apostolorum, per linguas Evangelistarum, per sanguinem & constantiam Martyrum, per orationes & jejunia Confessorum omnium, & Monachorum, & virginum, per Nativitatem D. N. Jesu Christi, per baptismum ejus, per vocem auditam à Patre de cœlis tonantem & super eum dicentem: hic est filius meus dilectus, in quo mihi bene complacui, ipsum audite: & per jejunium Christi, & virtutem miraculorum ejus, & per eum, qui convertit aquam in vinum, & per eum, qui multiplicavit panes & pisces, & satiavit quinque millia hominum in deserto, & per eum, cui resurrexit Lazarus quadriduanus, & per eum, qui fecit tranquillitatem in mari, & qui fecit ventos cessa,

re, & ambulavit, & fecit ambulare Petrum super aquas, & per eum, qui fuit crucifixus & sepultus, surrexit tertia die; & per accensionem ejus, & Angelorum millia millium, qui cum eo ascenderunt in cœlum, & per Spiritus sancti missionem super Apostolos, & per omnia, quæ Christus dixit, fecit, & adimplevit.

Benedicite materia fumigationis, & per te sint terminata, expulsa, contracta, dissipata, destructa, extirpata, & eradicata omnia maleficia & opera satanæ, & ministrorum ejus, sicut Deus destruxit aquis diluvii omnem substantiam de superficie terræ; sicut destruxit Pharaonem, & Ægyptum plagis maximis, & involvit in mediis fluctibus, sicut Dathan & Abiron & universam substantiam eorum: sicut destruxit Reges Amorrhæorum. Sicut Sodomam & Gomorrhæam; sicut destruxit Sisaram, Holofernem Jezabel, Philisthiim & Prophetas Baal, sicut destruxit viros accusantes Daniele, sic per te destruantur omnes fascinationes, signaturæ, ligaturæ, omnis virtus, & potentia diaboli per nomen Dei, qui est Deus Abraham, Deus Isaac, Deus Jacob, Rex magnus, & glorificatus, & adoratus, vivificatus in cœlo & in terra, terminentur, dissolvantur, & annihilentur omnes facturæ satanæ & ministrorum ejus. Conjuro vos maligni spiritus per nomen Dei vivi, & per virtutem ejus, qui principium non habet, neque finem, qui supra nubem ambulat, & super pennas ventorum, & qui ferebatur super aquas. Et per Angelos, qui coram eo stant, quorum facies

250 *Benedictio profumigationis contra maleficia.*

opertæ sunt. Per Dominum, magnum Deum deorum, Dominum dominantium; qui liberavit filios Israel de servitute Ægypti, & tres pueros, qui positi fuerunt in camino ignis ardentis, & non est combustus ex eis capillus: quia Deus descendit in medio, & resolvit vincula eorum, ita solvantur omnia vincula maleficiorum, & omne malum à creaturis Dei, hominibus & pecoribus per officium, & sacrificium, quæ quotidie celebrantur ad Dominum Deum nostrum, & per sanguinem D. N. Jesu Christi, qui effusus fuit super lignum crucis, per coronam spineam, & flagella, & opprobria illata, per mortem & sepulturam, per resurrectionem & ascensionem. Dissolvantur igitur per te, materia suffumigationis, omnia mala factorum, præstigiorum, fascinationum &c. Dissolvantur per te malignæ tempestates, condensio nubium, impetus grandinis & omnis malignitas per malitiam diaboli, & ministrorum ejus in aëre sive in terra, seu in quocunque loco instituta. Per Deum † Patrem omnipotentem, Filium † & Spiritum † sanctum, qui est Deus unus regnans in sæcula sæculorum, Amen.

Contra malignas tempestates dicatur ter.

IN virtute sanguinis Verbi incarnati, & in virtute essentiae æterni Patris; discedite hinc spiritus maledicti in nomine Patris †, & Filii † & Spiritus sancti, Amen.

Vel

† Alpha & † Omega, † Qui est † Adonai Terra

tragramaton † Ineffabilis † Incomprehensibilis
† sanctus † sanctus † sanctus † Dominus Deus Sa-
baoth † Verbum incarnatum habitavit in nobis †
& pro nobis crucifixum est † per Ipsum † & cum
Ipso † & in Ipso † est Deo Patri † in unitate Spi-
ritûs sancti † omnis honor & gloria † omnibus
autem spiritibus malignis omnis confusio † per
omnia sæcula sæculorum, Amen.

Ite, ite, ite, maledicti spiritus, in nomine Pa-
tris † & Filii † & Spiritûs † sancti, Amen.

34.

*Benedictio Panis ex herbis confecti, contra
maleficia, vulgò Hexen-Brod, oder Zeltlein.*

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Ineffabilem Clementiam tuam omnipotens
æterne Deus humiliter imploramus, ut sicut tu
es unus in essentia & Trinus in personis, scilicet
Pater, Verbum, & Spiritus sanctus, ita benedi-
cere, purificare, & consecrare per immensam
clementiam & pietatem tuam digneris hanc
compositionem panis, & sis omnibus creaturis
ipsum sumentibus odor & defensio perpetua,
contra omnes malignos spiritus, omnes incan-
tationes, præstigia & maleficia, sitque perpetua
expulsio malignorum spirituum, & omnium in-
cantationum, factorum, ac præstigiorum an-
nihilatio, sitque perpetua dissolutio omnium ma-
leficorum, ut quando creatura tua, qualiscunque
ex

ex eo comederit, vel in quemcunque locum fumigatio ejus venerit, nullus spiritus, nullaque incantatio diabolica, nullaque molestia maligni spiritûs possit perdurare, neque stare quocunque modo, sed statim tuâ immensâ virtute & potentia fugiant perpetuò & procul hinc expellantur omnes insidiæ latentis inimici, ac eorum inhabitationes & infestationes dissolvantur, & annihilentur per signum Crucis D. N. Jesu Christi: qui cum Patre & Spiritu sancto vivit & regnat in sæcula sæculorum, Amen.

Oremus.

Domine Jesu Christe, qui nobis sacerdotibus non nostris meritis, sed sola dignatione clementiæ tuæ præ cæteris gratiam contulisti, ut quidquid à nobis in tuo Nomine dignè ac perfectè agitur, à te fieri credatur; adesto quæsumus nostræ officio servitutis, & bene + dicere & sancti + ficare digneris hanc compositionem panis, quàm nos in nomine sancto gloriæ tuæ benedicere confidimus. Qui cum Patre & Spiritu sancto vivis & regnas Deus per omnia sæcula sæculorum, Amen.

Peto itaque Domine Jesu Christe, ut benedicas hanc compositionem panis, sicut benedixisti quinque panes in deserto, ut sit sumentibus salus mentis & corporis contra imposturas, morbos & universas insidias diaboli. Nam ego N. Sacerdos tuus in nomine tuo hanc compositionem panis bene + dico, sancti + fico & exortcizo, sicut Elias benedixit farinam in hydria viduæ, & fecit subcinericium panem benedictum Eliæ, qui

ambulavit in fortitudine cibi illius 40. diebus & 40. noctibus usque ad montem Dei Horeb; sic hunc panem in nomine tuo benedico & sanctifico, creaturis tuis trado, ut accipiant, & comedant ad eradicandum à corporibus suis omne maleficium, incantationem, ligamen omnium magorum, strigium, aut divinantium, omne opus diabolicum & qualescunque corporis molestias. O Domine Jesu Christe, qui es panis natus in Bethlehem: panis vitæ benedic & sanctifica hanc compositionem panis, & ego per sanctum Nomen tuum & sancti N. eam benedico & sanctifico, & per ipsum sanctum Nomen tuum terribile destruo & annihilo omnia maleficia, incantationes, fascinationes, ligaturas, & divinationes & in tuo sancto Nomine benedictione hanc virtutem infundo, ut sit panis benedictus per te, qui es benedictus per sæcula Amen.

O Panis benedicte, Dominus tecum sit, ut extinguat venena, noxia comprimat, adversa depellat, maleficia destruat, dæmonia fuget à cunctis creaturis eo utentibus. O sanctissima Virgo Maria sanctifica hunc panem per intemeratam Virginitatem tuam, ut sit ignis ardens contra dæmones, & destruat facturas & omnia opera satanæ, Amen.

Descendat quæsumus Domine Sancte, Pater omnipotens æterne Deus in hanc compositionem panis virtus Spiritûs sancti & benedicat, inflamment, & exorcizet, & ut, quæcunque creatura ex eo comederit vel gustaverit in nomine tuo, & dilecti Filii tui & Spiritus sancti, ab omnibus

bus operibus satanæ sanetur. Per hoc signum **S** Crucis fugiant omnes dæmones sive phantasmata, & quodcunque opus diabolicum, omnisque virtus maligna omnino extingatur, destruat & annihiletur ad honorem Majestatis tuæ excelsæ. Da Domine sancte, Pater omnipotens, æterne Deus, ut, quod ardentissimè efflagitamus, per tuam infinitam misericordiam efficaciter consequamur. Qui vivis & regnas Deus per omnia sæcula sæculorum, Amen.

Oremus.

Benedic + Domine Panem istum, ut salutare remedium sit facturæ tuæ, quam pretioso sanguine tuo redemisti, & præsta per invocationem Nominis tui, ut quisquis ex eo usus fuerit, benedictionem accipiat, & sanitatem atque contra omnes morbos, & insensas inimicorum insidias sit tutamen. Per Dominum nostrum &c.

Aspergatur aquâ benedicta.

35.

Remedium contra Philtrum propinatum.

Acipe 1. Rutas pulverizatas, ceram baptismalem, & partem ex illis quinque granis cerei, quibus manè & vespere caput fumiga.

2. Antequam vadis cubitum, intinge linteolum in succo rutarum, & fronti impositum per totam habebis noctem.

3. Accipe malvas, rutas, & perforatas fac ebullire in aqua benedicta (est propria benedictio in Thesauro) qua per octo aut decem dies continuas lavabis pedes & brachia.

. Reme-

Remedium contra dolores stomachi & gutturis, quos habuit aliqua persona post solutam maleficam avulsionem.

Primò: Manè dum surgis & vespere dum cubitum vadis, accipe duas drachmas benedicti olei & sex uncias jusculi vitulini non falsi, & fume.

2. Eodem oleo benedicto te unge. & signum S. Crucis forma in sequentibus partibus: in fronte, in utroque oculo, in aure, in arteriis manuum, pedumque, in corde, in fossula cordis, & in gutture, seu faucibus, ubi senseras dolores.

36.

Modus ac Methodus

Conficiendi massam sacram è speciebus sacre fumigationis, & quædam benedictiones earundem specierum benedictionibus addendæ, ut efficacius fiat.

Ante omnia & maximè consulendum, quòd exorcismi & herbarum benedictiones & quarumcunque specierum ad massam sacram & etiam ad fumigationem sacram concurrentium, sive ad illam specificatam fiant in loco sacro, & ciborio sanctissimo super altare posito, a censis utrinque candelis, & saltem uno vel duobus assistentibus & sacerdoti benedicienti respondentibus. Sacerdos verò sit indutus rochetò & stolâ violacei coloris, ad manum posito vasculo cum benedicta aqua jam ante consueto more benedicta.

Benedictio efficacissima ceræ pro massa sacra conficienda.

EXorcizo te creatura ceræ, quam mater apis nobis

nobis ministravit , per Deum ⁊ vivum , per Deum ⁊ verum , per Deum ⁊ sanctum , ut omnis virtus adversarii , omnis exercitus diaboli , omnisque incurio , & omne phantasma satanæ eradictur à te , & fias omnibus te utentibus medicina ad expellendas omnes facturas , & fuganda omnia maleficia satanæ , & ministrorum ejus , ac ut ipsum inimicum cum omnibus maleficiis , incantationibus , ligationibus , signaturis , & facturis , expellere valeas. In nomine Patris ⁊ omnipotentis , in charitate Jesu Christi Domini nostri , qui etiam de matre virgine tanquam de castissima apicula processit , & mundo sicut cereus accensus luxit illuminans omnem hominem venientem in hunc mundum & jam vivit in gloria ejusdem Dei Patris , & regnat cum Spiritu sancto Deus per omnia sæcula sæculorum , Amen.

Vers. Adjutorium nostrum &c.

Vers. Dominus vobiscum &c.

Oremus.

Benedicat ⁊ te creatura ceræ Imperialis Majestas protegat te ⁊ Regalis divinitas : defendat ⁊ te Immensa Trinitas : foveat te ⁊ gloriosa unitas : dirigat te ⁊ inæstimabilis Bonitas : Regat te ⁊ Potentia Dei Patris : vivificet te ⁊ sapientia Dei Filii : Deducat te ⁊ virtus Spiritus sancti : Alpha & Omega : Deus Sabaoth sit ista invocatio , ut det tibi contra omne malum virtutem. Crux ⁊ Christi salvet te : duodecim Apostoli te ⁊ benedicant : Sancti Martyres te adjuvent : Sancti

Con-

Confessores te † custodiant: omnes sancti Sacerdotes novi & veteris Testamenti te † exorcizent & sanctificent: Sancti Angeli & Archangeli, Throni & Dominationes, Principatus & Potestates, virtutes cœlorum, Cherubim & Seraphim † te defendant: Omnipotens Deus creator, trinus & unus, ad cuius cultum etiam adhiberis, te † benedicat & det † tibi ad omne malum, & ad omnes facturas, & maleficia destruenda virtutem, ut per te possim destruere, eradicare & evellere de animabus, & corporibus omnia maleficia, omnes incantationes, ligationes, facturas, & omne opus nefarium diaboli. Per eundem Dominum nostrum &c. Amen.

Aspergatur aquâ benedicta.

Benedictio Olei olivarum pro massa sacra.

†. Adjutorium nostrum &c.

Vers. Unxit me unctiōe misericordiæ suæ.

Resp. Et de post foetantibus accepit me.

EXorcizo te creatura † olei, cuius liquore concinnatæ sunt lampades, ante Altare sanctum, in nomine † Patris & Filii † & Spiritûs † sancti: ut per hanc invocationem individuae Trinitatis, ac unius virtutem Deitatis nequissima virtus adversarii, omnis inveterata malitia diaboli, omnis violenta incursio, omne confusum & cæcum phantasma eradicetur, fugetur, & discedat ab hoc oleo, & omnis, qui ex eo devotè sumpserit, aut se eo unxerit, fiat sanus ab omni maleficio diabolico, ne possit illi nocere ulla nequitia malignorum spirituum.

R

Psalm.

Psalm. Deus Deus meus ad te de luce vigilo &c,
dicitur totus,

Kyrie eleison. Christe eleison. Kyrie eleison.

Pater noster. *secretò,*

Vers. Et ne nos inducas in tentationem &c.

Vers. Domine exaudi &c.

Vers. Dominus vobiscum &c.

Oremus.

Dignare Domine hoc oleum † benedicere, purificare † pro tua pietate clementissime Domine Iesu Christe, qui in monte oliveti sudore tuo sanguineo terram & oliveta consecrasti, ut quicumque eo usus fuerit, fiat unctus dolore perfectæ poenitentiae, & ab eo eradicentur facturae, maleficia, incantationes, tumores, dolores & ligationes, quomodolibet factæ contra creaturas DEI, sitque destructio omnium operum satanæ: atque ego sacerdos tuus in nomine sancto tuo benedico sanctifico †, & consecro † hujus olei liquorem ad obsessos liberandos, ad restituendam febricitantibus valetudinem, ægrotantibus sanitatem, ad venena extinguenda, ad tumores & dolores sedandos, ad restituendum conjugibus amorem, ad depellendum adversa, & comprimendum noxia, ad expellenda odia, & quicumque eo utuntur, ab omni languore & infirmitate sanentur, atque à cunctis inimicorum insidiis liberentur. Per eundem Dominum nostrum &c. Amen.

Oremus

Multiplica ô æterne Deus benedictiones tuas super hujus olei liquorem, sicut multiplicasti

cāsti guttas aquæ super faciem terræ, ita ego N. Sacerdos tuus per JEsū Christum benedico † & sancti † fico hujus olei jam à te benedicti liquorem, ut virtutem accipiat, & potestatem destruendi omnia maleficia, languores & dolores, ac vexationes diabolicas, & fugandi omnes dæmones in nomine Patris, & Filii, & Spiritūs † sancti, Amen.

Aspergatur aquâ benedictâ. NB. Hoc oleum etiam extra massam per se magna est efficacia.

Benedictio ignis pro massa condensanda.

Verf. Adjutorium nostrum &c.

Verf. Benedicite ignis & æstus Domino.

Resp. Laudate & superexaltate eum in sæcula.

Verf. Dominus vobiscum &c.

Oremus.

Benedicat † te creatura ignis D E U S creator omnipotens, qui te ex nihilo produxit, & qui famulo suo Moyfi in igne flammæ rubi apparuit, quique in columna ignis per noctis tenebras suum populum antecessit in desertum: & qui tres pueros Majestatis suæ cultores in se servavit illæsos; atque qui judicaturus orbem terrarum te ante judicis faciem præire jubebit: & qui te justitiæ instrumentum in contumaces spiritus delegit, illos omnesque damnatos justissime excruciaturus in æternum. Qui vivit & regnat in sæcula sæculorum, Amen.

Oremus.

Domine sancte, Pater omnipotens, æterne Deus, benedicentibus nobis hunc ignem in nomine tuo, & unigeniti Filii tui ac Domini

nostri Iesu Christi, & Spiritûs sancti cooperari digneris, & adjuva nos contra tela inimici, & illustra gratia cœlesti. Qui vivis & regnas cum eodem unigenito tuo, & Spiritû sancto DEUS, per omnia sæcula sæculorum, Amen.

Oremus.

EGO Sacerdos DEI per potestatem mihi in Ordine Sacerdotali collatam bene t̄ dico te, exorcizo t̄ & conjuro te creatura ignis per eum, qui venturus est judicare sæculum per ignem, qui tremere facit orbem terrarum, & qui omnia potest, ut adversus infernales bestias & prædones sis mihi adjutorium in virtute DEI & Domini nostri Iesu Christi affligens, excrucians & exurens eos plûs centuplo, quàm gehenna sulphurea, ut sentiant pœnas importabiles, quæ per singula momenta suæ protervæ obstinationis suscipiant incrementa. Per eundem Dominum nostrum, Amen.

Aspergatur aquâ benedictâ.

Benedictio Vasis in quo massa coagulatur,
& adunatur.

Vers. Adjutorium nostrum &c.

Vers. Dominus vobiscum. &c.

Oremus.

PROTECTOR fidelium Deus & subditorum, peccatorum piorum Inhabitor, qui gentium Doctorem Apostolum Paulum à furore dæmonii liberâsti, tibi gratiæ tuæ præventionē vas electionis constituisti, quod Nomen tuum portaret coram gentibus, & Regibus terræ : quæsumus

sumus clementiam tuam per merita hujus sancti Apostoli tui, ut quoque serenis oculis tuæ immensæ pietatis hoc vas (vel hæc vasa) respicere + purificare + benediceret + sanctificare + digneris, ut nihil in eo residere vel illud contingere possit diabolicum, vel diabolicâ malitiâ commixtum, & aufugiat ab eo mox omne malignum, sicut fugit pulvis à facie venti, descendatque super omnes eo utentes gratia Spiritûs sancti, ut ejusdem vasa mereantur fieri electa. Per Dominum nostrum &c. Amen.

Aspergatur aquâ benedictâ.

Not. 1.

IN hoc vase benedicto, vel saltem per unam noctem (si testaceum est omnino novum aut intus vitriatum) aquæ fontali immerso liquefit primò cera benedicta alba & pura, cui deinde etiam infunditur oleum benedictum, & hæc utraque species in illa quantitate æquali (vel etiam plus de cera accipi potest, quæ facilius indurefcit, quia semper plus de oleo superfundi potest) quantum sufficit ad species alias prius ante benedictas condensandas in qualitatem massæ coherentis. Igitur liquefacta & bene calefacta simul cum oleo & cerâ, & bene bacillo commota & commixtâ, ac si unus liquor esset, immittuntur successivè species jam ante minutim pulverisatæ & benedictæ, & moventur bacillô, donec evadat massa counita, tamdiu enim species immitti debent, donec massa sit solum calefactivo igne satis crassa, nullo modo autem debet ebullire.

R 3

Not. 2.

Not. 2.

Quod si habeatur cera de cereo sive candelæ p' alchali quantitas sufficiens pro humectatione seu consolidatione specierum benedictarum & similiter sufficiens quantitas de oleo sacro Infirmorum ab Episcopo feriâ quintâ, sive die Jovis sancto benedici solito, tunc potest illa pro massa adhiberi loco ceræ & olei suprà benedictorum; si verò ex dictis duabus speciebus ceræ & olei suprà benedictorum aliquid remaneat, debet reverenter asservari pro effectibus in eorum benedictionibus assignatis, vel debet comburi in lampade Ecclesiæ oleum, & cera commisceri alteri ceræ pro candelis altarium faciendis, melius tamen est, asservari.

Not. 3.

Si jam omnes species simul cum cera & oleo benedictæ sunt in cacabo sive vase unitæ & commixtæ, dicitur supra totam massam à Sacerdote stolam circa collum habente sequentia forma.

Benedictio.

Vers. Adjutorium nostrum &c.

Vers. Benedicite omnia opera Domini Domino.

Resp. Laudate & superexaltate eum in sæcula.

Vers. Respice in servos tuos Domine, & in opera manuum tuarum.

Resp. Et opus manuum nostrarum dirige.

Vers. Domine exaudi &c.

Vers. Dominus vobiscum. &c.

Oremus.

Ad sit nobis quæsumus omnipotens Deus dextera

tera tuæ infinitæ misericordiæ, quæ compleat benedictionem nostram, & corda nostra clementer expurget, atque ab omnibus tueatur adversis: Per Christum Dominum nostrum. Amen.

Oremus.

DEscendat, suppliciter rogamus, Domine sancte Pater omnipotens, æterne DEUS super hanc massam cum spe & fiducia tuæ assistentiæ comportatam, atque congestam virtus Spiritus sancti, & per hoc signum crucis fugiant omnes dæmones, sive phantasmata, vel quodcunque opus diabolicum, ab omni imagine Christi & virtus eorum omnino extinguatur & annihiletur ad honorem excelsæ Majestatis tuæ, & omnis creatura facta ad imaginem & similitudinem tuam, per hujus sacræ massæ usum ab omnibus spiritibus immundis ac operibus eorum sanetur & salvetur, in nomine Domini nostri JESU Christi, qui cum Patre & Spiritu sancto vivit & regnat per omnia sæcula sæculorum. Amen,

Nota.

Massa ex vase extracta, si quid ex ea vasi adhuc adhæreat, ponitur in vas ignis antea suppositus, & exuritur, deinde effunditur ille ignis ad alium ignem culinæ, ut consumatur, & massa sacra servatur in quocunque vase mundo, meliori modo, quo poterit.

37.

Benedictio Coralliorum.

Vers. Adjutorium nostrum &c.

R 4

Ore-

Oremus.

DEUS quia creatione mundi tempestatibus
cœlorum & fulguri virtutem coralliorum
opposuisti, benedic & sanctifica hæc fragmen-
ta coralliorum, & cineres, ut contra omnes dia-
bolicas infestationes & ejus adjutores tuo auxi-
lio & manibus divinis fructus nostri protegan-
tur & conserventur. Per Dominum nostrum
JESUM Christum Filium tuum &c.

Vers. Eripe nos Domine ab omnibus malis.

Resp. Et à viris iniquis libera nos.

Vers. Defende nos ab inimicis nostris. Resp. Et
ab insurgentibus in nos libera nos.

Vers. Erue nos ab infestationibus, fructusque
nostros. Resp. Et de viris sanguinum libera
nos.

Vers. Ostende nobis Domine potentiam tuam.

Resp. Et mitte nobis in auxilium Angelum bo-
num.

Vers. Panem nostrum da nobis hodie. Resp. Et
omnibus diebus vitæ nostræ.

Vers. Qui cogunt sidera, ut servi tui fame pre-
mantur, Resp. Succurre nobis.

Vers. Qui fulgura & grandines è manibus ferunt
Resp. Oppone eis potentiam tuam, ne illudent
te.

Vers. Ostende illis Deus, quòd tu solus sis Deus
noster. Resp. Et dirige consilia eorum in va-
num & perniciem illorum.

Vers. Conserva, quod dedisti nobis, Resp. Et
multiplica per gratiam semina terræ.

Vers. Contra turbinem ventorum vel imbrium.
Resp.

Resp. Ostende nobis solem gratiæ vultûs tui.

Vers. Domine exaudi &c.

Vers. Dominus vobiscum &c.

Oremus.

DEUS fortitudo in te sperantium, qui contritorum non despicias gemitum, & merentium non spernis affectum, qui vis meritò adorari, & singulis diebus ostendis potentiam tuam, ut fructus terræ non ex nostro sudore, labore, & patientia nascantur, sed ut per solam virtutem tuæ misericordiæ & benignitatis conserventur, & multiplicentur, qui panem in Eremo multiplicasti, ut quinque millia hominum saturares: qui in ultima tua cœna panem in corpus tuum sacramentissimum consecrasti, & vinum in tuum sanguinem convertisti, ut nos servos tuos temporaliter & spiritualiter in æternum pasceres & salvares. Suppliciter te deprecamur, ut hæc fragmenta & cineres coralliorum benedicere & sanctificare & digneris, ut quicumque in corpore portaverit, vel ubicunque inspersi fuerint, locus ille & agri ab omnibus tempestatibus, grandine, imbribus violentis, ac infestationibus satanæ, & ejus adjutoribus securi conserventur, & protegantur; Defende nos à tactu fulgurum, & omnem locum: multiplica grana terræ, & fructus nostros cum divina misericordia tua, & ut Pastor bonus pascere nos oves tuas: Succurre per benedictionem tuam hanc & cum ab invidia & vi diabolica premimur: converte grandines & potentiam imbrium in rorem cœlestem & divinum, ut fructus nostri in illorum opprobrium

& confusionem benedicantur, sic tua gratia adjuti liberaliter pascamur & tunc tibi Deo soli gratias agere, & te solum adorandum cognoscamus, cum preces nostras non irritas, sed ad nostrum solatium experiamur. Per Dominum nostrum Jesum Christum filium tuum, &c.

Post hæc incensentur, & aspergantur aqua benedicta.



CAPUT QUINTUM.

Benedictiones locorum & Habitationum.

I.

Benedictio novi Monasterii.

Superior superpelliceo & stola indutus incipiat sequentes Psalmos recitare alternatim cum assistentibus Religiosis illius Monasterii.

Primò incipiat in sacristia.

Psal. 131.

Memento Domine David, & omnis mansuetudinis ejus:

Sicut juravit Domino, votum vovit Deo Jacob.

Si introiero in tabernaculum domus meæ: si ascendero in lectum strati mei.

Si dederò somnum oculis meis & palpebris meis dormitationem.

Et requiem temporibus meis, donec inveniam locum Domino, tabernaculum Deo Jacob.

Ecce audivimus eam in Ephrata: invenimus eam in campis silvæ.

In

Introibimus in tabernaculum ejus : adorabimus in loco , ubi steterunt pedes ejus.

Surge Domine in requiem tuam : tu & arca sanctificationis tuæ.

Sacerdotes tui induantur justitiam , & sancti tui exultent.

Propter David servum tuum non avertas faciem Christi tui.

Juravit Dominus David veritatem : & non frustrabitur eam : De fructu ventris tui ponam super sedem tuam.

Si custodierint filii tui testamentum meum , & testimonia mea hæc , quæ docebo eos.

Et filii eorum usque in sæculum , sedebunt super sedem tuam.

Quoniam elegit Dominus Sion : elegit eam in habitationem sibi.

Hæc requies mea in sæculum sæculi , hic habitabo : quoniam elegi eam.

Viduam ejus benedicens benedicam : pauperes ejus saturabo panibus.

Sacerdotes ejus induam salutari : & sancti ejus exultatione exultabunt.

Illuc producam cornu David , paravi lucernam Christo meo.

Inimicos ejus induam confusione : super ipsum autem effloreat sanctificatio mea.

Antiphona. Et omnis mansuetudinis ejus.

Finis Psalmo dicatur.

Antiph Domum istam protege Domine , & Angeli tui sancti custodiant muros ejus.

Vers. Domine dilexi decorem domus tuæ.

Resp.

Resp. Et locum habitationis gloriæ tuæ.

Oremus.

OMnipotens & misericors Deus, qui sacerdotum ministerio ad tibi serviendum & supplicandum uti dignaris, quæsumus immensam clementiam tuam, ut quidquid modò visitamus, visites, & quidquid benedicimus, benedicas, sitque ad nostræ humilitatis introitum, sanctorum tuorum meritis, fuga dæmonum, Angeli pacis ingressus. Per Christum &c.

Aspergatur.

Postea procedatur ad dormitorium, ibi dicatur Psal. 4. Cum invocarem &c. Quo finito dicatur.

Antiph. Salva nos Domine vigilantes, custodi nos dormientes, ut vigilemus cum Christo, & requiescamus in pace.

Vers. In pace in idipsum. Resp. Dormiam & requiescam.

Oremus.

Benedic Domine, hoc dormitorium famulorum, qui non dormis, neque dormitas custodiens Israël, & famulos tuos, in hac domo quiescentes post laborem, custodi ab illusionibus phantasmatum satanæ, ut vigilantes in præceptis tuis meditentur, & dormientes te per soporem sentiant, & hic & ubique defensionis tuæ muniantur auxilio. Per Christum &c.

In infirmaria dicatur.

Psalmus 6.

Domine, ne in furore tuo arguas me, neque in ira tua corripas me.

Miserere mei Domine quoniam infirmus sum: sana

sana me Domine, quoniam conturbata sunt ossa mea.

Et anima mea turbata est valdè: sed tu Domine usquequo.

Convertere Domine, & eripe animam meam: saluum me fac propter misericordiam tuam.

Quoniam non est in morte, qui memor sit tui: in inferno autem quis confitebitur tibi?

Laboravi in gemitu meo, lavabo per singulas noctes lectum meum: lachrymis meis stratum meum rigabo.

Turbatus est à furore oculus meus: inveteravi inter omnes inimicos meos.

Discedite à me omnes qui operamini iniquitatem: quoniam exaudivit Dominus vocem fletus mei.

Exaudivit Dominus deprecationem meam, Dominus orationem meam suscepit.

Erubescant, & conturbentur vehementer omnes inimici mei: convertantur & erubescant valde velociter.

Antiph. Aspice Domine, de sede sancta tua, & cogita de nobis: inclina Deus meus aurem tuam, & audi: aperi oculos tuos, & vide tribulationem nostram.

Vers. Miserere mei Domine, quoniam infirmus sum.

Resp. Sana me Domine, quoniam conturbata sunt ossa mea. Oremus.

OMnipotens & misericors Deus, quæsumus immensam pietatem tuam, ut ad intuitum humilitatis nostræ hunc locum infirmitorii (& hos famu-

famulos tuos) famulum tuum (in eo fessos jacentes) salutiferè vilitare digneris; & sicut visitasti Domine Tobiam, socrum Petri, & puerum centurionis, ita & isti pristina sanitate animæ & corporis recepta, gratiarum tibi in Ecclesia tua referant actiones, per Christum &c.

Aspergatur.

In Refectorio dicatur

Psalmus 127.

BEati omnes qui timent Dominum, qui ambulant in viis ejus.

Labores manuum tuarum quia manducabis: beatus es, & bene tibi erit.

Uxor tua sicut vitis abundans, in lateribus domus tuæ.

Filii tui sicut novellæ olivarum, in circuitu mensæ tuæ.

Ecce sic benedicetur homo, qui timet Dominum.

Benedicat tibi Dominus ex Sion: & videas bona Jerusalem omnibus diebus vitæ tuæ.

Et videas filios filiorum tuorum, pacem super Israël.

Antiph. Oculi omnium in te sperant, Domine, & tu das illis escas in tempore opportuno, aperis tu manum tuam & imples omne animal benedictione.

℣. Edent pauperes, & saturabuntur. ℞. Et laudabunt Dominum, qui requirunt eum.

Oremus.

OMnipotens misericors Deus, qui famulos tuos in hac domo alis refectione carnali, ut cibum

bum vel potum te benediciente cum gratiarum
actione percipiant, præsta quæsumus, ut hîc
& in æternum per te salvi esse mereamur. Per
Christum &c.

Aspergatur.

In Coquina dicatur

Psalmus 22.

Dominus regit me, & nihil mihi deerit: in
loco pascuæ ibi me collocavit.

Super aquam refectionis educavit me: ani-
mam meam convertit.

Deduxit me super semitas justitiæ, propter
nomen suum.

Nam & si ambulavero in medio umbræ
mortis, & non timebo mala: quoniam tu me-
cum es.

Virga tua, & baculus tuus, ipsa me consola-
ta sunt.

Parâsti in conspectu meo mensam, adversus
eos, qui tribulant me.

Impinguâsti in oleo caput meum: & calix me-
us inebrians quàm præclarus est.

Et misericordia tua subsequetur me: omni-
bus diebus vitæ meæ,

Et ut inhabitem in domo Domini, in longi-
tudinem dierum.

Antiph. In loco pascuæ ibi me collocavit.

Vers. Parâsti in dulcedine tua pauperi Deus.

Resp. Qui habitare facis unanimes in domo:

Oremus.

DEUS æterne, ante cujus conspectum assi-
stunt Angeli, in cujus nutu reguntur uni-
ver-

versa, qui etiam necessariis humanæ fragilitatis tua pietate consulere non desinis, te humiliter imploramus, ut habitaculum istius officinæ illa benedictione perfundas, quâ per manus Elisæi Prophetæ in olla eremitica gustus amarissimos dulcorasti, & semper hîc tuæ benedictionis copia redundante, laudes tibi referant servi tui, qui das escam omni carni, & imples omne animal benedictione, salvator noster, qui vivis & regnas in sæcula sæculorum, Amen.

Aspergatur.

In Cellario dicatur

Psal. 143.

Benedictus Dominus Deus meus, qui docet manus meas ad prælium, & digitos meos ad bellum.

Misericordia mea, & refugium meum susceptor meus, & liberator meus.

Protektor meus, & in ipso speravi: qui subdit populum meum sub me.

Domine quid est homo, quia innotuisti ei: aut filius hominis, quia reputas eum?

Homo vanitati similis factus est: dies ejus sicut umbra prætereunt.

Domine inclina cœlos tuos, & descende: tangere montes, & fumigabunt.

Fulgura coruscationem, & dissipabis eos: e-mitte sagittas tuas, & conturbabis eos.

Emitte manum tuam de alto, eripe me, & libera me de aquis multis: de manu filiorum alienorum.

Quorum os locutum est vanitatem: & dextera eorum, dextera iniquitatis. Deus

DEUS canticum novum cantabo tibi: in psalterio decachordo psallam tibi.

Qui das salutem regibus: qui redemisti David servum tuum de gladio maligno: eripe me.

Et erue me de manu filiorum alienorum, quorum os locutum est vanitatem: & dextera eorum, dextera iniquitatis.

Quorum filii, sicut novellæ plantationes: in juventute sua.

Filiæ eorum compositæ: circumornatæ ut similitudo templi.

Promptuaria eorum plena, eructantia ex hoc in illud.

Oves eorum fœtosæ, abundantes in egressibus suis: boves eorum crassæ.

Non est ruina maceriæ, neque transitus neque clamor in plateis eorum.

Beatam dixerunt populum, cui hæc sunt: beatus populus, cujus Dominus Deus ejus.

Antiph. Ecce ego mitto vobis frumentum, & vinum, & oleum, & replebimini in eis, dicit Dominus, ideóque exultate, & lætamini in Domino DEO vestro.

Vers. Emitte Domine benedictionem super cellaria. *Resp.* Et super opera manuum tuarum.

Oremus.

OMnipotens & misericors DEUS, qui ubique præsens es, Majestatem tuam suppliciter exoramus, ut huic promptuario gratia tua adesse dignetur, quæ cuncta adversa ab eo repellat, & abundantiam benedictionis tuæ largiter infundat.

fundat. Per Christum Dominum nostrum, Amen

Aspergatur.

In Claustro dicatur

Psal. 83. Quam dilecta tabernacula tua, &c.

Antiph. Congregavit nos in unum Christia-
mor, timeamus, & amemus Christum Deum:
ubi Charitas & amor tibi Deus est.

Vers. Ecce quàm bonum & jucundum,

Resp. Habitare fratres in unum.

Oremus.

OMnipotens sempiterne DEUS, qui nos singu-
lari prærogativa gratiæ in hoc Religionis
clauastro misericorditer congregasti: da nobis
famulis tuis ita in eodem laudabiliter tibi servi-
re, & in fraternitatis amore, & sincera dilectione
ac mutua pace convivere, ut tandem ad illam
patriam, in qua omnia secura, firma, tranquilla
& stabilia sunt, te largiente pervenire valeamus.
Per Christum, &c.

Aspergatur.

Ad portam principalem dicatur

Psal. 147.

Lauda Jerusalem Dominum &c.

Antiph. Confortavit Dominus seras portarum
nostrarum & benedixit nobis.

Vers. Hæc est porta Domini. *Resp.* Et iusti in-
trabunt in eam.

Oremus.

Domine JESU Christe, qui in introitu porta-
rum Jerusalem valvas sanctificasti, dum
splendore gemmarum duodecim totidem Apo-
stolorum nomina præsignasti, & qui per orga-
num

num propheticum prædixisti, lauda Jerusalem Dominum, qui confortavit seras portarum tuarum, & benedixit Filiis tuis in te: te quæsumus, utponens omnes fines domûs istius pacem, & velociter currens interiùs sermo tuus adipe frumenti satiet eos, Spiritus sanctus defendat illos, ut nunquam nocere eis prævaleat inimicus: sed omnes habitantes in ea interiùs voce, corde, & opere decantent dicentes: Magnus Dominus Deus noster JESUS Christus, & magna virtus ejus, & sapientiæ ejus non est numerus. Qui cum Deo Patre in unitate Spiritûs sancti in Trinitate perfecta vivis & regnas in sæcula sæculorum. Amen.

† *Sequentia sancti Evangelii secundum Lucam.*

Resp. Gloria tibi Domine.

IN illo tempore: ingressus JESUS perambulabat Jericho. Et ecce vir nomine Zachæus: & hic princeps erat publicanorum, & ipse dives: & quærebat videre JESUM, quis esset: & non poterat præturba, quia staturâ pusillus erat. Et præcurrens ascendit in arborem sycomorum, ut videret eum, quia inde erat transiturus. Et cum venisset ad locum, suspiciens JESUS vidit illum, & dixit ad eum: Zachæe festinans descende: quia hodie in domo tua oportet me manere. Et festinans descendit, & excepit illum gaudens. Et cum viderunt omnes, murmurabant dicentes, quòd ad hominem peccatorem divertisset. Stans autem Zachæus, dixit ad Dominum: Ecce dimidium bonorum meorum, Domine, do pauperibus: & si quid aliquem de-

fraudavi, reddo quadruplum. Ait Iesus ad eum: quia hodie salus domui huic facta est, eo quod & ipse Filius sit Abrahæ. Venit enim Filius hominis quærere, & saluum facere, quod perierat.

Antiph. Beata gens, cujus est Dominus DEUS eorum populus electus in hæreditatem.

Kyrie eleison. Christe eleilon. Kyrie eleison. Pater noster.

Vers. Et ne nos inducas in tentationem. &c.

Vers. Custodi nos Domine, ut pupillam oculi.

Resp. Sub umbra alarum tuarum protege nos.

Vers. Dominus vobiscum &c.

Oremus.

DEUS, qui in omni loco dominationis tuæ dedicator semper assistis, exaudi nos quæsumus, ut inviolabilis hujus domûs permaneat benedictio & beneficia tui muneris universa, quæ supplicat, mereatur. Per Christum &c.

Oremus.

Visita quæsumus, Domine, habitationem istam, & omnes insidias ab ea longè repelle: Angeli tui sancti habitent in ea, qui nos in pace custodiant, & benedictio tua sit super nos semper. Per Christum Dominum nostrum &c.

Postea addantur Orationes de sancta Maria, & de aliis Sanctis ad libitum.

In reditu ad Ecclesiam.

Psal. 90. Qui habitat in adjutorio, &c.

Quo finito dicatur

Kyrie eleison. &c.

Pater noster &c.

Vers.

Verf. Memento Congregationis tuæ.

Resp. Quam possedisti ab initio.

Oremus.

OMnipotens sempiterne DEUS, dirige actus nostros in beneplacito tuo ; ut in nomine DEI, & Domini N. Jesu Christi Filii tui dilectissimi mereamur semper bonis operibus abundare. Per eundem Christum &c.

2.

Benedictio Domus novæ, vel alterius.

Verf. Adjutorium nostrum &c.

Verf. Domine exaudi &c. Resp. Et clamor &c.

Verf. Dominus vobiscum &c.

Oremus.

OMnipotens sempiterne DEUS, qui sacerdotibus tuis præ cæteris tantam gratiam contulisti, ut quidquid in tuo nomine dignè perfectèque ab his agitur, à te fieri credatur. Quæsumus immensam clementiam tuam, ut quod modo visitaturi sumus, visites : quidquid benedicturi, benedicas, & ad ea, quæ acturi sumus, dexteram tuæ potentiae extendas, fiatque ad nostræ humilitatis ingressum & introitum Sanctorum tuorum meritis fuga dæmonum, Angeli pacis ingressus. Per Christum Dominum nostrum, Amen.

Oremus.

Domine sancte Pater, per merita S. N. benedic domum istam + benedic introitum nostrum + benedic ingressus pedum nostrorum, sicut dignatus es domum Patrum nostrorum Abraham,

raham, Isaac & Jacob benedicere †. O Domine Iesu Christe : quæsumus, qui discipulis tuis dixisti, in quamcunque domum intraveritis, salutate eam dicentes : Pax huic domui, veniat pax illa super domum istam, & eos Domine ab omni infirmitate eripere & liberare digneris : & repleas centesimo fructu vini, & olei, & frumenti, & in futurum illis æternam concede gloriam. Qui vivis & regnas in sæcula sæculorum, Amen.

Bene † dic Domine domum istam, & locum istum, cum ædificiis suis : & sit ibi sanitas, virtus & gloria, atque humilitas, bonitas, & mansuetudo, & plenitudo legis, obedientiæque DEO Patri, & Filio, & Spiritui sancto. Hæc benedictio sit super domum istam, & super locum istum, & super omnes habitantes in eo, per Christum Dominum nostrum, Amen. † Sancti Angeli Dei descendant in hanc domum, & eam defendant, & protegant ab omnibus dæmonibus, & factoris per pietatem Dei semper, Amen.

Conserva Domine domum istam in æternum impollutam, quam à spiritibus immundis flagellantibus nunc mundo † purgo † & benedico † & sanctifico, egrediatur fons de domo tua Domine super domum istam, ut irrigetur misericordia tuâ, & dic Angelo percutienti : cesset iam manus tua, appareat Majestas tua, & sanctificet † hoc habitaculum. Sancta Maria Virgo invoco nomen tuum super hanc domum, & locum : benedic † eum ; quia tu es Mater misericordiæ & consolatrix afflictorum. S. N. exurge,

ge, & per passionem JESU Christi benedic, & sanctifica hanc domum, & locum istum, ut dæmones, & eorum maleficia non possint latere, neque stare in hac domo, vel loco, nam ego N. sacerdos DEI, & servus tuus in tuo nomine destruo † & annihilo † facturas, & omnia maleficia facta, vel fienda in hac domo vel loco; & benedicō & sanctifico † hanc domum & locum, ut dæmones & facturæ non possint stare, nec durare, sed nunc omnia destruantur, & deficiant.

In nomine Patris, & Filii, & Spiritus † sancti Amen.

Peto, Domine per tuam bonitatem, ut hæc domus & locus sit benedictus † à tua sancta dextra, ut sit ignis ardens dæmonibus, ut semper fugiant confusi, nec ullo modo possint stare, nec latere, vel die vel nocte; & omnes habitantes securi sint, & quiescant in sua pace, sineurbatione, vel strepitu, sine aliquo nocumento diabolico, sed tua benedictio † sit semper super hanc domum & locum istum, & super omnes habitantes in eo.

Pax & benedictio sanctissimæ Trinitatis & S. N. descendat super domum hanc Amen.

Et habitantes in domo per nomen JESU possint devotè orare, quietè dormire, comedere, bibere, orare, & alia naturalia liberè agere, & exercere. Per Christum Dominum nostrum, &c.

Aspergatur, & incensetur.

3.

Benedictio solennis domûs, seu Exorcismus
vexatæ à malignis spiritibus domûs.

Sacerdos indutus superpelliceo, & stola dicit:
In nomine Patris †, & Filii † & Spiritûs sancti
Amen.

Flexis deinde genibus hymnum.

1.

Veni Creator Spiritus
Mentes tuorum visita
Imple superna gratia
Quæ tu creâsti pectora.

2.

Qui diceris Paracletus
Altissimi donum DEI
Fons vivus, ignis, charitas
Et Spiritualis unctio.

3.

Tu septiformis munere
Digitus paternæ dexteræ
Tu ritè Promissum Patris
Sermone ditans guttura.

4:

Accende lumen sensibus
Infunde amorem cordibus
Infirma nostri corporis
Virtute firmans perpeti.

5.

Hostem repellas longiùs
Pacemque dones protinus
Ductore sic te prævio
Vitemus omne noxium.

6.

Per te sciamus, da Patrem
Noscamus atque Filium,
Téque utriusque Spiritum
Credamus omni tempore.

7.

Sit laus Patri cum Filio
Sancto simul Paraclito
Nobisque mittat Filius
Charisma Sancti Spiritus.

8.

Deo Patri sit gloria
Et Filio, qui à mortuis
Surrexit, ac Paraclito
in sempiterna sæcula Am.

Vers. Exurge Christe, adjuva nos. Resp. Et li-
bera nos propter nomen tuum.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Actiones nostras quæsumus Domine aspiran-
dô præveni, & adjuvandô prosequere, ut
cuncta nostra oratio & operatio à te semper inci-
piat & per cæpta finiatur &c.

Oremus.

Defende quæsumus Domine istam ab omni
adversitate familiam & toto corde tibi pro-
stratam, intercedente Beata MARIA semper Vir-
gine cum omnibus Sanctis tuis ab hostium pro-
pitius tuere clementer insidiis. Per Dominum
nostrum &c.

S s

Ore

Oremus.

OMnipotens sempiterne Deus , qui Sacerdotibus tuis tantam gratiam contulisti, ut quidquid in tuo nomine dignè perfectèque ab eis agitur, à te fieri credatur , quæsumus immensam clementiam tuam , ut quod modò visitaturi sumus , visites, & quidquid benedicturi , benedicas, & ad ea , quæ acturi sumus dexteram tuæ potentiaë extendas, sintque ad nostræ humilitatis introitum, sanctorum tuorum meritis fugadæmonum, & Angeli pacis ingressus. Per Dominum nostrum &c.

Oremus.

DEUS Angelorum , Deus Archangelorum ; Deus Prophetarum, Deus Apostolorum, Deus Martyrum, Deus Confessorum, Deus Virginum & omnium bene viventium, Deus & Pater Domini nostri Jesu Christi, te invoco, & nomen sanctum tuum, ac præclaræ Majestatis Clementiam supplex deosco, ut mihi auxilium præstare digneris adversum nequissimum spiritum, ut ubicunque sit , audito sancto nomine tuo, velociter exeat, & recedat per Dominum nostrum Jesum Christum Filium tuum, qui tecum vivit & regnat in sæcula sæculorum. Amen.

Adjuratio.

EGo indignus Minister , & servus Dei , & Domini nostri Jesu Christi , auctoritate , qua fungor, auctoritate inquam, Ecclesiæ Catholicæ Romanæ sanctæ adjuro te serpens antiquæ, per Judicem vivorum, & mortuorum, per factorem mun-

mundi, qui habet potestatem mittere te in gehennam, ut ab hac domo festinus ex eas, ipse tibi imperat maledicte spiritus, qui ventis ac mari, & tempestatibus imperavit; ipse tibi imperat, qui te de supernis coelorum in inferiora terræ demergi præcepit: audi ergo satana & time, & victus ac prostratus recede, adjuratus in nomine Domini nostri JESU Christi, qui venturus est judicare vivos, & mortuos, & sæculum per ignem. Amen.

Quod si Sacerdos Psalmos graduales, cum orationibus suis immiscere voluerit, valde utile erit, omittendi autem planè non sunt, si domus inquiet a sit à spiritibus, magicis phantasmatibus, quia isti Psalmi præ cæteris sunt ad istam appropriati materiam, quod si aliàs omittere velit, accedat statim ad benedictionem, ut sequitur.

In loco Principali.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Domine sancte Pater, per merita sancti N. benedic domum istam: benedic introitum nostrum: benedic ingressum pedum nostrorum, sicut dignatus es domum Patrum nostrorum Abraham, Isaac, & Jacob benedicere. O Domine JESU Christe: qui dixisti discipulis tuis in quamcunque domum intraveritis, salutate eam, & dicite: Pax huic domui: quæsumus, veniat pax illa super domum istam, & super omnes famulos & famulas & reple centesimo fructu vini & olei, & frumenti, & in futurum illis æternam

nam concede gloriam, qui vivis & regnas &c.
Amen.

Benedic + Domine domum istam, & locum
istum, cum ædificiis suis, ut sit ibi sanitas, san-
ctitas, virtus & gloria, atque humilitas, bonitas,
& mansuetudo, lenitas, & plenitudo legis, obe-
dientiæque Deo Patri, & Filio & Spiritui sancto,
hæc benedictio sit super domum istam, super lo-
cum istum, & super omnes habitantes in eo. Per
Dominum nostrum &c. Amen.

Sancti Angeli Dei descendant in hanc domum,
& eam defendant, & protegant ab omnibus
dæmonibus, factoris & maleficiis, ac adversis, &
per pietatem Dei semper, Amen.

Conserva Domine domum istam in æternum
impollutam, quam à spiritibus immundis
flagellantibus nunc mundo + purgo + benedico
+ & sanctifico +. Egrediatur fons de domo tua
Domine super domum istam, ut irrigetur mi-
sericordiâ tuâ : & dic Angelo percutienti, cesset
jam manus tua, appareat Majestas tua, sanctifi-
cet + hoc habitaculum S. Maria Virgo, invoco
nomen tuum super hanc domum, & locum, be-
ne + dic eum, quia tu es Mater misericordiæ, &
consolatrix afflictorum, sancte Pater Ubalde ex-
urge & per Passionem Jesu Christi bene + dic, &
sanctifica hanc domum, & locum istum, ut dæ-
mones, & eorum maleficia non possint latere,
neque stare in hac domo, vel loco, nam ego Sa-
cerdos Dei & servus tuus in nomine tuo destruo
+ & annihilo facturas, & omnia maleficia facta,
vel facienda in hac domo, vel loco ; & bene + di-
co

co & sanctifico hanc domum & locum, ut dæmones, & facturæ non possint stare, nec durare, sed nunc omnia destruantur, & deficiant in nomine Patris† & Filii† & Spiritûs† sancti, Amen. Vers. Dominus vobiscum &c.

Vers. Initium sancti Evangelii secundum Joannem. Resp. Gloria tibi &c.

IN Principio erat verbum, & verbum erat apud Deum, & Deus erat verbum. Hoc erat in principio apud Deum. Omnia per ipsum facta sunt, & sine ipso factum est nihil, quod factum est, in ipso vita erat, & vita erat lux hominum, & lux in tenebris lucet, & tenebræ eam non comprehenderant. Fuit homo missus à Deo, cui nomen erat Joannes, hic venit in testimonium, ut testimonium perhiberet de lumine, erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit, & sui eum non receperunt: Quotquot autem receperunt eum, dedit eis potestatem Filios Dei fieri, his qui credunt in nomine ejus, qui non ex sanguinibus neque ex voluntate carnis, neque ex voluntate viri, sed ex Deo nati sunt: Et VERBUM CARO FACTUM EST, & habitavit in nobis, & vidimus gloriam ejus, gloriam quasi unigeniti à Patre plenum gratiæ, & veritatis. Resp. Deo gratias.

Ponit super ignem aromata pulverizata (vulgò Herren-Rauch) aspersoque aqua benedicta locò thurificat dicens:

Sicut ego Sacerdos Dei impleo hanc domum
tumo,

fumo aromatum, sic repleatur Majestate & gloria Domini, ut sit habitaculum firmissimum, tanquam solium Dei in sempiternum, & omnes habitantes in ea adorent, & laudent eum, quoniam in sæculum misericordia ejus.

Deinde accedat cubiculū aliud precedentibus uno cum cruce, altero cum candela benedicta accensa, aqua lustrali, & carbonibus. Quò si pertigerint, dicit Sacerdos:
Vers. Dominus vobiscum &c.

Vers. Sequentia S. Evangelii secundum Mattheum. Resp. Gloria tibi Domine.

CUM natus esset Jesus in Bethlehem Juda in diebus Herodis Regis, ecce Magi venerunt ab oriente Jerosolymam dicentes: Ubi est, qui natus est Rex Judæorum? vidimus enim stellam ejus in oriente, & venimus adorare eum, audiens autem Herodes Rex turbatus est, & omnis Jerosolyma cum illo, & congregans omnes Principes Sacerdotum & scribas Populi sciscitabatur ab eis, ubi Christus nasceretur. At illi dixerunt ei, in Bethlehem Juda, sic enim scriptum est per Prophetam: Et tu Bethlehem terra Juda nequaquam minima es in principibus Juda, ex te enim exiet Dux, qui regat populum meum Israel. Tunc Herodes clam vocatis Magis diligenter didicit ab eis tempus stellæ, quæ apparuit eis, & mittens eos in Bethlehem dicit: Ite & interrogate diligenter de Puerò, & cum inveneritis, renuntiatis mihi, ut & ego veniens adorem eum, qui, cum audissent Regem, abierunt, & ecce stella, quam viderant in oriente antecedebat eos, usque dum veniens staret suprà, ubi erat Puer,

videntes autem stellam gavisi sunt, gaudio magno valde, & intrantes domum invenerunt Puerum cum Maria Matre ejus, & procidentes adoraverunt eum, & apertis thesauris suis obtulerunt ei munera, aurum, Thus & Myrrham & responso accepto in somnis, ne redirent ad Herodem, per aliam viam reversi sunt in regionem suam. Resp. Deo gratias.

Ponit incensum aspersoque loco thurificans dicit:

Et ascendit fumus incensorum de manu Angeli coram Deo, & accepit Angelus thuribulum aureum, & implevit illud de igne altaris, & misit in terram, & facta sunt tonitrua, & voces, & fulgura, & terræ motus magnus.

Proceditur ad cubiculum aliud, ut supra.

Verf. Dominus vobiscum. &c.

Verf. Sequentia S. Evangelii secundum Lucam

Resp. Gloria tibi Domine.

Missus est Angelus Gabriel à Deo in civitatem Galilææ, cui Nomen Nazareth ad Virginem desponsatam viro, cui nomen erat Joseph de domo David, & nomen virginis Maria, & ingressus Angelus ad eam dixit: Ave gratia plena Dominus tecum, benedicta tu in mulieribus. Quæ cum audisset, turbata est in sermone ejus, & cogitabat, qualis esset hæc salutatio, & ait Angelus ad eam, ne timeas Maria, invenisti enim gratiam apud Deum, ecce concipies in utero, & paries Filium, & vocabis nomen ejus Jesum hic erit magnus & Filius Altissimi vocabitur: & dabit illi Dominus sedem David Patris ejus, & regnabit in domo Jacob in æternum, & regni ejus.

eius non erit finis: dixit autem Maria ad Angelum, quomodo fiet istud, quoniam virum non cognosco? & respondens Angelus dixit ei, Spiritus sanctus superveniet in te, & virtus Altissimi obumbrabit tibi, ideoque & quod nascetur ex te sanctum, vocabitur Filius Dei. Resp. Deo gratias.

Faciens aspersionem ut supra sub thurificatione dicit.

De cœlo locutus est Dominus audiente populo, ac vidente lampades, & sonitum buccinæ montemque fumantem.

Movetur processio ad aliud cubiculum.

Vers. Dominus vobiscum &c.

Vers. Sequentia S. Evangelii secundum Lucam.
Resp Gloria tibi Domine.

ET ingressus Iesus perambulabat Jericho. Et ecce vir nomine Zachæus: & hic princeps erat publicanorum, & ipse dives: & quærebat videre Iesum, quis esset: & non poterat præ turba, quia statura illius erat. Et præcurrens ascendit in arborem sycomorum, ut videret eum, quia inde erat transiturus. Et cum venisset ad locum, suspiciens Iesus vidit illum, & dixit ad eum. Zachæe festinans descende: quia hodie in domo tua oportet me manere. Et festinans descendit, & excepit illum gaudens in domum suam. Resp. Deo gratias.

Aspergit thurificatque, & ait:

Totus mons Sinai fumabat, eo quod descendisset Dominus Deus super eum in igne, & ascendit fumus ex eo, quasi de fornace.

Alterius proceditur,

Vers.

Vers. Dominus vobiscum &c.

Vers. Sequentia S. Evangelii secundum Lucam,

Resp. Gloria tibi Domine.

INtravit Jesus in quoddam Castellum, & mulier quædam Martha excepit illum in domum suam, & huic erat soror nomine Maria, quæ etiam sedens secus pedes Domini audiebat verbum illius, Martha autem satagebat circa frequens ministerium, quæ stetit, & ait: Domine, non est tibi cura, quod soror mea relinquit me solam ministrare? dic ergo illi, ut me adjuvet. Et respondens dixit illi Dominus: Martha, Martha, sollicita es, & turbaris erga plurima, porro unum est necessarium, Maria optimam partem elegit, quæ non auferetur ab ea. Resp. Deo gratias.

Iterum ut supra aspergens thurisi. ansque dicit:

Impletum est templum Dei fumo à Majestate Dei, & de virtute ejus exiit fumus exturbans omne genus dæmoniorum.

Itur ulterius.

Vers. Dominus vobiscum &c.

Vers. Sequentia S. Evangelii secundum Marcum,

Resp. Gloria tibi Domine.

NOvissimè autem recumbentibus illis undecim discipulis apparuit Jesus, & exprobravit incredulitatem eorum, & duritiam cordis, quia his, qui viderant eum resurrexisse, non crediderunt. Et dixit eis, euntes in universum mundum prædicate Evangelium omni creaturæ, qui crediderit, & baptizatus fuerit, salvus erit, qui verò non crediderit, condemnabitur. Signa

autem eos, qui crediderint, hæc sequentur : in nomine meo dæmonia ejicient, linguis loquentur novis, serpentes tollent, et si mortiferum quid biberint, non eis nocebit, super ægros manus imponent, & bene habebunt, & Dominus JESUS, postquam locutus est eis, assumptus est in cœlum, & sedet à dexteris Dei: illi autem professi prædicaverunt ubique Domino cooperante, & sermonem confirmante sequentibus signis.

Resp. Deo gratias.

Fit aspersio, & fumigatio dicendo:

Totus mons Sinai fumabat, eò quòd descendisset Dominus DEUS super eum in igne, & ascendit fumus ex eo quasi de fornace.

Per actis omnibus redit ad locum unde exiit, ubi positum in apta mensula inter benedictas ardentèsque candelas, Crucifixum genuflexus adorans dicit:

Adoramus te Christe, & benedicimus tibi, quia per crucem tuam redemisti mundum.

Vers. Omnis terra adoret te, & psallat tibi.

Resp. Psalmum dicat nomini tuo Domine.

Oremus.

A Desto nobis Domine DEUS noster, ut quos S. Crucis facis lætari honore, eos quoque perpetuis defendas subsidiis. Per Dominum &c.

Oremus.

DEUS, qui crucis patibulum, quod prius sceleratis erat ad pœnam, convertisti redemptis ad vitam: concede plebi tuæ, eius vallari præsidio, cujus est armata vexillo: sit ei crux fidei firmamentum, spei suffragium, in adversis defen-

fenfio, in prosperis adjuvamen, fit ei in hostes victoria, in civitate custodia, in campis protectio, in domo tutela contra sæva jacula inimicorum. Per eundem &c.

Surgens Sacerdos, stans legit sequentia.

Lectio libri Regum. 2. R. 6.

HAbitavit arca Domini in domo Obededom Gethæi tribus mensibus & benedixit Dominus Obededom, & omnem domum ejus. Nuntiatumque est Regi David, dixitque David, ibo, & reducam arcam cum benedictione, in domum meam, tu autem Domine miserere nobis.
Resp. Deo gratias.

Exorcismus.

EXorcizo te, immundissime spiritus, omnisque incurfio satanæ in nomine Patris † & Filii † & Spiritus † sancti, ut recedas ab his locis habitationis, & quietis fidelium, nec deinceps quidquam molestiæ aut infestationis inferre audeas, adjuratus. Sanctus Angelus Raphael, qui tereprellit à Tobia & Sara, te etiam disperdat de domo & loco isto, de angulis, lectis, & universis locis, in quibuscunque famulantes DEO habitant, & quiescunt, dormiunt, & vigilant, aut consistunt. Nec audeas maligne spiritus, & immunde inquietare, aut molestias & maleficia suscitare contra eos, qui sancti Chrismatis unctione sunt uncti. Per eum, qui venturus est judicare vivos & mortuos, & sæculum per ignem.
Resp. Amen.

Postea aspergat aqua benedicta loca, quæ potest tangere, & asperfio ista fiat per singulos Exorcismos.

Secundus Exorcismus.

OMnipotens DEUS, qui est rerum Creator, custosque fidelium, clementer respicere dignetur ad nostræ fragilitatis ministerium, ut ad introitum nostrum per benedictissimi & tremendi Nominis Jesu invocationem, in quo fluctatur omne genu, cælestium, terrestrium, & infernorum, mundetur, benedicatur, & sanctificetur habitatio ista, cum locis adjacentibus, discedat omne phantasma, & nequitia, ac versutia diabolicæ fraudis, omnisque immundus spiritus, & si quid est, quod incolumitati inhabitantium invidet, aut quieti, nostræ humilitatis suffragiis effugiat per intercessionem totius cœlestis exercitus, Apostolorum, Martyrum, & omnium Sanctorum, quorum præsentia, & assistentiâ suffulti in nomine Salvatoris nostri Jesu Christi adjuramus, & urgemus hinc discedere, per signum sanctæ & crucis immundum spiritum, præcipimus, ut impofterum cesset omnis infestatio ejus, & cunctæ ejus præstigiæ, & phantasmata eradicentur, terrorque venenosi procul pellatur, per eum, qui venturus est judicare vivos & mortuos, & sæculum per ignem. Resp. Amen.

Exprobratio.

Time judicia Dei maledicte dæmon, expavesce iram Omnipotentis, perspice iniquitates tuas, quibus graviter deliquisti, & verum bonum neglexisti: da locum voluntati Dei, qui tibi jubeat, ut statim ab hac domo recedas, nec eam temerè invadere, & molestare præsumas, & habitatores ejus inquietare: Quapropter adjuro

juro te per Deum omnipotentem, qui cuncta ex nihilo creavit, & superbiam tuam fregit, per Jesum Christum Dominum nostrum, qui est spes nostra, & salus æterna, qui facit bonitatem cum servis suis secundum multitudinem misericordiarum suarum, qui expansis in cruce manibus & nudo corpore pro peccatis nostris, Deo Patri sponte se obtulit, cujus Passionis merita, & virtus nobis cesserunt ad gloriam, tibi verò in confusionem, ut recedas ab loco isto, & habitatoribus ejus intelligens, & sentiens vires tibi fractas, & dominationem quam antea tyrannicè in genus humanum exercuisti, tibi ademptam. Ergo humiliare sub manu Altissimi, qui ab Ecclesia sua, quidquid est noxium, sua virtute depellit, & quod salutare est, eidem largitur, qui suos fideles contra insidias vestras potenter defendit, & suam (quæ non potest falli) gubernatione conservat, quod & nobis concedat Pater † & Filius † & Spiritus † sanctus. Resp. Amen.

Aspergitur iterum, & prosequitur.

PEto Domine, per tuam bonitatem, ut hæc domus & locus sit benedictus à tua sancta dextera, ut sit ignis ardens dæmonibus, qui semper fugiant confusi, nec ullo modo possint stare & latere die, vel nocte: ut omnes habitantes securi sint, & quiescant in sua pace, sine turbatione, sine strepitu, & sine aliquo nocumento diabolico, sed tua benedictio sit super hanc domum & locum istum, & super omnes habitantes in eo, Resp. Amen.

*Benedicat denique omnes habitatores genuflexos
hoc modo.*

Fratres Charissimi. Deo gratias.

MAnete pacificè in domo vestra, & cor vestrum sit jucundum, det vobis requiem Dominus, & pacem & consolationem undique ab universis inimicis vestris. Aperiat Dominus thesaurum suum optimum cœlum, & tribuat pluviam in tempore suo terræ, & benedicta sit ipsa terra ad reddendos fructus, & ad cunctorum abundantiam, quæ vobis sunt in usu, abundareque vos faciat omnibus bonis sicut abundare fecit Populum Israël perseverantem in mandatis suis: Bene + dicat vos DEUS in throno suo stantes, ambulantes, & consedentes, ac dormientes, ut in numero prædestinatorum, & domus vestra vigeat usque ad tertiam & quartam generationem, ac in ævum felix conservetur, & omne consilium cordis vestri, suâ virtute corroboret, & glorietur in vobis sancta Jerusalem, & sint nomina vestra in numero sanctorum, & iustorum, & domus vestra in sanctificatione permaneat, & tandem benedictio Dei omnipotentis Patris + & Filii + & Spiritus + sancti, descendat super domum istam, & super omnes habitantes in ea; ut possint devotè orare, quietè dormire, bibere, & alia naturalia agere, & liberè exercere, per Dominum nostrum JESUM Christum, qui iudicaturus est vivos & mortuos, & sæculum per ignem.

Aspergat genuflexos aquâ benedicta.

4.

**Benedictio Domus vel loci, ne ab igne
comburatur.**

Verf. Adjutorium nostrum &c.

Verf. Sit nomen Domini &c.

Resp. Ex hoc nunc &c.

HEl, Heloim, Sother, Emmanuel, Sabaoth;
Agla, Tetragrammaton, Hagios, Otheos,
Ischyros, Athanatos, Jehova, Adonai, Saday,
Messias, Increatus + Pater, increatus + Filius in-
creatus + Spiritus S. Jesus Christus Rex gloriæ +
venit in pace. Verbum Caro factum est + Deus
factus est homo, Christus + vincit, Christus +
regnat, Christus + imperat, Christus à flamma
ignis, & percussione fulguris hanc domum de-
fendat, atque custodiat.

Verf. A flamma ignis, incendio, ac fulgure,

Resp. Hanc domum libera Domine,

Oremus.

TEDEUM Patrem omnipotentem suppliciter
exoramus pro hac domo, & habitatoribus
ejus ac rebus omnibus, ut eam benedicere, san-
ctificare, & per signum S. Crucis protegere,
à flamma ignis, percussioneque fulguris con-
secrare, ac bonis omnibus replere digneris. Be-
nedic igitur Domine, & sanctifica domum
hanc, sicut benedixisti domum Abraham, Isaac
& Jacob, & intra parietes ejus Angeli tuæ lucis
inhabitent, eamque & habitatores ejus ab in-
cendio, fulgure, & malignitate spectrorum sem-
per custodiant. Per Christum &c.

T 4

Be-

Benedictio DEI omnipotentis Patris, & Filii, & Spiritus sancti descendat super hanc domum, & super habitantes in ea, & maneat semper Amen.

Aspergatur.

5.

Benedictio Praxatorii, vel alterius officinae,

Convenit cum benedictione domus nova, vel loci, mutatis mutandis, vide etiam benedictionem novi Monasterii, si coquinam &c. beneducere velis.

6.

Benedictio Horrei.

Verf. Adjutorium nostrum &c.

Verf. Sit nomen Domini benedictum &c.

Verf. Domine exaudi &c.

Verf. Dominus vobiscum &c.

Oremus.

OMnipotens & misericors DEUS, qui ubique praesens es: Majestatem tuam suppliciter exoramus, ut potentia tua huic Horreo adesse dignetur, quae cuncta adversa ab eo repellat, & abundantiam benedictionis tuae ei largiter infundat. Per Christum &c.

Oremus.

Domine DEUS omnipotens, qui audientibus mandata tua, per Moysen famulum tuum promissisti benedictionem tuam dicens: benedicta horrea tua, & benedictus fructus terrae tuae Bonitatem tuam humiliter imploramus, ut horreum istud dextrâ sanctâ tuâ bene + dicere, & ab omnibus adversis tueri digneris. Defende, quæsumus,

sumus, Domine horreum hoc cum omnibus rebus suis, ab igne, tempestate, fulgure, ruina, & ab omnibus tribulationibus inimicorum, ut famuli, qui illud benedici expetierunt, de tua custodia glorientur, & benignitatem tuam sine fine collaudent. Per Christum &c.

Aspergatur.

7.

Benedictio stabuli equorum, boum, & aliorum armentorum.

Verf. Adjutorium nostrum in nom. &c.

EXaudi nos Domine sancte, Pater omnipotens, æterne Deus, ut sicut domos Hebræorum, in Ægypto sanguine agni asperlas custodisti, in eorum exitu de Ægypto ab Angelo percutiente: ita mittere digneris sanctum Angelum tuum de cœlis, qui custodiat, foveat, protegat, visitet atque defendat stabulum, seu locum istum à maleficiis, fraudibus, & ab omnium inimicorum insidiis. Per Christum Dominum nostrum. Amen.

Oremus.

Benedic Domine, locum istum, & defende illum, cum omnibus jumentis (vel pecoribus &c.) ab omni mala tempestate, ab igne, & infirmitate, ab ira ventura, & ab omnibus diabolicis tribulationibus & insidiis: & tu Deus, qui unigenitum filium tuum ac Redemptorem nostrum, in jumentorum stabulo nasci, & collocari voluisti, ejus esse velis habitator, & custos

T s

cum.

cumque ab omni malo custodire digneris. Per Christum &c. Resp. Amen.

Aspergatur aqua benedicta.

Exorcismus.

Si stabulum sit infestum.

EXorcizo te dæmon maledictæ, immunde & maligne spiritus, quicumque stabulum istud & animalia ista, utpote Dei vivi ac veri creaturas affligere, & vexare præsumis, & adjuro te per Deum † vivum, per Deum † verum, per Deum † sanctum, ut ex eas & recedas ex hoc loco seu stabulo, nec unquam huc reverti præsumas. Neque hic, aut alibi existentibus jumentis damnum aut pavorem immittas, aut quodcunque maleficium in detrimentum vitæ, sanitatis & utilitatis illorum inferas, Per eum, qui te in stabulo crucis vicit, & arma, in quibus confidebas abstulit, spoliaque distribuit, quique statuto tempore venturus est judicare vivos & mortuos, & sæculum per ignem. Amen.

Aspergatur.

Iterum adjuro vos, O maligni spiritus, per creatorem cœli & terræ: per incarnationem D. N. Jesu Christi, ejusque circumcisionem, baptismum, & jejunium; per crucem, clavos, & lanceam; per passionem, mortem, & sepulturam, per resurrectionem, ascensionem, & futurum judicium: per gloriosam V. Mariam; omniumque SS. merita & intercessionem, ut nunquam amplius habeatis accessum ad hoc stabulum in detrimentum hominum, animalium aut quarumcunque rerum humanæ utilitati à Deo indultarum. In nomine Patris &c.

Vers.

Verf. Domine exaudi &c.

Verf. Dominus vobiscum &c.

Oremus.

Domine DEus, Pater omnipotens, rerum omnium Creator, & conservator, defende nos & pecora ista, defende dona tua, defende familiam tuam, defende, & benedic hoc stabulum per virtutem aquæ à te, ministerio Ecclesiæ tuæ, benedictæ; & per invocationem sacratissimæ Trinitatis, Patris, & Filii, & Spiritus + sancti, sanctificatæ (*Aspergatur*) exterminetur diabolus, & omnia maleficia ejus à loco isto, & à terminis Fidelium te invocantium, per virtutem S. nominis tui, & per merita omnium SS. Patriarcharum, Prophetarum, Apostolorum, Martyrum, Confessorum, Virginum, omniumque Sanctorum, nosque & pecora hæc ab omni malo præservare, custodire, & liberare digneris. Per Dominum &c.

Et Benedictio Dei omnipotentis Patris, & Filii, & Spiritus + sancti, descendat super hoc stabulum & maneat semper Amen.

8.

Benedictio Columbarii, Gallinarii, & similibus receptaculorum pro avibus.

Verf. Adjutorium nostrum &c.

Verf. Dominus vobiscum &c.

Oremus.

DEus æternæ, ante cujus conspectum assistunt Angeli, & cujus nutu reguntur universa, qui etiam necessariis humanæ fragilitatis rebus, tua

tua pietate consulere non desinis : quique das
escam omni carni, & imples omne animal bene-
dictione, te suppliciter imploramus, ut hoc co-
lumbarium (vel Gallinarium, vel habitaculum
anserum, vel anatum &c.) tua benedictione per-
fundas, ut ejusdem benedictionis t copiam in nos
servos tuos redundante, cum gratiarum actione,
tuæ Majestatis gloria exaltetur. Per Dominum &c.

Oremus.

DEus universæ creaturæ, qui inter cætera di-
versarum creaturarum species, & pro hu-
mani generis usu, etiam volatiliū genus ex a-
qua producere dignatus es, ex quibus Noë de ar-
ca egrediens, holocausta tibi offerens placuit :
& qui populo tuo ex Ægypto educto per Moy-
sen servum tuum, munda ab immundis segre-
gans, edendi præceptum dedisti : te supplices ro-
gamus, ut has mundarum avium carnes benedi-
dicere, & sanctificare digneris, ut quicumque ex
eis comederint, benedictionis tuæ abundantia
repleantur & ad æternæ vitæ gaudia pervenire
mereantur. Per Christum Dominum nostrum,
Amen.

9.

Benedictio Piscinæ.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Psal. Domine Dominus noster, quàm ad-
mirabile est &c. *Ex Matut. Dom. Psal. 4. vel noct. 1.*
Confess. &c. Cum Gloria Patri &c.

Kyrie

Kyrie eleison. Christe eleison. Kyrie eleison.
Pater noster. *secretò &c.*

Vers. Et ne nos inducas in tentationem &c;

Vers. Domine exaudi &c.

Vers. Dominus vobiscum. &c.

Oremus.

Magnifica, quæsumus, Domine Deus, super nos misericordiam tuam. Et sicut multiplicasti quinque panes, & duos pisces in deserto, ex quibus satiasti turbam quinque millium virorum: Ita nunc tua potentissima, & providentissima benedictione has aquas (vel piscationem) & in eis contentos pisces (vel qui in eis generantur) benedicere, conservare, & ad humanos usus multiplicare, & ab omni fascinatione, & inimicorum infestatione custodire digneris, ut tua liberalitate refectioni cum gratiarum actione nomen tuum laudare valeamus: Per Christum Dominum nostrum, Amen.

Si placeat sequens Evangelium addere, dicat:

Vers. Dominus vobiscum &c.

Sequentia sancti Evangelii secundum Joann.

In illo tempore manifestavit se iterum JESUS discipulis ad Mare Tiberiadis. Manifestavit autem sic: Erant simul Simon Petrus, & Thomas, qui dicitur Didymus, & Nathanaël, qui erat à Cana Galilææ, & Filii Zebedei, & alii ex discipulis ejus duo. Dicit eis Simon Petrus: Vado piscari. Dicunt ei: Venimus & nos tecum. Et exierunt: & ascenderunt in navem, & illa nocte nihil prendiderunt. Mane autem facto stetit Jesus in littore: non tamen cognove-

TUNE

runt discipuli, quia JESUS est. Dixit ergo eis JESUS : pueri nunquid pulmentarium habetis ; Responderunt ei, non. Dicit eis : Mittite in dextram navigii rete, & invenietis. Miserunt ergo & jam non valebant illud trahere præ multitudine piscium. Dixit ergo discipulus ille, quem diligebat JESUS, Petro : Dominus est. Simon Petrus cum audisset, quia Dominus est, tunica succinxit se (erat enim nudus) & misit se in mare. Alii autem discipuli navigio venerunt (non enim longè erant à terra, sed quasi cubitis ducentis) trahentes rete piscium. Ut ergo descenderunt in terram, viderunt prunas positas, & piscem superpositum & panem. Dicit eis JESUS, afferte de piscibus, quos prendidistis nunc. Ascendit Simon Petrus, & traxit rete in terram, plenum magnis piscibus centum quinquaginta tribus. Et cum tanti essent, non est scissum rete. Dicit eis JESUS : Venite, prandete. Et nemo audebat discumbentium interrogare eum, Tu quis es ? scientes, quia Dominus est. Et venit JESUS, accipit panem, & dat eis, & piscem similiter. Hoc jam tertio manifestatus est JESUS discipulis suis, cum resurrexisset à mortuis.

Oremus.

DEUS, cujus providentia, in sua dispositione non fallitur, à quo bona cuncta procedunt, sine quo nihil est validum, nihil sanctum, Te supplices deprecamur, ut benedictio, cœlestis gratiæ tuæ rore hanc aquam benedicere digneris, ut ad usus fidelium tuorum, contra omnes inimicorum & maleficiorum insidias, piscium mul-

multitudinem ex ea extrahentes, Te summum
creatorem & dispensatorem, cum gratiarum
actione, agnoscant, & venerentur, Rogamus e-
tiam te Domine, ut labores manuum servorum
tuorum non despicias, sed tua sanctissima be-
nedictione ab eis cuncta noxia submoveas, &
omnia eis bona profutura concedas. Per Do-
minum nostrum JESUM Christum Filium tuum.
qui tecum vivit & regnat in sæcula sæculorum.
Amen.

*Potest hic addi Antiph. Beata Mater & intacta
virgo, gloriosa regina mundi, intercede pro no-
bis ad Dominum.*

Postea

Magnificat.

*Interim aspergitur piscina, vel piscationis locus aqua
benedicta. Repetitur*

*Antiph. Beata Mater & intacta virgo, gloriola
Regina mundi, intercede pro nobis ad Domi-
num. Amen.*

*Benedictio Dei omnipotentis Patris, & Fi-
lii, & Spiritus sancti, descendat super hanc a-
quam, & super nos omnes, & maneat semper.
Amen.*

10.

Benedictio novi putei vel fontis.

Ÿ. Adjutorium nostrum &c.

Vers. Sit nomen Domini benedictum.

Resp. Ex hoc nunc & usque in sæculum.

Vers. Domine exaudi &c.

Vers. Dominus vobiscum. &c.

Ore:

Oremus.

Supplises deprecamur Domine, clementiam pietatis tuæ, ut aquam putei hujus cœlesti benedictione sanctifices, & ad communem vitæ usum concedas esse salubrem : Et ita ex ea fugare digneris omnem diabolicæ tentationis incursum, ut quicumque ex eo hauserint, vel biberint, vel in quibuscunque necessariis usibus hauriâ aquâ usi fuerint, totius virtutis, ac sanitatis dulcedine perfruantur, ut tibi sanctificatori & Salvatori, omnium Domino gratias agere mereantur. Per Christum &c.

Oremus.

Domine DEUS omnipotens, qui in hujus putei altitudinem, per crepidinem fistularum copiam aquarum manare jussisti, præsta, ut te jubente, atque benedicente, per nostræ officii functionis repulsis hinc phantasmatis, calliditatibus, atque insidiis diabolicis purificatus, atque emendatus semper hic puteus perseveret. Per Dominum nostrum Jesum Christum Filium tuum, qui tecum vivit & regnat &c.

Aspergatur.

II.

**Benedictio furnelli, seu fornacis fusoriæ
metallicæ, vel coëctoriæ lapidum.**

Primò aspergatur fornax aqua benedicta, per circuitum, deinde dicitur:

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Ore.

Oremus.

OMnipotens sempiternus DEUS, effunde benedictionem tuam, super hunc furnum, eumque benedicere & conservare tua pietate digneris: ut per gratiam tuam, & benedictionem nostram ad summam perfectionem suam perveniat. Per Dominum nostrum IESUM Christum Filium tuum, qui tecum vivit & regnat in unitate Spiritus sancti DEUS, per omnia secula seculorum. Amen.

Si furnus jam accensus sit.

12.

Benedictio ignis in fornace, vel in officina alia.

Vers. Adjutorium nostrum &c.

Vers. Domine exaudi &c.

Vers. Dominus vobiscum, &c.

Oremus.

Domine Deus noster, Pater omnipotens, lumen indeficiens, conditor omnium hominum, exaudi nos famulos tuos, & benedic hunc ignem, qui tua sanctificatione, atque benedictione consecratur. Tu illuminas omnem hominem venientem in hunc mundum, illumina tenebras cordis nostri, & conscientias nostras igne tue charitatis, ut tuo lumine igniti, & accensi expulsis à cordibus nostris peccatorum tenebris, ad vitam, te illustrante, pervenire mereamur, Per Christum Dominum nostrum. Amen.

Oremus.

Domine sancte, Pater omnipotens, æterne
U Deus,

DEUS, in nomine tuo, & Filii tui Domini nostri
JESU Christi, & Spiritûs sancti benedicimus, &
sanctificamus hanc creaturam ignis: Tu quo-
que eam virtute tua corrobora, & ad nostram
salutem provenire concede. Per Dominum
nostrum JESUM Christum Filium tuum, qui te-
cum vivit & regnat in unitate Spiritus sancti
DEUS per omnia sæcula sæculorum. Amen.

13.

Benedictio Campanæ dum ære conflatur,

℣. Adjutorium nostrum &c.

*Deinde dicitur Psalmus 150. Laudate Dominum
in sanctis ejus: Ex Laud. Dom.*

Quo finito sacerdos dicit clara voce:

Kyrie eleison. Christe eleison Kyrie eleison.
Pater noster.

Vers. Et ne nos inducas in tentationem. &c.

Vers. Sit nomen Domini benedictum &c.

Vers. Domine exaudi &c.

Vers. Dominus vobiscum &c.

Oremus.

Bene + dic Domine hoc metallum ignitum,
quod benedicere statuimus. Quæsumus
Domine, tuâ gratiâ perfundere digneris, & tua
virtute obumbres, ut tuâ clementiâ favente,
quod desideramus, attingamus ad laudem &
gloriam DEI omnipotentis, & ad honorem san-
cti N. vel sanctæ N. (*hic exprimitur nomen sancti, cui
campana dicanda, & cujus nomine intitulanda est*) Per
Christum Dominum nostrum. Resp. Amen.

Aspergatur.

Cum

*Cum iam conflata, seu perfecta campana fuerit, dictis
psalmo, & versibus, ut supra, Sacerdos dicit :*

Oremus.

DEUS qui per sanctum Moysen legiferum fa-
mulum tuum, tubas argenteas fieri præce-
pisti, quibus, dum levitæ tempore sacrificii clan-
gerent, sonitûs dulcedine populus monitus ad
te adorandum fieret præparatus, & ad celebra-
ndum conveniret : præsta quæsumus, ut hoc va-
sculum sanctæ tuæ Ecclesiæ præparatum (à Spi-
ritû sancto) per nostræ humilitatis obsequium
sanctificetur, ut per illius tactum & sonitum fi-
deles invitentur ad sanctam Ecclesiam, & ad præ-
mium supernum. Et cum melodia illius auri-
bus insonuerit populorum, crescat in eis devo-
tio fidei, procul pellantur omnes insidiæ inimi-
ci, fragor grandinum, & impetus tempestatum,
temperentur infesta tonitrua; prosternat aëreas
potestates dextera tuæ virtutis, ut hoc audien-
tes tintinnabulum contremiscant & fugiant ante
S. Crucis vexillum in eo depictum; quod ipse
Dominus noster Iesus Christus præstare digne-
tur, qui absorpta morte per patibulum crucis
regnat in gloria DEI Patris, cum eodem Patre &
Spiritu sancto, per omnia sæcula sæculorum. *Am.*

Aspergatur.

14.

*Benedictio alia longior furni, seu fornacis
coctoriæ vel fusoriæ.*

Vers. Adjutorium nostrum &c.

Vers. Domine exaudi &c.

U 2

Vers

Verf. Dominus vobiscum &c.

Antiph. Emitteret verbum suum, & liquefaciet ea.

Psalmus 126.

Nisi Dominus ædificaverit domum, in vanum laboraverunt, qui ædificant eam.

Nisi Dominus custodierit civitatem, frustra vigilat, qui custodit eam.

Vanum est vobis ante lucem surgere, surgite postquam federitis, qui manducatis panem doloris.

Cum dederit dilectis suis somnum: ecce hæreditas Domini filii: merces, fructus ventris.

Sicut sagittæ in manu potentis; ita filii excussorum.

Beatus vir, qui implevit desiderium suum ex ipsis: non confundetur, cum loquetur inimicis suis in porta.

Psalmus 147.

Lauda Jerusalem Dominum, lauda Deum tuum Sion.

Quoniam confortavit feras portarum tuarum: benedixit filiis tuis in te.

Qui posuit fines tuos pacem: & adipe frumenti satiat te.

Qui emittit eloquium suum terræ: velociter currit sermo ejus.

Qui dat nivem sicut lanam, nebulam sicut cinerem spargit.

Mittit cristallum suum sicut buccellas: ante faciem frigoris ejus quis sustinebit.

Emit-

Emittet verbum suum, & liquefaciet ea: flabit spiritus ejus, & fluent aquæ.

Qui annuntiat verbum suum Jacob, justitias & judicia sua Israël.

Non fecit taliter omni nationi: & judicia sua non manifestavit eis.

Gloria Patri &c.

Psalm. 133.

ECce nunc benedicite Dominum omnes servi Domini.

Qui statis in domo Domini, in atriis domus Dei nostri.

In noctibus extollite manus vestras in sancta, & benedicite Dominum.

Benedicat te Dominus ex Sion, qui fecit cælum & terram.

Postea dicuntur Litania omnium Sanctorum quibus finitis

Pater noster.

Vers. Et ne nos inducas in tentationem &c.

Vers. Mitte nobis Domine auxilium de sancto.

Resp. Et de Sion tuere nos.

Vers. Esto nobis Domine turris fortitudinis.

Resp. A facie inimici.

Vers. Nihil proficiat inimicus in nobis. Resp.

Et filius iniquitatis non apponat nocere nobis.

Vers. Domine Deus Virtutum converte nos.

Resp. Et ostende nobis faciem tuam, & salvi erimus.

Vers. Domine exaudi &c.

Vers. Dominus vobiscum.

Oratio.

OMnipotens sempiterne DEUS, cujus natura bonitas, cujus voluntas potentia, cujus opus misericordia est: qui hominem ad imaginem, & similitudinem tuam fecisti, terrenaque sub pedibus ejus omnia subjecisti: solitam No-
mini tuo abundantiam humiliter imploramus, quatenus tu, qui altare tuum de lapidibus constructum levigare calce Deuteronomio jussisti, hunc clibanum seu furnum calcearium (*vel fusorium*) fructuosum reddas, & aptum, ut per ignem, vim virtutis suæ exercentem, aptatores hujus operis, calcem (*vel ferramenti materiam*) recipiant congruentem: nos quoque gloriosam Majestatis tuæ potentiam imploramus, quam præsentem ubique suffragantem, misericorditer sentiamus. Per Dominum nostrum JESUM Christum Filium tuum, qui tecum vivit & regnat in unitate Spiritûs sancti DEUS, per omnia sæcula sæculorum. Amen.

Oremus.

DEUS, qui corda fidelium sancti Spiritûs illustratione docuisti: da nobis in eodem spiritu recta sapere, & de ejus semper consolatione gaudere.

Omnipotens sempiterne Deus, ædificator & custos Jerusalem supernæ civitatis, custodi locum istum, & omnia loca nostra cum habitatoribus suis, sit in eis domicilium incolumitatis & pacis.

Fidelium Deus omnium Conditor & Redemptor animabus famulorum famularumque tuarum,

rum, remissionem cunctorum tribue peccatorum, ut indulgentiam, quam semper optaverunt, piis supplicationibus consequantur.

Actiones nostras quæsumus Domine, aspi-
rando præveni, & adjuvando prosequere: ut
cuncta nostra oratio & operatio à te semper in-
cipiat, & per te cœpta finiatur. Per Christum
Dominum nostrum, Amen,

Oremus.

Benedic Domine hunc furnum ad recipien-
dam materiam calcis (vel ferri) fructuosam,
tua benedictione cœlesti, & assistat super eum
virtus Spiritus sancti, & ab eo longè recedat
virtus inimicorum, & spiritus procellarum. In
nomine Patris, & Filii, & Spiritus sancti, Am.

Aspergatur.

15.

**Benedictio Camporum, pratorum, pascuo-
rum, alpium.**

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oratio.

DEUS à quo omne bonum sumit initium, &
semper ad potiora progrediens percipit in-
crementum: concede, quæsumus, supplicanti-
bus nobis, ut quod ad laudem nominis tui in-
choare aggredimur, æterno tuæ sapientiæ mu-
nere ad terminum perducatur. Per Dominum
nostrum **JESUM** Christum Filium tuum &c.
Amen.

Oratio.

OMnipotens æterne Deus, qui sacerdotibus tuis præ cæteris gratiam conferre dignatus es, ut quidquid in tuo nomine, ab iis dignè & perfectè agitur, à te fieri credatur: quæsumus clementiam tuam; ut quod modò visitaturi sumus, Tu quoque visites, & quod benedicturi sumus, Tu quoque benedicas, & ad ea, quæ acturifumus, tuæ potentiaæ dexteram extendas: sit ad humilitatis nostræ ingressum, Sanctorum tuorum meritis, & intercessionibus fuga dæmonum & tuorum ingressus Angelorum. Per Christum Dominum &c.

Dicantur litania omnium Sanctorum.

Et post versum: ut animas nostras &c. sacerdos surgens dicat.

Ut hos campos, alpes, & pascua (vel agros vel prata &c.) beneddicere digneris, Te rogamus audi nos.

Ut hos campos (vel alpes, vel pascua, vel agros vel prata &c.) beneddicere, & sanctificare digneris. Te rogamus audi nos.

Ut hos campos (vel alpes vel pascua &c.) beneddicere, sanctificare, conservare, & ab omni dæmonum infestatione custodire digneris. Te rogamus audi nos.

Ut dæmonum maleficia dissolvere extirpare & in nihilum redigere digneris, Te rogamus audi nos.

Ut fulgura, grandines, sævas tempestates, & noxias aquarum inundationes à loco isto clementer expellere, & effugare digneris. Te rogamus audi nos.

Dei-

Deinde prosequitur, & absolvit Litanias.

Ut fructus terræ dare &c. Post

Kyrie eleison, Christe eleison, Kyrie eleison.

Pater noster. *secretò.*

Vers. Et ne nos inducas in tentationem. &c.

Vers. Emitte spiritum tuum, & creabuntur.

Resp. Et renovabis faciem terræ.

Vers. Dominus dabit benignitatem. Resp. Et terra nostra dabit fructum suum.

Vers. Domine exaudi orationem meam &c.

Vers. Dominus vobiscum &c.

Oremus

Pletatem tuam, Omnipotens Deus, humiliter imploramus: ut hos campos (vel alpes vel prata vel pascua) quæ aëris temperamento nutrire dignatus es, tuæ benedictionis imbre perfundere digneris, tribuens populo tuo, de tuis muneribus, tibi semper gratias agere, & pulsâ sterilitate terræ, esurientium animos bonis affluentibus replere, ut egeni & pauperes laudent nomen gloriæ tuæ in sæcula, Amen.

Postea sacerdos circuit campos, vel agros, vel pascua quantum licet aspergendo & recitando aliquos Psalmos Graduales, post ultimum Gloria Patri dicitur.

Kyrie eleison. Christe eleison. Kyrie eleison.

Pater noster &c.

Vers. Et ne nos inducas in tentationem &c.

Vers. Domine exaudi &c.

Vers. Dominus vobiscum &c.

Oremus.

Benedic, quæsumus Domine, & sanctifica hos campos (vel alpes, vel pascua, prata &c:)

U s

&

& omnem ubertatem eis concede in centuplum,
& multiplica fructus ejus, ut viventes servi tui in
exultatione manipulos colligant, & te semper
laudent, & benedicant. Per Dominum nostrum
Jesum Christum filium tuum, qui tecum vivit &
regnat in unitate Spiritûs sancti Deus per omnia
sæcula sæculorum Amen.

Benedictio.

Benedictio Dei Patris † & omnium Angelo-
rum, Benedictio Dei Filii † & omnium A-
postolorum. Benedictio Spiritûs sancti † & om-
nium cælestium Virtutum. Benedictio beatæ
Mariæ Virginis † & omnium Sanctorum. Be-
nedictio Ecclesiæ Catholicæ † & omnium fide-
lium. Et benedictiones omnium Sacerdotum †
Dei, quas formârunt & formaturi sunt, veniant
super hos campos (vel agros &c.) ut virtute ha-
rum benedictionum sitis salus omnibus frugibus
& fructibus: in nomine Patris † & Filii † & Spiri-
tus sancti † Amen.

Hæc benedictio etiam adbiberi potest pro agris solis.



CAPUT SEXTUM.

Benedictiones Animalium pro utili-
bus, & contra noxia, nec non contra male-
ficia lactis, butyri &c.

I.

Benedictio jumentorum, & pecorum, bo-
um, ovium, caprarum, porcorum muta-
tis mutandis.

Verf.

Vers. Adjutorium nostrum &c.

Vers. Dominus vobiscum &c.

Oremus.

Misericordiam tuam supplices exoramus, ut hæc jumenta & animalia in nomine tuo benedictionis tuæ virtute, ab omni diabolica fraude, & potestate, & à quocunque morbo conservare digneris. Tu eis, Domine, sis defensio, & subsidium vitæ, & remedium sanitatis, & multiplica ea tuæ misericordiæ benignitate, ut honorificetur Nomen sanctum tuum in sæcula. Amen.

Oremus.

Exaudi nos, sancte Pater, omnipotens æterne Deus, ut sicut domos Hebræorum in exitu de Ægypto, agni sanguine conspersas ab Angelo percutiente custodisti: ita mittere digneris sanctum Angelum tuum de cœlis, qui custodiat, protegat, atque defendat jumenta, & pecora ista ab igne, & infirmitate, à tempestate, & ab ira ventura, à rapacibus, à scabie, morbis, & moribus, à laqueis, à diabolo, & ministris ejus, ab insidiis inimicorum omnium visibilium, ab invidia & malitia perversorum hominum, à malis occultis, & maleficiis, à veneficiis, & ab omnibus diabolicis fraudibus, quocumque modo factis, vel procuratis; ut laudetur & magnificetur nomen sanctum tuum, & gloriosum. Per Dominum nostrum Jesum Christum &c. Resp. Amen.

2.

Benedictio columbarum, gallinarum, Anserum, & similibus avium.

Vers. Adjutorium nostrum &c.

Vers. Dominus vobiscum &c.

Oremus.

DEus universæ creaturæ, qui inter cæteras diversarum creaturarum species, & pro humani generis usu, etiam volatiliū genus ex aqua producere dignatus es, quibus Noë arcā egrediens, holocausta tibi offerens placuit: & qui populo tuo ex Ægypto educto per Moysen servum tuum, munda ab immundis segregans, edendi præceptum dedisti: te supplices rogamus, ut has mundarum avium carnes beneddicere, & sanctificare digneris, ut quicumque ex eis comederint, benedictionis tuæ abundantia repleantur, & ad æternæ vitæ gaudia pervenire mereantur. Per Christum &c. Amen.

Aspergentur aquâ benedictâ.

3.

Benedictio animalium, quando morbus grassatur in pecora &c.

Primò dicantur litanie omnium SS. flexis genibus:

Peccatores. Te rogamus &c.

Ut nobis parcas. Te &c.

Ut nobis indulgeas. Te &c.

Sacerdos surgens dicat:

Ut hæc pecora beneddicere digneris. Te &c.

Ut hæc pecora beneddicere & custodire digneris. Te &c.

Ut

Ut hæc pecora benedicere, custodire, & ab omni morbo † liberare digneris. Te &c.

Deinde genuflexus prosequatur :

Ut ea ab omni contagione præservare digneris. Te &c.

Ut omne nocumentum ab eis auferre digneris. Te &c.

Ut nos audire digneris. Te &c.

Usque ad finem.

Agnus Dei &c.

Pater noster.

Vers. Et ne nos inducas in tentationem &c.

Vers. Domine exaudi &c.

Vers. Dominus vobiscum. &c.

Oremus.

DEus omnipotens, Pater D. N. Jesu Christi, cujus verbo cœli firmati sunt, cui omnis creatura deservit, cujus potestati omnia subjecta sunt : cujus audito nomine serpentes conquiescunt, dracones fugiunt, viperæ silent, scorpiones extinguuntur, reguli vincuntur, venenata non nocent, cunctaque ferocia animalia terrentur. Tu ab his pecoribus omnes diaboli fraudes repelle, ferarum incurias amove, venena rescinde, eaque ab omnibus infirmitatibus, adversitatibus & periculis libera. Dignare Domine, per nomen sanctum dilectissimi filii tui, & per intercessionem B. Mariæ Matris ejus, perque merita omnium Sanctorum tuorum hæc pecora conservare, bene † dicere, & ab omni morbo liberare. Salvifica pabulum, arce dæmonium, tribue fecunditatem, & tua efficacissima benedictio.

ditione reple omnia, quæ usui horum pecorum adaptantur, & aptanda erunt, per eundem &c.

Oremus.

Misericordiam tuam Domine, supplices exoramus, ut hæc animalia, quæ periculosa contagione infecta sunt, in nomine tuo, & in virtute benedictionis tuæ sanentur; extinguatur in eis omnis diabolica potestas, nec ulterius ad damnum famulorum tuorum ægrotent; tu eis Domine sis defensaculum vitæ & remedium sanitatis: ut tibi à famulis tuis digna reddatur gratiarum actio per Christum, &c.

Hic benedicatur Sal.

Oremus.

Deus invisibilis & inæstimabilis, pietatem tuam per sanctum & tremendum nomen Filii tui suppliciter deprecamur, ut in hanc creaturam salis benedictionem, & potentiam invisibilis operationis tuæ infundas, ut animalia, quæ ex eo receperint, vel gustaverint, benedictio & protectio tua ab omni ægitudinis & læsionis incursu custodiat. Per eundem &c.

Oremus.

Domine sancte, Pater omnipotens, æterne Deus; defende quæsumus ista animalia per hanc creaturam salis, quam in nomine tuo benedico, & hisce pecoribus tradi facio. Defende ea, quæsumus, piissime Deus, à rapacibus, bestiis, & latronibus, à scabie, morbo, peste, & contagione, à malitia & invidia pravorum hominum, à veneficiis, sagis, & strigibus, à dæmon-

Benedictio Scedularum SS. Pirmini & Wendel. 3 19

monibus, incantationibus & immundis spiritibus: & demum ab omnibus malis, quæ iis naturaliter vel præternaturaliter accidere possunt, & quæcunque morbis vexantur, per virtutem huius benedicti salis, & per invocationem sancti tui nominis sanare digneris. Per Christum &c.

Aspergat sal & pecora aquâ benedictâ, & detur eis sal ad sumendum.

4.

Benedictio Scedularum sub nominibus SS. Pirmini, & Wendelini contra morbos animalium: præsertim contra adustiones vulgo Brand.

Prius scribantur super parvas schedulas sequentia verba
†. S. Pirmine † S. Wendeline † **Orate pro nobis,**

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Deus omnipotens, Pater D. N. Jesu Christi, cujus potestati omnia subiecta sunt: cujus audito nomine serpentes conquiescunt, dracones fugiunt, viperæ silent, scorpiones extinguuntur, reguli vincuntur, venenata non nocent, cunctaque ferocia animalia terrentur. Dignare Domine per tuam clementiam & gratiam intercedentibus sanctis tuis, Pirmino & Wendelino, has eorundem nominibus insignitas schedulas benedicere, & sanctificare, & concede propitius, ut quibuscunque pecoribus & animalibus hæ

hæ schedulæ fuerint applicatæ, ea per merita & intercessionem sanctorum tuorum Pirmini, & Wendelini ab omnibus infirmitatibus, periculis, & diaboli fraudibus liberentur; Salvifica pabulum, rescinde venena, arce dæmonium, tribue fecunditatem, & tuâ efficacissimâ benedictione † reple omnia, quæ usui horum pecorum & animalium adaptantur & aptanda erunt. Per eundem Dominum &c. Amen.

Deinde aspergantur, & dentur sumenda in aqua benedicta dicendo:

Per intercessionem SS. Pirmini & Wendelini liberet & præservet te (vos) Dominus à malo adulationis &c. in nomine Patris † &c.

Moxque subjungat.

Misericordiam tuam Domine supplices exoramus, ut hæc animalia, quæ gravi infirmitate vexantur; per intercessionem SS. tuorum Pirmini, & Wendelini tua benedictione sanentur: extinguatur in eis omnis diabolica potestas, neque ægrotent ulterius, esto eis Domine vitæ defensio & sanitatis remedium.

Deus, qui laborantibus hominibus etiam de mutis animalibus solatia subrogasti: Supplices te rogamus, ut, sine quibus non alitur humana conditio, nostris facias usibus non perire. Per Christum Dominum nostrum. Resp. Amen.

Et aspergantur iterum aquâ benedicta.

5.

Benedictio seminis bombicum vermiculorum,

Vers.

Verf. Adjutorium nostrum &c.

Verf. Domine exaudi &c.

Verf. Dominus vobiscum &c.

Oremus.

Creator omnium Deus, qui semina fructificare & multiplicare facis, & in usus nostros misericorditer concedis pervenire, intercedente beato Jacobo Apostolo tuo supplicationes nostras placatus intende, & hæc semina vermiculorum, qui sericum condunt, benedicere, & sanctificare tua benignitate digneris, ut copiosos mittant effectus suos: quatenus ad Ecclesiæ tuæ, sanctorumque altarium tuorum decorem, & ornatum atque etiam ad usus nostros perveniant. Per Christum Dominum nostrum. Amen.

Aspergatur aquâ benedictâ.

6.

Benedictio agrorum, in honorem S. Magni

Abbatis, ut ab eis locustæ, bruchi, & quævis alia animalia noxia expellantur.

Sacerdos indutus superpelliceo & stola violacei coloris veniens ad agrum à locustis, bru his, aut aliis noxiis animalibus vexatum, primò aspergat illum aquâ benedictâ, deinde dicat versus & orationes sequentes.

Verf. Adjutorium nostrum &c.

Verf. Domine exaudi &c.

Verf. Dominus vobiscum. &c.

Oremus.

Omnipotens sempiterne Deus, bonorum omnium auctor, & conservator, in cujus nomine omne genu flectitur, cœlestium, terrestrium,

strum, & infernorum : concede, ut quod de tua misericordia confisi agimus, per tuam gratiam (intercedente S. Magno Abbate) efficacem consequatur effectum ; quatenus hos vermes, mures, bruchos, aves, locustas, aut alia noxia animalia segregando segreges, exterminando extermines, ut ab ista calamitate liberati, gratiarum actiones majestati tuæ referamus. Per Christum &c. Resp. Amen.

Oremus.

DEUS, qui famulorum tuorum Moyfis & Aaronis ministerio ab Ægyptiis pro gloria nominis tui locustas, bruchos, cinifes, aliasque plagas, scilicet justitiæ tuæ in peccatores flagella, avertisti, à filiis quoque Israel prohibuisti : à populo tuo in te credente similes calamitates aufer, ut potentiam tuam, & beneficentiam prædicemus. Per Christum &c. Amen.

Oremus.

LArgire & conservare dignare Domine DEUS noster per merita & intercessionem (S. Magni Abbatis) fructus terræ, ut temporalibus gaudeamus auxiliis, & spiritualibus proficiamus incrementis. Per Christum &c. Amen.

Oremus.

ORamuste Domine DEUS noster, ut per merita & intercessionem S. Magni Abbatis hos agros, aut vineas serenis oculis, hilarique vultu respicere digneris : tuamque super eos mittere benedictionem : ut non grando surripiat, non vis tempestatis detruncet, non æstus exurat, non animalia noxia corrodant, neque inundatio plu-

pluvix exterminet, sed fructus incolumes uberesque, usui nostro ad plenam maturitatem perducas. Per Dominum nostrum Jesum Christum &c. Amen.

Mox aspergat agros vel vineas, dicens: Asperges &c. Deinde legat sequens Evangelium.

Verf. Dominus vobiscum &c.

Verf. Sequentia sancti Evangelii secundum Marcum. Resp. Gloria tibi Domine.

In illo tempore dixit Jesus discipulis suis: Euntes in mundum universum prædicate Evangelium omni creaturæ. Qui crediderit & baptizatus fuerit, salvus erit, qui verò non crediderit, condemnabitur. Signa autem eos, qui crediderint, hæc sequentur: in nomine meo dæmonia ejicient, linguis loquentur novis, Serpentes tollent, etsi mortiferum quid biberint, non eis nocebit, super ægros manus imponent, & bene habebunt. Resp. Laus tibi Christe.

¶ Dominus vobiscum &c.

Oremus.

Preces nostras, quæsumus Domine clementer exaudi, ut, qui justè pro peccatis nostris affligimur, & hanc vermium, murium, bruchorum, avium, locustarum vel aliorum animalium calamitatem patimur, pro nominis tui gloria per merita & intercessionem S. Magni Abbatis ab ea misericorditer liberemur; ut per potentiam tuam expulsi nulli noceant, & hos agros aut hortos intactos dimittant; quatenus, quæ exorta fuerint, tuæ Majestati deserviant. Per Christum &c. Amen,

Deinde aspergat prædictos agros seu vineas ter in modum crucis dicens :

Benedictio DEI omnipotentis Patris, & Filii, & Spiritûs † sancti, descendat & maneat super hos agros, vineas aut hortos, & eorum fructus, Amen.

7.

Benedictio contra noxias aves, mures, vermes, serpentes, locustas, & similia animalia terram vel fructus vastantia.

Vers. Adjutorium nostrum &c.

Vers. Domine exaudi &c.

Vers. Dominus vobiscum. &c.

Oremus.

PReces nostras, quæsumus, Domine, clementer exaudi : ut, qui justè pro peccatis nostris affligimur, & harum noxiarum avium (vel murium, vel vermium, vel locustarum, &c.) persecutionem patimur, pro tui nominis gloria, ab ea misericorditer liberemur : ut procul à tua potentia expullæ (vel expulsi) nulli noceant, & hos agros (vel prata, vel aquas, &c.) in tranquillitate & quiete dimittant, quatenus ex eis provenientia, tuæ Majestati deserviant, & nostræ necessitati absque nocumento subveniant. Per Christum &c.

Exorcismus.

EXorcizo & adjuro vos, pestiferi vermes (vel mures, vel locustæ, &c.) noxia animantia, per Deum Patrem omnipotentem, per Jesum Christum † filium ejus Dominum nostrum, &
per

per Spiritum † sanctum, ab utroque procedentem, & per intercessionem B. M. V. & sancti N. ut confestim recedatis ab his agris (vel campis vel pratis, vel vineis, vel hortis, &c.) nec amplius in eis habitetis, sed ad illa, & talia loca transeatis, ubi nullis Dei servis nocere possitis, pro parte omnipotentis Dei, & totius curiæ cœlestis, sancti N. & Ecclesiæ sanctæ Dei, vos maledicens, ut quocunque ieritis, sitis maledicti, deficientes de die in diem in vos ipsos, & decrescetes, ita ut reliquiæ in vobis nullo in loco inveniantur, nisi necessariæ ad salutem & usum hominum, quod præstare dignetur, qui venturus est judicare vivos & mortuos, & sæculum per ignem. Amen.

Alius Exorcismus.

EXorcizo & adjuro vos dæmones, per Deum † Patrem omnipotentem, qui in deserto per quadraginta annos cibavit filios Israël mannâ, & ex petra aquam eduxit eis ad bibendum, ut statim ab his agris (campis, vineis, pratis, hortis, aquis) omne quod noxium est, amoveatis. Adjuro etiam vos animalia, & quæcunque per maleficiū diaboli noxia estis hominibus, & bonis eorum, per Deum Patrem omnipotentem, & per Filium ejus, & per Spiritum Paraclitum, ut hinc discedatis, & nocere desinatis graminibus, frugibus, piscibus (*exprimantur, quæ nocumentum patiuntur*) & dissipemini, & omnis virtus & potestas nocendi vobis adimatur, & interimat vos dextera Dei omnipotentis per invocationem nominis sui, & per passionem & mortem

IESu Christi filii sui, & per merita Beatissimæ Virginis Mariæ, & omnium Sanctorum & Sanctorum cœlestis curiæ. Amen.

Concludat Exorcista sequenti Oratione.

Omnipotens sempiterne DEUS remunerator omnium bonorum, & pœnitentium peccatorum maximus miserator: in cuius nomine omnia genua flectuntur, cœlestium, terrestrium, & infernorum: concede nobis propitius, ut quod de gratia & misericordia tua confisi agimus, per eandem gratiam & virtutem tuam efficacem consequamur effectum; ut per tuam clementiam ab hac peste liberati, Majestati tuæ congruas gratiarum referamus actiones. Per Christum Dominum &c.

Aspergat agros, prata, vel hortos, vineas, &c. aqua benedictâ.

NB. Initio post Adjutorium possunt flexis genibus dici litania omnium Sanctorum, deinde oratio: Preces nostras, &c.

8.

**Benedictio aquæ contra nociva animalia,
vermes, mures, &c.**

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Domine sancte, Pater omnipotens, æterne DEUS, mitte spiritum tuum sanctum, cum Angelis, & Archangelis, cum Thronis & Dominationibus, & cum eis Sanctos & electos tuos, ut defendant segetes, & fruges nostras à verminibus,

bus, muribus, aliisque animantibus noxiis, & magnificetur Nomen sanctum tuum in omni loco. Per Christum Dominum nostrum. Amen.

Oremus.

Domine JESU Christe, qui Jordanis flumen benedixisti, & in eodem baptizatus aquas mundasti, & purificasti, ut elementum salubre efficeretur in remissionem peccatorum: has quoque aquas benedicere, sanctificare, & mundare digneris: ut nihil in eis noxium, nil pestilens, vel inficiens, aut corrumpens remaneat, ut sit omnibus sumentibus eas sanitas animæ & corporis, & à loco, in quo fuerint aspersæ, discedant omnes nequitie vel versutie diabolicæ fraudis, isque liberetur à noxiis animantibus, & insidiis latentis inimici. Per Christum Dominum nostrum. Amen.

Oremus.

Benedic Domine hanc creaturam aquæ, ut ubicunque fuerit aspersa, à loco illo discedant, & fugiant vermes (vel mures, vel aves, vel locustæ, &c.) aliæque malæ & noxiæ bestię à segetibus, hortis, fructibus, &c. propter nomen Domini nostri JESU Christi, quod invocatum est in ipsa creatura messis, ut fiat ad alimentum omnibus, qui vivunt ex ea. Per eundem Dominum nostrum JESUM Christum &c.

Aspergitur alia communi aqua benedicta.

9.

Exorcismus contra locustas & alia animalia noxia.

Sacerdos stolâ collo imposita crucem parvam in manibus

bus deferens, ministro cum aqua benedictâ, & aspersorio comitante veniens ad locum, ubi sunt locustæ, vel alia noxia animalia incipiat exorcismum in hac forma.

✠. Adjutorium nostrum &c.

✠. Sit nomen Domini benedictum. Resp. Ex hoc nunc & in sæcula.

✠. Benedicamus Patrem & Filium cum S. Spiritu. Resp. Laudemus & superexaltemus eum in sæcula.

✠. Benedictus es Domine in firmamento cœli. Resp. Et laudabilis & gloriosus & superexaltatus in sæcula.

✠. Benedicat & custodiat nos omnipotens & misericors Dominus. Resp. Amen.

✠. Domine exaudi &c.

✠. Dominus vobiscum &c.

Oremus.

Domine Deus, qui creâsti hominem ad similitudinem tuam; clementiam tuam suppliciter exoramus, ut hunc fructum, quem ad usum generis humani nasci fecisti, benedictione tua perpetua benedicas, ut germinet super terram, floreat, frondeat, & ad maturitatem perveniat; quatenus de eo tibi suppliciter, & humiliter famuli tui acceptum sacrificium, gratiamque oblationem valeant offerre in conspectu tuo; & de reliquo vitam suam nutrire ad laudem & gloriam SS. Nominis tui: non seminet super eum hostis antiquus semina sua, non zizania: non turbet eum aliquod malum: non calor siccet: non tempestas conturbet: nec grando congerat; non locusta mordeat, neque animal aliud

aliud quodcunque inficiat ; sed sub tua protectione cum pluvia opportuna, salutaris, & congrua satiet, refrigeret ros, & usque ad complementum culturæ, ad manus laborantium in eo prosperè, & cum salute perducatur. Per Christum &c. Resp. Amen.

Oremus.

DEUS qui ad salutem humani generis maxima quæque Sacramenta in aquarum substantia condidisti; adesto propitius invocationibus nostris, & elemento huic multimodis purificationibus præparato, per merita & intercessionem (S. Magni Abbatis) virtutem tuæ benedictionis † infunde, ut creatura tua mysteriis tuis serviens, ad abigendos dæmones, morbosque pelendos, divinæ gratiæ sumat effectum, ut quidquid in agris, vel vineis, vel hortis, vel segetibus fidelium tuorum hæc unda resperferit, careat omni immunditia, liberetur à noxiis animalibus, non illic resideat spiritus pestilens. Resp. Amen. Vers. Non aura corrumpens. Resp. Amen. Vers. Non bruchus aut tinea demoliens. Resp. Amen. Vers. Non locusta mordens. Resp. Amen. Vers. Non ventus urens. Resp. Amen. Vers. Non grando conterens. Resp. Amen. Vers. Non tempestas conturbans. Resp. Amen. Vers. Non calor siccans. Resp. Amen. Vers. Non Zizania perturbans. Resp. Amen. Vers. Discedant ab ea omnes insidiæ latentis inimici, & si quid est, quod columitati ejus invidet, aut quieti, aspersione hujus aquæ effugiat, atque discedat. Resp. Amen.

Oremus.

Postea aspergat agri vel vineæ terminos aquâ benedictâ, dicens Antiphonam. Vidi aquam, vel Asperges me &c. secundum temporis diversitatem: quâ finita dicat.

Signum salutis pone Domine in fructibus istis, & non permittras introire Angelum percutientem in eos, neque animal aliquod infructuosum. De cœlo Domine pone signum tuum in eis, & protege eos, non erit in eis plaga nocens.

Ÿ. Ostende nobis Domine misericordiam tuam,

Resp. Et salutare tuum da nobis.

Ÿ. Domine exaudi &c.

Ÿ. Dominus vobiscum &c.


Oremus.

EXaudi nos Domine sancte, Pater omnipotens, æterne DEUS, & mittere digneris sanctum Angelum tuum de cœlis, qui custodiat, foveat, protegat, atque defendat omnes fructus in his agris, vel vineis existentes. Per Christum &c. Resp. Amen.

Ie.

Benedictio Imaginum SS. quinque Vulnorum, Nominum & Cordium Jesu & Mariæ V. contra invisibilem ablationem frumenti ex horreis.

Ecce



Ecce Crucem † & Nomen Domini fugite partes adversæ.

Alpha & Omega † Principium & finis † Primus & Novissimus † Qui est, qui erat, & qui venturus est † Adonai † Tetragrammaton † Jehova † Ineffabilis † Verbum Caro factum habitavit in nobis, & pro nobis crucifixum est † per Ipsum † & cum Ipso † & in Ipso † est DEO Patri omnipotenti † in unitate Spiritus sancti † omnis honor & gloria † dæmonibus autem & malignis

nis spiritibus omnis confusio & maledictio, per omnia sæcula sæculorum. Amen. †††.

Ave Maria, Sanctissima Joachimi & Annæ Filia. Novi Adami Paradisus, ad quem serpens aditum non invenit. S. Damasc.

Vers. Adjutorium nostrum &c.

Vers. Domine exaudi &c.

Vers. Dominus vobiscum. &c.

Oremus.

DEus, qui tibi in sanctissimis quinque vulneribus, dulcissimis Nominibus & sacratissimis cordibus Jesu Christi, dilecti Filii tui, & SS. Genitricis ejusdem Filii tui Virginis Mariæ complacuiſti, dignare Domine, has effigies in memoriam & honorem SS. quinque Vulnerum. Nominum, & cordium Jesu & Mariæ adaptatas dexterâ potentia tuâ benedicere, & sanctificare, ut, quicumque eas devotè super se deportaverit, aut ubicunque sive in domibus, sive in horreis, sive in agris &c. aut alio quocunque loco ea affixa vel posita fuerint; discedant principes tenebrarum, & contremiscant, & fugiant pavidî cum omnibus ministris & maleficiis suis, nec quidquam ex his, quæ ibi posita sunt attingere, vel auferre, aut nobis & nostris nocere præsumant, sed Angeli tui fortissimi accedant, qui nos & nostra in pace custodiant. Per eundem Dominum nostrum Jesum Christum &c. Amen.

Oremus.

DEus, qui dixisti ad serpentem: maledictus es inter omnia animantia & bestias terræ, inimicitias ponam inter te & mulierem, & semen tuum,

tuum, & semen illius, ipsa conteret caput tuum : quæsumus, effunde super has effigies largam benedictionem tuam, ut accipiant virtutem contra omnes malignos spiritus & eorum injustos conatus atque insidias, sintque hæc sacrosancta vulnera, Nomina, & corda Jesu & Mariæ firmissima sigilla super nos & omnia nostra, ne malignus spiritus nos terrere, aut nos & nostra lædere valeat, sed absque mora confusus cum omni suo exercitu & phantasmate discedat, ligatus & adjuratus per eum, qui venturus est judicare vivos & mortuos & sæculum per ignem, Amen.

Oremus.

DEUS, qui in dilectissimi Filii tui titulo triumphali sanctæ crucis † JESUS NAZARENUS REX JUDÆORUM, scribi voluisti : concede propitius, ut victoriosissimus hic titulus sit ignis ardens & armatura sancta, ac potens contra omnes dæmones & maleficos injustorum hominum conatus & ausus, ne nos terrere, aut nobis & nostris nocere, aut quidquam frumenti &c. live ex horreis, live ex campis auferre valeant, sed confusi & territi sine mora recedere cogantur, per eundem Dominum nostrum Jesum Christum Filium tuum &c. Amen.

Aspergantur.

II.

Exorcismus contra invisibilem lactis, butyri, vel aliarum rerum per incantationes ac veneficia ablationem.

Quando lac vel butyrum per incantationem asperun-

tur, vel alium innaturalem defectum patiuntur, congruum est, ut sacerdos prius benedicat stabulum, vel saltem pecora: deinde lac vel butyrum defectuosum coram se positum exorcizet hoc modo:

Vers. Adjutorium nostrum &c.

Oremus.

OMnipotens sempiterne DEUS, qui inter cætera clementiæ tuæ dona, lactis substantiam hominibus ad usus vitæ mortalis largiri dignatus es; te suppliciter deprecamur, ut lactis hujus substantiam benedicere digneris, quatenus servis tuis feliciter & copiosè proveniat. Et quisquis illo ad alimentum suum vel ad aliam hujus vitæ commoditatem uti voluerit, gratiam, benedictionemque tuam sibi gaudeat adfuisse.

Oremus.

DEUS, qui ex abundantia pietatis tuæ fideles tuos ad comedendum pingua invitare dignatus es: quisque inter alias creaturas pinguedinis participes butyro tantam dignitatem tribuisti, ut non modò hominibus, sed etiam unigenito Filio tuo incarnato in cibum & alimentum servire volueris, dicente Propheta: butyrum & mel comedet. Immensam clementiam tuam humiliter imploramus, ut à substantia butyri hujus vim omnem fraudemque virulenti hostis benignus avertas, nihil hic nocumenti, nihil mortiferæ corruptionis inerre præsumat: sed quod fidelibus tuis ad humanæ indigentiae remedium contulisti, integrum illis ac incorruptum servetur: ut cum digna gratiarum actione sumentes vitæ suæ & sanitati prodesse sentiant & lætentur. Per Dominum &c.

Exor-

Exorcismus lactis &c.

EXorcizo te creatura lactis in nomine DEI Patris + omnipotentis, & in nomine JESU + Christi filii ejus, & in virtute Spiritûs + sancti, ut fias lac exorcizatum in salutem fidelium, & sis omnibus ex te sumentibus sanitas animæ & corporis: & effugiat atque discedat à te omnis nequitia & versutia diabolicæ fraudis, omnisque nocendi facultas in te omni modo per ministros satanicos introducta. Exorcizo te per illum, qui SS. Patribus Abraham, Isaac & Jacob terram lacte & melle manantem repromisit, & posteris eorum fideliter tradidit possidendam: ne ejusdem DEI & Domini nostri fidelibus servis sit cujuscunque mali occasio, per eum, qui venturus est judicare vivos & mortuos, & sæculum per ignem.

EXorcizo te creatura lactis, butyri, &c. per DEUM + vivum, per DEUM + verum per DEUM + sanctum, per DEUM, qui hominibus ab initio pro sua bonitate ad usus vitæ hujus corruptibilis butyrum de armento dedit, & lac de ovibus, ut nihil in te loci habeat adversariæ cujuscunque virtutis operatio, nihil in te potestatis malitia satanæ, nihil ars damnata quorumvis utriusque sexus illi impia societate adherentium, ne quovis modo substantiam tuam minuant, vel corrumpant, vel quacunque ratione hominibus noxiam reddant. Præstante illo & servante, qui venturus est judicare, &c.

*Aspergatur.**Exor-*

Exorcismus diaboli.

ADjuro te, quicumque es quietis humanæ perturbator, per Patrem, & Filium, & Spiritum + sanctum, ut nocere desinas huic domui, neque audeas malefacere omnibus, quæ in ea sunt: frumento, vino, oleo, lacti, butyro, caseis, pecoribus, cæterisque omnibus ad eam pertinentibus. Hoc tibi imperat Dominus Jesus + Christus per omnia mysteria vitæ, Passionis, & Glorificationis suæ: nec non per merita omnium Sanctorum & Sanctarum suarum; quibus hæc domus, & omnia eam contingentia cum omnibus habitantibus in ea, sit in protectione & custodia contra omnes insidias tuas.

Exorcismus.

EXorcizo te immunde spiritus, qui ad turbandam Christianorum quietem, & ad injurias in bonis temporalibus inferendas hominibus, tua fraude deceptis auxilium præbes, per judicem vivorum, & mortuorum, ut ab hac domo & familia, omnibusque ad eam pertinentibus recedas, nec quidquam eorum, quæ ad illam spectant, attingere, vel auferre præsumas.

EXorcizo te per æternam DEI justitiam, ex qua lex illa, qua suum cuique dandum esse statuitur, emanavit. ut omnibus promissionibus, pactis, artibus, signisque, quibus te quasi astrictum, & obligatum simulas, dissipatis, divinæ severitatis, in te exercendæ, formidine, omnia, quæ hujus familiæ sunt, salva & intacta dimittas. Recede ergo hinc divinæ legis transgressor, hominumque perturbator; & Angelis, quorum

tute.

tutelæ familia ista commissa est, te propellenti-
bus fuge, nec eam in sua quiete, ac bonis læde-
re, aut ulterius molestare præsumas, invocato
contra tuam malitiam nomine Domini JESU
Christi, qui venturus est judicare vivos & mor-
tuos, & sæculum per ignem. Resp. Amen.

Oremus.

OMnipotens sempiterne DEUS, qui ad servan-
dam inter homines pacem furtum facere,
& rem proximi concupiscere prohibuisti, obse-
cramus clementiam tuam, ut omnes, qui, quod
injustè concupiscunt, dæmonis adjutorio pro-
ximis suis auferre nituntur, dexteræ tuæ virtu-
te coërceas, & hisce famulis tuis, qui concessis
à te vitæ suæ subsidiis ad honorem tuum frui de-
siderant, sanctorum Angelorum concede præ-
sidium, qui dæmonum potestate repressa, male-
ficos injustorum hominum conatus, quos eo-
rum adiumento perficiendos existimant, irritos
reddant & frustraneos. Per Christum Domi-
num nostrum. Amen.

12.

Modus exorcizandi quævis animalia, per
maleficia, & veneficia afflictæ.

*Exorcista omnibus domesticis ad orationem invita-
tis, ipsum stabulum & animalia aquâ benedictâ asper-
gat. Postea legat clara voce, flexis genibus, si commo-
di possit, Litanias omnium Sanctorum, quibus subjun-
gat sequentes orationes.*

Oremus.

DEUS, qui laboribus hominum etiam de mu-
Y

338 *Exorcismus animalium maleficio afflictorum:*

tis animalibus solatia subrogasti, supplices te rogamus: ut sine quibus non alitur humana conditio, nostris facias usibus non perire. Per Dominum nostrum &c. Resp. Amen,

Oremus.

Tribulationem nostram, quæsumus Domine, propitius respice, & iram tuæ indignationis, quam justè meremur, averte per Dominum nostrum, &c. Resp. Amen.

Oremus.

Averte quæsumus Domine à fidelibus tuis cunctos miseratus errores, & sævientium morborum, qui grassantur in animalia, depelle perniciem: ut quos suo merito flagellas devios, foveas miseratione correctos. Per Dominum nostrum, &c. Resp. Amen.

Surgens Exorcista ab oratione aspexit iterum animalia, & locum eorum cum adstantibus aqua benedicta, & versus animalia maleficiata legat sequentia.

Lectio Jeremia Prophetæ.

Siniquitates nostræ responderint nobis: Domine fac propter nomen tuum, quoniam multæ sunt aversiones nostræ: tibi peccavimus, expectatio Israel, Salvator noster in tempore tribulationis nostræ, tu autem in nobis es Domine, & nomen tuum invocatum est super nos: ne derelinquas nos Domine Deus noster. Tu autem Domine miserere nobis. Resp. Deo gratias.

Vers. Dominus vobiscum &c.

Vers. Sequentia + S. Evangelii secundum Marcum. Resp. Gloria tibi Domine.

In illo tempore dixit Jesus discipulis suis: habete

habete fidem Dei. Amen dico vobis, quia quicumque dixerit huic monti: tollere, mittere in mare, & non hæsitaverit in corde suo, sed crediderit, quia quodcumque dixerit, fiat, fiet. Propterea dico vobis, omnia quæcumque orantes petitis, credite, quia accipietis, & evenient vobis. Et cum stabitis ad orandum, dimittite, si quid habetis adversus aliquem: ut & Pater vester, qui in cœlis est, dimittat vobis peccata vestra, quodsi non dimiseritis, nec Pater vester, qui in cœlis est, dimittet vobis peccata vestra.

Resp. Laus tibi Christe.

Per Evangelica dicta tollantur, & evertantur omnia diabolica facta, Amen.

Vel si malit, recitabit initium Evangelii S. Joannis.

In Principio &c. Quod contra omnia maleficia, & infirmitates rectè potest adhiberi. Deinde dicuntur Psalmi sequentes.

Psalmus 53.

DEUS in nomine tuo salvum me fac: & in virtute tua judica me.

DEUS exaudi orationem meam: auribus percipe verba oris mei.

Quoniam alieni insurrexerunt adversum me, & fortes quæsierunt animam meam: & non proposuerunt Deum ante conspectum suum.

Ecce enim Deus adjuvat me, & Dominus susceptor est animæ meæ.

Averte mala inimicis meis: & in veritate tua disperde illos.

Voluntariè sacrificabo tibi: & confitebor nomini tuo Domine, quoniam bonum est.

340 *Exorcismus animalium maleficio afflictorum.*

Quoniam ex omni tribulatione eripuisti me
& super inimicos meos despexit oculus meus.
Gloria Patri, &c.

Psalmus 56.

Miserere mei Deus, miserere mei : quoniam
in te confidit anima mea.

Et in umbra alarum tuarum sperabo : do-
nec transeat iniquitas.

Clamabo ad Deum altissimum Deum, qui be-
nefecit mihi.

Misit de cœlo, & liberavit me : dedit in op-
probrium conculcantes me.

Misit Deus misericordiam suam, & veritatem
suam, & eripuit animam meam de medio catu-
lorum leonum : dormivi conturbatus.

Filii hominum dentes eorum arma, & sagit-
tæ : & lingua eorum gladius acutus.

Exaltare super cœlos Deus : & in omnem
terram gloria tua.

Laqueum paraverunt pedibus meis : & incur-
vaverunt animam meam.

Foderunt ante faciem meam foveam : & in-
ciderunt in eam.

Paratum cor meum Deus, paratum cor me-
um : cantabo, & psalmum dicam.

Exurge gloria mea, exurge psalterium & ci-
thara : exurgam diluculo.

Confitebor tibi in populis Domine : & psal-
mum dicam tibi in gentibus.

Quoniam magnificata est usque ad cœlos mi-
sericordia tua : & usque ad nubes veritas tua.

Exaltare super cœlos Deus : & super omnem
terram gloria tua.

Glo-

Gloria Patri, &c.

Psalmus 7.

Domine Deus meus in te speravi: saluum me fac ex omnibus persequentibus me, & libera me.

Ne quando rapiat, ut leo animam meam: dum non est, qui redimat, neque qui saluum faciat.

Domine Deus meus, si feci istud: si est iniquitas in manibus meis.

Si reddidi retribuentibus mihi mala: decidam meritò ab inimicis meis inanis.

Persequatur inimicus animam meam, & comprehendat, & conculcet in terra vitam meam, & gloriam meam in pulverem deducat.

Exurge Domine in ira tua: & exultare in finibus inimicorum meorum.

Et exurge Domine Deus meus in præcepto, quod mandasti: & Synagoga populorum circumdabit te.

Et propter hanc in altum regredere: Dominus iudicat populos.

Judica me Domine secundum iustitiam meam, & secundum innocentiam meam super me.

Consumetur nequitia peccatorum, & diriges iustum, scrutans corda, & renes Deus.

Iustum adjutorium meum à Domino, qui saluos facit rectos corde.

Deus iudex iustus, fortis, & patiens, nunquid irascitur per singulos dies?

Nisi conversi fueritis, gladium suum vibrabit, arcum suum tenebit, & paravit illum.

342 *Exorcismus animalium maleficio afflictorum.*

Et in eo paravit vasa mortis : sagittas suas ad-
dentibus effecit.

Ecce parturit iniquitiam : concepit dolorem,
& peperit iniquitatem.

Lacum aperuit, & effodit eum : & incidit in
foveam, quam fecit.

Convertetur dolor ejus in caput ejus : & in
verticem ipsius iniquitas ejus descendet.

Confitebor Domino secundum justitiam ejus :
& psallam nomini Domini altissimi.

Gloria Patri, &c.

Exorcismus.

EXorcizo te dæmon maledicte, immunde, ac
maligne spiritus, quicumque animalia ista
Dei vivi & veri creaturas affligere, aut vexare
audes, & adjuro te per eundem Deum vivum &
per Deum verum & Patrem & Filium, & Spiritum
sanctum, ut ex eas, & recedas à loco isto, nec
unquam huc reverti præsumas, neque eidem lo-
co, vel alibi degentibus hominibus, aut jumen-
tis damnum, vel pavorem immittas, aut quod-
cunque maleficiū in detrimentum vitæ illo-
rum, vel sanitatis, aut utilitatis inferas, per eum,
qui te in patibulo crucis vicit & superavit; arma
in quibus confidebas, abstulit, spoliâque tua di-
stribuit, ac potestatem tuam in Electorum suo-
rum salutem & consolationem ligavit, qui &
venturus est statuto tempore judicare vivos &
mortuos, & sæculum per ignem. Resp. Amen.

Alius Exorcismus.

ADjuro vos, O maligni spiritus, per creatorem
coeli & terræ, per incarnationem Domini
nostri

nostri Iesu Christi, eiusque circumcissionem, apparitionem, baptismum, jejunium, & per crucem ejus, per pedes Christi perforatos, per Passionem, mortem, resurrectionem, & ascensionem & Spiritus sancti missionem, & per gloriosam virginem Mariam, & per merita omnium Apostolorum, Martyrum, Confessorum, Virginum & omnium electorum, ut nunquam amplius accessum habeatis ad hunc locum in detrimentum hominum, animalium, & quarumcunque rerum humanæ utilitati à DEO indultarum: in nomine Patris & Filii, & Spiritus sancti. Resp. Amen.

Et aspergens animalia, & locum iterum aqua benedicta, & adstantes dicat.

Domine DEUS, Pater omnium rerum, defende nos, & pecora ista, defende Domine domus tua, defende familiam tuam ab omnibus malis, per virtutem aquæ à te ministeriò Ecclesiæ benedictæ, & per invocationem sancti Nominis tui in nomine Patris, & Filii, & Spiritus sancti. Et exterminetur diabolus à terminis iustorum, per invocationem sancti nominis tui, & omnium Angelorum, Patriarcharum, Prophetarum, Apostolorum, Martyrum, Confessorum, Virginum, & omnium Electorum, & nos, & pecora hæc ab omni malo liberare, & custodire digneris. Per Christum Dominum nostrum. Resp. Amen.

Poterunt prædicta sæpius repeti, vel alia preces & exorcismi ex suprâ & infrâ positis, vel ex iis, qua habentur contra infestationes domorum, his jungi, mutatis mutandis.



CAPUT SEPTIMUM

*Benedictiones fructuum & eorum**quæ ad esum vel potum spectant.*

I.

Benedictio fructuum, omnis generis in com-
muni, mutatis mutandis in particulari.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Domine JESU Christe, Deus de Deo, qui sa-
mulum tuum (S. Blasium martyrio consecra-
sti, & sanctum N.) in gloria tua collocasti, be-
nedicere, & sanctificare tua pietate digneris
hos terræ fructus (NB. nominentur in specie v. g.
ficum, cerasorum, fragorum, pirorum, po-
morum, nucum, uvarum &c.) quos indigni
detulimus, per tui sancti Nominis invocationem
& per intercessionem B. M. V. & sancti N. servi
tui benedicti, sicut & ego in tuo nomine bene-
dicti & sanctificati hos fructus, & ad profectum
præsentis familiæ tuæ, atque omnium fidelium
præsentium, ac absentium provenire concede,
ut in quocunque loco positi fuerint, salvi, maxi-
mè à dolore gutturis, & aliorum dolorum effi-
ciantur, & omnes iniquitates, & illusiones dæmo-
num, ab eorum habitaculis, & infectione absti-
neant; & quicunque ex iis gustaverint, tua gra-
tia

tia & benedictione repleantur. Per eundem Dominum nostrum &c.

Aspergatur aqua benedicta.

2.

Benedictio terræ seminatae seu sementis
in agris.

ʒ. Adjutorium nostrum in nomine Domini. &c.

Vers. Dominus vobiscum

Oremus

Benedicat nos Deus, Deus noster : & terræ nostræ ubertatem concedat : in centuplum multiplicet fructum ejus, ut viventes in exultatione manipulos nostros colligamus. Per Christum Dominum nostrum, Amen.

Oremus.

Dignare Domine benedicere terram istam, ut det fructum bonum, & sanctum in tempore suo. Nam ego in nomine tuo & S. N. eam benedico & sanctifico, ut nullus spiritus possit eam turbare. In nomine Patris, & Filii, & Spiritus + sancti.

O Domine sancte, Pater omnipotens, æterne Deus, supplices te deprecamur, ut misericordiâ tuâ jugiter nobis concedas sufficientem messium copiam, fructuum omnium largitatem tribuas : vinearum quoque substantiam abundantem, arborum foetus, proventusque omnium rerum, atque ab ipsis omnibus pestiferum sidus, tempestatis procellam, & grandinis fragorem, & universa mala amovere digneris. Sancte N. rogo te, ut benedicas, & sanctifices hanc terram

ram, segetes, arbores, &c. ne possit ullus demon super hanc terram seminatam, & fructus inde proventuros quidquam habere potestatis. In nomine Patris, & Filii, & Spiritus sancti, Amen.

Oremus.

O Domine Deus, multiplica super nos misericordiam tuam, ut super hæc fata, & fruges veniat speratæ benedictionis tuæ ubertas, & omnia ad maturitatem fertilitatis perducere dignare, & mitte Spiritum sanctum cum sanctis Angelis tuis, ut defendat has segetes nostras à noxiis bestiis, & inimici insidiis, & eas benedicant sicut & ego eas benedico. In nomine Patris, & Filii, & Spiritus sancti. Resp. Amen.

Aspergantur.

3.

Benedictio seminum, olerum, & leguminum, &c.

Vers. Adjutorium nostrum &c.

Resp. Qui fecit cœlum & terram.

Vers. Dominus vobiscum &c.

Resp. Et cum Spiritu tuo.

Oremus.

TE, Domine, petimus, & rogamus, ut hæc segetum, fructuum, olerum, leguminum, & herbarum semina oculis tuis serenis aspicias, sicut testatus es Moyse famulo tuo in terra Ægypti dicens: Dic filiis Israel, cum ingressi fuerint terram promissionis, quam eis Dominus daturus est, primitias frugum suarum offerant sacer-

doti-

dotibus, & erunt benedicti: ita & nos oramus Domine, auxilium misericordiae tuae super semina, ex quibus fructus de terra suscipere speramus, ut non grando ulla succidat, non turbo subvertat, non tempestas detundat, non aëris aut aquarum inundatio exterminet vel abducat: sed tua sancta benedictione prævinita cum fructu largiter pro nostrorum corporum vel animalium usu ad plenissimam maturitatem perducere digneris. Per Christum Dominum &c.

Aspergantur aquâ benedicta. Si unius tantum generis semina benedicuntur, cetera species omittantur.

4.

Benedictio fructus arborum qualiumcunque in communi.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Benedic, quæsumus Domine, fructus istarum arborum (poma, vel ficus, &c.) benedictione tua, & præsta, ut quicumque ex iis vescantur, corporis & animæ sanitate potiantur. Per Christum Dominum nostrum. Amen.

Aspergatur aqua benedicta.

5.

Benedictio ipsarum arborum fructiferarum.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Ore

Oremus.

DEus, qui hujus arboris plantam (vel harum arborum) tua visitatione & providentia perfectam esse voluisti : nunc etiam, ut eandem beneddicere, & sanctificare ⁊ tua pietate digneris, te supplices deprecamur, ut quicumque ex ejus (vel earum) fructibus perceperint, sani, & incolumes esse valeant. Per Christum &c.

Aspergatur aquâ benedictâ.

6.

**Benedictio novorum fructuum quorumvis
in communi.**

Vers. Adjutorium nostrum &c.

Vers. Dominus vobiscum. &c.

Oremus.

Domine sancte, Pater omnipotens, æterne Deus, qui cœlum & terram, mare & omnia creasti : Te supplices deprecamur : ut hos fructus novos (vel hunc fructum novum) beneddicere digneris, & multiplicare abundanter offerentibus tibi, & replere cellas eorum cum abundantia frumenti, vini, & olei : ut lætantes in eis servi tui referant tibi Deo omnipotenti laudem, & gratiarum actiones. Per Christum &c.

Oremus.

Oramus pietatem tuam, omnipotens DEUS, ut has primitias creaturæ tuæ, quas aeris, & pluriæ temperamento, de terra educere, & nutrire dignatus es, tuæ benedictionis imbre perfundas, & populo tuo, de tuis muneribus sumenti, benignè tribuas in tua gratia, & gratiarum actione

ne viventes, tibi servire; ut egenus & pauper
laudent nomen gloriæ tuæ. Per Christum, &c. :

Aspergatur aquâ benedictâ.

7.

Benedictio pomorum, vel pirorum, vel ficuum, vel uvæ. &c.

Vers. Adjutorium nostrum &c.

Vers. Domine exaudi &c.

Vers. Dominus vobiscum. &c.

Oremus.

TE supplices deprecamur, omnipotens æterne
Deus, ut benedicas hos fructus pomorum
(vel pirorum, vel ficuum &c.) qui per esum in-
terdictæ arboris lethali in Protoparente sumus
vulnere mulctati: Tu propitius nostris postulationi-
bus placatus, intende: & per virtutem tuam,
& dilectissimi filii tui, Domini nostri Jesu Chri-
sti & Spiritus sancti, hos fructus sancta tua be-
nedictione sanctifica, atque tua dignatione pu-
rifica: ut expulsâ vetusti hominis, ac primi fa-
cinoris incentoris pravitate, salubriter ex hac
die, de universis terræ edendis germinibus, ad
tui omnipotentis Dei laudem cum gratiarum
actione, alacritate & solpitate sumamus. Per
Christum Dominum nostrum Amen.

Aspergantur aquâ benedictâ.

8.

Benedictio vini novi.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Ore

Oremus.

Domine sancte , Pater omnipotens , æterne Deus bonorum omnium dator , & conservator, qui inter reliquas creaturas tuas , vinum in hominum sustentationem & læticiam ex uvarum fructu prodire jussisti: quique per unigenitum tuum Dominum nostrum JESum Christum in nuptiis Canæ Galilææ, aquam in vinum mirabiliter permutasti, & Sacramentum pretiosissimi sanguinis ejusdem filii tui, in vini materia sanctificari jussisti: Te supplices deprecamur , ac petimus , ut hanc creaturam vini hujus benediceret , & sanctificare digneris ; ut famuli tui & famulæ ex eo gustantes , animæ , & corporis recipiant sospitatem , & te omnium gratiarum largiorem , cum gratiarum actione , sine fine collaudent, Per eundem Dominum , &c.

Aspergatur aqua benedicta.

9.

Alia Benedictio vini vel alterius potus.

Vers. Adjutorium nostrum &c.

Oremus.

Domine Deus omnipotens , statutor omnium Elementorum & fructuum , qui per JESum Christum Filium tuum, Dominum nostrum substantiam hanc vini (vel hujus potus) ad refocillationem sitis , & corporum salutem esse voluisti , te supplices deprecamur , ut exauditis orationibus nostris , eam tuæ pietatis aspectu benediccas , & sanctifices , atque ita omnium spirituum immundorum , ac maleficorum , ab ea recedat

incurſio, ut quicumque ex ea ſumpſerit, ei gratia
tuæ benedictionis adveniat, & mala omnia te
propitiante recedant. Per eundem Dominum
noſtrum Jeſum Chriſtum, &c.

aſpergatur aqua benediſta.

IO.

Benedictio carniū, ovorum, & ſimilium
comeſtibiliū extra Paſcha.

Verſ. Adjutorium noſtrum &c.

Verſ. Domine exaudi &c.

Verſ. Dominus vobiscum &c.

Oremus.

Domine Jeſu Chriſte, Fili Dei vivi, qui es ve-
rus ac immaculatus agnus: quique imma-
culatus in ara crucis peccata mundi delēſti: &
nos ad ovile propriis humeris reportāſti, has car-
nes, (vel hanc creaturam ovorum &c.) quas ad
uſus hominum creāſti, beneddicere & ſanctifi-
care digneris: ut omnes ex eis ſumentes tuis be-
nedictionibus repleti, & animæ & corporis ſani-
tatem, te annuente, ſemper accepiſſe latentur.
Salvator mundi, qui vivis & regnas in ſæcula ſæ-
culorum. Amen.

Deus univerſæ carnis, qui Noë, & filiis ejus de
mundis & immundis animalibus præcepta
dediſti: quique ſicut olera herbarum, humanum
genus carnes manducare permiſiſti: qui agnum
in Ægypto Moyſi, & populo tuo in vigilia Paſ-
chæ comedere præcepſiſti, in figuram agni Do-
mini noſtri Jeſu Chriſti, cujus ſanguine omnia
primogenita tibi de mundo redemiſti, & Angelo
juvan-

juvante, omne primogenitum in Ægypto percussu præcepisti, servans populum tuum, agni sanguine prænotatum. Dignare, quæsumus Domine, Deus omnipotens, benedicere, & sanctificare has carnes (ovium, vel agnorum, vel hœdorum, vel avium, vel quascunque alias carnes) ut quicumque de tuis fidelibus populis ex eis comederint, omni benedictione cœlesti, & tua perenni repleti gratia satientur. Per eundem &c.

Aspergantur aquâ benedictâ.

11.

Benedictio olei pro cibo, vel usu Medicinæ.

Vers. Adjutorium nostrum &c.

Vers. Dominus vobiscum &c.

Oremus.

EMitte, quæsumus Domine, Spiritum sanctum tuum paraclitum de cœlis, in hanc olivæ pinguedinem, quam de viridi ligno producere dignatus es, ad refectionem mentis & corporis; ut tua sancta benedictione sit omnibus hoc unguento cœlestis medicinæ perunctis tutamen mentis & corporis, & si quod illis adversantium spirituum adhæreat nocumentum, ad tactum & sumptionem hujus sanctificati olei abscedat: nullus spiritualibus nequitiis locus, nulla refugis virtutibus sit facultas: nulla insidiantibus malis latendi licentia relinquatur. Per Christum &c.

Aspergatur aquâ benedictâ.

12.

Benedictio olei, lactis, butyri, casei &c.

mutatis mutandis.

Vers.

Vers. Adjutorium nostrum in nom. &c.

Exorcismus

EXorcizo te creatura olei (vel lactis, vel butyri, vel casei, vel lardi &c.) in nomine DEI Patris, & Filii, & Spiritûs sancti: ut per hanc invocationem invidiæ Trinitatis, ac virtutem unius Deitatis, omnis nequissima virtus adversarii, omnis inveterata malitia diaboli, omnis violenta incurfusio inimici, omne confusum, & cæcum phantasma eradicetur, fugetur, & discedat ab hoc oleo (vel lacte, vel butyro, vel caseo &c.) ut omnes qui ex eo sumperint, vel devotè usurpaverint, ab omni maleficio diaboli sint securi, ut nulla eis nocere possit nequitia spirituum malignorum.

Oremus.

Dignare Domine hoc oleum (vel lac, vel butyrum, vel caseum &c.) benedicere, & sanctificare pro tua pietate, ut quicumque ex eo sumperit, tactus sit dolore poenitentiae, & ab eo eradicentur maleficia, incantationes, tumores, dolores, facturæ, & ligationes quomodolibet factæ, contra creaturas DEI, sit destructio omnium operum diaboli. Idque etiam ego indignus Christi servus in nomine Domini Jesu Christi, B. Mariæ Virginis & S.N. benedico, & sanctifico hoc oleum (vel lac, butyrum vel caseum &c.) ad restituendum omnibus sanitatem, ad extinguendos venenatos tumores, & dolores: ad depellenda adversa, comprimenda noxia, & odia expellenda: ut quicumque eo utetur, ab omni languore & noxia infirmitate sanetur,

Z

tur,

354 *Benedictio comestibilium quarumvis.*

tur, & à cunctis insidiis satanæ liberetur. Multiplica. O DEUS, sicut stellas cœli benedictiones tuas super has creaturas: quas ego N. sacerdos tuo nomine per JESUM Christum benedico, & sanctifico, ut destruantur omnia maleficia & infestationes diaboli: Idque in nomine Patris, & Filii, & Spiritus sancti, Amen.

Aspergantur aquâ benedictâ.

13.

Benedictio communis rerum quarumvis,
tam comestibilium, quam non comestibilium.

Vers. Adjutorium nostrum &c.

Vers. Dominus vobiscum &c.

Oremus.

Benedic Domine creaturam istam N. ut salutare remedium sit creaturæ tuæ, quam in pretioso sanguine redemisti: & præsta per invocationem tui sancti nominis & sancti N. servi tui, ut quisquis eâ usus fuerit, benedictionem recipiat & sanitatem: atque contra omnes morbos, atque universas insidias diaboli, & inimicorum tutamen sit: & ego N. tuus sacerdos, in nomine tuo, & sancti N. hanc creaturam, N. benedico, ac sanctifico, ut sit defensio creaturæ tuæ & ignis ardens dæmoniorum, & sit defensio, & expulsio, atque annihilatio omnium factorum, & diabolorum. In nomine Patris, & Filii, & Spiritus sancti, Amen.

Aspergatur.

Benedictio panis, farina, vel tritici habetur supra.

CAPUT



CAPUT OCTAVUM.

Benedictiones rerum diversarum.

I.

Benedictio ad quascunque res.

Vers. Adjutorium nostrum &c.

Oremus.

Domine Deus omnipotens, descendat benedictio Patris, & Filii, & Spiritus sancti, super hanc creaturam ceræ (vel salis) ut quicumque ex ea sumpserint, vel super se portaverint, sint liberati ab omni factura, ligatura, signatura, præstigio, incantatione, & illusione, ab omni tentatione, timore, & pusillanimitate, ab omni discordia, animi perturbatione, & ab omnibus artibus diabolicis, & suorum ministrorum, & finaliter ab omnibus periculis animæ & corporis, & ab omnibus inimicis terribilibus, & invisibilibus & accipiant sanitatem mentis, protectionem corporis, tutelam salutis, integritatem charitatis, consolationem spei, roborationem fidei, & præcipue in hora mortis virtutem constantiæ, & visitationem Spiritus sancti. Per eundem &c.

Aspergatur.

2.

Benedictio cum Exorcismo incensi, storacis, vel odoramentorum mutatis mutandis, ad fugandos dæmones, & maleficia.

℣. Adjutorium nostrum &c.

Z 2

Exota

Exorcismus.

EXorcizo te creatura Incensi (vel storacis, vel sulphuris, vel odoramentorum &c.) per Deum † vivum, per Deum † verum, per Deum † sanctum, per eum, qui omnia ex nihilo creavit, & malos angelos de cælo ad ista inferiora expulit, & per omnia nomina Dei, & per nomen B. Mariæ Virginis, & sancti N. te conjuro † & exorcizo † O creatura incensi, (vel storacis, vel sulphuris &c.) per omnia suprà dicta, ut sis in defensionem nostram, & efficiaris fumigatio, & creatura benedicta † & consecrata † & perpetua poena sis omnibus malignis spiritibus infernalibus; & sis solutio omnium ligaminum. Domine JEsu beneddicere, & sancti † ficare digneris, per tuam clementiam, & pietatem hanc creaturam incensi, vel storacis, ut sit defensio contra omnes spiritus malignos, & compulsio factorum, in quem locum odor hujus incensi venerit, five adfuerit, nullus spiritus malus, nulla incantatio, & nullum maleficium, vel factura, & nulla molestia malignorum possit durare, neque stare modo aliquo; sed statim omnia diabolica fugiant procul per signum S. † crucis. Amen.

Beneddic Domine hanc creaturam incensi (vel storacis) ad effugandos daemones, & omnia aspera ejus per servum tuum sanctum N. cui dedisti virtutem ad effugandos daemones, nam ego N. sacerdos beneddicō te creatura incensi, vel storacis, & sancti † fico per eum, quem cælum & cæli cælorum capere non possunt; & in odore hujus incensi (vel storacis) benedicatur domus, locus

Benedictio herbarum ad exorcismos demonum. 357

locus, cubiculum, ita ut nullus spiritus possit stare, ubicunque fuerit hic odor; sed fugiat confusus: & domum, locum, cubiculum, ubi fuerit talis odor, benedico, & sanctifico, & benedictionibus cælestibus repleo: & sic domus, & locus, & cubiculum Dei sit palatium Christi, sit habitaculum Spiritus sancti, & quisquis fumigatus fuerit his rebus benedictis, benedicatur, & sanctificetur. **T**e humiliter precor, Domine Iesu Christe, ut hanc creaturam incensi (storacis vel sulphuris) quam in nomine tuo purifico, benedico, & sanctifico, tua sancta virtute digneris corroborare, ut odore hujus fugiant dæmones, cum omnibus suis facturis & armis in nomine Patris, & Filii, & Spiritus sancti, Am.

Aspergatur.

3.

Benedictio herbarum, rutæ, absinthii, rosæ, & similium pro fumigatione ad exorcismos dæmonum.

Vers. Adjutorium nostrum &c.

Vers. Domine exaudi &c.

Vers. Dominus vobiscum &c.

Oremus.

Domine sancte, Pater omnipotens, æterne Deus; qui dixisti, germinet terra herbam virentem, & facientem semen & lignum pomiferum faciens fructum juxta genus suum, sic propter nomen sanctum tuum magnum & glorificatum in terra, & in cælo, pone dexteram tuam plenam largâ benedictione super has herbas

Z 3

(vel

398 *Benedictio ignis ad maleficia combur.*

(vel rosas) & reple eas cunctis benedictionibus, prout ego sacerdos tuus, in tuo sancto nomine Tetragrammaton & servi tui, Sancti N. eas exorcizo, benedico, & sanctifico: ut ubicunque collocatae fuerint sive in domibus, sive in lea^{is}, vel cubiculis, vel super se habuerit obsessus, vel odoratus fuerit, vel si quis fuerit ex his fumigatus, vel in balneo lotus, vel quibuscunque locis fuerint; per omnipotentiam tuam, & Passionem filii tui Domini nostri Jesu Christi, elongetur ab eis omne malum, omne periculum, omnes virtutes, & opera satanae, per eum, qui dat herbam servituti hominum, has herbas N.N. benedico, & sanctifico ad fugandos daemones, ad destruendum omne maleficium, & ad annihilandum incantamentum, ligamen, facturas, & omnia opera satanae a corporibus hominum, a quibusvis locis omne opus diaboli factum vel faciendum, ita, ut ibi nulla habitatio, nulla virtus diaboli sit in his herbis; sed in nomine Jesu & sancti N. quorum nomen & virtutem invoco super has herbas (vel rosas) recedant confusi, maledicti, & vadant in barathrum cum omnibus operibus suis haereticalibus, & inhabitent sancti Angeli DEI, ut recipiant sanctitatem, in nomine Patris, & Filii, & Spiritus sancti, Amen.

Aspergantur aqua benedicta.

4.

Benedictio ignis ad maleficiorum instrumenta comburenda.

Vers. Adjutorium nostrum &c.

Vers.

Vers. Dominus vobiscum &c.

Oremus.

Benedicat te creatura ignis, qui creavit te, qui famulo suo Moyfi in igne flammæ rubi apparuit; qui in columna nubis, per noctis tenebras suum populum antecessit in deserto; qui tres pueros majestatis suæ cultores in te servavit illætos, qui judicaturus orbem terrarum, te ante judicis faciem præire jubebit: qui te justitiæ instrumentum in contumaces spiritus delegit, & per te malignos spiritus apostatas, omnesque damnatos justissimè excruciat in æternum. Et ego benedico te, & exorcizo te, & conjuro te, creatura ignis, per eum, qui venturus est judicare sæculum per ignem: & qui tremere facit orbem terrarum, & qui omnia potest, ut adversus infernales bestias, & prædones sis mihi adjutorium in virtute DEI, & Domini nostri Jesu Christi affligens, crucians, & exurens plus centuplo, quàm gehenna sulphurea, ut sentiant pœnas importabiles, quæ per singula momenta suæ protervæ obstinationis suscipiant incrementa. Per eundem Dominum nostrum Jesum Christum, qui venturus est judicare sæculum per ignem. Amen.

Oremus.

O Adonai magne, & admirabilis, qui universa de nihilo in tua potenti virtute creâsti, & qui hujusmodi corporeis elementis, tantam adeò potes communicare virtutem, ut non solum invisibiles spiritus, pro eorum temeritate perpetuò excrucient, sed etiam, ut possint rerum transmutare naturas: obsecramus humiliter

omnipotentem pietatem tuam, ut huic tuæ creaturæ ignis eam virtutem conferre tua pietate digneris, quæ malignis spiritibus non solum infernalium poenarum amaram recordationem efficiat; verum etiam eos, pro sua in te, & nos ministros tuos, contumacia excruciet, exterminet, & expellat. Per Dominum nostrum IESUM Christum, &c.

Deinde ignem & maleficia aspergat aqua benedicta: & hac in ignem projiciat, dicendo interim (si placet)
Psalm. 67. Exurgat DEUS & dissipentur inimi-
ci &c. Ex Matut. ser. 4.

5.

Benedictio Aquæ Ignatianæ.

Vers. Adjutorium nostrum &c.

Oremus.

Benedic Domine, creaturam istam aquæ, ut sit remedium generi humano & præsta per piissimam misericordiam tuam, per IESU Christi sanguinem, ac intercessionem S. Ignatii, & omnium Sanctorum, ut quicumque ex ea sumpserit, liberationem ab omnibus malis, corporis sanitatem, & animæ tutelam percipiat per Dominum &c.

Antiph. Hic vir despiciens mundum, & terrena triumphans, divitias cælo condidit ore manu.

Vers. Justum deduxit Dominus per vias rectas. Resp. Et ostendit illi regnum Dei.

Oremus.

Adesto Domine supplicationibus nostris, quas
in

in S. Ignatii confessoris tui commemoratio-
ne deferimus: ut qui nostræ justitiæ fiduciam non
habemus, ejus, qui tibi placuit, meritis adjuve-
mur. Qui vivis & regnas cum Deo Patre &c.

Oremus.

DEus, qui glorificantes te glorificas, & in San-
ctorum tuorum honoribus honoraris, con-
cede propitius, ut qui sancti Ignatii gloriosa me-
rita colimus, ejus pia patrocinia sentiamus,

DEus, qui ad majorem nominis tui gloriam
propagandam novo per B. Ignatium sub-
sidio militantem Ecclesiam roborasti: concede,
ut ejus auxilio, & imitatione certantes in terris,
coronari cum ipso mereamur in cœlis. Qui vivis
& regnas &c.

*Deinde Reliquia, & metallum S. Ignatii mittantur
in aquam, dicaturque:*

Confer, benignissime Domine Deus, per con-
tactum reliquiarum (metalli) sancti tui Ig-
natii aquæ huic virtutem sanandi corpus & ani-
mam, pellendi quoque omnia mala ab hoc loco,
ejusque incolis in nomine Pa tris, & Fi lii, &
Spiritus Sancti, Amen.

6.

Benedictio virgarum, & flagellorum.

EXorcizo vos creaturas virgarum, vel flagello-
rum, per eum, qui creavit herbam virentem,
& facientem semen, & lignum pomiferum faci-
ens fructum juxta genus suum; ut nulla commu-
nicatio sit vobis cum angelis apostatis, impuris,
libidinosis, luxuriosis, fornicariis, adulterinis,

Z s

sodo-

sodomiticis, incestuosis, invidis, acediosis, iracundis, avaris, superbis, gulosis, sed sitis virgæ, & flagella exortizata, benedicta: & consecrata ad conterendum, humiliandum, flagellandum & expellendum satanam, cum omnibus incitamentis & tentationibus suis: ita, ut omnis spiritus immundus, in aliqua figura, vel in corpore existens, à vobis flagellatus manifestet se statim, obediat sacerdoti, & tandem fugiat cum omni immunditia & malitia sua confusus, recedatque à corporibus humanis, per Jesum Christum, qui pro nobis ad columnam acerbissime flagellatus fuit, & virgis cæsus, & pendens in cruce percussit Luciferum, & omnes ejus sequaces. In nomine Patris, & Filii, & Spiritus sancti, Amen.

Oremus.

Omnipotens æterne Deus, qui incorporale virtute tua corporibus subdis, & virtutes naturales transmutas, & supernaturales creaturis tuis mirabiliter infundis, secundum beneplacitum Majestatis tuæ, ut cognoscamus te solum Deum omnipotentem; humiliter deprecor Majestatem tuam, ut has virgas & flagella benedicture digneris, Benedic itaque, & sanctifica has virgas & flagella, sicut benedixisti virgas & flagella, & lignum sanctæ crucis pretiosissimo sanguine Filii tui Domini nostri Jesu Christi, ad flagellandos, & fugandos dæmones creaturam tuam vexantes. Per eundem Dominum nostrum. Amen.

Aspergantur aqua benedicta.

7.

Benedictio Cilicii gestandi.

Ÿ. Adjutorium nostrum &c.

Ÿ. Dominus vobiscum &c.

Oremus.

OMnipotens & misericors Deus, benedicere digneris hoc cilicium, & indumentum, quod famuli tui pro humilitate & pœnitudinis suæ devotione induere appetunt: ut sicut Nivitarum populo in cinere, & cilicio pœnitenti pepercisti, ita & hic famulus, humiliationis & professionis suæ hoc indutus vestimento, à te creatore suo, omnium percipiat Incrementa virtutum, & cunctorum indulgentiam consequatur delictorum. Per Christum, &c. Amen.

Aspergatur.

8.

Benedictio S. Antonii de Padua, cum Oratione ad recuperandas res amissas.

Ecce Crucem† Domini, fugite partes adversæ, vicit Leo de tribu Juda, Radix David, qui misereatur, & benedicat nobis. Amen.

Responsorium S. Antonii de Padua pro re perditâ. Si quæris miracula, mors, error, calamitas, Dæmon, lepra fugiunt, ægri surgunt sani: cedunt mare, vincula; membra, resque perditas petunt, & accipiunt juvenes & cani, pereunt pericula, cessat & necessitas: narrent hi, qui sentiunt, dicant Paduani: cedunt: Gloria Patri, &c. cedunt. Vers. Ora pro nobis Beate Antoni. Resp. Ut digni efficiamur promissionibus Christi.

Ore:

Oremus.

ECclesiam tuam Deus, beati Antonii Confessoris tui deprecatio votiva lætificent, ut spiritualibus semper muniatur auxiliis, & gaudiis perfrui mereatur æternis. Per Christum Dominum &c.

9.

Benedictio novæ navis.

Psal. 28. Afferte Domino. ex Matut. fer. 2.
Vers. Dominus vobiscum.

Oremus.

Respice omnipotens Deus, de cælo sancto tuo, & cælesti benedictione benedic hanc navim, & S. Angelo comite, navigantes in ea prospere dirigere, & ab omni infortunio præservare digneris: ut ad Patriam & portum salutis reversi te cum alacritate mentis exultantes collaudent. Per Christum &c.

Vers. Dominus vobiscum &c.*Sequentia S. Evangelii secundum Matthæum.**Resp. Gloria tibi Domine.*

IN illo tempore iussit IESUS discipulos suos ascendere in naviculam, donec dimitteret turbam, & dimissa turba ascendit in montem solus orare, vespere autem facto solus erat ibi: navicula verò in medio mari jactabatur fluctibus; erat enim contrarius ventus. Quarta autem vigilia noctis venit ad eos ambulans supra mare, videntes autem eum ambulantem supra mare turbati sunt dicentes: quia phantasma est. Et præ timore clamaverunt: statimque IESUS locutus est eis dicens: habete fiduciam, ego sum, nolite timere.

Respon-

Respondens autem Petrus dixit: Domine, si tu es, jube me venire ad te super aquas. At ipse ait: veni. Et ascendens Petrus de navicula ambulabat super aquam, ut veniret ad Jesum; videns autem ventum validum timuit, & cum cœpisset mergi, clamavit: Domine salvum me fac. Et continuo Jesus extendens manum apprehendit eum, & ait illi, modicæ fidei, quare dubitasti? & cum ascendisset naviculam, cessavit ventus, qui autem in navicula erant, venerunt, & adoraverunt eum dicentes: verè Filius Dei es. *R.* Laus tibi Christe.

Oremus

Domine Deus noster, qui gubernasti & incolumen servasti Noë super undas diluvii, & Petro Apostolo tuo super mare ambulanti & mergenti manum porrexisti: extende dexteram tuam super hanc navim, & super nauclerum, & omnes in hac navi benedicta navigaturos: iisque sanitatem animæ & corporis concede, eosque ad portum salutis perducere digneris illæsos. *Qui vivis &c.*

Oremus.

Benedic Domine, hanc navim, sicut benedixisti filios Israel de Ægypto per manum Moysis exeuntes, & per mare rubrum transeuntes. Sic navim istam & famulos tuos in ea navigaturos dextera tua benedicere, & ad destinatum locum incolumes perducere digneris, Per Dominum nostrum, &c.

Oremus.

Domine Jesu Christe, qui per corporalem
præ-

præsentiam tuam naviculam Petri sanctificasti, & in captura piscium miraculosa benedixisti, dignare quoque hanc navim, & famulos tuos in ea navigantes cum omnibus substantiis suis per virtutem divinitatis tuæ benedici, & abundantiam pietatis tuæ ab allisione & submersione præservare, ut ope misericordiæ adjuti ad loca desiderata salvi perveniant, & in Ecclesia tua gratiarum tibi referant actiones. Qui vivis & regnas &c.

Benedictio Dei omnipotentis Patris, & Filii, & Spiritus sancti, descendat super hanc navim, & maneat semper. Amen.

Aspergatur.

IO.

Benedictio novorum vasorum.

Vers. Adjutorium nostrum &c.

Vers. Dominus vobiscum &c.

Oremus.

Protector fidelium Deus, & subditorum pectorum habitator, quæsumus, ut serenis oculis tuæ pietatis, hæc vasa respicere, & illustrare digneris, ut super ea descendat larga tuæ gratiæ benedictio, ut cum salubritate utentes iis per gratiam tuam mereamur effici vasa Spiritus sancti. Per Christum &c.

Aspergantur.

II.

Benedictio ignis domestici in foco vel fornace.

Vers. Adjutorium nostrum &c.

Qre-

Oremus.

Benedico te, creatura ignis, & sanctifico te, per eum, qui te creavit, & apparuit Moyfi in rubo ardente: & rogo Majestatem tuam Domine Deus, ut eandem tua benedictione & sanctificatione benedicere, sanctificare, tutari & fovere, ac ab omnibus insidiis ac maleficiis munire digneris. Per Christum &c.

Aspergatur.

12.

Benedictio B. Salvatoris ab Horta Franciscani contra Febres.

Potentia Dei Patris, Sapientia Dei Filii, Virtus Spiritus sancti liberet te ab omni febre tertiana, quartana, & continua. Beato Salvatore orante pro te famulo suo (vel famula sua) Dominus te N. benedicat & ab infirmitate & ab omni malo te defendat. Amen.

NB. Si hac benedictio scheda inscribatur, antequam collo appendatur, scheda benedicatur, & coniuratur ut supra in benedictione 30. Capitis secundi.



CAPUT NONUM.

Benedictiones, & Exorcismi potentissimi contra tempestates, ignem & inundationes.

I.

Exorcismus contra tempestatem.

Pec

Per signum crucis † de inimicis nostris libera nos Deus noster.

In nomine Patris & Filii, & Spiritus sancti Amen.

Credo in Deum. *Dicitur totum.*

Deinde Kyrie eleison. Christe eleison. Kyrie eleison. Pater noster &c. *totum.*

Vers. Adjutorium nostrum &c.

Vers. Sit nomen Domini benedictum.

Resp. Ex hoc, nunc & usque in sæculum.

Vers. Exurgat Deus, & dissipentur inimici ejus.

Resp. Et fugiant, qui oderunt eum, à facie ejus.

Vers. Exurge Christe adjuva nos. Resp. Libera nos propter nomen tuum.

Vers. Domine exaudi &c.

Vers. Dominus vobiscum &c.

Oremus.

Domine JESU Christe, qui fecisti cœlum & terram, mare & omnia, quæ in eis sunt, quique flumini Jordani benedixisti, atque in eo baptizari voluisti, & tuas sanctissimas manus, & brachia sanctissima in cruce † extendisti, quibus aërem sanctificasti, obsecramus immensam pietatis, & bonitatis tuæ abundantiam, quatenus has nubes, quas ante me, & post me, & supra me, à dextris & à sinistris video, aërem perturbare, dissolvere, & annihilare digneris, ut alligata potestas dæmonum impiè delæventium deficiat & turbetur, ad laudem sanctissimi nominis & potentissimæ majestatis tuæ. Qui vivis & regnas cum Deo Patre in unitate Spiritus sancti, &c,

Exorcismus.

ET ego præco, & Christi sacerdos seu minister, licet indignus auctoritate & virtute ejusdem Dei & Domini nostri Jesu Christi, summi imperatoris, non meâ potentia innixus & confusus, vobis præcipio immundissimis spiritibus, qui has nubes, seu nebulas concitatis, in virtute ejusdem Dei & Domini nostri Jesu Christi † per sanctissimam ejus incarnationem, per sanctam natiuitatem, per baptismum & jeiunium ipsius, per ejus sacratissimam crucem † & passionem, per sanctam resurrectionem, per admirabilem ascensionem, per tremendum adventum ejus & judicium; per merita intemeratæ, & semper virginis Mariæ, & sanctissimi N. & per merita omnium Sanctorum, ut exeatis ab eis, & eas dispergatis in locis sylvestribus & incultis, quatenus nocere non possint hominibus, animalibus, fructibus, herbis, aut quibuscunque rebus humanis usibus deputatis. Per eundem Dominum nostrum Jesum Christum, qui venturus est judicare vivos, & mortuos, & sæculum per ignem. Amen.

Ipse vobis imperat, dæmones, qui has nubes commouetis, de quo de nube lucida fuit dictum: hic est filius meus dilectus, in quo mihi bene complacui † Ipse vobis imperat, qui sua sanctissima cruce & corporis sui sanctissimi in ea extensione, aërem purgavit † Ipse vobis imperat, qui per mortem suam vos, principem vestrum, mortemque devicit, & ligavit, atque æternæ gehennæ mancipavit ignibus. † Ipse vobis imperat, qui inferno spoliato, surrexit à mortuis.

A a

† Ipse

† Ipse vobis imperat, qui post quadraginta dies nube susceptus, virtute sua ascendit in cœlum.

† Ipse vobis imperat, qui venturus est judicare vivos & mortuos, & sæculum per ignem. Amen.

Et postea ostendat crucem in aëra dicens:

Ecce signum sanctissimæ crucis † fugite partes adversæ, vicit enim vos & mundum, Dominus noster Iesus Christus Filius Dei, imperator summus, Leo de tribu Juda, radix David.

Postea aquam benedictam in modum crucis, aspergat & si litania non sunt dicta, possunt dici hic, si nondum quievit tempestas.

Symbolum sancti Athanasii.

QUicumque vult salvus esse, ante omnia opus est, ut teneat Catholicam fidem.

Quam nisi quisque integram inviolatamque servaverit, absque dubio in æternum peribit.

Fides autem Catholica hæc est: ut unum Deum in Trinitate, & Trinitatem in unitate veneremur.

Neque confundentes personas, neque substantiam separantes.

Alia est enim persona Patris, alia Filii, alia Spiritus sancti.

Sed Patris & Filii, & Spiritus sancti una est divinitas, æqualis gloria, coæterna majestas.

Qualis Pater, talis Filius, talis Spiritus sanctus.

Increatus Pater, increatus Filius, increatus Spiritus sanctus.

Immensus Pater, immensus Filius, immensus Spiritus sanctus.

Æternus Pater, æternus Filius, æternus Spiritus sanctus.

Et tamen non tres æterni; sed unus æternus.

Sicut non tres increati, nec tres immensi: sed unus increatus, unus immensus.

Similiter omnipotens Pater, omnipotens Filius, omnipotens Spiritus sanctus.

Et tamen non tres omnipotentes; sed unus omnipotens.

Ita Deus Pater, Deus Filius, Deus Spiritus sanctus.

Et tamen non tres Dii: sed unus est Deus.

Ita Dominus Pater, Dominus Filius, Dominus Spiritus sanctus.

Et tamen non tres Domini, sed unus est Dominus.

Quia sicut singulatim unamquamque personam Deum ac Dominum confiteri Christiana veritate compellimur: ita tres Deos aut Dominos dicere, Catholica Religione prohibemur.

Pater à nullo est factus, nec creatus, nec genitus.

Filius à Patre solo est, non factus, nec creatus, nec genitus.

Spiritus sanctus à Patre & Filio: non factus, nec creatus, nec genitus: sed procedens.

Unus ergo Pater, non tres Patres, unus Filius, non tres Filii; unus Spiritus sanctus, non tres Spiritus sancti.

Et in hac Trinitate nihil prius aut posterius; nihil majus aut minus: sed totæ tres personæ co-æternæ sibi sunt, & coæquales.

Ita ut per omnia, sicut jam suprâ dictum est, & unitas in trinitate, & trinitas in unitate veneranda sit.

Qui vult ergo salvus esse : ita de trinitate senti-
tiat.

Sed necessarium est ad æternam salutem : ut
incarnationem quoque Domini nostri JESU
Christi fideliter credat.

Est ergo fides recta, ut credamus, & confitea-
mur : quia Dominus noster Jesus Christus Dei
Filius, Deus & homo est.

Deus est ex substantia Patris ante sæcula geni-
tus : & homo est ex substantia matris in sæculo
natus.

Perfectus Deus, perfectus homo : ex anima
rationali, & humana carne subsistens.

Æqualis Patri secundum divinitatem : minor
Patre secundum humanitatem.

Qui licet Deus sit & homo : non duo tamen,
sed unus est Christus.

Unus autem non conversione divinitatis in
carnem : sed assumptione humanitatis in
Deum.

Unus omnino non confusione substantiæ : sed
unitate personæ.

Nam sicut anima rationalis & caro unus est
homo : ita Deus & homo unus est Christus.

Qui passus est pro salute nostra, descendit ad
inferos : tertia die resurrexit à mortuis.

Ascendit ad cœlos, sedet ad dexteram Dei Pa-
tris omnipotentis : inde venturus est judicare vi-
vos & mortuos.

Ad cujus adventum omnes homines resurge-
re habent cum corporibus suis : & reddituri
sunt de factis propriis rationem.

Et qui bona egerunt, ibunt in vitam æternam :
qui verò mala in ignem æternum.

Hæc est fides Catholica : quam nisi quisque
fideliter, firmiterque crediderit, salvus esse non
poterit.

Salve Regina &c.

Sub tuum præsidium confugimus &c.

Canticum trium puerorum.

Benedicite omnia opera Domini Domino &c.

Vers. Benedicamus Patrem, & Filium cum san-
cto Spiritu. Resp. Laudemus & superexalte-
mus eum in sæcula.

Vers. Ora pro nobis sancta Dei genitrix. Resp.

Ut digni efficiamur promissionibus Christi.

Vers. Exurgat Deus, & dissipentur inimici ejus.

Resp. Et fugiant, qui oderunt eum à facie ejus.

Vers. Exurge Christe, adjuva nos. Resp. Et li-
bera nos propter nomen tuum.

Vers. Irruat super dæmones formido, & pavor.

Resp. In magnitudine brachii tui.

Vers. Domine exaudi &c.

Vers. Dominus vobiscum. &c.

Oremus.

Omnipotens sempiterne Deus, qui dedisti fa-
mulis tuis, in confessione veræ fidei æternæ
Trinitatis gloriam agnoscere : & in potentia
majestatis adorare unitatem : quæsumus, ut ejus-
dem fidei firmitate, ab omnibus semper munia-
mur adversis.

A domo tua, quæsumus Domine, spirituales
nequitia repellantur, & ærearum discedat ma-
lignitas tempestatum.

Ad te nos Domine clamantes exaudi, & aëris serenitatem nobis tribue supplicantibus, ut qui justè pro peccatis affligimur, misericordia tua præveniente, clementiam sentiamus.

Largiri, & conservare fructus terræ dignare Domine Deus: ut temporalibus gaudeamus auxiliis, & proficiamus spiritualibus incrementis.

Tribulationem nostram, quæsumus, Domine, propitius respice, & iram tuæ indignationis, quàm justè meremur, averte. Per Dominum nostrum &c.

Potest etiam dici oratio Sancti, vel Sanctæ vel Sanctorum propria Ecclesie.

2.

Alia conjuratio efficacissima contra imminentem tempestatem.

Primò dicatur Antiph.

Asperges t me Domine, & miserere mei &c.

Deinde sequitur.

Pater t te confundat, Filius t te dividat, Spiritus t sanctus te transeat. In nomine Patris, & Filii, & Spiritus t sancti, Amen. Ecce crucem Domini, fugite partes adversæ, vicit Leo de tribu Juda radix David. Alleluja, Christus t vincit, Christus t regnat, Christus t imperat, Christus ab omni malo, & tempestate nos, & omnia bona nostra defendat, Amen. Contjuro te tempestas mala, per nomen Domini nostri JESU Christi, & per nomina trium Regum, quorum nomina sunt Caspar, Melchior, Balthasar, qui Dominum in Bethlehem visitare voluerunt, & obtu-

obtulerunt aurum, thus & myrrham. Tibi impero, ut procul fugias, & citò recedas à finibus nostris, nec nocere valeas ullis finibus Christianorum. Amen. Conjuror te tempestas valida per sanctissima nomina JESU Christi. Conjuror te per Patrem, & Filium, & Spiritum sanctum, & per beatam Mariam matrem ejusdem Domini nostri JESU Christi, & per Angelos, & per Arch-Angelos, per Thronos, & Dominationes, Principatus, & Potestates, per Cherubim & Seraphim. Conjuror te tempestas per septuaginta duos discipulos Domini nostri JESU Christi. Conjuror te tempestas, per omnia, quæ Deus fecit: & per virtutes cælorum, & per septuaginta nomina ejusdem Domini nostri JESU Christi, hebraicè, græcè, & latinè, quibus nuncupatur Deus. Conjuror te tempestas per duodecim Apostolos Domini nostri JESU Christi, per tres Patriarchas Abraham, Isaac, & Jacob: & per quatuor Evangelistas Dei, Mathæum, Marcum, Lucam, & Joannem. Conjuror te tempestas per Annuntiationem & incarnationem Domini nostri JESU Christi, per Nativitatem, & Circumcisionem, per apparitionem, per jejunium, per tentationem, per transfigurationem, per traditionem, captionem, collaphizationem, flagellationem, irisionem, & passionem ejus, per crucem & clavos, per lanceam, & vulnera sua, per mortem ejusdem Domini nostri JESU Christi, & per dolorem, & lachrimas, quas habuit beatissima virgo Maria mater ejusdem Domini nostri JESU Christi de filio suo Domino nostro JESU Christo, &

per sepulturam eius, & per resurrectionem & ascensionem, per Spiritum sanctum paraclitum Domini nostri Jesu Christi, ut procul fugias, & citò recedas à finibus nostris. Conjuro t te tempestas per sanctissimam mortem Jesu Christi, & per crucem, in qua pependit pro nobis peccatoribus, Agios, Ischiros, Athanatos. Conjuro t te tempestas per hæc nomina Heloy, Heloy, Heloy, Alpha & Omega, principium & finis, vita, virtus, salvator, Rex magnus, Deus Sabaoth. Conjuro t te tempestas, per sanctos Monachos, & eremitas, per virgines, & per continentes, & per omnes Sanctos, & Sanctas Dei, & per omnes missas, quæ sunt cantatæ, & per omnes illos, qui eas cantaverunt, & per omnem potestatem Domini nostri Jesu Christi, & per omnia, quæ ad honorem Dei, & Beatæ Mariæ Virginis, & omnium sanctorum dici possunt. Conjuro t te tempestas, ut non cadas in territorio nostro, seu in finibus nostris, nec in alio loco, ubi nocere possis Christianis. Conjuro t te tempestas, per omnia suprà dicta, ut non noceas, nec nocere possis animalibus, nec bonis nostris, sed cade in loco deserto, seu eremo inhabitabili, vel in tali loco, ubi nemini noceas. Amen.

Oremus.

Omnipotens sempiterne, & misericors Deus, parce metuentibus, propitiare supplicantibus & da, ut post noxios nubium, & procellarum ventos in materiam laudis transeat comminatio tempestatis.

Ore.

Oremus.

OMnipotens sempiterne Deus, qui dedisti famulistuis in confessione veræ fidei, æternæ trinitatis gloriam agnoscere, & in potentia majestatis adorare unitatem, quæsumus, ut ejusdem fidei firmitate ab omnibus semper muniamur adversis. Per Dominum nostrum &c. Amen.

Postea conversus ad nubes, signet eas signo crucis dicens:

Circumdet te nubes, Deus Pater, circumdet te Deus Filius, circumdet te Deus Spiritus sanctus. Destruat te Deus Pater, destruat te Deus Filius, destruat te Deus Spiritus sanctus. Comprimat te Deus Pater, comprimat te Deus Filius, comprimat te Deus Spiritus sanctus, Amen.

Obsecratio.

Sanctus Mathæus, sanctus Marcus, sanctus Lucas, sanctus Joannes, Evangelistæ, qui Christi Evangelium, per quatuor mundi partes divulgârunt, ipsi suis meritis & precibus hanc tempestatem à termino isto & ab omnibus Christianorum finibus ab eodem Domino nostro Jesu Christo removeri obtineant, & depelli.

3.

Benedictio & Exorcismus contra tempestates.

Mox, ut vider tempus tempestuosum levare, Sacerdos aspergat aquam benedictam contra tempestatem per quatuor latera in modum crucis, & saepe hoc faciat. Et quia Agnus Dei habet virtutem contra tempestatem, exorcizans potest eo uti signando ad singulas cruces.

A a 5

Vers.

Verf. Adjutorium nostrum &c.

Verf. Ostende nobis Domine misericordiam tuam. Resp. Et salutare tuum da nobis.

Verf. Adjuva nos Deus salutaris noster. Resp. Et propter gloriam nominis tui libera nos.

Verf. Vox Domini super aquas multas. Resp. Deus Majestatis intonuit.

Verf. Exurgat Deus & dissipentur inimici ejus.

Resp. Et fugiant, qui oderunt eum à facie ejus.

℣. Domine exaudi &c.

℣. Dominus vobiscum &c.

Oremus.

A Domo tua quæsumus Domine spirituales nequitiae repellantur, & aërearum discedat malignitas tempestatum. Per Dominum nostrum JESUM Christum &c.

Oratio.

O Mnipotens sempiternæ Deus, parce metuentibus, & propitiare supplicantibus, ut post noxios ignes nubium, & vim procellarum in materiam transeat laudis comminatio tempestatis.

Oremus.

R EX æterni imperii omnipotens Deus, qui das escam omni carni & operis cœlum nubibus: & paras terræ pluviam; qui mandas nubibus desuper, & januas cœli aperis, qui transfers austrum de cœlo & inducis in virtute tua africanum; & de fructibus operum tuorum satiatur terra; qui Angelo præcepisti, ne terræ, mari, neque arboribus noceret: parce Domine metuentibus, & propitiare supplicantibus, te enim Domine supplices exoramus, ut procul abscedat incurio turbinum, cala-

calamitas tempestatum, fragor grandinum, percussio fulminum, & quælibet insidiæ inimici temperentur: infesta tonitura & noxiæ pluvix: ventorum flamina fiant moderatè suspensa: & omnis quoque spiritus procellarum, & aëreæ potestates dexterâ tuâ prosternantur virtutis. Descendat quæsumus Domine desuper Spiritus sanctus, & sicut Samueli cornigerum agnum in holocaustum tuum mactanti fragor aurarum tuarum repulit adversantem, ita fugatis omnibus contrariæ potestatis virtutibus, fruges, mentes, & corpora fidelium manus servet Angelica protectione supernâ, & post sopitos nubium impetus, in laudis, & devotionis, ac spiritualis amoris augmentum transeat comminatio tempestatis. Per Dominum nostrum JESUM Christum filium tuum, qui tecum vivit & regnat in sæcula sæculorum. &c.

Benedicta sit sancta & individua Trinitas
Pater, & Filius, & Spiritus sanctus, nunc
& semper, & per infinita sæcula
sæculorum, Amen.

Sancte Deus, sancte fortis, sancte immortalis
miserere nobis.

JESUS Christus Filius Dei venit in pace
Deus homo factus est, verbum Filius caro factum
est.

Christus vincit Filius Christi regnat Filius Christi
imperat Filius Christi ab omni malo nos defendat.
Crux Christi salva nos, Crux Filius Christi protege
nos, Crux Filius Christi defende nos, nunc & in hora
mortis nostræ, Amen.

JESUS

JESUS Nazarenus Rex Judæorum, Titulus triumphalis benedicat & custodiat nos ab omnibus malis.

Exorcismus.

ECce crucem † & nomen Domini, ens entium Deus, causa causarum Deus, vita viventium Deus, à quo omnia Deus, de quo omnia Deus, ex quo omnia Deus, in quo omnia Deus, & per quem omnia Deus, Deus deorum Deus. Agla, potentissimus Deus, Adonay Dominus Deus, Heloim justissimus Deus, Eloim excelsus Deus, Eloa Dominus Deus, & fortissimus Deus, Saday omnipotens Deus, sanctus, sanctus, sanctus Sabaoth Deus, Deus deorum Deus, Adonay, Tetragrammaton &c. quod nec lingua explicare, nec mens nec sensus hominum capere potest, nec indignissima ego tanti Dei & creatoris creatura dignus sum scire, proferre, aut syllabas conjunctas pronunciare, nec minùs ad cælum oculos levare, sed vix audeo divinatione litterarum personare, Jod, Hevau, He, fugite partes adversæ, fugite dæmones, fugite inimici generis humani, fugite rebelles creatoris vestri, osculamini dæmones maledicti hoc gloriosissimum magnum, & admirabile creatoris vestri nomen Adonay, Tetragrammaton &c. Osculamini & genuflectite devotè spiritus teterrimi, dracones execrandi, nominari indignissimi; aliàs per hæc sacratissima Dei nomina per sanctam crucem, & pretiosissimum JESU Christi sanguinem, validissimis quibuscunque exorcismis hoc ipso conjuramini, sicuti actu ipso vos exorcizo † ut sine mora

mora cessetis ab omni incurſu † terrore † tempeſtatibus nocivis † vexatione mei † aut cujuſcunque creaturæ, & horum locorum. Ita ſanctiſſima Trinitate jubente †, Virgine Dei Genitrice Maria cum omnibus Angelis & Sanctis intercedente, & ſancto Michaële Archangelo exequente, in nomine Patris † & Filii † & Spiritus † ſancti. Amen. † Amen. † Amen. † Fiat † Fiat. †

Aſpergantur aquâ benediſſâ.

4.

Exorcismus, & conjuratio contra grandines & tempeſtates.

Sacerdos manus ſuas in modum crucis extendat contra nubes, & piè dicat Pater noſter, Ave Maria, Symbolum Apoſtolorum, & S. Aſchanasii: Quiſcunque vult ſalvus eſſe &c. fol. 370. Cum benedictione in nomine Patris, & Filii, & Spiritus † ſancti, Amen.

Conjuratio & Adjuratio.

Conjuro & adjuro vos nubes & tempeſtates, & præcipio per Deum Patrem, per Deum Filium, per Deum Spiritum † ſanctum, qui ſunt in ſubſtantia unus Deus, per potentiam Patris, per ſapientiam Filii, per amorem Spiritus ſancti procedentis ab utroque: per ſanctam obedientiam Jeſu Chriſti Domini noſtri: per ſanctam humilitatem, & fecunditatem genitricis DEI Mariæ: per novem choros Angelorum, per virtutem & paſſionem Apoſtolorum ac Martyrum: per merita omnium Sanctorum, & Sanctarum Dei, per imperiale verbum Jeſu Chriſti, quo
ven;

ventis imperavit, ut cessarent : per divisionem maris rubri à Dei potentia factam, adjuro, & præcipio vobis nubes, grandines † & tempestates, ut in hoc signo sanctæ † crucis, quod contra vos facio, indivisæ repente recedatis à nobis, & ab hoc loco, sine læsione alicujus hominis, vel loci, vel terræ, & deleamini per aërem, Amen.

Iterum adjuro † vos grandines, & tempestates, per quinque sacrosancta vulnera Christi, per tres clavos, qui manus & pedes ejus perforârunt; ut in aquam resolutæ descendatis, & abscedatis, idque in nomine Patris, & Filii, & Spiritûs † sancti, Amen.

Vers. Dominus vobiscum. &c.

Oremus.

Domine JESU Christe, qui fecisti cœlum & terram, mare & omnia, quæ in eis sunt, quique flumini Jordanis benedixisti, atque in eo baptizari voluisti : & tuas sanctissimas manus, & brachia sacratissima in cruce extendisti, quibus aërem sanctificasti, supplices obsecramus immensam bonitatis tuæ clementiam, ut has nubes & tempestates, quas ante me, post me, & supra me video aërem perturbare, clementer dissolvere & annihilare digneris, ut alligata potestas dæmonum, ac maleficorum impiè in tuos fideles, ac fructus terræ desævians deficiat, turbetur, & dissolvatur ad laudem sanctissimi nominis tui, & omnipotentissimæ tuæ majestatis. Qui vivis & regnas &c.

Exorcismus.

Iterum conversus ad nubes cum signo crucis dicat:

Cir-

Circumdet te Deus Pater†, circumdet te DEUS Filius†, circumdet te Deus Spiritus†sanctus. Benedicat te Deus Pater†, benedicat te Deus Filius, benedicat te Deus Spiritus†sanctus. Dividat te Deus Pater†, dividat te Deus Filius†, dividat te Deus Spiritus†sanctus. Destruat te Deus Pater, destruat te Deus Filius†, destruat te Deus Spiritus†sanctus. Annihilet te Deus Pater†, annihilet te Deus Filius†, annihilet te Deus Spiritus†sanctus. In nomine Patris & Filii, & Spiritus†sancti, Amen.

Postea acceptam crucem cum Benedictione ostendat in aëre à 4. lateribus dicens:

Ecce signum sanctissimæ crucis, fugite partes adversæ: vicit enim vos, & mundum Dominus noster Iesus Christus Filius Dei, summus imperator, Leo de tribu Juda, radix David, Amen.

Aspergantur aqua benedicta in modum crucis per quatuor latera dicendo: In nomine Patris, & Filii, & Spiritus†sancti, Amen.

5.

Exorcismus ad fugandas tempestates.

Primum benedicat aquam & sal in hunc modum & exorcizet.

Exorcismus salis & aqua.

In nomine Domini nostri Iesu Christi. Adjutorium nostrum in nomine Domini &c.

EXorcizo te creatura salis, & aquæ, in nomine Domini nostri Iesu Christi Nazareni, Filii Dei

Dei vivi, ut sis purgatio, & purificatio in his locis, in quibus aspersa fueris ad effugandos imundos & hæreticos spiritus, omnemque nefariam vim diaboli pellendam, & omnes figuras, & minas phantasmatis satanæ exterminandas, & fulgura, & sidera, quæ mitti videntur in domos, arbores, agros, possessiones, turres, vel quamcunque habitationem, ne hominibus, aut pecoribus, aut frugibus noceant, sed abscedant, & fugiant, per invocationem nominis Domini nostri Jesu Christi, qui venturus est iudicare vivos & mortuos, & sæculum per ignem. Resp. Amen.

Et mox aspergat aquam benedictam contra tempestatem in modum crucis.

Extendat manus in modum crucis contra nubes, & dicat Pater noster. Ave Maria & Credo.

Exorcismus.

A Djuro vos angeli tartarei per Patrem, & Filium, & Spiritum sanctum, & per illam lanceam † adjuro vos, qua Dominus noster Jesus Christus fuit vulneratus in cruce; & per illos clavos, qui membra Domini perforaverunt, & per illam aquam & sanguinem, qui de latere Christi effluxit, & per illam spineam coronam, quæ in capite D. N. Jesu Christi posita fuit, & per sanctam resurrectionem ejus & ascensionem: per gratiam sancti Spiritûs † adjuro vos spiritus maligni, ut non habeatis virtutem, neque potestatem super campos nostros aliquid malefacere † adjuro vos maligni spiritus per Patrem D. N. Jesu Christi & omnes Sanctos ejus † adjuro vos per

per sanctam Mariam matrem D. N. Iesu Christi
& per Michaellem & Gabrielem, sanctum Ra-
phaelem † adjuro vos & contradico vobis per
istos exorcismos, ut non habeatis potestatem in
nubibus cœli nobis nocere, neque in ista provin-
cia, ut non habeatis potestatem super populum
Christianum fundere potestatem † adjuro vos
per sanctum Petrum, & per S. Paulum, qui suis
orationibus deiecerunt Simonem magum. Et
per S. Andream, & per S. Joannem, & per S.
Bartholomæum; & per quatuor Evangelistas;
S. Mathæum, S. Marcum, S. Lucam, & sanctum
Joannem † vos adjuro per communionem & so-
cietatem civium Christi & per duodecim legio-
nes Angelorum, & per viginti quatuor seniores,
& omnes virtutes Angelorum, & per septem
Thronos, & per septem candelabra Christi &
per septem donationes, & per septiformem gra-
tiam Dei, & per singula merita singulorum, &
per Agnum Dei immaculatum Iesum Christum
cui est honor, & virtus, & per eos Angelos, qui
stant in Paradyso † adjuro vos per verum Deum
vivum cœli: Deum Angelorum, Patriarcha-
rum, Prophetarum, Apostolorum; Deum Mar-
tyrum, Deum Confessorum, Deum Virginum,
ut non habeatis potentiam, neque virtutem in
nubibus cœli nobis nocere, neque flagellare su-
per campos nostros, sed in loca deserta, ubi arana
non arat, nec seminans seminat. Amen † A-
men †.

† Increatus Pater † increatus Filius † increatus
Spiritus sanctus † Hagios † Hagios: Ecce cru-

cem † Domini ; fugite partes adversæ , vicit Leo de tribu Juda, Radix David Alleluja † Alleluja † Alleluja † dixit Dominus ex Basan convertam, convertam in profundum maris: Domine JESU Christe , qui cœlum & terram fundâsti, & flumen Jordanis benedixisti, & in eo baptizari voluisti, beneddicere, & sanctificare pro tua pietate digneris has nubes, quas video ante me positas, & ut deficient, & transeant in aquam salutarem, aut tempestatem faciant in locis desertis, & non noceant aliquibus personis domesticis Christianis; neque domesticis animalibus, neque agris, neque fructibus virtute Spiritûs sancti & oratione omnium Sanctorum & Sanctarum † Dei Amen † in nomine Christi Amen † Emmanuel † Paraclitus † Sabaoth † Ischyros † Athanatos. In nomine Patris † & Filii † & Spiritus † sancti, Amen.

Exorcismus.

A Djuro vos nubes, & grandines, seu tempestates, ac vobis præcipio per Deum Patrem † per Deum Filium † per Deum Spiritum † sanctum, qui sunt in substantia unus Deus. Per potentiam Patris †, per sapientiam † Filii, per amorem Spiritus † sancti, procedentis ab utroque, per sacram obedientiam JESU Christi, per sacram humilitatem Virginis Mariæ, Dominiæ nostræ. Per virtutes Apostolorum, per passionem terribilem martyrum Christi, per novem choros spirituum cælestium : per fidelem, & sacram vitam Confessorum : per omnes sanctas Mulieres, famulas, & martyres Christi, per omnes animas beatas cœli; per sacram obumbrationem, quam

quam fecit virtus altissimi beatæ Virgini Mariæ, Dominæ nostræ, per imperiale verbum, quod fecit Christus ventis, ut cessarent; per divisionem mirabilem maris rubri, quam fecit potentia divina populo judaico; per omnia ista supra scripta, adjuro † & præcipio vobis ô nubes, seu grando, ut in signo hujus sacræ crucis, quam contra vos facio, indivisæ repentinè recedatis à nobis, & ab hoc loco sine læsione alicujus hominis, sive navis, sive terræ, evanescatis per aërem, Amen.

Iterum adjuro vos † grandines, & ventos per quinque vulnera Christi: per tres clavos, qui ejus manus & pedes perforârunt, ut in aquam resolutæ descendatis. In nomine Patris, & Filii, & Spiritûs † sancti, Amen.

6.

Benedictio aëris ad petendam pluviam.

Potest fieri cum processione publica, ex Parochia, vel privatim, ante valvas Ecclesie vel domi. Primò dicuntur Litania omnium Sanctorum. In fine

Pater noster.

Vers. Et ne nos inducas in tentationem, &c.

Vers. Riga Deus montes de superioribus tuis.

Resp. Et de fructu operum tuorum satiabitur terra.

Vers. Operi Domine coelum nubibus.

Resp. Et para terræ pluviam.

Vers. Et producat in montibus fœnum.

Resp. Herbam servituti hominum.

Vers. Domine exaudi &c.

Bb 2

Vers.

℟. Dominus vobiscum &c.

Oremus.

DEUS, in quo vivimus, movemur, & sumus, te supplices deprecamur, ut terræ congruentem pluviam tribuere digneris: ut præsentibus misericordiæ tuæ auxiliis sufficienter adjuti, sempiterna fiducialius appetamus.

DEUS, qui conspicias, quia nos undique mala nostra perturbant, concede, quæsumus, ut beatissimæ Virginis Genitricis Filij tui Mariæ, & beatorum Martyrum tuorum Joannis & Pauli, atque beati N. aliorumque sanctorum Patronorum nostrorum intercessio gloriosa nobis succurrat.

Præsta, quæsumus, omnipotens DEUS, ut qui in afflictione nostra de tua pietate confidimus, contra omnia adversa tuâ semper protectione muniamur. Per Dominum nostrum Jesum Christum &c.

Vers. Dominus vobiscum &c.

Exaudiat nos omnipotens & misericors DEUS Pater, Filius, & Spiritus sanctus. *Interim versus aerem spargitur aqua benedicta & additur.*

Vers. Fidelium animæ per misericordiam Dei requiescant in pace. Resp. Amen.

7.

Benedictio pro aëris serenitate.

Hæc benedictio potest etiam fieri post publicam cum populo supplicationem vel privatim, ante Ecclesiam, aut domi à sacerdote, recitatis litanis omnium Sanctorum.
In fine Pater noster secretò.

Vers.

Vers. Et ne nos inducas in tentationem &c.

Vers. Exaudisti Domine spiritum tuum.

Resp. Et prohibita sunt pluvia de cœlo.

Vers. Cùm obduxero nubibus cœlum. &c. Appa-
rebit arcus meus, & recordabor fœderis mei.

Vers. Illustra faciem super servos tuos. &c. Et
benedic sperantes in misericordia tua.

Vers. Domine exaudi &c.

Vers. Dominus vobiscum. &c.

Oremus.

A Domo tua, quæsumus Domine, spirituales
nequitia repellantur, & aërearum discedat
malignitas tempestatum.

A Dte nos, Domine, clamantes exaudi, & aë-
ris serenitatem nobis tribue supplicantibus,
ut qui justè pro peccatis nostris affligimur, mise-
ricordia tua præveniente, clementiam sentia-
mus.

Quæsumus, omnipotens Deus, ut, qui omni-
um rerum tibi servientium naturam, per
iplos motus aëris ad cultum tuum majestatis in-
stituis: per intercessionem sanctissimæ Virginis
& Genitricis Dei Mariæ, sanctorum Angelorum,
Patriarcharum, Apostolorum, Martyrum, Con-
fessorum, Virginum, Viduarum, omniumque
Sanctorum, tranquillam auram nobis concede-
re, & nocentium imbrum coercere abundan-
tiam misericorditer digneris. Per Dominum
nostrum, &c.

Vers. Dominus vobiscum. &c.

Vers. Benedicamus Domino. &c. Deo gratias.

Exaudiat nos omnipotens & misericors Do-
minus,

minus, Pater, & Filius, & Spiritus † sanctus.
Amen.

Interim in aërem aspergatur aqua benedicta, & addatur : Et fidelium animæ requiescant in pace.
Amen.

8.

Exorcismus contra ignem.

Sacerdos indutus stola violacea (si publicè, si verò privatim sine stola) stans versus ignem, aspergat aquam benedictam contra flammam ter dicens :

In nomine Patris, & Filii, & Spiritus † sancti. Amen.

Verf. Adjutorium nostrum &c.

Verf. Domine exaudi &c.

Verf. Dominus vobiscum &c.

Oremus.

DEUS, qui sacerdotibus tuis tantam gratiam conferre dignatus es, ut quidquid in tuo nomine dignè, perfectèque ab eis agitur, à te fieri credatur : quæsumus immensam clementiam tuam, ut per virtutem divinitatis & omnipotentiae tuae, & per virtutem benedictionis sacerdotalis hunc noxium ignem extinguere, & plebem tuam ab imminente damno liberare digneris. Per Christum &c.

Aspergat iterum aquam contra ignem, deinde exorcizet eum dicens :

EXorcizo te creatura ignis, in nomine Dei Patris † omnipotentis, & in nomine Jesu Christi † Filii ejus Domini nostri, & in virtute Spiritus † sancti : ut extinguaris, & dissiperis, & ad nihi-

nihilum reducaris. Audi ergo ignis, adjuratus per nomen D. N. JESU Christi, & protinus recede de loco isto: & non præsumas ultra nocere homini, aut iumento, aut cuicunque rei ad ulus hominum procreata. Nam ego sacerdos Dei, licet indignus, in virtute Ordinis sacerdotalis præcipio tibi, ut quantocius pro gloria Dei, & Sanctorum ejus vim tuam amittas, & in temetipso consumaris. Per eum qui venturus est judicare vivos & mortuos, & sæculum per ignem. Amen.

Iterum aspergat aquam. Deinde dicat:

EXtinguat te ignis Deus † Pater: extinguat te Deus † Filius: extinguat te Deus † Spiritus sanctus: Destruat te ignis Deus † Pater: destruat te Deus † Filius: destruat te Deus † Spiritus sanctus: annihilet te ignis Deus † Pater: annihilet te Deus † Filius; annihilet te Deus † Spiritus sanctus. Amen.

Iterum aspergat & dicat:

SANCTUS Mathæus, S. Marcus, S. Lucas, & S. Joannes qui Christi Evangelium per quatuor mundi partes divulgârunt. Ipsi suis meritis & precibus hunc ignem à termino isto & ab omnibus Christianorum finibus in quatuor mundi partes sine damno fidelium ab eodem Domino nostro JESU Christo removeri & expelli obtineant. **E**T ego Christi sacerdos, & minister, licet peccator maximus, non meis meritis & potentiae innixus, sed meritis, & potentiae D. N. JESU Christi confisus, præcipio vobis: immundissimi spiritus, si fortè per vos ipsos, seu per vestros

ministros, aut quocunque modo hunc ignem excitastis, ut eundem protinus extinguat. & ad nihilum redigatis. Et hoc ipsum præcipio vobis per ejusdem D. N. JESU Christi SS. Incarnationem, dulcissimam Nativitatem, sacratissimum baptismum, strictissimum jejunium, dolorosissimam passionem, gloriosissimam mortem, gloriosissimam resurrectionem, gaudiosissimam ascensionem, & tremendissimum judicium. Nec non per merita Beatissimæ V. Mariæ, SS. Apostolorum, Martyrum, Confessorum, Virginum, & omnium Sanctorum, ut amoveatis hunc ignem ab hoc loco, & dispergatis eum in locis incultis, ubi non possit nocere hominibus, nec animalibus, nec arboribus, nec herbis, nec quibuscunque rebus ad humanos usus deputatis. Per eundem D. N. JESUM Christum, qui venturus est condemnare, & ad ignem infernalem dejicere vos malignos spiritus, & judicare sæculum per ignem. Amen.

Aspergatur aqua benedicta.

Oremus.

DEUS infinitæ Bonitatis, & Clementiæ, qui, cum iratus fueris, misericordiæ recordaris: qui per preces famulorum tuorum Moyſis & Aaron placatus abstulisti plagam incendii à populo tuo: exaudi preces servorum tuorum, & aufer incendium hoc à fidelibus tuis, ad te totæ cordis devotione clamantibus, ut ab imminenti damno liberati gratiarum tibi in Ecclesia tua persolvant actiones. Per Christum, &c.

Ore-

Oremus.

DEus, qui ad ostendendam virtutem potentie tue misisti Angelum tuum, qui excussit flammam ignis de fornace, & fecit medium fornacis quasi ventum roris flantem: imploramus immensam Bonitatis tue Clementiam, ut ad amplificandam gloriam nominis tui eundem Angelum mittere digneris, qui excruciet flammam hanc, & extinguat incendium, quod sævit in bona servorum tuorum. Per Dominum &c.

Aspergatur aqua, & projiciatur panis & schedula in Festo S. Agatha benedicta in ignem.

9.

Benedictio contra inundationes & incendia.

Contra periculosas aquarum inundationes & incendia qua flammis ingravescentibus nullo humano auxilio sopiri posse putantur: Parochus indutus superpelliceo & stola alba procedit ad locum cum tribus ministris, duobus juxta crucem candelabra gestantibus subsequente universo populo, & Deum deprecante.

Vers. Adjuva nos Deus salutaris noster. Resp. Et propter gloriam Nominis tui libera nos.

Vers. Salvos fac servos tuos. Resp. Deus meus sperantes in te.

Vers. Domine non secundum peccata nostra facias nobis. Resp. Neque secundum iniquitates nostras retribuas nobis.

Vers. Mitte nobis Domine auxilium de sancto.

Resp. Et de Sion tuere nos.

Vers. Domine exaudi &c.

Vers. Dominus vobiscum &c.

B b 5

Ore

Oremus.

DEUS qui iustificas impium, & non vis mortem peccatoris: Majestatem tuam suppliciter deprecamur, ut famulos tuos de tua misericordia confidentes, ab his aquarum (ignium) periculis cælesti protegas benignus auxilio, & assidua protectione conserves, ut tibi jugiter famulentur & nullis tentationibus à te separentur. Per Christum Dominum nostrum Amen.

Extendens manum super aquas (flammas) & faciens signum unius tantum crucis, dicit cantando.

Benedictio Dei omnipotentis Patris & Filii & Spiritus sancti descendat super has aquas (flammas) easque coërceat clementer.

Resp. Amen.



CAPUT DECIMUM.

Benedictiones militarium instrumentorum.

I.

Benedictio militum ad bellum seu prælium euntium.

Antiph. Domine, Domine virtus salutis meæ; obumbrasti super caput meum in die belli.

Psal. 143. Benedictus Dominus Deus meus &c ut ad Vesp. Sabb.

Pater noster.

Vers. Et ne nos inducas in tentationem. &c.

Resp. Sed libera nos à malo.

Vers.

Vers. Salvos fac servos tuos. *Resp.* Deus meus
sperantes in te.

Vers. Esto eis Domine turris fortitudinis.

Resp. A facie inimici.

Vers. Nihil proficiat inimicus in eis. *Resp.* Et
filius iniquitatis non apponat nocere eis.

Vers. Domine exaudi &c.

Vers. Dominus vobiscum &c.

Oremus.

Domine sancte, Pater omnipotens æterne
Deus, qui cuncta solus ordinas, & rectè dis-
ponis: quique ad coercendam malitiam repro-
borum, & tuendam justitiam usum gladii in ter-
ris hominibus salubri dispositione permisisti, &
militarem ordinem ad populi protectionem in-
stitui voluisti. Deus, qui per S. Joannem mili-
tibus ad se in desertum venientibus, ut neminem
concuterent, sed propriis contenti essent stipen-
diis, dici fecisti; clementiam tuam supplices ex-
oramus, ut sicut David puero tuo Goliath supe-
randi largitus es facultatem, & Machabæum de
feritate gentium nomen tuum non invocantium
triumphare fecisti: ita & his famulis tuis, qui
pro justitia & veritate ad bella procedunt, pieta-
te cælesti vires & audaciam ad fidei & justitiæ de-
fensionem tribuas, & præstes eis fidei, spei &
charitatis augmentum. Da eis Domine, tui ti-
morem pariter & amorem, humilitatem, per-
severantiam, obedientiam, & patientiam bo-
nam, ut neminem injustè lædant, sed omnia
justa, & recta defendant, te timeant, & rectè
colant, perfidorum consortia vitent, suam in pro-
ximum

ximum charitatem extendant, præpositis suis in omnibus rectè obediant, & suum in cunctis iuste officium exequantur. Per Dominum &c.

Oremus.

OMnipotens sempiterne Deus, super hos famulos tuos, qui pro gloria tua & propagatione iustitiæ ad bella procedunt, gratiam tuæ benedictionis infunde, & eos dexteræ tuæ virtute fretos fac contra cuncta adversantia cælestibus armari præsidiiis, quò nullis in hoc sæculo tempestatibus bellorum turbentur, se te auxiliante hostibus suis fortiores evadant. Per Dominum &c.

2.

Benedictio vexilli seu signi bellici.

Vers. Adjutorium nostrum &c.

Vers. Dominus vobiscum &c.

Oremus.

OMnipotens sempiterne Deus, qui es cunctorum benedictio, & triumphantium fortitudo, respice propitius ad preces humilitatis nostræ, & hoc vexillum, quod bellico usui præparatum est, cælesti benedictione sanctifica, ut contra adversarias, & rebelles nationes, sit validum, tuoque munimine circumseptum: sitque, inimicis Christiani populi tui terribile, ac intercedentibus Sanctis tuis solidamentum, & victoriæ certa fiducia: tu enim es Deus fortis, qui conteris bella: & cælestis præsidii sperantibus in te præstas auxilium. Per Christum &c.

aspargatur aqua benedicta, & tradatur ei, cui consignatum est, dicendo:

Accipe

Accipe vexillum, cælesti benedictione sanctificatum, sit gnum inimicis populi Christiani terribile; & tibi det Dominus gratiam, ut ad ipsius nomen & honorem cum illo hostium cuneos, potenter penetres incolumis & securus. *Addit:*
Pax tibi.

3.

Benedictio ensis seu gladii.

Vers. Adjutorium nostrum &c.

Vers. Dominus vobiscum &c.

Oremus.

Benedicere digneris, quæsumus, Domine, hunc enssem, & istum famulum tuum, qui cum te inspirante suscipere desiderat, pietatis tuæ custodiâ munias, & illæsum custodias ab omnibus inimicis ejus. *Per Dominum &c. Amen.*

Aspergitur aquâ benedictâ, & traditur ei, cujus est, genuflexo, dicendo:

Accipe enssem istum in nomine Patris, & Filii, & Spiritûs sancti, & utaris eo ad defensionem tuam, & sanctæ Dei Ecclesiæ, & ad confusionem inimicorum crucis Christi; ac fidei Christianæ: & quantum humana fragilitas permiserit, cum eo neminem injustè lædas: quod ipse tibi præstare dignetur, qui cum Patre & Spiritu sancto vivit & regnat Deus in sæcula sæculorum. *℟. Amen.*

4.

Benedictio armorum in communi.

Ponuntur super mensam, vel altare, vel ab aliquo tenentur.

Vers.

398 *Benedictio sclopetorum, bombardarum.*

Verf. Adjutorium nostrum &c.

Verf. Dominus vobiscum. &c.

Oremus.

Signaculum & Benedictio Dei omnipotentis Patris, & Filii, & Spiritus [†] sancti, descendat super hæc arma, & super induentem, quibus ad tuendam iustitiam induatur: rogamus te Domine Deus, ut illum protegas, & defendas, qui vis & regnas Deus, per omnia sæcula sæculorum. Amen.

Oremus.

Deus omnipotens in cujus manu victoria plena consistit: quique etiam Davidi ad expugnandum rebellem Goliath vires mirabiles tribuisti, clementiam tuam humili prece deposcimus, ut hæc arma almifica pietate benedicere digneris & concede famulis tuis (vel famulo tuo) eadem gestare cupientibus, ut ad munimen, ac defensionem sanctæ Matris Ecclesiæ, pupillorum, & viduarum, contra visibilibus & invisibilibus hostium impugnationem, ipsis liberè & victoriosè utantur. Per Christum &c.

Aspergatur aqua benedicta si ad unum tantum spectent, ponitur in singulari.

5.

Benedictio sclopetorum & bombardarum.

Fiet prædicta benedictio armorum, mutatis mutandis. Aspergantur.

6.

Benedictio pulveris tormentarii, seu jaculatorii. Item globorum plumbeorum vel ferreorum cum Exorcismo.

Verf.

Verf. Adjutorium nostrum &c.

Verf. Domine exaudi &c.

Verf. Dominus vobiscum &c.

Exorcismus.

EXorcizo vos creaturas pulveris tormentarii (globorum plumbeorum & ferreorum) per Deum[†] vivum, per Deum[†] verum per Deum[†] sanctum, & per sanctissimam Trinitatem, Patrem, & Filium, & Spiritum[†] sanctum: & per Deum, qui omnia creavit ex nihilo: qui rebelles Angelos de cœlo ad inferos præcipitavit: Et per JESUM Christum Filium ejus, Dominum nostrum, qui daturus est prædestinatis feliciter regnum æternum, & reprobis damnationem; & per omnia nomina sancta Dei, vos conjuro, & exorcizo[†] & per omnia modò dicta, ut sint in defensionem nostram, & Ecclesiæ Christi, ac in dissolutionem omnium præstigiorum, maleficiorum, & superstitionum illusionum corporis humani: ita ut nihil impedire valeant, quo minus per has creaturas Dei, inimici nostri, & Catholice fidei hostes offendi, penetrari, & superari valeant. Per eum, qui venturus est judicare vivos & mortuos, & sæculum per ignem. Amen.

Oremus.


Ineffabilem clementiam tuam, omnipotens æterne Deus, humiliter imploramus: ut sicut tu es unus in essentia, & trinus in Personis, Pater, Verbum, & Spiritus sanctus; ita per eandem immensam clementiam, & pietatem tuam, bene[†] dicere digneris has tuas creaturas pulveris tormentarii (globorum plumbeorum & ferreorum


rum &c.) ut sint omnibus Christianis fidelibus ad defensionem, justis ea usurpantibus protectio, & defensio perpetua contra omnes spiritus malignos, incantationes, præstigia, & maleficia: sintque perpetua malignorum spirituum, & maleficiorum expulsio, annihilatio, eorumque ac omnium præstigiorum ac superstitionum illusionum dissolutio & dissipatio: ut quemcunque locum humani corporis ac hostilis tetigerint, nulla spirituum malignorum potestas eorum vim retundere vel debilitare possit, quo minus pro fidei catholicæ, ac fidelium fervorum tuorum defensione, vel propugnatione, iniquorum hostium cuneos penetrare, in fugam propellere, & superare possint: idque benignissime Deus pro tua misericordia præstare digneris. Per virtutem sanctissimæ crucis Domini ac salvatoris nostri Jesu Christi, qui tecum vivit & regnat in unitate Spiritus sancti Deus, per omnia sæcula sæculorum. Amen.

aspergatur aqua benedicta dicendo:

In nomine Patris, & Filii & Spiritus sancti. Amen.

NB. *Hac benedictio adhiberi potest gladiis, sclopetis bombardis &c. mutatis mutandis.*





P A R S II.

Continens Varias & Selectissimas
Conjuraciones, Exorcismos, Absolutiones,
Ritus, Administrationem Sacramen-
torum, &c.

C A P U T I.

*Regulæ pro Exorcista, & Exorcismi
super Persona obsessa à demone, aut ma-
leficiata &c.*

I.

Regulæ pro Exorcista.

IN primis necesse est, ut ipse Exorcista maxima
cum fide, conscientia munda, cum humilita-
te ad munus hoc præstandum accedat.

2. In exorcizando non requiritur excellens
sanctitas; sed firma fides, & certa fiducia, quam
quilibet facile habere poterit, cogitando se ve-
rum esse sacerdotem, sibi que veram traditam ef-
se potestatem exorcizandi: intendat ergò uti po-
testate sua, non in sua privata persona, sed in per-
sona Christi, & Ecclesiæ, cujus minister est.

3. Disponat obsessum vel maleficiatum, ut
contritione ac confessione mundet conscien-
tiam, & ut frequenter oret Deum, ut ab eo fla-
gello illum liberet, si ad ejus salutem promeren-
dam expedit.

C c

4. Ali-

4. Aliqui Doctores putârunt apud Valent. tom. 8. disp. 6. q. 8. potestatem exorcistæ, quantum ad Dei legem ordinariam spectat, nunquam effectu suo carere, quòd si re ipsa dæmon non obediât ministro, ajunt ex aliquo fidei defectu id semper oriri. Quod igitur non semper accidat, ut invocato nomine Jesu dæmon non egrediatur, minima fides invocantis est in causa. Ait Castro V. Exorc.

5. Hoc manifestè cognoscitur in responsione, quam Christus Dominus dedit discipulis, cùm interrogatus fuit, quare ipsi non potuissent expellere dæmonem ab illo lunatico, sicuti ejece- rant ab aliis obsessis: quare nos non potuimus ejicere illum? Mathæi 17. Respondit: propter incredulitatem vestram, quia si habueritis in vestro corde tantam fidem, quantum est granum sinapis, dicetis huic monti, id est, ut interpreta- tur Beda, huic obstinato, & superbo dæmoni: discede hinc, & statim discedet. Nomine autem fidei significatur, juxta Suar. de fide, disp. 8. Sect. 1. n. 3. Primò divinam omnipotentiam indubi- tatè credere, & veritatem promissionum ejus: cùm enim Christus suis propriis verbis promise- rit Ecclesiæ, & per illam Exorcistis, non defutu- rum suum auxilium; illi præcepto, quo impe- rabitur dæmonibus nomine suo, ejus divinum promissum deficere non potest. Secundò, quod in hoc vocabulo fidei continetur, est: indubita- tè credere prædictam omnipotentiam Dei, & ve- ritatem ejus promissionum hac peculiari in re, quam exorcista præ manibus habet, nempe sibi obe-

obedientem fore dæmonem ; satis itaque est , si Exorcista certò credat cum hac conditione à dæmone videlicet sibi obediendum , si adsint ea , quæ requiruntur tum in Exorcista , tum à maleficiato , & simul prudenter existimet hæc omnia re ipsa adesse.

6. Ut energumeni liberatio fiat , opus est , potestatem Exorcistæ adhiberi cum dispositionibus & circumstantiis debitis. Una autem ex circumstantiis est , liberationem hujusmodi esse utilem bono tum privato animæ , tum publico Ecclesiæ. Non petitur in nomine Salvatoris , quidquid petitur contra rationem salutis , ait S. Augustinus ; & ita possumus dicere etiam nos. Non præcipitur in nomine Salvatoris quidquid & contra rationem salutis præcipitur. Formula imperandi dæmonibus à Christo præscripta suis ministris , est imperare in nomine ejus. In nomine meo dæmonia ejicient. Quidquid igitur contrarium est huic nemini salutis , non includitur in formula præscripta , & in chirographo illo , quo stabilita est à Servatore nostro suorum ministrorum jurisdictio.

7. Exorcista habeat fidem in gradu heroico , etenim dum se agnoscit veluti ministrum Christi , qui munitur armis cælestibus , destinatus est ab Ecclesia ad pugnandum contra tartareum hostem , quam generositatem spiritûs & fidei animo non concipiat ? Tu venis ad me cum gladio & hasta & clypeo ; Ego autem venio ad te in nomine Domini , potest ille dicere , velut alter David huic giganti tartareo : 1. Reg. 17. Tu venis

nis contra me instructus armis tuæ nequitiae, & tuarum fraudum; hæc sunt arma prorsus virtutis, si comparentur cum illa insuperabili virtute, qua DEUS assistet jussis meis, quibus tibi imperabo in ejus nomine, cujus nunc vices gero.

8. Licet absolutè necessarium non sit interrogare dæmonem: primò de suo nomine, atamen prodesse poterit, ut Exorcista sciat, quem ex illis execrandis spiritibus alloqui debeat. Secundò interrogare de numero prodesse poterit; ut sciatur, an signa maleficii plura sint, an unum tantum. Tertiò interrogare de causa invasionis prodesse poterit, ut cognoscatur, an maleficium factum sit ad tempus, an in perpetuum. Quartò interrogare de die & hora discessionis prodesse poterit, ut sciatur, quomodo inter dæmones, & maleficium conventio facta sit & pactum: pariter scire signa maleficii, & ea destruere, & comburere prodesse poterit, tum, ut dissolvatur idem pactum, si hac conditione fortè initum fuit, tum, ut disponatur melius maleficiatus, certamque putet suam liberationem. Cæterum nihil horum necessarium est Exorcistæ, qui benè instructus est fide, & novit potestatem quàm à Christo, & ab Ecclesia recepit, dum sacro ordine initiatus fuit. Quare scire negligens nomen dæmonis, causam ejus ingressus, numerum, conventiones factas in maleficio & alia hujusmodi, magno impetu actus ejusdem fidei aliquando absolutè imperabit in nomine JESU Christi omnibus spiritibus, qui corpus illud exagitant,

gitant, licet ibi adessent omnes diaboli, risu excipiet omnes eorum conventiones, nihil faciet signa maleficii quærere, nec ulla in re voluntatem dæmonis obsecundet, qui per hujusmodi artes & machinamenta tueri contendit potestatem suam, & remorari vel impedire Exorcistæ potestatem, cui subesse cogitur. Ita refert D. Hieronymus in vita S. Hilarionis; asserente dæmone se non posse exire de corpore cujusdam puellæ, nisi ab ostio domûs, quam hæc incolebat, sublata fuissent signa maleficii, quibus obligatus fuerat sceminam cruciare; his neglectis, & nulla interpositâ morâ sanctum virum imperasse nefario dæmoni in virtute nominis JESU Christi, cûmque statim expultum fuisse.

9. Potestas ejiciendi dæmones, quæ facta est Exorcistis, non sita est in longis precibus & prolixis exorcismis recitandis super energumenos, excipe preces & exorcismos, & formam traditam in Rituali Romano, quæ omnia maximi facienda semper ab Exorcistis, nemo sanæ mentis unquam vocabit in dubium? sed hoc unum requirit, ut imperetur dæmoni in nomine JESU Christi, vel sanctissimæ Trinitatis, quod necessarium vel utile est proposito fini expellendi ab obsessis corporibus dæmones: confirmante interim Exorcista hæc præcepta vivida cognitione, tum authoritatis suæ, tum muneris, quo fungitur tanquam minister DEI, tum demum victoriæ, quam Christus Dominus ab omnibus infernis hostibus reportavit. Sanctitas autem morum, jejunium, & oratio, de quibus fit men-

tio, cùm dicitur : hoc genus dæmoniorum non ejicitur, nisi in oratione, & jejunio Matthæi 17. eò usque necessaria sunt, ut fides hæc validissima impetretur, quæ omnibus tartareis potestatibus dominatur.

Exorcista non facilè credat, aliquem à dæmone esse obsessum, sed nota habeat ea signa, quibus obsessus à dæmone, ab iis, qui atra bile, vel morbo aliquo affecti sunt, dignoscitur. Certissima signa hæc sunt: ignotâ lingua bene & diu loqui, aut distantia, aut occulta patefacere. Probabilia autem signa sunt, ad sacra verba contremiscere, torsiones, motus, furores insolitos, ac repentinos sentire, horrere ac detestari divina, & dolore ob ea affici, corporis vel alicujus membri insolita inflatio, vires alioquin supra ætatis, vel conditionis naturam.

Si exorcista nullum evidens, sed solum probabile vexationis diabolicæ signum deprehenderit, verumque, sicuti necesse est, agnoscere voluerit, ut maleficiatum disponere possit ad veræ fidei actum, ita se geret. Postquam brevem precationem unacum ipso maleficiato ad Deum effuderit, & Apostolorum symbolum recitaverit, & Spiritum sanctum invocaverit, aspiciens fixis oculis infirmum, manumque ejus capiti imponens, secretò præcipiat dæmoni hac conditione, ut si ipse illius mali est author, signum aliquod edat, agitando tunc hominem illum coram se. Præceptum istud ita ferme fieri potest : „Ego N. minister Christi & Ecclesiæ in nomine „Jesu Christi præcipio vobis, immundi spiri-
tus,

„tus, si qui latetis in corpore hujus hominis à
„DEO creati; vel siquo modo eum vexatis, ut
„statim mihi præbeatis aliquod signum evidens,
„& certum præsentiaæ vestrae agitando homi-
„nem hunc, vel coram me efficiendo aliquid ex
„iis, quæ prius absente me efficere in eo soliti,
„eratis.“ Hoc præceptum fieri debet viva fide,
& excitando memoriam muneris illius, quo Ex-
orcista fungitur, nempe DEI ministri & Eccle-
sia, instrumenti contra dæmones, ut autem sit ef-
ficax, expediet persuadere ægroto, ut hanc ipsam
fidem concipiat, & illum certiozem facere illius
potestatis, quam ob sacrum ordinem Exorcista
in dæmones habet, & diabolo nullas vires esse,
ut resistat, cùm illi imperatur in nomine JESU
Christi. Præterea utile erit, non solum profer-
re præceptum hoc lingua latinâ, sed etiam voce
adeò submissa, ut ægrotus percipere non possit;
& ita agnosci poterit, an verè à dæmone corpus
illud agitetur.

Tandem sciendum quoque est, reperiri aliqua
maleficia, quæ dicuntur potestativa, in quibus
dæmon nec invadit membra, nec assidue inest
maleficiato, sed solum certis temporibus redit
ad illum vexandum, cùm igitur fieri possit, ut
adveniente Exorcista, malignus & callidus hostis
recedat, ne cogatur quæsitum signum edere, o-
portet ab Exorcista non solum dæmonem præ-
sentem adjurari præcepto suo, sed simul impera-
ri viva fide, ut si forte ille absit, statim accedat,
& exequatur, quidquid illi præcipitur, videlicet

se manifestet, aliquid ex iis efficiendo, quæ aliàs efficere solet. Hæ cautiones sunt necessariae, quia nobis res est cum inimico, qui astu & calliditate eò pervenit, quò arte & virtute pervenire non potest, si autem ea fides adsit, quæ requiritur ab Exorcista, tum à maleficiato, nullus dubitandi superest locus, quin dæmon postulatam signum edere teneatur, sine quo ulterius procedi non potest, cum statui nequeat, an malum à diabolo fiat.

Advertat insuper Exorcista in mulieribus exorcizandis, ut honestatis sit memor, nève quidpiam dicat, vel faciat, quod vel ipsi, vel mulieri occasio esse possit alicujus impudicæ cogitationis. Monéat etiam eum, qui obsidetur, si divinâ gratiâ liberatus fuerit, ut diligenter sibi caveat à peccatis, etiam levioribus, ne occasionem præbeat dæmoni iterum regrediendi.

Caveat autem Exorcista, ne ipse hoc munus exerceat, nisi priùs habita in scriptis facultate à Superiore suo majori.

Quando itaque Exorcista volet actu exorcizare aliquam personam à dæmone obsessam, priùs confiteatur, aut conteratur de omnibus suis peccatis: legat etiam missam, si tempus commodum sit, ut sic cœlesti illo ac supremo domitore dæmonum, Christo salvatore nostro munitus, audaciùs & potentiùs contra superbos spiritus obfidentes procedere valeat. Deinde armet se efficaci actu fidei, qui aptissimus est, ad impugnandos, & ejiciendos immundos spiritus: ad eundem

démque etiam inducat personam obsessam, statim à principio exorcismi.

2.

Exorcismus I.

ExRitual Romano pro exorcizandis obsessis à Dæmone.

*Sacerdos sive alius Exorcista ritè confessus, au saltem corde peccata sua detestans, peracto si commodè fieri potest, sanctissimo Missæ sacrificio divi-
noque auxilio piis precibus implorato, superpelliceo
Stola violacea, cujus extrema pars ad obsessi col-
lum circumponatur, induens & coram se habens,
obsestum ligatum, si fuerit periculum, eum, se &
adstantes communiat signo crucis, & aspergat aqua
benedicta, & genibus flexis, aliis respondentibus
dicat Litanias ordinarias usque ad preces exclusivè.*

Litaniæ de omnibus Sanctis.

KYrie eleyson. Christe eleyson.
Kyrie eleyson. Christe audi nos.

Christe audi nos.

Pater de cœlis Deus, Miserere nobis.

Fili Redemptor mundi Deus, miserere nobis.

Spiritus sancte Deus, Miserere nobis.

Sancta Trinitas unus Deus, Miserere nobis.

Sancta Maria, Ora pro nobis.

Sancta Dei genitrix, ora pro n.

Sancta Virgo virginum, ora pro n.

Sancte Michael, ora pro n.

Sancte Gabriel ora pro n.

Sancte Raphael, ora pro n.

Omnes sancti Angeli & Archangeli, orate pro nobis.

Omnes sancti beatorum spirituum Ordines, orate pro nobis.

Sancte Joannes Baptista, ora pro nobis.

Omnes sancti Patriarchæ & Prophetæ, orate pro nobis.

Sancte Petre,

Sancte Paule,

Sancte Andrea,

Sancte Jacobe,

Sancte Joannes,

Sancte Thoma,

Sancte Jacobe,

Sancte Philippe,

Sancte Bartholomæe,

Sancte Mathæe,

Sancte Simon,

Sancte Thadæe,

Sancte Mathia,

Sancte Barnaba,

Sancte Luca,

Sancte Marce,

Omnes sancti Apostoli, & Evangelistæ, orate pro nobis.

Omnes sancti Discipuli Domini, orate pro nobis.

Omnes sancti Innocentes, orate pro nobis.

Sancte Stephane, ora pro nobis.

Sancte Laurenti, ora pro nobis.

Ora pro nobis.

San-

Sancte Vincenti,	ora.
Sancti Fabiane & Sebastiane, orate pro nobis.	
Sancti Joannes & Paule, orate pro nobis.	
Sancti Cosma & Damiane, orate pro nobis.	
Sancti Gervasi & Protasi, orate pro nobis.	
Omnes sancti Martyres, orate pro nobis.	
Sancte Sylvester,	ora.
Sancte Gregori,	ora.
Sancte Ambrosi,	ora.
Sancte Augustine,	ora.
Sancte Hieronyme,	ora.
Sancte Martine,	ora.
Sancte Nicolae,	ora.
Omnes Sancti Pontifices & Confessores, orate pro nobis.	
Omnes Sancti Doctores, orate pro nobis.	
Sancte Antoni,	ora.
Sancte Benedicte,	ora.
Sancte Bernarde,	ora.
Sancte Dominice,	ora.
Sancte Francisce,	ora.
Omnes sancti Sacerdotes, & Levitæ, orate pro nobis.	
Omnes sancti Monachi, & Eremitæ, orate pro nobis.	
Sancta Maria Magdalena,	ora.
Sancta Agatha,	ora.
Sancta Lucia,	ora.
Sancta Agnes,	ora.
Sancta Cæcilia,	ora.
Sancta Catharina,	ora.
Sancta Anastasia,	ora.
	Om.

Omnes sanctæ Virgines & Viduæ, orate pro nob.
Omnes Sancti & Sanctæ Dei, intercedite pro nobis.

Propitius esto, Parce ei Domine.

Propitius esto, exaudi nos Domine.

Ab omni malo, Libera nos Domine.

Ab omni peccato,

Ab ira tua,

A subitanea & improvisa morte,

Ab insidiis diaboli,

Ab ira, & odio, & omni mala voluntate,

A spiritu fornicationis,

A fulgure & tempestate,

A morte perpetua,

Per mysterium sanctæ incarnationis tuæ,

Per adventum tuum,

Per Nativitatem tuam,

Per Baptismum, & sanctum jejunium tuum,

Per crucem & Passionem tuam,

Per mortem & sepulturam tuam,

Per sanctam resurrectionem tuam,

Per admirabilem Ascensionem tuam,

Per Adventum Spiritus sancti paracliti,

In die judicii,

Peccatores, Te rogamus, audi nos.

Ut nobis parcas,

te rogamus.

Ut nobis indulgeas,

te rogamus.

Ut ad veram pœnitentiam nos perducere digneris,

te rogamus.

Ut Ecclesiam tuam sanctam regere, & conservare digneris,

te rogamus.

Ut Domnum Apostolicum, & omnes Ecclesiasti-

cos

Libera nos Domine.

cos Ordines in sancta religione conserva-
re digneris ,
Ut inimicos sanctæ Ecclesiæ humiliare dig-
neris ,
Ut Regibus & Principibus Christianis pacem
& veram concordiam donare digneris ,
Ut cuncto populo Christiano pacem, & uni-
tatem largiri digneris ,
Ut nosmetipsos in tuo sancto servitio con-
fortare, & conservare digneris ,
Ut mentes nostras ad cælestia desideria eri-
gas ,
Ut omnibus benefactoribus nostris sempiter-
na bona retribuas ,
Ut animas nostras, fratrum, propinquorum,
& benefactorum nostrorum ab æterna
damnatione eripias ,
Ut fructus terræ dare, & conservare digne-
ris ,
Ut omnibus fidelibus defunctis requiem æ-
ternam donare digneris ,
Ut hunc famulum tuum N. benedicere, &
liberare digneris ,
Ut hunc famulum tuum N. à vexatione dia-
boli eripere digneris ,
Ut hunc famulum tuum N. ab infestationi-
bus dæmonum liberes ,
Ut nos exaudire digneris ,
Fili DEI ,
Agnus DEI, qui tollis peccata mundi, parce no-
bis Domine.
Agnus DEI, qui tollis peccata mundi, exaudi nos
Domine.

Te rogamus audi nos.

Ag-

Agnus DEI, qui tollis peccata mundi, Misere nobis.

Antiph. Ne reminiscaris Domine delicta nostra, vel parentum nostrorum, neque vindictam sumas de peccatis nostris. Pater noster, &c.

Vers. Et ne nos inducas in tentationem &c.

Psalmus 53.

Deus in nomine tuo saluum me fac: & in virtute tua iudica me.

Deus exaudi orationem meam: auribus percipe verba oris mei.

Quoniam alieni insurrexerunt adversum me, & fortes quæsierunt animam meam: & non proposuerunt DEum ante conspectum suum.

Ecce enim Deus adjuvat me; & Dominus susceptor est animæ meæ.

Averte mala inimicis meis: & in veritate tua disperde illos.

Voluntariè sacrificabo tibi: & confitebor nomini tuo Domine, quoniam bonum est.

Quoniam ex omni tribulatione eripuisti me: & super inimicos meos despexit oculus meus. Gloria Patri, &c.

℣. Saluum fac servum tuum.

℞. Deus meus sperantem in te.

℣. Esto e Domine turris fortitudinis.

℞. A facie inimici.

℣. Nihil proficiat inimicus in eo.

℞. Et filius iniquitatis non apponat nocere ei.

℣. Mitteei Domine auxilium de sancto.

℞. Et de Sion tuere eum.

℣. Do-

Verf. Domine exaudi &c.

Verf. Dominus vobiscum &c.

Oratio.

DEUS, cujus proprium est misereri semper, & parcere, suscipe deprecationem nostram, ut hunc famulum tuum, vel famulam tuam, quem (vel quam) delictorum catena constringit, miseratio tuæ pietatis clementer absolvat.

Oratio.

Domine sancte, Pater omnipotens, æterne Deus, Pater Domini nostri Jesu Christi, qui illum refugum tyrannum & apostatam gehennæ ignibus deputasti, quique unigenitum tuum in hunc mundum misisti, ut illum rugientem contereret, velociter attende, accelera, ut eripias hominem ad imaginem, & similitudinem tuam creatum, à ruina, & dæmonio meridiano. Da Domine terrorem tuum super bestiam, quæ exterminat vineam. Da fiduciam servis tuis, contra nequissimum draconem pugnare fortissimè, ne contemnat sperantes in te, & ne dicat, sicut in Pharaone, qui & jam dixit, Deum non novi, nec Israel dimitto. Urgeat illum dextera tua potens discedere à famulo tuo N. vel famula tua N. † ne diutiùs præsumat captivum tenere, quem tu ad imaginem tuam facere dignatus es, & in filio tuo redemisti, qui tecum vivit & regnat in sæcula sæculorum Resp. Amen.

Deinde surgens præcipiat damoni hunc in modum.

PRæcipio tibi quicumque es spiritus immunde, & omnibus sociis tuis, hunc DEI famulum obsidentibus, ut per mysteria Incarnationis Passionis

sionis, Resurrectionis, & Ascensionis Domini nostri Jesu Christi, permissionem Spiritûs sancti, adventum ejusdem Domini nostri ad judicium dicas mihi nomen tuum, diem & horam exitus tui cum aliquo signo; & ut mihi Dei ministro, licet indigno, prorsus in omnibus obedias: neque hanc creaturam Dei, vel circumstantes, aut eorum bona ullo modo offendas.

Deinde legantur super obsessum hac Evangelia, vel unum aut alterum.

Lectio S. Evangelii secundum Joannem.

Hac dicens signat se & obsessum in fronte, ore & pectore.

In principio erat verbum & verbum erat apud Deum &c.

Lectio S. Evangelii secundum Marcum.

Marci 16.

In illo tempore: Dixit Jesus discipulis suis: Eunt in mundum universum, prædicate Evangelium omni creaturæ: qui crediderit & baptizatus fuerit, salvus erit: qui verò non crediderit, condemnabitur. Signa autem eos, qui crediderint, hæc sequentur: in nomine meo dæmonia ejicient; linguis loquentur novis: serpentes tollent, & si mortiferum quid biberint, non eis nocebit: super ægros manus imponent, & bene habebunt.

Lectio S. Evangelii secundum Lucam.

Luc. 10.

In illo tempore reversi sunt septuaginta duo cum gaudio dicentes ad Jesum: Domine etiam dæmonia subjiciuntur nobis in-

no-

nomine tuo. Et ait illis: videbam satanam sicut fulgur de cœlo cadentem. Ecce dedi vobis potestatem calcandi super serpentes & scorpiones, & super omnem virtutem inimici, & nihil vobis nocebit: verumtamen in hoc nolite gaudere, quia spiritus vobis subjiuntur: gaudete autem, quod nomina vestra scripta sunt in cœlis.

Lectio sancti Evangelii secundum Lucam.

Luc. 11.

In illo tempore: Erat Iesus ejiciens dæmonium, & illud erat mutum, & cùm ejecisset dæmonium, locutus est mutus, & admiratæ sunt turbæ. Quidam autem ex eis dixerunt: in Beelzebub principe dæmoniorum ejicit dæmonia: & alii tentantes signum de cœlo quærebant ab eo. Ipse autem, ut vidit cogitationes eorum, dixit eis: Omne regnum in se ipsum divisum desolabitur, & domus supra domum cadet. Si autem satanas in se ipsum divisus est, quomodo stabit regnum ejus? quia dicitis, in Beelzebub me ejicere dæmonia. Si autem ego in Beelzebub ejicio dæmonia, filii vestri in quo ejiciunt? ideo ipsi judices vestri erunt. Porro si in digito Dei ejicio dæmonia, profectò pervenit in vos regnum Dei. Cùm fortis armatus custodit atrium suum, in pace sunt ea, quæ possidet, si autem fortior eò superveniens vicerit eum, universa arma ejus auferet, in quibus confidebat, & spolia ejus distribuet.

Vers. Domine exaudi &c.

Vers. Dominus vobiscum &c.

D d

Ora

Oratio.

OMnipotens Domine, verbum Dei Patris, Christe JESU, DEUS, & Dominus universæ creaturæ, qui sanctis Apostolis tuis dedisti potestatem calcandi super serpentes & scorpiones, qui inter cætera mirabilium tuorum præcepta dignatus es dicere: dæmones effugate: cujus virtute mutus tanquam fulgur de cælo satanas cecidit: tuum sanctum nomen cum timore & tremore suppliciter deprecor, ut indignissimo mihi servo tuo, data venia omnium delictorum meorum; constantem fidem, & potestatem donare digneris: ut hunc crudelem dæmonem, brachii tui sancti munitus potentia fidenter & securus aggrediar, per te JESU Christe, Domine Deus noster, qui venturus es judicare vivos & mortuos, & sæculum per ignem. Resp. Amen.

Deinde muniens se & obsessum signo crucis, circumposita parte stolæ ad collum ejus, & dextera manu sua capiti ejus imposita, constanter, & magna cum fide dicat ea, quæ sequuntur.

Verf. Ecce crucem Domini, fugite partes adversæ. Resp. Vicit Leo de tribu Juda radix David.

Verf. Domine exaudi &c.

Verf. Dominus vobiscum &c.

Oratio.

DEUS, & Pater Domini nostri JESU Christi, invoco Nomen sanctum tuum, & clementiam tuam supplex exposco, ut adversus hunc, & omnem immundum spiritum, qui vexat hoc plasma tuum, mihi auxilium præstare digneris.

Per

Per eundem Dominum nostrum JESUM Christum filium tuum, qui tecum vivit & regnat in unitate Spiritûs sancti Deus, per omnia sæcula sæculorum. Resp. Amen.

Exorcismus.

EXorcizo te immundissime spiritus, omnis incurtio adversarii, omne Phantasma, omnis legio, in nomine Domini nostri JESU Christi & eradicare, & effugare ab hoc plasmate Dei & ipse tibi imperat, qui te de supernis cœlorum in inferiora terræ demergi præcepit. Ipse tibi imperat, qui mari, ventis, & tempestatibus imperavit. Audi ergo, & time satana, inimice fidei, hostis generis humani, mortis adductor, vitæ raptor, fomes vitiorum, seductor hominum, proditor gentium, incitator invidiæ, origo avaritiæ, causa discordiæ, excitator dolorum: qui stas & resistis, cum scias, Christum Dominum vires tuas perdere: illum metue, qui in Isaac immolatus est, in Joseph venundatus, in agno occisus, in homine crucifixus, deinde inferni triumphator fuit.

Sequentes cruces fiant in fronte obsessi. Recede ergo in nomine Patris, & Filii, & Spiritûs & sancti. Da Locum Spiritui sancto, per hoc signum & crucis JESU Christi Domini nostri. Qui cum Patre & eodem Spiritu sancto vivit, & regnat Deus, per omnia sæcula sæculorum. Resp. Amen.

Vers. Domine exaudi &c.

Vers. Dominus vobiscum. &c.

Oratio.

DEUS conditor, & defensor generis humani,
D d 2
qui

qui hominem ad imaginem tuam formâsti, respice super hunc famulum tuum N. vel famulam tuam N. qui vel quæ dolis immundi spiritûs appetitur, quem vetus adversarius, antiquus hostis terræ formidinis horrore circumvolat, & sensum mentis humanæ stupore defigit, errore conturbat, & metu trepidi timoris exagitat; repelle Domine virtutem diaboli, fallacesque ejus insidias amove: procul impius tentator aufugiat, sit nominis tui signo † (*in fronte*) famulus tuus munitus, & in anima tutus & corpore.

Tres cruces sequentes fiant in pectore damoniaci.

Tu pectoris † hujus interna custodias. Tu viscera † regas. Tu cor † confirmes: in anima adversatricis potestatis tentamenta evanescant. Da Domine ad hanc invocationem sanctissimi nominis tui gratiam, ut qui hucusque terrebat, territus aufugiat, & victus abscedat, tibi que possit famulus tuus, & corde firmatus, & mente sincerus debitum præbere famulatum. Per Dominum nostrum Jesum Christum Filium tuum. Qui tecum. Resp. Amen.

Exorcismus.

A Djuro te, serpens antique, per judicem vivorum & mortuorum, per factorem tuum, per factorem mundi, per eum, qui habet potestatem mittendi te in gehennam, ut ab hoc famulo DEI N. qui ad Ecclesiæ sinum recurrit, cum metu, & exercitu furoris tui festinus discedas. Adjuro te iterum † (*in fronte*) non mea infirmitate, sed virtute Spiritûs S., ut ex eas ab hoc famulo Dei N. quem omnipotens Deus ad imaginem suam fecit.

cit. Cede igitur, cede non mihi, sed ministro Christi: illius enim te urget potestas, qui te cruci suæ subjugavit, illius brachium contremisce, qui devictis gemitibus inferni animas ad lucem perduxit. Sit tibi terror corpus hominis † (*in pectore*) sit tibi formido imago Dei † (*in fronte*) non resistas, nec moreris discedere ab homine isto, quoniam complacuit Christo in homine habitare. Et ne contemnendum putes, dum me peccatorem nimis esse cognoscis. Imperat tibi Deus † imperat tibi majestas Christi, imperat tibi Deus Filius † imperat tibi Deus Spiritus † sanctus, imperat tibi fides sanctorum Apostolorum Petri & Pauli, & cæterorum Apostolorum, imperat tibi martyrum sanguis, imperat tibi continentia confessorum † imperat tibi pia Sanctorum & Sanctarum omnium intercessio † imperat tibi Christianæ fidei mysteriorum virtus † exi ergo transgressor, exi seductor, plene omni dolô, & fallaciâ, virtutis inimice, innocentium persecutor. Da locum impiissime, da locum Christo, in quo nihil invenisti de operibus tuis, qui te spoliavit, qui regnum tuum destruxit, qui te victum ligavit, & vasa tua diripuit, qui te projecit in tenebras exteriores, ubi tibi cum ministris tuis erit præparatus interitus. Sed quid truculente reniteris? quid temerarie detractas? reus es omnipotenti Deo, cujus statuta transgressus es, reus es Filio ejus Jesu Christo, Domino nostro, quem tentare ausus es, & crucifigere præsumisti, reus es humano generi, cui tuis perlationibus mortis venenum propinasti.

Adjuro ergò te, draco nequissime, in nomine
 immaculati, qui ambulavit super aspidem, &
 basiliscum, qui conculcavit leonem, & draco-
 nem, ut discedas ab hoc homine † (*fiat in fronte*)
 discedas ab Ecclesia Dei † (*fiat signum crucis super*
circumstantes) contremisce, & effuge invocato no-
 mine Domini illius, quem inferi tremunt, cui
 virtutes cœlorum, & potestates, & Dominatio-
 nes subiectæ sunt; quem Cherubim & Seraphim
 indefessis vocibus laudant dicentes: Sanctus,
 Sanctus, Sanctus Dominus Deus Sabaoth. Imperat
 tibi verbum † caro factum. Imperat tibi natus † ex
 Virgine, imperat tibi Jesus † Nazarenus, qui te,
 cùm discipulos ejus contemneres, elisum atque
 prostratum exire præcepit ab homine, quo præ-
 sente, cùm te ab homine separasset, nec porco-
 rum gregem ingredi præsumebas. Recede er-
 gò nunc adjuratus in nomine † ejus ab homine,
 quem plasmavit; durum est tibi velle resistere †
 durum est tibi contra stimulum calcitrare † qui
 quando tardius exis, tantò magis tibi supplicium
 crescit; quia non homines contemnis, sed il-
 lum, qui dominatur vivorum, & mortuorum,
 qui venturus est judicare vivos & mortuos, &
 sæculum per ignem. Resp. Amen.

Vers. Domine exaudi &c.

Vers. Dominus vobiscum. &c.

Oratio.

DEUS cœli, DEUS terræ, DEUS Angelorum,
 DEUS Archangelorum, DEUS Propheta-
 rum, DEUS Apostolorum, DEUS Martyrum,
 DEUS Virginum, DEUS, qui potestatem habes
 dona-

donare vitam post mortem, requiem post laborem, quia non est alius DEUS præter te, nec esse poterit verus, tu creator coeli & terræ; qui verus Rex es & cujus majestati gloriæ tuæ supplico, ut hunc famulum tuum de immundis spiritibus liberare digneris. Per Christum Dominum nostrum. Resp. Amen.

Exorcismus.

A Djuro ergo te omnis immundissime spiritus, omne Phantasma, omnis incurfio satanæ, in nomine Jesu Christi † Nazareni, qui post lavacrum Jordanis in desertum ductus est, & te in tuis sedibus vicit, ut, quem ille de limo terræ ad honorem gloriæ suæ formavit, desinas impugnare, & in homine miserabili non humanam fragilitatem, sed imaginem omnipotentis Dei contremiskas. Cede ergò Deo † qui te & malitiam tuam in Pharaone & in exercitu ejus per Moysen servum suum, in abyssum demersit. Cede Deo † qui te per fidelissimum servum suum David de rege Saule spiritualibus canticis pulsum fugavit. Cede Deo † qui te in Juda Iscariote proditore damnavit. Ille enim te divinis † verbis tangit, in cujus conspectu cum tuis legionibus tremens & clamans dixisti: Quid nobis, & tibi Jesu Fili Dei altissimi? venisti huc ante tempus torquere nos? ille te perpetuis flammis urget, qui in fine temporum dicturus est impiis: discedite à me maledicti in ignem æternum, qui paratus est diabolo, & angelis ejus. Tibi enim impie, & angelis tuis inextinguibile præparatur incendium, quia tu es princeps maledicti homicidii,

di, tu auctor incestus, tu sacrilegorum caput, tu actionum pessimarum magister: tu hæreticorum doctor, tu totius obsecnitatis inventor. Exi ergo & impie, exit scelerate. Exi cum omni fallacia tua, qui hominem templum suum esse voluit Deus. Sed quid diutius moraris hic? da honorem Deo Patri omnipotenti & cui omne genu flectitur. Da locum Domino Jesu & Christo qui pro homine sanguinem suum sacratissimum fudit. Da locum Spiritui & sancto, qui per beatum Apostolum suum Petrum te manifestè stravit in Simone mago: qui fallaciam tuam in Anania, & Saphira condemnavit, qui te in Herode rege honorem Deo non dante percussit; qui te in mago Elyma per Apostolum suum Paulum cæcitatis caligine perdidit, & per eundem de Pythonissa verbo imperans exire præcepit. Discede ergo nunc & discedet seductor, tibi eremus sedes est, tibi habitatio serpens est: humiliare, & prosternere. Jam non est differendi tempus. Ecce enim Dominator Dominus proximat citò, & ignis ardebit ante ipsum, & præcedet & inflammabit in circuitu inimicos ejus, si enim hominem fefelleris, Deum non poteris irridere, ille te ejicit cujus oculis nihil occultum est. Ille te expellit, ejus virtuti universa subiecta sunt. Ille te excludit, qui tibi & Angelis tuis præparavit æternam gehennam: de cujus ore exhibit gladius acutus: qui venturus est judicare vivos & mortuos, & sæculum per ignem. Resp. Amen.

Prædicta omnia, quatenus opus fuerit repeti possunt donec obsessus sit omnino liberatus,

gravabit præterea plurimum hac, quæ infra notantur,
vel aliqua eorundem, super obsessum devotè dicere sa-
pèque repetere.

Pater noster, &c. Ave Maria, &c. Credo &c.

Canticum B. V. M.

Magnificat anima mea Dominum &c.

Canticum.

Benedictus Dominus Deus Israel &c.

Symbolum sancti Athanasii.

Quicumque vult salvus esse &c.

Psalmus 90.

Qui habitat in adjutorio altissimi &c.

Psalmus 67.

Exurgat Deus, & dissipentur inimici ejus &c.

Psalmus 69.

Deus in adjutorium meum intende &c.

Psalmus 53.

Deus in nomine tuo salvum me fac &c.

Psalmus 117.

Confitemini Domino, quoniam bonus &c.

Psalmus 34.

Judica Domine nocentes me &c.

Psalmus 30.

In te Domine speravi &c.

Psalmus 21.

Deus, Deus meus, respice in me &c.

Psalmus 3.

Domine, quid multiplicati sunt, qui tribulant
me &c.

Psalmus. 10.

In Domino confido &c.

Usquequo Domine obliviscaris &c.

Oratio.

Post liberationem.

O Remuste Deus omnipotens, ut spiritus iniquitatis amplius non habeat potestatem in hoc famulo tuo N. vel famula tua N. sed ut fugiat, & non revertatur. Ingrediatur in eum, vel in eam Domine, te jubente, bonitas, & pax Domini nostri Jesu Christi, per quem redempti sumus, & ab omni malo non timemus, quia Dominus nobiscum est. Qui vivit & regnat cum Deo Patre in unitate spiritus sancti Deus, per omnia sæcula sæculorum, Resp. Amen.

**Exorcismi potentissimi & efficaces
ad expellendos dæmones R. D. Hilarii
Nicusæ Theat. Regul.**

Forma interrogatoria Dæmoni facienda.

EGo indignus Sacerdos, & Minister Altissimi, Auctoritate mihi tradita à sancta Romana Ecclesia super inferni Principes, præcipio tibi nomine divinæ Majestatis, ac D. N. Jesu Christi. Item in virtute, & per virtutem suæ humanitatis, Divinitatis, & Excellentiae, nec non imperio potentiae Throni sanctissimæ Trinitatis, ut statim nulla morâ interjecta, & fallaciâ, patefacias mihi nomen tuum. Insuper ex qua legione sis, & qua hierarchia etiam, si sis æreus, vel subterraneus aut ex aliqua alia specie, & de qua natura, cuique
pote-

potestati subjaceas ? item, quomodo huc es ingressus ; qui sint tui focii, & quomodo vocentur ; ex qua legione, potestate, hierarchia sint & ipsi ; & quomodo eorum magistri nominentur ? Etiam præcipio tibi, ut exponas absque mendacio, in quo climate, & hemispherio cecideris, cùm, per defectionem tuam ab omnipotente expulsus fuisti ; præterea, impero tibi, ut explices, unde sis, à parténe orientali, meridionali, occidentali, an septentrionali ? quo etiam nomine ? ego præcipio tibi, ut dicas mihi, num aliàs in aliud corpus fueris ingressus, & quisnam te ejecerit, atque inde expulerit, qua die, quâve hora, de quo loco, vel membro illius corporis egressus sis ; & qui vocetur princeps præceptoris, vel magistri tui ? etiam dicas mihi ad honorem Dei vivi, Magni, terribilis, atque mirabilis, cujus nomine te conjuro † & potestatem habeo expellendi te ab hoc corpore ; quamdiu est, cùm ingressus es in locum istum ; quâ formâ, qua die, quâ hora, quâ tandem ex causa ; cùm hoc corpus humanum nec sedes, nec domus, nec mansio tua sit ? præcipio tibi præterea, ut syncerè fatearis mihi verum, an in hunc eundem locum venerint spiritus in auxilium & favorem tuum, & ex qua hierarchia, & legione ; an intus, vel extra permanent : an sint majores, minores, vel tibi æquales, & sub cujus potestate reperiantur, cujusque naturæ, & regionis ipsi sint ? hæc omnia supra relata, & singula sigillatim atque distinctè adjuro te † exorcizo te † conjuro te † tibi que præcipio † per Deum verum & vivum, ut verè mihi enarres ad
hæc,

honorem, & gloriam ejusdem altissimi † ac Domini nostri Jesu Christi † utriusque curiæ celestis.

Exorcismus I.

In die Circumcisionis Domini, & per Octavam.

Præparatio.

Pater noster, Ave Maria, Credo. Confiteor. Milereatur. Indulgentiam.

Aspergat locum dicens Antiphonam.

Asperges me Domine hyssopo, & mundabor: lavabis me, & super nivem dealbabor.

Deinde dicatur Psalmus 50.

Miserere mei Deus &c. ex laud. fer. 2. Asperges me &c.

Vers. Ostende nobis Domine misericordiam tuam. R. Et salutare tuum da nobis.

Vers. Domine exaudi &c.

Vers. Dominus vobiscum &c.

Oremus.

Exaudi nos, Domine sancte, Pater omnipotens, æterne Deus; & mittere digneris sanctum Angelum tuum de cœlis, qui custodiat, foveat, protegat, visitet, atque ab immundis spiritibus defendat omnes habitantes in hoc habitaculo † per Christum Dominum nostrum, Amen.

† Sequentia S. Evangelii secundum Lucam.

¶ Gloria tibi Domine.

In illo tempore, postquam consummati sunt dies octo, ut circumcideretur Puer, vocatum est nomen ejus, Jesus: quod vocatum est ab Angelo,

Io, priusquam in utero conciperetur. &c. Laus
tibi Christe.

Per Evangelica dicta extingatur & dissipetur
& destruat in te omnis diaboli malitia. In no-
mine Patris & Filii, & Spiritus sancti, Amen.

Litania Sanctorum.

Kyrie eleison. Christe eleison.

Kyrie eleison. Christe audi nos.

Christe exaudi nos.

Pater de coelis Deus, Miserere nobis.

Fili Redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas unus Deus, Miserere nobis.

Sancta Maria, Ora pro nobis.

Sancta Dei genitrix, ora.

Sancta Virgo virginum, ora.

Sancte Michael, ora.

Sancte Gabriel, ora.

Sancte Raphael, ora.

Omnes sancti Angeli & Archangeli, orate pro
nobis.

Omnes sancti beatorum spirituum Ordines,
orate pro nobis.

Sancte Joannes Baptista, ora pro nobis.

Omnes sancti Patriarchæ & Prophetæ, orate
pro nobis.

Sancte Petre, Ora.

Sancte Paule, ora.

Sancte Andrea, ora.

Sancte Jacobe, ora.

Sancte

Sancte Joannes,
 Sancte Thoma,
 Sancte Jacobe,
 Sancte Philippe,
 Sancte Bartholomæe,
 Sancte Matthæe,
 Sancte Simon,
 Sancte Thadæe,
 Sancte Matthia,
 Sancte Barnaba,
 Sancte Luca,
 Sancte Marce,

Omnes sancti Apostoli, & Evangelistæ, orate
 pro nobis.

Omnes sancti Discipuli Domini, orate pro nobis.

Omnes sancti Innocentes, orate pro nobis.

Sancte Stephane, ora.

Sancte Laurenti, ora.

Sancte Vincenti, ora.

Sancti Fabiane, & Sebastianæ, orate pro nobis.

Sancti Joannes & Paule, orate.

Sancti Cosma & Damiane, orate.

Sancti Gervasi & Protasi, orate.

Omnes sancti Martyres, orate.

Sancte Sylvester, ora.

Sancte Gregori, ora.

Sancte Ambrosi, ora.

Sancte Augustine, ora.

Sancte Martine, ora.

Sancte Nicolae, ora.

Omnes Sancti Pontifices & Confessores, orate
 pro nobis.

Om-

Omnes sancti Doctores, orate pro nobis.

Sancte Antoni, ora.

Sancte Benedicte, ora.

Sancte Bernarde, ora.

Sancte Dominice, ora.

Sancte Francisce, ora.

Omnes sancti Sacerdotes & Levitæ, orate pro nobis.

Omnes sancti Monachi, & Eremitæ, orate pro nobis.

Sancta Maria Magdalena,

Sancta Agatha,

Sancta Lucia,

Sancta Agnes,

Sancta Cæcilia,

Sancta Catharina,

Sancta Anastasia,

Omnes sanctæ Virgines & Viduæ, orate pro n.

Omnes Sancti & Sanctæ Dei, intercedite pro nobis.

Propitius esto, Parce nobis Domine.

Propitius esto, exaudi nos Domine.

Ab omni peccato, Libera nos Domine.

Ab ira tua, libera.

Ab insidiis diaboli, libera

Ab omni maleficio & vexatione diaboli, libera nos Domine.

Per mysterium sanctæ incarnationis tuæ, libera

Per adventum tuum. libera.

Per Nativitatem tuam, libera.

Per Baptismum, & sanctum jejunium tuum, lib.

Per crucem & Passionem tuam. libera

Per

Ora pro nobis.

Per mortem & sepulturam tuam, libera,
 Per sanctam resurrectionem tuam, libera
 Per admirabilem Ascensionem tuam, libera
 Per Adventum Spiritus sancti Paracliti, libera
 Peccatores, Te rogamus, audi nos.

Ut nobis parcas, te rogamus.

Ut nobis indulgeas, te rogamus.

Ut ad veram poenitentiam nos perducere digne-
 ris, te rogamus.

Ut in bello contra dæmones nos munire dig-
 neris, te rogamus.

Ut oculos misericordiæ super nos reducere dig-
 neris, te rogamus.

Ut omnes Sanctos & Sanctas tuas pro nobis o-
 rantes exaudire digneris, te rogamus.

Surgens imponat manus capiti obsessi, ac dicat:

Ut hanc creaturam tuam N. tuo pretioso sangui-
 ne redemptam, ab infestationibus dæmonum
 eripere digneris, te rogamus.

Ut hanc creaturam tuam N. magno pretio re-
 demptam, à cruciatibus dæmonum liberaret
 digneris, te rogamus.

Ut hanc creaturam tuam N. in ligno Crucis à te
 redemptam, à potestatibus dæmonum libera-
 re & benedicere, & conservare digneris,
 te rogamus.

Genus flectens percutiet leviter stola obsessum, ac dicat:

Ut hos pessimos inferni diabolos, & animarum
 raptōres fugare digneris, te rogamus.

Ut hos temerarios, callidosque serpentes de no-
 stra damnatione sollicitos, affligere digneris
 te rogamus.

Ut

De hos infidiantes aspides , & maledictos colubros , de nostra salute dolentes , torquere digneris ,

Uthæc pabula mortis, & peccati fomites
confundere digneris,

Ut has frementes bestias persequi digneris,

Ut hos Majestatis tuæ defectores & superbia
tumidos disperdere digneris,

Urhos apostatas, & æternæ maledictionis fi-
lios cruciare digneris,

Uthorum draconum dentes, faucésque foetidissimas, nos devorare volentes, confringere digneris,

Urhos sanctissimi Nominis tui blasphemato-
res in Cruce sancta illaqueatos, deprimere
digneris,

Uthos prædones pestiferos, & excommuni-
catos, in puteo abyssi claudere digne-
ris,

Uthos impœnites, atque contumaces pe-
catores, obedientiæ sacerdotali in nomine
tuo subicere digneris,

Fili Dei, terogamus audi nos.

Agnus DEI, qui tollis peccata mundi, parce nobis Domine.

Agnus DEI &c. exaudi nos Domine.

Agnus DEI &c. Misereere nobis.

Kyrie eleison. Christe eleison. Kyrie eleison.

Pater noster &c.

Verf. Et ne nos inducas in tentationem &c.

Verf. Deus in adiutorium meum intende. R. Do-

E c

mine

mine ad adjuvandum me festina.

Vers. Esto nobis JESU, turris fortitudinis. Resp.
A facie inimicorum omnium.

Vers. Nihil proficiant inimici in nobis. Resp.
Et filii iniquitatis non apponant nocere nobis.

Vers. Miserere nostri, JESU, miserere nostri.
Resp. Quoniam in te confidit anima nostra.

Vers. Apprehende arma & scutum. Resp. Et ex-
urge in adiutorium nostrum.

Vers. Miserere nostri, Domine JESU. Resp. Vi-
de humilitatem nostram de inimicis nostris.

Vers. Judica JESU nocentes nobis. Resp. Ex-
pugna impugnantes nos.

Vers. Domine exaudi &c.

Vers. Dominus vobiscum &c.

Oremus.

DEUS, qui gloriosissimum Nomen JESU, Filii tui Domini nostri, fecisti fidelibus tuis summa suavitatis affectu amabile, ac malignis spiritibus tremendum, atque terribile: concede, ut qui hoc nomen JESU devotè veneramur in terris, cælestis gratiæ robur contra inferni hostes consequi mereamur. Per eundem JESUM Christum Filium tuum Dominum nostrum, qui tecum vivit & regnat in unitate Spiritus sancti Deus per omnia sæcula sæculorum, Amen.

Dicatur unus ex sequentibus Psalmis.

53. Psalmus. Deus in nomine tuo salvum me fac &c. *ex prima diei Dominica.*

Psalmus 75. Notus in Judæa Deus &c. Ex Matut. fer. 5.

Lectio Epistolæ B. Pauli Apostoli ad Philippenses. Fra-

FRatres: Hoc enim sentite in vobis, quod & in Christo JESU: qui, cū in forma Dei esset, non rapinam arbitratus est, esse se æqualem Deo, sed semetipsum exinanivit formam servi accipiens, in similitudinem hominum factus & habitu inventus ut homo. Humiliavit semetipsum, factus obediens usque ad mortem, mortem autem Crucis. Propter quod & DEUS exaltavit illum, & donavit illi nomen, quod est super omne nomen: ut in nomine JESU omne genu flectatur cælestium, terrestrium, & infernorum; & omnis lingua confiteatur, quia Dominus JESUS Christus in gloria est Dei Pātris. Resp. Deo gratias.

Oremus.

EXaudi, Domine JESU Christe, preces servorum tuorum contra hos malignos spiritus, & miserere nobis, qui cum Patre, & Spiritu sancto, vivis & regnas in sæcula sæculorum, Amen.

Hymnus.

AMOR JESU dulcissime,
Quando cor nostrum visitas,
Pellis mentis caliginem,
Et nos repleas dulcedine,
Quàm felix est, quem satias,
Consors Paternæ dexteræ;
Tu veræ lumen patriæ,
Quod omnem sensum superat,
Splendor Paternæ gloriæ,
Incomprehensa bonitas,
Virtutem contra Satanam,
Da nobis per præsentiam,

Ec 2

Glo-

Gloria tibi Domine,
 Qui apparuisti hodie,
 Cum Patre & sancto Spiritu,
 In sempiterna sæcula, Amen.

Verf. In nomine Jesu omne genu flectatur.

Resp. Cælestium, terrestrium & infernorum.

Verf. Dominus vobiscum &c.

Manu super obsessi caput imposita, dicatur Evangelium.

† Sequentia sancti Evangelii secundum Lucam.

† Gloria tibi Domine. †

IN illo tempore: descendit Jesus Capharnaum,
 ibique docebat illos, & stupebant in doctrina
 ejus, quia in potestate erat sermo ipsius. Et in
 Synagoga erat homo habens dæmonium im-
 mundum, & exclamavit voce magna, dicens:
 Sine, quid nobis, & tibi Jesu Nazarene, veni-
 sti perdere nos; Scio te, qui sis, Sanctus DEI.
 Et increpavit illum Jesus, dicens: Obmutesce,
 & exi ab eo: Et cum projecisset illum dæmonium
 in medium, exiit ab illo, nihilque illi nocuit.
 Et factus est pavor in omnibus, & colloqueban-
 tur ad invicem, dicentes: Quod est hoc ver-
 bum, quia in potestate, & virtute imperat im-
 mundis spiritibus, & exeunt? Et divulgabatur
 fama de illo in omnem locum Regionis.

Resp. Laus tibi Christe.

Per Evangelica dicta, extinguat[†] dissipetur[†] &
 destruat[†] in te † omnis diabolica virtus. In
 nomine Patris †, & Filii †, & Spiritus sancti †,
 Amen.

Oremus.

OMnipotens sempiterne DEUS, dirige actus
 no-

nostros in beneplacito tuo ; ut in nomine JESU , dilecti Filii tui, mereamur malos dæmones effugare. Per eundem Dominum nostrum JESUM Christum &c.

Aspergens creaturam dicat :

Aqua benedicta extinguat † & separet † à te N. omnia dæmonum ficta, in nomine Patris † & Filii † & Spiritus sancti † Amen.

Exorcizatio obsessi.

EXorcizo † te N. creaturam Dei à dæmonibus oppressam, per Deum æternum † per Deum unum † per Deum verum † per Deum Trinum † per Verbum Patris † & per virtutem Spiritûs sancti † ut te puram exhibeas contra omnes diaboli vires, fiasque robusta ad expellendum à te omnes dæmones, ac diabolicas virtutes, & artes ; per potentissimum nomen JESU, cui omne genu flectitur, cælestium, terrestrium, & infernorum † Amen.

Oremus.

Afflictionem hujus servi tui N. quæsumus Domine, propitius respice, ut, qui justè pro delictis suis à dæmonibus obsidetur ; pro tui Nominis gloria, & virtute ab eis misericorditer eruatur. Per Dominum &c.

Nisi adhuc in lingua appareat, proferas excitationem sequentem, & indicas præceptum, sæpiùs iterandum.

EGO Minister DEI omnipotentis, in nomine sanctissimæ, atque individuæ Trinitatis Auctoritate ejusdem, quâ fungor : & in virtute

Domini nostri JESU Christi, vos immundos spiritus, qui quoquo modo in hoc corpore, vel in ejus parte, vel extra latitatis, cito, voco, astringo, compello, ut nullam moram protrahentes, realiter & personaliter in lingua hujus creaturæ N. apparere cogatis supremum tenebrarum Principem vestrum, altiore qui inter vos locum obtinet, sive unus, sive plures sint: ut ante Dei Tribunal fateatur gloriam Conditori suo, & mihi ejus vices indignè gerenti obsequium præstet. Meis ergo præceptis pareatis, per Dei potentiam † per JESU clementiam. Et ille vel illi ascendant statim, atque altissimum pertimescant, qui omnia, quæcunque voluit, fecit, & cui omnes obediunt creaturæ. Maledicte coluber, & tenebrarum Princeps, audi Dei mandatum, quod tibi ejus nomine indico: cui, si tu, & socii tui contumaces eritis, interminatæ maledictionis excommunicationem illicò incurratis, quam toto cordis affectu, nomine ejusdem Altissimi ego contra te, vósque omnes Dei rebelles jaculor. Item corpus istud sit vobis deinceps novus infernus, cunctaque verba à me proferenda sint carbones ignis accensi, & ictus oculorum nostrorum jacula peracuta: & augeantur supplicia vestra singulis quibusque temporis punctis, per virtutem Incarnationis Verbi Domini, ejusdem Nativitatis & Circumcisionis JESU, cujus nomine vos citavi † Amen.

Ni ascendat, recitabis orationem sequentem, ac præseptum.

Ore-

Oremus.

DEUS, qui conspicias, quia ex nulla nostra virtute confidimus, concede propitius, ut contra hos pertinaces Majestati tuæ rebelles, firmissima Nominis tui protectione muniamur. Per Dominum nostrum Jesum Christum, &c. Amen

Secundum praeceptum, seu excitatio altera,

ET, ne qua in die judicii à vobis afferri queat excusatio ante illud tremendum Tribunal Dei Altissimi, invoco caelestem curiam Angelorum, Sanctorumque omnium, ut si fortè aliquo maleficio, veneficio, incantatione, detentione, vinculo, interdicto, pacto, factura, vel arte vestrorum principum, vel pessimorum hominum, aut mulierum aliquo modo structa, vel nuncupata detineamini, omnia illa enervo & irrito & demolior & dissolvo & destruo & ac pro nihilo haberi volo, prædictaque Auctoritate, quâ fungor, Dei & Domini nostri Jesu Christi Salvatoris nostri, ac vestri destructoris: rursusque præcipio, ut ad linguam ascendatis, juxta primum mandatum jam vobis indictum.

Si adhuc non apparet, adde orationem sequentem, atque praeceptum.

Oremus.

Prosterne, quæsumus Domine, vires adversariorum istorum, per invocationem sancti Nominis tui, quemadmodum inferni ministros prostravisti, audita formidabili Jesu voce: qui tecum vivit & regnat in unitate Spiritûs sancti Deus, per omnia sæcula sæculorum, Amen.

Tertia excitatio & praeceptum.

VObis autem dæmonibus, sic divina virtute solutis, iterum validissimè mando, ut nulum favorem, vel auxilium accipere conemini quocunque prætextu, vel causâ à malignis spiritibus extra hanc Dei creaturam N. commorantibus, vel fraudulenter à vobis requisitum, vel ab eis sponte vobis præstitum. Et ideo ego ipse, eadem divina fretus virtute, atque potentia, firmissimè præcipio, atque alacriter mando omnibus dæmonibus cujuscunque ordinis, dignitatis, & prælationis, extra corpus existentibus, ut hinc facessere festinent, & quam citius recedere: in nomine sanctissimæ Trinitatis † in nomine & virtute Jesu Christi Domini nostri † nec vobis vel minimum auxilium quoquo modo præstare conentur: Ecce crucem Domini † nostri Jesu Christi † fugite partes adversæ vicit Leo de tribu Juda radix David † Alleluja, Alleluja, Allel.

Si verò in linguam, vel partem corporis designatam dæmon ascenderit, vel apparuerit; & hoc priusquam citetur, vel inter orandum; ligabis illum, ne abscedat, donec dimittatur à sacerdote. Ideoque in hujus conscriptionis signum circumcingas collum obsessi stolâ benedictâ, ligans illam triplici nexu.

Dum nequitur stolâ obsessus, dicas:

Quemadmodum Dominus Jesus Christus, Judæorum funibus nequi passus est, clavisque affigi ligno; sic verborum meorum vincula vos fortissimè adstringant sub hoc sacræ stolæ jugo, ut à meis præceptis non recedatis; in nomine, & virtute Dei Patris † & Filii † & Spiritûs sancti † Amen.

Aliud

Aliud ligandi genus.

Sicut in verbo JEsu laxatum à Discipulis rete
uberem piscium numerum traxit in terram :
sic stola ista benedicta in nomine Patris & Filii,
& Spiritûs sancti † à me vobis circumligata, tra-
hat vos tartareos coetus ad mea capeienda iussa,
Amen.

Alia ratio nectendi obsessum stolâ.

Connecto te hâc immortalitatis stolâ, quæ
signum obedientiæ sit, mihi Dei Ministro
præstandæ : sicut Deus ipse magnus, & mirabilis
Ministorum suorum verbis sub Eucharistiæ spe-
ciebus detineri non dedignatur ; obediente Do-
mino voci hominis, in nomine Patris† & Filii†
& Spiritûs sancti† Amen.

Alia nectendi ratio.

Ligo te hâc sacrâ stolâ, quæ sit tanquam rudens
funis in lingua tua ; ut in virtute Passionis, &
Crucis Christi te adstringat, ac detineat, ut pror-
sus meis verbis obtemperes, & ne discedas ab ea,
donec te dimisero : sicut Deus noster per Archan-
gelum Michaëlem duris compescuit vinculis, li-
gavitque catenâ magnâ, atque in abyssu super-
bissimum Luciferum principem clausit : in no-
mine Patris† & Filii† & Spiritûs sancti† Amen.

Alia formula ligandi stola demonem.

Quemadmodum Deus noster per Archange-
lum Michaellem duris revinxit vinculis, at-
que in tenebrosu abyssi carcerem detrussit ser-
pentem antiquum, signavitque super eum : Ita
ego Auctoritate ejusdem Omnipotentis necto
te N. creaturam Dei damnatam, sacrâ hâc sto-

lâ in nomine Patris & Filii & Spiritûs sancti
ac sanctissimæ crucis signo + confirmo; ut ce-
das, atque prosternas te cum satellitibus tuis, &
pareatis simul Deo viventi, mihi que ejus in-
digno Ministro.

*Hic petas, quæ petenda sunt à demone, juxta sanctæ
Romanæ Ecclesiæ institutum: quòd si noveris ipsum de-
tineri in obsessi corpore per aliquam facturam; præter
omnia præcepta peculiaria, quæ in quolibet Exorcismo-
rum serè semper ponuntur utaris sequenti formulâ trita
pro maleficiorum solutione.*

*Generalis maleficiorum solutio super obsessum, veneficiò
affectum, frequentius recitanda.*

EGO indignus Christi Sacerdos, ac Dei Mini-
ster adjuro vos + omnes angelos tartareos in
nomine sanctissimæ atque individuæ Trinitatis
Patris & Filii & Spiritûs sancti + tam præsen-
tes, quàm absentes; per eum, qui vos de supre-
mo ejecit cœlorum habitaculo: qui humano ge-
neri malum inferre audetis, quique fabricastis, &
servatis maleficium huic creaturæ Dei N. à vene-
fico, vel venefica procuratum, vel aliquo alio
modo ei inflictum: ut ubicunque illud sit posi-
tum, statim, ac nullâ interposita mora, ex illo
loco amoveatis, & in virtute Dei Omnipotentis
illud destruatis, & omnem obicem illi injectum,
festinanter ad nihilum redigatis, ut liberè, ac
promptè intellectu suo uti possit ad honorem
Dei omnipotentis, qui vos & illum creavit

Oremus.

EXpelle, Domine Deus omnipotens, per vir-
tutem sanctam tuam ab hac creatura tua N.
om.

omnes veneficiorum vanitates, & incursus dæmonum, per hoc signum sanctæ Crucis † Salvatoris nostri Jesu Christi, Filii tui. Tolle potestatem, tolle imperium satanæ, & angelorum, atque maleficiorum ejus, & ne sinas illos nocere huic facturæ tuæ N. Memento, quæso, Abraham, Isaac, & Jacob servorum tuorum, & miserebere illi, atque libera eam ab omnibus maleficiis, veneficiis, ligaturis, signaturis, & facturis, sibi arte diabolica factis à quocunque malefico, vel malefica, in quacunque materia; per virtutem, atque potentiam Agni divini immaculati, qui potenter ambulat super aspidem & basiliscum: qui æternaliter conculcavit leonem & draconem, luciferum scilicet, inferni principem, Amen.

† Potenter igitur, & strictissimè vobis dæmonibus mando, ut amotâ omni pertinaciâ, statim, & sine cunctatione destruatis, & ad nihilum redigatis cuncta maleficia, veneficia, ligamina, signa, scripturas, omnèque opus nefarium, à quocunque dæmone, vel homine malefico, vel malefica, compositum, quacunque materiâ, quocunque in loco sit reconditum, & à quovis malo genio custodiatur; non obstantibus ligaminibus, quibus hæc creatura Dei ab actu, exercitio, ac libero arbitrio prohibeatur. Quæ omnia per virtutem sanctissimæ Passionis Domini nostri Jesu Christi, & per cuncta alia, quibus ligari, excruciarì, & ad varias pœnas, atque tormenta infernalìa damnari potestis, vos compello † anathematizot † adjuro † & cogo † ut sine ulla repugnantia, omnia prædicta exequamini. Alioquin per-

VIT-

virtutem ejus, qui orbem tremere facit, & multitudinis stellarum nomina vocat, Ego, licet indignus Sacerdos, vos ad tartareum condemnò supplicium, in stagnum ignis, & sulphuris perpetuò obruo, & ad alios infimos, diròsque inferni cruciatus vos mitto; unde fumus ascendet in sæcula sæculorum, Amen.

Alia brevis maleficii solutio, super obsessum recitanda.

Si quis maleficus, vel malefica, per sua maleficia, veneficia, signaturas, facturas, aut ligaturas, verbo, nutu, signo, scripto, aut facto quomodolibet arte diabolica inito, te, dæmon, & spiritus immunde, sive unus, sive plures sitis, directè, vel indirectè super hanc creaturam Dei N. vel extra illam ligavit; Ego indignus Sacerdos, ac Minister Christi, auctoritate mihi tradita, à sancta Romana Ecclesia, destruo † enervo † absolvo † & dissoluta esse decerno † in nomine Dei Patris †, & Filii †, & Spiritus † sancti, Amen.

Insuper tibi, & sociis tuis præcipio, ut (illis non obstantibus) exeatis ad destruenda omnia vincula, & maleficia contra hanc creaturam, vel quamcunque aliam constructa, & ordinata, ac construenda, & ordinanda; & hoc per virtutem, atque potentiam Domini nostri Jesu Christi, qui propter magnam misericordiam suam venit in hunc mundum, & in beatæ Mariæ Virginis utero est incarnatus, ut homines perditos, quos vestra diabolicâ perversitate damnaveratis, ad cælestia revocaret, & causâ expellendi vos, cunctos

Etōsque malignos spiritus ab hominibus, & eji-
ciendi vos omnes in profundum abyssi. Ecce
Crucem † Domini nostri JEsu Christi † fugite
partes adversæ † vicit Leo de tribu Juda, radix
David: Alleluja, Alleluja, Alleluja.

Oremus.

TE adoramus, te laudamus, te glorificamus
Domine sancte, Pater omnipotens, æterne
Deus; ne hunc, obsecro, famulum tuum N. à
diabolo oppressum, perire patiaris, & vexari:
sed salva, & adjuva eum gratiâ misericordiæ tuæ,
quem Filii tui pretioso sanguine redimere digna-
tus es. Qui tecum vivit & regnat in unitate Spi-
ritus sancti Deus, per omnia sæcula sæculorum,
Amen.

*Si maleficcium absit, & præsentialiter tantum à dæ-
mone torqueatur obsessus, tunc necessario præ omnibus
exigere debes ab illo obedientiam, & vi extorquere il-
lam mediis exorcismis sequentibus: quam obsequen-
tiam confirmari facies solemni juramento, prout in se-
quenti habes formula.*

*Forma juramenti extorquendi à dæmone; manibus
obsessi super Altare, vel librum Evangeliorum, aut supra
dexteram Exorcistæ, vel Crucifixum positus; De obe-
dientia scilicet præstanda, de veritate dicenda, de signo
dando discessus sui, ac de loco, & tempore
liberationis creaturæ.*

OMni penitus tacitâ deceptione remotâ, ego
dæmon N. nomine omnium malignantium
spirituum, hinc quomodolibet commorantium,
tibi Ministro Christi liberè spondeo, efficaci que
jura-

juramento super hoc sacro stigmate confirmo, me posthac spontè occurrente, vel te interrogante, ac præcipiente, vera dicere, & sine fraude, juxta tuam mentem respondere: nec non Deo, & tibi ex officio mihi præcipienti, in omnibus obtemperare. Quòd si irritum fecerim, Dei furorem invoco contra me, irámque ejus provoco, ut mei vindicem mittat Principem exercitûs sui Michaëlem Archangelum, qui me in manibus inimicorum meorum tradat, intrudatque in stagnum ignis æterni, cum augmento pænarum infernalium de momento in momentum, usque ad diem Judicii magnum, Amen.

Oremus.

DEus, qui miro ordine, Angelorum ministeria, hominûmque dispensas; concede propitius, ut à quibus tibi ministrantibus in cœlo semper assistitur, ab his in terra contra malignos hos spiritus vita nostra muniatur. Per Dominum nostrum Jesum Christum Filium tuum, qui tecum vivit & regnat in unitate Spiritus sancti Deus, per omnia sæcula sæculorum, Amen.

Exorcismus.

IN veterate dierum malorum, audi terribilem jugiter, ac jucundam sanctæ Matris Ecclesiæ vocem, ex Isaïæ Prophetia desumptam, sacrisque missarum solemnibus propalatam, *Puer*, inquit, *natus est nobis, & Filius datus est nobis*. O vox inferno terribilis, cunctisque tremenda dæmonibus! O vox mundo suavissima, & Christi fidelibus per-jucunda! geme, geme ergo, & contremisce, ô
abyssus

abyſſe tenebrarum , ac per concavas regni tui latebras perſonent incoerentium ejulatus , & ſine fine gemitus. Luctum facite , & vos , ô tartarei ci-
ves , quaſi ſuper Unigenitum , ſuper admirandum hunc Dei Genitum , qui , cùm in forma eſſet excellentiſſimæ Divinitatis , exinanivit ſe , accipiens formam parvuli ; ut vos nequitia , ac perverſitate longævus , atque fallaciter elatos abbreviatæ manus ſuæ potentiâ conſtringeret , diſſiparet , ac potentiſſimè perderet. Dignum erat , ô damnati , ut ipſe excellſus humilitatis formam aſſumeret , ut fortiſſimus imbecillitatis arma indueret , veſtram quærens contundere ſuperbiam , veſtramque proſternere chimericam vanitatem. Ut gigas properavit ad nos (gratia ſua) dilectos parvulus Deus ipſe magnus & ſublimis , atque è ſummo cœlorum faſtigio celerem fecit egreſſum , humilibus occurrens , ut ſanaret infirmos , conſolaretur imbecilles , confirmaret debiles , veſtræque malitia obſeſſos homines. Verùm brevis , & parvulus contra vos perversos apparere decrevit in mundi caſtris David ille cœleſtis , ut confunderet ſubſtantia tam tenuis carnis elationis veſtræ atque obdurat. onis perfidiam. Puer ille noſter tenellus , & mitis vos vincit , vósque proſternit , ô belluæ , ferocitate pleniffimæ , vos tauros indomitos ligat , ac jugo ſuæ potentiæ fortiter edomat. Ubi eſt ergò robur veſtrum , & virtus , ô leones robuſtiſſimi ? qui lactentis manibus , quaſi luſu victi , ruiſtis ; Vagitus dulces atque ſuaves divini hujus Infantis tormenta ſunt bellica , veſtram turrim , ô infernales Babylo-
nes

nes, funditus evertentia, & comminuentia. Vag-
 git infans in cunabulis, & vester tremit lucifer
 in latibulis. Plorat infans in præsepi, & vos tar-
 tarorum monstra, horribiles præ timore mug-
 tus emittitis. Vagit infans strictus fasciis, &
 prostratus ruis tu, draco truculentissime, catenis
 undique obvolutus. Vagit JESUS infantulus, &
 cuncta dæmonum turba assidue trucidatur. O
 magna cœlestis hujus infantis potentia! O qua-
 lia operaturas esse putatis manus ejus robustissi-
 mas, dum tot miracula *prodeunt è tenui*, atque in-
 firma voce lactentis? Bene etenim scriptum est:
Sagittæ parvulorum factæ sunt plagæ eorum: quia sacra-
 tissimæ hujus parvuli benedictiones, quibus nos
 digitulis suis sanctificare solebat, vos perfidos in-
 ferni cultores hominûmque invidos destructo-
 res acriter transverberant, occidunt, lacerant.
 Benedictio enim Domini JESU super nos cadit
 semper, ut nos ad suam imaginem effectos & san-
 guine suo redemptos protegat, servet, roboret,
 atque defendat; cùm certum sit, quòd inde sur-
 rexit ultra se infirmitas nostra, unde sub se infir-
 mata est firmitas Dei. Super vos autem perti-
 naces, & contra vos maledictio erit, æternæque
 damnatio, fugans, dissipans, atque incessanter
 vos persequens. Veræ plagæ factæ sunt vobis
 jacula ipsius JESU Redemptoris, dum sub bene-
 dictionis signo, docet *manus nostras ad prælium*, &
digitos nostros ad bellum contra vos, & pessimos asse-
 clas vestros, sapienter instruit. Signum etenim
 hoc † benedictionis illius vos torquet † hoc sig-
 num pueri JESU † vos deprimat. Hoc signum
 par-

parvuli JESU † vos vincit. Hoc signum Dei JESU † vos ligat. Hoc signum fortissimi JESU † vos fugat. Hoc signum Altissimi JESU † vos terret. Hoc signum terribilis JESU † vos flagellat. Hoc signum potentissimi JESU † vos dilacerat. Hoc signum admirabilis JESU † vos verberat. Hoc signum † vos debilitat. Hoc signum † vos cruciat. Hoc signum † dulcissimi JESU vos comburit. Hoc signum denique † sacrosanctæ Crucis & benedictionis, quod validissima manus JESU super nos consignat, vos jugiter condemnat. †

Per hoc igitur potentissimum hujus divini infantis JESU signum, & benedictionem † & per ejusdem sanctissimi JESU vagitus virtutem, atque potentiam, vos perfidos, Dei rebelles, exorcizo † constringo † cogo † compello † & vobis viriliter impero, ut meis obediatis præceptis, ab hoc corpore velociter exeundi: qui, licet indignus sim, vilis, debilis, ac peccatorum sarcinâ pressus: auctoritate tamen mihi traditâ à sancta Romana Ecclesia, in solidissimâ JESU infantis virtute, ac meritis fundatâ, applicando omni conamine mentis, & corporis contra te, tuosque pessimos sectatores & socios easdem cælestes hujus pueri JESU voces, vagitus, atque ejusdem dextera benedictiones, vos ejicio † & ab hoc tempore, siue intus, siue foris adestis: vos eradico † vos fugo † vos flagello, † vos extermino † vos enervo † vos maledico † atque indefessè vos contemno † in nomine Dei Patris † & JESU Filii † & Spiritus sancti †.

Ut quid ergò infernales bestię statis, & obfistitis tantę potentię ? si de parvulo Christi præcurfore adhuc in matris clauso utero, dictum scitis: *Quis putas puer iste erit ?* & hoc: *quia manus Domini cum illo aderat*: Quid vos dicendum existimatis de puero isto sublimi, ac præcellenti, qui dicitur JEsus; in quo non tantum dextera, verum & cuncta Dei virtus, cunctaque potentia essentialiter ac indivisibiliter continetur ? Quis putas, ô peripsēma tartarorum vilissimum, quis putas puer iste sit ? Hic est enim excelsus ille, atque terribilis, qui ob nostram infirmitatem extenuavit se incapacibus, & sui velamine corporis, splendorem Majestatis suę, quem visus hominum non ferebat, obtexuit. Hic est, qui factus forma servi, forma Dei esse non destitit, nec alter cum altero, sed unus in utroque. Hic est ille magnus, & admirabilis, fortis, & impassibilis, qui suscepit tristitiam meam, ut mihi suam lætitiā largiretur. Debuit ergo dolorem hominis suscipere, ut vos vinceret, dæmones. Neque enim habent fortitudinis laudem, qui stuporem magis vulnerum tulerint, quàm dolorem. Hic est ille sublimis, qui de infirmiori sexu fortior gignitur: quando de altera quasi Eva, quę verè mater est omnium verè viventium, secundus Adam generatur. Caput vestrum, & princeps lucifer illius quondam expertus est vires; & vos omnes, sectatores pessimi, adhuc fasces fertis cicatricum, quas à validissimo ejus brachio, miseri, retulistis: scriptum est enim: *Fecit potentiam in brachio suo, dispersit superbos mente cordis sui*. Non

vos pudet, foetidissima stercora, panem animarum à Deo effectarum, & præcipue istius creaturæ, vestra pessima obsidione conspurcare? nósque Sacerdotes Altissimi, ejusque Ministros, atque Pastores impedire, quo minùs illum frangere possimus, cùm sciatis, parvulum Dei Filium Jesum vagitibus, atque lachrymis illam præ fame incessanter appetere? Quapropter nisi hoc domicilium occupare cessabitis, creaturam istam (quæ est panis purus & mundus) qualem invenistis, relinquentes; panis vester, & potus sint vobis à Deo ipso, *ignis, grando, nix, glacies, spiritus procellarum*, sulphur, pix, absynthium, resina, plumbum, venenum aspidum, botrusque cypri amarissimus, ad mille gradus augenda supra vestram quotidianam in inferis portionem: sic mando, sic volo, sic jubeo, & in nomine Altissimi Jesu efficaciter impero † Amen.

Sed jam ad cælestem parvulum Jesum redeamus, qui mirabilia magna solus efficit in cælo, & in terra: quique humilitate, ac vitæ innocentia parvulos ad se advocat, dicens: *Sinite parvulos venire ad me*. Puer inquit, natus est nobis. Memento creatura damnata, reprobata, atque à Deo sempiternis repleta maledictionibus; Memento, ac meditare, hunc esse puerum illum, de quo aliàs modulatur carminibus: *Suscepit Israel puerum suum, recordatus misericordia sua*. O voces dulcissimas! ô cantus suavitate plenissimos! ô divina carmina, sublimi afflata spiritu, ac sapientia! canit de puero, quæ puerum ipsum inviolata concepit; quæ puerum illibata gestavit in

utero, quæque castissima peperit, atque uberum suorum lacte aluit: quia nobis fuit natus, nobisque ex intacta Virgine datus. Suscepit, inquit ipsa, puerum suum Israël. Cum videlicet Deus Pater omnipotens, *memor in saculum testamenti sui, verbi, quod mandavit in mille generationes*, multa post sæcula, multaque annorum elapsa curricula quod promiserat, fideliter exhibuit; verbum scilicet caro factum; Semen illud Abrahæ verum; de Spiritu sancto Virginali utero ineffabiliter conceptum, nobis hominibus præbuit: in quo non modò Israëuitarum, verum & gentium salus effectum est, ad vestram, ô dæmones, æternam perditionem: non enim quia in vili, terrestrique venit Altissimus paupertate, regium deposuit Principatum. Non quia humanitatis suscepit formam, divinitatis in ipso minuitur auctoritas: quoniam summæ benignitatis demissio, non erit substantiæ transmutatio: neque ab excelsa Patre separatur, cum à terrena matre portatur.

Per hanc ergò, per hanc sublimem mulierem, ad tam grande opus à Deo electam, vos exorcizo † ô rebelles cœlorum. Per Mariæ verba suavissima, atque concentus, vos adstringo † per ejusdem Mariæ illibatam Virginitatem vos compello † per infallibilia Dei promissa, in ejusdem Virginis completa visceribus, vos cogo † Per Dei Verbum, Caro factum, vobis impero † Per salvationem hominum, istius pueri missione manatam, vobis firmissimè mando † ut, velitis, nolitis, virtute omnium prædictorum, ac dicendorum,

dorum, vestra frangatur durities, vestraque superbia retundatur, obediendo præceptis meis, ad Dei omnipotentis honorem. Da igitur gloriam Deo Patri, da gloriam Verbo Dei Filio: da gloriam Deo Spiritui sancto: da gloriam unà cum tribus divinis Personis etiam Deiparæ Virgini, per quam humana natura Dei Filium gratiose suscepit, natum in ea de ejusdem Spiritûs Divinitate &c.

Fuisti jam, & tu ô miserrima creaturarum, fuisti de numero filiorum Altissimi, dum scriptum esse scias: *Ipse est principium viarum Dei, qui fecit eum.* Verum, cum adhuc tener, ac parvulus esses, atque omnipotentis manu sustentareris, frustra tuæ fîsus superbiæ, terga vertisti Creatori tuo, ingratiſſimè fugiens: & cum principe tuo stultè locutus es: *Ascendam ad Aquilonem: supra montem testamenti recumbam, & grandis ero ut Altissimus.* Orisum, ô planctum, ô damnabilem in æternum stultitiam! adhuc recens ortus, proſilire præsumpſiſti, ac fortiter cecidiſti: ascendere in cœlum Divinitatis tentâſti, ſed propriæ cognitionis ſcalam, miſer, ſubſternere neglexiſti. Quomodo gigantis æqualitatem conſequi volebas, dum calceamentiſ infimæ humilitatis nequaquam uti conſueveris? ſoleas dejectionis nunquam in pedibus tuis habuiſti: & ſupra crepitæ, elatus, ac tumens, grefſus facere auſus fuiſti: & ſic meritò ad infernas ſedes, ſecluſa omni ſpe reparationis miſerrimè corruiſti. Idcirco enim non ſuſcepit, neque unquam ſuſcipiet te manus Omnipotentis, ſicuti ſuſcepiffe jam vidiffi pue-

rum suum Israël. Non extendet ad te, nec sustentabit te Altissimi brachium; quia liberè, nemine opprimente, atque impellente, tuum reliquisti Conditorum, tuique oblitus es Creatoris. Nos, nos, inquam, rationales creaturas suscepit, & quotidie suscipere non desinit, Sacramentorum amplexibus, validissimus Samson ille cælestis, qui vestrâ vos pullos invidiâ, vestrâ tentatos nequitiâ, vestrâ fallaciâ deceptos, vestrâ suggestionem delusos, vestraq; nequitiâ prostratos videt. Ideo canitur: *Puer natus est nobis*, id est, non vobis; nobis DEI filiis, non vobis DEO adversariis; nobis electis, non vobis maledictis; nobis hominibus, non vobis dæmonibus; nobis cælorum civibus, ac DEI domesticis, non vobis inferni cultoribus, Sanctorum persecutoribus, Empyreï desertoribus, Deique rebellibus: magnum, magnum quippe est hujus muneris Sacramentum, & omnia dona excedit hoc donum, ut Deus ipse, hominem, non Angelum vocet filium, & homo Deum vocat Patrem.

Per illam ergo Altissimi potentiam, te, & socios tuos hinc exire compello † quâ ex nihilo te, tuamque effecit naturam. Per illam virtutem te exorcizo † quâ te ingratum, atque superbum fortiter ad ima depressit cum lucifero, ejusque sectatoribus. Per inflexibilem Dei justitiam te urgeo † quâ te desertorem gratiæ ipsius fortiter dejecit; ita ut omni spe remota, nunquam illam assequi valeas. Per illam misericordiam tuam magnam te ligo † cujus Deus ipse recordatus,

su-

suscepisse dicitur Israël puerum suum JESUM, Redemptorem nostrum. Per cuncta denique jam dicta, atque dicenda, quibus compelli, ligari, adstringi, atque fugari possis tu, & socii tui: ac per virtutem, & efficaciam omnium ipsius Dei Geniti JESU operum, atque sermonum, te, & vos omnes dæmones compello, ut omni mora postposita, cedatis Deo, cedatis Altissimo; atque divinis mandatis per me Christi JESU Ministrum vobis indictis, atque indicendis, incunctanter obtemperetis, recedendo tum realiter, tum virtualiter ab hac Dei creatura N. sanguine Filii ejus JESU Christi redempta; atque ad loca vobis ab omnipotenti Deo descripta, præcipites ruatis.

Sed perpendite, ô stulti, ac nequissimi spiritus, quid de excelso hoc parvulo JESU, eadem sancta Mater Ecclesia, DEI edocta spiritu, suavissimè concinat: *Puer natus est nobis.* O miraculorum miraculum! Puer effectus est ille, qui semper fuit plenus ætate: qui tempora moderatur, dies & annos, sæculaque disponit: qui fuit ab initio absque initio; qui est, quique in æternitate permansit, ac nunquam finem aspiciet. Puer factus est ille, ante cujus oculos mille anni tanquam dies hesternæ, quæ præterit, computantur. Puer natus est ille in tempore, qui ab æterno à temporum conditore fuit genitus, pertulitque Dominus vesperam temporalitatis nostræ, ut nos reduceret ad lumen inocciduum perennitatis suæ. Puer factus est ille, qui cum unus sit in Deitatis substantia, ineffabilis, inæstimabilis,

incomprehensibilis; imminuit se tamen, factus parvulus, ut nos parvulos, magnos, Deoque similes efformaret. Puer factus est ille, qui, cum esset Verbum Patris ingeniti, ab eoque inseparabile, ac Patri luminum coæquale, & omnia cum illo disponens; carnem habere voluit nobis similem, passibilem, parvulam, ac mortalem. Puer factus est ille, qui, cum esset splendor celestis gloriæ, & figura præcellentissimæ Deitatis substantiæ; cui omne genu flectitur, omnis lingua confitetur, Altissimo æqualem esse; seipsum nihilominus exinanire complacuit, accipiens servi formam, & corpus. Puer factus est ille, qui, cum esset ante sæcula Rex Regum, & Dominus Dominantium, cujus regnum non esca, & potus, sed justitia, pax, & gaudium in Spiritu sancto; humiliari tamen, constringi, arctari, atque angustissimo Virginis ergastulo se mancipari voluit oriens nimirum Creator ex creatura, factor effectus ex factura: In Virginea puellæ vulva conceptus, qui vastissima totius mundi amplitudine non tenetur. Jacens intra maternos amplexus parvulus, qui cum coæterno Patre, rerum omnium jura gubernat immensus.

Per hujus igitur virtutem Altissimi, qua se, contra vanam, ac temerariam vestram elationem exinanivit, vos iterum, ac fortius adjuro † O dæmones, & vos ipsos deprimatis, prosternatis ac coram tantæ Majestatis Divinitate, atque benignitate, vestram agnoscatis superbiam, exuentes ab hoc corpore. Per ejusdem Dei sapientiam, quâ humanitatem Deitati conjunxit, eam.

eámque ad Patris dexteram in cælestibus collocavit, vos exorcizo † ut recedatis ab hac creatura emittendo, seu destruendo (si adsunt) omnes ligaturas, signaturas, facturas, maleficia, aliáque similia solventes; & istam sanam relinquatis, suo ut possit deservire Creatori, quem vos ingratissimè deseruistis, per ejusdem pueri JEsu divinitatem, hypostaticè nostræ carni conjunctam, impero tibi † spurcissime caput istorum spirituum, ut pareas & obedias præceptis meis, Dei nomine tibi indictis, sub pœna centuplici pœnarum tuarum æternalium. Urgeat te † Deus Pater generans. Urgeat † te Verbum à Deo Patre genitum. Urgeat te † Spiritus sanctus ab utroque procedens: Humiliet te † potentia Patris: Opprimat te † sapientia JEsu Filii: Comprimat te † virtus sancti Spiritus, ac tota Trinitas, indivisibiliter in Christo manens, te prosterнат † te dissipet † fuget † torqueat † deleat † adstringat † te denique ad parendum compellat Dei incarnatio Verbi, & hinc fugere te cogat humilitas Salvatoris, & Caro ex Virgine sumpta. &c.

Sed jam ulterius ad divini pueri JEsu laudes properemus. *Puer natus est nobis.* O partus admirabilis! O principium sine principio nati. Humanitas quidem principium habuit, divinitas verò sine principio extitit: forma formam assumpsit, nec Trinitas excrevit in quaternitatem: duarum naturarum unio in unius filii partu, verbi & carnis inconfusa unitio: & is, qui secundum carnem natus est, Deus est ex Parte, & ho-

mo ex Matre. O Sacramentum, & admirabile
 mysterium ! quis unquam vidit Regem, rei ha-
 bitu indutum ? vel qui oculus universum prorsus
 comprehendit solem. Et hic, hic idem nobis
 natus est Puer. Non meruit vestra superbia,
 atque temeritas, ô angelica turba damnata, non
 meruit vestra perfidia, Deum Verbum vestram
 assumere formam, ut vestro lapsui remedium
 adhiberet : quia, cùm fuissetis ab Omnipotenti
 ejus virtute creati, recti, stabiles, atque perfecti,
 decori virtute, fortes potentiâ, perspicaces in-
 telligentiâ, boni, malique notitiam habentes;
 quod appetendum, quôdve respuendum rectè
 noscentes; malum potius, quàm bonum liberè
 elegistis; falsum, & non rectum amplexati estis:
 tenebras, & non lucem amastis, amarum de-
 glutistis, dulce respuistis, luciferumque sequu-
 ti, Deum verum, Deum vestrum deseruistis. Er-
 rastis omnes ab utero creatricis Divinitatis ejus:
 & loquuti falsa, imò iniqua, dixistis : *Super astra
 cœli exaltabimus solium nostrum.* O ineptia, æter-
 nis lugenda gemitibus ! *Qua fuit ista transgressio ?*
 cur reliquistis Dominum Deum vestrum, ædifi-
 cantes altare sacrilegum ineptiæ vestræ, atque ab
 Altissimi cultu recedentes ? sed quia dereliquistis
 sanctum, meritò & ipse dereliquit vos. Deser-
 uistis Ducem pubertatis vestræ, pactique Dei
 vestri non estis recordati; idcirco longè factus
 est à vobis excelsus. Perversa cogitatio vestra
 sejunxit vos à Deo, & aversio vestra, ô insensa-
 ti parvuli: interfecit, & perdidit vos, ab istiusque
 divini infantis gratia vos in æternum sejunxit.

No-

Nostram, ô invidi dracones, nostram dignatus est Deus naturam assumere, nostramque induere mortalitatis carnem. Etenim cum vestro videret livore primum hominem deceptum, ut Dei transgrediendo mandatum, fallaciter adversaretur, scuto Divinitatis suæ validissimo protexit nos, & brachio fortissimæ suæ virtutis de cœlo misso, nostram protexit fragilitatem, erexitque ruinam.

Igitur per justissimam summi Dei vindictam, contra vos, & vestram ingratitude operatam, atque superbiam, vos iterum conjuro † ut cedatis mihi Sacerdoti Ministro Christi. Per ineffabilem DEI circa nos misericordiam, quâ nostram assumpsit carnem, vos exorcizo † per infinitam Dei benignitatem, atque clementiam, vobis impero † ac validissimè mando, sub poena sine fine augenda, ut illicò recedatis ab hac creatura, aliàs ira Dei sit contra vos † potentia Omnipotentis puniat vos † Altitudo Dei humiliet vos † Fortitudo Dei comprimat vos † vósque disperdat, mittens in gehennam sine fine concremandos.

Sed meliùs attendite, ô tartarei serpentes, quid ulterius, ex Isaïæ vocibus ad vestram intonet confusionem, nostramque exhilarationem sancta Mater Ecclesia, ait enim: *Et Filius datus est nobis.* O ineffabilem Dei benignitatem! ô mare, ô pelagus immensæ charitatis, de qua scriptum est: Sic Deus dilexit mundum, ut Filium suum Unigenitum daret. Filium dedit nobis de cœlo Pater cælestis, non servum, non domos, non
præ

prædia, non argentum, non aurum. Sumant hæc omnia tenebrarum Principes mundi hujus, vósque tartarea mancipia cum omnibus avaris affleclis vestris: Sumite, inquam, vos lutea ista, atque fictilia, ô infernales sues; quia nobis tanquam dilectis filiis, Dei largitur Filius, cælorum Dominus, syderum Dominator excelsus! cum scriptum sit: *Calum cæli Domino, terram autem dedit filiis hominum.* Sed unâ cum Dei Genito præstatur & nobis cælorum regnum: quia cum illo Empyreï possessores efficimur: illius, inquam, Empyreï, ô damnati, ex quo vos ejecti fuistis: illius, inquam, Empyreï, quod vos vestrâ amissistis superbiâ; illius Empyreï, in quo vestras sedes primò collocavit Altissimus, sed quia amplius ascendere ausi estis, æqualitatem Dei Geniti appetentes, idcirco inde evulsi, fortiter corruistis, atque igneas istas, inferâsque sedes occupastis, ubi incessanter ignibus ardebitis sempiternis. Verùm si nobis Dei Filius datur, quis adversus nos consurgere audebit? quomodo pugnare contra creaturam istam, ô tartarei, vestra valebit crudelitas? Insidiatur internus animæ justî, illâque livore nequissimo suis magicis artibus, operibus, ligaturis, veneficiis, foetidisque compositionibus deglutire tentet; nihil tamen penitus ipse proficiet; quia inane à Dei manu extrahi tentatur, qui tam sublimi, validoque roboratur præsidio, atque protegitur. Eratis & vos aliquando lux, æternæque lucis Filii, cum de vestra creatione enuntiaturum fuisse sciatis ab Omnipotentis voce: *Fiat lux, & facta est lux; Lux il-*

la videlicet matutina, quæ Lucifer appellabatur ;
vester videlicet Princeps cum omni cælestium
spirituum exercitu. Verumtamen, cùm retro-
versi, dilexeritis magis obscurum, quàm lucem ;
falsum potius, quàm loqui æquitatem volueri-
tis : idèò felicitatis, atque sublimitatis vestræ
gloriæ mutatæ sunt vices, sortésque convolutæ ;
dum vos, qui superna quondam, atque cælestia
contemplabamini, nunc ad ima dejecti, sedetis
in tenebris, & umbra mortis. Vos, qui primò
lux eratis, tenebræ evasistis. Vos, qui Altissi-
mi Primogeniti dicebamini, nunc abjectissi-
ma evasistis mancipia ; nec Dei tantum, sed &
hominum, & jumentorum : cùm non tantum
per nos Dei Ministros torqueamini, & ad no-
strum nutum fugemini, ac fortiter verberemini :
sed, quod ridiculum, ad vilissimarum mulier-
cularum levissima incantationum verba, va-
nâque superstitiones, & signa, tam in jumentis,
quàm in plantis, lapidibus, pulveribus, metallis,
feminibus, elementis, aliisque insensatis instru-
mentis immissa, atque disposita, vos præsto
estis, & ad parendum vos ipsos accingitis. Econ-
tra, ô beata Sors ! ô summum Dei munus, sum-
ma potentia ! nos, qui servi eramus, Dii dici-
mur, Excelsique Filii : Nos, qui imbecilles era-
mus, fortes effecti sumus : nos, qui olim in ter-
ris dejecti incedebamus, nunc super ventorum
pennas equitare aspicimur ; cùm scriptum sit :
Vidi servos in equis, & dominos ambulantes : Nos, qui
ad ima positi, miseri premebamur ; tandem in
cœlorum fastigio supra vestros thronos, ô an-
geli

geli desertores, triumphatores sedere speramus; sicuti copiosissimum, atque invictissimum Sanctorum chorum considerare jam scitis, & meritò: etenim si ille, cujus gloriam vidimus, gloriam quasi Unigeniti à Patre, ille dicitur butyrum, & mel comedere: ecce igitur tremenda illa potestas potestatibus Angelicis, comedendo, & bibendo, se communicavit hominibus, & jumentis. Si Dominus itaque Angelorum, propter homines factus est particeps jumentorum; cur è diverso, homo per ipsum non multò magis fiat particeps Angelorum? De cujus soliditate veritatis dicant nunc ipsimet, qui redempti sunt à Domino, quos de manu vestra ô inimici, ipse redemit; & de orbis terræ regionibus congregati sunt in cœlorum fastigiis. Dicat nunc igitur sacer Apostolorum lenatus, quæ ipsi in cœlis vestrùm miserorum sedilia occupent. Dicat nunc invictissimus Martyrum exercitus: enarrent piissimi Ecclesiæ Pontifices: prædicent præclarissimi Dei Ecclesiæ Doctores: dicant constantissimi Confessores: eructent inclytæ Dei Virgines, ac Viduæ: testificentur tandem de lucidissimis suis sedibus, quas Dei munere possident, excellentissimus Ecclesiæ Doctor Hieronymus; sanctissimus ille Antonius, beatissimus ille Benedictus, piissimus Antonius Abbas, Hilarius, Bernardus, Franciscus, Dominicus, Vitus, Ubaldu, Zeno, Carolus, Cajetanus, Andreas, Avellinus, cum omni militia cælestium civium super vestras, quas amisistis, æthereas sedes, ô miseri, exaltati. Et vos omnes,

nes, diaboli, olim cælestes spiritus, nunc inferorum cives; olim æternæ addicti gloriæ, nunc verò ob vestram damnati perfidiam; olim jubilantes, nunc perpetuò lugentes; date gloriam Deo, date gloriam Altissimo, ac contra vosmetipsos sinceram iam ferte sententiam, dicentes: Meritò hæc patimur, quia peccavimus in Patrem nostrum, in Conditorum Deum, omniumque Creatorem.

Et ego, ejusdem Altissimi nomine, atque (ut ejus Minister) auctoritate ab eodem Jesu mihi tradita, excommunicationis jaculo vos millies ferio, nisi meis parueritis mandatis: vos anathematizo † vos condemno † vos exorcizo † vos iterum, per eundem Dei Unigenitum † adstringo. Vos adjuro † per Jesum, DEI Verbum, nobis datum, nobis in carne natum. Cogo vos † ut abscedatis, per immensam Dei Patris, circa nos charitatem, quâ talem, ac tantum præbuit nobis Filium, sibi naturâ æqualem, ut & nos Dei Filii per gratiam essemus. Conjuro vos † per Dei erga nos clementiam, atque benignitatem, qui cum multa nobis elargiri potuisset, ut nos à peccati nece redimeret; Unigenitum tamen Filium sibi naturâ æqualem nobis præstitit, ac donavit. Constringo vos † ô raptores animarum, per ejusdem Dei Geniti cum Patre æqualitatem. Compello vos † canes nigerrimos per cælorum Regnum, per cælorum Dominatorem † per siderum effectorem † per Empyreï Rectorem † per Deum verum † per Deum Sanctum † per Deum vivum † per Deum Trinum † per Deum unum †
per

per Deum JESum † desuper ab Angelis sic vocatum † per Deum Christum † per Mariæ Filium † per JESum Mariæ integerrimis incarnatum visceribus † per JESum, Mariæ candidissimis brachiis amplexatum † per JESum, Mariæ suavissimo lacte potatum † per JESum, Mariæ manibus in præsepi collocatum † per JESum, Mariæ sacratissimis labiis exosculatum † per JESum, circumcisionis lapide vulneratum † Urgeo vos † omni cordis, mentisque conatu, atque ejusdem JESu virtute munitus, per splendoras illas sedes, quibus nefandissimi, ingratiſſimi, infeliciſſimi, vos meritò ejecti fuistis, quasque, vestrum vice Beatorum occupat chorus gaudentium, suaviterque canentium, Sanctus, Sanctus, Sanctus, Dominus Deus fortis, Deus omnipotens, Deus exercituum. Cædo vos † ejicio vos † dissipō potentiam vestram † per Sanctorum gaudium, illorum præcipuè, qui eosdem vestros sortiti sunt lucidissimos thronos. Expellant igitur vos † sancti Patriarchæ & Prophetæ. Expellat mecum vos † Sanctus Christi Præcursor Joannes Baptista. Expellant vos † mecum ab hoc corpore Sancti Apostoli. Cogat mecum vos † obedire invictissimus chorus Martyrum, necnon & Confessorum, Eremitarum, Doctorum, atque Virginum candidissima turba: illorumque maximè Beatorum societas vos mecum exorcizet † contundat † dissipet † quorum virtutem, atque potentiam fortius validiusque pavetis. Concutiat vos tandem perſtinaciâ plenos, primus Christi sanguis, pro nobis largiter effusus † Coarctet vos fugam arripere,

re dolor Christi Jesu † expellat vos tartareos
Circumcisio Jesu infantis † eliminet vos mendacissimos vulnus Jesu parvuli durissimum †
Perterreat vos obduratissimos culter, carnis Jesu Redemptoris percussor † Fariat vos nequissimos Mariæ dolor, Mariæ invisibilis gladius, suam ipsius transverberans animam † fugent vos vagitus suavissimi Christi Jesu infantis, sic pro nobis percussit simulque Mariæ, ac Jesu lacrymarum imbres in Circumcisionis mysterio pro hominibus effusi vos potenter incendiant, vos crucient, vos torqueant. In nomine Patris †, &c.

Exorcismus II.

In Hebdomada Passionis, & in majori. In
Festivitatibus sanctæ crucis, & qualibet
sexta feria per annum.

*Preparatio ut supra in primo Exorcismo, præter
ea, quæ hic ponuntur propria.*

† Sequentia sancti Evangelii secundum Joannem † R. Gloria tibi Domine. †

In illo tempore, dixit Jesus Nicodemo: Nemo
ascendit in cœlum, nisi, qui descendit de cœlo
Filius hominis, qui est in cœlo. Et sicut Moyses
exaltavit serpentem in deserto, ita exaltari oportet
Filium hominis, ut omnis, qui credit in ipsum,
non pereat, sed habeat vitam æternam. Sic enim
Deus dilexit mundum, ut Filium suum Unigenitum
daret, ut omnis, qui credit in eum,

non pereat, sed habeat vitam æternam. Non enim misit Deus Filium suum in mundum, ut iudicet mundum, sed ut salvetur mundus per ipsum. Qui credit in eum, non iudicatur: qui autem non credit, iam iudicatus est; quia non credit in nomine Unigeniti Filii Dei. Hoc est autem iudicium, quia lux venit in mundum, & dilexerunt homines magis tenebras, quam lucem: erant enim eorum mala opera: omnis enim, qui malè agit, odit lucem, & non venit ad lucem, ut non arguantur opera ejus; qui autem facit veritatem, venit ad lucem, ut manifestentur opera ejus, quia in Deo facta sunt. *R.* Laus tibi Christe.

Per Evangelica dicta extingatur & dissipetur & destruat in te N. omnis diaboli virtus. In nomine Patris & Filii & Spiritus sancti Amen.

Dicantur Litania Sanctorum ut supra in primo

Exorcismo:

Pater noster. Vers. Et ne nos inducas in tentationem. Resp. Sed libera nos à malo.

Vers. Per signum Crucis de inimicis nostris
Resp. Libera nos Deus noster.

Vers. Salvos fac servos tuos. Resp. Deus meus sperantes in te.

Vers. Esto nobis Domine, turris fortitudinis.
Resp. A facie inimicorum infernalium.

Vers. Nihil proficiant inimici in nobis, Resp. Et filii iniquitatis non apponant nocere nobis.

Vers. Pluat super peccatores laqueos. Resp. Ignis, sulphur, & spiritus procellarum pars calicis eorum.
Vers.

Ÿ. Loquere eis, Domine, in ira tua. R. Et in furore tuo conturba illos.

Ÿ. Disperde, Deus, labia ista dolosa. R. Et linguas eorum magniloquas.

Ÿ. Humilia sicut vulneratos superbos.

R. Et in brachio tuo disperde inimicos tuos.

Ÿ. Virgam virtutis tuæ emitte, Domine, ex Sion.

R. Et dominare in medio inimicorum tuorum.

+ Ÿ. Fac, mecum, Domine, signum † in bonum.

R. Ut videant, qui oderunt me, & confundantur.

Ÿ. Ecce Crucem Domini. †

R. Fugite partes adversæ.

Ÿ. Domine exaudi &c.

Ÿ. Dominus vobiscum &c.

Oremus.

Adesto Domine DEUS noster: & quos sanctæ Crucis lætari facis honore, ejus quoque contra hos dæmones defende subsidiis. Per Dominum nostrum JESUM Christum Filium tuum &c.

Excita quæsumus Domine, potentiam tuam, & veni; ut qui in crucis, & Passionis tuæ virtute confidimus; in hac dæmonum lucta fortiter resistendo, ab omni eorum fraude misericorditer eruamur. Qui vivis, & regnas cum Deo Patre in unitate Spiritus sancti Deus, per omnia sæcula sæculorum, Amen.

Psalmus 21.

DEUS Deus meus respice in me, quare me dereliquisti? *ex Prima Feria sexta.*

Lectio libri Ecclesiastici.

Allela Domine, manum tuam super gentes alienas, ut videant potentiam tuam: sicut enim in conspectu eorum sanctificatus es in nobis; sic in conspectu nostro magnificaberis in eis, ut cognoscant te, sicut & nos cognovimus, quoniam non est Deus præter te, Domine. In nova signa, & immuta mirabilia. Glorifica manum, & brachium dextrum; excita furorem, & effunde iram: tolle adversarium, & afflige inimicum: festina tempus, & memento finis, ut enarrent mirabilia tua. In ira flammæ devoretur, qui salvatur; & qui pessimant plebem suam, inveniant perditionem: Contere caput principum inimicorum, dicentium: Non est alius præter nos. Tu autem Domine miserere nobis.
Resp. Deo gratias.

Oremus.

Præsta quæsumus Omnipotens Deus, ut, qui nostris excelsibus ab hoste maligno incessanter affligimur, per Unigeniti tui Passionem misericorditer liberemur. Qui tecum vivit & regnat in unitate Spiritus sancti Deus, &c.

Hymnus.

Vexilla Regis prodeunt,
Fulget Crucis mysterium,
Quo carne carnis Conditor
Suspendus est patibulo.
Quo vulneratus insuper
Mucrone diro lanceæ,
Ut nos lavaret crimine,
Manavit unda, & sanguine.

Impleta sunt, quæ concinit
David fideli carmine,
Dicens in nationibus;
Regnat à ligno Deus.
Arbor decora, & fulgida,
Ornata Regis purpura,
Electa digno stipite
Tam sancta membra tangere.

Beata, cujus brachiis
Sæcli pependit pretium,
Statera facta corporis,
Prædámque tulit tartari.

O Crux ave spes unica,
In hoc maroris tempore;
Auge nobis constantiam,
Obsessis dona veniam.

Te summa Deus Trinitas
Collaudet omnis spiritus;
Quos per Crucis mysterium
Salvas, rege per sæcula, Amen.

Vers. Dicite dæmonibus.

Resp. Quia Dominus regnavit à ligno.

Vers. Dominus vobiscum. &c.

†Sequentia sancti Evangelii secundum Joannem.

Resp. Gloria tibi Domine. †

IN illo tempore, dixit Iesus discipulis suis:
Nunc anima mea turbata est, & quid dicam?
Pater salvifica me ex hac hora. Sed propterea
veni in horam hanc; Pater clarifica nomen tu-
um. Venit ergò vox de cœlo dicens: Et cla-
rificavi, & iterum clarificabo. Turba ergò, quæ
stabat, & audierat, dicebat: tonitruum esse fa-
ctum.

ctum. Alii dicebant : Angelus ei loquutus est. Respondit Iesus, & dixit : Non propter me hæc vox venit, sed propter vos. Nunc iudicium est mundi, nunc princeps huius mundi ejicietur foras. Et ego, si exaltatus fuero à terra, omnia traham ad me ipsum : hoc autem dicebat significans, qua morte esset moriturus. Resp. Laus tibi Christe.

Per Evangelica dicta extingatur † dissipetur † & destruat † in te N. omnis diaboli virtus. In nomine Patris †, & Filii †, & Spiritus sancti †, Amen.

Oremus.

DEus, qui pro nobis Filium tuum crucis patibulum subire voluisti, ut inimici à nobis expelleres potestatem ; concede huic famulo tuo N. à dæmonibus obsessus, ut ejus meritis, & passione, liberationis gratiam consequatur. Qui tecum vivit & regnat in unitate &c.

Aspergens creaturam, dicat.

Aqua benedicta extinguat † & separet à te † omnia dæmonum ficta. In nomine Patris † & Filii † & Spiritus sancti † Amen.

Exorcizatio creaturae obsessæ.

†EXtinguatur in te N. creatura Dei vexata omnis virtus diaboli, per sanctissimæ Crucis † signum : imò per invocationem sanctissimi, ac tremendissimi nominis Iesu, † qui Deo Patri factus obediens usque ad mortem crucis, exaltari, tribuique illi nomen meruit, cui omne genu flectitur, cælestium, terrestrium, & infernorum.

In

In nomine Patris † & Filii † , & Spiritûs sancti †
Amen,

Oremus.

Respice, quæsumus Domine, super hunc famulum tuum N. à dæmonibus vexatum; pro quo Dominus noster JESUS Christus non dubitavit manibus tradi nocentium, & crucis subire tormentum. Qui tecum vivit & regnat in unitate &c.

Exorcismus.

EGO, iniquorum omnium pessimus, Dei tamen Omnipotentis benignitate, ad sublime sacerdotale culmen, ad ipsiusque Domini ministerium indignissimè provectus, auctoritate mihi præstita à sancta Romana Ecclesia, ejusdem Sponsa, super infernorum aspides, serpentes, atque dracones; & in virtute ejusdem Altissimi, aggredi audeo vos omnes abyssi dæmones, qui hanc Dei creaturam, sacro baptismatis signo munitam, vexatis, & infestatis. Idcirco per potentiam ejusdem, qui vos rebelles spiritus, rectos, atque perfectos in natura creavit, in primis exorcizo † & adjuro † ut mihi, tanquam Ministro Christi debitam præstetis obsequentiam in cunctis, quæcunque opus fuerit à vobis exigi ad honorem Dei, ad confusionem vestram, & ad proximi hujus levamen, atque salutem. Conjuro vos † ergò per nomen ejus, qui est excelsus, magnus atque terribilis, & faciens mirabilia, ut, velitis, nolitis, mea jussa exequamini, quæ semel pro millies sint vobis cognita, ejiciendi vos omnes ex hoc corpore, & à qualibet ipsius parte

sive intrinseca, sive extrinseca, cum omnibus maleficiis vestris, atque facturis quomodolibet constructis; ita ut relinquatis illicò creaturam hanc sanam, qualem invenistis, neque amplius eam impofterum invadatis. Adstringo vos† per eandem summi Dei mei virtutem, ut citissimè pareatis. Cogo vos† per Altissimi Majestatem ut omni fraude, atque nequitia vestra remotâ, cedatis mihi† cedatis Ministro Christi, cedatis- que DEO† qui vos de cœlestibus depulit sedibus.†

Verùm, ne ulla ante Dei tribunal adsit vobis excusatio, explico, quid sentiam in hac causa; ligare videlicet volo caput, ac ducem vestræ istius cohortis, hic vel alibi commorantem, cunctosque ipsius sectatores, vel intus, vel procul existentes. Item cogito, omnes istas conjurationes, atque præcepta, à me Dei nomine fulminanda, cadere non tantùm suprà, vel contra vos, verùm etiam adversus omnes, sive corporeas potestates, quò minùs verbum Dei, atque mandata mea impleantur, obstantes: propterea namque efficacissimè absolvere† resolvere† delere† atque ad nihilum reducere decerno quodlibet veneficium, pactum, ligamen, scriptum, signum vel maleficium à quacunque potentia, sive implicite sive explicitè, quovis modo, & forma constructum: In nomine Dei Patris† & Filii & Spiritus† sancti. Tandem cogito, te caput nefandissimum, ac socios tuos, & quoscunque alios tartareos spiritus, impediētes, remorantes, vel huic meæ obsistentes voluntati, cun-

cunctis pœnarum generibus gravare, quibus à divina potentia de momento in momentum gravari potestis, usquequò Deo, & mihi ejus Ministro satis peculiariter faciatis. Ad cuncta autem hæc præcepta, conjurationes, ac cruciatu semel pro millies vos obligare puto, atque constringere, in virtute † ejusdem sanctissimæ, atque potentissimæ Trinitatis † in nomine JESU † cui omne genu curvatur.

Idcirco, ô scelestissime, ô pessime tartarorum princeps, jam admirabile crucis † Christi Sacramentum adest: jam sacratissimus ejus sanguis contra te, & socios tuos pertinaces duram, ac justam scribit, signatque sententiam: jam denique passio Redemptoris vos ad obediendum, ac velociter fugiendum urget. Conjuro vos itaque † per egressum Servatoris trans torrentem Cedron, ubi erat hortus, in quem introisse dicitur ipse JESUS Dei Filius cum discipulis suis: quæ ingressio congressus fuit validissimus, & primus contra luciferum, & vos omnes tartareos; per quem, post multa, in Calvariæ castris fortiter pugnando prosterneret, ac dissiparet. Verè scriptum scitis, ô superbi: *Nova bella elegisse Dominum, ut portas fortium subverteret*: Etenim passionis suæ præludiis horti januas intrans, inferni portas confregit. Deliciarum locum primò ingrediens, quid aliud Dominus JESUS significare voluit, nisi quod jocando ipse arma vestra retunderet, vósque ludens superaret? Intrat in hortum, ut pro hominibus capi, atque vinculis alligari, delicias sibi esse ostenderet: sicuti multo jam

ante prædixit in sacris litteris: *Delitia mea esse cum filiis hominum*: cum illis scilicet, quibus salus non erat; cum non venerit vocare justos, sed peccatores ad pœnitentiam.

Conjuro vos † per efficacissimas illas preces, quas JEsus ad Patrem effudit in horto Gethsemani, cum procidens supra terram, orasse dicatur, ut si fieri posset, calix ipsius passionis ab eo transiret: ubi vestra confunditur petulantia, qui semper, erecto collo Deum Creatorem, atque effectorem vestrum ingratisimè deseruistis, & ante illum procumbere renuistis, honorem, ac gloriam sibi debitam abnegantes. Lucifer ille vester superbiens, Altissimi lateri assidere conabatur, & ipsemet Dei Filius, pro hominibus homo factus, in terra non est dedignatus genua flectere, atque humiliter procumbere docens, nos unguento humilitatis tumorem curare vestræ elationis. Sicque Dei celsitudo prostrata dejecit diabolus, altum humiliavit, exaltatum supplantavit, confudit fortem, & deformavit elatum. Per eandem igitur Christi genuflexionem vos conjuro † per quam Deus exaltare illum voluit, & donare illi nomen super omne nomen, ut in nomine JEsu ad vestram confusionem, omne flectatur genu, celestium, terrestrium, ac vestri, ô damones infernorum.

Exorcizo vos † per illum timorem, pavorem, atque mœstitiam, quâ Dei Filium perculsum fuisse legimus, vel quam ipsemet in parte sensibili, atque inferiori pati voluit; cum dicitur, cœpisse pavere, tedere, ac mœstus esse: A qua mœstitia fallax vestra confundatur lætitia, quam, ô antiqui serpen-

pentis, vestris spondetis elargiri asseclis in hac vita, ut eos omni penitus lætitiâ spolietis; illâ videlicet, quæ à Deo rectis corde promissa, & vobis miseris in æternum ablata fuit, etenim Deum sicuti oportet timens homo, & in ipso confidens, voluptatis radicem lucratur, omnemque habet lætitiæ fontem. Quinimò, sicut in mare decidens immensum scintilla brevis facile deletur; sic quantacunque Deum timenti illi dantur inferni mala, veluti in vastum lætitiæ pelagus excidentia extinguuntur, atque perduntur.

Conjuro vos † nefarios, per illam Christi agoniâ, à mortis cogitatione manantem, per quam *factus est sudor illius sacratissimus, veluti gutta sanguinis decurrentis in terram*: quam etiam multò antè prædictam scitis, cum per Isaïam dicitur: *Torcular calcavi solus*: quando videlicet ejus discipulis somno indulgentibus, atque horam unam nequaquam secum vigilare valentibus, solus Angelorum Dominus onere pressus, acerbitalis futuræ passionis, ab illibatæ carnis suæ nube, sanguineum illum, sacrûmque emisit sudorem, gustando quidem Christi Caro mortis præludia, sed impassibilis Dei virtus non exeundo de corpore; qui sudor, sicuti tartareum intensissimè accendit ignem; sic & ros extitit pro nobis suavissimus; etenim verum esse scitis, quòd igneam illam, qua vitæ regio erat inclusa, romphæam, sacer Christi sanguis extinxit. Exorcizo vos † per verba illa suavia Jesu Domini nostri, quibus suo alloquens Genitori, dixit: *Pater, si possibile est, tran-*
sea

seat à me calix iste : non mea tamen, sed tua fiat voluntas. O Verè prima in terram virtus, contra quam prævaricari primum hominem fecistis ; quàmque in cruce Dei Filius nos edocet , ut qui inobediendo , à supernæ patriæ sublimitate cecidimus , ad hanc, versis vestigiis, per obedientiam de exilii dejectione rediremus.

Per hanc igitur Altissimi obedientiam , cervicibus vestris directè oppositam , O dæmones , ô arrogantiae fontes , & contumaciæ Magistri, vos exorcizo † cedere Deo , cedere mihi Ministro ejus , & obedientiam præstare præceptis Christi circa exitum vestrum.

Conjuro vos † dæmones per suavem illam Redemptoris vocem : *Amice ad quid venisti ?* Et per mansuetudinem illam immensam , qua Judæ amplexu mendacissimo , se Dei Filius prodi permisit : Signumque traditionis, sæviore omnibus telis osculo, præbuit : confundens vos malignos , actu isto excellentissimæ charitatis , amans , amplectens , insuper & amicum appellans proditorem pessimum , venditorem avaritiæ plenum , discipulum fallacissimum , hominem sacrilegum , ministrum nequissimum , ut tantæ dilectionis exemplo illum forsitan ad se convertere , ac servare tentaret. Exorcizo vos † spurcissimos, per admirabilem vocem illam, atque terribilem, cum Judæis interrogantibus dixit : *Ego sum Jesus Nazarenus* : ad quorum verborum potentiam inferiorum ministri retrorsum cecidisse dicuntur præ timore , ac reverentia , quoniam jam scriptum scitis per Prophetam : *Vox Domini in virtute* , vox Do-

Domini in magnificentia : Deus Majestatis intonuit.
 Quæ vox, cum sæpius intonetur vobis à Sacerdotibus, Christi que Ministris, vos ad interos projicientibus in virtute Altissimi, pertinaciores tamen semper ad nos redire conamini cum maleficiis, veneficiis, pessimisque operibus vestris. Attamen ad illam vocem Judicis, quem nos simul, & vos tremendum expectamus, certe insurgere amplius non valebitis, cum audituri estis: *Ite maledicti in ignem æternum, paratum diabolo, ejusque affectis.* Sed væ vobis damnatis, væ vobis damnatis! quanta enim speranda, vel timenda est potestas judicantis, si apparuit tanta morientis?

Conjuro vos † damnatos, per potentiam illam Redemptoris, qua extendens manum, aurem servi Pontificis sanasse scitis: contra vestram, ô lupi, ô dirissimæ tygres, institutum, & artem, quâ semper macclatis, perditis, rumpitis, torquetis, atque incessanter occiditis &c.

Exorcizo vos † per arctissima vincula, quibus nefarii ministri vestri comprehenderunt Jesum, & ligaverunt illum: illum inquam, qui ligavit draconem Principem vestrum, luciferum, catenâ magnâ, secludens eum per manus Angeli in carcerem tartarorum, ne gentibus diutiùs malum inferret. Ligari voluit, ut captus, caperet; ut vestrum alligaret Leviathan hamo, quod & sanctus prædixerat Job: In hamo autem esca ostenditur, aculeus occultatur: hunc ergò Pater Omnipotens hamo cepit; quia ad mortem illius, Unigenitum incarnatum misit, in quo & caro

caro passibilis videri posset, & divinitas impassibilis videri non posset. Cùmque in eo, tu serpens, per manus persequentium escam corporis momordisti, divinitatis te aculeus perforavit. Sicque comprehendi à malignis patitur, qui continet mundum, & eorum manibus necti, quorum corde non capitur. Ligari voluit, ut vos omnes inferni belluas indissolubilibus verborum sacerdotalium vinculis quotidie vinciret. Sed ligaverunt Jesum Judæi, quia sic ipse à sacrilegis constringi voluit, ut nos à peccatorum ligaminibus redderet absolutos; scriptum est enim: *Oblatus est, quia ipse voluit, & non aperuit os suum, velut ovis ad victimam destinata.*

Conjuro vos † foetidissimos, per confusiones, & opprobria, quibus gloriæ Dominus subjici voluit, cùm ad præfides varios & iniquos ducetur captivus, & tanquam reus interrogaretur, ut prædictum fuit per Psalmistam: *Qua ignorabam, interrogabant me; & aliàs: Principes convenerunt in unum adversus Dominum, & Christum ejus Filium.* Itidem & admirare, funibus involutum eum, qui suo imperio Lazari fascias solvit. Vide eum ligatum, qui non solvit matris Virginitatem. Vide Pilato sisti eum, qui è limo terræ ipsum efformavit Pilatum. Verùm ipsemet Jesus Dei genitus, qui modò humilis, vinctus, ac mansuetus apparuit, in die novissimo contra vos miseros, vestrosque sectatores fulgebit, sedens justus Judex, fortis, & iracundus, cum potestate magna, & majestate, ad pænas vestras, vestraque supplicia absque fine augenda: quoniam Deus
ipse

ipse ultionem, & Dominus, uti modo vestra corripuens scelera, veluti vinculatim se gerere videtur: tandem in die iudicii magno, liberè, atque acerrimè vobiscum agat, condemnans vos, fortiterque vos puniens.

Exorcizo vos † per trinam illam negationem, quam per suum discipulum, Apostolorum Principem, mansuetissimus Agnus iste divinus passus est; quando interrogantibus tertio, respondit *Non novi hominem*: illum scilicet, quem Deum, & hominem sæpissimè jam antè confessus, & magnalia operantem in se ipso fuerat expertus; ipse verò postea beneficiorum immemor, *gratiam fidei jussoris sui oblitus est, qui dabat pro se animam suam*. Verumtamen, vidit postmodum in eo Dominus non fidem fictam, non dilectionem avertam, sed constantiam fuisse turbatam, sicque fons charitatis ipsius lavit verba formidinis, & tandem ipsemet nec mundi dominam timere debere Romam, qui in Caiphæ domo expavertat sacerdotis ancillam. Sed vos, qui tantam Petro suggerere ausi fuistis, infidelitatis notam; vos, inquam, magis ingrati fuistis, cum Dei verbum adhuc non humiliatum, nec passum, sed sublimiter in altissimæ Divinitatis sinum exaltatum, spontè, atque arroganter deseruistis, nec conversi estis.

Conjuro vos † vilissimos, per Christi mansuetudinem singularem, quam in alapa, ab uno ministrorum in faciem illius fortiter inflicta, ostendit, antiquitus tamen per patientissimum Job prædictam, *Exprobrantes percusserunt maxillam*

*lam meam, saturati sunt pœnis meis & alibi per Isai-
am: Dabit percutienti se maxillam, saturabitur op-
probriis, quoniam quantò erat Dominus poten-
tior, tantò maluit esse patientior, admittens in
se impias manus furentium: quæ dum vestro, ac
proprio, incumbunt sceleri, famulatæ sunt Re-
demptori.*

Exorcizo vos † canes nigerrimos, per falsas
contra JEsu à Judæis constanter delatas accu-
sationes, ut illum reum facerent mortis; quod
prædictum scitis per Jeremiam: *Mittamus lignum
in panem eius, & eradamus eum de terra viventium, nec
ejus nomen amplius memoretur*: Et per Oseam: *Ego
redemi eos, & ipsi loquuti sunt contra me mendacium.*
illud inquam, mendacium, ô mendacissimi
spiritus, cujus vos patres estis, ac primus in Pa-
radiso socius vester protulit, cum ad nostros fal-
lendum protoplastos, effatus est: *Eritis sicut dii,
& nequaquam peribitis &c.*

Conjuro vos † tartarorum bubalos, per duris-
simam coronam spineam, quam plectentes mi-
lites imposuerunt capiti JEsu: ad lacerandam,
ac vestram deponendam superbiam, dum arro-
gantiâ pleni, ad latera Aquilonis sedere, ac simi-
les in gloria Altissimi Filio effici stultè tentâstis.
Sed Va corona superbia vestra, quia de throno,
quem affectâstis, irreparabiliter cecidistis, & pro
diademate, quod præsumpsistis, cornua recep-
istis. Propterea, ô iniqui *nolite exaltare cornu*;
nolite adversus Deum contendere, Omnipoten-
tis resistendo præceptis, qui de summo vos in mi-
seriarum barathrum dejecit.

Exor-

Exorcizo vos t per opprobria, irrisiones, ac
 sputa, quibus Dei Filius post coronæ ludibria, à
 Judæis fuit affectus; de quibus propheticè per
 Psalmistam lamentabatur: *Factus sum opprobrium*
hominum, & abjectio plebis: Et iterum per Ilaïam:
Corpus meum dedi percutientibus, & genas meas vel-
lentibus: faciem meam non averti ab increpantibus, &
conspuentibus in me. Sed cœperunt contra eum
 spuerè, ut sputaminibus susceptis, faciem animæ
 nostræ lavaret, & velamen cordium nostrorum
 auferret, quod à vobis impositum fuerat dæmo-
 nibus; & alapis, quibus expalmatus est, maxima
 laus ejus nostris manibus, labiisque plauderet, ut
 dicitur: Omnes gentes plaudite manibus.

Attamen sic delusus, & contemptus, est terri-
 bilis valde vobis, ô dæmones, atque tremendus
 Deus ipse Majestatis & gloriæ.

Conjuro vos belluas tartareas per durissima
 corporis Redemptoris flagella, quorum nume-
 rum descriptum scitis per os David, cùm dixit:
Supra dorsum meum fabricaverunt, prolongaverunt a-
ranæ sulces suos: Et alibi: *Conscidisti saccum,* hu-
 manitatis scilicet meæ: Ipse autem benignus vul-
 nerari, atterique voluit propter peccata nostra, ut ipso-
 rum sanaret vulnera, quæ à diabolica vestra acce-
 peramus invidia. Verùm, non modò medendi
 nobis exhibuit curam, sed ipse nobis factus est
 medicina. Intra marmoreum quippe columnæ
 mortarium tritus est cœleste pigmentum, ex
 quo scilicet antidotum salutis æternæ profluxit,
 per quod humanum genus tuum, antique ser-
 pens, virus evomuit.

Hb

Ex-

Exorcizo vos † per confusionem denudationis illius, qui solem splendore induit, ac radiis astra contegit: *Qui operit cælum nubibus*, ornâtque terram floribus; imò, & qui tetra regna vestra etiam palpabili, atque æterna involvit caligne.

Conjuro vos † per notam Christi ostensionem à Pilato inditam, cùm dixit de eo ad turbas: *Ecce Homo*; stultè dividens ab eo divinitatis formam, cum humanâ hypostaticè junctam naturâ, ut à lucifero doctore fallacissimo jam didicerat, qui in cœlis adhuc existens, gloriam humanitati tribuendam esse negavit, quam perceperat cum Deo fore copulandam. Verùm, hunc hominem, qui ab homine ob vestram instigationem sic illuditur, à Deoque sic fallaciter dividitur (cùm verè & hominum, & Angelorum sit unus Deus, & Dominus) nos homines vos nefandissimos dæmones condemnatorum videbimus à divina Majestate non sejunctum.

Exorcizo vos † maledictos, per æquiparationem innocentissimi Dei geniti cum homicida, ac fure perverso; quando videlicet vociferantes turbæ dixerunt: *Non hunc dimittas, sed Barabbam*: ut impleretur sermo, qui scriptus est: *Cùm iniquus est reputatus.*

Conjuro vos † proditores, per iniquissimam condemnationem, dictatam à lucifero, atque ab iniquo iudice contra innocentissimum DEI Filium impiè latam, ut morte afficeretur; cùm tradidisset eum Pilatus Judæis, ut crucifigerent: sed benè propter hoc scelus poenam suam luerunt

runt sacrilegi, & vestra inferni claustra ipsorum perpetuò fremunt gemitibus.

Exorcizo vos iniquissimos † per sacratissimam Crucis Christi bajulationem usque ad montem Calvariæ; & per angustias, oppressiones, percussiones, atque dolores, quos ipse cœlorum Rex, & Dominus Angelorum, tanto gravatus pondere pro nobis pati voluit, ut nos peccatorum sarcinâ, quam vos impiè imposuistis, dulcissimè levaret, vósque invidos pœnâ duplici in æternum opprimeret, atque damnaret: imò, ut nobis per crucis clavem cœli portam referaret, vobis autem illam perpetuò clauderet: quia scriptum est: *Dabo clavem super humerum ejus, aperit, & nemo claudit, claudit, & nemo aperit.* O dæmones, jam contra vos incipiunt ligni metuenda mysteria: etenim crux ista, quæ regem præmisit ad sceptrum, eadem & nos ejus milites subsequenter evexit ad regnum, vósque Dei rebelles dejecit ad pœnas. Jam hoc idem signum nos oves à vobis hœdis in extremo examine segregabit, & Judex, qui reprobos nescit, hunc in suis characterem recognoscit. Jam mysticus David extendit manus suas, & apprehendit crucis cytharam, ut vos malignos spiritus à Saule, id est à mundi orbe, suaviter pulsans, fortiter pellat, jam significari voluit, & ostendi vobis Filius Dei, qui ante occultabatur: nam sicuti signum dignitatis, alii balthœum, alii mitram portant, sic & Dominus crucem.

Conjuro vos † perfidos per amarissimam Christi sitientis potionem, de quâ propheticè eum

querentem audistis: *Dederunt in escam meam fel, & in siti mea potaverunt me aceto.* Quando nimirum, vobis suggerentibus, aceto potatur fons vitæ, propinator fontium: quando mellis dator cibatur felle, flagellatur remissio, condemnatur venia, illuditur Majestas, ridetur virtus, perfunditur largitor imbrum sputis. Sed Deus benignus, & clemens, duram hanc, sibi que amaram mensam in cælestem cibum nobis convertit, Angelorum escâ homines nutriendus; vobis autem dæmonibus fel draconum, aspidumque venenum suggerens insanabile.

Exorcizo vos t̄ maledictos, per acerbissimam Christi Jesu crucifixionem; cum videlicet sapientissimè salutem facere ipse disponens in medio terræ, coram omnibus populis, gentibus, & nationibus in patibulum supra montem positum affligi voluerit; lavans in cruoris vino stolam humanitatis ejus, & pallium sacratissimæ carnis suo tingens sanguine, ex acerbissimis plagis manante, quando scilicet vestrorum tartarorum mancipia, acutissimis clavis, manus, & pedes illius durissimè fodientia, fixerunt in ligno, corpusque divinum cum furore, & irâ fortiter extendentia, cuncta ejus ossa dinumerari coeperunt. Sed exaltatio hæc, ô superbi, ut nostra elatio, sic vestra fuit depressio; sicut & ipse prædixit: *Si assumptus fuero à terra, omnia ad me ipsum attraham.* Suscepit namque ipse Dominus secum tristitiam nostram, ut nobis suam lætitiā largiretur; & vestigiis nostris descendit usque ad mortis ærumnam, ut & nos suis vestigiis revocaret

caret ad vitam, quem vos miseri damnati jam amisistis. Insuper & in hac ascensione ejus in crucem nos milites Christi contra vos inferni hostes, vires accepimus: nam ibi fortitudo Dei infirmata est, ut nos infirmi roboraremur. Ibi lucifer humani generis inimicus fortis extitit, ut infirmaretur: ibi prævaluit, ut dejiceretur. In hujusmodi etiam charitatis vinculis captivam duxit captivitatem, largiter donans dona hominibus, & libenter sustinens mala pro hominibus, ad vestram, ô invidi, confusionem, qui nunquam capaces fuistis copiosæ ipsius redemptionis. Quoniam & illamet cruce offerebatur Deo pro salute mundi hostia singularis, & occisio Christi veri Agni per tot sæcula prædicta, nos tandem promissionis filios in libertatem fidei transferebat; confirmabatur testamentum novum; Christi sanguine æterni regni scribebamur hæredes; ingrediebatur summus Sacerdos Sancta Sanctorum; & ad exorandum Deum immaculatus Pontifex per velum suæ carnis introivit.

Conjuro vos, inferni fures† per infamiam, quam inurere tentastis Excelsi Filio, associantes morti ejus latrones homines, & nequam, ut iniquorum numero cum associari monstraretis. Verumtamen, contra vosmetipsos vestra cessit iniquitas, dum eum, quem jam inferni claustra premere videbatis, Dei benigne ac raptum illi-
cò coelum possidere beatum, ac supra sedem illam, de qua meritò vos expulsi fuistis, cum Christo sedentem invidè aspexistis, complens, quòd ei promiserat antè, dicens: hodie mecum eris

in Paradiso. Verum tu expulisti, diabole, de paradiso Adam; Christus verò latronem impulit etiam ante Apostolos, ne quis nostrum post errores, vestram suggestos malitiâ, introitum desperaret. Sed, ô felix peccator, cujus latrocinium, etsi damnationem meruerat, & supplicium; cor tamen contritum pœnam mutavit in martyrium, & sanguinem in baptismum. Magna virtus! confitetur, quem videt humana infirmitate morientem, quem negabant Apostoli, qui viderant miracula divinâ virtute facientem. Sed confessio ista brevis vitam acquisivit longam, felicem, beatam, vestræque oppositam, ô damnati. Quoniam Crucifixum ipse latro aspiciens, Dominum profitebatur; condemnati videns figuram, regis prædicabat dignitatem, mille malis imbutus, postulavit justitiæ fontem oblivisci suæ nequitiae, intuebaturque ipse reus latens Regnum, & ipse Dominus avertibat sua publica scelera, acceptans fidem intentionis occultæ.

Exorcizo vos mendacissimos & per vestium Christi partitionem, de qua scriptum est: *Diviserunt ipsi Vestimenta mea, & in vestem meam miserunt sortem*: quô significaretur ejus Ecclesiam semper unam, sanam, integrâque servari debere inter scissuras, falsorumque dogmatum divisiones, atque hæresiarcharum dolosas sententias, à vobis, ô scelestissimi, ortum trahentes, dum sequaces vestros pessimos intendere facitis arcum scripturæ, & parare sagittas suas in pharetra, ut sagittis suis sagittent in obscuro rectos corde: & quæ

quæ Dominus perfecit, id est perfectè fecit, & per doctores exposuit, destruant, & ad suum errorem inflectant.

Conjuro vos sanguinarios † per benignissimam illam JESU vocem, veniam inimicorum ab æterno Patre, ac Domino misericordiarum deprecantem, quando eum sic loquutum fuisse scitis: *Pater dimitte illis, quia nesciunt: quæ vox, quàm intimè vos transfixerit jam experti fuistis, & quotidie experimini, cùm in oratione Dominica, à Christi fidelibus recitari audiat verba Magistri: Dimitte nobis debita nostra, sicuti & nos dimittimus debitoribus nostris.* Etenim talis virtus sic transfusa discipulis mitem nobis supernum Judicem per humanitatem in conservos reddit. Deus enim noster misericordiam suam hac conditione promisit, ut remittenda sibi is nòset peccata propria, qui remisisset aliena.

Exorcizo vos nefarios † per illa verba Redemptoris, mysteriis plena dicentis ad Patrem: *Deus meus, Deus meus, ut quid dereliquisti me?* quando scilicet, absque ullo solaminis genere sacrosancta ejus divinitas membra sua, & infimam, quam habebat ipse portionem, reliquerit, ac si jam tunc purus homo, & non jam DEUS infimus, & homo fuisset. Clamavit tamen ipse, ut notum faceret omnibus, quantum optaverit eum non erui, non defendi, sed sævientium manibus derelinqui; hoc est Salvatorem mundi fieri, & omnium hominum Redemptorem; non per miseriam, sed per misericordiam, nec amissione auxilii, sed definitione moriendi. Sed vos, vos o

infelicissimi, omninò à Deo ipso relictì estis, æternaque erit desolatio vestra; quoniam & vos ipsi effectorem vestrum, & Creatorem, qui vos ex nihilo genuit, impiè deseruistis.

Exorcizò vos fœtidissimos † per verba illa Jesu, commendantia Discipulo Matrem, ac Matti vicissim Discipulum dilectum, ut undique vestrorum dæmonum cervices rumperent, contunderent, nec non & vos omnes verbis, dictis, factis, exemplis, ac meritis absque fine præcellentibus, dissiparent.

Conjuro vos perditissimos † per illam Christi novissimam vocem, qua fortiter ipse clamans: *Pater in manus tuas commendo spiritum meum* cum incurvatione venerandi capitis divinum emisit spiritum. Moritur ergò Christus, moritur Deus: O rem stupendam! immortalitatem, quam ipse habebat, per suam mortem nobis conciliat. Moritur Christus, ut præcipitet mortem nostram in sempiternum, vósque dæmones cum ipsa. O quàm indebita miseratio, quàm gratuita, quàm inopinata dignatio, quàm stupenda dulcedò, Filium Dei sic affligi, Regem gloriæ in lacu miseriæ crucifigi pro hominibus, & mori; non autem pro vobis angelis. Sed moriens Deus homo, in manus Dei Patris spiritum commendasse scitis. In manus enim Domini spiritus bonus, spiritus Dei, spiritus sanctus: contrà verò foràs vos, ô damnati spiritus tenebrarum, & nequitiae; procul vos à DEO spiritus maligni, & à DEI Ministris: currite veloces ad inferni fauces, & ite præcipientes ad flammarum

marum amplexus, quia in manu ejus non vos descripsit Altissimus; in ò vos ab illis perpetuò comburendos projecit. Vox ista, ò dæmones, vox Dei est, quasi malleus saxa conterens; cùm jam ad ejus sonum petras scindi, monumenta aperiri, velum templi dividi, & etiam ob timorem, atque mœstitiam, solem, consuetâ luce mundum universum viduari vidistis. Insuper, mora est terra, qui capax hujus mortui esse non poterat. Petræ scissæ sunt: omnia enim valida & fortia penetrans Dei verbum, & potestates æternæ virtutis irruperat: & monumenta aperta sunt; quoniam erant mortis claustra penitus reſerata. Vos autem durissimi, vos pertinacissimi, vos pessimi, ad tam Dei terribilem vocem fugite † cadite † cedite † parendo præceptis Altissimi per me ejus Ministrum vobis sapiùs indictis, ea cõditione, & forma, qua suprà audistis &c. Aliàs virtus Passionis, crucis, ac mortis Christi Jesu, nec non & percussio lateris divinisimi Servatoris, à quo cuneta manasse scitis Sacramenta, contra vos sint; omnesque conjurationes jam recitatæ iterum vobis adversentur: cunetæ partes, atque myſteria cuneta nuper enunciatæ affligant, ac torqueant vos, socios vestros, adjutores vestros, fautoresque in hoc opere vestro pessimo, & inducant super vos cruciatus illos, illaque suppliciorum genera, quæ ex Altissimi potentia manare valent cum incremento absque fine permanſuro; In nomine & virtute Christi Jesu † qui in Cruce pro nobis pati, ac durissimè occidi voluit.

Sed erigite jam mentis vestræ aciem, ô infernales noctuæ, atque, (scilicet) Dei Majestatem in ligno pendentem, in crucis throno sedentem, ibique ab inferni ministris confixum, dilaceratum, transverberatum, ob vestrum tormentum contemplamini. Videte, impii, crucem, propitiatorium videlicet verum, quod duo Cherubim, versis in se invicem vultibus, aspiciunt; quia in eum, qui in cruce suspensus est, duo testamenta, novum scilicet & vetus, concorditer & indifferenter intendunt. Ipsa est concordia scripturarum, & limes quidem, atque confluvium veterum & novorum. Ipsa cælestia & terrena confœderat, homines & Angelos in antiquæ concordie unanimitate reformat. Crux est mors vitiorum à vobis dæmonibus suggestorum, & omnium fons ac vita virtutum: Incipientium femita, currentibus via, pervenientibus requies. Crux est tyronibus donativum, militantibus robur, emeritis municipium. Crux mortem ingerit momentaneam, & vitam compensat æternam. Nos terrenis expoliât, & cælestibus dat: esurire nos edocet, ut satiet; humilitatem præcipit contra vestram, dæmones, superbiam, ut tandem exaltet: patientiam contra vestrorum luctam adhibet, ut nos coronet. Solus igitur ipsius crucis laus est, qui pependit in ea. Ipsa enim decepit te nova arte diabolus, & reddidit de victore captivum. Ipsa crux consueverat electas vobis dæmonibus escas offerre, atque ad vestrum insatiabile guttur, quæque ipsi fierent obnoxia, destinare: novissimè autem tale hiant,

ti, ac devorare cupienti cibum intulit, qui & fauces vestras occultæ virtutis hamo transfigeret, & veterinosæ malitiæ ventrem his, qui jam absorpti fuerant, vacuaret. Sed jam ulterius. Videte *caput in ea pendentis aurum optimum*, spinis perforatum: comas illius lanam mundissimam, sanguine ejus conspersam. Intuemini oculos JEsu, jam sole lucidiores, quibus suam rapiunt sidera lucem, mundus tranquillitatem; qui mœstis corde solamen impertiuntur; quorum intuitu peccatores contritionem assumunt, & infernus vester concussionem, atque tremorem; ut scriptum est: *Qui respicit terram*, scilicet naturam infernalem, & *facit eam tremere*: nunc, inquam, mortis velamine ipsos ob vestram invdiam obcæcatos aspiciate: considerate jam, creaturæ damnatæ, Redemptoris nostri, destructoris vestri vultum suavissimum jam, atque decorum, candidum, & rubicundum; speciosum formâ præ filiis hominum; & in quem cælestes cupiunt Angelicæ prospicere mentes; sputis tamen, livoribus, sanguinéque scædatum. Perpendite os ejus mutum, & labia felle oblita, quæ aperuerunt quondam ora mutorum, & *linguas infantium fecerunt disertas*. Verba illius jam verba vitæ fuerunt, præstantia sanitatem, habentia suavitatem, virtutem manantia, producentia bona, ignaros docentia, salivâ suâ oculis captis lucem dantia, sanctimoniam resonantia, iniquos ad pœnitentiam vocantia, eisque indulgentia, Sacramenta eructantia, lassos fortitudinem communicantia, fidem veram præbentia; vos tandem

dem inferni principes, vos diabolos, vos pertinaces, vosque damnatos concutientia, cædientia, ac fortiter dissipantia; nunc tandem mortis silentio tacentia: etenim, cùm nihil jam Christo supererat ex tormentis, mors ipsa moratur; quia suum esse ibi nihil persensit, (suspecta est namque novitas vetustati) hunc primum, hunc solum vidit hominem peccati nescium, noxâ liberum, juris legibus nihil habentem, accedit tamen confœderata Judaico mors furori, & desperata vitæ invasit auctorem.

Per Christi igitur venerandos crines, vos dæmones iterum conjuro † Per crucifixi venerandum caput, pro nobis spinarum aculeis perforatum, vos reprobos exorcizo † Per Jesu oculos, convertentes animas, & pro hominibus mortis signaculô clausos vos iniquos compello † Per crucifixi vultum mortis pallore voluntariè conspersum vos malignos spiritus constringo † Per sacrum crucifixi os clausum, labia muta, ac linguam silentem vos obduratos Dei desertores enervo † Per crucifixi voces, & verba, quibus olim vos è corporibus, è mundo, & consortio fidelium expellere ipse solebat, vos fugo † vosque ejicio † per illa præcipuè verba, vos conjuro † cùm dixit Jesus: *Vade retro Satana; scriptum est enim, Dominum Deum tuum adorabis, & illi soli servies;* quibusque Princeps vester pessimus ad tartarorum regna confusus abiit. Per illa Christi verba vos urgeo † quibus vos interrogando affatus est: *quod tibi nomen est?* Per illa verba Jesu, vos ejicio, quibus loquutus est Apostolis dicens: *In nomine*

meo demonia ejicient. Per illa verba jam vos castigo † cū vobis obsidentibus dixit: *Ite in porcos.* Per illum JEsu sermonem vos dæmones nunc expello † quo spiritum immundum confocium vestrum increpando, dixit: *Obmutesce, & exi ab homine.* Per cuncta denique illa JEsu verba, vos, vos dæmones infernales ego compesco, conjuro † adjuro † exorcizo † quibus ab ipso Domino nostro objurgati, perterriti, atque fugati fuistis, per virtutem, & in virtute ejusdem, qui pro nobis passus, & pro nobis hominibus mortuus & sepultus est †.

Verū, conspícite jam ulteriùs, ô damnati (si valetis) illius corpus divinum, quod Judæorum manibus pupugistis, & in quod durissimè transfixistis, & videbitis *manus ejus tornatiles, aureas, plenasque hyacinthis*; donis scilicet, ac divinis muneribus redundantes, ex quibus cœli, & terra omnisque decor eorum ortum duxêre. Manus Christi thesaurorum omnium fontes sunt, nec non & sanitarum auctrices, morborum fugatrices, panis multiplicatrices, cæcorum illuminatrices, surdorum aurium apertrices, paralyticorum consolidatrices: illæ denique vestram redundant audaciam.

Latus Christi Crucifixi tenellum, ecce lanceâ transfixum apparet, viscera monstrans amoris plenissima, charitatem redundantia, igne cælesti micantia ! ut nos ejus famulos, ac totum terrarum orbem divinitus accendat, qui pro flammarum symbolis, aquam sanguine mixtam, etiam post mortem, affluenter emittere monstrat; &
veluti

veluti fluvius ille, à dextro templi latere egrediens, esse videtur: ut, ad quos ille pervenit, divinitus salvi fiant. Sed longè à regione vestra deferta irrigatio hæc sublimis, atque cælestis. Nobis tantum, nobis Christi fidelibus fors ista (Redemptoris nostri gratiâ) largita est. Nos hæc Sacramentorum omnium unda lavat: nos mundat conspersio ista sublimis, nos irrigat, nos vivere facit virore virtutum pluvia hæc paradisi voluntaria, quam segregavit Dominus hæreditati suæ: ex quorum numero vos reprobi, vos maledictione plenissimi, vos à gratia ejus ejecti, ob vestram defectionem, & ingratitude seclusi fuistis. Arida est enim terra vestra, semperque sterilis permanebit; quoniam cœli hujus rorem non gustat. Ignis, sulphur, pix foetidissima, inferni rigat solum: amaritudo, dolor, mœstitiæ, luctus, suspiria, sempiternus horror, inordinata confusio, fructus suaves agrorum vestrorum, ô maledicti, hi sunt: Bella, jurgia, lites, blasphemix, pertinacia, fraudes, contumeliæ, odia, rixæ, vestræ sunt abyssi semina. Nunquam pax, nunquam gaudium erit vobis nefandissimis; quia opus vestrum fecistis instabile, contra Deum & Conditorum vestrum impiè peccantes. Ipse igitur Omnipotens vos mecum conjuret † ipse fortissimus, vos mecum exorcizet † ipse magnus, atque terribilis vos maledictionibus repleat † ipse vos confundat † ipse vos contundat † ipse vos verberet † ipse vos fuget † ipse mecum virtute sua validissima vos consternat † ipse vos

cædat, vos incendat † vos nunc comburat, atque æternis incendiis vos destinet.

Sed genua superbix vestrx flectite jam, ô nequitix magistri, atque prosternite vos ipsos ad Altissimi pedes, clavis durissimè confixos; & considerate gressus illius è summo cœlorum fastigio (veluti gigantis) currentis viam, ut fidelibus suis, vestra perversitate vulneratis, citius sanando occurreret. Discurrens enim ipse per universam Judæam, & Galilæam, Discipulos vocabat, ægros sanabat, iniquos ad pœnitentiam revocabat, fidem prædicando firmabat, lapsos solidabat; nunquam otio deditus, ad cœlorum regnum suos vocabat electos; ad vestram, ô maligni spiritus, confusionem; dum leonum aut luporum more famelicorum, tota die terram vestram circumvagantes, animarumque nostrarum cibum voraciter appetentes, cuncta mala peragere, tentationes ingerere, contentiones mittere, mactare, disperdere, atque perversè operari nunquam quiescitis. Tandem corpus Christi sacratissimum jam livoribus, verberibus, plagisque coopertum per gyrum videtis, ita, ut à planta pedis, usque ad ejus verticem, juxta Prophetæ dictum, non sit in eo sanitas. Vulneratus est enim ipse Dominus JEsus, ob nostra delicta, & sauciatus propter nequitias nostras: solus ipse cunctorum hominum portavit iniquitates, doloresque illorum solus pertulit. O Passionem Dei Filii! ô mortem Redemptoris mundi expiationem! ô mortem, immortalitatis occasionem, vitæque originem! ô ad inferos descensum, iis, qui

qui à sæculo mortui erant, ascensionis pontem ad redivivam vitam ! ô meridiem, à pomeridiana illa in paradiso damnatione revocationem ! ô crucem, arboris medelam ! ô clavos, Dei cognitionem mundo affigentes mortemque transfigentes ! ô spinas judaicæ vineæ botros, ô fel, quod dulcedinem fidei conciliat, & judaicam accusat nequitiam ! ô spongiam, quæ peccatum mundi detergit ! ô arundinem, quæ fideles in cælestium civium numero adscribit, & serpentis, auctoris malorum, tyrannidem conterit. His igitur instrumentis confixus, & attritus est Dei Filius, quæ vestra Judæis suggessit, ô dæmones, perversitas. Ideò omnes nos tantum livore illius sanitatem adepti sumus, vestra verò infirmitas levaminis est expers : noluitis enim reverti : ideò pessima fuit plaga vestra : non est obducta cicatrix vestra, nec pœnitentiæ oleo oblita, sed obdurata fuit : idcirco insanabilis in sempiternum effecta est, & caro Christi non portabit illam, sed Deus ipse, qui duos corde perdit, amodò disperdet vos usque in sæculum. † Et ego in virtute ejusdem Dei, & Domini nostri Jesu Christi Crucifixi iterum vos conjuro † & per manuum illius plagas adjuro † atque exorcizo † per latus Christi, lanceâ durissimâ perforatum, vos urgeo, vos constringo, ut pareatis †, per sanguinem, & aquam ex ejus plaga manantem, vos verbero † per crucifixi pedes, clavis ferreis transfixos, coniuro vos † per labores Christi in percurrente, oppreissosque sanando, debilito vos † per verbera corporis Crucifixi, dilacero vos † per

per efficaciam sanguinis Crucifixi, flagello vos ⁊
per Crucifixi merita, nobis salutem merentia,
ejicio vos ⁊ extirpo vos ⁊ faucio vos ⁊ vósque
in barathrum detrudo ⁊ sempiternum: per vir-
tutem & efficaciam Crucis ac Passionis Christi
Jesu. In nomine ejusdem DEI Patris ⁊ & Filii
Deique Spiritûs sancti ⁊ Amen.

Exorcismus III.

In die Pentecostes, & per Octavam.

*Preparatio ut suprâ in primo Exorcismo, præter ea,
quæ hîc habentur propria.*

†Sequentia sancti Evangelii secundum Joannem
⁊. Gloria tibi Domine ⁊.

In illo tempore, dixit JESUS discipulis suis: si
quis diligit me, sermonem meum servabit, &
Pater meus diliget eum, & ad eum veniemus, &
mansionem apud eum faciemus. Qui non dili-
git me, sermones meos non servat; & sermo,
quem audistis, non est meus, sed ejus, qui misit
me, Patris. Hæc loquutus sum vobis, apud vos
manens. Paraclitus autem Spiritus sanctus,
quem mittet Pater in nomine meo, ille vos do-
cebit omnia, & suggeret vobis omnia, quæcun-
que dixerò vobis. Resp. Laus tibi Christe.

Per Evangelica dicta extinguatur ⁊ dissipetur ⁊
& destruat⁹ &c.

Litaniæ Sanctorum, ut suprâ in primo Exorcis-
mo.

Pater noster. Vers. Et ne nos inducas in tentationem. Resp. Sed libera nos à malo.

Vers. Exurgat Deus, & dissipentur inimici ejus. Resp. Et fugiant, qui oderunt eum, à facie ejus.

Vers. Deum, qui nos genuit, dereliquistis.

Resp. Et obliti estis Creatoris vestri.

Vers. Ignis, grando, nix, glacies, spiritus procellarum. Resp. Pars sit calicis vestri in æternum.

Vers. Declinate à me maligni †. Resp. Et scrutabor mandata Dei mei.

Vers. Erubescant impii, & deducantur in infernum. Resp. Muta fiant labia dolosa.

Vers. Disrumpe Domine, vincula eorum. Resp. Tibi sacrificabo hostiam laudis, & nomen Domini invocabo.

Vers. Laudate Dominum, de terra dracones, & omnes abyssi. Resp. Et omnis spiritus laudet Dominum.

Vers. Adonai, judica nocentes me, expugna impugnantes me. Resp. Apprehende arma & scutum & exurge in adjutorium mihi.

Vers. Fiant contra Dominum semper, & disperde de terra memoriam eorum. &c. Pro eo, quod non recordati sunt facere misericordiam.

Vers. Fac mecum signum in † bonum, ut videant, qui oderunt me, & confundantur †. Resp. Quoniam tu, Domine, adjuvisti me, & consolatus es me.

Vers. Domine exaudi &c.

Vers. Dominus vobiscum &c.

Ore,

Oremus.

DEUS, qui corda fidelium sancti Spiritus illustratione docuisti; da nobis in eodem Spiritu firmitatem, & contra inferni spiritus de ejus semper consolatione gaudere. Per Dominum nostrum &c.

Lectio Actuum Apostolorum.

CUm complerentur dies Pentecostes, erant discipuli omnes pariter in eodem loco. Et factus est repente de cœlo sonus, tanquam advenientis spiritus vehementis & replevit totam domum, ubi erant sedentes. Et apparuerunt illis dispersitæ linguæ tanquam ignis, seditque supra singulos eorum. Et repleti sunt omnes Spiritu sancto, & cœperunt loqui variis linguis, prout Spiritus sanctus dabat eloqui illis. Erant autem in Jerusalem habitantes Judæi, viri religiosi, ex omni natione, quæ sub cœlo est. Factâ autem hac voce convenit multitudo, & mente confusa est; quoniam audiebat unusquisque linguâ suâ illos loquentes: Tu autem Domine miserere nobis. Deo gratias.

Oremus.

Adsit nobis, quæsumus Domine, virtus Spiritus sancti, quæ & corda nostra clementer expurget, & à dæmonum semper tueatur adversis. Per Dominum nostrum Jesum Christum Filium tuum, qui tecum vivit, ac regnat in unitate Spiritus sancti Deus, &c.

Hymnus.

Veni Creator Spiritus,
Mentes tuorum visita,

Imple superna gratia ,
 Quæ tu creasti pectora.
 Qui Paraclitus diceris ,
 Donum Dei Altissimi ,
 Fons vivus, ignis , charitas ,
 Et spiritualis unctio.
 Tu septiformis munere ;
 Dextræ Dei tu digitus ;
 Tu ritè promissum Patris ,
 Sermone ditans guttura.
 Accende lumen sensibus ,
 Infunde amorem cordibus ;
 Infirma nostri corporis ,
 Virtute firmans perpeti.
 Hostem repellas longius ,
 Pacemque dones protinus ,
 Ductore sic te prævio ,
 Vitemus omne noxium.
 Per te sciamus da Patrem ,
 Noscamus atque Filium :
 Te utriusque Spiritum ,
 Credamus omni tempore.
 Gloria Patri Domino ,
 Natóque, qui à mortuis ,
 Surrexit, ac Paraclito ,
 In sæculorum sæcula. Amen.

Vers. Spiritus sancti gratia , Allel. Resp. Illu-
 minet sensus, & corda nostra, Alleluja.

Vers. Dominus vobiscum &c.

† Sequentia sancti Evangelii secundum Lucam.
 Resp. Gloria tibi Domine. †

IN illo tempore, erat JESUS ejiciens dæmonium & illuderat mutum : & cū eiecisset dæmonium, loquutus est mutus, & admiratæ sunt turbæ. Quidam autem ex eis dixerunt : In Beelzebub, Principe dæmoniorum, ejicit dæmonia. Et alii tentantes, signum de cœlo quærebant ab eo. Ipse autem, ut vidit cogitationes eorum, dixit eis: omne regnum in se ipsum divisum, desolabitur, & domus supra domum cadet. Si autem & satanas in se ipsum divisus est; quomodo stabit regnum ejus, quia dicitis in Beelzebub me ejicere dæmonia? si autem ego in Beelzebub ejicio dæmonia; filii vestri in quo ejiciunt? Idcō ipsi Judices vestri erunt. Porro, si in digito Dei ejicio dæmonia, profectō pervenit in vos regnum Dei. Resp. Laus tibi Christe.

Per Evangelica dicta extingatur † dissipetur † &c.

Oremus.

Corda nostra, quæsumus Domine, Paracletus, qui à te procedit, illumineat, ac cælesti virtute corroboret, ut contra satanæ incursum, perfectam sentiant libertatem. Per eundem Dominum nostrum JESUM Christum Filium tuum, qui tecum vivit & regnat in unitate ejusdem Spiritus sancti Deus, &c.

Aspersio, & exorcizatio damoniaci.

EXorcizo te N. creaturam Dei infirmam, & sanguine Domini nostri JESU Christi redemptam; per Deum vivum † exorcizo te per Deum Crucifixum † exorcizo te per Spiritum sanctum Paracletum † ut separetur à te, & fugiat omnis spiri-

spiritus immundus, & satanæ incurfus, & impleatur cor tuum ejusdem Spiritûs sancti gratia. Reassûme ergo vires spirituales, creatura Dei exorcizata, ad effugandum phantasma inimici, ipsûmque inimicum à te extirpare valeas. In nomine Patris, & Filii, & Spiritûs sancti, Amen.

Oremus.

OMnipotens, & mitissime Deus, respice propitius ad preces nostras, & libera cor famuli tui N. de malignitate dæmonum, ut sancti Spiritus fieri habitaculum mereatur. Per Dominum nostrum Jesum Christum Filium tuum, qui tecum vivit & regnat in unitate ejusdem Spiritus sancti Deus, &c.

Exorcismus.

IN nomine sanctissimæ, atque individuae Trinitatis, Patris & Filii, & Spiritus sancti, ac præcipuè in virtute, & per virtutem admirandam mysteriorum omnium, quæ ineffabili ejusdem Spiritus sancti missione supra Deiparam Virginem, Apostolos omnes, atque discipulos, completa fuisse credimus; ego indignus Sacerdos, Dei Minister, & à Christi Ecclesia indignissime initiatus, auctoritate Apostolorum Petri & Pauli, per eundem Dei Spiritum super vos, ô dæmones infernales, mihi tradita, cum mihi quoque dictum fuerit: *Accipe Spiritum sanctum cogito exorcizare, conjurare, compellere, atque fugare*; sicuti in actu exorcizo & conjuro & adjuro & cogo & atque expello ab hac creatura Dei N. sanguine Filii ejus Jesu Christi redempta, omne phantasma, omnem incursum satanæ, omnem inferni

infernæ potestatem, omnemque spiritum immundum, illam occupantem, infestantem, atque in ea quomodolibet habitantem; sive foris, sive intus: sive realiter, præentialiter, vel virtualiter, ac potestativè: sive insit in ea cum maleficio, sive absque maleficio; sive sit incantatio, ligamen, signum, opusque à dæmone, vel ab homine effectum.

In nomine igitur prædictorum Dei mysteriorum, ac præsertim virtute ejusdem Spiritus sancti, qui terrarum replet orbem, ego Sacerdos Dei cunctas istas diaboli nequitias, atque machinamenta nunc & semper absolvo + dissolvo + extermino + & ad nihilum reduco + in nomine Patris + & Filii + & Spiritus sancti +; item præcipio vobis præscriptis spiritibus immundis, qui actu infestatis, & occupatis hanc Dei creaturam, cuncta mecū in Dei virtute dissolvere (si adsint) & eruere, aliquo meliori modo vobis à DEO concessio absque læsione hominis ad Dei imaginem effecti; non obstante quocunque pacto, signo, scriptura, charactere, inter vos, & magistros vestros, vel quoscunque alios spiritus initis. Et hoc vobis, ac præfatis sociis vestris ego in virtute Omnipotentis efficaciter mando, & in nomine JESU sub poena maledictionis divinæ, super illam, quas actu sustinetis, æternam, atque durissimam nec non & incrementi tormentorum vestrorum terribilium, supra numerum cæterorum omnium damnatorum. Obedite igitur Ministro Christi, & Dei, parete, & cedite o rebelles tartarei, in nomine, atque potentia Al-

tissimi Dei Jehovah † Tetragrammaton † Adonai † Homouſion † Agyos † Otheos † Ischyroſt Athanatos † Sabaoth † & Emmanuel † quæ nomina vos inobedientes Dei rebelles ſingulis quibusque momentis indefinenter crucient † vos fortiter verberent † vos acriter puniant † vos duriffimè cædant † vos inceſſanter urgeant † vósque æterna maledictione percutiant.

Verùm, ut vos efficacius Dei virtus compeſcat, & ipſius cæleſtis Spiritus potentia validius obedire, atque humiliari cogat; audite, ô ſpurciſſimi rebelles, verbum Dei: audite, & contremiſcite: *Cùm complerentur*, inquit Apoſtolus, *dies Pentecoſtes, erant omnes diſcipuli pariter in eodem loco.* Primum quidem Dei munus, quod fidelibus ſuis in noſtra Chriſtiana republica reliquit unigenitus ejus Jēſus Chriſtus, pax ſumma fuit, atque fratrum concordia, & proximorum unio; *Cohabitare faciens inſimul contra vos unius moris in domo*, ut ait Pſalmiſta, etenim paradifus eſt deliciarum cæleſtium multitudo in Dei amore ferventium Chriſtianorum. Civitas multitudine ornata turrium, congregatio eſt id ipſum in Domino ſentientium. Pax verè ſancta, atque ſuavis, quæ copulatur Dei juſtitia; quæ illam oſculatur, & ab illa procedit, ut dicitur ore prophetico; *Et erit opus juſtitia pax*: Cujus hoc opus propriū & ſpeciale beneficium eſt, ut jungat Deo, quos ſecernit de mundo: quam etiam arctiſſima amicitiarum vincula, & indiſcretæ ſimilitudines animorum non veraciter ſibi vendicant, ſi non cum Dei voluntate concordant: illa, inquam, pax, quam

quam Dominus in justis suis, ac Sanctis operatur: quæque est ipsamet Deitas, faciens utraque unum: cum scriptum sit, & *factus est in pace locus ejus*: pax illa dulcis, quâ duntaxat bonæ voluntatis viri fruuntur in terris, cujus consilia ineuntes, magnum sequitur ejus gaudium: pax illa denique nobis à Dei Filio per Spiritus sancti missionem tribuitur, quæ nunquam vestrâ in regione, ô tenebrarum rectores, effecta fuit; cum videlicet in vobis ipsis fallaciter confidentes, vestrisque viribus vos inhærentes, insuper & in multitudine donorum vestrorum tumide gloriantes, insipienter dixistis: *Non est Deus*: quinimò & vosmet ad Dei sublimia erigentes, illicò divino obcæcati splendore, *viam pacis amplius non agnovistis*; & Dominus *pacis pacem abstulit* à populo vestro tumido, atque elato; ita ut nunquam in pace ipsius fuerit, eritque pax vestra, neque in cælis, neque in terra, neq; in inferno deorsum, nec immeritò: illam etenim, cum vos accipere potuissetis, non tenuistis nec exquisistis: & ideò, cum in eadem pace inventi non fueritis, à Patre abdicati, à Filio exhæreditati, & à Spiritu sancto reprobati estis.

Per hanc igitur Dei pacem sanctam, atque suavem, vos iterum dæmones exorcizo † cunctosque simul coadjutores, atque fautores vestros pessimos conjuro † cogo † compello † ut meis obediat verbis. Per eandem sanctorum Discipulorum, atque Apostolorum in Spiritu sancto unionem, vos adstringo † per virtutem illius pacis, quæ in cælestibus, spiritibus, & in terra in piis perfectisque hominibus inveniri dicitur, vobis

mando ⁊ per eandem pacem, vobis impero ⁊ quā orbatī fuistis, vos, ô rixarum, ac disceptationum magistri, cū in cælis tranquillè degere nolentes, ad ima dejecti estis, ubi nunquam pacem, quietem, nullum ordinem, sed sempiternum horrorem inhabitare certissimum est.

Verū, attendite jam, ô belluæ tartarei regni habitatrices, quid ulterius de Paraclete isto Spiritu Dei sermo pronunciet. *Et factus est repente de cælo sonus, tanquam advenientis spiritus vehementis, & replevit totam domum, ubi erant sedentes.* Spiritus de cælo descendens, & suaviter insufflans sonum, modulamina, & cantus in terris audire fecit cælestes, atque suaves: quinimò & similia proferre facit suos, quos ipse replet, gallus enim supernæ lucis nūcius Spiritus sanctus est ait Hieronymus, cujus voce in Prophetis & Apostolis excitamur de trina negatione ad amarissimos fletus, qui malè de Deo cogitavimus, loquuti sumus ad proximos, fecimus ad nosmetipsos. Sed spiritus de tenebricosa vestrorum exiens abyssu, ac de tartareis erumpens latebris, non nisi mugitus, luctus, gemitusque horribiles, atque feroces resonat audientibus; ut jam vos audivimus, atque emittentes vidimus, gestu, atque creaturæ hujus verbis, quam obsidetis & cruciatis. Suavis est enim Dei spiritus suavia proferens signa: amarus est, & durus spiritus vester, ô pessimi; idcirco similia, atque horribilia indefessè profari, ad sublimia hominum rapit corda; vester autem strepitus semper ad ima contrahit, acuit rixas, bella movet, jurgia parat, & iram accendit: illam, inquam,

inquam, iram, quæ vos perdidit, cum ob invidiam contra nos fremuistis, ob sancti Spiritus donum emissum, atque in tyrannorum pectoribus acriter illam adversus Sanctos, eodémque Spiritu plenos viros, accendistis. Attamen contra vos ipsos, ac ducem vestrum luciferum corruit ira vestra; & vos ipsos gladius vester transverberavit; dum eos, quos temporali morte sustulistis, perpetuò in cœlis vivere effecistis; cum *pretiosa sit in conspectu Altissimi mors Sanctorum ejus*, & ipsi, dum vobis urgentibus torquentur, occiduntur, urantur, interim pœnis ipsis foveantur, incendio refrigerantur, fame reficiuntur, inopiâ dilatantur; & id maximum lucrum deputant, si gravem de passione Domini sarcinam portant: tantumque sibi imminui timent de præmio, quantum sibi met ipsis subtrahi conspiciunt, de vestrorum ministrorum tormento. Cum certò sciant, martyres, holocausta esse ratione prædicta, victimasque perfectas, oblationes Deo gratas & acceptas, veritatis præcones, falsæ doctrinæ vestræ suggillatores, legis, quæ spirituali sensu intelligitur, exploratores, erroris oppressores, vitii insectatores, peccati diluvium, mundi denique lustrationem. Insuper totam implet domum Spiritus divinus è cœlo descendens, & vacuum vitiorum abhorret: attamen spiritus vester foetidus, atque immundus, lupus est rapax, qui superbè occupat Dei creaturas; discurrens, atque undique inquirens requiem, & non inveniens, animæ domum, virtutibus vacuum, Deique

que gratiâ destitutam invadere consueſcit , ut perdat , ut diſſipet , ut torqueat , ut maſtetur dilectum Chriſti gregem , atque cuncta virtutum germina funditus eradiceſcit. Per iſtius igitur ſancti Spiritus ſonum , & per virtutem divini ac vehementis impetûs , inania veſtra conterentis navigia , ô inferni incolæ , vos iterum conjuro ⁊ eo modo ac mente , ut ſuprà ; ne ampliùs Dei Miniſtro obſiſtere audeatis. Per ipſius Spiritûs ſuaſitatem , atque dulcedinem , quæ cælos ornâſſe legitur , vos exorcizo ⁊ per ejusdem Spiritûs ſancti plenitudinem , quâ creari cuncta dicuntur , vobis impero ⁊ per cuncta denique ipſius divini Spiritûs nomina , vos ad obediendum cogo ⁊ ipſe namque (ad veſtrum profero cruciatum) Paracletus dicitur ⁊ Candor lucis æternæ ⁊ ſpiritualis unctio ⁊ fons gratiæ ⁊ mentis noſtræ reſectio ⁊ dexteræ Dei digitus ⁊ bonitas incomprehenſibilis ⁊ animarum piarum incendium ⁊ ſermo piorum ditans guttura ⁊ Spes viva pœnitentium ⁊ unguentum ſuaviſſimi odoris , in barbam , & oram veſtimenti Aaron descendens ⁊ vera cordis dulcedo ⁊ ſacrarium veræ lætitiæ ⁊ regenerationis lavacrum ⁊ mœrentium ſolamen ⁊ theſaurus fidelium ⁊ ignea columna , veſtra ſubvertens caſtra , ô infernorum incolæ ⁊ fidelium Remunerator animarum ⁊ Splendor mentium ⁊ ſuperna aſperſio , arida corda ſœcundans ⁊ dulcis hoſpes animæ ⁊ dulce mœrentium refrigerium ⁊ vera dans gaudia ⁊ gloriæ jucunditas ⁊ Pater pauperum ⁊ Numen ſine quo nihil extat innoxium ⁊ largiſſimus dator munerum ⁊ à Patre, Filioque deſuper
pro-

procedens † Remissio omnium peccatorum †
Imber matutinus, atque serotinus † collapsa re-
parans, & reparata conservans † Divinarum per-
sonarum nexus indissolubilis † sacri Dictator elo-
quii † charitatis seminarium † electorum frumen-
tum † spirituale merum † potio germinans virgi-
nes † vinum Christi fideles inebrians † sancta-
rum refectio animarum † amoris divini suavitas †
donum Dei omnem superans plenitudinem † vir-
tus nos ex alto corroborans † affluentia divinæ
largitatis † osculum ex ore Altissimi † fervor
proficientium † visitator animarum, & mentium
† charitas indeficiens † gaudium plenissimum † A-
ridorum irrigator cordium † Inspirator optima-
rum voluntatum † piorum auctor operum † ve-
rum Angelorum gaudium † inspirator Prophe-
tarum † Magister Apostolorum † Doctor Evan-
gelistarum † Fortitudo Martyrum † Lumen Con-
fessorum † puritas Virginum † Justificator fide-
lium † curator infirmorum † cæcorum illumina-
tor † Sacerdotumque dignissimus Consecra-
tor &c.

Cujus virtute ego etiam Dei Sacerdos, tanti
muneris largitate per ejusdem Spiritûs gratiam
spiritualiter munitus, atque indignissime initia-
tus, iterum tac validius vos exorcizo † per dona,
perque istius altissimi, ac diviniissimi, consecra-
toris munera, urgeo vos † convenio vos † cogo
vos † compello vos † coarcto vos † impero vo-
bis † efficacissime, ut, velitis, nolitis, pareatis
præceptis Sacerdotis, Spiritûs sancti oleo liti, e-
jusque virtute corroborati; in nomine & poten-
tiæ

tia ejusdem Dei Spiritus, quem omnipotentem, excelsum, atque terribilem, unà cum Deo Patre, Deique Filio in æternum permanere certissimum est.

Sed, præter venti speciem etiam in linguarum ignitarum formis, excelsus hic Dei Spiritus electis suis dignatus est apparere, ut vos dæmones audistis: *Apparuerunt illis divisa lingua tanquam ignis; videlicet, qui sacris præfiguratus fuit litteris, cum dicitur descendisse de cœlo, & devorasse holocausta, & victimas: Ille ignis, quem mittens Dominus de excelso in fidelium ossibus, eos in lege sua eruditos effecit, & in eloquiis divinis; quæ etiam juxta David Prophetiam, ignita esse dicuntur vehementer: ille ignis, qui, juxta Apostolum, fidelium intrans corda, eorum emundat conscientias ab operibus mortuis: qui aurum probat virorum illorum, quos ærumnis premit: qui lux est vera illuminans omnem hominem venientem in hunc mundum: qui fervore fovet mentes: qui charitatis amore fidelium accendit pectora: qui ad cœlorum iter currendum, desides urgere dicitur; qui quædat verbum evangelizantibus virtute multa; ut de eodem afflatis Spiritu prædictum scitis: In omnem terram exivit sonus eorum, & in fines orbis terra verba eorum.* Sic igitur hujus sancti ignis gratia lege non stringitur, necessitatis vinculo non tenetur: sed sicut ubi vult, spirat; sic & quibus vult gratis sua dona dispensat. Tantummodo, ubi à carnalibus cordis vasa vacua non fuerint, oleum sancti Spiritûs stare ibi non habet. Et ideò ignis iste, quæ teterrimi inferni incolæ, non descendit super vos,

vos, neque unquam opacas vestras latebras occupabit: nequaquā obscuras, atque tenebricosas vestras circumdat ipse sedes, ut illas illustret; sed tantum in domibus Dei calor ejus, & lux ista sublimis *cognoscetur, cum suscipiet eos*: In domibus sanctis, in piorum domiciliis ac pectoribus, in congregationibus, conciliis justorum; non autem tetricis carceribus vestrorum dæmonum impiorum morabitur; nisi tantum ad vos cruciandum, atq; incessanter comburendum, circumfundit namq; gratiæ fons malos, sed non infundit; lambit ejusdem ignis, non urit; quia ad corda eorum non pertingit. Sic vos pessimi tentatores conclusistis, & vos, aditumque ipsius damnavistis, ferris ferreis peccatorum vestrorum, ne ad vos penetrare valeat lux divina. Idcirco consolator hominum tortorque angelorum nequissimorum, sanctus hic dicitur ignis: quia potens est Dei vox ejusdem fortiter intercidere flammam: item namque ignis in die furoris Dei, ante faciem ejus præcedens, inflammabit in circuitu vos omnes, inimicos ejus, ac cælestium sedium desertores; justis autem lætitiā adducet sempiternā.

In virtute igitur, & per virtutem ejusdem sancti Spiritus, qui ignis de cælo descendens esse dicitur, vos tartareos dæmones iterum conjuro † eadem conditione, & sub eisdem cruciatibus, ut supra, exorcizo vos † per merita Apostolorum, cunctorumque Discipulorum; ac præcipuè per Deiparæ semper Virginis Mariæ merita, quæ prima omnium, tanti spiritus gratiam, & donum recipere digna fuit. **Constringo vos, ut fugam pare**

paretis † per innumeros istius cælestis ignis fructus, & efficaciam, quæ per totum diffusa est terrarum orbem; Impero denique vobis constantissimè † per contradictionem, & repugnantiam illam, quam cælestis hæc flamma cum lucifero, vobisque omnibus luciferinis spiritibus habere certum est: sed quemadmodum fluit cera à facie ignis; sic pereatis & vos à facie excelsi istius Spiritûs, qui *ignis consumens est*. Tandem, attendite miseri, quantum ejusdem Spiritûs solamen cordibus in pace sedentium fuerit infusum: quod cum illius se senserint calore ferventes, illicò exeuntes, vultu hilari, lætantes corde, atque gaudentes, voce magna Dei magnalia eruere non cessabant, ut audistis: *repleti sunt omnes Spiritu sancto, variisque linguis sermonem facere cœperunt, prout celestis hic DEI Spiritus dabat eloqui illis*. O miram sancti Spiritûs sapientiam! varia linguarum genera, non variam, sed simplicem Dei veritatem eruunt: quæ os reseat, & invitam linguam conscium ad eloquendum pectus impellit, Dei que magnalia: illius, inquam, Dei, qui unus, & verus essentialissimè dicitur; contra tuum præcipuè, qui in lingua persistis, pessimum institutum, ô N. fallaciæ, & nequitix spiritus, qui unico tantum organico linguæ instrumento in hac creatura, quam obsides, incessanter falsa, ac semper mendacissima, atque à vero valdè remota obstinatè proferre soles; pacem cum proximo loquitur Spiritus sancti ignita lingua; sed jurgia, lites, contentiones, rixas, atque blasphemias suggeris. Docet illa Dei justificationes, hæc autem lin-

lingua, quam tu dolose serpens vanissimè vibras, mala instruit assiduè, suggeritque culpas. Amat Deus in concilio Sanctorum, non nisi divina hac, igneaque impellente lingua, & calefaciente; Spiritus ipse amor est; non enim quisquam posset Deum diligere, si eum, quem diligit, non haberet. Hac ductrice lingua Dei mandata servantur, dum monstrat ipsa per flammaram incendium sursum tendens, Deum videlicet solum, qui est in cœlis, esse super omnia diligendum, ei que obtemperandum. Sanat illa, linitque vulnera: pungit ista, transverberat, occidit, Congregat illa, & in unum Deum nos Christianam profitentes religionem copulat: sed ista disperdit & segregat. Loquens illa fideliter corripit, & ad viam veritatis inducit, quæ est Christus; hæc autem infernalis lingua fallaciter sibilans, paulatim venena effundit, & mala undique disseminat. Illa tandem Deum laudat, Deum exaltat, Deum glorificat; dum ista maledictionibus se ingerit, jaculatúrque blasphemias contra Omnipotentis creaturas, ipsúmque omnium effectorem, irradiat fidelium mentes hæc sancti Spiritus ignea lingua; obtenebrat caligine tetra lingua vestra infernalis omnes, qui post ejus abeunt fallacias: contra quas & nos firmissimum ejus imploremus auxilium, ne in præsentī causa ipsius fallamur mendaciis, neque in hoc invisibili bello ejusdem caligine penitus obruamur.

Veni ergo, sancte Spiritus, & emitte cælitis lucis tuæ radium. Veni, Pater pauperum, veni dator munerum, veni lumen cordium.

Consolator optime, dulce refrigerium. In labore dæmonum requies, in æstu diabolicarum tentationum temperies, in fletu solatium.

O lux beatissima reple cordis intima tuorum fidelium, à Dei hostibus oppressorum.

Sine tuo numine, nihil est in homine, nihil est innoxium. Lava, quod est sordidum, riga, quod est aridum, sana, quod inferni manibus est saucium.

Flecte quod est rigidum, fove quod est frigidum, rege quod est devium.

Da tuis fidelibus, in te confidentibus, sacrum septenarium. Da virtutis meritum, da *dæmonis exitum*, da perenne gaudium, Amen.

Contrà verò maledictus sis tu spiritus tartarorum, spiritus dolose, spiritus superbiæ, spiritus vanitatis, spiritus sordium, spiritus libidinum, spiritus maledictionis; spiritus contradictionis, confusionis, & nequitiae; spiritus perversitatis, & inobediendiæ, spiritus defectionis, obdurationis, & proterviæ; spiritus insatiabilitatis, gulæ, & inordinati appetitûs; spiritus ignominiae, dedecoris, & infamiæ; spiritus dolorum, invidiæ & discrepantiæ; spiritus contumeliæ, jurgiorum & litium; spiritus avaritiæ, inconstantiae, & imprudentiæ; spiritus desperationis, mœroris, & luctûs; spiritus desolationis, turpitudinis & monstruositatis; spiritus odii, vindictæ & dissensionis. ac tandem spiritus malorum omnium & vitiorum. Maledicta sit lingua tua tartarea & pestifera: maledicta ac millies maledicenda singulis momentis sit colloquutio tua, ô serpens infernalis,

lis, qui tantas adversus Dei facturas audes perpetrare nequitias, contra fideles, Christi sanguine redemptos, Christi sanguine lotos, ad Christi imaginem effectos, Christi que spiritu imbutos, &c.

Qui quidem spiritus non solum per Prophetarum ora incarnandi verbi prædixit mysteria, post futura tempora complenda; sicut jam scitis fuisse impleta, quæ per sanctum Job, per David Prophetam, Salomonem, per Oseam, per Joelem, per Amos, per Abdiam, per Jonam, per Michæam, per Nahum, per Habacuc, per Sophoniam, per Aggæum, per Zachariam, per Malachiam, cæterosque Prophetas pronunciata fuere; verum etiam, quæ Evangelistæ notârunt, ipsemet sanctus Spiritus veracissimè dictavit, ipse Dei Spiritus Martyribus vires suppeditavit, vigorem illis indidit, robore eorum pectora firmavit, ut scriptum est: *ibant gaudentes à conspectu concilii, quoniam digni habiti sunt pro nomine Jesu contumeliam pati.* Ipse Spiritus consilii, & fortitudinis etiam vili fragiliq; sexui victoriam martyrii contulit; nullum timere permittens mulierculas armorum incursum, nullumque tyrannorum cruciarum trepidare, non ferrum, non ignem, non aquam, non præcipitia, non lapides, non ferreas ungulas, non immissas feras ad eas dilaniandas accinctas, non verbera, non laniatus, non rotas fugere, non enim vident pericula Martyres, sed coronas; non horrent ob plagas, sed numerant bravia; non vident inferni flagris cædentes lictores, sed Angelos supernè benedicentes imaginantur; non considerant periculorum brevitatem, sed præmiorum

sancti hujus Spiritus æternitatem. Ideò & nos ob eorum obitus nunc exultamus: tristitiam enim natura post crucem transmutata est. Non amplius lachrymis Sanctorum mortes prosequimur, sed tripudiis divinitus inspiratis super sepulchra choreas ducimus. Somnus autem est justis mors ipsa; imò potius ad meliorem vitam profectio.

Hinc exultant Martyres, dum mactantur. Insuper dictante ipso divino Spiritu, verbi Dei propagatores zelantissimi, virtute multa, in cunctas orbis terræ partes divina divulgavere mandata; persuaferunt bona, dissuaferunt mala; amorem verum, amorem sanctum docuere gentes; virtutes hominum animis inseruere, vitia præcidere, sicut enim canum lingua vulnus, dum lingit, curat; sic & sancti Spiritus præcones isti, dum in confessione peccati nostri nos instruunt, quasi vulnus mentis per linguam tangunt. Prædicandi quidem scientia est quodammodo, ut scitis, angelica, utrovis modo juvans, seu per manum, seu per linguam operetur. Piis etiam invigilantibus precibus Spiritus iste divinus adesse nunquam destitit: cunctos enim orare edocet, magnisque postulare facit gemitibus; Deus namque solus edocere potuit, ut se vellet orari. Ab ipso igitur ordinata religio orationis, & de Spiritu ipsius jam nunc ex ore divino fertur animata, suo privilegio ascendit in cælum, commendans Patri, quæ Filius docuit: contemplantibus lucem elargitur invisibilem: cognitionem sui, agnitionem Dei largiter suggerit. Humilitatis fundamenta iustorum cordibus firmiter ipse jacet; ne vestra

superbiæ, ô damnati spiritus, perculsi vento, penitus moveantur, sed semper stabiles in Dei soliditate permaneant; quemadmodum & mitissimum David postulare scitis, dicentem: *Et spiritu principali confirma me.* Pias Dei inspirationes quisnam etiam pectoribus ingerit, nisi Spiritus hic dignissimus, & principalis? quotquot ad primam gratiæ lucem, hoc duce, atque motore primo, devenere? implet Ecclesiam, replet & universum terrarum orbem sanctissimus inspirator animarum, qui est Deus ipse immensus, & infinitus, Dei que Spiritus. Vera poenitentiae virtus abest, nisi ductore hoc Spiritu fieri incipiat, dirigatur, atque ad finem usque perducatur: quoniam *Dei spiritus perfecta sunt opera*, nec quidquam extra ipsum bonum esse potest; scriptum est enim per Prophetam: *Fons de domo Domini egredietur, & irrigabit torrentem spinarum.* Ideoque vos miseri, vos infelices, qui extra ejus gratiam estis, ac si non fuissetis, permanebitis ante illum cruciatibus vestris undique circumsepti. Conversio iniquorum ab hoc eodem Spiritu ortum sumit; ut scriptum scitis: *Nemo potest dicere, Dominus JESUS, nisi hoc dictante Patrono.* Omnes, qui à faucibus vestris tartareis fuerunt erepti, hoc duce, perfectam habuerunt libertatem per Sacramentorum medelam, aut per cordium dolorem vehementem, qui contritio nuncupatur. Quoties de iniquorum præda vestra fremuit abyssus, qui ad Deum sese verterunt, & ab hoc divino Spiritu potentissimè (licet suavissimè) fuerunt erepti? Millies super centena millia experti estis raptum

istum divini Spiritûs, & absque ullo solamine ejulastis cum lucifero malum vestrum: sic & David amisistis adulterum; sic & Petrum, jam in fide labentem; sic Magdalenam quondam libidinibus involutam; sic latronem, nequitiis plenum; sic Thomam infidelitatis hamo jam captum; sic Paulum falso religionis alligatum zellô, sic Matthæum, negotiorum vinculis irretitum; sic Dionysium Arcopagitam, studiorum fallaciis obnubilatum; sic Cyprianum vestris magicis artibus à vobis fallacissime consopitum; sic Augustinum, sic Guilielmum, sic Mariam Ægyptiacam, sic Irenem, sic Taidem, sic Pelagiam, sic cæteros, quorum non est numerus: quia repente Spiritus hic Dei sublimis, atque excelsus, de cœlorum sedibus veniens, in eorum duritiem suavissimè intrans, dulciter erudivit eos in spe, illôsq; ad misericordiarum Dei fontem quam benignè perduxit, vobis dæmonibus vestrisque pompis nuncium remittentes.

Ite igitur confusi † ite maledicti † ite perversi dæmones † cedite, ac sub altissimi cadite pedibus: obedite præceptis meis † ministri ejus, ejusque sacro muniti spiritu, qui jam vos iterum exorcizo † vos adjuro † ac potentissimè vobis mando † per altissimum Dei spiritum coarcto vos fortius † per potentiam efficacissimam verbi Dei in cunctis Prophetis, Evangelistis, Apostolis, Concionatoribus, sacrisque Ecclesiæ Scriptoribus, atque Doctores, qui fuerunt, qui sunt, quique in sequentibus sæculis in ea futuri sunt. Compello vos † per sanctarum munera linguarum,

guarum, quæ quotidie ab hoc Dei spiritu in cœ-
 lo, & in terra distribuuntur. Cogo vos † ut mea
 iussa exequamini, per cuncta ejusdem Spiritus
 sancti nomina, mysteriis referta divinis, ac litte-
 rarum dispersa paginis. Urgeo vos † per ejusdem
 Spiritus sancti fructus sublimes, atque mirabiles
 qui in Dei Ecclesia operari videntur ab ipso in
 fortitudine Martyrum, in potentia Confesso-
 rum, in continentia Virginum. Urgeo vos †
 per omnes cruciatus vobis cunctisque malignis
 spiritibus, cujuscunque generis, ab Altissimo in-
 flictos Spiritu, ob vestra prava opera, tentatio-
 nes atque suggestiones, adversus nos, & Deum
 ipsum audacissimè à vobis intentas. Recedite
 ergo tentatores † recedite seductores † recedite
 maligni ab hac creatura † atque ad desertas terra-
 rum plagas ite veloces, ubi nulla fit vobis cum
 Dei creaturis, ejusque facturis communicatio.
 Te verò, nefandissime istorum dæmonum dux,
 te præcipuè verbis Omnipotentis, & nomine
 altissimi Spiritus alloquor: recede ocyùs † vade
 foetidissime lupo † vade bellua terribilis visu † cum
 omnibus satellitibus, atque sordibus tuis. Vade
 coluber sinuose † præceps ab eas onager tartaree †
 fuge corve nigerrime † fuge vultur cornivorax †
 fuge Leo rugiens † fuge à facie ignis Dei admi-
 rabilis ut fulgur contra te desuper cadentis: sed
 veluti ros, & pluvia cælestis super nos volunta-
 ria, à summo omnium conditore hæreditati suæ
 benignissimè segregata, ut à calore nequitiae ve-
 stræ in dies singulos protegamur; utque obstina-
 tissimum luciferum. vosque sequaces suos pessi-
 mos,

mos, vi, efficaciam, atque potentiam ignis divini Spiritus expellamus; ut jam expellimus et fugamus et cecidimus et cogimus et exorcizamus et adjuramus et ac tandem validissime vobis precipimus, ut omni mora seclusa pareatis, atque ex hoc corpore egrediamini. In nomine Dei Patris et Dei Filii et ejusdemque Spiritus sancti et Amen.

Exorcismus IV.

In Festo Corporis Christi, & per Octavam,
nec non quotiescunque exponi illud
contigerit.

*Preparatio ut in primo Exorcismo; præter ea, quæ hic
habet propria.*

et Sequentia sancti Evangelii secundum Joannem et R. Gloria tibi Domine. et

IN illo tempore, dixit Iesus turbis Judæorum: Caro mea verè est cibus, & sanguis meus verè est potus. Qui manducat meam carnem, & bibit meum sanguinem, in me manet, & ego in illo. Sicut misit me vivens Pater, & ego vivo propter Patrem; & qui manducat me, & ipse vivet propter me. Hic est panis, qui de cælo descendit: non sicut manducaverunt Patres vestri manna, & mortui sunt. Qui manducat hunc panem, vivet in æternum. R. Laus tibi Christe.

Per Evangelica dicta extinguitur et dissipetur et destruat in te et omnis &c.

*Dicantur Litanie Sanctorum, ut supra in primo
Exorcismo.*

Pater noster. V. Et ne nos inducas in tentationem. R. Sed libera nos à malo.

V. Salvos fac fervos tuos.

R. Deus meus, fperantes in te.

V. Efto nobis, Domine, turris fortitudinis.

R. A facie inimicorum iftorum.

V. Sicut deficit fumus, & ficut fluit cera à facie ignis.

R. Sic pereant dæmones ifti à facie Dei.

V. Ad nihilum deducti funt in confpectu ejus maligni.

R. Timentes autem Dominum glorificati.

V. Bene omnia fecit.

R. Et furdos fecit audire, & mutos loqui.

V. A facie Domini mota eft terra.

R. A facie Dei Jacob.

V. Tu terribilis es, & quis refiftet tibi.

R. Ex tunc ira tua.

V. In Deo faciemus virtutem.

R. Et ipfe ad nihilum deducet inimicos nostros.

Vers. Domine exaudi &c.

Vers. Dominus vobifcum &c.

Oremus.

DEus, qui nobis fub Sacramento mirabili paffionis tuæ memoriam reliquifti; tribue quæfumus, ita nos per corporis & fanguinis tua facra myfteria à dæmonibus liberari, ut Redemptionis tuæ fructum in nobis jugiter fentiamus. Qui vivis, & regnas cum Deo Patre in unitate, &c.

R. Amen.

Psalmus 83.

QUàm dilecta tabernacula tua Domine virtutum

K k 5

tum

tum! concupiscit, & deficit anima mea in atria Domini &c. ex Matut. fer. sextæ.

Vel Psalmus 147.

Lauda Jerusalem Dominum: lauda Deum tuum tuum Sion &c. ex Vesp. diei Sabb.

Lectio actuum Apostolorum.

IN diebus illis, Philippus descendens in civitatem Samariæ, prædicabat illis Christum. Intendebant autem turbæ his, quæ dicebantur à Philippo, unanimiter audientes, & videntes signa, quæ faciebat. Multi enim eorum, qui habebant spiritus immundos, clamantes voce magna, exhibant. Multi autem paralytici, & claudi curati sunt. Factum est ergo gaudium magnum in illa civitate. Tu autem Domine miserere nobis.
R. Deo gratias.

Oremus.

COncede quæsumus, Omnipotens Deus, ut qui protectionis tuæ gratiam quærimus; liberati à malignis spiritibus, secura tibi mente serviamus. Per Dominum nostrum Jesum Christum Filium tuum, &c.

Hymnus.

PAnge lingua gloriosi
Corporis mysterium,
Sanguinisque pretiosi,
Quem in mundi pretium,
Fructus ventris generosi
Rex effudit gentium.
Nobis datus nobis natus
Ex intacta Virgine:
Et in mundo conversatus,

Spar.

Sparso verbi semine :

Sui moras incolatus

Miro clausit ordine.

In supremæ nocte cœnæ

Recumbens cum fratribus,

Observata lege plenè

Cibis in legalibus :

Cibum turbæ duodenæ

Se dat suis manibus.

Verbum caro panem verum ,

Verbo carnem efficit :

Fîtque sanguis Christi merum :

Et si sensus deficit ;

Ad firmandum cor sincerum

Sola fides sufficit.

Tantum ergò Sacramentum ,

Veneremur cernui :

Et antiquum documentum

Novo cedat ritui,

Præstet fides supplementum

Sensuum defectui.

Genitori , Genitôque

Laus, & jubilatio ,

Salus, honor, virtus quoque

Sit, & benedictio :

Procedenti ab utroque.

Compar sit laudatio, Amen.

Verf. Posuisti in conspectu nostro mensam.

Resp. Adversus dæmones , qui tribulant nos.

Verf. Dominus vobiscum &c.

† Sequentia sancti Evangelii secundum Matthæum.

† Resp. Gloria tibi Domine. †

In

IN illo tempore, ductus est Iesus in desertum à spiritu, ut tentaretur à diabolo : & cū jejūnāset quadraginta diebus, & quadraginta noctibus, postea esuriit. Et accedens tentator dixit ei : Si Filius Dei es, dic, ut lapides isti panes fiant. Qui respondens, dixit : Scriptum est : non in solo pane vivit homo, sed in omni verbo, quod procedit de ore Dei. Tunc assumpsit eum diabolus in sanctam civitatem, & statuit eum supra pinnaculum templi, & dixit ei : Si Filius Dei es, mitte te deorsum ; scriptum est enim : quia Angelis suis mandavit de te, & in manibus tollent te, ne forte offendas ad lapidem pedem tuum. Ait illi Iesus : Rursus scriptum est : Non tentabis Dominum Deum tuum. Iterum assumpsit eum diabolus in montem excelsum valde, & ostendit ei omnia regna mundi, & gloriam eorum, & dixit illi : Hæc omnia tibi dabo, si cadens adoreris me. Tunc dicit ei Iesus : Vade satana ; scriptum est enim : Dominum Deum tuum adorabis, & illi soli servies. Tunc reliquit eum diabolus, & ecce Angeli accesserunt, & ministrabant ei. & Laus tibi Christe.

Per Evangelica dicta extingatur & dissipetur & destruaturn in te omnis dæmonum virtus. In nomine Patris & Filii & Spiritus sancti Amen.

Oremus.

Ineffabilem misericordiam tuam, Domine, clementer ostende, & hunc famulum tuum N. à peccatis omnibus exuas, & à dæmone, qui eum torquet, potenter eripias. Per Dominum
no-

nostrum Iesum Christum Filium tuum, qui tecum vivit & regnat in unitate &c.

Apergens obsessum dicat:

Aqua benedicta extinguat, & separet à te N. omnia dæmonum maledicta. In nomine Patris & Filii & Spiritus sancti Amen.

Exorcizatio demoniaci manu super eum imposita.

EXtinguatur in te N. creatura Dei, omnis virtus diaboli, per impositionem manuum nostrarum; nec non per invocationem super te omnium Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum, cunctorumque simul Sanctorum & Sanctarum Dei. In nomine Patris & Filii & Spiritus sancti Amen.

Oremus.

Protector noster, aspice nos, & hunc famulum tuum N. à malignorum spirituum defende periculis, ut omni dæmonum perturbatione remotâ, liberâ tibi mente deserviat. Per Dominum nostrum &c.

Exorcismus.

QUò ibitis vos tartarorum dæmones? quò pergetis? amodò enim deficientis, & absque fine peribitis. Mensa vobis quondam præparata sublimis, jam cibo caret, & vinum non habet; & vos omnes famem patiemini veluti canes, & circuibitis civitatem nostram Jerusalem, Ecclesiam videlicet sanctam, quam cælesti tritico abundare, ac suavissimo torcularia nostra vino desuper redundare conspiciatis. Sapientia enim Dei miscuit in ea potum, & posuit nobis mensam suam. Ve-

rum.

rum tamen, quod vos miseros validius cruciari non desinit, hoc imprimis esse videtur, quod ob vestram superbiam indigni cælesti convivio existimati estis, ac vices vestras mutavit Altissimus, panem Angelorum largiens, & cibaria mit- tens nobis affluenter. Ecce igitur, ô Dei defe- ctiores, ecce appropinquavit jam exitus vester. Quid ergò inter nos commorari quæritis? cur ergò à nobis declinare non festinatis, ô maligni spiritus, & præcipue ab hac Dei creatura N. om- nes vos cur longè abire cunctamini, qui teme- rariè illam occupare, vestràque obstinatâ nequi- tiâ continuò torquere, atque infestare ausi estis? Nónne quod Altissimi ore pronunciatum est, percipitis? *Qui accessit ad ea, quæ consecrata sunt, in quo est immunditia, peribit coram Domino?* Jam istius anima ad imaginem Dei effecta, multoties An- gelorum escâ nutrita fuit: jam læpissimè de cœlo Dominus in terram descendens, domum ipsius, ac pectoris testum dignatus est habitare: tu ve- rò, sociique tui pessimi, ac maledicti, ejecti de paradiso, & ab hominum, Angelorúmque con- sortio perpetuò disjuncti nobiscum commiscere vos ipsos non erubescitis, ac sanctum, Deoque sacrum, & benedictum, vestra foetidissima præ- sentia, vel imbecilli virtute profanare? Quo- modo ergò huc intrástis non habentes vestem nuptialem? Maledico igitur vos omnes sacrile- gos † nomine ejusdem Dei Omnipotentis, Pa- tris † & Filii † & Spiritûs sancti †, qui hanc creatu- ram sibi in iustorum segregavit partem. Exor- cizo vos † conjuro vos † flagello † & alligo vos †
per

per potentiam Omnipotentis, qui vos exterminavit, atque iuftiffimè à Sanctorum communione fejunxit. Ejicio vos † Dei, & Chrifti potentia, & præcipientes detrudo in tenebras exteriores: ac per eandem potentiam vobis firriffimè mando obfequi mihi miniftro ejus in omnibus, quæ vobis, nomine ipfius, injunxero † & fub hoc præcepto, non tantum vos ligare cogito, verum & cunctas illas potentias, quæ adverfantur, aut repugnaturæ fint mandatis Altiffimi, per me Sacerdotem fuum, atque miniftrum indignum, vobis indiétis, atque indicendis; five fit potestas hominis, five mali angeli, quomodolibet hoc facinus perpetrantis. Insuper, eadem mente, nunc & femper ego ipfe, eadem Dei potentia, atque virtute, diffolvot omne maleficiũ (fi interfuit) omne ligamen, omne pactum, atque nequitiam, quomodocunque conſtructam: & hoc eodem præcepto vos connecto, fi pertinaciter agatis, fub pœna graviffima incrementi veſtrorum cruciatuum, omniũq; repugnantium, uſque in infinitum, de momento in momentum ad mei nutum. Præcipio † igitur tibi, qui es caput ſpirituum nefandorum, hoc in corpore commorantium, ut tuo nomine, ac cæterorum omnium, debitam præſtes Sacerdoti obſequentiam, ob Dei gloriam, proximi huius levamen, veſtrorũq; infernalium æternam confuſionem. Impero vobis in virtute cæleſtis huius, & Angelorum panis † ut cedatis. Mando vobis † per potentiam Corporis Chrifti. Adſtringo vos † ad obediendum per ſubſtantiam cæleſtis huius, ac Divini pabuli; & in nomine ad-

mira

mirabilis, ac venerabilis Eucharistiæ Sacramenti, quam adorant Angeli, venerantur Archangeli, & absque fine collaudare non desinunt. Verum, attendite jam, tartarorum belluæ, quid Apostolus Paulus, divino dictante Spiritu, de augustissimo hoc cibo enarrare aggreditur : attendite, & contremiscite potentiam Salvatoris. *Ego enim accepi à Domino, quod & tradidi vobis : quoniam Dominus JESUS, in qua nocte tradebatur, accepit panem, Dominus JESUS inquit. O admirabile nomen ! ô nomen super omne nomen ! Potestas igitur Altissimi hæc est ; manus Dei, & virtus est, quæ tangit, omnipotentis. Quod opus igitur producturam putatis illius dexteram ? Is enim, qui tangit, JESUS est, Deus admirabilis est, atque terribilis valde ; qui insimul & homo est verus, in unius singularitate personæ ; à quo admirabilia solum effici possunt in cœlo, & in terra. Hic est JESUS, Altissimus super omnes deos : Judex à Deo Patre constitutus vivorum, ac mortuorum : Hic est JESUS, cujus nomen est admirabile in universo terrarum orbe. Hic est JESUS, qui regnare dicitur in æternum, & in sæculum sæculi. Hic est JESUS, cujus imperio super vos durissimos peccatores, ignis, laquei, sulphur, & procellarum spiritus indeficienter pluit. Hic est JESUS, qui iræ suæ sagittas potenter emittens, dissipabit vos. Hic est JESUS, nobis vindictas tribuens, ac tartareos populos vestros potentissimè nobis subdens. Hic est JESUS, qui exultavit veluti gigas, ad currendam viam à summo cœlorum habitaculo. Hic est JESUS, scutum vestrum, ô dæmones,*

gl.

gladium, ac bellum fortiter confringens, quod
contra eum lucifer Princeps vester tentare ausus
fuit. Hic est JESUS, refugium nostrum in tribu-
lationibus, quibus vos dæmones nos torquetis
undique. Hic est JESUS, Unigenitus Dei filius,
cujus verbo cœli firmati sunt, & spiritu oris ejus
omnis virtus eorum stabilis est effecta. Hic est
JESUS, pessima vestra dissipans consilia, contra
ipsum, ejusque fideles ad sui Conditoris imagi-
nem, & reprobans cogitationes vestras perver-
sas. Hic est JESUS immittens Angelum suum
sanctum, atque perfectum, in circuitu eorum, qui
eum formidant, & eripiens eos de manu vestra
durissima. Hic est JESUS, cujus oculi super justos,
auresque ipsius ad eorum sunt preces intentæ.
Hic est JESUS, cujus vultus terribilis est valde
contra vos superbos, ac semper nequitiam effici-
entes; ut perdat de terra memoriam vestram.
Hic est JESUS, servorum suorum animas de ma-
nu inferni potenter redimens. Hic est JESUS, ap-
prehendens arma, & scutum, atque in adjuto-
rium nostrum contra vos dæmones exurgens.
Hic est JESUS, apud quem indeficiens vitæ fons
manare dicitur; & cujus lumine videmus lu-
men, quô vos orbatî fuistis in æternum. Hic
est JESUS, sedens super altitudinem Cherubim.
Hic est JESUS, quasi vir pugnator adversus vos;
quoniam omnipotens nomen ejus. Hic est JESUS,
magnificus in Sanctitate, terribilis, atque lauda-
bilis, faciênsque admiranda prodigia in cœlo, &
in terra. Hic est JESUS, cujus nomen, Dominus,
Altissimus in toto terrarum orbe. Hic est JESUS,

suavis, & mitis ac multæ misericordiæ omnibus, qui invocant illum. Hic est JEsus, ac Deus virtutum, qui facit super nos signum † in bonum, ut vos invidi aspicientes, confundamini. Hic est JEsus, qui deprimat ad ima, sicuti vulneratum, Principem vestrum luciferum, superbiâ tumidum. Hic est JEsus, cunctas numerans cogitationes vestras, ac sciens vanas esse. Hic est JEsus, ante cuius conspectum præcedit ignis, inflammans in circuitu omnes vos adversarios nostros. Hic est JEsus, Deus, & Dominus, fortitudo nostra. Hic tandem est JEsus, cuius virtute, nomine, atque potentiâ ego indignus Sacerdos, atque minister, iterum vos aspides surdos conjuro † ut omni fallaciâ, atque obduratione remotâ, mihi JEsu ministro cedatis, obediatis, atque in omnibus obtemperetis, hinc recedentes, nec amplius reverturi, &c. Exorcizo igitur vos † per tot nomina tantasque Christi JEsu Salvatoris, ac Redemptoris humani generis, potentias, & virtutes, quas inter innumeras alias recitavi. Urgeo vos ad obediendum, eadem mente, formâ, conditione, atque sub eisdem pœnis ut supra. Coarcto vos millies, verbis JEsu, Dei filii Omnipotentis; & in virtute ejusdem accipientis in manus suas pacem, *admirabilia* pro nobis de sua divinißima caritate operandum; ut omnes moras præcipitetis, rebelles, ô pessimi, ô scelestissimi, & mea exequamini mandata, nomine Omnipotentis vobis injuncta. Iste denique JEsus Adonai vos liget. Iste JEsus Otheos vos prosternat. Iste JEsus Athanatos vos acriter cædat † Iste JEsus Ichyro

vos debilitet , Iſte Jeſus Homouſion vos con-
demnet + Iſte Jeſus Tetragrammaton vos com-
primat + Iſte Jeſus Agla vos fuget + Iſte Jeſus El
vos comburat + Iſte Jeſus Eloim vos conveniat +
Iſte Jeſus Eloa vos confundat + Iſte Jeſus Agyos
vos diſſipet + Iſte Jeſus Jehova vos terreat + Iſte
Jeſus Emmanuel vos dilaceret + Iſte Jeſus Sy-
mandolum vos exorcizet + Iſte Jeſus Alpha &
Omega vos comprimat + Iſte Jeſus Nazarenus
vos peſſundet + Iſte Jeſus, ex Maria Virgine mi-
rabiliſter genitus, vos conterat + Iſte Jeſus , Dei
verbum, vos premat + Iſte Jeſus Sacramento-
rum auct̃or, fidei Pater, ſalutis diſpenſator, gra-
tiarum elargitor, Deus verus, Deus unus, Deus
caro, Deus Omnipotens, vos ad fugiendum po-
tenter inducat.

Verũm, ô ſpurciſſimi, ô invidi, immenſam &
præſtantiſſimam Jeſu charitatem animadverti-
te: dum in illâmet noctis hora, in quâ à nequil-
ſimo Juda tradi ſe agnoſcebat, accepiffe dicitur
panem: & gratias Deo Patri agens, fregiſſe, de-
diſſeque diſcipulis: cũ videlicet vos maledi-
cti, cor proditoris inſtigabatis, ut Dei filium, Al-
tiſſimi verbum, Agnum innocentiffimum impiis
venderet Judæis, utque Sanctus Sanctorum mor-
ti daretur; tunc, tunc potiſſimũ ipſemet ſe no-
bis ſub panis, & vini ſpeciebus ſemetipſum trade-
re ſteſtinabat. O ſumma Dei benignitas! ô li-
beralitas Redemptoris! ad omnia ſe nobis præ-
ſtat, cũ nos ipſi inſtigatione veſtrâ peſſimâ, ô
dæmones, præſtemus ei mortem. Sive igitur or-
nari velitis (ait ipſe) ornatum meum accipite &

sive armari, arma mea, sive indui, vestimenta mea; sive ambulare, viam meam; sive hæreditatem possidere, hæreditatem meam, sive patriam ingredi, civitatem, cujus ego sum artifex, & Creator, sive domum ædificare, in tabernaculis meis; sive vesci, mensam meam, imò & me ipsum vivum: eorumque, quæ ipse præbeo, mercedem non exigo. Quid huic æquale sit largitati? Ego Pater, ego frater, ego sponsus, ego domus, ego vestimentum, ego radix, ego fundamentum, ego altor, & cibus. Quidquid vis, ego; nullius indigeas, ego quoque serviam: non enim veni ministrari, sed ministrare. Imò & tunc ipse vitam propriam ministrabat, cum vos dæmones illi mortem per manus iniquorum vestrorum parare non cessabatis. Referri cogebatis ei per proditorem mala pro bonis, odium pro dilectione, maledictionem pro benedictione, vulnera pro salute, ac tandem pro vita, morte turpissimâ, ut ille damnaretur, suasistis Judæis. Nox ista, nox perennis, perpetuis perfusa tenebris fuit vobis infelicissimis: sed lucidissimis circumornata splendoribus perpetuò luceſcet nobis; dum juxta Sophoniæ Prophetiam, fidelibus suis Dominus præparavit hostiam sempiternam, illòsque sanctificavit: dum Angelorum Dominus, & Creator carnem suam, panem de cælo verum largitur nobis: dum non amplius in fermento veteri, neque in in tritico malitiæ, ac nequitie vestræ nos epulari permittit, sed azymis sinceritatis, & veritatis vesci, atque nutrirī decrevit, ut figuratè dicitur: *Imposuerunt arcam Dei super plaustrum no-*

rum, dum nos, dæmonum calicem bibere, aut
 veftras spurciffimas participare menfas, non finit
 Chriftus: cùm jam *vidimus manipulos veftros*, ô im-
 pii dæmones, *adorare manipulum noftrum*; dum,
 fub diverfis speciebus, mirô modô, feipfum to-
 tum nobis largiffimè Dei Genitus impertitur:
 dum panis Angelorum fit pro nobis cibus viato-
 rum in cæleſtem patriam: dum ipſemet novum
 præbet dogma fidelibus in Dei ſubſtantiam vera-
 citer tranſilire panem, ac vinum in ejus ſangui-
 nem converti: dum denique manducantes Dei
 vivaciſſimam carnem, noſmetipſos in Deo, ac
 Deum ipſum in nobis manere jubet: quapropter
 etiam nobis vitam pollicetur æternam, quoniam
 dum manducatur ipſe, reficit, ſed non deficit,
 vivitque manducatus, quia ſurrexit occiſus. O
 felix ergò traditio, ex qua talis, ac tanta homini-
 bus emanavit largitio! ô qualis refeſtio, ubi da-
 piſer eſt Chriftus, pincerna Spiritus ſanctus! ô
 beata nox, in qua credentium animæ, vera Dei
 tabernacula, carne, & ſanguine Altiffimi Filii
 confeſcrantur: nox, in qua figurarum tenebras
 novo Evchariſtiæ Sacramento fugavit Domi-
 nus. Nox, quæ in Chriſto credentes, Chriſtùm-
 que ſumentes, cum ipſomet Chriſto jungit, ac
 nectit, ut prædixit figuratim ſponſa: *Faſciculus
 myrrha dilectus meus mihi, inter ubera mea commora-
 bitur*. Nox, in qua homo vitalem ſumens cibum,
 ac potum, *jam non moritur, mors illi ultra non domi-
 nabitur*. Nox, in qua immortale commiſcetur
 mortali, ut ad vitam ducat ſempiternam. Nox,
 in qua altitudo humilitati, fortitudo imbecillita-

ti, dulcedo amaritudini, lux tenebris, atque caligini mirabiliter copulatur. O verè beata nox, de qua dici potest. *Nox ut dies illuminabitur, & nox illuminatio nostra in epulis nostris*: quia præparatur nobis mensa Domini exercituum, & panis fortium Christi fidelibus dispensatur; ut & nos tamquam leones robustissimi, ignem spirantes, inde surgamus vobis diabolis terribiles, horribiles, ac valde feroces, & tu occultus hostis, videns labia nostra, Christi cruore rubentia, territus perhorrescas, & mox in tenebrarum tuarum latibula pavescendo diffugias. Quod enim nos per visibilem panis & vini speciem suscipimus, tu, velis nolis, dominici corporis ac sanguinis intelligis veritatem.

Per hujus igitur sanctissimæ noctis virtutem, contra vos, ô dæmones, iterum insurgo & per sacratissimam hanc mensam, vos ab integro conjuro & per potentiam sacratissimi Christi sanguinis, per ejusdémque carnem suavissimam, atque divinam in hac felicissima nocte, & in hac cœna nobis traditam, vox exorcizo & per tanti, tamque venerandi mysterii efficaciam pro nobis effecti vos adjuro & per gratiam, quæ in hoc venerabili Eucharistiæ Sacramento Ecclesiæ fidelium dispensatur, vobis efficacissimè impero, ut meis Deique præceptis, jam vobis injunctis, pareatis. Per immensam charitatem, quâ Christus adeo dilexit nos, ut traderet seipsum nobis ad manducandum, ac bibendum, compello vos, ut cedatis ministro Christo & per virtutem, quam omnes Sancti adepti sunt ob dignissimam tanti Sacramen-

menti sumptionem, vos ligo ⁊ vos compello ⁊ vos cogo ⁊ vos ad obediendum, & mollescendum urgeo ⁊ in nomine Jesu, qui etiam se ipsum obtulit nobis, ut contra vos infernales belluas fortiter pugnaremus.

Verum attendite vos nequissimi, quid amplius Dei sapientia in hac venerabilis refectione mysteriorum operetur. Cum gratias egisset, ait Apostolus: *fregit panem, & dixit: Accipite, & comedite.* O immensa Dei liberalitas! ô mare, ô pelagus, ô altissima misericordiarum abyssi! *Quis loquetur potentias Domini, & auditas faciet omnes laudes ejus?* Animam namque, corpus, divinamque ipsius essentiam tradidit ad vitam nobis æternam communicandam. Accipit, ut tribuat: modicum sumit à nobis, ut maxima nobis largiatur: recipit materiale, ut spiritualia dispenset: temporaneum acceptum habet universorum Dominus, ut concedat sine fine duratura: recipit tandem à nobis fructum panis, ut se ipsum, Deum, & hominem, in quo, & per quem existere dicuntur omnia, nobis ipse communicet.

Sed ecce jam divinæ Majestatis intonat verbum, & Altissimus dat vocem suam, dicens: *Hoc est corpus meum.* Expavescite, contremiscite potestates tenebrarum: etenim vox Dei terribilis, per Sacerdotum ora tonantis, contra vos rotat, ut vos percutiat ⁊ ut vos consternat ⁊ ut vos viriliter mactet ⁊ quia iam tam validis verbis adhibitis, panis factus est Christi caro; mirum in modum de substantia in substantiam transiens, ut Christi fideles tali escâ nutriti, per gratiam ipsius in Deo,

& Deus in eis semper maneat ; atramen ut semper adversum vos tartarorum spiritus , & contra vestram superbiam , atque obstinatum perfidiam efficacius pugnaremus. Terrore enim concuteris tu , & omnes adversarii nostri , cum Christiani labia , ac Sacerdotum verba hoc divinum conficientia Sacramentum , aspicietis Christi Domini cruore rubentia. Agnoscitis enim jam præstò esse perditionis vestræ judicium , & divinæ victoriæ , quâ captivati estis & obtriti , non toleratis instrumentum. Hoc namque est corpus illius , qui fuit , & cum Deo Patre est coæternus , & incomprehensibilis , immortalis , & indivisibilis , sapientissimus , atque omnipotens , Creator excelsus , ac Dominus Dominantium ; unus Deus in substantia , Trinusque in Personis , paternæ Deitatis gloriæ indeficiens splendor , atque ad dexteram illius immobiliter sedens : Verbum Dei Patris inseparabile , illique semper coæquale ; Filius , qui dicitur Patris in Patre & ex Patre , non profluens foras , sed aut quasi à sole splendor , aut quasi ab igne insita sibi caliditas. Hoc est corpus illius , qui post temporum curricula , cum esset Deus , *descendens de Patre luminum* , in Mariæ Virgineo thalamo nostram sibi associavit carnem , duas in sola copulans persona naturas ; ut hominem peccatis obnoxium Deus homo liberum redderet : ex quo propterea Patre minor ipse dicitur ; quia pro nobis hominibus factus est homo , & mortuus est , ut nos à mortalitate liberaret , & cælestis vitæ participes faceret , quam vos impii perdidistis. Hoc est corpus illius , cujus adven-

adventus in utero Matris ab Angelo fuit præ-
nunciatus. Hoc eft corpus illius, qui absque viri
femine ex intacta Virgine nafci voluit. Hoc eft
corpus illius, cujus nativitas pacem, & gaudium
cuncto annuntiavit terrarum orbi; dicente An-
gelorum cœtu: *Gloria in altiffimis Deo, & in terra pax*
hominibus bona voluntatis. Hoc eft corpus illius,
qui, cùm effet dives in omnibus, ac super omnes
Reges terræ, in ftabulo nafci, cum jumentis repo-
ni, atque inopem traducere vitam non recusavit.
Hoc eft corpus illius, qui octavo Natalis fui die,
etfi legis effector, legi fe fubmifit, ut circumci-
fionis legem humiliter impletet. Hoc eft corpus
illius, qui jam mundo manifeflus, JESUS appellari
voluit, id eft Servator; ficuti jam priùsquàm con-
ceptus effet, ab Angelo fuit divinitùs appellatus.
Hoc eft corpus illius, cujus apparitio à cæli fyde-
re adnotari, cujusque occulta Majestas à Regi-
bus humiliter adorari decrevit. Hoc eft corpus
illius, qui in templo præfentatus, & piiſſimi Si-
meonis ulnis arctiffimè complexatus fuit. Hoc
eft corpus illius, qui vix natus, paſſus eft impij
Regis perſecutionem, atque unà cum Matre fu-
gam arripuit. Hoc eft corpus illius, qui cùm effet
Dei ſapientia ſingularis, ſapientes docere voluit,
& ſcribas interrogare. Hoc eft corpus illius, cu-
jus innumeras virtutes, & vitam per diuturna an-
norum curricula mortalibus occultavit Omni-
potens; ut vobis diabolis Dei filius jam mundo
ortus abderetur. Hoc eft corpus illius, qui à Jo-
anne, ſuo præcurſore digniſſimo, in peccatoris
morem ſe ablui voluit, atque in Jordanis flumine

humiliter baptizari. Hoc est corpus illius, qui ob pœnitentiæ nobis proponendæ specimen, prius ipse in desertum secedens, jejunavit, seque quadraginta dierum spatio variè afflixit, ibique à satana confocio vestro pessimo, atque fallace tripliciter se tentari passus fuit, illumque fortiter debellavit. Hoc est corpus illius, qui ob mundi conversionem & inferni everfionem, milites suos convocare voluit piscatores, pauperes, sapientiæ expertes, atque invalidos, ut fortes, ac sapientiâ præditos gloriosius vinceret, consterneret, confunderet, ac penitus superaret. Hoc est corpus illius, qui aquam in vini substantiam solo nutu mutavit. Hoc est corpus illius, qui cæcorum oculos sputo liniens, incunctanter aperuit, claudos erexit, surdis præbuit auditum, mutis loquelam restituit, ægros reddidit sanitati, roboravit imbecilles, obsessos à vobis dæmonibus, imperio suæ potentissimæ vocis, illicò liberavit; vitâ functos ad vitam revocavit; tandem duos, & pertinaces peccatores ad se, solo verbo, exemploque convertit. Hoc est corpus illius, qui mirum in modum cibos multiplicans, innumeras replevit turbas. Hoc est corpus illius, cui venti, & mare obediunt festinanter. Hoc est corpus illius, quem fugam in montem arripuisse scitis, ne à mundi gloria fallaciter caperetur. Hoc est corpus illius, qui, verbo tantum, panem ac vinum, in carnem & sanguinem mutavit; tradens potestatem similiter faciendi nobis Sacerdotibus, ut ipsemet nobiscum in cibum, & spiritualem potum perpetuò remaneret. Hoc est
cor-

corpus illius, qui prodi à discipulo, & ab inimicis se emi viliſſimo permisit pretiô. Hoc est corpus illius, qui cùm eſſet Deus, ac Dominus omnium, excelsusque super omnes terræ Reges, piscatorum viliùmque mortalium pedes prostratus lavare voluit, & humiliter tergere. Hoc est corpus illius, qui in horto attentius orans, ob mortis agoniam, sanguinis guttas in terram usque miſit. Hoc est corpus illius, qui se comprehendi, ligari, atque à Judæis inferni ministris, trahi voluit. Hoc est corpus illius, qui ante iudices falsò affectus infamiâ, alapâ percussus, iniquorum numero associatus, sputis satellitum foedatus, illusus, atque despectus fuit. Hoc est corpus illius, qui spineâ corona est coronatus, acriter cæsus, aceto potatus, ac felle, utque reus injustissimè condemnatus. Hoc est corpus illius, qui cruci affixus fuit, & unâ cum latronibus appensus. Hoc est corpus illius, qui pro crucifixoribus fervidas ad Patrem preces effudit. Hoc est corpus illius, qui Virginem matrem suam Virgini Discipulo in cruce moriens commendavit. Hoc est corpus illius, qui pro iniquis patiens, in cruce moriens, magnâ voce clamans, spiritum Deo Patri reddens, expirâsse creditur. Hoc est corpus illius, in cujus obitu solem obscurari, terram contremiscere, montes scindi, sacrûmque templi velum dividi firmiter confitemur. Hoc est corpus illius, cujus carnem, licet vitali aurâ viduam, nunquam tamen à divinitate sejunctam, trium dierum spatiô in alieno voluit humari tumulo. Hoc est corpus illius, cujus animam namque

que à divina divisam natura, ad inferos descendisse, piósque viros ibi detentos eripuisse testamur. Hoc est corpus illius, qui propria virtute, tertio post obitum die à mortuis resurrexit. Hoc est corpus illius, qui primùm post resurrectionem suam quadraginta dierum spatio, **Matri** ejus sanctissimæ, ac postmodum Discipulis in terris apparere voluit, unà cum illis cibum capere, & cum eisdem de cælorum Regno suaviter alloqui. Hoc est corpus illius, qui absque alieno adjutorio, sed propriâ adjutus potentiâ, ad cælorum vestigia ascendere visus est, post Sacramentorum omnium completam institutionem, Discipulorumque suorum ordinationem. Hoc est corpus illius, quem ad excelsi Dei Patris dexteram, unde venerat, gloriosissimè post tartarorum vestrorum victoriam, sedere pro certo credimus. Hoc est corpus illius, qui ad cælos reversus, Spiritum sanctum, Spiritum Divinitatis unum cum Patre, & Filio substantialiter existentem, super Discipulos, suamque Matrem, in linguarum ignearum forma, atque in Ecclesia sua perpetuò permanens, emisit. Hoc est corpus illius, quem post peracta sæcula (quorum finem non est nostrum scire, positum à Patre in sua potestate) venturum esse scimus, ad judicandum terrarum orbem, cum virtute magnâ, ac Majestate.

Tandem attende, ô diabole, magnum Sacramentum: **Filius Dei** totus & integer eructatus est de corde Patris in uterum Virginis; de ventre Matris in gremium Ecclesiæ. Quantus in Patre, tantus in Virgine; quantus in virgine, tan-

tus in Ecclesiæ unitate. In Patre ineffabiliter, in Matre mirabiliter; singulariter in Ecclesia. Cum Patre ejusdem & æqualis substantiæ: cum Matre ejusdem & diviſæ: cum Ecclesia ejusdem & occultæ, sub speciebus nimirum Eucharisticis. Sic, sic, ô damnati distillaverunt cæli misericordiam super nos: sic & verbum Dei transfusum est, & effusum ubique totum, sine quo nihil totum.

Et vos, ô defectores, ô pertinaces, ô infortunatissimi dæmones, hoc cælesti orbatu Sacramentô, à talique mensa in æternum seclusi, tantæ audetis obsistere Majestati? tot potentias, tot virtutes, tôtque cælestia dona vos non pavescitis? fiat igitur mensa ista divina coram vobis in laqueum, in amaram retributionem, in ruinam & in scandalum sempiternum: quia cibus, qui in ea nobis apponitur, Deus est, caro divina est, caro Christi est, JEsus ipse est, Deique Unigenitus, qui totus ab omnibus sumitur, totusque à singulis comeditur; qui virtutum pinguedine animas dignè sumentium saginat; qui fidelibus suis in spiritualium tentationum luctamine contra vos, & luciferum Principem vestrum pessimum, vires suppeditat; qui comedentium cordibus cælestem auget gratiam: qui virorum calamitosorum vulnera mirificè curat; qui debiliū munit pectora, ne in malis labantur; qui viatores comitatur in cælorum semita, quò cuncti tendimus: per cibum námque à paradisi sumus amœnitate dejecti; per cibum quoque ad paradisi gaudia reparati. Cibus comedit Eva,
per

per quem nos æterni jejunii fame mulctavit : cibum Maria edidit Ecclesiæ , qui nobis cælestis convivii aditum patefecit. Hic cibus credentium illuminat mentes ad cælestia, veraque noscenda , hic pio calore nostra imbuunt pectora ; hic ut terrena fugiamus , sublimiaque appetamus , nos monet ; hic cuncta bona sumentibus parat. Hæc denique cælestis mensa sublimis , atque mirabilis, contra vos posita est semper , ô dæmones , ut vos terreat : in ejus namque circuitu nunquam adesse cessant angelicæ potestates , venerantes , colentes , atque coram tanta Dei Majestate humiliter se prosternentes, cum canticis , ac laudibus Deum suum , factorem suum , suumque Creatorem sub hominis specie indutum extollunt, atque incessanter canunt : Sanctus, Sanctus, Sanctus, Dominus Deus Sabaoth, Deus fortis, Deus exercituum, Deus admirabilis, Deus magnus, atque terribilis.

Cujus virtute ego ipse ejus Minister, ex officio vos denuò spiritus tenebrarum exorcizo † per cunctas jam numeratas mysteriorum potentias, vos adjuro † vos inferni cives conjuro † Imò conjuret vos † validissimè corpus istud sacratissimum , ac divinissimum Redemptoris. Conjuret vos † corpus Jesu Christi Filii Dei vivi : cogat vos Sacramentum Altaris : adstringat vos † mecum memoria Passionis Christi : quæ in hoc ipso recolitur Sacramento. Urgeat vos ad recedendum admirabile Eucharistiæ mysterium. Consternat vos † quotidiana Sacerdotum consecratio, in Dei Ecclesia celebrantium. Com-
pel-

pellat vos fugere ⁊ communicatio fidelium, tam sacramentalis, quàm fpiritualis hujus divini corporis. Expellat vos ⁊ potestas confecrandi corpus Chrifti, ab ipfomet Domino fuis primùm Apoftolis, ac per ipfos omnibus Ecclefiae elargita Sacerdotibus. Cædant vofte depta fidelibus merita per facrofanctam hujus confecrationem myfterii. Coarctent vos obedire, mitefcere, cedere, ac deprimi fub manu, & voluntate Sacerdotis Deique miniſtri, omnis Chrifti operatio, omnis Chrifti nutus, cuncta Chrifti cogitatio, omnis Chrifti motus, omne Chrifti verbum, omne vitæ mortisque Chrifti Jefu myfterium, cunctaque Chrifti Jefu Redemptoris noſtri, & veſtrorum deſtructoris acerrimi excelfa merita: Qui Jefus, in pænam tantæ proterviæ, defectionis, atque obſtinatiſſimæ conditionis veſtræ in virtute eorundem exorcifmatum, & myſteriorum, quæ audiftis, augeat de momento in momentum veſtros cruciatus, dolores veſtros, ærumnas veſtras, omniûmque vobiſcum participantium; ita ut nullus ſpirituum damnatorum vos ſuperet in tormentis. In nomine

Dei Patris ⁊ Dei Filii ⁊ Deique
Spiritus ſancti ⁊ Amen.



Exorcismus V.

In Festo annuntiationis beatæ Mariæ Virginis. Item in Sabbatis, ejusdemque Deiparæ festivitatribus, cum earundem Octavis.

Præparatio ut in primo Exorcismo præter ea, quæ hæc sunt propria.

† Sequentia sancti Evangelii secundum Lucam †
Æ. Gloria tibi Domine †.

IN illo tempore, missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David; & nomen Virginis Maria. Et ingressus Angelus ad eam, dixit: Ave, gratiâ plena: Dominus tecum, benedicta tu in mulieribus. Quæ, cùm audisset, turbata est in sermone ejus, & cogitabat, qualis esset ista salutatio: & ait Angelus ei: ne timeas Maria, invenisti enim gratiam apud Deum: ecce concipies in utero, & paries filium, & vocabis nomen ejus Jesum. Hic erit magnus, & Filius Altissimi vocabitur. Et dabit illi Dominus Deus sedem David Patris ejus, & regnabit in domo Jacob in æternum, & regni ejus non erit finis. Dixit autem Maria ad Angelum; Quomodo fiet istud, quoniam virum non cognosco? Et respondens Angelus, dixit ei: Spiritus sanctus superveniet in te & virtus Altissimi obumbrabit tibi: ideoque & quod nascetur ex te sanctum, vocabitur Filius Dei. Et ecce Elisabeth cognata tua, &

ipsa

ipsa concepit filium in senectute sua. Et hic mensis sextus est illi, quæ vocatur sterilis: quia non erit impossibile apud Deum omne verbum. Dixit autem Maria: Ecce Ancilla Domini, fiat mihi secundum verbum tuum.

Resp. Laus tibi Christe.

Per Evangelica dicta extinguatur + dissipetur + & destruat + in te omnis dæmonum virtus. In nomine Patris + & Filii + & Spiritus sancti + Amen.

Recitentur Litanie Beata Virginis.

Antiphona.

Sub tuum præsidium confugimus, sancta Dei Genitrix; nostras deprecationes ne despicias in necessitatibus, sed à spiritibus immundis libera nos semper, Virgo gloriosa, & benedicta.

Vers. Miserere nostri, Domina, miserere nostri.

Resp. Quoniam in te confidit anima nostra.

Vers. Miserere nostri, Domina, miserere nostri.

Resp. Quia multum repleti sumus despectione.

Vers. Miserere nostri Domina.

Resp. Quoniam conculcavit nos satanas.

Vers. Præcinge nos, Domina, virtute ad bellum.

Resp. Et supplanta insurgentes in nos subtus nos.

Vers. In te inimicorum nostrorum ventilabimus cornu. Resp. Et in nomine sancto tuo spernemus insurgentes in nobis.

Vers. Esto nobis, Virgo, turris fortitudinis.

Resp. A facie inimicorum omnium.

Vers. Nihil proficiant inimici in nobis. Resp. Et filii iniquitatis non apponant nocere nobis.

Vers. Ora pro nobis sancta Dei Genitrix.

M m

Resp.

R. Ut digni efficiamur promissionibus Christi.

Y. Domine exaudi &c.

Y. Dominus vobiscum &c.

Oremus.

Defende, quæsumus Domine, beatâ Mariâ semper Virgine intercedente, istam ab omni adversitate familiam, & toto corde tibi prostratam, ab hostium propitius tuere clementer insidiis: qui vivis, & regnas cum Deo Patre in unitate Spiritus sancti Deus, per omnia sæcula sæculorum, Amen.

Canticum Beata Virginis.

Magnificat anima mea Dominum. Et exultavit spiritus meus in Deo, salutari meo. Quia respexit humilitatem ancillæ suæ: ecce enim ex hoc beatam me dicent omnes generationes. Quia fecit mihi magna, qui potens est, & sanctum nomen ejus. Et misericordia ejus à progenie in progenies timentibus eum. Fecit potentiam in brachio suo, dispersit superbos mentis cordis sui. Deposuit potentes de sede, & exaltavit humiles. Esurientes implevit bonis, & divites dimisit inanes. Suscepit Israël puerum suum, recordatus misericordiæ suæ. Sicut locutus est ad patres nostros: Abraham, & semini ejus in sæcula. Gloria Patri &c.

Lectio Isaia Prophetæ.

IN diebus illis, loquutus est Dominus ad Achaz dicens: Pete tibi signum à Domino Deo tuo in profundum inferni sive in excelsum suprâ. Respondit Achaz: Non petam, & non tentabo Dominum.

dur

num. Et dixit : audite ergò domus David. Numquid parùm vobis est molestos esse hominibus, quia molesti estis & Deo meo ? propter hoc dabit Dominus ipse vobis signum. Ecce Virgo concipiet, & pariet Filium, & vocabitur nomen ejus, Emmanuel. Butyrum, & mel comedet, ut sciat reprobare malum, & eligere bonum. Resp. Deo gratias.

Oremus.

DEUS, qui de Beatae Mariae Virginis utero, verbum tuum, Angelo nunciante, carnem suscipere voluisti : præsta supplicibus tuis, ut, qui verè eam Genitricem Dei credimus, ejus apud te contra inferni nequitias intercessione juvemur. Per eundem Dominum nostrum **J**esum Christum Filium tuum, &c.

Hymnus.

AVe, maris stella,
DEI mater alma,
Atque semper Virgo.
Felix cœli porta.

Sumens illud ave,
Gabrielis ore.
Funda nos in pace,
Mutans Evæ nomen.

Solve vincla reis :
Profer lumen cæcis ;
Hostes nostros pelle :
Bona cuncta posce.
Monstra te esse Matrem :
Sumat per te preces,
Qui pro nobis natus,

M m 2

Tu-

Tulit esse tuus.

Virgo singularis,

Inter omnes mitis,

Nos culpis solutos,

Mites fac, & castos.

Vitam præsta puram,

Iter para tutum,

Ut videntes Jesum

Semper collætémur.

Sit laus Deo Patri,

Summo Christo decus,

Spiritui sancto;

Tribus honor unus, Amen.

✠ Dignare me laudare te, Virgo sacrata.

✠. Da mihi virtutem contra hostes tuos.

✠. Dominus vobiscum &c.

† Sequentia sancti Evangelii secundum Lucam.†

Resp. Gloria tibi Domine. †

IN illo tempore, dixit Jesus turbis Judæorum: *cùm immundus spiritus exierit de homine, perambulans per loca inaquosa, quærens requiem, & non inveniens, dicit: revertar in domum meam, unde exivi; & cùm venerit, invenit eam scopis mundatam & ornatam. Tunc vadit, & assumit septem alios spiritus secum, nequiores se, & ingressi habitant ibi. Et fiunt novissima hominis illius pejora prioribus. Factum est autem, cùm hæc diceret, extollens vocem quædam mulier de turba, dixit illi: Beatus venter, qui te portavit, & ubera, quæ suxisti: at ille dixit: quinimò beati, qui audiunt verbum Dei, & custodiunt illud. Resp. Laus tibi Christe.*

Per Evangelica dicta extingatur † dissipe-
tur † & destruatur in te † omnis &c.

Oremus.

Præsta, quæsumus, omnipotens Deus, ut qui
beatæ Mariæ semper Virginis protectione
confidimus, cunctos nobis inferni adversarios,
te adjuvante, vincamus. Per Dominum no-
strum &c.

Aspersio creatura.

Aqua benedicta extinguat, & sejungat à te N.
omnia dæmonum ficta. In nomine Patris † &
Filii, † & Spiritus sancti † Amen.

Exorcizatio demoniaci.

Exorcizo te N. creaturam Dei infirmam : &
per istam sanctam Crucem † & benedictio-
nem, restituat te Dominus in statum pristinum,
ut permaneas in sanctificatione : ac fortitudo
Dei, veluti signum, super te scriptum sit ; ut om-
ne opus satanicum, ipsūque dæmonem oppri-
mere, eradicare, ac fugare valeat. In nomine
Patris † & Filii † & Spiritus sancti † Amen.

Oremus.

DA quæsumus Domine, servo tuo N. interce-
dente beata Virgine Dei Genitrice Maria,
ut à malignis spiritibus misericorditer liberetur,
atque hostili nullatenus incursione turbetur. Qui
vivis, & regnas cum Deo Patre in unitate Spi-
ritus sancti Deus, &c.

Exorcismus.

In nomine purissimæ, ac præclarissimæ Virgi-
nis, Dei Genitricis Mariæ, ego indignus Chri-
sti Sacerdos, ejusdémque Deiparæ famulus,

auctoritate mihi concessa à sancta Romana Ecclesia Catholica, in sanguine Jesu Dei verbi, ac Matris ejus innixa meritis, supra inferni regnum, ejusque cultores, audeo vos dæmones, qui hanc Dei creaturam (sive mediatè, sive immediatè) obsidetis, exorcizare † conjurare † & compellere † sicuti jam vos exorcizo † conjuro † adjuro † in primis per potentiam Altissimi † qui Angelum suum Gabrielem de coelorum misisse dicitur habitaculo ad Mariam Virginem, desponsatam viro justissimo, atque piissimo, Joseph, de familia David, homini secundum cor Dei; ut sine ullo temporis intervallo, fraude, atque fallaciâ, vos ipsos voluntati, nutui, atque obedientiæ sacerdotali prorsus subjiciatis, in omnibus, & per omnia, quæ vobis, prædictarum potentiarum nomine, sum præcepturus; quæ sint juxta DEI beneplacitum, honorem, & gloriam; quæque in vestram confusionem, damnationem, & poenam cedant; nec non ædificationem, atque proximorum salutem sint spectantia. Impero igitur tibi † præcipuè, qui nefandissimum ac vilissimum hujus infernalis cohortis ducatum obtines; simulque præcipio cunctis aliis sociis tuis teterrimis, cujuscumque ordinis sint; qui, sive intus, sive extra, huic Dei creaturæ molesti estis: sive ligati aliquo signo, verbo, nutu, pacto, incantatione, ac maleficio; sive absque ulla retentione extrinseca, sed simpliciter illam obsidetis; ut spondeatis, vel simul omnes, vel ut unus, omnium nomine, vos præstatueros mihi Dei ministro, & Christi instrumento omnimodam obsequen-

quentiam, in nomine Omnipotentis dandam, juxta idem Sacerdotis arbitrium. Præcipio fortius † vobis spurcissimis spiritibus sub eadem intentione, ac per eandem potentiam summi Dei, ut præcepta vobis injungenda etiam ligare, atque obstringere valeant cunctas inferni, humanasque potentias vobis faventes, vos juvantes, vosque mediatè, vel immediatè detinentes. Ideoque etiam ut Christi instrumentum, per eandem virtutem, ac potestatem, actualiter absolvere † dissolvere † delere † destruere cogito † omne beneficium, omne vinculum, pactum, signum, dictum, scriptum à quocumque, quandocumque, quomodocumque, ac ubicumque constructa existant. Item in universo hoc charitatis opere obligare decerno quoscumque contumaces spiritus; pro ut actu subjicio, atque condemno vos, cunctosque Dei, ac voluntati meæ rebelles, ac cuncta suppliciorum infernalium genera, quæ mens Angelica excogitare valeat, ac numerare; augendaque usque in diem judicii magnum, singulis quibusque momentis: & propterea etiam duplicare intendo eosdem Exorcismos, eademque præcepta, & poenas; ita ut unumquodque mille valeat: quibus incunctanter obedire debeatis, illisque omnes vos, semper & ad semper humiliter subjacere. In nomine Patris † & Filii † & Spiritus sancti Amen.

Iterum conjuro vos, nefandissimos Dei rebelles † per potentiam illius Majestatis, quæ tales, ac tantos mittere valet spiritus, & nuncios constituere, sive Angelos, atque cælicas potestates,

quæque contra vos validissimè in sublimi bel-
lantes, ac Dei summi tuentes gloriam, extiterunt
victores; ac Principem vestrum superbissimum,
omni cum exercitu vestro conculcantes, de bea-
ta illa Jerusalem fortiter deiecere; in qua est pax
summa, atque sempiterna tranquillitas: ligantes
eum duris, & asperis vinculis, atque in profun-
dum abyssi detrudentes, æternis afficiendum
suppliciis. Conjuro vos, æthiopes nigerrimos &
per potentiam Gabrielis, qui tam sublimis myste-
rii singularis nuncius fuit designatus, atque ines-
cabilis DEI pronubus incarnationis. Exorcizo
vos teterrimos inferni spiritus per ejusdem Ar-
changelis nomen dignissimum: etenim ob Incar-
nationis DEI mysterii dispensationem, nominis
istius nuncupationem accepit. Gabriel namque
interpretatur, *Deus homo*; quia, cum immutabilis
DEI Majestas, humana inter homines apparere
voluisset forma, prævertens tempus, in Angeli-
co ministerio gloriosum sui ipsius adventum
præsignavit, quo ab infidelibus quidem existima-
retur ut homo, à fidelibus autem declararetur ut
Deus. Hæc quondam se vidisse testatur Prophe-
ta Daniel, lineis vestitum candidissimæ purita-
tis, ac veritatis (qua stolâ vos miseri in æternum
orbati estis ob vestram superbiam) & accinctum
renibus auro obryzo fortitudinis, atque decoris.
Cujus corpus erat, quasi chrysolitus, & vultus
veluti species fulguris, oculique ejus ut lampa-
des accensæ; amoris videlicet in Deum Condi-
torem suum: brachia autem, & quæ deorsum
sunt, usque ad pedes, quasi species æris candentis:

& vox sermonum ejus, ut vox multitudinis; ob ejusdem scilicet sapientiam, ac mysteriorum revelationem Altissimi. Exorcizo vos, canes rabidos & per Mariam, Virginem integerrimam, mundi Dominam, cœlorum Reginam, & Angelorum, ad quam missa dicitur Gabrielis potestas excolendam, utque DEI Matrem electam humiliter venerandam. Quantum igitur esse putas tantæ Majestatis, puritatis, sanctitatisque celsitudinem, cui unus de cœlorum principibus mitti, ei que subijci non dedignatur? Hæc est enim lignum vitæ in medio Paradisi Ecclesiæ constitutum, à quo vitalis vita Christus, Dei filius, ac suavissimus uteri sui fructus emanavit; mortalibus vitam præbens, in perpetuum duraturam; ut de eodem ait Joannes: In ipso vita erat, & vita erat lux hominum. Hinc namque meritò Beatissima virgo Maria dicitur pariens parientis, oriens orientis, fons fontis vivi, origo principii, & vitæ vita: quia illum ex ea produxit per carnis naturam, qui caput est & initium rerum omnium per essentiam Deitatis. Hæc est canticorum sponsa, quam præparavit Deus filio suo in purissimam genitricem, matrémque castissimam, quæ veterem exuit tunicam, & legales pedes lavit, ac sacrosanctum sponsum in suo ipsius thalamo venerabunda suscepit. Hæc est, quam, ad vestrorum dæmonum confusionem, beatam dicunt omnes generationes, tum terrestres, tum cælestes, tum inferæ. Hæc est mulier, de qua prædictum fuisse scitis, Dominum dote bona, sanctarum scilicet gratiarum, illam ornasse: quâ

M m s

dote

dote vos miseri, vos infelicissimi orbatī estis initio electionis, atque superbiæ vestræ. Hæc est arca illa, compacta de lignis setim, extrinsecus deaurata, & intus; puritatis videlicet mentis, & corporis: quinimò ipsa est fiscella figurali illita bitumine intrinsecus & extrinsecus; prudentiæ nimium ac pietatis exornata virtutibus: in qua spiritualis Moyses à mystico servatur Pharaone, nempe diabolo; cuius filia (gentilis videlicet Ecclesia) in virgineis ulnis eum enutriens, promissionis accepit recipiendæ vitæ mercedem. Hæc est propitiatorium de auro mundissimo, in quo vos, Angeli tenebrarum, oculos figere nequaquam valetis. Hæc est perlucida stella, orta ex Jacob. Hæc est adolescentula Virgo, regi Domino præparata, contra caput vestrum, ô tartarei, vestrumque excidium. Hæc est domus Domini Dei, repleta gloriâ in sublimi. Hæc est vas novum, in quod sal Dei sapientiæ iussus est mitti quam vos cæci & insipientes amisistis, cum Luciferi verbis, ac sententiæ firmiter accessistis. Hæc est tabernaculum, quod sanctificavit Altissimus, divinitatis suæ spiritu; à quo vos, nefandi spiritus, procul ejecti estis. Hæc est sol, in quo idem Dominus excelsum sibi posuit domicilium, quémque vos miseri contemplari nequitis. Hæc est terra viventium, ex se fructum germinans suavitatis, & vitæ; valdè amaritudini vestræ obnoxium. Hæc est Dei diversorium electum, in quo ipsi habitare placuit: è cuius umbra saluberrima vos dæmones ipse perpetuò seclufit. Hæc est soror, & amica dilecti pulsantis, ut aperiatur sibi

sibi ostium gratiarum, & gloriæ; à quibus vos longè distatis. Hæc est Virga, de radice Jesse, à qua flos ascendere visus est, JESUS scilicet Nazarenus, terribilis, atque tremendus vestrorum vindex. Hæc est nubes levissima, super quam Domino, qui Angelorum ascendit pennas, equitare complacuit, ut vos desertores spiritus perpetuò condemnet. Hæc est oliva, quam vocavit Dominus uberrimam, pulchram, & fructibus gravidam. O Virginalem fœcunditatem, decoram sanctitate, atque gratiarum copiâ, verum in campis posita; quia in planitie sæculi præsentis; quia in latitudine sanctæ Ecclesiæ ubique terrarum diffusæ; ut peccatores ad ipsam liberè, & absque vestrorum, ô inferni hostes, impedimento respiciant, ad ipsam confugiant, ab ipsa consilium quærant, auxilium percipiant; per ipsam Deo reconciliati, veniâ lætificati, gratiâ locupletati, fide illuminati, spe confortati, charitate justificati, aliis virtutibus excitati, bonis operibus exornati, & tandem gloriâ beatificati. Hæc est mulier nova, à Deo creata super terram, ut circumdaret sine viro virum: quod mysterium vos stulti intelligere non valetis obtenebrato lumine mentis vestræ. Hæc est janua clausa, quæ nunquam aperietur, nec vir transibit per illam; quoniam Dominus Deus Israël ingressus est per eam, & erit clausa infernorum Principi. Hæc est aurora consurgens: attamen vestro tenebratum regno perpetuam adducens noctem. Hæc est pulchra, ut luna. Hæc est veluti coeli jubar electum, & singulare. Virgo enim ipsa inter animas

mas Sanctorum, & Angelorum choros supereminens, & evecta, merita Angelorum, & omnium titulos antecedit; sicuti, quantumlibet alie stellæ reluceant, luna tamen, & magnitudine præminet & splendore. Hæc est terribilis, ut castrorum acies ordinata adversus luciferum, vosque tartarorum milites. Hæc est, quæ de carnis ascendit deserto, cœlestium affluens delitiis gratiarum, à quibus vos infelicissimi perpetuò elongati fuistis. Hæc est regis cellaria, in qua Christi fideles intrantes, exultant, atque lætantur dignissimæ vino perfusi charitatis: de quo vobis impiis nunquam saturari, aut refici datum est. Hæc est illa Jael tam pusilla, quæ Sisaram contrivit, vestrorum nimirum inferni Principem, O damnati spiritus, fortitudine mallei virtutis suæ contundens. Hæc de manu Pharaonis (luciferi videlicet) suum salvat masculum: abique peccati labe Deum mundo pariens. Hæc est diversorium: caput super hanc inclinat non habens tugurium, Rex æternæ gloriæ. Hæc est palma, cujus ramos ascendentes sancti, piique viri, de fructu ipsius affatim apprehendunt: cujus vos, ô damnati, veluti rabidi canes, famem patimini sempiternam. Hæc est cedrus Libani, rursus ramos suos protendens, & Cypressus montis Syon, quæ prius profundissimas radices immisit humilitatis, ut in excelsum erigi mereretur: vos autem, cum primum exaltari conati fuistis, dicentes cum lucifero: Conscendamus ad Aquilonem, super montem testamenti extolamus folium nostrum; Similes erimus Altissimo,

mo : meritò descendere , imò dejici , imò præcipites agi , atque in ima loca detrudi meruistis. Hæc est cælestium armorum officina , in qua lorica sibi Dei verbum de nostra fragilitate composuit ; in qua exultans ut gigas potens & fortis in prælio , vestras potestates aëreas debellavit. Sicque de infirmitate constantia , de captivitate victoria , deque ruina est ascensio procurata. Hæc est fenestra , per quam ostendebatur Dominus , qui cum esset invisibilis naturæ , per ipsiusmet carnis substantiam est manifestatus mundo , Angelis , & hominibus. Hæc est fons hortorum , rigans videlicet in Dei Ecclesia electorum plantas : sed terræ vestræ tribulos potenter exsiccans. Hæc est hortus deliciarum cælestium , cujus ingressus vobis bestiis semper videtur occlusus. Hæc est cælestis scala , ad Deum aditum semper nobis & iter muniens ; vobis verò damnatis semper abdens. Hæc est mulier , solis contacta radiis : pro calceis lunam habens ; atque sydereo ornata diademate : quam cunctorum generationes , consona voce laudantes , semper beatam , felicem , ac sine fine inclytam clamant : quoniam omnipotens , & excelsus magnam effecit illam , eamque Dei sponsam , Deique Genitricem semper servavit intactam. Hæc tandem impollutus est Virginitatis thesaurus ; spiritualis secundi Adami paradisus ; unionis naturarum opificina ; celebre salutaris commercii emporium ; thalamus , in quo verbum incomprehensibile carnem sibi desponsatam habuit ; animatus naturæ rubus , quem divini partus ignis non combussit ; mund-

dil-

diffimum vellus, ex quo pastor induit ovem. Ancilla & Mater; unicus ipsa Dei pons: sacro- sanctæ œconomix textorium jugum, in quo ineffabili quodam modo unitiois illius tunica confecta est; cujus quidem textor extitit Spiritus sanctus; nectrix virtus obumbrans ex alto; lana, vetusta, villosaque Adami pellis; trama impolluta ex virgine caro; textorius radius, im- mensa gestantis gratia; artifex verò verbum per auditum illabens.

Per omnia igitur dignissima piæ hujus Virginis nomina; perque cuncta eorundem nominum significata piissima ac per virtutem gratiarum, & munerum præcellæ Virginis, Deique genitricis Mariæ, vos tartareos iterum ut supra, exorcizo & conjuro & adjuro & atque ut pareatis, vos cogo & præceptis à me vobis indictis, atque indicendis, eadem mente, forma, & conditione, ut supra. Item præcipio vobis obedientiam & per cælestem illam salutandi formam, à Gabriele Deiparæ Virgini præstitam, dicente illi: *Ave, gratiâ plena*. O dulcissimum, ô suavissimum Ave! suavissi- mum Mariæ, ejusque famulis perjucundum: vo- bis autem dæmonibus ô quàm amarum! ô quàm terribile; hoc ipsum Ave, væ vobis miseris exti- tit, atque tormentum; væ infelicissimum; væ æternum; væque interminabile, & sine fine du- raturum. Contremiscat ergo abyssus vestra: ex- pavefeat dux lucifer vester, cunctique vos, ô tar- tarei, ad tam tremendum illud Gabrielis ore pro- latum Ave retrorsum cadite: quod, etsi dul- cisonâ voce manârit; attamen illud cœlorum.

Ange-

Angelorumque Domina reverenter percipiens ,
valde eam pertimuisse scimus, & conturbatis vis-
ceribus illud audiisse ; dum dicitur : *turbata est in*
sermone ejus, excogitans qualis esset hæc saluratio:
qualem terrorem incutiet vobis, qui omninò ex-
clusi, ô invidi, atque ab hac præstantissima salu-
tandi dignitate orbati estis, & ipsius loco, male-
dictionis officio fungimini, ac pestifero blasphe-
mandi ministerio occupati perpetuò detinemi-
ni: dentes enim vestri, leones tartarei, arma sunt ,
& sagittæ ; & lingua vestra, gladius peracutus ,
sermonibus odii circumdare conamini viros ju-
stos, illòsq; perditionis, & interitùs præoccupare
laqueis. Idcirco longè à salutarione sancta sub-
limi, angelica atque divinâ tendere audiuntur in-
treparationum, & maledictionum vestrarum pessi-
marum verba. Fumus, sulphur, ignis, maleo-
lencia à gutture vestro tartareo manare videntur;
dissipantia, affligentia, piorumque saluti semper
adversantia. Verumtamen gladius oris vestri
vestrum transverberat cor; & arcus linguæ ve-
stræ ab omnipotente confringitur. Angeli, id est,
boni nuncii, vos quondam à Deo creati fuistis :
ob vestram verò insipientiam, ictu oculi, defici-
entes, ô damnati, à tam magna, tamque sublimi
dignitate miserè cecidistis ; nunciantes semper
vos mala pro nobis, odium pro dilectione, ini-
quitatem magis, quam æquitatem. Cùm fuissetis
ad salutem differendam designati , evasistis
inanis gloriæ usurpatores, ac pessimi mortaliū
seductores ; nunquam ad consolandum, sed sem-
per ad instigandum, atque nocendum acceditis.

Des.

Descendere audiistis ab alto, ad Dei Matrem cælestem nuncium, ut illam supplex salutaret, dicens: *Ave gratiarum plenissima: Dominus tecum.* Vos autem pariter ad Dei filium appropinquare non erubuistis, ut eum fallaciter decipere conaremini, ac quotidie ad nos Dei affeclas similiter acceditis, ut nos à recta vivendi ratione avertere tentetis. Veruntamen super vos vestra cadat deceptio; & in foveam, quàm rationalibus creaturis parare conamini, semper, Dei juvante gratiâ, vos ipsi ruitis, atque devicti præcipites agimini: quoniam Virgo illa, quæ omnipotentis semper est plena muneribus, cuique Deum ipsum perpetuò adhærere jam scitis, fortiter pro nobis pugnans, nos tuetur, nos protegit, nos munit, de vobis superbis referre nos victoriam edocet. Plena est enim ipsa cælesti virtute, juxta Gabrielis vaticinium: imò, veluti fons uberrimus impertitur nobis munerum suorum, atque virtutum rivulos, quoniam, dum tantarum copia gratiarum per sanctum illum Deique Spiritum, qui est largitor munerum, in ea supersedit, supernorum bonorum abundantiam, eorûmque innumeram multitudinem ipsamet nobis auget, ex quo itaque dignum quippe est, ut quæ laudum præconia meretur ab Angelis, obsequiis etiam frequentetur humanis; eique post Deum totus orbis exhibeat laudem per quam suscepit salutis Authorem. Optima sanè spes nostra est apud eam habere confugium, quæ inter omnes cælestis curiæ senatores impertrandi apud Deum primum obtinet locum. Accedit enim ipsa illud aureum humanæ reconciliation-

liationis altare, non solum rogans, sed & impetrans; Domina, non Ancilla. Ad vestram confusionem, ad nostrum verò auxilium, ô livore plenissimi. Dicit ipsa filio: moveat te natura, potentia moveat: quia quanto potentior, tanto misericordior esse debes. Potestati enim cedit ad gloriam, injurias ulcisci nolle, cum possit. Dicit, & impetrat cuncta, quæ rogat: in manibus enim suis jam scitis thesauros esse miserationum Domini, & solam electam fuisse ipsam, cui tanta concedantur.

Per Præfatam igitur Angelicam vocem, quæ tam suavis Mariæ fuit, quàm vobis, ô dæmones, formidabilis, iterum exorcizo & iterum urgeo & iterum vestram cogo proterviam, ut meis præceatis sermonibus & per vim mittentis Altissimi, vos ad cedendum coarcto & sub poena augendorum tormentorum vestrorum, millies, & per efficaciam præcepti Dei Patris, talem demittentis nuncium, vos viriliter urgeo & per Evangelicæ obedientiæ robur, Dei, & conditoris mandatum ad nutum exequentis, vos coarcto & per tam sublimem Gabriëlis prærogativam, vobis mando & per Mariæ plenitudinem gratiarum, vobis obsequentiam indico & per arctissimam ejusdem Virginis cum Deo copulam vos convenio & vos flagello & vos cito & vos conculco & vobis constanter præcipio & ut vos ipsos, absque mora, sacerdotalibus verbis subjiciatis. In nomine Jesu Nazareni & Salvatoris nostri, vestrique destructoris potentissimi.

Sed, quid ulterius Gabriel ad Mariam loquatur,

Na

tur,

tur, attende: ait enim: *Dominus tecum*: quoniam sicut ipsamet ab initio, & ante sæcula præelecta fuit, & ab æterno ex Altissimi ore prodivit, omnem culparum umbram procul excludens; sic etiam luce clarior, atque splendidior in ævum ipsa permansit: in cuius visceribus omnipotens ille, qui lucem inhabitare dicitur inaccessible, suum posuit tabernaculum, & veluti sponsus de suo processit thalamo. Verè autem cum ea Dominus adesse dicitur: etenim, ante temporum constitutionem in ipsa est commoratus ipse temporum conditor; communem in ea præveniens mortalium lapsum: in tempore verò intra illam suum dignatus est domicilium ponere, dum ipsa lamet eum, quem coeli capere non poterant, suum contulisse gremio, compertum est: at tandem post temporum curricula secum contulit illam ejusdem præparans in cælestibus habitaculum superque Angelorum choros sublimiter illam exaltans. Habitat quidem & Deus in Angelis sed non cum Angelis, quia cum illis ejusdem non est substantiæ. Habitat Deus in Virgine habitat & cum Virgine, cum qua unius naturæ habet identitatem. Hoc est ergo aurum fulvum nimis, quo thronus Salomonis est vestitus: quoniam tali modo Deus Matrem Virginem induit, & in Virgine indutus est, ut melior non posset. Bene etiam de vobis spiritibus tartareis in vestra creatione dici poterat, Dominum extitisse vobiscum cum tam affatim vestræ naturæ suam communicaverit essentiam, protenderit potentiam, superponderit præsentiam, tantam Angelicæ substantiæ

rix gratiam distribuens, tot dona sublimia, totque
 celestia munera largiendo, Verumtamen unde
 ansam vos capere debebatis gratissimæ servitutis,
 ut majora semper à largitore dona referretis, at-
 que arctior amoris copula vos cum eo jungeret;
 inde ingratis alius superbientes, pertinaces
 effecti, omnipotenti Deo similes esse conati estis:
 quæ causa fuit, ut ab ipso tam longè disjuncti si-
 tis. Accessistis, impii, ad cor altum, & à vobis ex-
 altatus est Deus. Recessistis, ô dæmones, ab eo,
 qui est Creator, & miserandum in modum peri-
 istis, dispersi estis, quia fornicati estis ab illo: ac-
 cessistis vobis vanè, & ipse meritò recessit à vo-
 bis in sempiternum. Estis, tamquam si non esse-
 tis, absque eo, qui est, qui erat, & qui futurus est
 in æternum. Vacui ergò Dei bonitate, quid
 amplius vobis reliquum erat, quàm omni reple-
 ri malo, quod nihil est apud ipsum, qui cuncta o-
 peratus est bona? ô miserrimi, inter creaturas vi-
 tam deseruistis liberè, & vivacissima morte in-
 teritûque perenni consumimini. Vanè contra
 DEUM conditorem vestrum loquuti fuistis:
 propterea omni bono privati, perennibus op-
 pressi cruciatibus, remansistis: &, quod deterius
 est ô infelicissimi, quòd Dominus nunquam erit
 vobiscum. Maria semper Dominum secum ha-
 bet: Maria tantummodo gratiarum plena dici-
 tur: Maria duntaxat inter omnes mulieres, imò
 inter omnes creaturas beatissima semper; Re-
 spexit enim DEUS humilitatem ejus, ideòque
 magnalia effecit illi, qui potens est. Vos imun-
 dissimi, vos superbiâ tumidi, vos arrogantes, à

Deo sejuncti, atque in æternum segregati, vos cunctarum gratiarum munere orbati, vos spurcissimi, vos nequissimi, vos diaboli damnati, atque damnandi, perpetuis maledictionibus inter omnia mundi hujus, cælorumque figmentarepleti estis.

Per præfatam ergò Mariæ cum Deo suo piissimam unionem iterum vos dæmones exorcizor per mitissimam Mariæ dispositionem ad tantam cum Deo unitatem, vos conjuro & augeo centies, ac millies poenas vestras † per ejusdem Virginis uterum, in quo, veluti thalamo, requiescere dictus est Dei Filius, vos cogo † per cunctarum Mariæ cumulum gratiarum vobis fortiter mando † per merita Deiparæ Virginis, quibus ad tam sublimè dignitatis gradum est provecta, vobis, ut obtemperetis, impero † per uberrimas Mariæ super mulieres benedictiones, vos compello † vos urgeo † vos, ut cedatis, cogo † ô Deo ingrati, atque rebelles. Aliàs, si mea jussa transgrediemini, ego indignissimum Christi instrumentum, & minister Altissimi, nomine ejusdem, unà cum Archangelo Gabriele, imò cum ipsa Dei Genitrice Maria, constantissimè vos maledictionibus repleo † vos acriter detestor † vos fortiter conculco † vos turpiter vituperor † vos nomine tantæ Virginis, toto cordis affectu, blasphemiarum jaculo perfodio † vos contemno † vos prosterno † vos pessundo † vos ejicio † eradico † crucio † verbero † ac viriliter, centies, ac millies vos contundo. †

Verùm ad præfatas ipsas Angelicas voces, ac
lau

laudes humilem Dei Genitricem conturbatam legimus, ac mente pervolutantem, qualis hæc esset salutatio. Adeò namque incomprehensibile hoc erat mysterium humano captui, & adeò mirabile hujus arcani partus miraculum, ut ipsa-
met etiam Virgo, quæ DEUM verbum portare debebat, de Angeli sermone penderet animo, de incarnando ex ipsa exultabat intrinsecus, etsi extrinsecus ipsam alloquenti repugnaverit. The-
saurum vitæ contineret, & salutationis vocem discutere non cessabat, atque dicebat, quomodo fiet istud? si non percipio tuorum verborum sensum, quomodo agnoscam divinam mysterii hujus Majestatem? vos autem, ô arrogantia magistri, ad illas tam inauditas vestri principis suggestiones, quibus adversus Deum vestrum, veltrumque effectorem vos concitare nitebatur, non solum econtrà conturbati nequaquam fuistis; verum (quod perpetuis lugendum gemitibus) velociter assensi estis, atque applausistis: imò etiam post ejusdem nutum, veluti effrænes belluæ, præcipientes cucurristis: unde, ô infelices, ô miseri, damnati estis, atque in perpetuos cruciatus corruistis. O ingrati, plus ponderis apud vos habuit insana illa vox, inanisque impulsus luciferi fallentis, quàm tot, taliæque à conditore vestro vobismetipsis mox exhibita beneficia? diaboli fallentis sermonem plurimi fecistis, & omnipotentis munera impiè neglexistis?

Negligat igitur vos Deus Pater Omnipotens† negligat vos JESUS Dei Filius† negligat vos Deus Spiritus sanctus† negligat, atque pessundet vos

nomen Dei terribile, Agyos†augeat poenas vestras Deus. Otheos†Athanatos†Ichyros† conſternat vos Dei Genitrix alma† foedet vos sanctus Gabriel Dei nuntius† totaque simul celeſtium Angelorum turba vos impios conterat† vos infames ad nihilum redigat† vos obſtinatorum comprimat† ac dilaceret, qui voci peſſimæ aſſenſiſtis, excelsique Sacerdotis præceptis adverſari non erubescitis. Audite ergo vocem meam, imò Dei vocem in me, & per me, indigniſſimum ejus miniſtrum vobis fortiſſimè imperantis, vobis efficaciſſimè præcipientis, vos cogentis, vos compellentis. Sit enim ſermo ejus duriffimus contra vos, uti malleus, ſaxa obdurationis, & perfidiæ veſtræ conterens, veſtramque repugnantiam miſcere jubeat, atque comminuat, augens ſingulis quibùſque momentis poenas veſtras, donec veſtra deprimatur audacia. In nomine Patris† & Filii† & Spiritus ſancti.†

Sed præterea, conſolatus eſt ſanctiſſimam Dei Matrem Angelus, dicens illi: *Ne timeas Maria: invenisti enim gratiam apud Dominum. Ecce concipies in utero, & paries Filium & vocabis nomen ejus Jeſum.* Pia Virgo pio timore fuit percuſſa: illo, inquam, timore, qui, ſecundùm Prophetam: initium eſt ſapientiæ, taliter enim timere decebat illam, quæ Dei Filium, Deique ſapientiam genitura erat. ac ſine pudoris macula divinitùs paritura: timore videlicet qui permanet in ſæculum ſæculi; quèmq; Deus ipſe nos edocet. Edocta fuerat namque piſſima Dei Virgo ſic pavere; quia inſtructa priùs fuerat deprimi; cùm ejus ore prolutum audia-

diamus: *Respexit humilitatem ancilla sua.* Hic nam-
 que Dei timor nunquam deferere scitis mentem
 sapientis, sed tamquam pugil fortis, & vigilans
 semper stat ad latus principis: ita custodit Domi-
 nam cordis. Fidelis est etiam ipse janitor animæ,
 comminans mortem æternam intrare volenti-
 bus; latrans ut canis contra eos: qui adeò soli-
 citus est, ut etiam amicis oblatret, bonis scilicet
 operibus. Quæ igitur sic timet, sic digna est, ut
 Angeli eam consolentur. At vos, ô dæmones,
 turbamini timore horribili, & pavetis in pœnis
 vestris pavore desperatæ salutis, unde non est,
 qui inter illas vos consoletur, nec cœlestis ap-
 pareret spiritus vos confortans: imò simul dilace-
 ramini, vos ipsos invicem mordetis, comeditis,
 consumimini, atque alter alterius onere deprimi-
 mini, cùm nullus inter vos invidos ordo reperia-
 tur, sed sempiternus inhabitet horror. Amisistis,
 miseri, Dei charitatem & gratiam, ac in tempo-
 ris momento ad tam horribilia pœnarum gene-
 ra dilapsi estis. Non sic igitur Angelorum Do-
 mina timore concutitur: quoniam magnam
 apud Deum, & homines gratiam invenit, ob
 quam cœlesti fuit digna solamine, & sancti Spi-
 ritus adjutorio; concipiens in utero absque vi-
 rili copula, de purissimo ejus semine, Dei Filium,
 cui cœleste imponitur nomen *Jesus*, quod mun-
 di *Salvator* interpretatur: quinimò, & oppressor
 dæmonum, infernorum cruciator, confusio tar-
 tarorum, insectator obstinatorum, superborum
 conculcator, luciferi ac sociorum ejus destru-
 ctor; uti jam elata voce, juxta Evangelii testi-

monium, vos ipsi confessi estis, dicentes: *Quid tibi, & nobis, Fili David, venisti ante tempus torquere nos!* per hoc igitur terribile, validum, atque tremendum nomen *Jesu*, convenio vos iterum, obstrictos + ut meis obtemperetis praeceptis. Urgeo vos infames, ut pareatis + per dulcissimum nomen *Jesu*. Exorcizo vos + canes rabidos, & augeo poenas vestras semper, per corroborantissimum nomen *Jesu*; conjuro vos + inferni fues, ut meis sub pedibus vestram prosternatis, superbiam, per pretiosissimum nomen *Jesu*; cogo vos obedire, per potentissimum nomen *Jesu*. Impero vobis, serpentes pestiferi, ut audaciam vestram deprimatis + per nomen *Jesu* mysteriis plenum. Mando vobis + defectores angelis, hinc velociter fugere, per admirabile nomen *Jesu*. Compello vos bestias, ut cedatis + ac sacerdotalibus verbis vestra feritas deleatur. *Jesus* ergo Dei Filius vos liget + *Jesus* fortis vos urgeat + *Jesus* Omnipotens vos flagellet + *Jesus* terribilis vos prosternat + *Jesus* magnus vos domet + *Jesus* excelsus vos humiliet + *Jesus* dulcis vos percutiat + *Jesus* sanctus vos jaculis confodiat + *Jesus* sapiens vos transverberet + *Jesus* admirabilis vos feriat + *Jesus* humillimus vos comburat + *Jesus* honorabilis vos torqueat + *Jesus* amantissimus vos maledicat + *Jesus* obedientissimus vos condemnet + *Jesus* justissimus vos dilaceret + *Jesus* purissimus vos confundat + *Jesus* jucundissimus vos enervet + *Jesus* patientissimus vos pellat + atque ad parendum compellat + *Jesus* Christus perfectissimus vos contundat + *Jesus*, qui est
Deus

Deus Ischyros, vos comprimat + JEsus, qui est
Deus Agyos, vos pungat + JEsus, Deus Otheos,
vos dissipet + JEsus, Deus Athanathos, vos verberet + JEsus, Deus Homoufion, vos maledictionibus repleat + JEsus, Deus Agla, vos pessundet + JEsus, Deus Tetragrammaton, vos eliminet + JEsus, Deus Adonay, vos dilaceret + JEsus Alpha & Omega, vos meæ potestati subjiciat + JEsus Nazareus vos durissimè imperet + vos increpet + vos humiliet + vos hinc procul abscedere cogat, amplius non reversuros.

Ipse enim, juxta Gabrielis pronunciatum, excelsus, & Altissimi Genitus nuncupatur: Etenim dedit illi Deus sedem David Patris ejus; regnatque in domo Jacob in æternum: Insuper & regni ejus non erit exitus. O altitudo igitur JESU? ô divitiæ, ô gloria, ô immensitas, ô æternitas, ô cunctipotentia Christi JEsu: est enim solus cuncta sublimitate præcellens, juxta propheticum dictum: Magnus Dominus, & magna virtus ejus: magnus Dominus, & laudabilis valde; magnus Dominus, & magnitudinis ejus non est finis; propterea, juxta magnitudinem suam, suæ operatus est castissimæ Genitrici, qui potens est. Magnus verè JEsus: quoniam non est, nec fuit, qui, vel gratiâ, vel natura similis ei esset. Magnus JEsus: quia, cum Dominus esset, & virtutum Deus, nullus fuit inter cunctos viros, qui eum non nisi à longè in aliqua re imitari valeret. Magnus JEsus: quia magna, atque sublimia mitibus associavit, ac junxit, utraque unum efficiens, copulansque carni divinitatem,

tem, impassibilitatem passibili, æternum temporibus, immensum parvo, immortalitatem morti obnoxio, ac denique Deum homini, nihil enim ibi vacasse scitis: tota est in Majestate humilitas, tota in humilitate majestas: nec refert unitas confusionem, nec dirimit proprietates unitatem. Aliud est in eo passibile, aliud inviolabile; & tamen ejusdem est contumelia, cujus & gloria. In documentum namque utriusque in eo naturæ, ô dæmones, vidistis alibi Angelos ministrasse Christo, alibi verò cum confortasse. Magnus JESUS, qui magna operari, magna prædicare, magna denique pati visus est, dum in terris vitam duxit, ac cum mortalibus est versatus. Quorum omnium magnorum, ac JESU mirabilium vos ô damnati dæmones, vos, vos ipsi, ob ejusdem gloriam, nostrorum gratiam, ac vestrorum omnium dedecus, testes fuistis, qui tam magno regi, ac Domino, supplicare, ac famulari dedignati estis. Meruit ipse Altissimi Genitus appellari, cum de Excelsi, atque Omnipotentis Spiritu sit conceptus, Virginem fœcundando, Virginem Matrem efficiendo, atque in purissimis ejus visceribus divinitus ipse descendens, carnem assumpsit ipse Deus; complens quod ante sæculorum curricula Davidi promiserat: de fructu seminis sui in Mariæ reservati renibus super thronum illius exaltaturum, atque inter fideles Ecclesiæ populos, absque tempore, fine, aut sæculorum termino, regnaturum. Ipse namque Dei Filius ex illibata Virgine natus, tum triumphantis Ecclesiæ caput extitit: propterea juxta

Joan.

Joannis promissum, ei nomen debetur æternum; Regis videlicet regum, Domini dominantium: cujus principatus, atque imperium super humerum ejus effectum esse proferetur; portans ipse crucem, in qua tandem pependit.

Per magnitudinem igitur Dei Geniti Jesu, vos denuò conjuro & dæmones tartareos, ut obtemperetis præceptis Altissimi à me vobis apertis. Exorcizo vos iterum & per potentiam nominis Jesu. Adstringo vos & per ineffabilem dignitatem Jesu Dei verbi. Compello vos, ut cedatis & per honorem Jesu, sub hoc nomine Dei geniti exhibitum. Impero vobis constantissimè & per cunctarum virtutum Jesu, super Sanctos & Sanctas suas, excellentiam. Cogo vos pertinaces per admiranda verba, per opera ineffabilia, per passionem, cunctos excellentes imitationis terminos; quæ dixit, quæ fecit, quæque pro nobis ipse Dei Genitus passus est. Urgeo vos audaciter tò spurcissimi, O vilissimi, per elationem, atque dignitatem Jesu super cunctos Sanctorum ordines. Mando vobis & per thronum Jesu, in sanctorum Ecclesia sublimiter erectum. Coarcto vos canes nigros, per Jesu Christi imperium sempiternum, ut sub iisdem pænis, initio à me promulgatis, ac milles vobis augendis, obedientiam exhibere teneamini mihi Dei ministro, Christi-que instrumento, nomine ejusdem Jesu, per me vobis præcipientis, atque imperantis, fugam videlicet ab hoc corpore parandi. Audite tandem obdurati corde in sapientia; audite, & si vale-
tis, Angelicam attendite vocem, incarnationis
myste-

mysterium in utero Virginis absque virili commercio enucleantem. *Spiritus Dei excelsi*, ait ipse, *superveniet in te, & virtus Altissimi obumbrabit tibi: indeoque sanctum, quod ex te orietur, O Maria, vocabitur Dei Genitus: nihil enim impossibile est omnium effectori.* Itaque *Spiritus Dei sanctus*, sublimis, & excellens puellæ intrans in viscera, humilitatis plenæ, divinum conceptum efficit. Fugit verò ipsemet *Dei Spiritus*, & à vobis, ô arrogantia, ô pertinaciæ magistri, procul recedit. Obumbrat cælestis, divinæque virtus innocentium pectora, pura, munda, & synceritate decora: vos autem, ô fallaces, ô immundi spiritus, à cælesti illo *Dei spiritu* longè acti estis, atque fugati: neque ante, neque post dignissimum *Virginis Deiparæ* ortum aliquid in ea obscuritatis, vel labis reperistis, ubi nequitia, ô infernorum corvi, pedem figere potuissent; cùm divinâ protectam potentiâ, atque virtute, subitâque præoccupatam gratiâ eam invenistis: scriptum est enim: *adjuvabit eam Dominus manè diluculo.* Fugat lux ista virgineas tenebras tartareas, ô pessimi tenebrarum duces: eliminat immunditiam vestram pudicitia norma: excutit consortium malignorum virtutum omnium receptaculum: exemplar bonitatis scelerum vestigia irrita reddit. Angelorum Domina Deique Mater alma diabolorum abhorret duritiam, posternit perfidiam, pessundat audaciam, conculcat superbiam. Sed, cùm illammet obumbratam auditis, nequaquam obscuratam intelligitis: divina etenim obumbratio, illuminatio est, claritas est, splendorque cælestis.

 Ecce
vos

vos, ô miserrimi tenebrarum incolæ, tanti luminis gratiam quondam experti fuistis, perfusi estis ab initio luce ista matutina: sed, cum dilexeritis magis tenebras, quàm lucem, *obscuratum est inspiens cor vestrum*, atque intelligentia vestra perpetua remansit obnubilata caligine.

Obscuret vos igitur divini claritas Spiritus† compellat vos mecum Dei fulgor. Ulciscatur† vos mecum virtus Altissimi† exorcizet vos mecum efficacia sancti Spiritus† imperet vobis Dei splendor† urgeant vos mecum Paraclyti munera† enervet vos mecum divinæ ultionis virtus† convincat vos mecum Angelica vox Gabrielis† sicuti Mariæ suasit, ut Dei pareret mandatis, dum dixit: *Ecce Ancilla Domini, fiat mihi juxta verbum tuum*. Ex cujus humili, singularique assensu, Dei verbum illicò de æterni Patris sinu descendens, & in virgineum uterum se recipiens, verè carnem factum esse credimus; incarnationis divinæ arcanum ineffabiliter complens; in unius simul singularitate personæ duas copulans, atque subsistere faciens, tam varias, tamque remotas naturas. Sic itaque Matrem habere Deum secundum carnem, non abstulit sine matre eum esse secundum divinitatem: nec contaminatus est ipse in ea carnem assumens, qui eam creando, non fuit contaminatus; nec ex ea ipsa genitus, factus est coinquinatus; quin potius gloriam Regi obtulit nostra humanitas. Si enim ignominia foret Deo, in utero, quem ipse formaverat, illabi, probro esset etiam & hominibus ministrare; neque pro nobis egenus factus esset, cum dives foret.

Qui

Qui ergò, ô dæmones, secundum propriam naturam impatibilis est, is propter misericordiam plurimis perpeſſionibus devinctum se teneri voluit. O uterum in quo (ad inferni confuſionem) communis confectus est libertatis humanæ libellus! ô ventrem, in quo adversus mortem fabricata sunt arma! ô arvum, in quo ipse naturæ colonus, sine semine germen genitus est, & spica! ô templum, in quo Deus factus est Sacerdos! naturam non demutans, sed eum, qui est secundum ordinem Melchisedech, per misericordiam induens. Verbum Caro factum est. O magnitudinem virtutis Dei! quæ nullas in angusto sentit angustias, uterum Virginalem non adventitio, sed indigena puerperio fœcundavit. O arcanorum arcanum! ô caro Deificata! ô tandem homo, non Angelus, sed Deus effectus! ob quam dignitatis sublimitatem & excellentiam, corporalis natura, terreſtris, ac infima, supra spirituales formas, atque substantias singulariter elevata resplendet, interque Sanctorum choros semper congaudens, ab ipsis cælorum spiritibus adoratur, & colitur, ad vestram ô invidi dæmones, destructionem, cruciatum, & pœnam.

Per istius ergò divini verbi robur, vos denique conjuro Dei rebelles, ut cedatis verbo Dei, ore Sacerdotis prolato, ut cedatis ministro Christi, hinc illicò recedendi. Exorcizo vos durissimos, per Mariæ obſequentiam, atque humilitatem, quæ, verbis cedens Angelicis, Deipara effici meruit. Urgeo vos, ut obediatist per Mariæ con-

sensum in Annuntiationis mysterio. Compello vos, ut ad vestram duritiem vos prosternatis, per divini verbi incarnationem † cogo vos † per merita tanti mysterii. Impero vobis † fortissimè. per causam tanti Sacramenti. Urgeo vos acerrimè, per † sanctissimæ Christi incarnationis congruentias singulares. Præcipio vobis † per tantorum arcanorum dignissima merita. Conjuro vos † per inclytam incarnati verbi gloriam : ut tandem per cuncta illa, quæ de altissimo hujus incarnationis arcano dici, excogitarique possunt, vos iniquos, vos pessimos, vos infames demones exorcizo † ut ab hoc corpore recedatis. Quapropter iterum & millies, vos ipsos inobsequentes condemno † vos pertinaces damno † ut cunctis subiaceatis blasphemiiis, atque execrationibus congestis, ac sine fine contra contumaciam vestram congerendis. In nomine, & potentia Dei Patris † Dei Filii † Dei que Spiritus sancti † nec non & Deiparæ, ac præcellæ semper Virginis Mariæ † Amen.

Exorcismus VI.

In cunctis Festivitatibus ejusdem Deiparæ Virginis; videlicet Conceptione, Nativitate, Præsentatione, Visitatione, Purificatione, Assumptione: ac per Octavas earumdem; nec non & in Sabbatis per annum.

*Præparatio ut in primo Exorcismo; præter ea,
qua hic habentur propria.*

Vers. Dominus vobiscum &c.

† **Sequentia sancti Evangelii secundum Lucam.** †

Resp. Gloria tibi Domine. †

In illo tempore, loquente Jesu ad turbas, ecce mater ejus, & fratres stabant foris quærentes loqui ei. Dixi autem ei quidam: Ecce Mater tua, & fratres tui foris stant quærentes te: at ipse respondens dicenti sibi, ait: quæ est mater mea, & qui sunt fratres mei, & extendens manum in Discipulos suos, ait: Ecce mater mea, & fratres mei. Quicumque ergo fecerit voluntatem Patris mei, qui in cælis est, ipse meus frater, & soror, & mater est. *℟.* Laus tibi Christe.

Per Evangelica dicta extingatur † dissipetur † & destruat † in te omnis dæmonum virtus. In nomine Patris † & Filii † & Spiritus sancti Amen.

Dicuntur Litania Beata Virginis.

Sub tuum præsidium confugimus, sancta Dei Genitrix, nostras deprecationes ne despicias in necessitatibus nostris; sed à spiritibus immundis libera nos semper, Virgo gloriosa, & benedicta.

℣. Depone potentes de sede.

℟. Et exalta humiles.

℣. Inimici tui mox ut honorificati fuerint, & exaltati.

℟. Deficientes quemadmodum fumus deficiant.

℣. Vidi impium superexaltatum.

℟. Transivi, & ecce non erat.

Vers.

Verf. Super aspidem, & basiliscum ambulasti.

Resp. Et conculcasti leonem, & inferni draconem.

Verf. Tu confregisti capita draconis.

Resp. Dedisti eum escam populis æthyopum.

Verf. Ad nihilum deductus est in conspectu tuo malignus.

Resp. Timentes autem Dominum glorificati.

Verf. Sicut oves in inferno mitte illos.

Resp. Et mors depascat eos.

Verf. Ora pro nobis sancta Dei Genitrix. Resp.

Ut digni efficiamur promissionibus Christi.

Verf. Dominus vobiscum &c.

Oremus.

Concede nos famulos tuos, quæsumus Dominus Deus, perpetuâ mentis, & corporis sapientie gaudere; & gloriosâ Beatæ Mariæ semper Virginis intercessione, à præsentis dæmonum liberari tristitiâ, & æternâ perfrui lætitiâ. Per Dominum nostrum Jesum Christum Filium tuum, &c.

Canticum Beata Maria.

Magnificat anima mea Dominum &c.

Lectio Isaïæ Prophetæ.

ET erit in die illa, cum requiem dederit tibi Deus à labore tuo, & à concussione tua, & à servitute dura, quâ ante servisti: fumes parabolam istam contra regem Babylonis, & dices quomodo cessavit exactor, quievit tributum? convulsit Dominus baculum impiorum, virgam dominantium, cædentem populos in indignatione, plagâ insanabili, subicientem in furore gentes;

persequentem crudeliter : conquievit , & filuit
 omnis terra : gavisa est , & exultavit : abietes
 quoque lætatae sunt super te , & cedri libani , ex
 quo dormisti , non ascendit , qui succidat nos.

Infernus subter conturbatus est in occursum
 adventus tui : suscitabit tibi gigantes. Omnes
 principes terræ surrexerunt de solis suis : om-
 nes principes nationum. Universi respondebunt
 & dicent tibi : & tu vulneratus es sicut & nos
 nostri similis effectus es. Detracta est ad inferos
 superbia tua. Concidit cadaver tuum , subter
 te sternetur tinea : & operimentum tuum erunt
 vermes. Resp. Deo gratias.

Oremus.

Superveniat nobis, Domine, Dei Genitricis
 oratio; quam in hac dæmonum pugna effica-
 citer pro nobis intercedere sentiamus, per Do-
 minum nostrum IESum Christum Filium tuum
 qui tecum &c.

Antiphona.

Ave, Regina cœlorum :
 Ave Domina Angelorum.

Salve radix , salve porta ,
 Ex qua mundo lux est orta.

Gaude , Virgo gloriosa ,
 Super omnes speciosa :

Vale ô valdè decora ,

Et pro nobis contra dæmones exora.

✠. Dignare nos laudare te, Virgo sacrata.

✠. Da nobis virtutem contra hostes tuos.

✠. Dominus vobiscum.

✠. Et cum Spiritu tuo.

Sequentia sancti Evangelii secundum Lucam. †

Resp. Gloria tibi Domine. †

In illo tempore, erat Jesus docens in Synagoga
Sabbatis: & ecce mulier, quæ habebat spiritum
infirmi-
tatis annis decem & octo; & erat inclinata, nec omnino poterat sursum respicere,
Quam cum videret Jesus, vocavit eam ad se, &
ait illi: mulier dimissa es ab infirmitate tua. Et
imposuit illi manus, & confestim erecta est, &
glorificabat Deum. Respondens autem Archi-
synagogus, indignans, quia sabbato curasset JE-
sus, dicebat turbæ: Sex dies sunt, in quibus o-
portet operari, in his ergo venite, & curamini,
& non in die sabbati. Respondens autem ad illum
Dominus, dixit: Hypocritæ, unusquisque ve-
strum sabbato non solvit bovem suum, & asinum
præseprio, & ducit ad aquare? hanc autem fili-
am Abraham, quam alligavit satanas ecce decem
& octo annis, non potuit solvi à vinculo isto die
sabbati? & cum hæc diceret, erubescabant om-
nes adversarii ejus: & omnis populus gaudebat
in universis, quæ gloriosè fiebant ab eo. R.
Laus tibi Christe.

Per Evangelica dicta extingatur & dissipetur &
& destruat in te N. omnis diaboli virtus.
In nomine Patris & Filii & Spiritus sancti
Amen.

Oremus.

Defende, quæsumus Domine, beatâ Mariâ sem-
per Virgine intercedente, istam ab omni
perniciose creaturam & toto corde tibi prostra-
tam, ab hostium propitius tuere clementer in-
fideliis

fidiis† Per Christum Dominum nostrum , A.
men.

Asperio creatura.

Aqua benedicta extinguat, & sejungat à te N.
omnia dæmonum ficta. In nomine Patris † &
Filii † & Spiritus sancti † Amen.

Exorcizatio creatura.

EXorcizo te † N. creaturam Dei vexatam per
omnipotentiam Dei Patris † per sapientiam
Dei Filii † per mansuetudinem ejusdem Dei Spi-
ritus † sancti, ut efficiaris vas mundum, & purga-
tum ab omni labe iniquitatis ; ad recipiendum
supervenientem Dei virtutem : & ejicias à te
omnem dæmonum nequitiam, ad invocationem
Altissimi : per eum, qui cùm esset æternus , in
Virginis utero nasci voluit, Amen.

Oremus.

COncede, quæsumus omnipotens DEUS , ut
hæc creatura tua N. quæ protectionis tuae
gratiam quærit, à malignis spiritibus eruta, secu-
ra tibi mente famuletur. † Per Dominum no-
strum JEsu Christum &c.

Exorcismus.

† **G**Audeamus nos omnes in Deo, inclytam ce-
lebrantes gloriam Beatissimæ semperque
Deiparæ Virginis Mariæ ; de cujus honoris sub-
limitate lætantur Angeli, exultant Archangeli
jubilant Throni, Festum agunt Dominationes
hilarescunt Virtutes, plaudunt Potestates Che-
rubim atque Seraphim sine fine concinunt, ut
voce dicentes : Sancta, Sancta, Sancta Dei Ma-
ter alma, pulchra ut luna, electa ut sol, sed ter-
ribilis

bilis contra dæmones , ut castrorum acies ordinata. Pulchra atque decora fidelibus, cunctisque cœlorum spiritibus valde speciosa : infernorum autem principibus nimis formidabilis : Eja ergo, vos spiritus tenebrarum, spiritus nequitiae, ac luctus, spiritus horroris, & solitudinis, spiritus timoris, atque ærumnarum : quid vobiscum commune ? quale dæmonibus cum Dei famulis, Mariæque commercium, dum creaturam istam fidelem ejusque devotam, temerario ausu occupare non erubescitis ? An nescis, tu, dux nequissime hujus cohortis, vosque omnes spiritus nefandissimi, an vos latet, ad hoc conceptam fuisse absque labe Mariam ? ad hoc ortam, ad hoc in Dei Genitricem electam, ad hoc illibatam remansisse post partum, ad hoc tandem supra Angelorum provectam fuisse choros ? ut videlicet benignissime ex alto ipsa prospiciens super filios hominum, efficacius nos protegeret, fortius adjuvaret, validius contra vos pessimos, invidos, ac tartareos hostes præmuniret ? Exultet igitur, ad vestram ignominiam, & cruciatum, fidelium chorus ; Exultet tantæ Virginis sublimitate & gloriâ. Vos autem, vos tartaræ bellæ rugite, ejulate, ac, quantum in vobis est, ingemiscite. Ego etenim Dei Sacerdos, Christi minister, & instrumentum, ac Mariæ famulus, auctoritate mihi traditâ à sancta Romana Ecclesia, in ejusdem Dei, ejusque Genitricis meritis constructa, nomine tantæ Majestatis, ex hoc vos totis cordis ac mentis meæ viribus aggredior, vosque viriliter exorcizo † vos adjuro † vos conjuro † vobis

efficaciter impero † ut omni fallacia ac decipien-
 di arte remota, simpliciter præstetis mihi obedi-
 entiam in omnibus, quæcunque vobis injunxe-
 ro, ad Dei gloriam, vestrum dedecus, & creaturæ
 hujus à vestrorum manibus perfectam ereptionem.
 Conjuro vos igitur dæmones † exorcizo †
 compello † urgeo † per Mariam semper Virgi-
 nem, ut ad unguem obediat mihi in cunctis
 verbis, eo modo, & forma, quæ injungetur vobis
 juxta meam sententiam: declarando, illam ta-
 lem esse; videlicet, si aliquo ligamine, factura,
 signo, scripturâ, pacto, dicto, materiâ, aut qua-
 cumque re, vel virtute, à quovis spiritu, vel ho-
 mine constructo, composito, signatove, quo-
 cumque in loco, ac tempore, hoc in corpore,
 vel circum, aut quomodolibet detineamini; ea-
 dem auctoritate, & potentia idcirco à me vobis
 præstita, cuncta illa solvere, ad nihilum redige-
 re, delere, destruere, atque confringere debeatis;
 ut ego ipse nunc & semper absolvo † resolvo †
 destruo † ac penitus deleo † nec non si aliquâ aliâ
 virtute extrinsecâ vos juvami, detineri nitimi-
 ni, corroboramini, mihi que adversari, vel mea
 remorari mandata cogimini; ego ipse eadem au-
 thoritate vos, ac præfatam contumacem, adju-
 tricem, vel imperatricem potentiam enervo †
 debilito † ligo † constringo sub poena illicò incur-
 renda, cruciatuum vestrorum, per mille gradus,
 singulis quibusque momentis augendorum, us-
 que in diem tremendi judicii: In nomine Jesu
 Nazareni † ac per merita Deiparæ Virginis Ma-
 riæ † insuper hanc eandem poenam, & causam
 sem-

semper me reiteraturum cogito ; ita , ut quodlibet conjurationis hujus verbum , omnis syllaba , omnis littera , cunctusque vocis meæ accentus , divinâ suffusus ope , atque virtute , sint vobis , & contra vos , cunctisque obstantibus , resistentibus , veluti sagittæ potentis acutæ cum carbonibus desolatoriis , & ut fulgura , tonitruaque coruscantia , inflammantia , ac vestri omnium proterviam , defectionem , obstitutionem , atque duritiem confringentia . Cogo igitur vos † per Deum Altissimum , ut illico , nullâ injectâ morâ , hinc fugiatis . Compello vos , ut cedatis † per Deum Omnipotentem . Exorcizo vos † ut recedatis , per DEUM magnum , atque terribilem . Præcipio tandem vobis † per virtutem Dei Genitricis , ac semper Virginis Mariæ , cujus peculiaris prærogativæ vobis invidis sunt exploratæ .

Sed , ad vestrum dedecus vestrumque supplicium , ipsas vobis strictim objicere non desinam . Ipsa namque est creatura illa benedicta , atque in æternum a Deo secundum spiritum designata , ut dicitur : *ab initio , & ante temporum sæcula creata sum : & alibi : Ego ex ore Altissimi prodivi , primogenita ante omnem creaturam .* Elegit eam Excelsus in Filii sui matrem ; ideoque præstantissimis super omnes spiritus cælestes , terrestres , atque infernorum eam muneribus decoravit . Dixit namque : *Gyrum cæli circuii sola ; & in profundum abyssi penetravi : in fluctibus maris ambulavi : in omni loco steti : in omni populo , & gente Ducatum habui .* Merito namque virtutum omnium , atque gratiarum eam plenam esse decebat , cunctisque perfectionibus decora-

tam, omnium creaturarum effectorem, & Do-
 minum mox genituram. Verum properante
 jam hora, in qua tam singulare gratiarum prodi-
 gium mortalibus patefacere voluit Dei dextera,
 Deique sapientia, ac, veluti consurgentem au-
 roram mundo ostendere constituit illam; la-
 queos vestros culparum scilicet & mortis, qui-
 eam ut ceteros Adæ præoccupare filios tenta-
 bant, præcidit ipse velociter; potentiam effici-
 ens in brachio suo valde robusto, & vos superbos
 fortiter acriterque disperdens: læva enim Altissi-
 mi sub capite illius illicò descendens, atque ejus-
 dem dextera amplexata est eam, ne à vobis, ac
 nequitiae vestrae compedibus teneretur in via, si-
 cut & ceteros homines post miserrimum primi
 parentis lapsum impiè detinetis: Unde & ipsa met-
 aiebat: *omnium excellentium, atque sublimium corda*
propria virtute calcavi: Scimus namque, quòd ei
 plus gratiae collatum fuit ad vincendum omni
 ex parte peccatum, concipere, & parere meruit
 eum, quem constat nullum habuisse peccatum:
 ex quo potuit solus hujus puerperæ filius pro hac
 parte cantare canticum novum: sine iniquitatibus
 conceptus sum, & sine peccatis concepit me ma-
 ter mea. **Mentes vestrae, ô stulti & elati corde,**
 ad malum semper propensæ, ut nimirum de ma-
 nu Domini pretiosam ipsius animam impiè ra-
 peretis, atq; originali labe pollueretis, anxie qua-
 rebatis, ne illam hujusmodi dignam encomio
 creator afficere potuisset; videlicet: *Tota pulchra*
es amica mea, tota pulchra es, & macula non est in te.
Sed elusi fuistis, ô teterrimi hostes: quoniam
 Deus

Deus manè diluculo adjuvit eam, gratiarum imbre illam præveniens: unde mirati coelorum incolæ, invicem quærere cœperunt: *Quæ est ista, quæ as. endit de mundi deserto, de terra miseria, & tenebrarum, deliciis affluens, innixâque super dilectum suum?* quoniam verè magna, atque admirabilis ipsius effecta est gloria in salutari suo: etenim gloriam, & magnum decorem imposuit super eam Deus, fecitque illi magna, qui potens est. Hanc igitur illam esse mulierem discite, ô tartarei, quæ de turba sola extulisse dicitur vocem; super omnes videlicet Sanctorum cuneos, & Angelorum, altisonas Deo resonantem laudes; pro meritis, super cunctorum merita excellentioribus.

Per tot igitur Deiparæ Virginis munera præclarissima, ac peculiaria, quibus à luciferi unguibus præservatam fuisse scitis, ne ab originalis peccati fomite contaminaretur, vos dæmones iterum, eadèmq; forma, conditione, & mente, quâ suprâ exorcizo † conjuro † adjuro † ut vestram superbiam deprimatis, vósque Sacerdotilibus mandatis subjiciatis. Convenio vos † nequissimos spiritus tenebrarum, per Mariæ gratiam, quâ ab eodem Omnipotente præ omnibus diligi, atque ex omnibus diligi meruit creaturis. Cogo vos nefarios † per Mariæ animam dignissimam. Impero vobis canibus rabidis † per Mariæ dilectionem, quâ Deum est prosecuta. Mandando vobis pertinacissimis, ut † vestram duritiem per Mariæ integerrimam conceptionem frangatis.

Cujus sanctissimam animam, ut audistis, jam

talibus munitam præfidiis, atque muneribus decoratam, complacuit Altissimo consimili induere tunicâ, effingens illi ex stirpe regia Davidicæ prolis corpus suum integerrimum. Quod si claram proavorum titulis eam fuisse scitis, incomparabiliter clarior generositate extitit prolis, Filia siquidem Regum fuit ipsa, sed insuper & mater Regis regum à cunctis spiritibus prædicatur. Item & sanctorum virorum genere suum constipavit sanguinem; nec non & in civitate Dei illam oriri voluit; ut tantis antè sæculis Prophetarum oraculis prædictam fuisse scitis: *Qui creavit me, dixit mihi: in Jacob inhabita; & in Israël hereditare; & in electis meis mitte radices; & sic in Sion firmata sum, & in civitate sancta similiter requievi; & in Jerusalem potestas mea: & radicavi in populo honorificato, & in parte Dei mei hereditas mea, atque in plenitudine Sanctorum mea fuit mansio.* Verùm perpendite vos interim, infelicissimi, tantæ Virginis comorationem, illamque detentioni vestræ damnatissimæ æquiparate: imò & perantiquæ vestræ creationi illammet jungite. Fuistis & vos quondam initium viarum Dei, & summo coelorum fastigio concreati. Super astra protendebatur regio vestra sublimis; imò, ante omnem syderum lucem, educti fuistis in lucem illam inaccessibilem gratiæ Excelsi: adhuc etiam in populo, nedum honorificato radicati, verùm & insuper vos ipsi, vos in Dei populum, gentem, & domum collocati fuistis, ut unà secum federetis in gloria, ac de mensa Altissimi ederetis. Sed quia ingrati fuistis, atque in tam vasto munerum pelago humili-

tatis

tatis anchoram projicere reluctastis; idcirco oblivionis Aquilo fortiter contra vos insufflans, vosque propellens, ad durissimos superbiæ impexit sirtes, atque in portu ipso fuistis miseri naufragati contra, verò, Beatissima Dei Virgo, quæ, cum omnium mare percurreret gratiarum, ac Spiritus sancti vento flante super illam, sublimium meritorum sinus feliciter peragraret, nequaquam culparum fuit illisa scopulis; nec tentationum fluctibus obvoluta: Deus enim ipse in medio ejus potenter affuit; ideoque commotionis vestræ spiritus, ô damnati, illam penitus compellere non valuit.

Per realem igitur Mariæ progeniem, vos infernorum mancipia iterum exorcizo † ut hinc fugam paretis: per virtutem purissimi corporis Mariæ, vos infames iterum adjuro † per Mariæ ortum dignissimum vos nefarios conjuro † per cunctorum Patriarcharum virtutes, sanctitates, & merita, à quibus Mariæ corpus, & sanguinem ortum traxisse scimus, vos vilissimos ad humilitatem compello & præcipue impero vobis, ut cedatis, & vestrum rigorem frangatis, per opera Abraham † per virtutes Isaac † per virtutes Jacob † per virtutes Judæ † per virtutes David † omniumque simul Patriarcharum: quinimò per virtutes Joseph, Mariæ sponsi dignissimi † mando vobis † per præstantissimam Annæ prærogativam, cujus in utero, Deus ipse, ejus matrem intactam concipi voluit, ac tandem vos ligot vos enervo † vos condemnot † vos concutiot † vos verbero † in nomine Jesu, & semper pudicissimæ Genitricis ejus Mariæ † Amen.

Naf

Nascitur igitur puella hæc regia , veluti rosa aut lilium , licèt alienorum reatum aculeis undique septa , à labe tamen culparum semper aliena. Consurgit quasi oliva speciosa in campis, Dei Mater dignissima; oleum miserationum Dei scaturiens miseris. Adeò nàmque pietate repleta sunt à Creatore ubera illius , ut alicujus miseriæ notiâ tacta, lac fundant misericordiæ : nec possit miseras scire, & non subvenire. Et sicuti ubicunque fuerit corpus , congregantur & aquilæ : ita ubicunque fuerit miseria, ejusdem Virginis & currit & succurrit protinus misratio. Veluti platanus frondibus semper gravis culpis obnoxios à divinæ justitiæ radiis protegens. Ut cypressus ipsa Virgo insurgit, mentis suæ culmen ad Deum semper erigens. Uti cinamomum , & balsamum virtutum odore redolens. Quasi myrrha electa carnis corruptionem procul agens. Tandem, ad instar fumi virga, ex aromatibus incensi, ac thuris , pro nobis videlicet ad Deum preces effundens. O quàm speciosa hæc Dei Virgo fidelium obtutibus apparuit ! pulcherrima enim inter mulieres à cœlesti sponso vocari ipsa meruit : talem enim fore decebat eam, quæ conceptura erat speciosum formâ præ filiis hominum ; excelsum videlicet , Deique verbum, hominem effectum. Incessu gravis apparebat Virgo præclara , vultu decora, verecunda sermone, abjecta oculorum obtutu, gestu suavis, fructuosa verbis, operibus fervida, atque undique dilectionis igne succensa: pede premebat terrena, & cordis affectu summa cœlorum percurrerebat domicilia : semper ad Deum

Deum accedere cupiebat, quam Deus ipse præcipuo prosequeretur amore; dum ejus carnem assumptam ejus visceribus innocentissimè nutrebat. Miraculum factum fuit peculiare Virgo Dei Genitrix; unde legitur: novum fecisse Dominum super terram: mulierem scilicet circumdantem virum: illum videlicet, de quo prædictum jam scitis: ecce vir, oriens nomen ejus. Induit eam pro tunica, gratiarum sole, creator; de quibus dictum fuit ei ab Angelo: *Ave gratia plena.* Lunam subdit ei pro calceis: & stellæ firmamenti, ac cælorum sydera illi diadema regium texuere: ut videlicet, tùm terrarum, tùm cælestium creaturæ illius subdantur celsitudini, cujus uterum Deus ipse ingredi non est dedignatus. Hæc enim est Genitrix illius, qui à Deo Patre ante omne principium fuit genitus, & quem Angeli confitentur, & homines cunctorum esse Deum, & Creatorem. O Virginem, ô matrem, ô uterum, ô pectus igitur cælo latius! ô fœdus salutis sarcinam! O alvum, luti & figuli thalamum! O thronum, peccatorum mundi redemptionem! O Mariam mundi prodigium!

Hæc igitur vos mecum devincat & tartarei; vos mecum debilitet & vos mecum debellet & hæc Virgo vos consternat & hæc vos execrationibus affligat & hæc vos torqueat & ego in nomine præclarissimæ Virginis, & tantæ Dei matris virtute, vos denuò exorcizo & per Mariæ pulchritudinem vos conjuro & per inclyta sanctæ Mariæ encomia, vos supero & per Mariæ verba mitissima vobis fugam præcipio & per Ma-
ria

riæ gressus modestissimos, vobis mando † per Mariæ præclarissima opera, vobis exire impero † per amictam sole Mariam, vos cædo † per calceatam lunâ Mariam, vos flagello † per Mariam sydereâ redimitam coronâ, vos superbos obedire urgeo † ac sacerdotalibus cedere vocibus, ejusdemque pedibus vos subjici sub pœna pœnarum vestrarum, incrementi super arenam maris.

An non, cæci corde, tantæ Virginis humilitatem aspicitis! quæ creaturarum omnium ex animo se gressibus prosternebat: unde eam cecinisse jam scitis: *Respexit Deus humilitatem Ancilla sua.* Nonne percipitis ejusdem Virginis obsequentiam singularem? quæ Angelo sibi magna, ac mirabilia nuncianti, sic fuit effata. *Ecce Ancilla Domini, fiat mihi juxta verbum tuum.* Nunquid obscurus est vobis, tenebrarû cultores, ejus candor & puritas sublimis? quapropter sponsus ipse cælestis summopere eam commendavit dicens: *Sicut liliū inter spinas, sic amica mea inter filias:* cū ante partum, in partu, & post partum, mente & corpore in sempiternum illibata permanserit, etenim rectè nosti, quòd animaret te diabolus præsumere in ea congressum partus fæmineus: verum tamen terrebat virginitas parientis: quoniam quamvis Christum Maria, Evæ utique filia, peperisset; non tamen eum conceperat de Adam. Quapropter etsi audistis, illam divino fœcundatam spiritu; bene etiam vobis notum esse debet, quòd non novit Spiritus Sanctus Virginem corrumpere, sed sanctificare. Nescit Spiritus sanctus munditiem Virginis minuere, sed augere; nescit

nescit foedare, sed glorificare. Charitas Mariæ
nedum in terris, sed in tartareis vestris latibulis
sole clarior dignoscitur. Interrogate vos nomi-
ne Altissimi infelices illorum animas damnato-
rum, quæ vobiscum æternis torquentur incendiis,
quoties, dum in hac lachrymarum valle corpo-
reis vinculis detentæ, illamet adjutrice, gratiarum
imbre fuerint perfusæ: Quot inspirationum pia-
rum radiis, quôtque cælestia illa munera, illa me-
dia, à Dei misericordia, dum hæc degerent, ipsæ
perceperint? quot pænarum æternalium per tem-
poranea eis interjecta pericula evaserint! quot
pœnitentiæ stimulis, ipsa pro illis efficaciter de-
precante, desuper pungi meruerint? quæ tan-
dem animæ (sic merente cordium earum duritia)
in æternum ruerunt interitum, in quo vos etiam
versamini. Nec vobis ignota est ejusdem imen-
sapientia atque clementia dispensans egenis auri
copiam, Filio ejus Infantulo à Magis cultoribus
erogata; nobisque pauperibus quotidie de su-
pernis sedibus largiter dona mittens: unde &
mater pauperum à fidelibus nuncupari meruit.
Mansuetudo ejus cunctis eluxit creaturis: de ea
namque scriptum esse scitis: descendit sicut plu-
via in vellus: placidè nimirum in placidam
Dei verbum illapsit; quietè in quietam; suaviter
in suavem; benignè in benignam; jucundè in ju-
cundam. Est insuper prudentissima Virgo Maria,
cunctis nostris opportuna suppeditans remedia
malis. Fidelis est super omnes: cunctos enim fide,
tum veteris, tum novi testamenti antecelluit ip-
sa Sanctos: quæque & ipsum fidei nostræ aucto-
rem

rem fidelibus peperit. Spes ejus omnem spem exuperavit. Sed quis mortalium Mariæ virtutes oratione prosequi valebit? Potentissima est tandem super omnes potentes; cum solo consensu, de cælesti fastigio traxerit illum, qui magnus est, & excelsus super omnes deos, quique mirabilia magna operatur solus in cælo, in terra, & subtus terram.

Per istius igitur tam eximie Virginis virtutes; aclaudes, iterum vos impuros dæmones exorcizo † ut præceptis Altissimi per me ejus *Ministrum* vobis injunctis, obtemperetis. Per Mariæ validissimam potentiam, vos tartarorum mancipia conjuro † per Mariæ spem accensam, vos cado † per Mariæ fidem firmissimam, vos punio † per Mariæ prudentiam, vos cædo † per Mariæ pietatem atque clementiam, vos pessundo † per Mariæ erga Deum suum & homines charitatem, vos canes adstringo † per Mariæ illibatam Virginitatem vos confundo † per Mariæ obedientiam, vos ad obediendum compello. Per **MARIÆ** inclytam humilitatem vos arrogantes, vos infames, vos damnatos, vos pertinaces humiliari præcipio †.

Ipsa est enim fortitudo nostra, ipsamet Deipara Virgo est spes nostra: Maria solamen, Maria tutamen est nostrum; Maria nostrorum medela, Maria refugium nostrum, Maria nostrum robur, & virtus, Maria gaudium, Maria sors nostra, Maria dux nostra est, Maria speculum nostrum, Maria conciliatrix nostra, Maria thesaurus noster, Maria *ignavium* sapientia, Maria simpliciū

ma-

magistra, Maria pax, Maria amor est noster, Maria
fidelium gloria, Maria salus omnium, Maria
omne bonum, atque orbis terræ felicitas est: un-
de procul dubio vos ad obedientiam impellet,
vestramque superbiam suis conteret pedibus, ex-
pellendo vos fortiter ab hac creatura Dei, san-
guine Filii sui signata atque redempta: quoniam
e converso, ipsa met Maria lux est, vestrarum te-
nebrarum fugatrix, ipsa est flagellum impuro-
rum spirituum, ipsa est supplicium dæmonum
infernorum, ipsa est damnatrix obstinatorum,
ipsa imprecatrix est vestrarum execrationum,
ipsa potentissima contra luciferinam perfidiam
bellatrix, ipsa est oppressio tumidorum Dei ho-
mium, ipsa est oppugnatrix humanæ salutis ad-
versariorum, ipsa est confusio obstinatorum ser-
pentum, ipsa est domatrix Dei rebellium, ipsa est
dolor, afflictio, pavor, tremor, horror, totius-
que inferni concussio. Gaudeat igitur terra no-
stra tantæ Virginis illustrata decore, ac virtute
defensa: lætetur fidelium Ecclesia, ejus præcel-
lenti majestate protecta: exultent Sancti, sub ta-
li capite coacti. Jubilemus & nos omnes, sub
Mariæ Virginis auxilio, de nostro adversus vos,
tartarorum bestię, triumpho. Maria igitur,
quæ est potentissima, validissima, nobiscum ad-
est, & cum creatura ista N. ipsaque corroboret
nos contra vos pertinacissimos, & præbeat no-
bis virtutem suam desuper, ut verba mea, veluti
Dei Omnipotentis eloquium, ignita sint vehe-
menter: ita ut ad quascumque syllabarum par-
ticulas, accidentales vestros augeant cruciatus,

vestram retundant proterviam, vestrasque cervices libenter ad ima defleant, juxta mei sententiam, Sacerdotis, Deique ministri præcipientis. Ipsa enim Maria, Mater Jesu Nazareni, exorcizet vos † Maria, Dei mater Sabbaoth, cruciet vos † Maria, Dei Genitrix Eloyim, affligat vos † Maria mater Dei Eloha, perterreat vos † Maria, mater Dei Agyos, contundat vos † Maria, mater Dei Otheos, conjuret vos † Maria, mater Dei Athanatos, cedat vos † Maria, Mater Dei Ischyros, præcipitet vos † Maria mater Dei Homoufion, verberet vos † Maria, mater Dei Tetragrammaton, duris vos adstringat vinculis † Deipara Virgo Maria, consternat vos † confundat vos † premat vos † condemnet vos † incendat vos † vos jaculis confodiat † vos feriat † vos præcipitet † atque omni execratione, & malorum copia vos undique opprimat.

Nec tantæ virtutis sublimitati defuisse creditis occasionem patiendi: ipsa namque absque culparum labe concepta; quinimò & ab actuali peccatorum macula ipsamet inconcussa per totam vitæ seriem perdurans; semper tamen dolorum fuit confossa gladio innocens Dei mater, ob Filii ejus tormentorum incurfus: scriptum enim scitis: tuam ipsius animam pertransibit gladius: nimirum doloris, non materialis. Quo martyrio gravius & ipsa passa fuit, quam ferro. Quantò enim incomparabilis amavit tantò vehementius doluit. Unde sicuti non fuit amor, sicut amor ejus, ita nec fuit dolor similis, dolori ejus. In martyribus enim magnitudo amoris
dolo-

dolorem lenivit passionis: sed beata Virgo, quando plus doluit, tanto que ipsius martyrium gravius fuit: unde quia plus cunctis dilexit, & juxta magnitudinem amoris erat vis doloris, gravius passa fuit mente, quam martyres carne.

Mariæ igitur dolores vos dæmones crucient † Mariæ gladius peracutus vos insensatos transverberet † Mariæ labores vos diabolos torqueant, Mariæ lachrymæ vos mergant † Mariæ suspiria vos noceant † Mariæ tormenta gravissima vos meis cogant obsequi mandatis † Mariæ Virginis afflictiones, pœnæ, amaritudinesque ob filii sui passionem, & mortem, vos inferni hostes diacerent † vos obduratissimos premant † vos pessimos tentatores urgeant, ac sine fine vos crucient †

Verum hæc dignissima Dei mater, & virgo; post hujus tam inclytæ vitæ cursum, licet cruciatibus plenum (ut meritorum alis levius extolleretur ad astra) pio igne succensa ob sponsi dilectionem, in suavissimo Dei osculo secessisse traditur, ne deinceps unquam decederet, cum ab hac ærurnarum valle, veluti nebula, solis radio, ab ipsius scilicet sponso pertracta fuit in cælorum sedes super æthera collocanda. Sed, an scitis, pessimi tentatores, scitisne locum, quò potissimum illam Dei manus perduxerit? & ubi Dei Filius, matrem suam dilectam collocarit? ubi cœlestis sponsus, sibi nobisque gemmam illam preciosissimam, ac valde decoram, servarit? vos, qui de cœlestibus cecidistis habitaculis, vos, qui in cœlorum cives fuistis quondã destinati, clarius

perlustrabitis regiones illas, nobis viatoribus non nisi fide notas: loquimini ergo: dicite, atque primævas sedes vestras sublimes enarrate. Sed heu miseri, *infandum vos jubeo vestrum renovare dolorem.* Dicam ipse verbo, quod lætitia exultans & gaudens concinit nobis Beata Mater Ecclesia, *Exaltata est, inquit, sancta Dei genitrix super Choros Angelorum ad celestia regna:* unde jam de ea dici potest novum creavit Dominus, nedum super terram, sed super æthera; dum vestras Angelicas foemina occupat sedes; caro astra premit, calcit cœlorum mulier globos: neque amplius unico sole vestiri, aut unica tantum calceari luna, vel parvo syderum numero redimiri ipsa dignatur; sed & omnium cœlorum atq; stellarum perlustrans circulos, ipsi soli, lunæ, ac syderum catervis splendorem elargiens ac radiorum gemmis largiter coronans, Angelicis ipsis spiritibus decorem impartitur, & gloriam. Hinc canitur: *Assumpta est Maria in cœlum, gaudent Angeli, & collaudantes benedicunt Dominum.* Dignum quippe fuit, corpore non se jungi à partu eam, quæ prærogativam singularis gratiæ meruit præ mulieribus privilegiata, ut non mulierum, sed Virgineo ejus lacte aluerit, non hominem purum, sed, & Dei Patris Filium, qui sedet à dextris ejus in excelsis. Dignum est etiam famulos Domini exaltatione collætari, & gloria. Deus enim Rex, ejusque Creator excelsus, diadema regni in capite ejus posuisse certissimum est, fecitque eam regnare, atque convivium ei præparari jussit: insuper posuit solium ejus super omnes principes, quos habebat: sic e-

nim de hoc elevationis mysterio prædictum fuit per Michæam : in novissimo dierum erit mons, domus Domini, præparatus in vertice montium, & sublimis super omnes colles : inter quos fuistis & vos, vestro cum lucifero, ô superbi & elati corde ; qui Dei gloriam, jussúmque contemnentes, adversùs effectorem vestrum intumescere ausi fuistis : idcirco in profundum abyssi detrusi estis. Commutastis pro cœlo barathrum : & in sedium veltrarum fastigium Dei ascendit puella : super cœlorum astra suum exaltavit solium, seditque Virgo mitis : quoniam ex ore sapientiæ jam didicistis, gloriæ præcedere humilitatem, & sic mitem corde Mariam gloria ipsa suscepit æterna. In profundo humilitatis, atque dejectionis chao sese Virgo abdiderat : attamen ille qui excelsus est, quique mites spiritu salvos facere consuevit, mittit de summo, & accepit eam. Illámque de aquis multis assumere, atque eripere studuit à vobis inimicis fortissimis, qui lethali semper odio eam insecuti fuistis. Sic ergò ipsamet suo cum Filio in æternæ gloria sublimitatis congaudet adjuvans nos, protegens, atque nos ejus devotos, ac famulos à vestro, ô nefandi hostes, livore, & invidia fortiter defendens : unde & de ea jure optimo (ad vestram dæmones confusionem, ejusque gloriam) cunctus populus Christianus benedicere potest : non est, non est talis mulier super terram mortuorum, atque viventium, in aspectu, in pulchritudine, & in sensu verborum, quæ comparetur ei. Benedicta es tu Virgo à Deo tuo in omni tabernaculo Jacob, quoniam

in omni gente, quæ audierit nomen tuum magnificabitur super te Deus Israël.

Benedicta tu Filia à Domino Deo Excelso præ omnibus mulieribus super terram. Benedictus Dominus, qui creavit cœlum & terram, qui te direxit in vulnera capitis principis inimicorum nostrorum luciferi. Tu igitur gloria Jerusalem, tu lætitia Israël, tu honorificentia populi nostri, Christi que fidelium; quia fecisti viriliter contra inferni hostes, & sola interemisti diabolorum catervas in universo terrarum orbe.

In cujus præfenti agone, iterum atque iterum DEI ejusque Genitricis ipse opem implorando, per illam vos maledictos conjuro ut ð pareatis, ac cedatis. Per Mariæ gloriam sublimem vos fugere compello ð per Mariæ Virginis inclytam in astris coronationem vos dæmones adjuro ð per Mariæ peculiarem in tanta solemnitate exultationem, vos scelestos, vos obstinatos, vos virilissimos compesco ð per Mariæ lucidissimam elevationem, vobis mando ð per Mariæ nitorem, & gloriam, vos compello ð per Mariæ laudes, ab Angelis, ac Sanctis in cælestibus decantatas, vos diabolos ad cedendum cogo ð per Mariæ gratiam, & merita in hac ejus assumptione elargita, vobis impero ð per Mariæ munera, quæ, ob tantam gloriam sibi datam, suis impartiri dignatur servulis, vobis mando ð per Angelorum, Archangelorumque concentus, & gaudium in tantæ Virginis assumptione, vos nequissimos exorcizo ð vobis firmissimè adversor ð vobis viriliter impero, ut mea exequamini mandata, hinc ve-

loci-

lociter recedendo : aliàs , ſub iisdem pœnis , in nomine JEſu Nazareni , ejusque Virginis Matris Mariæ , vos , vobis que faventes , vos detinentes , conſilium dantes , vobis auxiliantes , in æternum contradico , ut execratio , interdictio , excommunicatio cœleſtium Angelorum ſint ſuper vos † maledictio Deiparæ Virginis exterminet vos † maledictio Dei Deique Genitricis Mariæ excruciet vos † augeâtque ſupplicia veſtra absque menſura , uſque ad judiciï magni diem † in nomine Dei Patris † Dei Filii † Dei Spiritûs ſancti † Deique matris ſemper Virginis Mariæ &c. † Amen.

Exorcismus VII.

In Feſto ſancti Joſephi , & per Octavam.

Preparatio ut in primo Exorcismo , præter ea , quæ hic habentur propria.

† Sequentia ſancti Evangelii ſecundum Matthæum †. Reſp. Gloria tibi Domine †.

Cum eſſet deſponſata Mater JEſu Maria Joſeph ; antequam convenirent inventa eſt in utero habens de Spiritu ſancto. Joſeph autem vir ejus , cum eſſet juſtus , & nollet eam traducere , voluit occultè dimittere eam. Hæc autem eo cogitante , ecce Angelus Domini in ſomnis apparuit ei , dicens : Joſeph fili David , noli timere accipere Mariam conjugem tuam , quod enim in ea natum eſt , de Spiritu ſancto eſt. Pariet autem Filium , & vocabis nomen ejus JEſum : Ipſe enim ſal-

salvum faciet populum suum à peccatis eorum.
 R. Laus tibi Christe.

Per Evangelica dicta extingatur & dissipetur
 & destruatur in te N. omnis diaboli virtus. In
 nomine Patris & Filii & Spiritûs sancti
 Amen.

*Dicantur Litaniæ Sanctorum, ut supra in primo
 Exorcismo.*

Vers. Esto nobis, Domine, turris fortitudinis.
 R. A facie inimicorum invisibilium.

Vers. Nihil proficiant inimici in nobis. R. Et filii
 iniquitatis non apponant nocere nobis.

Vers. Libera nos de sanguinibus, Deus salutis
 nostræ. R. Et exultabit lingua nostra iusti-
 tiam tuam.

Vers. Deus destruet vos in finem. R. Evellat
 vos, & emigrare faciet de corpore isto.

Vers. Dirumpamus in Domino vincula eorum.
 R. Et projiciamus à nobis jugum ipsorum.

Vers. Apprehende, Domine, arma & scutum.
 R. Et exurge in adiutorium nostrum.

Vers. Vade retro satana. R. Dominum, Deum
 que tuum adora.

Vers. Domine exaudi &c.

Vers. Dominus vobiscum.

Oremus.

SANCTISSIMÆ Genitricis tuæ Sponsi, quæsumus
 Domine, precibus adjuvemur, ut, quod pos-
 sibilitas nostra contra hostes tuos obtinere non
 valet, ejus nobis intercessione donetur: qui vi-
 vis, & regnas cum Deo Patre &c.

Psalmus 10.

IN Domino confido : quomodo dicitis animæ
meæ : transmigra in montem sicut passer ? &c.
Matut. in Dom. 1. Noct.

Lectio Libri Tobiaë.

IN diebus illis, Sara filia Raguelis audierat im-
properium ab una ex ancillis patris sui, quo-
niam tradita fuerat septem viris, & dæmonium
nomine **Asmodæus** occiderat eos mox, ut ingres-
si fuissent ad eam, quæ in oratione persistens, cum
lachrymis deprecabatur Deum, ut ab isto impro-
perio liberaret eam. Factum est autem die tertia,
dum compleret orationem, benedicens Domi-
num, dixit : Benedictum est nomen tuum Deus
patrum nostrorum ; qui, cum iratus fueris, mi-
sericordiam facies, & in tempore tribulationis
peccata dimittis his, qui invocant te. Ad te, Do-
mine, faciem meam converto, ad te oculos me-
os dirigo. Peto Domine, ut de vinculo impro-
perii hujus absolvas me, aut certè desuper terram
eripias me. In illo tempore exauditæ sunt preces
amborum in conspectu gloriæ summi Dei, &
missus est Angelus Domini **S. Raphael**, ut curaret
eos, quorum uno tempore sunt orationes in con-
spectu Domini recitatæ. *R. Deo gratias.*

Oremus.

Adesto nobis, quæsumus omnipotens & miseri-
cors Deus, contra dæmonum istorū insidias : &
intercedente Beato Josepho Confessore tuo, ejus
circa nos vires propitiatus extende. Per Domi-
num nostrum **Jesum Christum Filium tuum** &c.

P p s

Hym.

Hymnus.

Cælitum Joseph decus, atque nostræ
 Certa spes vitæ, columenque mundi,
 Quas tibi læti canimus, benignus
 Suscipe laudes.

Te sator rerum statuit pudicæ
 Virginis sponsum, voluitque Verbi
 Te patrem dici, dedit & ministrum
 Esse salutis.

Tu Redemptorem stabulo jacentem,
 Quem Chorus vatum cecinit futurum,
 Aspicias gaudens, humilisque natum
 Numen adoras.

Rex Deus Regum, & Dominator orbis,
 Cuius ad nutum tremit inferorum
 Turba, cui pronus famulatur Æther,
 Se tibi subdit.

Laus sit excelsæ Triadi perennis.
 Quæ tibi præbens super honores,
 Det tuis nobis meritis beatæ

Gaudia vitæ, Amen.

Vers. Ora pro nobis Mariæ Sponse sancte Joseph.

Resp. Ut digni efficiamur &c.

Vers. Dominus vobiscum &c.

† Sequentia sancti Evangelii secundum Matthæum. † R. Gloria tibi Domine. †

In illo tempore, accessit ad Iesum homo genibus provolutus, dicens: Domine, milerere filio meo, quia lunaticus est, & malè patitur: nam sæpè cadit in ignem, & crebrò in aquam, & obtuli eum Discipulis tuis, & non potuerunt cura-

re eum. Respondens autem Iefus, ait : O generatio incredula & perversa, quousque ero vobiscum ? usquequò patiar vos ? afferte huc illum ad me : & increpavit illum Iefus, & exiit ab eo dæmonium, & curatus est puer ex illa hora. Tunc accesserunt Discipuli ad Iefum secretò, & dixerunt : quare nos non potuimus ejicere illum ? dixit illis Iefus : propter incredulitatem vestram. Amen quippe dico vobis, si habueritis fidem sicut granum sinapis : dicetis monti huic : transi hinc illuc, & transibit : & nihil impossibile erit vobis. Hoc autem genus non ejicitur, nisi per orationem, & jejunium. & Laus tibi Christe.

Per Evangelica dicta extingatur & dissipetur & destruatur † in te N. omnis dæmonum virtus. In nomine Patris †, & Filii †, & Spiritus sancti † Amen.

Oremus.

DEus, qui conspicias, quia nos undique inimici nostri perturbant : præsta quæsumus, ut intercedente beato Iosepho Confessore tuo, eorum insidiis misericorditer liberemur. Per Dominum nostrum &c.

Aspergio creatura.

Aqua benedicta extinguat, & sejungat à te N. omnia maledicta. In nomine Patris †, & Filii †, & Spiritus sancti †, Amen.

Exorcizatio obsessi.

EXorcizo te † creaturam Dei infirmam, per Deum unum † per Deum vivum † per Deum sanctum † cujus Filius Iefus Christus verus Deus, factus homo, pro nobis mori dignatus est, ut

ut efficiaris munda ab omni dæmonum labe, & virtutem recipias ex alto ad ipsum inferni hostem fugandum. Amen.

Oremus.

DEus, qui per unigenitum tuum, seclusa dominatione diaboli, populum tibi fidelem apostastisti : expelle, quæsumus, à famulo tuo N. cunctas dæmonum illusiones, & artes; atque intercedente beato Joseph, illibatum illum ab omni eorum impugnatione conserva. Per eundem Dominum nostrum &c.

Exorcismus.

† **V**irtus Altissimi, quæ ex omni carne iustos eligendi obtinet potestatem, ipsa conveniat vos † pessimos inferni cultores, ipsaque efficacissima mihi præbeat Dei ignita verba, vos inflammantia † vos flagellantia † vos percutientia † vosque dissipantia † ego etenim indignus Dei Sacerdos, & minister Christi, auctoritate à sancta Romana Ecclesia mihi commissa, per eandem Altissimi virtutem & potestatem, ac de mandato summi Dei, qui dum carnem nostram dignatus est sumere, de Virgine nascens, Virginis sponsum elegit, virum inter cunctos piissimum atque integerrimum, audeo vos omnes nequitiae spiritus convenire, aggredi, atque comprehendere. Idcirco jugiter cum Sanctis omnibus, & præcipue cum beatissimo Joseph, Mariæ Virginis Sponso, viro æquissimo, Deique timore plenissimo, vos dæmones execrabiles exorcizo † adjuro † conjuro † ut omni morâ depositâ, omni que fallendi arte remotâ, Altissimo reddatis glo-

gloriam, Jofeph honorem, mihique indigno Dei miniftro obfequentiam. Exorcizo vos inferni diabolos & per fanctiffimum virum Jofeph, continentiae virtute infignem, cujus praekonii laudes fanctus Dei Spiritus per Evangeliftarum ora inprimis perfonat, electum fuiffe a DEO in Genitricis ejus Virginis fponfum digniffimum. Cum effet, ait Matthaeus, *desponsata mater Jefu, Maria, Jofeph*. Per hunc vos compello & iniquos daemones, qui hoc in corpore, vel extra habitatis; five hic fitis ligati aliquo maleficio, pacto, conventionem, vel figno; five fimpliciter; ut omni foluto, ac deffructo veftrorum, hominumque figmento, vel artificio, ad mei nutum cedatis, omnino vos mitefcetes, meaue figillatim exequamini mandata, nomine altiffimae Trinitatis vos injunctis. Quod fi vobis forfitan fuerit interdicta potestas diffolvendi praedicta; vel fi qua fuperior infernalis potentia, vel humana; aut fi naturalis aliqua virtus, ubicumque, quandoque, & quocumque modo impedire audeat, vel aliter exequi cogat, quam quod a me fuerit vobis praeeptum: ego ipfe eadem auctoritate, virtute, ac divinae potentiâ, diffolvo & abfolvo & debilito & deffruo & omnia fuprà relata: atque efficaciffimè impero & per virtutem Dei, & nomine ac meritis fancti Jofeph, Mariae fponfi, ut nullum contra, vel fuprà vires oppofitas obtineat robur: quae tantum debilitentur & cogantur & compellantur & à voce & mandatis Altiffimi, per me vobis injunctis, atque injungendis. Et, ne ulla vobis, veftrisue fautoribus,

ribus, auxiliatoribus atque impredientibus adfit excusatio: ego ipse Christi instrumentum, præfatâ auctoritate, & per virtutem & merita ejusdem præclarissimi Joseph, centies, ac millies compello vos & cogo vos & illosque omnes; ut incessanter cedatis, sub pœna illico à vobis omnibus indifferenter incurrendâ, cum suppliciorum vestrorum in centuplum incremento, singulis quibûsque nomenis. Et hoc impreceatur vobis, vobisque faventibus, aut juvantibus ipsemet Mariæ sponsus Joseph: ipse ergò vos compellat ipse meritissimus Joseph vos mihi obedire coarctet & eo modo, & forma, quam suprà audistis. Ipse Joseph excelsus DEI servus vos flagellet ipse Joseph, à DEO summè dilectus, vos terreat ipse Joseph electissimus vos comprimant ipse Joseph meritis plenissimus, vos convincant ipse Joseph vos deprimant ipse Joseph vos eliminant & fuget & atque perpetuò exorcizet & nomine sanctissimæ Trinitatis.

Tanti ergò viri dignitas præcipua vos mecum conjuret & atque coerceat qui custos, socius, comes, alumnus, consors, actandem Dei Genitricis sponsus eligi meruit. Ipsi etenim Joseph electo ex millibus Virginem matrem Deus ipse commisit. Ipse cum beata ac Deipara Virgine Maria per excelsa habebat colloquia. Idcirco nec se pollutum labiis asserere poterat cum Propheta, dum ab eis, qui polluti erant labiis, procul abscesserat. Ipse Joseph unâ cum illibata Maria victum sumebat: ipse Joseph cum sacratissima Maria Dei semper magnalia agebat: ipse
Joseph

Joseph, consortio tantæ Virginis, in mente illuminabatur, in corpore cælestium amore incendebatur, in corpore perfectissimè purgabatur, regabatur, mundabatur, nec mirum; sic namque popularibus turbis non admixtus, imò & Deiparæ consortio bene dispositus, mundo semper corde sacris ipse valebat interesse mysteriis; in quibus videlicet terribilibus Sacramentis cælum aperitur, & virtutes angelicæ simul cum hominibus diversantur. O munditiam carentem exemplo! Onunquam in terris visam puritatem! O castimoniam, Angelico æquiparandam candori! quæque illibatæ DEI Genitricis Virginitati uni-ri, sociarique meruit. Virginitatis Mariæ semper intacta sponsi sui munditiem firmabat: ac Virginitas Joseph illibatum Mariæ candorem cunctis explicabat. Fidelissima hæc conjunctio columbarum, in Dei sumum amorem, in proximorum ardentissimam charitatem, in ipsorumque perfectissimam sanctitatem cont nuò exercebatur. Quando vos terrore conculsère, ô damnati, sponsalia ista divina contremuit abyssus vestra ad tam pacificum Sanctorum consortium. Fremit lucifer superbus, dum Maria & Joseph sibi invicem purissimè assenserunt. Luxit dæmonum vestrorum impurissima turba nuptiarum divinarum splendidissimo apparatu, vósque, ô diaboli, ad verba illa Evangelica, à me jam prolata; videlicet: *Cùm esset desponsata Mater Jesu Maria Joseph*: absque mora retrorsum cadere cogimini, atque ad tremendum hoc, divinúmque trinitium, scilicet: *Jesu, Maria, Joseph*, fugam quàm

ci-

citissimè arripere necesse erit. Desponsatio hæc
cælestis, & pax Sanctorum, Joseph videlicet &
Mariæ, bellum regno vestro intulit infernorum.
ô discordiæ satores, ô turbulentiaæ mótores, ô ri-
xarum inventores. Nunquam conjunctio, ac so-
cietas ista in latibulis vestris vila est; qui vos invi-
cem incessanter mordetis, invicem incendiis ve-
stris comburimini. Miratur cœlestes spiritus hanc
illibatam desponsationē, perfectissimè in ea con-
templantes Angelicum elucere candorem: ideò
vocibus, atq; laudibus nuptias istas celebrare non
desinunt, ac sponso summis extollere laudibus,
canentes: *Sanctus JEsus, sancta Maria, sanctus Joseph.*

Et ego, ejusdē Trinitatis roboratus poten-
tiā, inprimis virtute Altissimi nominis JEsu, vos
damnatos iterum exorcizo † vos obstinatos ite-
rum conjuro † vos ingratos iterum adjuro † ut
meis obtemperetis mandatis, hinc exeundi. Co-
go vos † in nomine JEsu, quod est tremendum,
ut cedatis Sacerdoti. Compello vos † in nomi-
ne JEsu, quod est admirabile atque terribile, ut
prorsus, quod vobis injunxerim, exequamini.
Urgeo vos † damnatissimos, per Deum JEsu,
ut omnino meæ voluntati subjaceatis. Mando
vobis spurcissimis † per Mariæ sponsalia cum Jo-
seph integerrimo castissima. Impero vobis, Dei
defectoribus † per Joseph, Dei Genitricis spon-
sum dignissimum. Conjuro vos abire † per
unionem suavissimam, atque concordem, quam
Maria & Joseph ejus sponsus junctim habuere.
Vos superbissimos ad ima deprimō † per poten-
tiam tam nobilium sponsalium. Conjuro vos †
nefa-

nefarios, per virtutem tantæ conjunctionis, ac pacis. Conjuro vos† turpissimos, per communicationem purissimam Mariæ cum Joseph ejus sponso. Comprimo vos† mendacissimos per mysterium sublime istorum sponsalium, quibus contigit, ut partus admirabilis Virginis nuptæ, incognitus esset vobis dæmonibus, ac lucifero principi vestro nefandissimo. Per hæc omnia supra relata, atque in virtute prædictorum denuò exorcizo vos Dei rebelles† mando vobis† ac validissimè impero† ut subdamini Dei ministro, ac cedatis Altissimi præceptis per me vobis injunctis, atque injungendis circa exitum vestrum ab hoc corpore.

Sed præsertim animadvertite tu, tartareum hujus cohortis caput nequissimum, & attende, quid de tanto viro Evangelica prædicet veritas: *Joseph, cum esset vir justus, voluit occultè dimittere spon-* sam, spiritu sancto jam plenam, licet nondum illi notam. O inflexibilis viri Dei justitia! accede jam & tu justissime Joseph, de excelsis, atque ad perfidos istos condemnandos jam propera; qui jugiter cum pessimo eorum tyranno lucifero, Dei sedem in cœlestibus injustè occupare non erubuerunt. Increpa impios istos, injustitias quotidie hominibus suggerentes in terris: quique, dum è syderum projecti culmine, atque in abyssi penetralibus justissimè retrusi sint, adhuc non cessant cum mortalibus, Deique imaginibus suam exercere tyrannidem; Dei plasmata occupantes, & in credentium corpora invadè ingredientes, illa undique vexant, affligunt, torquent.

Torqueat igitur vos † piissimus Joseph, proster-
nat vos † potentissimè vir Dei Joseph. Exagite
vos † inclytus Dei electus Joseph. Urgeat vos
† sponsus Mariæ Joseph. Verberet vos † virtus
Potentissimi Joseph. Imperet vobis † sublimi-
tas sancti Joseph. Cruciet vos † acerrimè casti-
tas, puritas Mariæ sponsi Joseph. Condemne
vos † integritas Joseph. Colaphizet vos † Jo-
seph, quoadusque adversum vos iustitia in judi-
cium convertatur.

Verùm, apparuisse narratur Angelus DEI in
somnia Joseph, mœrore confecto, eum hortans
eique arcanum incarnationis mysterium in pu-
rissimo ipsius utero sponsæ futurum aperiens
quoniam iustis apparitio cælestis, non damnatis
conceditur, non reprobis, non vobis dæmoni-
bus; communicatur Sanctis lux sancta, lux di-
vina, lux in tenebris, visio in nocte, claritas in
tentationum caligine; ut dicitur: *Lux orta est
iusto, rectis corde latitia.* Vobis horror, vobis ca-
ligo, vobis diabolis indeficiens pavor, terror
confusio, atque mœstitia; Insuper & Angelus
Dei minister in æternum persequens, & coarctans
vos ingratisissimos. Justorum enim nox obscu-
rum non habet, sed cuncta illis in luce clares-
cunt, nox autem vestra, ô damnati, perpetua
obtegatur inferni caligine, sempiterno horrore
obscæcatur, atque obvolvitur. O infelicissimi
quid facietis, quoniam nunquam orietur vobis
amplius lucifer matutinus? post luciferi vestr-
nutum abeuntes, lucem veri solis, summi solis
excelsique solis, miserrimi, amisistis. O noctem
æternam

æternitate metiendam! noctem infeliciſſimam!
noctem flebilem! in qua Dei vultum requirere
vobis non datur ampliùs, nec ſolamen vobis hac
nocte deſuper erit expectandum. Gaudeant An-
geli, electique ſpiritus luce præclara: fruantur
Sancti divina coruſcatione perſuſi, ac præcipuè
Joſeph Mariæ ſponſus, in choro juſtorum de
tanto lumine lætari nunquam ceſſet.

Cujus præſidio ego indignus Dei miniſter, &
Sacerdos minimus, iterum ac validiùs exorcizo
vos obſtinatiſſimos † ut mea exequamini julla.
Adjuro vos Dei rebelles † cedere per Joſeph æ-
gritudinem, eo tempore, quo de dimittenda con-
juge cogitabat. Compello vos, ut deprimatis †
veſtram audaciam, per ſanctiſſimi viri Dei Joſeph
ſomnium. Cogo vos † nefarios, per angelicam
apparitionem in ſomnis piſſimo factam Joſeph.
Compello vos † viliffimos, per divinum ſola-
men, quo in ſomnis vir iſte ſanctiſſimus affectus
fuit. Mando vobis, peſſimis † per divinam San-
ctorum illuminationem, qua Dei vultum in cœ-
lum cernere credimus.

Verùm optimè nôſtis, ô inferni cultores, ip-
ſum Joſeph in cunctis Mariæ itineribus, fidum
ei fuiſſe ſodalem: unde & illam eſt comitatus,
quando in montana feſtinanter ei abire contige-
rit ad inviſendam Eliſabeth, nuncians Dei ver-
bum jam ſponſæ utero clauſum. O felix itinera-
tium! O ſacrum conſortium! O peregrinatio-
nem ſanctitate refertam! O divinum congreſſum!
O charitatem, ſummis extollendam laudibus!
Abiit in montem Joſeph cum uxore Virgine

prægnante, & Dei Filium ejusque Dominum in utero gestante. Bene enim experimento probans, quod de ore Veritatis dictum est: ubi duo sunt in nomine meo congregati, ibi sum in medio eorum: ubi Christus est medius, ibi magna erat multitudo. Ubi Christus, ibi necessarium erat Angelos esse, necessarium & Archangelos, & alias virtutes: non enim sola ascendebat societas ista Sanctorum, omnium habens Dominum & auctorem. Sed longè aliena hæc Joseph fuit ascensio, à vestra illa luciferina, ac fallacissima: cum ascenderet ad montem testamenti, ibique sedendo, Dei & conditoris vestri thronum perfidè occupare tentastis. Ascendit Joseph corpore; sed corde humilitatis ima premebatur. Vos autem spirituales substantiæ, semper profunda spernentes, atque sublimia superbè appetentes, Deo vos ipsos æquiparare conati estis. Quapropter ille, qui se humiliavit, ad sublimia extollitur; vos verò, qui in sublimi sedes vestras collocare quæsisistis, depressi estis. Cum festinatione ascendisse dicitur Joseph in montem, ut sine fine in Altissimis moraretur domiciliis. Vos autem superbissimi dæmones, moram capere ac Dei latus ausi fuistis, & miserandum in modum in abyssi penetralia corruistis, ibique perpetui combusti ignibus, poenas luitis.

Per hanc igitur sancti Josephi ascensionem, iterum vos adjuro † ut meis subjaceatis præceptis. Per Joseph cum Maria consortium, vobis præcipio, ut mihi cedatis. Per Joseph cum Mariæ salutationem, & visitationem Elisabeth, vos con-
juro

juro † per Jofeph & Mariæ gaudium in eadem E-
lifabeth vifitatione, vos exorcizo † vos parere
coarcto † vos fubjici cogo † vobis impero † vo-
bis fugam arripere mando † aliàs condemno vos
ad æternæ execrationis pœnas, à me DEI nomi-
ne omnipotentis vobis injunctas, per JESUM
Nazarenum DEI Filium, qui per ignem ventu-
rus eft judicare nos, & vos maledictionis jaculo
percullos.

Infuper, vir DEI piiſſimus Jofeph, aſcendiſſe
fertur à Galilæa de civitate Nazareth, in Judæam, ci-
vitatem David, quæ dicitur Bethlehem, eò quòd eſſet ipſe
de familia David; ut proſiteretur cum Maria deſponſa-
ta ſibi uxore pragnante. Jam bellum tartareis ſedi-
bus indiſturus accedebat præco iſte divinus: jam
cœleſte illud æterni verbi incendium, ſponſæ Vir-
ginis utero divinitus clauſum, in mortalium
cordibus accendere nitebatur: jam Angelorum
panem hominibus impertiri feſtinabat, cum fi-
deliſſima Virginis ſocietate, ſublimis hic, ac fi-
diſſimus diſpenſator. In quo progreſſu, perpen-
dite vos ſuperbia tumidi, nefandiſſimi, ingratiſ-
ſimi dæmones, quanta ejusdem extiterit humili-
tas, Mariæ benignitas, Deiq; verbi manſuetudo,
atque clementia: quia, cùm jam cœlorum culto-
res, ſyderumque cives effecti fuerint; imò, cùm
Angelorum Dominum atque effectorem ſecum
certò experirentur, nihilominùs nequiſſimi, im-
piiſque hominis juffa transgredi non recusârunt:
Veſtram, dæmones, confundentes ſuperbiam;
qui cùm ex nihilo jam vos creatos fuiſſe perce-
piſſetis, atque à ſummo omnium conditore, ad

nihilum reduci potuissetis, ei tamen æquari auri estis, secumque in sublimi federe estis conati. Idcirco, canes infernales, bubali luctuosi, suesque spurcissimi; eja, inquam ascendite jam, imò potius descendite, ut profiteamini & vos cum omnibus contribulibus vestris pertinacibus, obstinatis, atque perversis, cujuscumque ordinis sitis: quia à summo cœlorum moderatore, atque omnium effectore edictum exiit, ut cedatis, ac sacerdotalibus meis humiliemini præceptis, nomine ipsius Omnipotentis, ac sacratissimæ Virginis sponsi Joseph, vobis injunctis. In qua quidem professione, ego Christi minister cogo vos ac mando vobis efficaciter eadem virtute & potentia, ut vos ipsos ad parendum accingatis, ac nullatenus resistere audeatis; sed nomina vestra pessima, de libro quondam vitæ jam deleta, scribantur in terris, prosternantur, proterantur & ab hominibus, ac bestiis penitus conculcentur, &c.

Exorcizo vos igitur & per obedientiam piissimi Dei viri Joseph. Conjuro vos & per humilitatem Joseph & adstringo vos ad obtemperandum & per regalem, atque inclytam Joseph prospiciam. Præcipio vobis constantissimè & per integerrimi Joseph, & Dei Genitricis laboriosum itinerarium. Impero vobis & ut ab hoc corpore recedatis per mansuetudinem Mariæ, & Joseph legalibus præceptis obedientiam. Mando vobis, ut fugam capiat & per incarnati verbi benignitatem, humanis se præceptis subjicientes, atque humiliter cedentis &c.

Verum, tantæ humilitatis profunditas præcel-

fo digna fuit folatio munerari , dum terminus
 laborioſæ peregrinationis prima fuerit incarnati,
 imò jam nati verbi contemplatio , jacentis in
 ſtabulo; cùm de paſtoribus ſcriptum eſſe ſciatis:
Invenerunt Mariam Ioseph, & infantem poſitum in pra-
ſepio. Quantò jam ô dæmones, gloriæ fulgore
 cum in cæleſtibus perfrui exiſtimatis, qui in ter-
 ris, oculis carneis, meruit incarnati Verbi lucem
 primus aſpicere? quam occupare ſedem digna-
 tus eſt ſuper ſydera, qui unà cum Dei Matre, Dei-
 que Filio, ad uſque ſtabuli profundum voluit in-
 clinari: ubique Deus ipſe ſuis dignatur aſſociari
 Sanctis: etiamſi inter beſtias ipſi morentur. Vo-
 bis autem, ô infeliciffimi ſpiritus, nunquam divi-
 na fuit elargita ſocietas, ac viſitatio. Longè exal-
 tatur à vobis Altiffimus. Dereliquiſtis vos ve-
 ſtrum opificem; ipſe verò perpetuò dereliquit
 vos in pœnis veſtris. O ſi vobis viſio hæc DEI
 lactentis, in præſepi jacentis, interque bruta va-
 gientis largiretur; non utique ſempiterna fuiſ-
 ſetis damnatione perfuſi. Lux enim vultûs il-
 lius, in quem cæleſtes Angeli proſpicere cupiunt,
 vita eſt æterna, non habens finem: quâ vos, ô
 miſeri, in reatus veſtri pœnâ meritò orbatî fuiſtis.
 Aſpiciant Sancti divinum aſpectum: gaudeant
 electi luce cæleſti: Ioseph, unà cum Maria, mi-
 ſtribusque paſtoribus, Altiffimi vultus benignitate
 atque ſplendore perfruatur; ſuperbi verò, repro-
 bi, atque obdurati dæmones ab hoc dulci con-
 ſortio arceantur. Væ vobis igitur infeliciffi-
 mis; væ vobis obſtinatiſſimis; væ vobis ingra-
 tiſſimis; quia cùm ſublimia creatoris munera

agnoscere nolulistis, in æternum horrorem, ac tenebrarum caliginem corruistis; ita, ut nec Dei Filii vultum in carne aspicere vobis licuerit.

Per hanc ergò sancti Josephi gratiam, qua Christi natali adstare meruit, vos exorcizo † per gaudium, quo affectus fuit sanctus Joseph, DEI Filium oculis contemplans, vos conjuro † per lucem, quam sanctus Joseph in prima Christi apparitione aspicere meruit, vos adjuro † per Angelorum concentum, quem sanctus Joseph in partu suæ sponsæ, ac Virgineo flore nitentis audivit, vos fortiter ad parendum compello † vos cogo † vos ligo † vos urgeo † per eum denique vos cogo, qui cum verus esset Deus, caro fieri, & cum hominibus versari non est dedignatus.

Sed ulterius, ô perfidi tentatores, sacrosanctum istum Joseph, Dei Filium Jesum, unà cum Matre ejus Virgine, in Jerusalem tulisse jam scitis, ut sisterent eum Domino, præsentantes illum in templo: non autem uti præsentavit, & duxit illum impiissimus satan, dæmonum princeps, ut in tentationis laqueos eum præcipitem ageret; sed ut legis mandata impleret; non, ut in terram collideret, sed ut Deo Patri obsequentiam redderet. In qua sacratissima præsentatione quantalibet divo Joseph divinitus fuerint impartita munera, vel inde fas erit agnoscere, quòd quemadmodum Mariæ sponsus, sic Christi Genitor vulgò haberi cœperit, & vocari. Honorificavit enim illum Spiritus sanctus Patris vocabulo; quia nuntierat Salvatorem. Verumtamen, cum dilectos suos

fuos fæpius invifere foleat Deus ; etiam Jofeph
 gratiâ tribulationis, atque mœftitiæ vifitare de-
 crevit, mittens Angelum fuum, qui ei herodia-
 nam perfequutionem mox futuram nunciaret,
 eique fuaderet fugam in alienam regionem, di-
 cens: *Tolle puerum, & matrem ejus, & fuge in Ægyp-
 tum, & efto ibi ufque dum dicam tibi.* Semper vos ini-
 quorum corda pervertere nitimini, invidiffimi
 fpiritus, ut affligere non ceffent juftos, Deique
 fervitio addictos viros: attamen fuper vos ve-
 ftorum cadit iniquitas, & in laqueos, quos oc-
 cultare conamini, vos validè incidimini. Fuga
 enim ifta Jofeph cum Maria, & Dei Filio, irritio
 fuit impiiffimi Herodis, atque inferni veftri fo-
 lemnis everfio. Ex illa namque uberes martyrum
 primitias in lactentibus parvulis pia collegit ma-
 ter Ecclefia, eripiens illos è faucibus veftris, ô
 leones peffimi, atque in cælorum fedibus publi-
 miter collocans, unde vos, elatiffimi, ejeâti fui-
 ftis. Insuper & Ægyptiorum multorum, atque
 ethnicorum falvatio fuit. Nec non & per ipfius
 labores, peculiaréque humilitatis exemplum,
 tandem dignus fuit, quem idem Angelus confo-
 laretur poft annorum curfum, dicens eidem:
*Revertere in terram tuam; mortui funt enim, qui qua-
 rebant animam pueri.* Similiter autem & hanc folati-
 bitur Altiffimus creaturam, dicens ei: *revertere
 in falutem priftinam, atque in libertatem tuam
 antiquam, ô opus meum N. jam etenim pro-
 ftinati, viâti, ac penitùs in fugam converfi funt
 perversi dæmones, quærentes te vexare, torque-
 re, perdere, atque de medio tollere.*

Et ego minister Christi, indignus ejus Sacerdos nomine ejusdem Dei Patris, & Filii, & Spiritus sancti, & in virtute meritorum sanctissimi Joseph, Virginis sponſi, vos denuò conjuro ⁊ adjuro ⁊ exorcizo ⁊ ut nulla morâ interpositâ, vestras subdatis durissimas cervices, ac verbis meis obedientiam præstetis illicò, ut Christi instrumento, omni prorsus remota fallacia, sub iisdem pænis jam fulminatis, ac nomine Altissimi fulminandis. Cogo vos cedere ⁊ per asportationem JEsu, factam à piissimo Dei viro Joseph, in templum, cum Maria conjuge, ut sisteret illum Sacerdoti. Compello vos ⁊ per obedientiam Joseph in observatione legalium præceptorum. Compello vos ⁊ spurcissimos per devotionem beati Joseph, quâ JEsu portasse dicitur in Dei templum. Urgeo vos ⁊ teterimos, per reverentiam, quam virum Dei Joseph habuisse creditur erga sanctum Dei Sacerdotem Simeonem, eo tempore, quo ei infantem JEsu obtulit: quæ quidem reverentia vos rebelles, atque obstinatos dæmones confundat ⁊ ipsa vos contundat ⁊ ipsa vos conculcet ⁊ ipsa vos flagellet ⁊ vos percutiat ⁊ vos liget ⁊ vos dissipet ⁊ vos fuget ⁊ vos confringat ⁊ vosque pedibus meis sacerdotalibus prosternat ⁊ Item præcipio vobis, ut vestros ausus deprimatis ⁊ per Angelicam visionem, quâ sæpius vir Joseph in somnis fructus fuisse fertur. Mando vobis ⁊ per ipsam Joseph, Mariæ, Deique Geniti infantis fugam. Impero vobis ⁊ per labores multos, quos passi sunt sancti JEsus, Maria, & Joseph, Herodis tyrannidem

evadere cupientes. Præcipio vobis † per dolores, animique follicitudinem, quâ Jofeph, & Maria in peregrinatione, & commoratione terræ alienæ, ac barbarorum commercio vexabantur. Cogo vos, ut fubjiciamini † per lætitiâ, qua affecti funt Jofeph & Maria, per Angelicam alteram apparitionem, ejusdem regreffum nuntiantem. Ligo vos † coarcto vos † compello vos † ut cedatis, per illius potentiam, qui vivos, & mortuos per ignis flammam reverfurus eft judicare.

Sed cùm vos pervicaciffimi hoftes, nunquam malitiæ vestræ otium faciatis, atque tunc maxime sævitis, cùm hominem plenè lentitis liberatum; tunc plurimùm accenditur flamma veftra, dum extinguitur; fic iterum piiffimum Dei virum Jofeph, Chrifti Eductorem, imò ejusdem Dei Geniti putativum Patrem tentare conati eftis: etenim cùm femper Jefu comes efferet, illumque parvulum comitaretur, unâ fecum jugiter in templum ascendentes, illum amiffiffe dicitur cum Maria Matre ejus: quare, quantâ ambo affecti fuerint mœftitiâ, tanti folummodo amiffio Filii declarare valebit, non humanus fermo: itaque per Jerofolimæ vicos, & plateas quærentes ibant, lachrymas ab oculis effundentes, atque è præcordiis fuis fufpiriorum amara femina mittentes; ut dixit illi mater: *Ego, & pater tuus Jofeph, dolentes quarebamus te.* Gaudet lucifer, omnisque veftrorum dæmonum invida turba damnata de Sanctorum mœftitia lætatur, fed & modicum temporis fpatium de ipforum

ri-

ridet angustiiis: quoniam scriptum scitis, tristitia
 iustorum vertetur in gaudium ipsorum: & quan-
 tō maiorem illis præbetis tentationis suggestio-
 nem, eò magis merendi eis occasio per vos auge-
 tur, & tolerantia splendor per orbem irradiat:
 quoniam certum est, quòd sicut unguenta redo-
 lere latius nesciunt, nisi commota, & sicut aro-
 mata fragrantiam suam non nisi cū incendun-
 tur, expandunt: ita sancti viri, omne, quod vir-
 tutibus redolent, in tribulationibus innotescunt.
 Etenim, etsi Sanctorum hæc societas tam pretio-
 si pignoris amissionem modicum temporis per-
 pessa fuerit: tamen non multò post, divini flu-
 men solaminis actum est eis, cœlestem invenien-
 tes, quam perdidierant, drachmam: unde & re-
 liquo vitæ ejus curriculo, cum Joseph & Maria,
 Jesum commoratum fuisse testatur Evangelica
 veritas, dicens: *Descendit cum eis in Nazareth, &
 erat subditus illis.* O dignitatem! ô admirabilem
 viri Dei sublimitatem! cui Deus ipse subjici non
 dedignatur. Quoties enim inclytus hic Joseph
 verborum Christi suavitate refectus, eructare
 sublimia solebat? mens enim ipsius tali satiata
 pabulo, quomodo terrena non fastidiret? non
 divina diu noctūque contemplaretur? flagrabat
 desiderio ad cœlestia transmigrandi: ideò, quæ
 mundi erant, puro contemnebat cordis affectu.
 Tales namque habebat socios, quorum contu-
 bernio non solum non inflamabatur; sed & cū
 aduc in terris degeret, cœlestem in dies gloriam
 præferebat. Aspiciebat facie ad faciem eum,
 quem Angeli prospicere incessanter cupiunt
 quem

quem tremunt Archangeli , quem Throni adorant , quem laudant Cherubim , atque Seraphim , una voce dicentes : *Sanctus, Sanctus. Sanctus Dominus DEUS exercituum excelsus, fortis, atque terribilis.* Hunc feliciffimus vir DEI electus Jofeph adorabat ; hunc familiariter alloquebatur ; fecum unà cibum capiebat : hunc obfervare non ceffabat , five ftantem , five accubantem , five ambulantem , vel dormientem , vel operantem : & quod eft valdè mirandum , cùm ipfemet JESUS, Dominus omnium , & fuper omnia DEUS efferet , præceptis humanis parere cupiebat , Jofeph & Mariæ incelfanter defervire non dedignans. O virtus divina , quæ DEUM ipfum fuaviter inclinare fe cogis , & ex Rege fubditi perfonam induere perfuades , ut fubditorum impleas vota. O verè Chrifti virtus , quæ ut verè Dei verbum monftres in mundum adveniffe , ipfum non tantùm divinam , fed & humanam facientem voluntatem indicâfti ; ut non folius Patris , qui in cœlis , fed & matris , quæ in terris erat , Filius effer lucidiùs præferret. Vos autem ô fuperbi , ô inani inflati fpiritu dæmones , fuperciliosi , viliffimi , deterimi , quid hîc ftatis , & obftatis duriffimi erecto collo , DEI præcepta nihili pendentes , ac facerdotibus dictis aures occludentes ? DEUS ipfe omnipotens & excelsus , humanis flectitur nutibus : vos autem damnati , cùm jam ob veftram ingratitudinem quafi ad nihilum redacti eftis , fummo DEO adverfari audetis , mihique ejus minifro , ejus nomine vobis præcipienti , pertinaciter obfiftere nitimini ?

Idcirco ipse eadem auctoritate, mente, forma, & pacto, quo sæpius supra exorcizavi, iterum atque iterum, nomine DEI summi, & in virtute divina, unà cum piissimo Christi eductore Joseph & Mariæ sponso, fortiùs exorcizo† validiùs vos conjuro † constantissimè vos adjuro † cogo † compello † ut illicò meæ cedatis voci, exitum præcipienti; impero vobis † per Joseph & Mariæ sollicitudinem, ob amissionem DEI Filii in templo. Mando vobis foetidissimis inferni mancipiis † per laborem, & sudorem Joseph & Mariæ, in circuitione viarum Jerusalem DEI Genitum quæritando: ita ut quodlibet eorum pedum vestigium, quælibet ipsorum lachryma, suspiria cuncta, gemitus, lamentationes, & verba, ob hanc Filii sui amissionem emissa, efficiantur, atque evadant vobis damnatis, sociisque vestris, ignita jacula vehementer: sint vobis sagittæ potentis acutæ: sint cruciatuum vestrorum augmentum, singulis temporis punctis augendorum, ad mensuram obdurationis vestræ; donec extremi judicii vestri adveniat dies. Cogo vos, ut mea capeffatis jussa † per gaudium illud, quo Joseph & Maria affecti fuerunt: & tandem cum Christum amissum invenerunt in templo, cum senioribus illis disputantem. Compello vos † per obedientiam JEsu, Filii Dei summi, erga parentes, cunctis vitæ suæ diebus: quæ quidem obsequentia obedire vos cogat† ipsa JEsu obedientia atque humilitas, vos infames confundat † ipsa JEsu submissio vos turpissimos ad fugam convertat† ipsa JEsu obedientia vos cædat, vos

alli-

alliget vos fortiter confternat † vos pef fundet †
vos duriùs folitò affligat † vos torqueat † vos
comprimat † vos dilaceret † ipsáque augeat pæ-
nas vefttras, ô pertinaces, ô damnati, ô inferna-
les Dei rebelles: ipsáque JESu obfequentia vos li-
get † atque convincat † Ipsi tandem JESus, Maria,
& Jofeph, vefttram perpetuò condemnent fu-
perbiam, vefttram confundant pertinaciam, ve-
fttram cædant duritiem, fingulis quibùsque mo-
mentis; donec ipfe JESus cum Maria, Jofeph, at-
que omnibus Sanctis, ad judicandum homines
veniant, vósque dæmones, ac sæculum perig-
nem, Amen.

Exorcifmus VIII.

In Feflo fancti Archangeli Michaelis: Appa-
ritionis ejusdem: fancti Angeli Custodis: & per
Octavas earumdem folemnitatum: nec
non ad libitum.

*Præparatio ut in primo Exorcifmo præter ea, qua hîc
habentur propria.*

† Dominus vobifcum.

† Sequentia fancti Evangelii fecundùm Mat-
thæum † &c. Gloria tibi Domine. †

IN illo tempore dixit JESus Difcipulis fuis: fim-
ile eft regnum cælorum lagenæ miſſæ in mare
& ex omni genere piſcium congreganti: quam,
cùm impleta eſſet, educentes, & ſecus littus ſe-
dentes elegerunt bonos in vafa, malos autem fo-
ras miſerunt. Sic erit in confumatione ſæculi: ex-
ibunt

ibunt Angeli & separabunt malos de medio iustorum, & mittent eos in caminum ignis, ibi erit fletus & stridor dentium. Resp. Laus tibi Christe.

Dicantur Litanie Sanctorum, ut supra in primo Exorcismo.

Pater noster.

✠. Salvos fac servos tuos. R. Deus meus sperantes in te.

✠. Esto nobis Domine turris fortitudinis. R. A facie inimicorum omnium.

✠. Fiant isti tamquam tenebræ & lubricum, R. Et Angelus Domini persequens eos.

✠. Fiant tamquam pulvis, quem projicit ventus à facie terræ. R. Et Angelus Domini coarctans eos.

✠. Angelis suis Deus mandavit de nobis.

R. Ut custodiant nos in omnibus viis nostris.

✠. Domine Deus, mitte Angelum tuum de cælis. R. Et conclude ora leonum.

✠. Immitte Angelum, Domine, in circuitu timentium te. R. Et eripe nos Deus noster.

✠. Adorent eum omnes Angeli ejus. R. Audiatur & lætetur Sion.

✠. Ascendat fumus aromatum in conspectu tuo Domine. Resp. De manu Angeli.

✠. Domine exaudi &c.

✠. Dominus vobiscum. &c.

Oremus.

DEUS, qui miro ordine, Angelorum ministeria, hominumque dispensas: concede propitius, ut à quibus tibi ministrantibus in cælo semper assistitur, ab his in terra vita nostra con-

tra daemones muniant. Per Dominum nostrum &c.

Vel

DEUS, qui ineffabili providentia, sanctos Angelos tuos ad nostram custodiam mittere dignaris: largire supplicibus tuis, eorum contra daemones protectione defendi, & æterna societate gaudere. Per Dominum nostrum &c.

Psalms 90.

Qui habitat in adiutorio Altissimi: in protectione DEI cæli commorabitur. Dicit Domino &c. Ex Completorio.

Vel Psalmus 137.

Confitebor tibi, Domine, in toto corde meo: quoniam audisti &c. Fer. 6.

Lectio Libri Apocalypsis beati Joannis Apostoli.

Actum est prælium magnum in cælo. Michael & Angeli ejus præliabantur cum dracone: & draco pugnabat, & angeli ejus: & non valuerunt, neque locus inventus est eorum amplius in cælo. Et projectus est draco ille magnus, serpens antiquus, qui vocatur diabolus, & satanas, qui seducit universum orbem: & projectus est in terram, & angeli ejus cum illo missi sunt. Et audivi vocem magnam in cælo, dicentem: Nunc facta est salus, & virtus, & regnum DEI nostri, & potestas Christi ejus: quia projectus est accusator fratrum nostrorum, quia accusabat illos ante conspectum DEI nostri die ac nocte, & ipsi viderunt eum in sanguine Agni, & propter verbum testimonii sui: & non dilexerunt animas suas usque ad mortem. ✠. Deo gratias.

R r

Ore

Oremus.

BEati Archangeli tui Michaelis intercessionem
suffulti, supplices te, Domine, deprecamur
ut contra malignos spiritus, vires nostræ cele-
stium spirituum ministerio augeantur. Per Do-
minum nostrum &c.

Vel alia Oratio.

Supplices te, Domine, deprecamur; ut Ange-
lico pro nobis interveniente suffragio, à cun-
ctis inferni hostibus misericorditer liberemur
Per Dominum nostrum Jesum Christum &c.

Hymnus.

Tibi Christe, splendor Patris,
Vita, virtus cordium,
In conspectu Angelorum
Votis, voce psallimus,
Alternantes concrepando,
Melos damus vocibus.
Collaudamus venerantes
Omnes cœli milites;
Sed præcipuè primatem
Cælestis exercitûs,
Michaellem, in virtute
Conterentem Zabulum.
Quo custode, procul pelle,
Rex Christe piissime,
Omne nefas inimici;
Mundo corde, & corpore
Paradiso redde tuo
Nos, sola clementia.
Gloriam Patri melodis
Personemus vocibus;

Glo

Gloriam Christo canamus,
Gloriam Paraclito,
Qui trinus, & unus Deus
Extat ante sæcula. Amen.

Vers. Adorate DEUM Alleluja.

Resp. Omnes Angeli ejus. Alleluja.

Ÿ. Dominus vobiscum.

Ÿ. Et cum Spiritu tuo.

† Sequentia sancti Evangelii secundum Mat-
thæum. † Ÿ. Gloria tibi Domine. †

In illo tempore, accesserunt ad JESUM Discipu-
li ejus, dicentes: ediffere nobis parabolam zi-
zaniorum agri, qui respondens ait illis. Qui se-
minat bonum semen, est Filius hominis: ager
autem, est mundus: bonum verò semen, hi sunt
filii regni, zizania autem filii sunt nequam. Ini-
micus autem, qui seminavit ea, est diabolus: mes-
sis verò consumatio sæculi est: messorum autem,
Angeli sunt. Sicut ergò colliguntur zizania, &
igne comburuntur: sic erit in consumatione sæ-
culi: mittet Filius hominis Angelos suos, & col-
ligent de regno ejus omnia scandala: & eos, qui
faciunt iniquitatem; & mittent eos in caminum
ignem: ibi erit fletus & stridor dentium. Tunc
justi fulgebunt ut sol in regno Patris eorum.

Resp. Laus tibi Christe.

Per Evangelica dicta extingatur & dissipetur
& destruat in te N. omnis diaboli virtus.
In nomine Patris & Filii & Spiritus sancti
Amen.

Oremus.

Vota nostra, quæsumus Domine propitiùs re-
spice;

spice; atque Angelico pro nobis interveniente suffragio, ab omni inferni hostium liberemur incursu. Per Dominum nostrum Jesum Christum &c.

Asperio creatura.

Aqua benedicta extinguat, & sejungat à te N. omnia maledicta. In nomine Patris † & Filii † & Spiritus sancti † Amen.

Exorcizatio obfessi.

EXorcizo † te N. creaturam Dei, à diabolo oppressam, per Dominum Deum excelsum, atque terribilem; quem laudant Angeli, quem adorant Archangeli, quem omnes cœli spiritus Sanctum, sanctum, sanctum, Dominum Deum Sabaoth, unâ voce proclamant: ut à cuncta dæmonum labe munderis, & procul abeant inferi nequitiae, atque tartareæ potestates; fiasque Dei tui habitaculum sanctum, mundum, & immaculatum. In nomine DEI Patris † & Filii † & Spiritus sancti † Amen.

Oremus.

SAna, Domine, famulum tuum N. in dæmonum afflictione clamantem: ut Angelorum tuorum præfidiis roboratus, dignas tibi gratiarum referat actiones. Per Dominum nostrum &c.

Alia Oratio.

Protegant nos, Domine sanctorum Angelorum tuorum humiliter invocata præsidia & hunc famulum tuum N. satanicâ oppressum nequitia, eorum pia supplicatione defende. Per Dominum nostrum &c.

Exorcismus.

Qui spirituum ponderator est Dominus, quique Angelos suos effecit spiritus, ipse Deus Eloyim, fortis, & admirabilis, magnus atque terribilis, vos infernorum cives, cœlorum rebelles, vos tartarorum incolas, vos dæmones, vos nequissimos, vos damnatissimos spiritus coërceat, vos durissimos compescat, & vos comprimat, vos fortiter superet, & ego, ejusdem Dei minister, & instrumentum, in nomine potentissimæ Trinitatis, Deique simplicissimæ Unitatis, Patris, & Filii, & Spiritus sancti, vos diabolos aggredior: & in virtute, & per virtutem ipsius Dei Jehova, vos validissimè adjuro, & conjuro, & exorcizo, ut, cunctâ vestra semotâ fallaciâ, utcumque hîc commoremini, illicò abscedere festinetis cum maleficiis vestris, ligaminibus, factoris, signis, pactis quomodolibet vobiscum initis; cunctâque illa destruentes, oblitterantes, atque omnino delentes, procul fugiatis: prout ego ipse, per ejusdem Dei omnipotentis auctoritatem, ac virtutem mihi que traditam potestatem, efficaciter deleo, & enervo, & destruo, & evello, & absolvo, ac penitus eradico: quin etiam & vos instantissimè ejicio, vobisque hinc exire impero in nomine Jesu Nazareni crucifixi, cui omne genu curvatur, cœlestium, terrestrium, atque vestrorum dæmonum infernorum. Aliàs, ejusdem Altissimi contra vos invoco Majestatem, ut tantæ obdurationis, ac perversitatis vestræ pœnas sumens, potentissimum Michaellem principem cœlestis exercitus mittere dignetur contra vos, &

affeculas vestros; vestráque deinceps augere sup-
 plicia non desinat, quoad ferre non valeatis; in
 nomine DEI Patris, & Filii, & Spiritus sancti.
 In nomine, & potentia DEI Eloha † Saday† Efe-
 rehye † El † Otheos † Ischyros † & Emmanuel †.
 In nomine cœlestium ac sublimium illarum po-
 tentiarum, Michaëlis † Gabriëlis † Raphaëlis †
 In nomine cæterorum Angelorum † Archange-
 lorum † Thronorum † Dominationum † Princi-
 patuum † Potestatum † Virtutum † Cherubim †
 atque Seraphim † qui eidem DEO & summo om-
 nium conditori quotidie concinere laudes non
 cessant, dicentes: Sanctus, Sanctus, Sanctus,
 DEUS Sabaoth.

Conjuro vos, impuros spiritus † ut meis sub-
 jiciamini præceptis, per Angelorum electorum
 creationem, quâ ad DEI sui imaginem sunt effe-
 cti: quæ quidem eorum est bonitas, in qua pri-
 mum conditi, DEUM sanctitate sua retulerunt:
 cum videlicet excellentia ejusdem spiritualis na-
 turæ per divinam participationem è creatione
 est consequuta, quorum DEUS obsequio nequa-
 quam indigebat: sed nunquam eos creavisset,
 nisi supremè bonus atque clemens ipse esset. A
 qua bonitatis perfectione vos elatissimi, in justiti-
 a, & veritate non persistentes, vestráque cum
 eis originem nequaquam asservantes, in mali
 barathrum meritò decidistis. Hinc est, quod vos
 quotidie mendacium loquentes, mendacium
 operantes, de vestro loqui, ac de vestro operari
 nitimini; cum à Deo malum creari, ac proficisci
 omninò repugnet.

Con-

Conjuro vos mendaciffimos ſpiritus † per ſpirituum Beatorum, & veſtrorum quondam conſociorum excellentiam, quâ cæteras naturâ antecellere creaturas certum eſt; cùm ſint ipſi mentes mirâ intelligentiâ præditæ, ſcientiâ multiplici à Deo imbutæ, voluntatem quidem divinæ voluntati omninò conformem; eamque primùm libertatis dono munitam obtinentes. Cùm certum ſit, quòd ſubſtantia illa ſpiritualis, ſecundùm lumen ſit Angelus, primi illius luminis velut rivulus quidam aut participatio, eam rationem habens, ut per propenſionem mentis ad Deum, intentione, ac deſixione, obſequiòque ſuo, ſplendorem conſequatur. Unde & per ſimilitudinem quamdam benè dici poteſt ignis immateriatus, atque incorporeus: nec non & intelligibilis mundus, primusque DEI ſplendor, & radius.

Exorcizo vos, miſerrimos ſpiritus † per Angelorum ſanctorum gratiæ celſitudinem, quâ DEI Filii à divina ſcriptura appellari dignantur: cùm in juſtitia, ac ſanctitate perfeverantes pleni ſapientia, atque perfectionibus creatori ſuo, ac cælorum Patri in bono aſſimilari conati ſunt. Vos autem inſtabilitatis, vos inconstantiaſ fontes, in quibus excellus ſummam reperit pravitatem, jure optimo inferni mancipia dici meruiſtis, æternis ſuppliciorum veſtrorum vinculis detrudendi.

Adjuro vos, ſpiritus tenebrarum † per cælorum ſpirituum immutabilitatem, atque in bono constantiam: quâ videlicet, cùm naturâ ſuâ immutabiles conditi fuiſſent, tamen Deo ſuo firmi-

ter adhærentes, illūque magis quā se ipsos amantes: in ejusdem veritate soli permanere, quā vestrorum exemplum sequi maluerunt.

Exorcizo vos, nefarios spiritus † per sublimi-
um DEI spirituum gratiam peculiarem, divina
eis largitate collatam; ut à statu beatitudinis
in quo sunt, in deterius mutari non valeant.
Dum vos, miseri, è converso perpetuò incorri-
gibiles, de malo in malum incessanter ruitis;
quia initio peccantes à summo bono recessistis,
nec vestrum voluistis servare principatum. Hinc
forsitan factum est, ô cœlorum apostatæ, quod
vestrum Angelicum lapsum in scripturis non in-
veniamus expressum: ne videlicet scripturæ
mandaretur, quod emendari non poterat.

Adjuro vos, spurcissimos spiritus † per nun-
ciorum Altissimi firmiter apprehensam DEI
veritatem; ac se ipsos ab eo creatos agnosce-
ntes, non se æquales creatori existimantes, sed exi-
nitionis virtute utentes, infimum DEI opus se
esse incunctanter confessi sunt. Vos verò, vos
superbiæ parentes, vestrorum apostasiæ aucto-
rem non habentes, totius erroris principes fui-
stis: cū, videntes à summo omnium condito-
re vos non mediocris potentiae effectos fuisse,
ausi estis divinitatem præsumere, ac proprio ar-
bitrio omnes vos cum principe vestro lucifero
de DEI ministerio impiè recedere.

Exorcizo vos turpissimos spiritus † per beato-
rum spirituum liberum arbitrium, quo incorru-
ptam, integram, quā à DEO acceperunt, natu-
ram

ram fervare , divinósque carácteres atque in Dominum effectorem fuum benevolentiam imitari conati funt : contra veſtram , ô perfidi , insolentiam : qui propriâ malitiâ divinam lucem ſuſcipere nequiviſtis , & tenebræ effecti eſtis , à priorique ſorte excidentes, quia ad id, quod deterius erat, concurrere voluiſtis.

Conjuro vos, damnationis ſpiritus† per cæleſtium potentiarum , primævo ipſorum exordio, in verum ac ſummum Deum liberam confeſſionem ; cùm, luciferi impellente nequitia, ut antecellori eorum, ac Domino invidentes, adverſus Deum, qui eos benignè effecerat, rebel- lare tentarent : eſi indifferens eſſet arbitrii liber- tas, à prima tamen virtutis gratia non diſceſſe- runt, nec à boni, lucis que indultore elongari paſ- ſi ſunt : ſicuti & vos peſſimi ejus ſectatores, qui voluntate perversa in malum proruentes, æterna conſepulti eſtis malorum caligine.

Adjuro vos, perversos ſpiritus† per ſummo- rum ſpirituum illuminationem , quâ verum à falſo , bonum à malo diſcernentes, Deum ut Deum glorificare conati ſunt ; ac perſuaſioni peſſimæ luciferi aſſentire renuntiantes, Beatitu- dinis donum potiri meruerunt. Vos autem per- verſitatis filii, qui eidem fallaciſſimo duci veſtro conſentientes, de beatis miſeri effecti eſtis ; a- deoque veſtra excrevit miſeria, ut vos cum illo nec recognoscere, nec miſcere valeatis. Cùm tamen vos antea conſiderare oporteret, in mini- ſtrandi ordine veſtram conſtitutam fuiſſe Ange- licam ſubſtantiam, non dogmata præſcribendi :

& periculosum sanè esse non in eo quemquam ordine consistere, in quo collocata est à summo omnium ordinatore, sed ea, quæ supra naturam suam sunt, aggredi.

Conjuro vos, infelicissimos spiritus per cælestium virtutum contra vos cælorum apostatas in sublimi conflictum, ac certamen: cùm videlicet præfatus dux vester nequissimus, quamplures infra se videns spirituales potentias (quippe cùm in paradiso Dei præstantior esset cognitione mysteriorum cælestium) vana inflatus elatione, Deus dici voluit: Angeli verò sancti, contra ipsius superbiam fortiter obstantes, Deique nomen extollentes, ipsius, ac vestra pariter ruperunt elationis cornua à summis cælorum sedibus, ipsorumque consortio vos turpiter evellentes.

Conjuro vos, invidos tartarorum spiritus per Angelicarum potestatum jubilum, lætitiā, atque in Deum gaudium, quando videlicet fortitudine gratiæ, à Deo obfirmati, suum erexere vexillum, atque per divinitatis gloriam feliciter pervagantes, immensum illum beatorum orbem reboare fecerunt, dicentes: *Quis ut Deus? quis ut Deus?* vobis autem miseris undique lugentibus, ejulantibus, gementibus, desperantibus, luciferumque vestrum more parasitorum, apostatarum, ac perversorum satellitum glomerantibus, in profundum superbiæ barathrum, ictu oculi, miserè corruentibus, atque æternis ignibus concremantibus.

Conjuro vos, maledictos spiritus per supernarum potentiarum in Deum suum quietem, ac
fin.

sinceræ voluntatis amplexum, illi liberè libenti-
usque conquiescendo; omni prorsus suorummet
existimatione seclusa: cùm, è converso, propria
lucifer vester arrogantia motus, se ipsum conspi-
catus, adeò speciosæ suæ conquievit naturæ (ex-
cluso Deo) ut supernæ beatitudini consequendæ,
se suâque vires fatis esse confusus est; ac vos ipsi-
us affeclas, variis ordinibus, non impellendo,
sed cohortando, ejusdem criminis consimiles ef-
ficere studuit, cunctosque in æternam perniciem
secum unâ pellexit.

Conjuro vos, damnationis spiritus, ut ceda-
tis † per sublimium illam Angelorum potentiam,
vim, atque virtutem, quâ mediâ Deus ipse om-
nipotens & excelsus, vos cum impiissimo vestro-
rum principe catenis sempiternæ caliginis du-
rissimè sepiens, ac vinciens in extremum servan-
dos judicium, in tartarum præcipitari manda-
vit.

Coarcto vos, nigerrimos spiritus † ut fugam
ab hac Dei creatura statim arripiatis, per electis-
simorum Dei spirituum beatitudinem, & glori-
am, post præfatam cum lucifero luctam, ipsis
ab Altissimo elargitam: cùm videlicet vestro-
rum refugum Angelorum exercitum præcipi-
tem in barathrum datum fuisse compertum est,
atque in æternæ damnationis chaos validissimè
immersum.

Compello vos, tetrissimos spiritus † ut vestram
emoliat duritiem † per Angelorum bonorum
justitiam, & veritatem: ad quam videlicet (ut
in Deo) stabiliter, atque immobiliter se con-

ver-

vertentes, semper iusta, semperque vera appetere non cessant, contra vestrum, ô perversi dæmones, institutum, qui à Dei rectitudine, ac veritate liberè abscedentes, numquam falsa, numquam mendacia proferre atque operari fatigamini; ut, etiam ipsum hominem post ea abire allicientes, à recta cœlorum semita, quæ ad Deum verum ducit, aberrare faciat.

Conjuro vos, miserrimos spiritus† per Angelorum cœlestium amorem, atque in Deum suum super omnia ardentissimam dilectionem; ob perpetuæ mortis causam, à qua, sua benignitate, ipsos reparasse pro certo sciunt. Cum vos, ingratiissimi, vos durissimi dæmones, vice versa, contra Deum vestrum, Deique Filium quotidie grassari non satiamini, eumque virulento odio insequi: quin etiam & adversus humanam speciem, ad ejusdem efformatam imaginem, maligno livore, malorum semina jactare non desistitis. Vix enim primo homini auram spiranti promisistis, ob præceptorum Dei inobedientiam, falsam divinitatis præbere Majestatem: Vos Caino justis Abel fratris sui necem suggestistis. Vobis grassantibus, persecutus est Ismaël Isaacum, Esau Jacobum, Pharao Israëlitas, Saul Davidem, Hypocritæ Prophetas, Gentes Judaicam gentem, ac denique pios impii: quoadulque Christus adveniens, etiam contra ipsum, omnium hominum genera vestris mendaciis excitare ausi fuistis, donec ad interitum perducere eum aspexistis.

Conjuro vos, nefandissimos spiritus† per sancta.

illarum mentium in cœlis tranquillitatem, atque in Deum suum securitatem; cum certissimò sciant, se nunquam ab æterna illa felicitate casuros. Dum vos, infelicissimi, qui vestra non contenti gratuita dignitate, quam ex divina creatione habuistis, Deo similes esse affectastis, Deique verbum è sua Majestate impiè deturbantes: quare divino judicio factum est, quòd non tantum, quod volebatis, assecuti non estis; verum, ut etiam præcipitati è cœlo, in infernum, à summa dignitate ad extremam ignominiam atque infelicitatem meritò cecideritis.

Cogo vos, pertinaces spiritus, meis obedire præceptis † per cœlestium spirituum perpetuum domicilium; quod est domus Dei, ac divinæ illius Majestatis habitaculum sempiternum: de qua mansione dictum scitis: *O Israel, quàm magna est domus Dei, & quàm ingens locus possessionis ejus!* quem vos, damnatissimi, ob vestram superbiam, in densam, constrictamque mutastis caliginem.

Impero vobis, spiritus turpitudinis † per Angelorum prædestinatorum in cœlis assistentiam, ac coram Altissimo perpetuam mansionem; summo omnium conditori alacriter ministrantium; Dei Patris faciem continuò contemplantium, Deique Filii vultum summo cum appetitu prospicere cupientium. Quid namque est, alas suas continua expansione super propitiatorium extendere Cherubim, juxta Prophetarum pronuntiata; nisi omni in loco, omni que tempore divinæ contemplationi, & inspectioni summæ

inhiare, & ejusmodi studio vel desiderio ubique insistere? certè enim aves cum volare volunt, alas suas expandunt. Summi etenim boni contemplatio, & virtutum certissima comprehensio, Angelorum Thesaurus est. Vos autem è converso, qui primum vestrum amisistis domicilium, Dei Patris, Deique Filii conspectu orbati fuistis: & si quando coram Altissimo sisti vobis permittitur, nequaquam sanè velut coram placido ac miti Domino; sed tanquam in conspectu irati Judicis, qui aliquid secundum justitiæ severitatem, ac rectitudinem exequendum, sit mandaturus. Quinimò mitti dicimini ad ministeria sordida, in quibus Deus iram suam adversus vasa iræ declarare decernit: scilicet, ad nocendum, ad malosque perdendum.

Urgeo vos, rebelles spiritus † per Angelorum bonorum erga Dei creaturas proclivitatem, ut suo eas alliciant creatori, eique bona, tamquam à bonorum fonte communicent: amant enim Angeli, qui Dominum suum diligunt: dum vos, invidi dæmones, sic in malo confirmati, atque obdurati estis, ut instaurationem nequaquam sperantes donis, quæ per naturam habuistis, abutimini, atque ad malum contra Deum & homines semper convertitis. Hinc bonum impedire nitimini, excæcantes, impellentes, malosque ad malè agendum semper juvantes. Hinc certum est, vos diabolos vobis ipsis, non nobis esse malos: nos enim, si velimus, plura etiam commodamur per vos, perque vestrorum nequitias consequemur, vobis adhuc invitis, ô impii, ac penitus re-

nuen-

nventibus; quod est profectò mirabilis atque divinæ erga nos bonitatis compendium.

Exorcizo vos spiritus nequitiaꝝ per illam Angelorum gloriam, longè ampliorem futuram post judicii diem; cùm undique ipsi consummatam & integerrimam accipient beatitudinem, cui supperaddi nihil poterit. Amplificabitur enim eorum gloria ob Christi gloriam, tunc mortis inferniꝝ triumphatoris: & etiam ob plenam, atque communem sanctorum hominum beatitudinem; ad quos non ampliùs in terram custodiendos mittet, ad vestrorum pessimorum confusionem, ô perversi spiritus, qui tunc temporis damnationis vinculis, ignibùsque sempiternis addicendi estis: ut vos ipsi lamentabamini, dicentes Christo: *Quid tecum, & nobis, Jesu Fili Dei; venisti huc ad cruciandum nos ante tempus?* insuper multiplicabuntur supplicia vestra, atque acerbioribus cruciabimini pænis, ob flagitia, quæ post primum lapsum vestrum, contra Deum, Deique opera impiè perpetrastis, quoniam, etsi meruissetis quidem omnes vos impii luciferi sectatores illicò mitti in tenebras exteriores; permisit nihilominùs vos Christus in terra versari: ne absentia tentatoris, homines à victoriæ corona privaret.

Adjuro vos, spiritus obduratissimos per beatorum spirituum officia ac præclara erga creatorem suum ministeria; ob quæ *Angeli*, id est *Nuntii*, vel *Archangeli*, id est, *summi nuntii* summæque nuntiantes mysteria, appellari meruerunt; quibus expediendis alacriter ac fideliter semper se ge-

gerere aspiciuntur : etenim suo obedire Creatori, ac promptè administrare, eumque indeficienter collaudare, ut unicum eorum finem, summo-
perè delectantur. Vestrorum autem impiissima tartarorum caterva, Angelorum nomen, officium, ac beneficium, ictu oculi amisisse jam scitis ; dum Dei sedem appetere super cæteros impiè ausi estis : ac, vice versa, spiritus tenebrarum & caliginis, spiritus damnationis, ac maledictionis, uno ore vocamini, spiritus contumeliarum, opprobriorum, atque malorum, spiritus obstinationis, perversitatis, & nequitiae, spiritus horro-
ris, & turpitudinis, spiritus desperationis, furoris, & invidiae, spiritus contumaciae, proterviae, & inconstantiae, spiritus odii, mœroris, atque doloris, spiritus confusionis, ignaviae, & contumeliae, spiritus miseriae, necessitudinis, & inopiae, spiritus spurcitiae, abjectionis, & vilipendii, spiritus nequitiae, tristitiae, & foetoris, spiritus servitudinis, stultitiae, & abjectionis, spiritus violentiae, & rebellionis, spiritus ebrietatis, torporis, & fornicationis, spiritus acediae, irae, atque vindictae, tandem, spiritus dicimini tartarorum, fontes malorum omnium, dejecti de paradiso Dei, de summo caelorum vertice, atque in abyssi chaos, ob vestram superbiam, & in Deum ingratitudinem, æternaliter seclusi.

Conjuro vos, spiritus malignos per sanctorum Angelorum cum hominibus convenientiam : fratres enim nostri ipsi sunt ; ab uno, eodemque conditi sumus effectore. Insuper nos omnes possessuros cum ipsis caelorum gloriam

spe-

speramus. Etiam una Angelorum escâ nos nutriri jam scitis, ô invidi, scripturâ testante, quæ ait: *Angelorum escâ nutrivisti populum tuum: & panem Angelorum manducavit homo*: qui est Christus, Dei verbum, caro factum. Tandem in divinitatis contemplatione convenimus, eundemque DEI vultum aspicere sperantes in patria, quem vos, infelicissimi dæmones, nec aspicere, nec eum comedere valetis, nec nobiscum cælos ascendere unquam dabitur.

Conjuro vos, inconstantes spiritus & per electorum spirituum à nobis hominibus disparitatem; quâ, natura excellentiori, loco nobiliori, tempore anteriori, immortalitatis dono, vitæ puritate, ministerii facilitate, ac certioris præmiî perceptione nos superant. Licet nos, econtra, ipsos (Dei gratiâ) antecellimus, Christi videlicet redemptione, Christi quæ fraternitate: cum ipsum, nusquam Angelos, sed semen Abrahamæ assumpsisse sciatis: insuper & commissorum criminum post pœnitentiam remissione; Sacramentorum Dei administratione; & tandem humanitatis Christi sensata in cælis fruitione. Vos autem vilissimos, non natura, sed gratia incomparabiliter à nobis distare effecit omnipotens; qui DEI bono, DEI gloria, DEI gratia, DEI lætitia, Deique visione privamini, ac semper æternis ignibus, miseri, conglobamini.

Conculco vos, vilissimos spiritus & per electorum spirituum virtutem, ac robur, divinæ subordinatum potentia, quo cæteris præstare creaturis pro comperto habemus; indefessè enim

adhærent omnipotenti, à quo nunquam, ut vos stultissimi, recesserunt. Idcirco ob illius roboris præstantiam, suum participantes vigorem, *potentes virtute*, à divina scriptura appellari solent, ac etiam *potentia Dei*, *Deique virtutis Angeli*: quin & ordines ipsi, in quos distributi sunt, de sublimitate eorum ineffabilique potentia testimonium dicunt: puta, quòd Thronos, quòd Dominationes, quòd Virtutes, quòd Principatus, quòd Potestates ipsi nuncupantur. Vos verò tartarorum incolæ; licet ex eorum ordinibus confusim è cælo ad ima dilapsi estis; quantò altius primò sedem obtinuistis, tantò profundius cruciamini. Etsi robur vestrū in malum semper impendere cupitis, Deus tamen Omnipotens vinculis vos detinet sempiternis; ut, bestiarum more, sacerdotalium verborum fræno captos, ac sacrorum mysteriorum productione, pavidos vos ipsos ostendatis.

Exorcizo vos, spiritus execrabiles & per Angelorum cælestium super vos cacodæmones præcipuam auctoritatem, & potentiam, qua vestrorum conatibus validè resistunt, contra vos pugnant, vestrorumque furorem frangunt, conviciunt, ac vincunt. Licet enim omnes vos æquales natura illis primū conditi sitis; tamen cum vestra facta sit secessio, ac reprobī sponte a creatore vestro defecissetis, nec in Dei veritate permansissetis; æquitatis ratio postulavit, ut in peccati vestri poenam, sicut & reliqua dona, quibus ornati eratis, sic etiam vis, & potentia, qua præditi fuistis, infirmaretur: & vobis boni Angeli, ut & aliis donis, ita etiam viribus superioribus

es efficerentur. Et licet contra nos homines
vestras conamini ostendere vires, pro comperto
amen habetur, vos fortes non esse, nisi quia nos
debiles sumus; in eosque tantummodo, qui arma
sibi à Deo collata abjiciunt, & se spontè debiles
faciunt, vos potestatem vestræ exercere tyran-
nidis.

Conjuro vos, desertores spiritus † per san-
ctorum Angelorum erga nos fidelem custodiam;
qui, etsi DEUM ipsum ubique fidissimum habea-
mus protectorem, ad nostram tamen sublevan-
tam imbecillitatem, suos etiam ministros, &
numero & virtute validissimos spiritus, quasi
praefidiarios milites, nobis adungere voluit;
eosque semper adesse ordinavit, ut indefessè no-
bis prosint, ut contra vestrorum tentamenta, ô
perfidi, nos fortiter tueantur, & protegant.
Quinimò etsi nos illos ad nostri custodiam depu-
atos multipliciter offendimus, & offensam ne-
ligentiâ cumulamur; ipsi tamen, licet à nobis
frequenter injurias patiantur, sustinent, & com-
patiuntur peccantibus: nec minore circa nos
stantur vigilantia; imò majorem exhibent so-
licitudinem; cum boni custodis sit infirmis ma-
gis, quam sanis operam exhibere.

Impero vobis, ingratis spiritibus † hinc
cedere, per piorum spirituum erga hominis
specialem beneficentiam. Ipsi enim tanquam
Dei sui creaturas: ac Filii ejus Jesu Christi ima-
gines, summo operè diligunt, diligenter instruunt.
& interiùs mente illuminant; nostrum compa-
tiuntur miseriis, nos consolantur, nos ad bonum

exhortari non desinunt, ad sancta nos promovent, preces nostras ac gemitus ante Dei conspectum deferunt, ejusque erga nos munerum gratiam fidelissimi referunt; nos non minùs, quàm se ipsi pio amore complectuntur, nostram discipiunt salutem, & ut eam consequamur, nihil non agunt; de nostrorum salvatione exultant, nostraque resipiscentiâ verè delectantur: &, e contra, ob nostra crimina valdè, si possent, tristari videntur: sciunt enim ipsi, ad ipsorum quodammodo pertinere felicitatem, ut nos in locum vestrorum dæmonum deficientem, quidè coelo in locum tenebrarum dejecti estis, succedamus. Vos verò, vos totius invidiæ ac livoris fontes, quòd JESUS Dei Filius nostram mortalitatem, non vestram naturam assumpserit, summo perè doletis; quòd, ad nostra reparanda crimina, sacramentalia instituerit remedia, vos ipsos discerpitis; quòd in nobis quotidie operetur salutis beneficia, cruciamini; quòd sua benigntate nostram operatus sit redemptionem; quòd nos ipsos vocaverit, iustificaverit, glorificaverit, ultrà quàm dici potest, desperamini; quòd tandem nos, DEI gratia, per sanguinem Filii ejus nobis merita, glorificaturus sit, æterno mœrore torquemini.

Exorcizo vos, inobedientes spiritus † per Angelorum sublimium promptitudinem, atque alacritatem in Dei exequenda ministeria ad hominum salutem pertinentia; nec non ad divina mysteria hominibus propalanda; ut visum est Abrahamo, in Lotho, in Jacobo, in Gedeone, in Sam

Samfone, in Davide, in Elia, Elifæo, Esdra, Ifaia, Tobia, Sidrach, & fociis, Daniele, Zacharia, Machabæo, Iosepho, Mariæ sponfo, Mariæque Deipara Virgine, in pastoribus, in Christo, Magdalena, Apostolis, cæterisque sanctis viris. Cùm vos, scelestissimi, DEO, ac Sacerdotibus, qui Angelorum personam, Dei gratia, induunt, & ejus nomine vos exorcizant, vobis imperant, obedire reluctamini: nec præsto estis, nisi ad mendacia, furta, rapinas, odia, rixas, contentiones, vanitates, sacrilegia, blasphemias, execrationes, desperationes, homicidia, pertinacias, infamias, spurcicias, libidines, stultitias, opprobria, crimina, maleficia, & ad omnium scelerum genera nefandissima.

Conjuro vos malos genios† per Dei cælestiū ministrorum humilitatem: cùm tam sublimis eorum natura, ut hominibus inserviret, è cælo descendere, urbem contemptissimam ingredi, pastoribus gratulari, ac similia facere non erubuit: cùm tamen non propter ipsos, sed propter nos homines natum fuisse Dominum, ac Redemptorem, certò scirent, nec eorum obesse celsitudini loci vilitatem dubitârunt. Etenim ipsi nunc quidem ruri, nunc inter privatos domorum parietes, nunc in templo, nunc in hortis, nunc in accensa fornace, nunc in carceribus, nunc in mortuorum sepulchris, nunc in locis desertis apparere dignati sunt, nullâ personarum discriminis habitâ ratione: equidem Judæis, gentilibus, Christianam profitentibus fidem, mulieribus, viris sanctis, barbaris, nobiles, ignobilibus, om-

niúmque generum hominibus sese spectandos exhibuerunt: imò aliquando ab homine adorari respuerunt. O excelsorum spirituum mansuetudinem! O verè fortunatissimos nos, quibus Angeli sublimes, excelsi, cœlites, Deique ministri humiliter inserviunt, gratulantur! & ô infelicissimam vestrorum spirituum damnatorum turbam! quæ sempiternis caliginum detenta involucris, ad lucem venire nusquam potest; sed nemorum, sylvarúmque horribilia antra, foveas, cloacas, tetraque infernorum latibula quærens, in tenebris semper latitat, malignorúmque humorum foetoribus inhæret; ut vos ipsi hoc corpus occupantes, liquidò ostenditis. Et si quando ad vetularum, sagarum, magorúmque vestrorum nutus apparere coacti estis, monstruosas, teterimásque irrationabilium animantium formas, larvas, spectráque horribilia frequenter induitis.

Adjuro vos pessimos inferni spiritus† per feliciū Angelorum contra dæmones Ecclesiæ oppugnatores certamen: dum vos quotidie humano generi insidiantes, repellunt, & constantissimè mala perpetrare impediunt: imò, ut in terrestri paradiso, flammeo munitum ense Cherubim missum fuisse credimus; sic etiam in foribus militantis Christi Ecclesiæ fidissima Angelorum custodia veluti animato muro, à Deo destinari certum est; dicente Propheta: *Immittet Angelus Domini in circuitu timentium eum, & eripiet eos.* Idcirco vos malitiæ fontes, quoties sub hæreticorum personam in eam ingredi tentavistis, toties procul expulsi fuistis, toties maximo cum de-

decore confusi, terga vertistis, toties æternæ morti damnati fuistis, atque in tartarorum barathrum consepulti estis.

Exorcizo vos, obstinatissimos spiritus † per candidatorum Angelorum pulchritudinem, atque decorem, omnem transcendentem mentis configurationem, & verè vestrorum oppositam turpitudini. ô infernorum horribilia monstra, ad cujus aspectum mors inspectoribus sequitur sempiterna.

Conjuro vos spiritus pestiferos † per summorum Dei nunciorum numerum omnem excedentem materialium numerorum commensurationem; de quibus dicitur: *Millia millium ministrabant ei, & decies cententa millia assistebant ei:* & iterum per Job scriptum scitis: *Non est numerus militum ejus.* E cujus militia vos insensati, vos ignavi, vos desertores spiritus, perpetuò ejecti estis, gratiarum cingulo privati &c.

Exorcizo vos abjectissimos spiritus † per supernarum mentium ordinem, & pacem in cœlestibus, ut legitur: *Qui facit concordiam sublimibus suis,* cum vice versa, nullus inter vos fervetur ordo, sed semper infernus vester discordias, odia, rixas, horroresque foveat sempiternos.

Conjuro vos, bestiales spiritus † per Angelicarum potestatum præsentias regnis, provinciis, Ecclesiis, cunctisque rerum generibus, peculiariter à DEO destinatis ob eorum præsidium, atque tutamen contra vestrorum iniquorum insidias, atque invisibilia dæmonum certamina.

Exorcizo vos, spiritus confusionis † per Angelos,

los, Dei vindices, quos in Apocalypsis revelationibus enarratos, ac descriptos esse jam scitis; dum sanctus Dei Spiritus ad vestrorum excidium, ac perpetuum bestię illius interitum, quę satanam ducem vestrum in Antichristi persona designat, monstrare intendit.

Adjuro vos, spiritus deformitatis † per cælites Dei ministros, vestrorum dæmonum contradictores sapientissimos, debellatores fortissimos, victores gloriosissimos, fugatores inclytos in bello humanę mortis, cū rationalis anima, DEI gratiā, per pœnitentię lavacrum sanctificata, atque mundata, naturali secessu in conspectu Altissimi præsentari necesse est, atque in sinum Abrahamę per Angelorum manus transportari.

Impero vobis nequissimis spiritibus † meis obedire jussionibus, per sanctas cælorum Virtutes, quę DEI sui gloriam in sublimi contemplantur, DEI Filium sub Evcharistię Sacramento in terris piissimè venerantur, ac sacrificiorum solemnitatibus & laudibus jugiter assistunt: à quibus & vos venefici, vos canes, vos infernorum fœtidissimi fues, teste Apostolo, arceri jubemini.

Exorcizo vos, spiritus nigerrimi † per invictissimos illos, ac cælestes Spiritus, quos sacra Scriptura, tū in veteri, tū novo testamento commemorat: quos Dei magnalia in terris perficere aspexistis; qui tandem coram Altissimi Majestate incessanter assistere dicuntur: è quorum felici consortio vos infelicissimi, vos miserrimi longè seclusi estis.

Conjuro vos contumaces larvas † per cuncta
cælestium myfteriorum arcana , per Angelorum
ministerium hominibus propalata , ac fidelium
Ecclesiæ divinitus ostensa ; quæ longè vestram
excedunt impii capacitatem.

Constringo vos, infidissimi spiritus, ad mitef-
cendum † per Angelorum sanctorum zelum er-
ga Dei gloriam & honorem ; semper malo cul-
pæ contradicendo , quod ex adverso ipsorum
oppugnare vident Creatori.

Exorcizo vos, obstinatissimos spiritus † per
Angelorum sublimium erga sanctos viros, & præ-
cipuè erga Deiparam Virginem , ipsorumque
Reginam & Dominam indefessum obsequium ;
ad æternam vestrorum confusionem, quos sub
ejusdem conculcatos pedibus tenens , vestra
capita, vestræque elationis cornua quotidie con-
terere ipsa non desinit.

Conjuro vos reprobos spiritus † per cuncta
Angelorum , atque Archangelorum, tum in cæ-
lis, tum in terra , tum in abyfso , ad nostrorum
hominum salutem, Dei gloriam, vestrorumque
dæmonum damnationem , enunciata myste-
ria.

Exorcizo vos, spiritus contemptibilest per ex-
cellorum spirituum juvamen , atque solamen ,
quod piis fidelium animabus , in purgatorii loco
degentibus, usque dum in cælorum ipsæ evocen-
tur sedes , desuper afferre solent : adversus quas
vos invidi, vos livore plenissimi , nullam peni-
tus partem habere cruciamini.

Constringo vos tandem tabificos spiritus † per

Angelorum tubas, & voces, in extremo iudicio sonaturas, & fortiter clamaturas: *Surgite, surge-
te mortui, venite ad iudicium*: quando etiam vos impii, non surgentes nobiscum in iudicium, nec vos obstinatos peccatores in iustorum concilio apparentes, ut justificemini, sed ut debitum pænarum vestrarum reportetis complementum, contra vos ipsos tùm ab Angelis, tùm ab hominibus supremo Iudice latam audituri estis sententiam; cùm scriptum sit ab Apostolo: *An nescitis, quòd etiam Angelos iudicabimus?* tunc etiam hanc ipsam Dei creaturam, quam in hac vita vos gratis cruciare nitimini, contra vos ipsos, ad Dei sui mandatum, dirum audietis ferre æternæ mortis decretum: &, quam modò maleficiorum vestrorum vinculis alligatam tenetis, sempiternis postmodum compedibus, igneisque catenis vos ipsa liberè in inferni barathrum vinctos, ac damnatos recludet. Ut & ego Dei minister, præfata auctoritate mihi concessâ, in nomine ac virtute præcellæ illius, ac Trinæ Majestatis, quam tremunt Angeli, atque Archangeli, vos damnatissimos iterum atque iterum condemno; vos ingrattissimos æternis cruciatibus destino, ultra quos ferre non valebitis. Deus Messias, vos in abyssum mittat † Deus Eloym, vos maledicat † Deus Athanatos vos cruciet † Deus Jehova, vos conculcet † Deus Tetragrammaton, vos æternis Comburat incendiis † Deus Angelorum † Deus Archangelorum † Deus Thronorum † Deus Dominationum † Deus Potestatum † Deus Virtutum † Deus Principatum † Deus Cherubim † Deus

Deus Seraphim † vos dæmones, vos diabolos, vos damnatos, ac damnabiles tenebrarum spiritus absque fine disperdat. In nomine Patris † & Filii † & Spiritus sancti † Amen.

Exorcismus IX.

In Festo Sanctorum omnium, & per
Octavam.

Præparatio ut supra.

Exorcismus.

Sapientiam Sanctorum narremus omnes, & laudes eorum in Dei Ecclesia alacriter proplemus; quia iustorum nomina vivent in sæculum sæculi: memoria autem vestra, ô iniquissimi dæmones, ô pessimi damnati, pereat cum sonitu: quoniam Iesus Christus, unicus Dei Genitus, Beatorum Pater, & caput cœlorum, Angelorumque Dominus, de Virginis utero carnem sumens, Sanctorum Sanctus vocari, ac sanctitatem suam hominibus communicare, æternamque gloriam à vobis spiritibus immundis amissam, iustis elargiri voluit; alios permittens ante sui ortum Patriarchas, & Prophetas: alios post suum adventum creans Apostolos; alios post gloriosum in cœlos ascensum designans Martyres; alios Pontifices, alios ordinans Confessores atque Doctores, aliosque Virgines & continentiam præditos; de quibus omnibus à Joanne audistis, turbam vidisse magnam, quam dinumerare nemo valeret, ex cunctis gentibus, tribubus, populis, linguis; stantes ante thronum, in conspectu Ag-

ni, amictos stolis albis, habentes nomen Dei Tetragrammaton scriptum in frontibus; palmásque in eorum manibus, in signum victoriæ tenentes, quam de vobis inferni hostibus referre digni fuerunt.

Hanc igitur felicissimam, lucidissimam, inclýtamq; Beatorum copiosam turbam, & cœlestium armatorum exercitum invictissimum, in nostrum auxilium humiliter invocantes, ut vobis hanc Dei creaturam infestantibus occurrat, vos mecum conjuret + vos adjuret + vos exorcizet + ut virtute Omnipotentis Dei Patris + Dei Filii + Dei-que Spiritûs sancti + cogamini (sive unus, sive plures sitis) Sacerdotis obedire voluntati, & ad mei nutum, atque præceptum, tanquam excelsi Dei ministri (licet immeriti) incunctanter cedere, ut videlicet, si hic simpliciter maneatis, illicò, absque ullius læsione creaturæ, procul abscedatis, & veloces fugiatis, amplius ad eam non reversuri. Si verò sub alicujus maleficii atque incantationis detentione, hic, sive intus, sive de foris commoramini, per aliquod signum, pactum, dictum, scriptum, opus, & artem, quomodolibet, sive ab homine, sive à spirituali potentia compactam, initam, efformatam; sive mediatè, sive immediatè: per auctoritatem sacerdotalem mihi concessam, & in nomine Dei Sothet + Sabaoth + Adonay + Tetragrammaton + & per merita Sanctorum omnium, vos omnes exorcizo + adjuro + cogo + nec non cunctis vobis faventibus, vos juvantibus, ac impredientibus impero + huc illa adducere: vel cuncta mala figmenta vestra præ-

di-

dicta omninò evertere, uti & in præsentia ego ipse, eâdem superna Dei mihi tradita virtute, & in Altissimi nomine destruo † solvo † absolvo † deleo † atque ad nihilum redigo †

Si verò intrâ, vel extrâ hoc humanum corpus, aliqua visibilis, vel invisibilis adsit potentia, quæ Dei iussis, per me injectis, & injungendis resistere audeat, opem ferendo, obstando, aut aliter præcipiendo; ego ipse Dei minister, Dei que instrumentum, nomine potentissimæ, atque individuæ Trinitatis, nec non & omnium Angelorum, Archangelorum, Patriarcharum, Prophetarum, Apostolorum, Martyrum, Confessorum, ac Virginum, illam exorcizo † adjuro † debilito † deleo † ac penitus destruo † in nomine & potentia sanctissimæ Trinitatis.

Quòd si tum vos, tum socii vestri ubicumque commorantes, consuetâ vestra, atque diabolicâ duritie, sacerdotalibus institutis, atque præceptis reluctari audeatis: iterum ego ipse, nomine Dei excelsi, qui mundum ex nihilo condidit, & rebelles spiritus jure optimo ob eorum superbiam in inferni septis æternaliter clausit, condemno vos, & illos ad augmentum pœnarum vestrarum infernalium accidentalium: ita ut singulis quibusque momentis augeantur contra vos semper, donec mihi, excelsi Dei ministro adamussim obtemperetis. Verba igitur conjurationis meæ vobis sociisque vestris, cujuscumque ordinis, velut ignis, sulphur, ac spiritus procellarum de cœlo cadentium sint, ad vestrum omnium cruciatum, flagellum, ardorem, ac sine fine tormentum.

Saa-

Sanctorum igitur exercitus in cœlo gauden-
 tium vos damnatos mihi parere cogat † vos tur-
 pissimos, juxta præfatum meum propositum &
 sententiam obtemperare coarctet † vos coerceat
 † vos exorcizet † vos adjuget † vos conjuret † vos
 ad cedendum compellat † Et ego iterum, nomi-
 ne tremendissimæ Majestatis, in throno divinita-
 tis excelsæ sedentis, vos conjuro † in nomine Ag-
 ni, stantis in cœlis, tanquam occisi, vos flagellor
 nomine Dei Jehova, vos debilito † nomine Dei
 Agla, vos incendo † nomine Dei Sabaoth, vos
 pessundo † nomine Dei Agyos, vos percutio †
 nomine Dei Otheos, vos fugo † nomine Dei A-
 thanatos, vos jaculis confodio † conjuro vos per
 Deum vivum † per Deum verum † per Deum
 sanctum † per Deum unum † conjuro vos † per
 Dei Majestatem, quæ ab Angelis & hominibus
 adoratur. Adjuro vos † per Sanctum Sanctorum,
 qui promisit Abraham, semen suum se aucturum
 sicuti cœli sidera, & veluti arenam maris, quæ
 numerari nequaquam possunt. Conjuro vos †
 nigerrimas belluas, per Deum summum, qui po-
 suit animas fervorum suorum lapides vivos in
 templo gloriæ suæ; vosque damnatos spiritus,
 lapides duos, & mortuos, in inferni barathrum
 præcipites labi jussit. Conjuro vos infames dæ-
 mones † per Dei sapientiam, qui permisit servos
 suos electos in paucis vexari, ut in multis bene
 dispositi virtutum probationibus, illos dignos se
 inveniret; vos autem in malo pertinaces, abs-
 que fine, & præmio, perennibus affici cruciati-
 bus.

Con-

Conjuro vos † per Dei clementiam, cujus gratia & misericordia est in electos ejus tantummodo: non autem erga vos, qui in æternum omni bono privamini. Conjuro vos † per Dei pulchritudinem, qui posuit speciem cæli, gloriam stellarum: servorum videlicet suorum in supernis, Dei lumine lucescentium in perpetuas æternitates: illo inquam lumine, ô damnati dæmones, quod vos peccantes perpetuò amisistis, atque indeficientibus tenebris convoluti estis. Conjuro vos † scelestissimos per Dei magnificentiam, qui laudabiles viros gloriosos, parentes nostros, in generatione sua effecit: opprobrium inducens supra vos protervos spiritus infernales qui ante D. Majest. vos supplices prosternere renuistis, & Creatorem vestrum, ô ingratissimi, reliquistis. Conjuro vos spurcissimos dæmones † per Dei bonitatem, qui elegit justos ex omni carne: dealbavit eos, & veluti aurum igne probavit illos: Vos autem spiritus tartarei regni reprobavit, flammisque sempiternis concremandos merito destinavit. Conjuro vos execrabiles † per Dei gloriam, quæ uti æthereus refulgens sol in clypeos aureos, Sanctorum montes splendere fecit; ex qua exarsistis & vos Dei hostes, Dei que rebelles, tamquam ignis in spinis: quoniam magna sunt excelsi opera in concilio justorum, congregationeque Sanctorum.

Hi enim sunt, quos delegit Dominus in charitate non ficta. Hi sunt, qui suum super cuncta dilexere factorem, & Jesum Redemptorem,
in

in vita sua , ex tota anima, ex toto corde, ex tota mente , item & proximos tamquam se ipsos, propter Deum ardentissimo protecuti sunt amoris affectu. Hi sunt, qui suum sequuti sunt Dominum Redemptorem in morte sua. Hi sunt, qui ad cælorum venerunt culmen de tribulatione magna, laveruntque stolas corporum suorum in sanguine Agni : Illius, inquam, Agni , quem magnus præmonstravit Baptista, dicens : Ecce Agnus Dei, qui tollit peccata mundi. Mundi crimina sustulit Dei Filius JESUS , hominum videlicet , non Angelorum apostatarum, non spirituum immundorum , non vestra, ô dæmones perversi, qui obstinati, atque radicati in sceleribus vestris permanistis. Hi sunt, qui fortiter cum JESU in tentationum, & passionum suarum certamine perseveravêre. Hi sunt quorum sublimia opera voces suas in omnem effuderunt terrarum orbem. Hi sunt, quorum doctrinâ, uti solis ac lunæ sydera, sancta refulget Ecclesia. Hi sunt lucernæ , super ipsius Ecclesiæ candelabrum positæ, ut lucem irradiant omnibus , qui intra Dei habitant domicilium : non autem vobis obscurissimis, teterrimis, nigerrimis , qui tenebras dilexistis magis, quàm veram Dei lucem. Hi sunt, qui magna excelsi opera pleno ore annuntiaverunt , & facta illius valdè mirabilia intellectu firmiter perceperunt. Hi sunt, quorum os indefessè Dei sapientiam meditabatur, & aspernabatur mundi stultitiam. Hi sunt, qui nefandorum , ac tyrannorum principum jussa fortiter contemnentes, præmia meruêre perpetua. Hi sunt

sunt Nazarei candidi, splendorem DEI Eloym dantes, & adversus tenebras vestras jugiter concertantes. Hi sunt, qui non esurient, neque sicient amplius, nec severitatis, atque justitiæ sol super illos cadet, sed nec ullus afflictionum æstus costangere poterit: quibus & vos infelicissimi dæmones meritò sine fine ardetis in pœnis vestris. Hi sunt, qui fide vincentes regna, Altissimi adepti sunt cælorum promissa. Hi sunt, gentes mites, tranquillæ, habitantésque confidenter. Hi sunt olivæ fructiferæ in domo Dei in excelsis. Hi sunt, qui neque mortem, neque luctum, neque clamorem, neque dolorem gustabunt amplius: quia ipsemet omnipotens omnem jam lachrymam ab eorum oculis tergere dignatus est. Hi sunt, qui beatitudine pleni, in domo Domini Sabaoth perpetuò commorantur. Hi sunt palmites, à Christi excelsa vite germinantes. Hi sunt, qui ex toto corde DEUM ipsum exquisierunt, quem & vos, beneficii immemores, deseruistis. Hi sunt paradisi fontes, qui exemplis, atque doctrinis terram desertam, & sterilem irrigare non desinunt. Hi sunt nubes, rorem stillantes gratiarum à Deo desuper orbem: attamen in ignem, atque tonitrua contra vos pessimos interni cultores validissimè erumpentes. Hi sunt lapides pretiosi, quibus plateæ Jerusalem cælestis, atque sublimis sterni dicuntur. Hi sunt stellæ, maximo cum ordine in cælestibus motum habentes: unde & vos miseri dejecti fuistis post luciferum principem vestrum. Hi sunt, quorum animæ in manu excelsi repositæ; ideòque eas

mortis tormentum, ac cruciatus tangere num-
 quam possunt. Hi sunt aurum in fornace tribu-
 lationum probatum, acceptumque à DEO, quasi
 holocausti hostia in sublime recepta. Hi sunt,
 quorum capita coronâ aureâ à Domino redimi-
 ta fuere, in signum sanctitatis, in gloriam hono-
 ris, opusque fortitudinis singulare: quæ quidem
 corona, ò infelicissimi spiritus, cecidit, jam, jam
 cecidit de capite vestro elatione plenissimo
 cumque ingratè contra Deum vestrum peccastis,
 illius loco, cornua, veluti brutis animalibus, ger-
 minata sunt vobis, in opprobrium falsæ vestro-
 rum arrogantiae. Hi sunt, quos replevit DEUS
 spiritu suo, & intelligentia, & scientia: quæ om-
 nia vos daemones, ictu oculi, miserandum in mo-
 dum amisistis, cum conditorem vestrum colere
 renuistis. Hi sunt, qui velut imbres miserum
 nobis eloquia sapientiae, & in oratione confessa
 sunt Domino: quem vos impii reliquistis; ac
 per terrarum gyrum mendacia, hæreses, falsæ
 dogmata, pessimasque promulgare doctrinas ne-
 quaquam desistitis. Hi sunt, qui operati sunt
 ac parvulos docuere cælestia; factis videlicet,
 sermone DEUM jugiter confitentes: ideoque
 magni & excelsi in cælorum regno vocati sunt
 unde vos miseri, qui quondam eratis magni
 præcipientes corruistis. Hi sunt, qui contra vestrum
 luciferinum institutum elucidaverunt Deum:
 ideo æternæ cum ipso vitæ sortem fuerunt ad-
 pti: quam etiam cum ipsomet principe vestro
 vos miseri amisistis. Hi sunt, quorum semen
 DEO nunquam desertum fuit; sicuti dereliquit

& ipsemet vos ingratissimos in æternum: ideoque corpora eorum fuerunt in pace tumultata, atque sepulta. Hi sunt, qui quasi splendor firmamenti, & veluti sydera in perpetuas fulgent æternitates: quorum lumen nunquam vestris in latebris coruscare videbitur. Hi sunt, qui de mundi Libano advenerunt, & coronam adepti sunt ante Regem, atque honorificè in sedibus, ubi vos per modicum sedebatis, collocati fuere. Hi sunt, quorum memoria mortis est expers, & apud Deum & homines valdè inclyta: vestra autem, ô dæmones, recordatio cum sonitu perit, atque ictu oculi in inferni sedibus consepulta fuit. Hi sunt tandem, qui adducti fuerunt post Regem, de vestris triumphantes versutiis: quoniam laquei, quos ad deceptionem illorum impie parastis, contriti sunt; ipsi verò liberè remanserunt, & cum Deo suo, ac Redemptore Jesu in æternum congaudere cernuntur.

In nomine igitur ejusdem Jesu Nazareni † in nomine Jesu electorum capitis † in nomine ac virtute Jesu Regis Regum, & Domini Dominantium † vos diabolos iterum conjuro † iterum adjuro † iterum eodémque pacto, conditione, forma, mente, qua supra, exorcizo & corarum † urgeo † ut meis pareatis mandatis, jam vobis injunctis, atque injungendis. Exorcizo vos damnatos † per Jesum Christum, Prophetarum objectum † exorcizo vos per Jesum Christum Patriarcharum Principem † Exorcizo vos per Jesum Christum, summum Apostolorum Præceptorem. Exorcizo vos tartareos cives † per

IESum Christum, Evangelistarum Doctorem.
 Exorcizo vos execrandos † per IESum Chri-
 stum, Martyrum Fræcursores. Exorcizo vos
 belluas † per IESum Christum, Confessorum Ex-
 emplar. Exorcizo vos monstra infernalium † per
 IESum Christum, Pontificum normam. Exor-
 cizo vos infames † per IESum Christum, Virgi-
 num speculum. Exorcizo vos malignos dæ-
 mones † per IESum Christum, continentium for-
 titudinem. Exorcizo vos turpissimos † per JE-
 sum Christum, Doctorum Magistrum. Exor-
 cizo vos scelestissimos † per IESum Christum,
 coronam Sanctorum omnium. Exorcizo vos
 mendaciis assuetos † per Mariam, almam DEI
 Matrem. Conjuro vos tartareos † per Mariam
 Virginem, Patriarcharum Reginam. Conjuro
 vos lupos infernales † per Mariam Virginem,
 Prophetarum Dominam. Conjuro vos scara-
 bæos † per Mariam Virginem, Apostolorum
 Magistrum. Conjuro vos abyssi dæmones † per
 Mariam Virginem, Evangelistarum lucem.
 Conjuro vos canes rabidos † per Mariam Vir-
 ginem, Martyrum ducem. Conjuro vos vene-
 ricos † per Mariam Virginem, Confessorum
 Principem. Conjuro vos ranas foetidissimas
 per Mariam Virginem, Virginum caput. Con-
 juro vos bubalos † per Mariam Virginem, San-
 ctorum Imperatricem, ut mea sine cunctatione
 exequamini iussa, nomine Altissimi vobis man-
 dantis, præcipientis, atque validissimè fugam a
 hoc corpore imperantis †

Sed ulterius, exorcizo vos diabolos † per san-
 cto-

torum Angelorum choros, & præcipuè per sanctum Michaellem, Principem cœlestis militiæ, potentem in prælio, quique contra luciferum, vósque pertinaces dæmones fortissimam fecit victoriam, ac validissimè cunctam vestram infernalem debellans potentiam: ad cujus de cœlo descensum concutitur mare, terraque simul contremiscere dicitur.

Hic Dei Ecclesiæ præpositus fuit, ut pugnet cum dracone acerrimè, atque in adiutorium Dei populo veniat. Exorcizo vos perversos diabolos † per sanctum Gabrielem, Virginis Mariæ, Deique sponsalium nuncium singularem. Hunc vestitum lineis vidisse testatur Daniel, & accinctum renibus auro obrizo, habentemque corpus veluti chrysolitum, ac faciem, quasi fulgurem coruscantem: oculi autem ejus lampadi similes; aliæque membra ad modum æris candentis describuntur. Exorcizo vos ingratissimos spiritus † per sanctum Raphaellem, qui Dei potentia apprehendit, ligavitque dæmonem Ægyptium; oculorum lumen Tobix reddidit, eripuit filium à pisce devorante, illumque domum incolumem duxit, atque reduxit. Exorcizo vos nequissimos dæmones † per sanctos Angelos, Principes operum Dei, præstantissimæ virtutis duces coram Altissimo. Exorcizo vos nefarios † per sanctos Angelos, qui apparuerunt Loth, atque hospitio fuerunt ab eo recepti. Exorcizo vos versutissimas inferni vulpes † per illum Angelum, qui de cœlo clamans, vocavit Abraham † per illos etiam, quos vidisse narratur Jacob † per illum,

illum, qui præcedere dicitur Dei castra † per illum, qui stetit contra Balaam † per illum Angelum vos exorcizo † quem vidit Gedeon : per illum, qui apparuit Annæ sterili † per illum celestem Spiritum vos adjuro, qui fuit ultor populi David illius, occidendo plebem † per illam Angelicam potentiam vos infames exorcizo † quæ loquuta est ad Eliam Thesbitem † per illam, quæ percussit de castris Assyriorum centum octoginta quinque millia † per illam, quæ piam Judith custodivit in Holofernīs obtruncatione † per illum Angelum vos conjuro † qui descendit cum Azaria ac sociis in fornacem † per illum, qui in lacum leonum descendit, ut Danieli assisteret † per illum, quem in vertice apprehendisse Habacuc, atque in Babylonem asportasse scribitur. Conjuro vos dæmones pertinaces † per sanctum Angelum vociferantem cum sociis juxta pastorum caulas, & illis gaudium magnum de inclyta Jesu Dei Filii Nativitate annuntiantem. Per illum, qui in somnis admonuit Joseph de fuga, quam arripere illum oportebat cum puero, & Maria semper Virgine, ejus conjuge, Deique Matre † Exorcizo vos per illos Angelos, qui ad Jesum Dei Genitum accesserunt, ministrantes illi post triumphum, quem de satana principe vestro potentissimè retulit in deserto † per illum, qui aquæ motum in piscina, à Deo missus, faciebat † per illum, qui Dei Filium confortabatur in horto ad instantis necis agoniam, † per illum vos conjuro, qui lapidem sepulchri magno cum terræ motu revolvit. Per illum, quem Maria Magdalena

lena sedentem vidisse in albis legitur, juxta JESU
tumulum. † Conjuro vos imundos daemones †
per illum Angelum, qui carceris ostia Petro ape-
ruit, ejusque catenarum vincula solvit. † Per il-
lum, qui Paulum etiam illaesus de carcere exe-
mit † per illum, qui Philippo est loquutus, ut ba-
ptizaret Eunuchum † per illos Angelos vos
conjuro † qui sunt praesides Ecclesiarum, & po-
pulorum fidelium † per illos, qui stare dicuntur
in circuitu throni Altissimi in coelestibus, qui-
que videntes faciem Patris, laudant Agni virtutem,
& fortitudinem magnam. † Per illos, qui ad di-
versa ministeria à summo omnium conditore
missi describuntur à sancto Joanne in Apocaly-
psis libro, ad denotandum Dei magnalia tunc
praeterita, tunc praesentia, tunc futura. † Conjuro
vos diabolos, per novem Angelorum choros in
tres divisos turmas, quae Hierarchiae nuncupan-
tur, ut incessanter divinae adstent Majestati : &
quorum consortio vos miseri, ac infelices sejun-
cti ob vestram obstinatum superbiam, confusi
cecidistis. Exorcizo vos perfidos † per sanctos
Angelos, hominum custodiam à Deo salutari no-
stro benignissime destinatos, ut nos amabiliter
instruant, dirigant, hortentur, protegant, tucan-
tur, avertant, consolentur, sanent, & tandem ad
Deum ipsum ac proximum nostrum perfectissi-
me diligendum inflamment. Et praecipue exor-
cizo vos nequissimos † per Angelum hujus crea-
turae N. custodiam delegatum, quem contra te,
vosque omnes iniquissimos spiritus in hac
crumnarum palæstra supplex invoco; nec non

& Angelum meum dilectum, cuius tutelæ superna sum pietate commissus, humiliter precor, ab eoque efflagito, ac devotissimè, quantum in me est, eum veneror, ut una cum Angelis Custodibus harum adstantium creaturarum me validum, & hoc in bello potentem reddant ad vos compellendos, ad vos dejiciendos, opprimendos, atque ab hac creatura, Christi sanguine redempta, procul pellendos; ita, ut numquam in ea, vel circa eam amplius locum obtineatis.

Conjuro vos præcipuè † per Archangelos, quibus altissimorum ministeriorum est cura; quique summi nuncii dicti sunt; ipsi namque à DEI creaturis vos diabolos expellunt, & sublimia, atque occulta revelare assolent. Conjuro vos inferni colubros † per virtutes cælorum miracula perpetrantes; præfules & summos Ecclesiæ ministros edocentes, & cohortantes. Conjuro vos DEI rebelles † per Angelicas Potestates, comprimantes vos diabolos, cælorum apostatas, ne vestra virtute ac voluntate perversâ nos lædatis; & justos in via virtutis, atque laboris hortantes, ne fortè à bono desistant jam cœpto. Conjuro vos nequissimos † per Principatus, qui cæteros, quibus præfunt, spiritus, ad divinum ministerium implendum summopere disponunt; conservant in unitate regimina; instruunt subditos majoribus exhibere reverentiam; tantummodo ad Dei honorem justitiam exequi. Conjuro vos perfidos † per Dominationes, quæ nullis subjici dicuntur spiritibus: docent in spirituali certamine, ac servilî rejectô prælationis exercere officium;

tino-

timore, Deo incessanter instruunt famulari. Conjuro vos per Thronos † in quibus sedens Altissimus, sua per eos decernit, ac designat occulta judicia. Conjuro vos obstinatos † per Cherubim, divinis præ cæteris perfusos radiis; & plenitudinem lucis, quam à proximitate cum prima veritate suscipiunt, cæteris transfundunt cælorum spiritibus, hominésque ad divinam ac summam ducunt agnitionem. Conjuro vos teterrimos † per Seraphim, qui divina succensi dilectione, eorum ardore, cæteros ad Deum amandum accendunt. Exorcizo vos pessimos † per beatorum prælationes spirituum, in quibus perpetuò absque ulla controversia perseverant. Conjuro vos nigerrimos † per confirmationem sanctorum Angelorum ex gratia † per confirmationem ipsorum ex gloria † per confirmationem eorundem ex natura. †

Exorcizo vos tandem † per omnes Angelicos Spiritus, ac spiritales Potestates, quæ sunt cælorum cives, Aulici Dei Omnipotentis, Paradisi Duces; sapientiæ, & scientiæ Doctores veracissimi contra hæreses vestras; hominum ad Dei imaginem effectorum amatores zelantissimi, ductores, Patroni, ac defensores, animarum illuminatores; Custodes pervigiles, qui mala à nobis arcent, dolores leniunt, tentationibus resistunt.

Exorcizo vos damnatissimos † per sanctos cælorum Spiritus, qui sunt dæmonum destructores acerrimi, eversores maleficiorum, adversatores instigationum pessimarum, protectores desti-

destitutorum, miserorum, ac pauperum; calefactores tepidorum in Dei proximorumque dilectione, consolatores afflictorum, desperatorum refugium, ostensores mysteriorum Dei, cohortatores debiliū, & infirmorum. Conjuro vos reptilia infernalīa† per sanctos Angelos, qui nos homines, in extremis laborantes, in creaturis fide corroborant, ad peccatorum pœnitentiam incitant, ad lachrymas excitant, ad orationes provocant, ad cœlestia nostras erigunt mentes, ad salutis opera juvant, in paradysum vel purgationis locum nos perducunt, ibique animas sæpissimè invisere non cessant, donec purgatis culparum maculis, cœlorum januas ingredi Dei benignitate dignemur; ad vestras, ô damnati dæmones, desertas sedes replendas: ubi exultantes, secum nos excipiunt Angeli sancti, Angeli lucis, Angeli pacis, atque lætitiæ, mirifico gaudio gestientes super nos peccatores, jam per pœnitentiam de vobis palmam reportantes.

Tandem, ut Dei minister indignus, & per hoc supra vos per ejusdem gratiam constitutus, vobis impero, ut vestram frangatis duritiem, ac cedatis, non mihi, sed Dei instrumento, Christi que famulo† conjuro vos† per piissimum Dei Filii præcursores Joannem Baptistam, in matris utero sanctitate donatum, Prophetarum vaticinio prædictum, ab infidelibus honore habitum, auditum à discipulis, ac tandem ab impiis innocenter occisum. Impero vobis immundissimī† per sanctissimum Joseph Christi alumnum ac Dei paræ Virginis sponsum dignissimum. Præ-

cipio

cipio vobis perversis hinc fugam arripere † per sanctum Petrum. Apostolorum Principem, Christi Jesu in terris Vicarium, clavicularium regni coelestis, de fluctibus ereptum, piscatorem hominum effectum, à Jesu magnopere dilectum, Spiritu sancto repletum, ac pro Domino cruci affixum. Impero, vobis diabolis, ut pareatis, per sanctum Paulum, Doctorem gentium, vas electionis effectum, Prædicatorem veritatis constitutum, Spiritus sancti tubam, positum Apostolorum novissimum; cui, post multas clades, pro Jesu caput fuit amputatum. Impero vobis nequissimis † per sanctum Andream Apostolum, Petri germanum, cruci quoque affixum; per sanctum Joannem, à Christo præ cæteris discipulis dilectum virginitatis flore redolentem, qui in cœna supra ejusdem Domini pectus recubuit, in quo revelata illi fuerunt arcana coelestia. Per sanctos Jacobum Majorem & Minorem; per sanctum Philippum, per sanctum Matthæum, per sanctum Bartholomæum, cui pro Christi nomine propria pellis ab impiis carnificibus fuit detracta: per sanctum Thadæum, per sanctum Simonem Apostolum. Præcipio vobis impiis spiritibus, ut obtemperetis, per cunctos Christi Discipulos. Præcipio vobis mendacissimis † per pios Evangelicæ veritatis promulgatores. Mando vobis per omnes Sanctos, Innocentes pro Jesu nomine cæsos.

Præcipio vobis nefandissimis † per sanctum Stephanum Martyrum Principem lapidibus obuturum, Præcipio vobis † per sanctum Laurenti-
um,

um, pro Christi fide in craticula constantissime combustum. Præcipio vobis † per sanctum Vincentium, pro Domino excarnificatum. Præcipio vobis † per sanctum Clementem, Ignatium, Theodorum, Vitum, Blasium, Januarium. Præcipio vobis vilissimis † per divas Luciam, Catharinam, Eulalam, Agatham, Agnetem, Cæciliam, Anastasiam, Barbaram, Irenem, Ireniam, Dorotheam, Teclam, Ursulam, suis cum sociis. Præcipio vobis † per omnes Sanctos, & Sanctas Christi Martyres, celeberrimas inferni viatrices.

Præcipio vobis durissimis † per sanctum Sylvestrum, Christi Vicarium; per sanctum Gregorium summum Pontificem, & Ecclesiæ Doctorem † per sanctum Hieronymum † Augustinum, Doctorem maximum, atque hæreticorum malleum. Præcipio vobis † per sanctum Ambrosium, Hilarium, Chrysostomum, Nazianzenum, Taumaturgum, Nissenum, Alexandrum, Cyrillum, Urbanum, Zenonem, Bonaventuram, Carolum. Præcipio vobis † per omnes sanctos Pontifices, & Ecclesiæ Doctores. Præcipio vobis perversis † per sanctum Antonium, Hilarionem, Serapionem, Moysen, Columbanum, Ægidium, Onufrium, Guilielmum, Paphnutium, Martinianum, Benedictum, atque Basilium, præclarissimos Monachorum primates. Præcipio vobis obstinatis † per sanctum Antonium Abbatem, & flagellum vestrorum dæmonum valde terribile † per sanctum Brunonem † per sanctum Bernardum † per sanctum

Albertum † per sanctum Ubaldum † per sanctum Zenonem † per sanctum Dominicum † per sanctum Franciscum, verum Christi pauperem, humilem, ac ferventem Jesu amatorem † Præcipio vobis per sanctum Thomam Aquinatem, Angelicum Doctorem † per sanctum Bernardinum, per sanctum Franciscum de Paula. † Per sanctos, Ignatium, & Franciscum Xaverium, novissimos Indiarum Apostolos † per sanctum Philippum Nerium, per beatum Cajetanum, Regularium Clericorum Auctorem † per beatum Andream, Avellinum, inclytum charitatis amatorem. Impero vobis per omnes Sanctos Christi Confessores † integerrimos.

Impero vobis † per sanctam Annam † per sanctam Mariam Magdalenam † per sanctam Mariam Ægyptiacam † Mariam Salome † Mariam Cleophe † Claram † Catharinam Senensem † Thaidam † Euphrosinam † Theodoram † Brigitam † Theresiam † Elisabetham † Franciscam † Ursulam Benincasa † ac tandem per omnes Sanctas Dei Virgines, ac Viduas, vos dæmones exorcizo † adjuro † cogo † ut omni morâ postpositâ, omni fallaciâ rejectâ, omnique devictâ obstinationis duritie, voci Sacerdotis, ac ministri Christi obtemperetis, atque incunctanter cedatis, fugam hinc prorsus arripientes.

Præcipiat igitur vobis mecum Verbum Caro factum † mandet vobis mecum efficacissimè sanguis Christi Redemptoris † mandet vobis mecum crucis mysterium † mandet vobis sacrosancta Mater Ecclesia, mandent vobis Christi Sacramen-

menta † mandet vobis gloria Virginis Dei Genitricis Mariæ, supra choros sedentis Angelorum † mandet vobis cedere turba cœlestium Potestatum † mandet vobis mitescere Patriarcharum fides † Prophetarum mysteria † Apostolorum charitas † Evangelistarum veritas † mandet vobis sanguis Martyrum † sollicitudo Pontificum † vigilantia Doctorum † perseverantia Confessorum † mandet vobis continentia Virginum.

Et ego, nomine, & virtute Altissimi, auctoritate prædicta mihi communicata, à sancta Romana Ecclesia, atque in Christi sanguine roborata; & in virtute omnium Beatorum, ac per merita eorundem, iterum ut supra, & sub iisdem pænis vos diabolos conjuro † vos perfidos spiritus adjuro † vos infames Dei rebelles exorcizo † in virtute omnium prædictorum, ac millies acerrimè vobis insto, ut meis pareatis mandatis † vobis viriliter impero † ut subjiciamini præceptis sacerdotalibus, illico recedendo, per Sanctorum merita, per Sanctorum coronas, per Sanctorum gloriam, per Sanctorum gaudium, per Sanctorum lumen, per Sanctorum aureolas, per Sanctorum vitam &c. vos cedere cogo † per sanctarum animarum dona sublimia. Vos compello † per Sanctorum corporum glorificatorum agilitatem, impassibilitatem, sublimitatem, atque splendorem: vos coarcto † per cuncta Sanctorum bona ineffabilia, eis à Deo communicata, quæ nec auris audire, nec oculus videre, nec in cor hominis ascendere posse compertum est: quibus muneribus, & privilegiis vos infelices

clam.

damnati in perpetuum orbat remanſiſtis. Verba igitur Prophetarum vos bubalos pungant ⁊ virtutes Patriarcharum vos mecum flagellent. ⁊ Labores, fides, ac prædicationes Apoſtolorum vos canes cædant. ⁊ Dolores, ac patientia Martyrum vos comburant. ⁊ Perſeverantia Confeſſorum vos peſſundet ⁊ Pontificum zelus vos tartarorum mancipia condemnet ⁊ ſapientia Doctorum vos viliffimos confundat ⁊ puritas Virginum vos ad fugam compellat ⁊ lachrymæ, ſudores, gemitus, ſingultus, atque ſuſpiria pænitentium Anachoretarum vos confodiant ⁊ vos feriānt ⁊ vos transverberent ⁊ vos æternis cruciatibus torqueant: In nomine Patris ⁊ Filii ⁊ Spiritus ſancti Trini, uniūſque Dei, qui eſt corona Sāctorum omnium, Amen.

Benedictio creaturæ liberatæ, cum manūs inpoſitione.

Benedictio Dei Patris Omnipotentis ⁊ qui te creavit: Benedictio Dei Verbi qui te redemit: Benedictio Dei Spiritus ⁊ qui te ſanctificavit, deſcendat ſuper te creaturam Dei N. ⁊ maneat ſemper, Amen. ⁊ Sancta, atque individua Trinitas benedicat te ⁊ conſervet te ⁊ cuſtodiat te ⁊ protegat te ⁊ muniat te ⁊ te que glorificet ⁊ per æterna ſæculorum ſæcula, Amen.

Oremus.

Benedictionem tuam Domine, ſervus hic fidelis accipiat, ut, per gratiam tuam à dæmonum ægitudine, corpore liberatus, ⁊ mente congruam tibi exhibens ſervitutem propiationis tuæ beneficia ſemper inveniat. Per Dominum noſtrum Jeſum Chriſtum ⁊c.

Bene-

Benedicat te igitur benedictione perpetua
 Deus Pater æternus † benedicat te Dominus ex
 Syon, qui fecit cælum, & terram. † Benedicat
 te Omnipotens, & misericors Dominus, Pater
 † Filius † & Spiritus sanctus † Benedicat te bene-
 dictione sancta sua, qui est benedictus in sæcula.
 † Benedicat tibi Dominus, & custodiat te † o-
 stendat Dominus faciem suam tibi, & misereatur
 tui † convertat Dominus vultum suum ad te, &
 det tibi pacem. † Benedicat te Creator, sicut be-
 nedixit diei septimo, & sanctificavit illum † Be-
 nedicat te Altissimus, sicut benedixit Noë † sicut
 benedixit Abraham † & semen ejus † sicut bene-
 dixit Isaac † sicut benedixit David hominem jux-
 ta cor ejus † Benedicat te de excelsis benedictio-
 ne Sanctorum, Jesus Christus, qui pro te caro effe-
 ctus est, qui pro te mori dignatus est, qui pro te
 sepeliri voluit, qui pro te ad ima loca descendit,
 qui pro te resurrexit, qui te post se ad cælorum sub-
 limia evocat † Benedicat te illa, quæ fuit inter mu-
 lieres benedicta, quæ illibata semper permanens,
 omnium genuit Creatorem, quæ est Mater, & Vir-
 go, quæ supra Angelorum choros sublimiter est
 evectat † Benedicant te cælorum Spiritus cum cæ-
 lorum Domino † Benedicant te Patriarcharum cu-
 nei † Prophetarum acies † Apostolorum senatus
 † Benedicant te Christi invicti Martyres † Bene-
 dicant te Pontificum, & Confessorum semper
 candida turba † Monachorum copiosus numerus
 † Benedicant te sanctæ Virgines, & Viduæ † om-
 nisque Beatorum inclyta communio, de inferno
 triumphans, & benedicat † & à spiritibus immu-
 dis,

dis, à quibus per Dei clementiam evafifti, perpetuò te creaturam DEI N. protegat, fortiterque defendat † Amen.

Postea fignò crucis creaturam muniens dicat:

Sanctiffimum hoc crucis fignum † Domini nostri **J**esu Christi liberet te, creaturam DEI N. ne amplius ab hofte maligno crucieris. † Dominus **D**EUS Sabaoth, fortis, & potens in præio muniat te N. vexillo sancto fuo † ut videant, qui oderunt te, & confundantur. Sanguis Christi **J**esu † prævaleat contra inimicos tuos tartareos; ita ut fi aspexerint te N. conterriti fugiant à confpectu tuo, & ad te ultrà accedere nequeant. **J**esus DEI Filius corroboret caput tuum, ô N. † ad cogitandum, quæ recta funt. **J**esus, Mariæ Genitus, frontem tuam muniat † N. ad resistendum diabolo. **J**esus illuminet oculos tuos N. † ne unquam obdormias in morte. **J**esus custodiat aures tuas N. † ut apprehendas Domini disciplinam. **J**esus corroboret nares tuas N. ut in odorem unguentorum fuorum curras. **J**esus aperiat labia tua N. † ut os tuum annunciet laudem fuam. **J**esus manus tuas N. † doceat ad prælium, & digitos tuos ad bellum contra tartareas legiones. **J**esus confirmet cor tuum N. † ad expugnandos diabolicos incurfus. **J**esus dirigat pedes tuos N. † ut abeant in viam salutis, & pacis. **J**esus custodiat corpus tuum N. per totum † ut non prævaleat contra te iterum satan, cum exercitibus suis pessimis. **J**esus confervet animam tuam N. † ut mundam eam inveniat in die retributionis æternæ, qui cum Patre & Spiritu sancto

Etō vivit & regnat Deus, in sæcula sæculorum
Amen.

*Præceptum demonibus effugatis faciendum ante Cru-
cem vel sanctam Eucharistiam.*

VObis autem maledictis spiritibus immundis,
qui potentissima DEI nostri virtute ab hoc
corpore fugati estis; vobis, inquam, ubicumque
sitis, constantissimè præcipio & vobis efficacissi-
mè mando & vobis firmiter impero & in nomine
DEI excelsi, qui vos creavit, qui vos supplicii
destinavit æternis: nomine, & virtute JESU Chri-
sti Filii ejus Domini nostri & in nomine, & per
merita præcellæ Genitricis DEI Mariæ, omni-
umque sanctorum Spirituum, ac Beatorum
præcipuè in virtute, & per virtutem illarum po-
tentiarum sublimium, quibus superati, vos Dei
rebelles aufugistis: ut, nec immediatè, nec me-
diatè amplius accedere audeatis ad vexandum
terrendum, atque hoc Dei opus N. penitus per-
turbandum: sed permaneatis in locis vobis ab
Omnipotente destinatis, cum poenis, ac suppli-
ciis vestris, in æternum permanentis. Fuge igitur
tu, tartaræ hujus legionis caput nefandissi-
mum, cum locis pessimis: fuge ab hoc pectore,
ab hoc corpore; fuge versutissime Dei hostis, a
cunctis membris ipsius: fuge ab hac vita fur, ser-
pens, Beelial, scelus, mors, hiatus, draco, bellua,
nox, insidiæ, rabies, chaos, invide, homicida,
qui primis etiam generis nostri auctoribus per-
niciem invexisti; in mentem videlicet ipsis im-
mittens, ut vitium, ac mortem degustarent, Chri-
stus

Itus te, cum affecdis tuis nequissimis, vel in mare
vel in scopulos, vel deniq; in porcorum gregem,
quemadmodum illam dæmonum legionem,
fugam corripere jubeat, absque nullius læsione:
proinde liget te, & vos omnes nequissimos Deus
Jehova† coërceat vos Deus Sabaoth† confun-
dat vos Deus Adonay† comprimat vos DEUS
Sother† conculcet vos DEUS fortis† compellat
vos DEUS Tetragrammaton† maledicat vos
Christus JEsus timò & sancta atque indivisa Tri-
nitas† Trina, atque indivisa Dei Unitas† Patris
† & Filii† & Spiritus sancti† Amen.

*Exorcismus X.**Contra omnia maleficia.*

*Adsit vas aquæ benedicta, panis, & vinum benedicen-
dum, crux & candela ardens in Altari, aut super
mensam tinteo stratum, quibus paratis superpelliceo,
aut saltem stola violaceâ indutus, coram cruce ge-
nuflexus dicat Litánias de omnibus Sanctis.*

KYrie eleison. Christe eleison.

Christe audi nos. Christe exaudi nos.

Pater de cœlis Deus. Miserere nobis. (ei)

Fili Redemptor mundi Deus. Miserere nobis.

Spiritus sancte Deus. Miserere nobis.

Sancte Trinitas unus Deus. Miserere nobis.

Sancta Maria. Ora pro nobis (eo, ea)

Sancta Dei Genitrix.

Sancta Virgo Virginum.

Omnes sancti Angeli & Archangeli. Orate.

Omnes sancti Throni & Dominationes.

Omnes sancti Principatus, & Potestates.

Omnes sanctæ Virtutes Cœlorum.

Omnes sancti Cherubim & Seraphim.

Omnes sancti Patriarchæ & Prophetæ.

Omnes sancti Apostoli & Evangelistæ.

Omnes sancti Martyres & Confessores.

Omnes sancti Pontifices & Doctores.

Omnes sancti Sacerdotes & Levitæ.

Omnes sancti Monachi & Eremitæ.

Omnes sanctæ Virgines & Viduæ.

Omnes sanctæ Conjugatæ, & Pœnitentes.

Omnes Sancti & Sanctæ Dei.

Propitius esto. Parce nobis (ei) Domine.

Propitius esto. Exaudinos Domine.

Ab omni malo. Libera nos (cum) Domine.

Ab ira tua, & morbo malo.

Ab insidiis diaboli.

A vexatione dæmonum.

A potestate inimicorum.

A malitia impiorum.

A veneficio malignantium.

Ab omnibus periculis.

A gravibus doloribus.

A subitanea morte.

Per virtutem divinitatis tuæ.

Per potentiam humanitatis tuæ.

Per sacra miracula tua.

Per potestatem super omnia dæmonia.

Per Maiestatem gloriæ tuæ.

Per multitudinem miserationum tuarum.

Per tremorem sacri Nominis tui.

Per efficaciam sacre Crucis tuæ.

Per effusionem sacri sanguinis tui.

Per dolorem vulnerum tuorum.

Per amantitudinem mortis tuæ.

Per gloriosam resurrectionem tuam.

Per mirabilem ascensionem tuam.

Per merita beatæ Virginis & Matris tuæ.

Per intercessionem Sanctorum tuorum.

Peccatores. Te rogamus audi nos.

Ut ei parcas.

Ut ei indulgeas.

Ut eum liberes.

Ut eum corpore & anima sanare digneris.

Ut eum à doloribus eripere digneris.

Ut eum à potestate malignantium liberare digneris.

Ut eum à malitia dæmonum defendere digneris.

Ut eum à nocivis tentationibus præservare digneris.

Ut eum pristinæ sanitati restituere digneris.

Ut nos exaudire digneris.

Fili Dei.

Agnus Dei &c.

Ÿ. Salvum fac servum tuum (ancillam tuam)

℟. Deus meus sperantem in te.

Ÿ. Mitte ei auxilium de sancto.

℟. Et de Sion tuere eum.

Ÿ. Esto ei Domine turris fortitudinis.

℟. A facie inimici.

Ÿ. Nihil proficiat inimicus in eo.

℟. Et filius iniquitatis non apponat nocere ei.

Ÿ. Domine exaudi &c.

U u 3

Vers.

✠. Dominus vobiscum. &c.

Oremus.

Clementissime DEUS, qui secundum multitudinem sapientiæ, & misericordiæ tuæ; quos diligis, castigas, & flagellas omnem filium, quem recipis: te suppliciter exoramus, ut huic famulo tuo N. qui membrorum debilitatem, & dolorem patitur, gratiam conferre digneris: ut quidquid ab eo humana fragilitate peccatum est, ignoscere, & quidquid diabolica pravitate corruptum est, purgare, restituere, & sanare digneris: nocumento omni ac dolore sublato cunctisque malignorum spirituum pestiferis machinantibus procul depulsis. Per Christum Dominum nostrum &c.

Oremus.

Domine Jesu Christe, Fili Dei vivi, qui dedisti Apostolis & fidelibus tuis potestatem super omnia dæmonia; & ut languores curarent: te suppliciter exoramus, ut per merita & intercessionem beatissimæ Matris tuæ, omniumque Sanctorum tuorum, quæ nos unâ cum hoc famulo tuo devotè imploramus, eundem ab omni potestate satanæ & ministrorum ejus potenter eripere, atque ab omni ægitudine mentis & corporis clementer liberare digneris.

Ne despicias, quæso Redemptor meus me indignissimum Sacerdotem, ministrum tuum, te humiliter adorantem, & devotè invocantem: sed sicut tradidisti mihi potestatem quotidie offerendi Deo Patri immaculatam Hostiam sacratissimi corporis, & sanguinis tui, ita nunc tribue mihi

mihi potestatem contra nefarium inimicum & reple impositionem manuum mearum omni benedictione cœlesti. Qui vivis &c.

Sacerdos super infirmum dicit :

Verf. Adjutorium nostrum &c.

Verf. Dominus vobiscum.

Initium S. Evangelii secundum Joannem.

Sacerdos signet infirmum in fronte, ore, pectore.

In principio erat verbum &c. Resp. Laus tibi Christe.

Det illi librum osculandum dicens:

Per Evangelica dicta extinguantur in te diabolica facta,

Exorcismus.

A Djuro vos dæmones infernales, & spiritus malignos, qui perniciosum malum huic creaturæ DEI fabricâstis, & conservatis maleficium in ea. Vos, inquam, adjuro, per DEUM Patrem omnipotentem, qui creavit cœlum & terram. Adjuro vos per Filium ejus unigenitum Dominum nostrum JESUM † Christum. Adjuro vos per Spiritum † sanctum Paraclitum, ab utroque procedentem, & præcipio vobis, ut omnibus incantationibus, signaturis, & ligaturis vestris sublatis ab hac creatura Dei, & omnibus rebus ejus recedatis : atque ab omni maleficio, incantatione, & ligatura liberam relinquatis. Conjuro vos, & præcipio vobis per sacratissimum, tremendum & glorificandum nomen JESU (*scribat illud pollice in fronte ejus*) quod fronti ejus inscribimus : & per signum sanctæ crucis (*faciat crucem in fronte ejus*) quod fronti ejus damus : & per

triumphalem titulum in cruce ejus scriptum (*scribat J. N. R. J. in fronte ejus*) JESUS Nazarenus Rex Judæorum, quem in terrorem vestrum frontis ejus imprimimus, ut cessetis hanc creaturam Dei lædere, & vestris maleficiis vexare.

Adjuro vos per eum, qui est Alpha & Omega, Principium & finis: qui omnia ex nihilo creavit, & omnipotente virtute sua conservat. Adjuro vos per eum, ante cujus faciem ignis præcedet, & inflamabit vos inimicos suos. Adjuro vos per potentiam illius, qui vos rebelles à consortio sanctorum Angelorum exclusit, & ad sedes tartareas igne & sulphure cruciandos damnavit. Vobis inquam, præcipio, in nomine Domini nostri JESU Christi, ut protinùs destruat, & ad nihilum redigatis omnia maleficia, philtrea, incantationes, ligaturas, signaturas, omnesque vestras noxias pactiones, quibus hanc creaturam DEI infestare, affligere, & molestare præsumpsistis: eamque liberam & sanam, & sine ulla læsione animæ & corporis impofterum permittatis: ut mente & corpore pariter expedita liberam servitutem suo exhibeat creatori, qui vivit & regnat &c.

Aspergat eum aquâ benedictâ.

ITerum adjuro vos dæmones maligni per Deum omnipotentem & qui divisit lucem à tenebris, ut sine mora amoveatis omnia nocumenta ab hac creatura Dei, & ipsam sine læsione relinquatis. Adjuro vos per gloriosum nomen Domini nostri JESU Christi, qui æternaliter à Patre generatur; ut protinus recedatis, & non am-

plius appropinquetis creaturæ Dei, ad ei inferenda aliqua maleficia. Adjuro vos per virtutem Spiritûs sancti paracliti, qui in flamma ignis super Apostolos descendit, ut si quid ad destructionem hujus creaturæ in signum positum sit, illud statim amoveatis, & ad loca arida, & inhabitabilia deportetis, Præcipio etiam vobis ex parte Dei, ut nullam deinceps usurpetis audaciam obsequendi maleficis hominibus ad nocendum huic creaturæ: & omnia, quæ posuistis ad lædendum valetudini ejus, protinus destruat. Et sicut per beatos Apostolos Petrum & Paulum ad nihilum redactæ sunt incantationes factæ per Simonem magum: ita authoritate Dei omnipotentis dissolvantur omnes sortilegæ artes, præstigia, & philtrea huic creaturæ Dei fabricata. Demum adjuro vos per virtutem crucis Domini nostri Jesu Christi, qui descendens ad inferos, devicta potentia vestra animas sanctorum Patrum inde extraxit, ut remoto dolo & omni obstinatione destruat, seu tollatis omnem malignam fascinationem ab hoc famulo Dei: omniaque nociva corpori ejus ingesta educatis per illam viam, quæ sit magis expedita, absque læsione corporis, & sanitatis ejus. In virtute Domini nostri Jesu Christi, qui venturus est judicare, & vobis in barathrum abyssi deicere, Amen.

Aspergatur aqua benedicta.

Postea accipiens crucem, dicens.

Ecce signum sanctissimæ crucis, fugite partes adversæ, vicit enim vos Dominus noster JE-

sus Christus Filius Dei, imperator summus, Leo de tribu Juda, radix David.

Adjuro vos igitur daemones infernales, cujuscunq; generis praesentes, & absentes, vocatos, & invocatos. Per eum vos adjuro, qui in Isaac est immolatus, in Joseph venundatus, in agno occisus, & in homine crucifixus: ut semota diabolica fraude vestra quantocius recedatis, nec ullatenus creaturam istam molestaré valeatis, nec in corpore, nec extra corpus nec per visionem, nec per terrorem: neque de die, neque de nocte; nec dormiendo, nec vigilando: nec comedendo, nec bibendo: nec aliquod spirituale, aut naturale opus faciendo. Alias vobis infundo omnes maledictiones & poenas tormentorum, atque destructionem in stagnum ignis & sulphuris, per manus inimicorum vestrorum: sanctissima Trinitate jubente, Michaelé Archangelo exequente.

Nam si tenemini in aliquo vinculo praecipitae innodationis, suffumigii, artis, aut facturae ad quemcunque perversum finem, & effectum compilato & fabricato: sive in verbis, herbis, lapidibus, aut elementaribus: aut in nominibus magni Dei, aut Angelorum: sive in horis, diebus, mensibus, aut annis superstitiosè observatis, cum pacto expresse, aut tacito, etiam juramento firmato: omnia illa irrita, an< nullo, & destructa, per omnipotentiam & Patris, per sapientiam & Filii, per bonitatem & Spiritus sancti. Per eum, qui & est, qui & erat, & qui & venturus est; Omnipotens, Hagios, Otheos, Ischyros, Athanatos, Tetragrammaton, Jehova, Alpha & Omega.

Recedite igitur maledicti diaboli cum omnibus maleficiis vestris. Et sicut fumus jecoris piscis combusti distante Raphaële spiritum à Sara fugavit; ita exorcismi, adjurationes, & benedictiones istæ expellant vos, ut non audeatis ultra accedere ad creaturam istam insignitam (*faciat crucem in fronte ejus*) signo sanctæ† crucis. Quia mandatum meum non est meum, sed ejus, qui missus est à sinu Patris, ut opera vestra destrueret: nobisque dedit potestatem ad gloriam suam & utilitatem fidelium vobis imperandi, prout imperamus & præcipimus, ut non audeatis ultra accedere, in nomine Patris† & Filii† & Spiritus sancti† Amen.

Aspergat aqua benedictâ, & postea ponens extremitatem stolæ, & manum dextram super caput ejus, dicat:

Super ægros manus imponent, & bene habebunt. JESUS Mariæ Filius, mundi salus, & Dominus, meritis omnium Sanctorum suorum sit tibi clemens, & propitius, Amen.

Benedictionem olei miræ virtutis, panis, vini, &c. pro infirmis, & maleficio affectis vide supra cap. 4.

XI.

De dispositionibus, quæ requiruntur in maleficiato, ut liberetur à maleficio.

Illæ dispositiones, quæ requiruntur in exorcista, ut efficacem reddat suam potestatem requiruntur in maleficiato magis, quàm in quolibet alio: nos verò, ut rē aliquo pacto ordinemus, eam in quatuor partes destinguemus.

Expone-

Exponemus, quomodo maleficiatus disponi debeat in iis, quæ spectant primò ad Deum, secundò ad Exorcistam, tertio ad dæmonem, quartò ad seipsum.

EXiis, quæ spectant ad Deum, fides, & fiducia necessaria multò magis est maleficiato, quam ipsimet Exorcistæ; quam ob rem, cùm Christus Dominus dixit Apostolis, eorum incredulitatem fuisse causam, cur non potuerint ejicere dæmonem à puero illo lunatico: propter incredulitatem vestram, ut antè observatum fuit; multò acriùs increpuit postea parentem ejusdem pueri, & qui eum comitabantur, appellans eos generationem incredulam, & perversam, ac tædio affectus cum illis versandi, eosque diutiùs tolerandi ait: generatio incredula, & perversa, quousque ero vobiscum, usquequo patiar vos. Interea debet maleficiatus attentè considerare, Deum esse summè potentem, ut expellat repente mille legiones dæmonum, etiamsi à totidem vexaretur, absque minima eorum resistantia; & esse infinitè sapientem, ut cognoscat omnes fraudes & actus, quibus celare se vellent illi hostes inferni; & esse infinitè bonum, ut res à se creatas eruat à quolibet malo; & esse summè fidelem, ut stet promissis; quare cùm fidem suam obstrinxerit, affirmans ad expellendos spiritus rebelles ab obsessis corporibus se opem suam præbiturum iis præceptis, quæ à suis ministris in suo nomine proferrentur: in nomine meo dæmonia ejicientur: dedi vobis potestatem super omnia dæmonia: dubitari non potest, quin hæc promissa sit impleturus. Ab hac consideratione oritur

tur illa fiducia, quam etiam superius diximus significari nomine fidei, & est quædam robusta spes auxilii divini orta in voluntate ab actibus repetitis ejusdem fidei, per quam anima pro certo habet, Deum non solum posse ob suam omnipotentiam, sed etiam velle ob suam bonitatem, & fidelitatem concedere, quidquid expediet saluti nostræ. Tandem hæc ipsa dispositio fidei & fiduciæ semper augescet, si maleficiatus confugiat ad implorandum precibus divinum auxilium, magis enim, magisque in dies confidet, Deum adfuturum auxilio supplicantis, & impugnaturum tartareos illos hostes, qui odio habent, & blasphemant creatorem suum, & incitati hoc odio ad res creatas lædendas sese convertunt.

Hæc autem dispositio fidei, & fiduciæ debet secundo loco à maleficiato extendi erga Exorcistam: illum esse ministrum Dei & ejus actiones præcipuè tribuendas Deo, in cujus nomine ille agit, & imperat: quare dæmones cogentur illi obedire; si enim non obedirent ministris Dei, non obedirent ipsi Deo. Proinde sicuti Deus certò concurrit cum Sacerdote absolvente pænitentem, cum hic est sufficienter dispositus; ita pariter certò concurrit ad liberationem maleficii, quotiescunque nulla desit ex debitis dispositionibus; neque verò, si quando contingat, ut præcepta Exorcistæ suo careant affectu, debilitari propterea debet fides, vel fiducia in Exorcista, aut in maleficiato, imò debet potius augeri; siquidem quòd dæmones, vel illi parere cunctentur, vel
pa

parati sint, vel omnino detrectent hanc obedientiam, prorsus oritur à majori, vel minori eorum dispositione. Quòd autem non semper fiat, ut invocato nomine Jesu dæmon egrediatur, minima fides ipsius invocantis est in causa, nam si perfectè credidisset, hæc & majora fecisset. Ita affirmat Alphonsus de Castro magni nominis Author, & probat adnotando promissionem illam: in nomine meo dæmonia ejicient, pertinere ad perfectam fidem juxta antecedentium verborum sensum: signa autem eos, qui crediderint, hæc sequentur. In nomine meo &c. & ad hos solos in fide perfectos Dei promissio pertinere videtur. Eodem modo sanctus Cyprianus, adjurati dæmones, ait, vel exiliunt statim, vel evanescent gradatim, prout fides patientis advocat.

Præterea erga Exorcistam perfecta intellectus, & voluntatis, & executionis obedientia necessaria est. Et ita agnoscendo eum, ut ministrum Dei, & omnia illius jussa diligentissimè exequendo, voluntatem suam ad Exorcistæ voluntatem accomodare debet maleficiatus, expoliando se, ut ita dicam, omni propria voluntate, ut majora adimat dæmoni arma, quibus nos oppugnat, nempe nostram inordinatam voluntatem; proinde etiam ipse maleficiatus confirmet integrè præceptum quodlibet, quo Exorcista imperet dæmoni; nec quolibet interno animi motu averti se sinat ab eo, quod Dei minister proponit, vel imperat, imò expediet etiam, hos ipsos animi motus apertè manifestare, ut dæmon majori pro-

probro afficiatur, ejusque machinamenta ad nihilum redigi possint.

Tertio loco extendet maleficiatus hanc suam fidem erga vires dæmonis, sibi in animum inducens, etsi malignus ille naturaliter tanta polleat vi, nihilominus propter peccatum ipsius, à Jesu Christi poenis, & morte imminutam esse hanc illius potestatem, ita ut exerceri non possit juxta furorem & rabiem dæmonis, sed solum juxta divinæ providentiæ permissionem, ad divinam gloriam, & ad rerum creatarum bonum, & commodum, ut ante dictum est.

Postremò de ipso credere debet maleficiatus, malum suum à vexatione diabolica oriri, quando id illi affirmatum fuerit ab Exorcista, alioquin si infirmitatem suam à causis naturalibus partam putare velit, illos fidei & fiduciæ actus producere non poterit, qui requiruntur, ut vidimus, tanquam dispositio ad efficaciam præceptorum, quæ ab Exorcista contra dæmonem, sed potius unà cum dæmone contra illum proferuntur. Et quoniam plerumque evenit, facultatem aliquem vexandi factam diabolo esse in pœnam, alicujus criminis; maleficiatus diligenti confessione & repetitis contritionis actibus non solum omnem culpam gravem, sed peccatorum reliquias destruere omni studio curare debet. Refert Joannes Diaconus in vita sancti Gregorii, tres à dæmone agitados, qui simul ac S. Pontifici crimina sua confessi fuerunt, protinus liberatos fuisse; cum verò unus ex illis octies negasset furtum à se factum, ait idem Author, octies ab agitatione
dia

- diabolica vexatum fuisse, donec patefacto crimine, redditâque re per furtum sublata dæmon recessit. Quòd si curandum est, ut veteres culpæ deleantur, multò magis cavendum, ne novæ admittantur: quare maleficiatus non sinat se à dæmone decipi, credens maleficium ab hoc, vel illo homine sibi factum fuisse. Primò, quia non solum facile est in hoc decipi, imò etiam in re tanti ponderis, & quæ secum trahit tantum dedecus & infamiam, facile est temerè judicare; deinde, quia facile est odii, vindictæ actus concipere; tandem, quia, quicumque fuerit maleficus, si maleficiatus fidem & fiduciam antè explicatam habuerit, & Exorcistæ mandatis perfectè obedierit, omne maleficii ligamen statim solvetur, atque omnis diabolica vexatio cessabit.

XII.

Methodus disponendi maleficiatum ad liberationem.

IN hac secunda parte magis quàm in qualibet alia laborandum est Exorcistæ, ut finem sibi propositum obtineat liberandi maleficiatum: excitanda proinde est in illo fides, & fiducia in duplici via, nempe tum cognitione vivida causarum, unde diximus oriri fidem & fiduciam hujusmodi; tum experienciâ. Revocet itaque in memoriam exorcista munus ministri Dei, quod obit, certamque credat promissionem illam, quâ Deus se potissimè auxiliaturum spondit præceptis in suo nomine factis, & memor sit potestatis sibi communicæ in Sacramento Ordinis; & ita pro certo habeat dæmones resistere non

non posse, quando neque ex parte Exorcistæ, neque ex parte maleficiati fides desit; eodem modo magnam in maleficiato fiduciam excitare curret, quia ille certò credat adfuturum sibi auxiliū divinum. Memorare itaque poterit, quanto amore DEUS prosequatur res à se creatas, quàm facile sit illi eas adjuvare, quomodo promiserit à se id præstitum iri opportuno tempore; quomodo dum in terris degerit adhuc mortalis, nullum unquam rejecerit, qui ad illum confugerit imploraturus auxilium, præsertim contra dæmones. Hæc eadem dispositio fidei & fiduciae augenda est in maleficiato per experientiam hoc modo: Imperetur, ut dictum est, dæmoni, ut aliqua ex vexationibus aliàs consuetis torqueat hominem illum, postea verò imperetur, ut desistat: tartareus enim spiritus exequetur id subito, quando adsit in Exorcista, & in maleficiato debita fides; hic itaque videns hanc obedientiā ita promptam, magis magisque augebit fidem, majoremque spem concipiet liberationis suæ, dum considerat, eum, qui obediens sibi dæmones reddere potest in re illa particulari, eandem ab illis obedientiam exacturum esse in alia re, & si eos potest cogere, ut aliquid agant, cogere etiam posse, ut omninò recedant; imò hac eadē de causa poterit Exorcista jubere dæmones obedire eidem Energumeno, qui proinde hoc præcepto nixus, & viva fide munitus, formans pollice crucis signum supra vexatam illam partem corporis, ita dicat: in nomine Jesu Christi impero tibi dæmon maledicte, ut discedas subito

ab hac parte, in qua modò me vexas, ita ut cesset repentè omnis dolor. Huic præcepto obediet dæmon, & ita obediendo magis magisque demonstrabit Exorcista authoritatem & ipse maleficiatus disponetur magis ad liberationem.

Non erit verò semper in omnibus hominum generibus par hic labor, ut in eos inducatur debita dispositio: in aliquibus enim, ut in rudioribus erit minor, in aliis major, præsertim in tribus hominum generibus, scilicet in magnis peccatoribus, in hominibus duræ cervicis, & naturaliter obstinatis, & in iis, qui à primis suæ ætatis annis sunt à dæmone obsessi; ab his postremis incipere placet.

Ideò Christus Dominus interrogare voluit patrem juvenis à dæmone, & quidem muto vexati, quantum temporis est, ex quo ei accidit? ut infelix genitor, dum confiteretur, filium suum hujusmodi calamitati assuevisse, tanquam consucto naturæ morbo, cum usque à primis annis in eam incidisset, majorem agnosceret necessitatem ad Christum confugiendi, & magis vivam fidem conciperet. Si potes credere, omnia possible sunt credenti. Proinde cum genus hoc malefactorum assueverit assentiri cuicunque rei, quam excitando phantasiâ objicit dæmon, & cum habitum fecerit oppositum fidei & docilitati in maleficiato requisitæ, necesse est, destruere hujusmodi habitum actibus contrariis valde intentis, & iteratis, & præcipuè his duobus.

Primò confugiendo ad Deum; secundò detestando dæmonem, & ejus fraudes. Plurimum tamen

tamen proderit, si Exorcista aliquam precationem instituat, quæ ab ægroto sæpe sæpius recitetur, maximo pietatis & religionis sensu: satis autem ad rem videtur esse ea, quæ proximè sequitur:

Domine mi Jesu Christe, refugium meum, consolatio mea, meæque animæ spes, per tui sanguinis merita ab hoc execrando spiritu me defendas, neque tantas illi vires permittas, ut meam mentem aliasque potentias meas inferiores suis fraudibus & mendaciis turbet. Cordis mei imbecilitatem respice: malumque habitum consentiendi malignis inimici mei persuasionibus averte; & quoniam tuæ crucis virtute eum vicisti, oro, ut tuæ immensæ misericordiæ effectus experiar, ut in æternum te laudare valeam, Amen.

Pariter expediet aliquod breve dictum describere, frequenter dicendum, quo ille detestatur hoc ferè modo:

O execrande animarum deceptor! O mei & tui Conditoris hostis, nunc à me discedas; tuis enim mendaciis fidem habere nolo; discedas in nomine mei Domini Jesu Christi, cui cor meamque animam dono.

Hoc tempore formet sæpe pollice signum crucis supra cor, & supra quamlibet aliam partem, quam dæmon vexaret, atque his actibus assidue iteratis disponetur ad liberationem.

Alii verò, qui difficilè liberantur, quia difficilè sinunt se rectè instrui, sunt ii, qui naturaliter sunt obstinati, eò quòd nunquam induci possunt,

ut credant, morbum suum oriri à dæmone , ac proinde à medico, non ab Exorcista petendam esse curationem. Et quidem, si quæ remedia spiritualia admittunt, si quos Exorcismos adhiberi sinunt, utrumque præstant in gratiam consanguineorum, & amicorum hujusmodi remedia proponentium, non impulsî desiderio, ut per ipsa sanentur, deficiente prorsus in illis ea fide & fiducia, quæ eorum curationi est necessaria. Quòd si convicti ab experimentis, quibus Exorcista detegit diabolicas operationes, hanc fidem concipiunt, vix discessit ille Exorcista, cùm eorum fides deficit, & iterum credunt, quæ sibi placeant. Contra hujusmodi homines, præter orationis remedium, experientia adhibenda est, præcipiendum videlicet est dæmoni, ut modò hominem illum vexet, modò cesset à vexatione, & ita evidenter demonstrandum est, operationem illam penitus esse diabolicam. Ita quidem agendum est Exorcistæ, ut maleficiatus assuefiat revocare, & removeere talem vexationem, imperando dæmoni in nomine Jesu Christi, & conjungendo suam voluntatem voluntati Exorcistæ, sin autem aliquando dæmones promptè sibi obedire non videat, vitio tribuat suæ modicæ fidei, à qua dæmon resistendi vim accipit. Proderit etiam ab Exorcista maleficiati domesticos in fide erudiri; ut ipsi quoque persuadere possint misero homini id, quod revera est, eumque adjuvare, ut infelicem conditionem suam agnoscat.

Tandem tertium hominum genus, quod peculiari instructione maximè indiget, sunt magni

peccatores, isti enim validius possidentur à dæmone in suorum criminum pœnam. Horum remedium est pœnitentia tùm interior, tùm exterior, quâ divinæ justitiæ satisfaciētes, suam obtinent liberationem, disponendo se ad recipiēda illa efficaciora gratiæ auxilia, quæ requiruntur ad concipiendam vivam fidem, & robustam fiduciam, quas toties diximus necessarias esse, ut præcepta contra dæmonem pronuntiata vim suam habeant. Præscribat igitur Exorcista huic hominum generi, ut contritionis actus sæpius eliciant, præterita scelera detestando, præscribat jejunium aliquod, vel aliam corporis afflictionem ipsius viribus accommodatam; mandet, ut frequentius sese exerceant, sacra templa invisant, Sacramenta adeant, aliæque imperet, quæ magis animam DEO conjungunt, & corpori sunt molesta.

In præscribendis verò his, aliisque animi corporisque exercitationibus caveat semper Exorcista, ne plus æquò maleficiatum oneret, alioquin illi animus, salutisque recuperandæ voluntas deficiet; imò animum semper illi addat, & cum eo agat vultu hilari & læto, non imitando illos, qui solent Energumēnos verberare, & injuriis onerare dolorem dolori addentes, debitosque modestiæ terminos excedentes. Appareat igitur, ea à nobis præscribi potius, ut conculcetur dæmon, quàm ut maleficiatus affligatur. Proinde opportuniùs esse videtur contra dæmonem ipsum agere, illum objurgando, eique sua damna, suasque pœnas exprobrando, quod

cùm audierit ipse maleficiatus, fidem suam excitabit, & augebit. Aliquam hîc formulam adjicere mihi placet.

Nonne recordaris execrante dæmon, te propter tuam superbiam æternâ ignei carceris pœnâ damnatum esse? an ignoras, te merum nihil esse, te nihil posse, & ne capillo quidem rerum creatarum nocere posse, nisi per DEUM tibi liceat?

Nonne recordaris, te à cruce Christi Domini victum fuisse, nec esse, cur tuas fallacias formidet, qui in divina protectione confidit? licet sim peccator, nihilominus non ignoras, me esse DEI ministrum, eâque potestate præditum, ut etiam invitus mihi cogaris obedire, & me timere.

Hæc aliâque ferè dicta prodere oportet, ut pudore afficiatur malignus spiritus, & simul disponatur is ad liberationem, qui difficilîus curaretur.

Concludam hoc argumentum tradendo duo monita Exorcistis, qui adhuc essent inexperti. Primum de loco, alterum de tempore exorcizandi. Quoad locum, sicuti immorandum non est cum fæminis vel in loco solitario, vel remotis arbitris, ut omne periculum, & omne peccandi exemplum evitetur, ita non expedit eligere publicum templum, quo magna concurrat populi turba, visendi magis, quàm pietatis & religionis studiô, & ubi modica multorum fides posset facilè inservire dæmoni, ut validè ac diutius resistat. Proinde videtur locus aptior esse aliquod templum solitarium, vel nisi aliunde pro-

prohibeatur, secretum oratorium, aut ejusdem maleficiati domus, in qua ante aliquam sacram imaginem, & adstantibus aliquot ægroti amicis, & consanguineis facillè poterit tam hos, quàm illum, & in fide erudire, & habere amicos non contrarios operationibus & præceptis, quibus adjurandus est dæmon. Quoad tempus verò exorcizandi, molunt aliqui id fieri æstate, neque autumno, timentes, ne dæmones aliquam contra campos tempestatem excitent: sed hac in re isti nimis tribuunt dæmoni; quasi verò, si vim ille non habet, ut contra Exorcistæ præcepta eo in corpore permaneat, quod semel insedit, inde expulsus nocere possit, & si Dei minister malignum illum spiritum cogere potest, ut discedat, non possit eundem cogere, ut absque ullo damno, ac detrimento discedat. Quemadmodum igitur, sic ubi vetitum sit, ne palam & publico ministerio exorcizetur, obediendum est eo tempore, ita extra hanc circumstantiam non est vanè timendum, quandoquidem ea fide, iisdem præceptis, & eadem autoritate adeò dæmoni formidanda, turbinis, grandinis, procellarumque nocumenta impediri possunt. Hoc quidem observandum est, quantum ad tempus, ne præceptis dæmonem adjurare incipiamus eo tempore, quo maleficiatus est valdè perturbatus, tunc enim ille animum non advertens instructioni, necessariam fidem non concipiet, neque incumbet, ut par est, ad sperandum in Domino. Eadem de causa neque Exorcista hujusmodi præcepta enunciare tunc aggrediatur, cum ipse

est

est turbatus, vel mente summoperè vagatur, sed priùs ipse se colligat, revocetque in mentem potestatem in sacro Ordine acceptam, postulet à DEO fiduciam inimico superando necessariam, & in primis animi demissionem exerceat Christianam, propriam agnoscens indignitatem, necessitatēque auxilii supernaturalis, ut ab hoc bello victor redeat, atque his armis munitus, audax & alacer ad pugnam contra infernos tyrannos profiliat.

XIII.

Methodus ejiciendi dæmonem per ultimum præceptum expulsivum.

Finis omnium Exorcistæ operationum est expellere dæmonem per auctoritatem in Ordine acceptam, ut per præceptum in nomine Jesu Christi pronunciatum; ideo multò magis cautè procedendum ei est, ne intempestivè præcepto hujusmodi prolato, sua hac auctoritate abutatur.

At quomodo tempus hoc agnoscetur? duobus modis agnoscitur. Primò, si facilè & assidue dæmon obediat alteri præceptorum generi, nempe lenitivo, à quo tum maleficiati dispositio conjicietur, tum imminutio virium, quibus dæmon resistere posset. Sin autem statim ac Exorcista spiritui maligno imperat, ut in partem secedat, vel in aliud obfessi corporis membrum se transferat, ille obediat, & si hujusmodi obedientia videatur statim, ac ipse quoque maleficiatus hoc ipsum imperat, signum erit, omnia esse in ultima dispo-

dispositione ad perfectam liberationem. Secundo: hæc dispositio agnosci potest interrogando ipsum *Inergumenum*, & eam colligendo ex illius responsis. Prius igitur Exorcista interroget, quidnam in *phantasia* objici sibi sentiat à *dæmone*, & quomodo ei resistat; *dæmon* enim ad consuetas suas fraudes confugiens maleficatorum menti suggerere solet; primo ipsum esse obstinatum, & nunquam fidem habiturum; secundo, *dæmonem* simulaturum discessionem, nunquam autem verè discessurum; tertio, discessurum quidem, sed non modo; quarto, nolle Deum, ut discedat; quinto, oportere prius maleficii signa reperire, quibus alligatus est *dæmon*; sexto denique, si discedere coactus fuerit, allaturum lethales dolores maleficiato.

Hujusmodi opinione excitat malignus hostis in animo maleficiati, ut fidem impediat, si autem illis resistet maleficiatus, clarè conjicietur, eum proxime dispositum esse, ut liberetur: si enim *dæmones* amplius non timebit, ac contemnet risu concipiens has ipsas opiniones, nullóque pacto responsum illis dare curabit, & contra *dæmonem* protestabitur, nolle se loqui cum Apostata rebeli, bene dispositus erit: præterea, si liberari maximopere optabit, & spontè, & humiliter de hoc Exorcistam rogabit, & si mentem semper magis tranquillam, conscientiam semper magis quietam, imaginationem semper magis claram, loquendi utrum semper magis liberum experietur, indicium erit eum ad liberationem bene esse dispositum.

Pariter ejusdem liberationis signum certum colligi poterit ex modo, quo Energumenus se gerit erga Exorcistam, nempe si magnam illi exhibebit reverentiam, quoties eum videt, si illi facie læta accedenti obviam ibit, si gratias agat laborum, quos ille, ad eum liberandum toleravit, si de sua liberatione loquitur, tanquam de re certa, desiderans, ut tempus illud citò adveniat, si demonstrabit eum Dei ministri loco habere, magnique facere, ut par est, auctoritatem ejus, & in malignos spiritus potestatem; tandem eadem dispositio conjicietur ex iis, quæ spectant ad Deum, nimirum, si maleficiatus indignum se putet, qui liberetur, seque commendabit piorum virorum precibus, ut hanc gratiam obtineant, si Domino gratias aget, cum melius se habuerit, si libenter sermones audiet de illis causis, quibus augetur in corde nostro major, ac major confidentia in divino auxilio, & in divinis promissionibus. Hic est ille status, in quo constitui debet maleficiatus, prius quàm Exorcista utatur contra dæmonem ultimo præcepto expulsivo. Cum igitur huc pervenerit maleficiatus, & ab examine antecedenti, & ab experimentis factis agnoscatur tum ejus dispositio, tum obedientia, quâ maligni spiritus parere coguntur præceptis Exorcistæ, statuatur dies liberationi destinata; multum autem expediet præmittere ipsi aliquod jejunium, vel aliquam aliam corporis afflictionem & pium aliquod orationis exercitium, ut impetretur tum Exorcistæ, tum maleficiato totum id, quod deficeret fidei, & fiduciæ, quæ interno hosti expellen-

lendo est necessaria; & ita intelligendum est, quod Christus Dominus dicit: hoc genus dæmoniorum non ejicitur, nisi in oratione, & jejunio: quamvis enim absolutè loquendo ad ejectionem hujusmodi sufficiat potestas conjuncta cum dispositionibus, de quibus hætenus locuti sumus; nihilominus necesse est, aliquando prædictas dispositiones deesse, nisi aliquo voluntariæ castigationis, & pietatis exercitio locus illi præparetur.

Cùm tandem aderit hora perficiendæ rei, duabus fraudibus solet dæmon opus perturbare; prima est, varios serere sermones, loquendo per os Energumeni, ut quoad ejus fieri potest, Exorcistam illaqueat, cogâtque mente vagari, quare proderit silentium illi indicare, imitando Christum Dominum, qui, ut refert D. Lucas, non sinebat ea loqui; atque hoc tùm maximè agendum est, cùm dæmones Exorcistam laudarent, quod facere plerumque solent, ut eum ad jactationem & superbiam inducant, similemque sibi reddant, atque adeò indignum, per quem Deus miracula & prodigia efficiat. Altera fraus est, maleficiati phantasiam perturbare, ne aures advertat, eosque producat voluntatis actus, qui requiruntur. Hoc impedimentum quoque tollitur præcepto, & ut majorem vim habeat, proderit illud vulgari lingua pronuntiare, ut intelligatur, & ab ipso maleficiato confirmetur. In nomine Jesu Christi impero tibi, ô execrande dæmon! sive unus, sive plures estis, ut, cùm debeatis ab

hoc

hoc homine discedere, eum in statu naturæ suæ consentaneo relinquatis, eius potentias non turberis, neque sensus interiores, neque exteriores, nec ullam ejus corporis partem crucietis, neque ullum sive illi, sive aliis, vel ante vel post discessum damnum, & noxiam inferatis. Tandem utile erit curare, ut maleficiatus fidei suæ breviter & frequenter innovet actus hoc fere modò.

Credo à Jesu Christo, & à sancta Ecclesia traditum esse Exorcistæ, cum Ordinem susciperet, potestatem in vos omnes, ô execrandi dæmones! & per ipsum, quando ego meis partibus non desim, vos omnes hinc certò ejiciendos esse, ita, ut nullam me amplius vexandi vim habeatis.

Credo etiam, vos, ô nefarii spiritus, cogendos esse, ut etiam mihi obediatis, vósque discessuros esse in virtute illius promissi, quo Christus Dominus pollicitus est, dæmones expellendos esse à quolibet, qui in ejus sanctissimo nomine vivam fidem habeat. In nomine meo dæmonia ejicient. Credo insuper, vos, ô maligni, victos esse pœnis, & morte Jesu Christi, nec habituros vim ullam, me deinceps vexandi, si ego in ejus nomine divina protectione perfectè confidam. Credo, Deum ut omnipotentem posse, ut infinitè sapientem scire, ut infinitè bonum, & fidelem in suis promissis, velle liberare me à vestris viribus. O tartarei & execrandi spiritus! qui adeò studetis, nocere tum corpori tum animæ meæ, scio, me omne malum meruisse meis peccatis, sed modò eorum me pœnitet, & hac ipsa de
causa

causa adimi vestrae potestati desidero, ne iterum ad peccandum redeam.

Abolutis his imperet maleficiato Exorcista, ut genua flectat unâ cum omnibus adstantibus, atque invocato Spiritûs sancti auxilio, & sanctissimæ Virginis, Angeli Custodis, aliorumque Sanctorum Patronorum intercessione ita praeceptum pronunciet.

Ego minister Jesu Christi, & Ecclesiæ, in nomine sanctissimæ Trinitatis, atque in virtute ejusdem Jesu Christi, impero vobis, ô spiritus execrandi, quotquot hætenus vexastis hominem hunc à Deo creatum, ut nullâ interpositâ morâ ab eo discedatis, neque ad eum, sive interiùs, sive exteriùs vexandum amplius redeatis, neque ullam in ejus corpus potestatem amplius habeatis, quia sic vobis impero in nomine Patris, & Filii, & Spiritûs sancti.

Præceptum hoc fide maximè viva proferendum est ab Exorcista; priùs tamen revocet in memoriam Jesu Christi promissa, munus, quo tunc fungitur, in quo quidem merum est instrumentum Christi Domini, qui suâ divinâ omnipotentiâ totum opus efficere debet: quare dæmoni imperet, quasi victoriæ securus, & contra illum agat, tanquam Judex contra reum ligatum, & convictum. Nihilominus, quoniam suæ potestatis effectus à dispositionibus toties memoratis dependet, ut certior fiat, an dæmon ab homine illo verè recesserit, jubeat eum sedere, atque hilari vultu dicat, se quidem judicare, eum jam curatum esse, majoris tamen cautionis cau-
sâ

sâ ultimum adhuc experimentum faciendum esse, ut si quis error intervenisset, suppleri possit. Interroget igitur hominem, an certò credat fore, ut dæmones obedire debeant, & respondente illo, à se id planè credi, tunc proferat præceptum hac conditione.

In nomine Jesu Christi impero tibi spiritus execrande, ut si quam potestatem habeas vexandi, ut antè, hominem hunc à Deo creatum, indicium mihi præbeas absque ulla mora vexando.

Si prolato præcepto nullum patitur homo ille ex iis effectibus, quos experiri priùs consueverat; judicari poterit prorsus à dæmone liber, & Exorcista Deo gratias agens unà cum illo, admonensque, ut Sacramenta frequentet, & peccata fugiat, sanum relinquat nullis acceptis muneribus, vel oblationibus, ne sui ministerii exercitium addè inferis omnibus formidabile avaritiâ commaculet. Si autem dæmon rursus aliquod præsentiae suæ signum ederet, eo tempore nil aliud agat, solummodo maleficiatum admoneat ad ejus liberationem majorem fidem, & fiduciam requiri, clariùsque se agniturum alia vice, unde oriatur defectus. Poterit etiam de hoc ipso defectu dæmon interrogari, quando is cæteroquin per os Energumeni loqui soleat, accipiendo id tanquam viam utilem perfectæ liberationi, alioquin operæ pretium erit, per orationem impetrare à Deo lumen, ut agnoscatur, unde oriatur defectus, & illi remedium adhibeatur.

XIV.

Methodus liberandi pueros maleficiatos.

MAjorem secum fert facilitatem, majorémque simul difficultatem maleficiatorum parvulorum curatio, quàm adultorum. Ex una parte infantes, sicuti propriam non habent culpam, sic in illos minorem habet potestatem dæmon, ut eos cruciet; at ex altera parte, dum incapaces sunt efficiendi actus necessariæ dispositionis, quemadmodum capaces sunt adulti, hac de causa minùs apti sunt ad suam liberationem. Attamen sicut in Baptismo parvulorum consensum supplet Ecclesia, & suppleant compatres, qui eos è sacro fonte suscipiunt; ita dicere possumus, defectum dispositionis in ipsis requisitæ suppleri, tùm ab Ecclesia, tùm à parentibus, & iis, qui eorum curam gerunt, detestando dæmonem, atque ita in Domino confidendo, ut hanc impetrent liberationem. Ita fides Cananææ supplevit pro sua filia à diabolo obsessa. Fides patris illius lunatici pro suo filio, qui difficile liberari poterat. Fides Centurionis pro suo servo ægroto. Fides Archisynagogi pro sua filia defuncta. Licet enim quis justificari non possit, potest tamen aliena fide sanitatem recipere. Proinde in curatione infantium debet priùs Exorcista certior fieri, an malum, quo cruciantur illi pueri, sit malum ortum à diabolo, & maleficio; certior autem fiet ratione superiùs allata, præsertim reddendo evidèntia ea signa, quæ sunt merè probabilia, impetrando, ut modò redeat, juxta præceptum dæmo.

moni indetum. Signa verò probabilia malefici in pueris erunt; Si parvuli sæpiùs tremant absque ulla apparenti illius tremoris causa; si Exorcistas & Sacerdotes fixis oculis intueri non audeant, si ore aperto lac ampliùs fugere nolunt; si intra temporis momentum excessuri videantur è vita; si in iis pars aliqua corporis livida, vel nigra concursu sanguinis appareat, vel aliquod in illis vulnus videatur; si lacte satiari nunquam possint, licet abundanter illud fugant, & nihilominus macri semper existant. Hæc, & hujusmodi indicia cùm Exorcistæ aperuerint aditum, curationem suscipiendi innocentium eorum infantium, necesse est; erudire in fide, & disponere eos, ad quos spectat infans; priùs autem admoneat eos, in pœnam peccatorum parentum permitti à Deo vexationem istam in filiis: quare illi ita incipient dæmoni vim auferre, deinde agnoscendo se indignos, qui gratiam recipiant, fidei, fiduciaque actus superiùs memoratos iterum atque iterum exercent, protestantes se vice illius infantis, qui propriis actibus se disponere non valet ad divinam bonitatem confugere, & ab ea petere suppliciter auxilium per ipsius misericordiæ viscera, per ipsius promissionum fidelitatem, per ipsius sanctissimi sanguinis merita, per ipsius sanctissimi Nominis honorem, promittentes quoque illi se gratias acturos pro suo filio, & majori diligentia eum erudituros in Christiana lege.

Præmissis his diligentis, cùm Exorcista sibi videatur, posse niti tutiùs in bona eorù dispositione;

ne præceptum expulſivum proferre poteſt hoc modo :

Ego N. Dei, Eccleſiæque miniſter in nomine mei Domini Jeſu , impero tibi, ô dæmon ex-
crande, tuiſque omnibus ſociis, ſi tecum infan-
tem hunc à Deo creatum affligant, ut ſtatim abs-
que ulla mora ab illo diſcedas, & deſtruendo om-
ne maleficium, & ligamen, omnes immunditias
tecum feras, quas forſè in hoc corpus attuliſſes ,
nullamque impoſterum habeas poteſtatem eum
perturbandi, ſive interiùs, ſive exteriùs, aut alio
modo eum moleſtandi, ſic volo, ſic jubeo in no-
mine Patris, & Filii, & Spiritus ſancti.

XV.

Methodus liberandi à vexationibus dæmonis
habitationes, aut aliquid ab ipſo infeſtatum.

Sicuti dæmon propter odium, quo Deum pro-
ſequitur, hominem, qui ad Deum pertinet,
vexat; ita propter odium, quo hominem pro-
ſequitur; loca, & res, quæ ad hominem pertinent,
ſiquæ intervium, infeſtat. Quantum ad loca;
ſiqua infeſtantur propter habitatores, & quan-
do iſti diſcedunt, ceſſat infeſtatio; alia verò aliis
de cauſis infeſtantur, ita ut quocunque ibi ha-
bitante, non ceſſet moleſtia; loquemur hic de ul-
timis, quòrum infeſtatio conſiſtit partim in eo ,
ut appareant dæmones, lemurèsque adinſtar um-
brarum, animalium, vel monſtrorum, ad terro-
rem incutiendum; partim in eo , ut frangant ,
perturbentque res domesticas, & excitent ſtrepi-
um, ad quietem, ſomnùmque impediendum ;

partim in eo, ut rideant, & cachinnentur, & percutiant absque damno habitatores, fortasse persuadendi causâ hoc mendacium, videlicet dæmones non esse adèò infelices, ut vulgo creduntur, neque adèò deformes, ut pinguntur, sed inter eos quoque hilariter & perjucundè vivi. Nilominus cujuslibet generis sit infestatio, & quæcunque sit ratio, quâ utitur dæmon, ut habitatores perturbet, in his omnibus semper ille quærit aliquod animæ malum, sive ut ad impatientiam & desperationem provocet habitatores, sive, ut noxiam aliquam curiositatem in eis excitet, & tandem aliquam in eis possessionem acquirat; quare hac in re nulla est dæmonibus permittenda libertas, licet primo aspectu non videatur ingens detrimentum, & noxiam allatura; sed omnis illis adimenda est potestas, & potestatem nobis à Domino traditam, ab omni loco sunt expellendi. Ut igitur Exorcista eos possit expellere, postquam certior factus fuerit de infestatione, vel à veridica incolarum relatione vel experimentis, ea præcepta, eamque instructionem tradere incipiet habitatoribus, quæ ultimum præceptum expulsiuum præcedere debet.

Et quoniam tota potestas, quam sibi vendicat dæmon in nos, sive in res nostras, oritur vel proximè, vel remotè à peccato, inprimis disponat habitatores ad illud detestandum, & præcipue domus illius Dominum, qui genibus flexis debet à Deo petere veniam, non solum suorum criminum, sed etiam eorum, quæ à quocunque loco sive præsentis, sive præterito fuerint admissa.

sup

suppliciter rogans divinam Bonitatem, ut pœnitentiam suam accipere dignetur pro se, & pro omnibus, domúmque ab illa diabolica molestia liberare.

Præterea debet Exorcista Dominum domûs, & cæteros certiores facere de potestate, quam ille, ut Dei Ecclesiæque minister in dæmones habet, & certò fore, ut præceptis suis obediant, quotiescunque non deficiat fides, vel in se, vel in illis requisita, cùm debeat ipse imperare in JESU Christi nomine, ac tanquam ejus minister malignos eos spiritus expellere; & quia dæmon, ut hanc fidem impediat, persuadere studet, se non esse illarum infestationum authorem, sed esse, vel animas, quæ purgatorio igne cruciantur, ut à Christianorum precibus aliquod obtineant pium subsidium, vel animam alicujus ad inferna damnati, ibique sepulti; vel tandem aliquem thesaurum ibi defossum ab infernis spiritibus ita custodiri, ut ab eis relinqui non possit; hæc omnia mendacia detegenda erunt ab Exorcista, eorum falsitatem demonstrando rationibus superius adductis, & persuadendo adstantibus, ut pro certo credant damnatorum animas in inferni carcere detineri, non in nostris domibus; & animas purgatoriis flâmis destinatas, si quando facultatem habent apparendi, statim respondere interroganti eas, suamque necessitatem exponere, nec amplius redire, nisi forte una adhuc vice, ut gratias agant de subsidio illis per sacras preces delato; multòque minùs redire ad molestiam afferendam, & perturbandos habitatores; si verò Dominus

Y y 2 minus

minus domûs , vel illius habitatores obstinato animo fidem habere veilent hujusmodi mendaciis à dæmone excogitatis, non expedit ulterius procedere; quia dum ipsi non obediunt Exorcistæ , sed potius adversantur , nunquam concipient eam fidem, quam necessariam esse diximus, ut certò diabolus expellatur.

Tertiò disponat Exorcista habitatores ad concipiendam firmam loci liberationis fiduciam propter infinitam bonitatem DEI , & ejus promissa, quibus suum nobis sponndit patrocinium & auxilium contra diabolicas infestationes , & propter authoritatem hac in re sanctæ Ecclesiæ traditam.

His peractis expediet Christi in cruce pendentis imaginem extolli, & omnes domesticos illam sequentes, & parvæ supplicationis adinstar litanias recitantes ad illud domicilium contendere, quod magis infestatur à diabolo : ubi absolutis precationibus surgens Exorcista capite cooperito in potestatis suæ argumentum magna fide & potestate ei muneri accomodata, quo nunc fungitur, pronunciet hoc præceptum :

In nomine Jesu Christi ego N. ut ejus minister, & servus licet indignus impero tibi, & vobis ex-cr-andi dæmones, ut statim ex hac domo discedatis, nec ad illam molestandam amplius redeatis : In nomine Patris, & Filii, & Spiritus sancti Amen.

Deinde magna liberationis peractæ certitudine domicilium illud atque alia aspergat aquâ lustrali, confirmatisque in fide habitatoribus, traditisque opportunis monitis discedat.

Quid

Quidquid de domuum liberatione diximus, intelligendum pariter est & exercendum in bestiarum liberatione. Disponatur Dominus, vel illarum custos ad detestanda sua peccata etiam per sacram & accuratam confessionem, & præsertim illa, quæ fortè in illarum bestiarum cura commiserit, vel diebus festis servilia opera exercendo, vel rerum caducarum curam debitæ spiritualium, suæque animæ sollicitudini anteponendo. Erudiatur item, ut dictum est, in fide, & fiducia, & cùm bene eruditus fuerit, vexatas illas belluas liberare aggredietur hoc præcepto.

Ego N. Jesu Christi, & sanctæ Ecclesiæ minister impero tibi, & vobis, execrandi dæmones! quotquot estis, ut ab his animalibus statim discedatis, maleficium omne in illorum noxam elaboratum destruendo, naturalésque illorum operationes nunquam ampliùs impediendo, neque eorum Dominum aut custodem ampliùs perturbando. Fugite igitur spiritus nefarii, sicuti vobis impero. In nomine Patris, & Filii, & Spiritûs sancti, Amen.

Postea bestię & stabula aqua lustrali aspergantur, aliæque præmunientia adhibeantur remedia.

Verùm in nulla alia liberatione labores suos utiliùs impendet Exorcista, quàm si solvere conetur ea maleficia, quæ matrimoniis nocent. In hujusmodi fascinis permittitur dæmoni major nocendi libertas originalis peccati causa, quod transfunditur in nos per generationem carnalem, ut D. Thomas, aliique Theologi observârunt.

runt. Hujusmodi maleficiorum signa videri poterunt apud Morales, qui de his satis superque agunt. Quando igitur pateat, mala in conjugibus orta esse à dæmone, persuadeatur iis, ut detestentur omnia crimina, quæ fortè inter se admisissent, sive ante, sive post matrimonium contractum, & præsertim abominentur finem illum, quem multi in primis spectare solent in connubiis jungendis, nimirum liberè satisfacere libidini, nec interim dirigunt matrimonium ad finem debitum, & supernaturalem, nempe vel ut sanctius vivant in illo statu, vel ut prolem obtineant, quæ Deo serviat, & cœlestes sedes repleat. Utatur igitur Exorcista verbis Archangeli Raphaëlis ad Tobiam, ut demonstret hos errores, curètque, ut à sponsis piis precationibus & pœnis voluntariè susceptis deleantur; deinde eos erudiat in fide, ut dictum est, & maximè conetur eis apertum facere, & persuadere potestatem, quam conjuges invicem habent in sua corpora, datam illis esse à Christo per Sacramentum adeò magnum, quale est matrimonium, & si ipsi peccata omnium malorum causam tollant, DEUM non amplius permissurum esse dæmoni hanc potestatem, quam hætenus ei permisit. Tandem postquam iteratis actibus eos ad liberationem rectè disposuerit, poterit præceptum sic efformare.

Ego N. Christi, & Ecclesiæ minister potestate, à DEO mihi tradita, cum Exorcistæ ordinem susceperam, venio contra te, spiritus immunde, qui contendis impedire matrimonium ab ipso DEO institutum ad finem adeò sublimem, & impero

pero tibi in nomine Jesu Christi, ut omne maleficio contra hanc creaturam factum statim destruas, & absque ulla mora discedendo tecum feras omnes diabolicas immunditias, quas aliquo modo in hoc corpus intulisses, ita, ut creatura ista libera & sana remaneat perinde, ac si nunquam à te molestata fuisset. Sic igitur tibi impero & omnibus aliis, quotquot adestis spiritus execrandi. In nomine Patris, & Filii, & Spiritus sancti, Amen.

CAPUT SECUNDUM.

Actus Baptismi Parvulorum.

Sacerdos. Quo nomine iste infans est vocandus?
Wie soll diß Kind heißen?

Patrinus respondet N.

Der Gevatter antwortet sprechend:

N. v. g. Johannes, Elisabeth.

2. Sacerdos. N. Quid petis ab Ecclesia Dei?

N. Was begehrest du von der Kirchen Gottes?

Respondet Patrinus: Fidem.

Antwort: Den Glauben.

3. Sacerdos. Fides quid tibi præstat?

Was gibt dir der Glauben?

Respondet Patrinus: Vitam æternam.

Antwort: Das ewige Leben.

4. Sacerdos. Si igitur vis ad vitam ingredi, serva mandata; diliges Dominum Deum tuum ex

toto corde tuo, & ex tota anima tua, & extota mente tua; & proximum tuum sicut teipsum.

Notet Sacerdos, quod infra in actu Baptismi de maribus in masculino genere dicitur, de famellis dicendum esse in feminino.

Deinde ter exsufflet leniter in faciem infantis, & dicat semel: Exi ab eo (vel ab ea) immunde spiritus, & da locum Spiritui sancto Paraclito.

Postea dextro pollice faciat signum crucis in fronte & pectore infantis, dicens: accipe signum crucis tam in fronte † quàm in corde † sume fidem cælestium præceptorum, & talis esto moribûs, ut templum Dei jam esse possis.

Oremus.

PReces nostras, quæsumus, Domine clementer exaudi: & hunc electum tuum N. (electam tuam) crucis Dominicæ impressione signatum (signatam) perpetua virtute custodi, ut magnitudinis gloriæ tuæ rudimenta servans, per custodiam mandatorum tuorum, ad regenerationis gloriam pervenire mereatur. Per Christum Dominum nostrum, Amen.

Deinde imponat manum super caput infantis, & dicat:

Oremus.

OMnipotens sempiterne Deus, Pater Domini nostri Jesu Christi, respicere dignare super hunc famulum tuum N. (famulam tuam) N. quem (quam) ad rudimenta fidei vocare dignatus es: omnem cæcitatem cordis ab eo (ea) expelle: dil rumpe omnes laqueos satanæ, quibus fuerat col-

liga-

ligatus(*colligata*) aperi ei Domine, januam pietatis tuæ, ut signo sapientiæ imbutus(*imbuta*) omnium cupiditatum foetoribus careat, & ad suavem odorem præceptorum tuorum lætus(*lata*) tibi in Ecclesia tua deserviat, & proficiat de die in diem. Per eundem Christum Dominum nostrum. Amen.

Deinde Sacerdos benedicat salem: qui semel benedictus alias ad eundem usum deservire potest.

Benedictio salis.

EXorcizo te, creatura salis, in nomine Dei Patris omnipotentis † & in charitate Domini nostri Jesu Christi † & in virtute Spiritus sancti † Exorcizo te per Deum vivum † per Deum verum † per Deum sanctum † per Deum † qui te ad tutelam humani generis procreavit, & populo venienti ad credulitatem per servos suos consecrari præcepit, ut in nomine sanctæ Trinitatis efficiaris salutare Sacramentum ad effugandum inimicum. Proinde rogamus te, Domine Deus noster, ut hanc creaturam salis sanctificando sanctifices † & benedicendo benedicas † ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Jesu Christi, qui venturus est judicare vivos & mortuos, & sæculum per ignem. Resp. Amen.

Deinde immittat modicum salis benedicti in os infantis, dicens.

N. Accipe salem sapientiæ: propitiatio sit tibi in vitam æternam. R. Amen.

Sacerdos Pax tecum. R. Et cum Spiritu tuo.

Y y 5

Ore-

Oremus.

DEUS Patrum nostrorum, Deus universæ conditor veritatis, te supplices exoramus, ut hunc famulum tuum N. (*famulam tuam N.*) respicere digneris propitius, & hoc primum pabulum salis gustantem, non diutiùs esurire permittas, quò minùs cibo expleatur cælesti, quatenus sit semper spiritu fervens, spe gaudens, tuo semper nomini serviens. Perduc eum (*eam*) Domine quæsumus, ad novæ regenerationis lavacrum, ut cum fidelibus tuis promissionum tuarum æterna præmia consequi mereatur. Per Christum Dominum nostrum. R. Amen.

Exorcizo te, immunde spiritus, in nomine Patris † & Filii † & Spiritus sancti † ut ex eas, & recedas ab hoc famulo Dei N. (*famula Dei N.*) ipse enim tibi imperat, maledicte, dammate, qui pedibus super mare ambulavit, & Petro mergenti dexteram porrexit.

Ergo, maledicte diabole, recognosce sententiam tuam, & da honorem Deo vivo, & vero, da honorem Jesu Christo, Filio, & Spiritui sancto: & recede ab hoc famulo Dei N. (*famula Dei N.*) quia istum (*istam*) sibi Deus, & Dominus noster Jesus Christus ad suam sanctam gratiam & benedictionem, fontemque Baptismatis vocare dignatus est.

Hic pollice in fronte signat infantem, dicens:

Et hoc signum sanctæ crucis † quod nos fronte ejus damus, tu maledicte diabole, nunquam audeas violare. Per eundem Christum Dominum nostrum. R. Amen.

Mox imponit manum super caput infantis, & dicit:

Oremus.

Æternam ac justissimam pietatem tuam deprecor, Domine sancte, Pater omnipotens, æternæ Deus, auctor luminis, & veritatis, super hunc famulum tuum N. (*famulam tuam N.*) ut digneris eum (*eam*) illuminare lumine intelligentiæ tuæ, munda eum, (*eam*) & sanctifica: da ei scientiam veram, ut dignus (*digna*) gratiâ Baptismi tui effectus (*effecta*) teneat firmam spem, consilium rectum, doctrinam sanctam. Per Christum Dominum nostrum. *R.* Amen.

Postea Sacerdos imponit extremam partem stolæ super infantem, & introducit eum in templum, dicens:

N. Ingredere in templum Dei, ut habeas partem cum Christo in vitam æternam. *R.* Amen.

Cum fuerint Ecclesiam ingressi, Sacerdos procedens ad fontem, cum susceptoribus conjunctim clara voce dicit:

Credo in Deum Patrem omnipotentem Creatorem cœli & terræ. Et in Jesum Christum, Filium ejus unicum, Dominum nostrum. Qui conceptus est de Spiritu sancto, natus ex Maria Virgine: passus sub Pontio Pilato: crucifixus, mortuus & sepultus. Descendit ad inferos, tertia die resurrexit à mortuis. Ascendit ad cœlos, sedet ad dexteram Dei Patris omnipotentis. Inde venturus est judicare vivos & mortuos. Credo in Spiritum sanctum: sanctam Ecclesiam Catholicam; Sanctorum communionem: remissionem peccatorum: carnis resurrectionem: & vitam æternam, Amen.

Pa-

Pater noster, qui es in cœlis: sanctificetur nomen tuum: adveniat regnum tuum: fiat voluntas tua, sicut in cœlo & in terra. Panem nostrum quotidianum da nobis hodie: & dimitte nobis debita nostra, sicut & nos dimittimus debitoribus nostris: & ne nos inducas in tentationem; sed libera nos à malo, Amen.

vel germanicè dicat: Sprech mit mir den Christlichen Catholischen Glauben, samt dem H. Vater unser 2c.

Ich glaub in Gott Vater / allmächtigen Schöpffer Himmels und der Erden. Und in Jesum Christum, seinen einigen Sohn unseren Herrn. Der empfangen ist von dem heiligen Geist, gebohren aus Maria der Jungfrauen. Gelitten unter Pontio Pilato, gecreuziget, gestorben / und begraben. Abgestigen zu der Hölle / am dritten Tag widerum auferstanden von den Todten. Aufgefahren zu den Himmlen, sitzend zu der Rechten Gottes des Allmächtigen Vatters. Von dannen er kommen wird / zu richten die Lebendige und die Todte. Ich glaub in den heiligen Geist. Ein heilige allgemeine Christliche Kirchen. Gemeinschaft der Heiligen. Ablass der Sünden. Auferstehung des Fleisches. Und ein ewiges Leben / Amen.

Vater unser / der du bist in den Himmlen. Geheiligt werde dein Nam. Zukomme uns dein Reich. Dein Will geschehe / wie im Himmel, also auch auf Erden. Gib uns heut unser tägliches Brod. Und vergib uns unsere Schulden, als auch wir vergeben unseren Schuldigern. Und führe uns nicht

nicht in Versuchung. Sondern erlöse uns vom Ubel/ Amen.

Deinde ad circumstantes, qui infantem deferunt, & comitantur, observat a personarum conditione & qualitate modeste stando sequentem facit exhortationem.

Christliche Ermahnung an die Gevatteren/und andere umstehende, vor der heiligen Tauff.

Würdichtige in Christo dem HErrn Dieweil wir bey disem Christlichen und Gottseeligen Werck der heiligen Tauff in dem HErrn versamlet seyn / so sollen euer Lieb und Andacht sich wohl erinnern des herrlichen Spruchs unseres lieben HErrn Jesu Christi: es sey dann (spricht er bey dem heiligen Johannes am 3. Capitel) daß einer widerumb gebohren werde aus dem Wasser und heiligen Geist/so kan er nicht eingehen in das Reich Gottes. Ursach, dann nach St. Pauli Bezeugnus seynd alle Adams Kinder / wie klein / jung , und unschuldig sie scheinen , in Sünden empfangen, und gebohren, ja auch von Natur Kinder des Göttlichen Zorns, dieweil alle in Adam / ihrem ersten Vatter / gesündigt haben / und mit der Erb-Sünd befleckt seynd / und also zum ewigem Leben untauglich erfunden werden. Demnach wird dieses junge Kind hier fürgestellt, und zu der heiligen Tauff bereit / damit es aus dem Stand der Sünden und sündlicher Unsauberkeit / zu dem Stand der Gnaden und Christlichen Gerechtigkeit kommen / ja auch für ein lebendiges Glied Christi, und für einen rechten Erben des Himmel Reichs

angenommen und gezehlt werde. Dierveil aber dieses schwache Kind solche grosse angebottene Gnad Gottes in diesem unvermöglichen Alter nicht erkennen noch bekennen kan, soll erstens euer Lieb und Andacht/und sonderlich ihr Gvattern, ermahnet seyn, daß ihr an statt dieses Kinds euer Hertz zu dem allmächtigen Gott wendet / und mit ungezweiffletem Glauben betrachtet, daß Christus Iesus/ aller Welt Heyland diß heilige und nothwendige Sacrament des Tauff: selbst hat eingesetzt, und mit seiner Gnadenreichen Verheissung gezieret und versiglet, als er nemlichen durch Ezechielem seinen Propheten vorgesagt/er wolle ein rein Wasser über sein Volck außgießen/und sie rein machen von allen ihren Unreinigkeiten. Und meinen Geist, sagt er/ will ich euch geben/ und will machen, daß ihr in meinen Gebott wandlet / und dieselbe voll bringet.

Zum anderen sollt ihr andächtigt zu Herten führen, daß die obgemeldte Gnad und Gnad von diesem Kind nichts anders erforderet / dann daß es mit der Zeit dasselbige danckbar leiste / was ihr Gvattern an seiner statt ernstlichen allhier versprechen und verheissen werdet: als nemlich / daß es dem bösen Feind, und aller seiner Hoffart und Wercken widersage und widersirebe. Item / daß es für und für bleibe und verharre bey dem rechten Christlich-Catholisch und Apostolischen Glauben/ welchen Glauben es auch sonderlich üben und erzeigen soll, mit dem Gebett in dem H. Vatter unser, und mit dem Gehorsamb in den Heil. gehen Gebotten. Nicht weniger haben sie auch zuerwegen,
und

und wohl zu beherzigen, daß nicht allein der Tauf-
fer mit dem Getaufften, sondern auch der Tauff-
Gött, oder Gebatter mit dem Tauff-Kind, sambt
dessen wahren Eltern, Geistlicher Weiß befreun-
det werden/ also daß sie sich mit Recht nicht zusam-
men verheyrathen mögen/ ja auch nach geschehe-
nen Heyrath widerumb geschieden werden müssen.
Insonderheit aber erforderet euer Ambt und
Pflicht/ daß ihr euch dises Kinds/ im fall es nach
empfangenen Tauff über kurz oder lang aus Zu-
lassung Gottes seiner natürlichen Eltern durch
den zeitlichen Todt beraubt wurde/ getreulich an-
nemt/ es auf die Furcht Gottes/ Zucht, und
Ehrbarkeit anweist/ und haltet/ damit, wann es
zu seinen verständigen Jahren kommen wird/ seiner
Keuschheit wahr nemme/ die Gerechtigkeit lieb ha-
be/ und vor allen Dingen das heilige Vatter unser,
den heiligen Engli-chen Gruß/ Christlichen Glaus-
ben, und die zehen Gebott fleißig lehre, und des-
ren sich embsig gebrauche, damit es nach seinem
und euerem Zusagen/ so vor Gott und der Kirchen
hie geschehen, wider des Teuffels Reich ritterlich
streitten/ und standhaftig überwinden, und also
nach disem sterblichen Leben sambt allen lieben Aus-
serwählten die Cron der ewigen Freud und Sees-
ligkeit erlangen möge. Damit aber solches geschehe,
und wir alle neben disem Kind die gnadenreiche
Krafft, und Würckung der heiligen Tauff haben/
und in uns empfinden mögen, so laßet uns dem-
nach mit gebognen Knyen und demüthigen Her-
zen sammentlich sprechen ein andächtiges Vatter
unser und Ave Maria.

*Baptizans & circumstantes genuflectunt, & recitant
secrèd, Pater noster, Ave Maria.*

*Quibus peractis surgunt, & baptizans, antequam
accedat ad baptisterium dicat :*

Exorcismus.

EXorcizo te, omnis spiritus immunde, in nomine Dei Patris omnipotentis & in nomine Jesu Christi Filii ejus, Domini & judicis nostri & in virtute Spiritus sancti ut discedas ab hoc plasmate Dei N. quod Dominus noster ad templum sanctum suum vocare dignatus est, ut fiat templum Dei vivi, & Spiritus sanctus habitet in eo, Per eundem Christum Dominum nostrum, qui venturus est judicare vivos & mortuos, & sæculum per ignem. Resp. Amen.

Postea Sacerdos extremo digito accipiat de saliva oris sui & tangat aures & nares infantis : tangendo verd aurem dextram & sinistram dicat :

Epheta, quod est adaperire: Deinde tangat nares dicens: in odorem suavitatis, & subdit: tu autem effugare diabole; appropinquabit enim judicium Dei.

Postea interrogat baptizandum, nominatim dicens:
N. abrenuntias satanæ?

Widersagst du dem bösen Geind.

Respondet Patrinus. Abrenuntio.

Ich widersag.

Et omnibus operibus ejus?

Und allen seinen Wercken?

R. Ich widersag.

Et omnibus pompis ejus?

Und aller seiner Hoffart?

Resp.

R. Abrenuntio. Ich widersag.

Deinde Sacerdos intingit pollicem in oleo catechumenorum, & infantem ungit in pectore, & inter scapulas in modum crucis dicens:

Ego te linio † Oleo salutis in Christo † Domino nostro, ut habeas vitam æternam.

R. Amen.

Subinde pollicem, & inuncta loca abstergit bombacio, vel re simili; deponit stolam violaceam, & assumit aliam albi coloris, & interrogat expresso nomine baptizandum, Patrino respondente:

N. Credis in DEUM Patrem omnipotentem Creatorem cæli & terræ?

R. Glaubst du in Gott Vatter allmächtigen Schöpffer Himmels und der Erden?

R. Credo. Ich glaub.

Credis in JESUM Christum, Filium ejus unicum Dominum nostrum, natum & passum?

Glaubst du in JESUM Christum/ seinen einzigen Sohn, unsern Herrn/der geboren ist, und gelitten hat?

R. Credo. Ich glaub.

Credis in Spiritum, sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem vitam æternam?

Glaubst du in den heiligen Geist, ein heilige allgemeine Christliche Catholische Kirchen, Gemeinschaft der Heiligen, Ablass der Sünden/Auferstehung des Fleisches, und ein ewiges Leben.

R. Credo. Ich glaub.

Deinde expresso nomine baptizandi, ter Sacerdos interrogat.

N. Vis baptizari?

Willst du getauft werden?

Respondet Patrinus. Volo. Ich will.

Quærat deinde Sacerdos : an, propter periculum evitandum, sit circa baptismum infantis aliquid attentatum à quopiam? & si respondeatur, nihil ejusmodi factum; tunc Patrino, vel Matrinâ, vel utroque (si ambo admittantur) infantem tenente, Sacerdos vasculo accipit aquam baptismalem, & de ea ter fundit supra caput infantis in modum crucis, & simul verba proferens, semel tantum distinctè & attentè dicit :

N. Ego te baptizo in nomine Patris † fundat primò, & Filii † fundat secundò, & Spiritus † sancti, fundat tertio.

R. Amen.

Si verò dubitatur, an infans fuerit baptizatus, utatur hac formâ. N. Si non es baptizatus (baptizata) ego te baptizo in nomine Patris † & Filii † & Spiritus † sancti. R. Amen.

Deinde intingit pollicem in sacro chrismate, & ungit infantem in summitate capitis in modum crucis, dicens :

Deus omnipotens, Pater Domini nostri Jesu Christi, qui te regeneravit ex aqua & Spiritu sancto, quique dedit tibi remissionem omnium peccatorum (hic inungit) ipse te linat Chrismate salutis † in eodem Christo Jesu Domino nostro, in vitam æternam. R. Amen.

Sacerdos. Pax tibi. R. Et cum Spiritu tuo.

Tum bombacio, aut re simili, abstergit pollicem suum & locum inunctum; & imponit capiti ejus linteolum candidum loco vestis albæ, dicens :

Ac

Accipe vestem candidam, quam immaculatam perferas ante tribunal Domini nostri Iesu Christi, ut habeas vitam æternam.

R. Amen.

Postea dat ei, Patrino (vel Matrinx) candelam accensam dicens:

Accipe lampadem ardentem, & irreprehensibilis custodi baptismum tuum; serva Dei mandata, ut, cum Dominus venerit ad nuptias, possis occurrere ei unà cum omnibus Sanctis in aula cælesti, habeasque vitam æternam, & vivas in sæcula sæculorum. R. Amen.

Postremo dicit: N. Vade in pace, & Dominus sit tecum. R. Amen.

2.

Ordo communicandi & providendi infirmum.

Ingrediens Sacerdos locum, ubi jacet infirmus dicat: Pax huic domui, & omnibus habitantibus in ea.

Tum depositum Sacramentum super mensa, supposito corporali, genuflexus adorat, omnibus in genua procumbentibus, & mox accepta aqua benedicta aspergit infirmum: & cubiculum dicens Antiphonam.

Asperges me Domine hyssopo, & mundabor: lavabis me, & super nivem dealbabor. Misere mei DEUS, secundum magnam misericordiam tuam. Gloria Patri, & Filio, & Spiritui sancto.

Sicut erat in principio, & nunc & semper, & in sæcula sæculorum, Amen.

Deinde repetitur Antiphona.

Z z 2

Asper

Asperges me &c.

✠. Adjutorium nostrum &c.

✠. Dominus vobiscum.

Oremus.

EXaudi nos Domine sancte, Pater omnipotens æterne Deus, & mittere digneris sanctum Angelum tuum de cælis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. R. Amen.

His dictis accedat ad infirmum, ut cognoscat, num sit bene dispositus ad suscipiendum sacrum viaticum, & utrum velit aliqua peccata confiteri, illum audiat, atque absolvat, quamvis prius deberet esse ritè confessus, nisi necessitas aliter urgeat. Postea facta de more Confessione generali sive ab infirmo, sive ejus nomine ab alio, Sacerdos dicit: Misereatur &c. Indulgentiam &c.

Denique facta genuflexione, accipit Sacramentum de vasculo, atque illud elevans ostendit infirmo dicens: Ecce Agnus Dei, ecce qui tollit peccata &c. Et more solito ter dicat: Domine non sum dignus, ut intres sub tectum meum, sed tantum dic verbo, & sanabitur anima mea. Et infirmus simul cum Sacerdote dicat eadem verba, saltem semel submissa voce. tum Sacerdos dans infirmo Eucharistiam dicat:

Accipe frater (vel soror) viaticum Corporis Domini nostri Jesu Christi: qui te custodiat ab hoste maligno, & perducatur te in vitam æternam.

Si verò Communio non datur per modum viatici, dicat more ordinario: Corpus Domini nostri Jesu Christi custodiat, &c.

Quòd si mors immineat, & periculum sit in mora, tum

dicat

dicto Misereatur &c. prædictis precibus omnibus, vel ex parte omissis, ei statim viaticum præbeatur. Postea Sacerdos abluat digitos nihil dicens, infirmo detur absolutio. Deinde dicat :

℣. Dominus vobiscum &c.

Oremus.

Domine sancte, Pater omnipotens, æterne DEUS, te fideliter deprecamur, ut accipienti fratri nostro (vel sorori nostræ) sacrosanctum Corpus Domini nostri Jesu Christi Filii tui, tam corpori, quàm animæ profit ad remedium sempiternum. Qui tecum vivit, &c.

His expletis, si altera particula Sacramenti superfuerit (superesse autem semper debet, præterquam in casu jam dicto) genuflectit, surgit, & accipiens vas cum Sacramento facit cum eo signum Crucis super infirmum, nihil dicens, & reverenter illud deferens, ordine, quo venerat, revertitur ad Ecclesiam, dicendo Psalmum : Laudate Dominum de cælis, & alios Psalmos, & Hymnos, prout tempus feret. Cum pervenit ad Ecclesiam, ponit Sacramentum super Altare, adorat, deinde dicit :

℣. Panem de cœlo præstitisti eis.

℞. Omne delectamentum in se habentem.

℣. Dominus vobiscum &c.

Oremus.

DEUS qui nobis sub Sacramento mirabili Passionis tuæ memoriam reliquisti, tribue quaesumus, ita nos Corporis & sanguinis tui sacra mysteria venerari, ut redemptionis tuæ fructum in nobis jugiter sentiamus. Qui vivis & regnas, &c. Amen.

Deinde annuntiat Indulgentias à summis Pontificibus concessas sanctissimum Sacramentum comitantibus.

Postea cum Sacramento in pixide velo cooperta facit signum Crucis super populum nihil dicens. Postremo illud in loco suo reponat.

Quòd si difficultatem aut longitudinem itineris, vel quia ea, qua decet, veneratione Sacramentum ad Ecclesiam commodè reportari non potest, sumpta fuerit una tantum particula consecrata, ut dictum est, tunc eam infirmo administrata, Sacerdos prædictis precibus recitatis, eum manu benedicit, & una cum aliis privato habitu, extinctis luminibus, umbella demissa, latente pixide, ad Ecclesiam, vel domum quisque suam revertatur.

I.

Ordo administrandi Sacramentum extremæ Unctionis.

Ingressus.

Pax huic domui, &c. Asperges me, ut supra stans versùs ægrum dicit.

✠. Adjutorium nostrum, &c.

✠. Dominus vobiscum, &c.

Oremus.

INtroeat, Domine JESU Christe domum hanc sub nostræ humilitatis ingressu æterna felicitas, divina prosperitas, serena lætitia, charitas fructuosa, sanitas sempiterna; effugiat ex hoc loco accessus dæmonum; adsint Angeli pacis, domumque hanc deferat omnis maligna discordia. Magnifica, Domine, super nos Nomen sanctum tuum, & benedic ✠ nostræ conversationi: sanctifica nostræ humilitatis ingressum, qui sanctus

ctus & pius es, & permanes cum Patre & Spiritu sancto, in sæcula sæculorum. Amen.

O Remus & deprecemur Dominum nostrum Iesum Christum, ut benedicendo benedicat hoc habitaculum & omnes habitantes in eo, & det eis Angelum bonum custodem, & faciat eos sibi servire ad considerandum mirabilia de lege sua, avertat ab eis omnes contrarias potestates : eripiat eos ab omni formidine, & ab omni perturbatione, ac sanos in hoc tabernaculo custodire dignetur. Qui cum Patre, & Spiritu sancto vivit, & regnat Deus in sæcula sæculorum, Amen.

Oremus.

EXaudi nos, Domine sancte Pater omnipotens, æterne Deus, & mittere digneris sanctum Angelum tuum de cælis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum, Amen.

Quæ Orationes, si statim post sacrum viaticum dantur, omittuntur. Flexis verò genibus coram Crucifixo (quem prius ægroto osculandum præbet) recitat Psalmum Miserere.

Psalmus 50.

Miserere mei Deus : secundum magnam misericordiam tuam.

Et secundum multitudinem miserationum tuarum dele iniquitatem meam,

Amplius lava me ab iniquitate mea : & à peccato meo munda me.

Z z 4

Quo-

Quoniam iniquitatem meam ego cognosco:
& peccatum meum contra me est semper.

Tibi soli peccavi, & malum coram te feci: ut
justificeris in sermonibus tuis, & vincas, cum
judicaris.

Ecce enim in iniquitatibus conceptus sum: &
in peccatis concepit me mater mea.

Ecce enim veritatem dilexisti: incerta & oc-
cultæ sapientiæ tuæ manifestasti mihi.

Asperges me hyssopo, & mundabor: lavabis
me, & super nivem dealbabor.

Auditui meo dabis gaudium, & lætitiā: &
exultabunt ossa humiliata.

Averte faciem tuam à peccatis meis, & om-
nes iniquitates meas dele.

Cor mundum crea in me Deus: & spiritum
rectum innova in visceribus meis.

Ne projicias me à facie tua: & Spiritum san-
ctum tuum ne auferas à me.

Redde mihi lætitiā salutaris tui: & spiritu
principali confirma me.

Docebo iniquos vias tuas: & impii ad te con-
vertentur.

Libera me de sanguinibus Deus, Deus salutis
meæ: & exultabit lingua mea justitiā tuam.

Domine labia mea aperies: & os meum an-
nuntiabit laudem tuam.

Quoniam si voluisses sacrificium, dedissem
utique: holocaustis non delectaberis.

Sacrificium Deo spiritus contribulatus: cor
contritum, & humiliatum DEUS non despi-
cies.

Benig-

Benignè fac Domine in bona voluntate tua
Sion: ut ædificentur muri Jerusalem.

Tunc acceptabis sacrificium Justitiæ, oblationes,
& holocausta: tunc imponent super altare
tuum vitulos.

Gloria Patri, & Filio, & Spiritui sancto.

Sicut erat in principio, & nunc, & semper, &
in sæcula sæculorum, Amen.

Litania.

KYrie eleison. Christe eleison.

Kyrie eleison. Christe audi nos.

Christe exaudi nos.

Pater de cælis Deus, Miserere ei.

Fili Redemptor mundi Deus, miserere ei.

Spiritus sancte Deus, miserere ei.

S. Trinitas unus Deus, miserere ei.

Sancta Maria.

Ora pro eo vel ea.

Sancta Dei Genitrix.

ora.

Sancta Virgo Virginum.

ora.

Sancte Michaël.

ora.

Sancte Gabriel.

ora.

Sancte Raphaël.

ora.

Omnes sancti Angeli & Archangeli, orate pro
eo vel ea.

Omnes sanctorum beatorum Spirituum ordi-
nes.

orate.

Sancte Joannes Baptista.

ora.

Omnes sancti Patriarchæ & Prophetæ.

orate.

Sancte Petre.

ora.

Sancte Paule.

ora.

Sancte Andrea.

ora.

Sancte Joannes.

ora.

Omnes sancti Discipuli Domini.	orate.
Omnes sancti Innocentes.	orate.
Sancte Stephane.	ora.
Sancte Laurenti.	ora.
Sancte Sebastiane	ora.
Sancte Emmerame.	ora.
Sancte Dionysi.	ora.
Omnes sancti Martyres.	orate.
Sancte Augustine.	ora.
Sancte Martine.	ora.
Sancte Nicolae.	ora.
Sancte Ruperte.	ora.
Sancte Erharde.	ora.
Sancte Wulfge.	ora.
Omnes sancti Pontifices & Confessores.	orate.
Sancte Benedicte.	ora.
Sancte Francisce.	ora.
Omnes sancti Monachi & Eremitæ.	orate.
Sancta Maria Magdalena.	ora.
Omnes sanctæ Virgines & Viduæ.	orate.
Omnes Sancti & Sanctæ Dei	orate.
Propitius esto. Parce ei Domine.	
Propitius esto. Exaudi nos Domine.	
A peccatis ejus, libera eum, vel eam,	
A variis languoribus	libera.
Ab insidiis.	libera.
A cruciatu & morte perpetua.	libera.
Ab ira tua.	libera.
Ab omni immunditia mentis & corporis.	libera.
Ab omni malo.	libera.
Per adventum tuum.	libera.
Per incarnationem & Nativitatem tuam.	libera.
	Per

- Per jejunium tuum. libera.
Per tentationem tuam. libera.
Per Passionem & Crucem tuam. libera.
Per gloriosam Resurrectionem tuam. Libera
eum vel eam Domine.
Per admirabilem Ascensionem tuam. Libera
eum vel eam Domine.
Per adventum Spiritus sancti Paracliti. Libera
eum &c.
In hora mortis & die Judicii. Libera eum vel
eam Domine.
Peccatores. Te rogamus, audi nos.
Ut præsentem infirmum (am) visitare & conso-
lari digneris. Te rogamus.
Ut pacem tuam ei dones. Te rogamus audi nos.
Ut fontem lachrymarum ei dones. Te rogamus
audi nos.
Ut cogitationes pravas ab eo (ea) auferre dig-
neris. Te rogamus audi nos.
Ut remissionem omnium peccatorum ei dones.
Te rogamus audi nos.
Ut spatium pænitentiae ei dones. Te rogamus
audi nos.
Ut sanitatem animæ & corporis ei dones. Te
rogamus audi nos.
Ut gratiam & consolationem sancti Spiritus ei
dones. Te rogamus audi nos.
Ut in præsentis periculo succurrere ei digneris.
Te rogamus audi nos.
Ut ad gaudia sempiterna eum (eam) perducere
digneris. Te rogamus audi nos.
Ut nos exaudire digneris. Te rogamus audi nos.
Agnus

Agnus Dei, qui tollis peccata mundi: Parce ei Domine.

Agnus Dei, qui tollis peccata mundi, parce ei Domine.

Agnus Dei, qui tollis peccata mundi, dona ei Domine.

Christe audi nos. Christe exaudi nos.

Kyrie eleison.

Christe eleison.

Kyrie eleison.

Pater noster.

✠. Et ne nos inducas in tentationem.

✠. Sed libera nos à malo.

✠. Domine exaudi orationem meam.

✠. Et clamor meus ad te veniat.

✠. Dominus vobiscum.

Oremus.

DEus, cui proprium est misereri semper & parcere: suscipe deprecationem nostram, ut nos & hunc famulum tuum (hanc famulam tuam) quos delictorum catena constringit, miseratio tuæ pietatis clementer absolvat.

Concede hunc famulum tuum (hanc famulam tuam) quæsumus Domine, perpetuâ mentis & corporis sanitate gaudere, & gloriosa beatæ Mariæ semper Virginis intercessione à præfenti liberari tristitia & æternâ perfrui lætitiâ. Per Christum Dominum nostrum. R. Amen.

His peractis, ad lectum infirmi accedit, & extendit manam dexterâ, facit ter signum Crucis super eum dicens: In nomine Patris † & Filii † & Spiritus † sancti extingatur in te ōnis virtus diaboli per impositionem.

sitionem manuum nostrarum, & per invocationem omnium sanctorum Angelorum, Patriarcharum, Prophetarum, Apostolorum, Martyrum, Confessorum, Virginum, atque omnium simul Sanctorum, Amen.

Deinde intincto pollice in oleo sancto, in modum Crucis ungit infirmum.

Ad Oculos.

Per istam sanctam unctionem, & suam piissimam misericordiam, indulgeat tibi Dominus, quidquid per visum deliquisti. In nomine Patris & Filii & Spiritus sancti. Amen.

Post quamlibet unctionem tergit loca inuncta, novo globulo bombacii.

Ad Aures.

Per istam sanctam unctionem, & suam piissimam misericordiam, indulgeat tibi Dominus, quidquid per auditum deliquisti, in nomine Patris & Filii &c.

Ad Nares.

Per istam sanctam unctionem, & suam piissimam misericordiam indulgeat tibi Dominus quidquid per odoratum deliquisti, in nomine Patris &c.

Ad os, compressis labiis

Per istam sanctam unctionem & suam piissimam misericordiam, indulgeat tibi Dominus quidquid per gustum & locutionem deliquisti, in nomine Patris &c.

Ad Pectus.

Per istam sanctam unctionem, & suam piissimam misericordiam indulgeat tibi Dominus, quid-

quidquid per cogitationes & affectus cordis deliquisti, in nomine Patris &c.

NB. In pectore solos viros inungit.

Ad Manus.

Per istam sanctam \dagger unctionem, & suam piissimam misericordiam, indulgeat tibi Dominus, quidquid per tactum deliquisti in nomine Patris &c.

Ad Pedes.

Per istam sanctam \dagger unctionem, & suam piissimam misericordiam, indulgeat tibi Dominus, quidquid per gressum deliquisti, in nomine Patris &c.

Deinde dicit.

Sit tibi hæc unctio olei sanctificati ad purificationem mentis & corporis, & ad munitiorem ac defensionem contra sæva jacula immundorum spirituum. \mathcal{R} . Amen.

Bombacio accenso aut in ignem projecto manibusque sale & aqua ablutis pergit.

Kyrie eleison. Christe eleison. Kyrie eleison.

Pater noster &c.

Ψ . Et ne nos inducas in tentationem. &c.

Ψ . Salvum fac servum tuum (ancillam tuam)

\mathcal{R} . Deus meus sperantem in te.

Ψ . Mitte ei Domine auxilium de Sancto.

\mathcal{R} . Et de Sion tuere eum (eam.)

Ψ . Esto ei Domine turris fortitudinis.

\mathcal{R} . A facie inimici.

Ψ . Nihil proficiat inimicus in eo (ea.)

\mathcal{R} . Et filius iniquitatis non apponat nocere ei.

Ψ . Domine exaudi &c.

✠. Dominus vobiscum.

Oremus.

Domine Deus, qui per Apostolum tuum Jacobum locutus es: si infirmatur quis in vobis, inducat Presbyteros Ecclesiæ, & orent super eum, ungentes eum oleo in nomine Domini, & oratio fidei salvabit infirmum, & alleviabit eum Dominus, & si in peccatis sit, remittentur ei. Cura, quæsumus, Redemptor noster, gratiâ sancti Spiritûs languores istius infirmi(æ) ejusque sana vulnera, & dimitte peccata, atque dolores cunctos mentis & corporis ab eo (ab ea) expelle, plenâque interiùs & exteriùs sanitatem misericorditer redde, ut ope misericordiæ tuæ restitutus ad pristina reparetur officia. Qui cum Patre & Spiritu sancto vivis & regnas in sæcula sæculorum. *R.* Amen.

Oremus.

Respice, quæsumus, Domine famulum tuum (am) in infirmitate sui corporis fatiscentem, & animam refove, quam creasti, ut castigationibus emendatus (a) se tua sentiat medicina salvatum(am) Per Christum &c.

Oremus.

Domine sancte Pater omnipotens, æterne Deus, qui benedictionis tuæ gratiam ægris infundendo corporibus facturam tuam multiplici pietate custodis, ad invocationem tui nominis benignus assiste; ut famulum tuum(am) ab ægritudine liberatum(am) sanitate donatum(am) dexterâ tuâ erigas, virtute confirmes, potestate tuearis, atque Ecclesiæ tuæ sanctæ cū omni
desi-

desideratâ prosperitate restituas. Per Christum Dominum &c.

Assumpta imagine sanctæ Crucis facit super infirmum sequentes benedictiones.

Dominus noster Iesus Christus apud te sit, ut te de†fendat. Intra te sit, ut te refi†ciat. Circa te sit, ut te conser†vet, super te sit, ut te undique muniat & benedi†cat. Spiritus sanctus descendat, & maneat super te. *R.* Amen Propitietur Dominus cunctis iniquitatibus tuis. *R.* Amen. Et sanet omnes languores tuos. *R.* Amen. Redimâtque de interitu vitam tuam. *R.* Amen. Et faciat in omnibus bonis desiderium tuum, qui solus in Trinitate unus Deus vivit & regnat in sæcula sæculorum. *R.* Amen. Pax tecum.

Extendit versus infirmum manum dexteram dicendo: Sanet te Deus Pater, qui te creavit in carne. Sanet te Filius, qui pro te passus est in cruce. Sanet te Spiritus sanctus, qui tibi infusus est in Baptismate. Sancta & laudabilis Trinitas unus Deus gratiam suam ad profectum salutis animæ & corporis in te augeat, & ab omni malo te liberet, ac in bono jugiter conservet. Qui vivit.

Ad extremum pro personæ qualitate salutaria monita breviter præbere potest, quibus infirmus ad moriendum in Domino confirmetur, & ad fugandas tentationes roboretur hoc modo:

Allocutio.

Nach der letzten Selung.

Setzt haben wir alle heilige Sacrament empfangen, ohne welche viel tausend dahin sterben/ und

und ewig verderben; so ist derowegen billich/ daß wir unserm allergütigsten Gott Dancck sagen, und uns ganz in seinen Göttlichen Willen ergeben/das Heil. Crucifix umfassen/selbes herzlich küssen (hic demum dat ipsi Crucem osculandam) Leib und Seel in die heilige Wunden Jesu befehlen/alle unsere Schmerken ihm in sein durchstochenes Herz aufopffern/ und unser Leben/ Leyden und Sterben vereinbahren mit seinem allerheiligsten Leben bittersten Leyden und Sterben/das ist das allgemeine Gesaß. Nun aber / was für ein bessere Zeit werden wir erwählen können / als eben diejenige, welche uns Gott selbst bestimmt und ernennet. Zumahlen er alles anordnet zu unserm größten Nutzen / Heyl und Seeligkeit. Ist es derohalben sein Will und Befehl/daß wir länger leben/oder aber anjehosten sterben sollen/so geschehe sein allerheiligster Will, alles wollen wir thun und leyden/ was/ und wie es Gott gefällig seyn wird/ nur dieses bittend/ daß er uns in der Gedult und in seiner Gnad und Lieb erhalte biß in den Todt.

4.

Ordo sepeliendi adultos.

Sacerdos indutus stola nigra & superpelliceo, praesentibus ministris crucem, aquam benedictam, & thuribulum ad funus in ædibus dicat:

Si iniquitates. Psalmus. 129.

De profundis clamavi ad te Domine, Domine exaudi vocem meam.

Fiant aures tuæ intendentes in vocem deprecationis meæ.

A a a

Si

Si iniquitates observaveris Domine : Domine quis sustinebit.

Quia apud te propitiatio est : & propter legem tuam sustinui te Domine.

Sustinuit anima mea in verbo ejus : speravit anima mea in Domino.

A custodia matutina usque ad noctem : speret Israël in Domino.

Quia apud Dominum misericordia : & copiosa apud eum redemptio.

Et ipse redimet Israël ex omnibus iniquitatibus ejus. Requiem æternam dona ei Domine.

Et lux perpetua luceat ei. *Et repetit Antiphonam totam.* Si iniquitates observaveris Domine, Domine quis sustinebit.

Kyrie eleison. Christe eleison. Kyrie eleison.

Pater noster. *Reliqua secreto.*

Interim aspergit funus, & incenso adoler.

℣. Et ne nos inducas in tentationem. &c.

℣. A porta inferni. ℞. Erue Domine animam ejus.

℣. Requiescat in pace. ℞. Amen.

℣. Domine exaudi &c.

℣. Dominus vobiscum &c.

Oremus.

Absolve quæsumus, Domine animam famuli tui (vel famulæ tuæ) ut defunctus (vel defuncta) sæculo tibi vivat, & quæ per fragilitatem carnis humana conversatione commisit, tu veniâ misericordissimæ pietatis absterge. Per Christum Dominum nostrum. ℞. Amen.

℣. Requiem æternam dona ei Domine.

℞.

R. Et lux perpetua luceat ei.

V. Requiescat in pace. R. Amen.

Jam portetur funus ad Cœmiterium, & dicat Sacerdos in processione Miserere &c.

Ad ingressum ad Cœmiterium dicat :

Subvenite Angeli DEI ! occurrere Angeli Domini suscipientes animam ejus, offerentes eam in conspectu Altissimi, suscipiat te Christus, qui vocavit te. Et in sinum Abrahamæ Angeli deducant te. Suscipientes &c. Requiem æternam dona ei Domine. Et lux perpetua luceat ei.

Dum interea cum funere ad sepulchrum accedunt, dicat sequentem Antiphonam.

In Paradisum deducant te Angeli : in tuo adventu suscipiant te Martyres, & perducant te in civitatem sanctam Jerusalem, Chorus Angelorum te suscipiat, & cum Lazaro quondam paupere æternam habeas requiem.

Cum autem pervenerit ad sepulchrum Sacerdos illud benedicit, dicens :

Deus, cujus miseratione animæ fidelium requiescunt, hunc tumulum benedicere dignare, eique Angelum tuum sanctum deputa custodem, & quorum, quarumque corpora hic sepeliuntur, animas eorum ab omnibus absolve vinculis delictorum, ut in te semper cum Sanctis tuis sine fine lætentur. Per Christum Dominum nostrum. R. Amen.

Dicta oratione aspergit sepulchrum dicendo :

Sanctificetur istud sepulchrum, in nomine Patris † & Filii † & Spiritûs † sancti, Amen.

Tunc funus ponatur in sepulchrum, dicente Sacerdote :

Sume terra, quod tuum est: sumat Deus, quod suum est, corpus de terra formatum est, spiritus deforsum inspiratus est.

Aspergatur postea funus aquâ benediâtâ, & dicatur:

Rore cœlesti reficiat animam tuam DEus Pater, & Filius, & Spiritus sanctus. Amen.

Et thurificetur dicendo.

Odore cœlesti pascat animam tuam Deus Pater, & Filius, & Spiritus sanctus. Amen.

Deinde sacerdos palâ ter projiciat terram super funus, dicendo:

Memento homo, quia pulvis es, & in pulverem reverteris.

Et statim sacerdos recitat:

Ego sum.

Canticum Zachariæ.

Benedictus Dominus Deus Israel: quia visitavit, & fecit redemptionem plebis suæ.

Et erexit cornu salutis nobis: in domo David pueri sui.

Sicut locutus est per os Sanctorum: qui à sæculo sunt Prophetarum ejus.

Salutem ex inimicis nostris: & de manu omnium, qui oderunt nos.

Ad faciendam misericordiam cum patribus nostris: & memorari testamenti sui sancti.

Jusjurandum, quod juravit ad Abraham Patrem nostrum: daturum se nobis.

Ut sine timore de manu inimicorum nostrorum liberati serviamus illi.

In sanctitate & justitia coram ipso: omnibus diebus nostris.

Et

Et tu puer Propheta Altissimi vocaberis, præ-
ibis enim ante faciem Domini parare vias ejus :

Ad dandam scientiam salutis plebi ejus : in
remissionem peccatorum eorum.

Per viscera misericordiæ Dei nostri : in qui-
bus visitavit nos oriens ex alto.

Illuminare his, qui in tenebris, & in umbra
mortis sedent : ad dirigendos pedes nostros in
viam pacis.

Requiem æternam dona eis Domine : & lux
perpetua luceat ei.

Et repetitur Antiphona.

Ego sum Resurrectio & Vita, qui credit in me,
etiamsi mortuus fuerit, vivet, & omnis, qui vi-
vit & credit in me, non morietur in æternum.

Pater noster *secretò.*

✠. Et ne nos inducas in tentationem. &c.

✠. A porta inferi. *R.* Erue Domine animam
ejus.

✠. Requiescat in pace. *R.* Amen.

✠. Domine exaudi orationem meam.

R. Et clamor meus ad te veniat.

✠. Dominus vobiscum &c.

Oremus.

FAc quæsumus Domine, hanc cum servo tuo
defuncto (famulâ tuâ defunctâ) misericor-
diam, ut factorum suorum, in pœnis non reci-
piat vicem, qui (quæ) tuam in votis tenuit vo-
luntatem, ut sicut hic eum (eam) vera fides jun-
xit fidelium turmis, ita illic eum (eam) tua mi-
seratio societ Angelicis Choris. Per Christum
Dominum nostrum. *R.* Amen.

℣. Requiem æternam dona ei Domine.

℞. Et lux perpetua luceat ei.

℣. Requiescat in pace. ℞. Amen.

℣. Anima ejus, & animæ omnium fidelium defunctorum per misericordiam DEI requiescant in pace. ℞. Amen.

Lignea cruce sepulchrum ter signat in capite, in medio, ad pedes, dicens:

Signum Salvatoris† Domini nostri JESU Christi sit signatum † super te, qui in hac † imagine redemit te. *Et insignens crucem in capite sepulchri dicit: nec permittas introire Angelum percutientem in æternum. Pax tecum.*

Aspergat sepulchrum aquâ benedictâ tum populum, ut pro defuncto oret, admoneat his vel similibus verbis.

Anächtige in Christo dem HErrn! Dieweil **G**OTT der Allmächtige abermahlen seinen Göttlichen Willen an diser verstorbenen Persohn vollbracht hat, derowegen/da nun die Seel in dem geheimen Urtheil GOTTes noch einige Straf/um dero auf diser Welt begangenen, und nit genugsam abgebüßten Sünden auszustehen hätte / und aber GOTT mit derselben nicht nach der Strenge, sondern nach der Bile seiner Güte gnädiglich verfahren, dieselbe aus der Qual, und schweren Peyn des Segfeurs in das ewige Leben, und himmlische Freuden aufnehmen / und dem Leib am Tag des letzten Gerichts mit allen lieben Auserwählten ein fröhliche Auferstehung verleyhen wolle, so spricht ihr zu Trost und Hülff mit gebogenen Knyen, ein anächtiges Vatter unser/ und Englischen Gruß.

I.

Ordo sepeliendi parvulos.

Sacerdos indutus superpelliceo, & stola alba, cum ad locum vel domum, ubi parvuli funus est positum, eodem ordine, quo ad funus adulti processionaliter advenerit, stans coram eo dicit:

Antiphon. Sit nomen Domini.

Psalmus 111.

Laudate pueri Dominum: laudate nomen Domini.

Sit nomen Domini benedictum: ex hoc nunc & usque in sæculum.

A solis ortu usque ad occasum laudabile nomen Domini.

Excelsus super omnes gentes Dominus: & super cœlos gloria ejus.

Quis sicut Dominus Deus noster, qui in altis habitat: & humilia respicit in cœlo & in terra?

Suscitans à terra inopem: & de stercore erigens pauperem.

Ut collocet eum cum principibus: cum principibus populi sui.

Qui habitare facit sterilem in domo: Matrem filiorum lætantem.

Gloria Patri & Filio, & Spiritui sancto, sicut erat in principio, & nunc & semper & in sæcula sæculorum.

Antiph. Sit nomen Domini benedictum, ex hoc nunc & usque in sæculum.

Kyrie eleison. Christe eleison. Kyrie eleison.

Pater noster secreto.

Interim corpus aspergit.

A a a 4

Verf.

✠. Et ne nos inducas in tentationem &c.

✠. Me autem propter innocentiam suscepisti.

✠. Et confirmasti me in conspectu tuo in æternum.

✠. Dominus vobiscum. &c.

Oremus.

OMnipotens & mitissime Deus, qui omnibus parvulis renatis fonte baptismatis, dum migrant à sæculo, sine ullis eorum meritis vitam illico largiris æternam, sicut animæ hujus parvuli, hodie credimus te fecisse: fac nos, quæsumus Domine, per intercessionem beatæ Mariæ semper Virginis & omnium Sanctorum tuorum, hic purificatis tibi mentibus famulari, & in Paradiso cum beatis parvulis perenniter sociari. Per Christum Dominum nostrum. Amen.

Deinde aspergat funus aquâ benedictâ ter in modum crucis, & incenset ter eodem modo.

Sanctificetur sepulchrum istud in nomine Patris, & Filii, & Spiritus sancti. Resp. Amen.

Cum Parvuli funus in sepulchrum ponitur, dicit:

Sumat DEUS, quod suum est, corpus de terra formatum est, spiritus de sursum inspiratus est.

Et statim illud aspergit aquâ benedictâ & thurificat.

Deinde palam ter superinjiciat terram dicendo: Memento homo, quia pulvis es, & in pulverem reverteris.

Jam dum sepelitur dicat Sacerdos Antiphonam Benedicite.

Canticum trium puerorum Dan. 3.

Benedicite omnia opera Domini Domino: laudate & superexaltate eum in sæcula.

Bene-

Benedicite Angeli Domini Domino: benedicite cœli Domino.

Benedicite aquæ omnes, quæ super cœlos sunt, Domino, benedicite omnes virtutes Domini Domino.

Benedicite sol & luna Domino: benedicite stellæ cœli Domino.

Benedicite omnis imber & ros Domino: benedicite omnes spiritus Dei Domino.

Benedicite ignis & æstus Domino: benedicite frigus & æstus Domino.

Benedicite rores & pruina Domino: benedicite gelu & frigus Domino.

Benedicite glacies & nives Domino: benedicite noctes & dies Domino.

Benedicite lux & tenebræ Domino: benedicite fulgura & nubes Domino.

Benedicat terra Dominum, laudet & superexaltet eum in sæcula.

Benedicite montes & colles Domino: benedicite universa germinantia in terra Domino.

Benedicite fontes Domino: benedicite maria & flumina Domino.

Benedicite cete, & omnia quæ moventur in aquis Domino: Benedicite omnes volucres cœli Domino.

Benedicite omnes bestię & pecora Domino: benedicite filii hominum Domino.

Benedicat Israel Dominum: laudet & superexaltet eum in sæcula.

Benedicite Sacerdotes Domini Domino: benedicite servi Domini Domino.

Benedicite spiritus & animæ justorum Domino: benedicite Sancti & humiles corde Domino: laudate & superexaltate eum in sæcula.

Benedicamus Patrem, & Filium cum sancto Spiritu: laudemus & superexaltemus eum in sæcula.

Benedictus es Domine in firmamento cœli: & laudabilis & gloriosus & superexaltatus in sæcula.

Antiph. Benedicite Dominum omnes electi ejus, agite diem lætitiæ & confitemini illi.

Kyrie eleison. Christe eleison. Kyrie eleison.

Pater noster.

✠. Et ne nos inducas in tentationem. &c.

✠. Sinite parvulos venire ad me.

℟. Talium est enim regnum cœlorum.

✠. Dominus vobiscum. &c.

Oremus.

OMnipotens sempiterne Deus, sanctæ puritatis amator, qui animam hujus parvuli ad cœlorum regnum hodie misericorditer vocare dignatus es: digneris etiam, Domine ita nobiscum misericorditer agere, ut meritis tuæ sanctissimæ Passionis, & intercessione beatæ Mariæ semper Virginis, & omnium Sanctorum tuorum in eodem regno nos, cum omnibus Sanctis & Electis tuis semper facias congaudere:

Deus in cujus miseratione animæ fidelium requiescunt, famulis & famulabus tuis omnibus, hic & ubique, in Christo quiescentibus, da propitius veniam peccatorum, ut à cunctis reatibus
ab-

absoluti, tecum sine fine latentur. Per Christum Dominum nostrum, Amen.

℣. Requiescant in pace. ℞. Amen.

Deinde cruce lignea signat sepulchrum dicens :

Signum Salvatoris Domini nostri Jesu Christi sit signatum super te, qui in hac imagine ⁊ redemit te. Pax tecum.

Aspergat sepulchrum, & exhortetur populum, in hanc vel similem formam.

Andächtige in Christo dem HErrn! Dieweil uns auch durch diß unschuldige Kind die Menschliche Sterblichkeit fürgestellt wird / so last uns Gott den HErrn um sein Göttliche Gnad treulich anrufen und bitten, damit wir hie auf dieser Welt ein unschuldiges reines Leben führen, ein glückseeliges Stündlein unsers Absterbens, und endlich sambt disem Kind, auch allen lieben Heiligen und Außermählten Gottes die Cron der ewigen Freud und Seeligkeit erlangen mögen; seyd auch ingedenck aller deren, so allhie in disem Orth begraben ligen / insonderheit aber / welche aus disem Geschlecht in Gott verschieden seynd. Sprechet uns und ihnen zu Hülff und Trost ein andächtiges Vatter unser und Englischen Gruß.

6.

Ordo copulationis Matrimonii.

Parochus stans ante sponfos, clara & intelligibili voce, ad circumstantes dicit :

Außermählte in Christo dem HErrn.

Diese zwen gegenwärtige Bräut- Persohnen haben sich gegen einander zu dem Heil. Sa-
cra

crament der Ehe versprochen: Sie seynd auch ordentlichlicher Weiß zum drittenmahl auf der Tangel öffentlich verkündiget: und ob zwar biß dato kein Irrung oder Verhindernuß fürgebracht worden; wosern aber noch jemand allda gegenwärtig/Deme einige wahrhafft oder beglaubte Ursach diß vorhabende heilige Sacrament der Ehe zu verhindern/bewußt wäre, derselbe wolle alsbald bey Christlichem Gehorsamb solches offenbahren, und keines Weegs verhalten.

Und diß zum erstenmahl.

Zum andernmahl.

Zum drittenmahl.

Aliquantulum pausat, & si quis adest, impedimentum certo vel verisimiliter allegans, ulterius Parochus in actu copulationis non procedat, sed omnia ad Ordinarium pro decisione remittat.

Si autem nemo impedimentum opponat, ulterius pergit, dicens:

Dieweil dann auch anjeko nichts vorkommet, so diß heilige Sacrament der Ehe hinterstellig machen konnte/als haben beyde Bräut-Persohnen vor dessen Schliessung folgendermassē sich zu erinnern.

Admonitio Sponsis à Parocho facienda.

Und zwar vornemblich ist wohl in acht zu nehmen / daß die Ehe ein von Christo eingesetztes Sacrament: dahero nicht allein würdiglich hiemit zu empfangen/sonderen auch Zeit Lebens von beyden Ehe Persohnen nach Christlicher Maß und Ordnung gebührend zu beobachten seye.

Warum aber Gott die Ehe also erhöhet / und geheiligt / seynd vornemblich drey Ursachen.

Güts

Fürs erste, damit durch die Eheliche Beywohnung die Kinder rechtmäßig erworben, mit beyder Ehe Persohnen gesambten Beystand Christlich erzogen, das Menschliche Geschlecht auf Erden erhalten, und hinnach die bestimmte Zahl der Außerswählten in dem Himmel ersetzt werde.

Fürs ander, damit unter den Christen, als einem durch den Tauff geheiligtem Volck, die unzulässige Fleisch-Gelüsten, alsdann allerhand hierauß entspringender unehrbarlicher Wandel und Laster / womit das Reich Gottes, nach Lehr des heiligen Apostels Pauli keines Weegs kan ererbt werden / vermittelt, und zum Theil der Schwachheit des Fleisches gezimmend begegnet werde.

Fürs dritte / damit ein sichtbarliches, unaufhörliches Zeichen der wunderbahrlichen Gnadenreichen unsichtbarlichen Vermählung Christi mit seiner allhie streitbahren, in jener Welt aber triumphierenden einigen Kirchen, mittelst der heiligen Ehe, auf diser Welt stets vor Augen seye / zu einem Vorbild / daß gleichwie Christus sein ihm von Gott dem Vatter verhehlichte Kirchen beständig liebt / schützet / und niemahlen verläßt / ingleichen die Christliche Ehe-Persohnen unaufhörlich sich gegen einander lieben, als getreue Mithelffer, eines das ander gebührend schützen, und in allerhand dises Lebens Müheseeligkeit und Trübsaalen einander niemahlen verlassen.

Schließlich / wosern der Ehestand jetzt erzelter massen angetretten und gehalten wird, alsdann gibt Gott seinen Segen von oben herab / mehret
die

Die zeitliche Güter und Nahrung/ verleyhet gotts-
fürchtige und gehorsame Kinder, und endlich mit
ihnen die ewige Seeligkeit/ Amen.

Deinde conversus ad circumstantes, dicit:

Damit aber gegenwärtige Bräut- Persohnen
würdiglich das Sacrament der Ehe antretten/und
hierdurch deren von GOTT bey Einsetzung dieses
Sacraments versprochenen Hülff/und trostreichen
Gnaden jezt, und Zeit ihres Lebens theilhaftig
werden, wollen wir gesambt neben ihnen mit ge-
bognen Knyen GOTT in Stille anrufen mit ei-
nem andächtigen Vatter unser/ und Englischen
Gruß.

*Mox surgunt omnes, & Parochus conversus ali-
quantulum ad Sponsam, interrogat illum de consensu
per verba de presenti, hoc modo:*

Wann nun gegenwärtige Bräut- Persohnen
zu solchem GOTT gefälligen Vorhaben ihnen ge-
trauen: so frag ich euch (*præmittatur titulus conve-
niens*) 2c. Hochzeiter/ 2c. nimmet ihr aus gründlich-
freyen, wohlbedachtem Willen euer gegenwärtige
Hochzeiterin hiemit zur Ehe nach Befehl und Orde-
nung der heiligen Kirchen Gottes? So spricht:
Ja.

Wolt ihr derselben getreulich vorstehen, als das
Haupt/ wie Adam unserer ersten Mutter Eva,
und sie lieben, wie euch selbst? So spricht: Ja.

Wolt ihr sie auch in aller Noth dieses armseeligen
Lebens nit verlassen, sondern bey ihr verblei-
ben/ biß euch beyde der Todt scheidet/ so spricht:
Ja.

*Deinde conversus eodem modo ad Sponsam, interrogat
illam*

illam de consensu per verba de presenti hoc modo: (præmittatur titulus conveniens.)

Desgleichen frage ich 2c. Hochzeiterin/2c. Nimm ihr gleichermassen aus gründlichem, freyen, wohlbedachten Willen, euren gegenwärtigen Hochzeiter hiemit zur Ehe/ nach Gesetz und Ordnung der heiligen Kirchen Gottes? So spricht: Ja.

Wolt ihr demselben in allen billichen Sachen gehorsam seyn/ wie Eva unser erste Mutter dem Adam/ und ihn ehren/ wie Sara den Abraham? So spricht: Ja.

Wolt ihr ihn auch in aller Noth dieses armseeligen Lebens nicht verlassen, sondern bey ihm verbleiben/ biß euch beyde der Todt scheidet? So spricht: Ja.

Non sufficit consensus unius, sed debet esse amborum, & quidem de presenti, expressus aliquo signo sensibili, si-ve fiat per se, si-ve per procuratorem, qui tamen passim sine urgente causa, & Ordinarii licentia extra Principum & Illustrium Nuptias admitti non debet.

Mutuo igitur contrahentium consensu intellecto, Sacerdos jubeat eos invicem jungere dextras, dicens:

Zu mehrer Bestättigung der hiemit geschlossenen heiligen Ehe/ gebt einander den Mähl-Ring, und die Händ.

Tunc Sponsus vel Sponsa pro more loci, acceptum anulum infigit in digito annulari (seu quarto) sinistrae manus Sponsi vel Sponsæ.

Interim Sacerdos, manu super eos formans crucem, dicit: In nomine Patris & Filii, & Spiritûs sancti, Amen.

Durch die Zusambietung der Händ bestättiget
ihr

ihr hiemit gleich als mit einem leiblichen Ahd, daß
ihr Zeit eures Lebens wöllet gegen einander treu
verbleiben/ beständig einander helffen / und in der
Trübsaal keines das andere verlassen.

Postea rursus dicit :

Gleicher Weiß durch den Ring, als einem Geistlichen Unterpfand bestättiget ihr hiemit/ daß gleichwie diser Ring rund/unzertheilt/ ohne Anfang und End ist, also auch euer Eheliche ~~Ver~~ ^{Ver}niemahlen durch frembde Lieb/ oder gegen einander fassenden Haß solle zertheilt / sondern im Nahmen und Ehr Gottes/ welcher keinen Anfang noch End hat, angefangen/ und biß an das End vest und ungeändert zwischen euch jederzeit gehalten werden.

Tum amborum manns stola suâ in modum crucis circumvolvit, suâinque dextram superimponens, dicit:

Matrimonium in facie Ecclesiæ inter vos contractum, Deus confirmet, & auctoritate Ecclesiæ Dei ego illud approbo, perficio, atque solennizo : in nomine Patris † & Filii † & Spiritûs † sancti, Amen.

Vel Germanicè.

Die Ehe/ welche ihr hiemit vor der Christlichen
Gemein beschlossen/ wolle Gott bestättigen: dies
selbe aber an statt der Kirchen Gottes gut heisse/
und beschliesse ich: Im Nahmen Gottes des Vate-
ters und des Sohns/ und des heiligen Geistes
Amen.

His dictis stolam removeret, dicens :

Gratia & benedictio Dei sit vobiscum. Amen.

Vcl germanicè.

Gott geb euch sein Gnad und Segen. *R.
Amen. Tunc*

Tunc (si uterque vel saltem Sponsa sit vidua) dicit sequentes preces super conjuges genuflexos.

✠. Confirma hoc Deus, quod operatus es in nobis. *R.* A templo sancto tuo, quod est in Jerusalem.

Kyrie eleison. Christe eleison. Kyrie eleison. Pater noster.

✠. Et ne nos inducas in tentationem. &c.

✠. Salvos fac servos tuos. *R.* Deus meus sperantes in te.

✠. Mitte eis Domine auxilium de Sancto.

R. Et de Sion tuere eos.

✠. Esto eis Domine turris fortitudinis.

R. A facie inimici.

✠. Domine exaudi &c.

✠. Dominus vobiscum.

Oremus.

Respice, quæsumus Domine, super hos famulos tuos, & institutis tuis, quibus propagationem humani generis ordinasti, benignius assiste, ut, qui te auctore junguntur, te auxiliante serventur. Per Christum Dominum nostrum. Resp. Amen.

Postmodum aspergat novos conjuges aquâ benedictâ, ambos separatim, primò Sponsû, deinde Sponsam, utrumque ter in modum unius crucis, nihil dicens.

Primarum Nuptiarum Benedictio.

Si benedicendæ sint Nuptiæ Parochus Missam pro Sponso & Sponsa, ut in Missali Romano, celebret, servatis omnibus, quæ ibi præscribuntur.

Si autem extra Missam Matrimonium celebratû fuerit, aut etiam supradictus ritus in Romano Missali præ-

scriptus, pro loci & temporis opportunitate, commode observari non potest, poterit se Parochus consuetudini, hactenus in Diocesi Ratisbonensi vel alia receptæ, conformare, & peractâ supradictâ exhortatione, nuptias, prout sequitur, benedicere.

✠. Adjutorium nostrum &c. R. Qui fecit, &c.

Deinde subjungat Psalmum 127.

BEati omnes, qui timent Dominum: qui ambulant in viis ejus.

Labores manuum tuarum, quia manducabis: beatus es, & bene tibi erit.

Uxor tua sicut vitis abundans: in lateribus domus tuæ.

Filii tui sicut novellæ olivarum in circuitu mensæ tuæ.

Ecce sic benedicetur homo: qui timet Dominum.

Benedicat tibi Dominus ex Sion: & videas bona Jerusalem omnibus diebus vitæ tuæ.

Et videas filios filiorum tuorum: pacem super Israel.

Gloria Patri, &c. Sicut erat &c.

Kyrie eleison. Christe eleison. Kyrie eleison.

Pater noster.

✠. Et ne nos inducas in tentationem &c.

✠. Salvos fac fideles tuos. R. Deus meus sperantes in te.

✠. Exaudiat vos Dominus in die tribulationis.

R. Protegat vos nomen Dei Jacob.

✠. Mitte eis Domine auxilium de Sancto.

R. Et de Sion tuere eos.

✠. Domine exaudi &c.

✠. Dominus vobiscum &c.

Oremus.

Propitiare Domine supplicationibus nostris, & institutis tuis, quibus propagationē humani generis ordināsti, benignus assiste, ut, qui te auctore junguntur, te auxiliante serventur. Per Christum Dominum nostrum. R. Amen.

Oremus.

DEUS, qui potestate virtutis tuæ, de nihilo cuncta fecisti: qui dispositis universitatis exordiis, homini ad imaginem Dei facto, ideò inseparabile mulieris adjutorium condidisti, ut foemineo corpori de virili dares carne principium, docens, quod ex uno placuisset institui, nunquam licere disjungi.

Deus, qui tam excellenti mysterio conjugalem copulam consecrāsti, ut Christi & Ecclesiæ Sacramentum præsignares in fœdere nuptiarū.

Deus, per quē mulier jungitur viro, & societas principaliter ordinata, eā benedictione donatur, quæ sola nec per originalis peccati poenā, nec per diluvii est ablata sententiam.

Respice propitius super hanc famulam tuam, quæ maritali jungenda consortio, tuā se expetit protectione muniri: sit in ea jugum dilectionis, & pacis: fidelis & casta nubat in Christo, imitatrixque sanctarum permaneat foeminarum: sit amabilis viro, ut Rachel: sapiens, ut Rebecca: longæva & fidelis, ut Sara.

Nihil in ea actibus suis ille auctor prævaricationis usurpet: nexa fidei, mandatisque permaneat,

neat, uni thoro juncta: muniat infirmitatem sua
robore disciplinæ: sit verecundiâ gravis, pudore
venerabilis, doctrinis cœlestibus erudita; sit
fœcunda in sobole, sit probata & iñocens: & ad
beatorum requiem, atque ad cœlestia regna per-
veniat: & videant ambo filios filiorum suorum,
usque in tertiam & quartam generationem, &
ad optatam perveniant senectutem. Per eun-
dem Christum Dominum nostrum. Amen.

Oremus.

DEUS Abraham, Deus Isaac, & Deus Jacob sit
vobiscum: & ipse adimpleat Benedi- & ctio-
nem suam in vobis, ut videatis filios filiorum
vestrorum, usque ad tertiam & quartam gene-
rationem: postea vitam æternam habeatis sine
fine, adjuvante Domino nostro Jesu Christo, qui
cum Patre & Spiritu sancto vivit, & regnat
Deus, per omnia sæcula sæculorum. R. Amen.

Et statim aspergit eos aquâ benedictâ.

7.

Processio in Festo SS. Corporis Christi.

Evangelium primum.

*Postquam ad primum Altare perventum fuerit, Dia-
conus, si adsit, cum debita reverentia & genuflexione
accipiet de manu ipsius Sacerdotis stantis SS. Sacra-
mentum: & illud super Altare collocabit; interim ca-
nitur aliquod Mottetum, vel Responsorium.*

*Circa finem Motteti vel Responsorii &c. Diaconus
unus ex quatuor defert, & ponit librum super Altare;
Officiator benedicit, & imponit interim incensum; Dia-
conus verò genuflexus ante venerabile Sacramentū dicit:*
Mune

Munda cor meum &c. & *habitâ benedictione reverentiis debitis ante Officiatorem dicit: Jube Domine benedicere &c. & accepto libro, decantat, alio Diacono librum tenente, Evangelium primum.*

✠. Dominus vobiscum, &c.

Et signans librum & se ipsum in fronte, ore & pectore prosequitur.

Initium sancti Evangelii secundum Matthæum. *Interim dum* R. Gloria tibi Domine.

Incensat librum triplici ductu.

Liber generationis Jesu Christi, Filii David, Filii Abraham, Abraham genuit Isaac: Isaac autem genuit Jacob: Jacob autem genuit Judam & fratres ejus: Judas autem genuit Phares & Zaram de Thamar. Phares autem genuit Efron: Efron autem genuit Aram: Aram autem genuit Aminadab: Aminadab autem genuit Naasson: Naasson autem genuit Salmon: Salmon autem genuit Booz de Rahab. Booz autem genuit Obed ex Ruth: Obed autem genuit Jesse: Jesse autem genuit David Regem. David autem Rex genuit Salomonem ex ea, quæ fuit Uriæ: Salomon autem genuit Roboam: Roboam autem genuit Abiam: Abias autem genuit Afa: Afa autem genuit Josaphat: Josaphat autem genuit Joram: Joram autem genuit Oziam: Ozias autem genuit Joathan: Joathan autem genuit Achaz: Achaz autem genuit Ezechiam: Ezechias autem genuit Manassen: Manasses autem genuit Amon: Amon autem genuit Josiam: Josias autem genuit Jechoniam & fratres ejus in transmigratione Babylonis. Et

post transmigrationem Babylonis Jechonias genuit Salathiel: Salathiel autem genuit Zorobabel: Zorobabel autem genuit Abiud: Abiud autem genuit Eliacim: Eliacim autem genuit Azor: Azor autem genuit Sadoch: Sadoch autem genuit Achim: Achim autem genuit Eliud: Eliud autem genuit Eleazar: Eleazar autem genuit Mathan: Mathan autem genuit Jacob: Jacob autem genuit Joseph, virum Mariæ, de qua natus est Iesus, qui vocatur Christus.

Sacerdos osculatur librum, sibi delatum dicens: Per Evangelica dicta deleantur nostra delicta, Am. Et incensantur more solito à Diacono. Facta incensatione, cantat Officiator.

Per istos sermones sancti Evangelii, & merita, ac intercessionem sancti Matthæi Apostoli & Evangelistæ indulgeat nobis Dominus universa crimina ac delicta nostra. R. Amen.

Hinc Officiator cum Diaconis duobus assistentibus redit ad venerabile Sacramentum, & factâ reverentia ante illud stat, canitur à Diaconis vel Cantoribus.

V. Panem de cœlo præstitisti eis Alleluja.

Chorus. R. Omne delectamentum in se habentem, Alleluja.

Officiator canit stans versus Altare.

Oremus.

DEus, qui nobis sub Sacramento mirabili Passionis tuæ memoriam reliquisti, tribue, quæsumus, ita nos Corporis, & Sanguinis tui sacra mysteria venerari, ut redemptionis tuæ fructum in nobis jugiter sentiamus. Qui vivis & regnas in sæcula sæculorum. Resp. Amen.

Dein-

Deinde Officiator, thurificato Sacramento ut supra
accipit Monstrantiam cum debitis reverentiis, & stans
versus populum, & omnes alios genuflexos, canit re-
spondente Choro.

Ÿ. A fulgure & tempestate. R. Libera nos
Domine Jesu Christe.

Ÿ. Fiat misericordia tua, Domine super nos.

R. Quemadmodum speravimus in te.

Ÿ. Domine exaudi &c.

Ÿ. Dominus vobiscum.

Oremus.

A Domo tua, quæsumus, Domine, spiritales
nequitiae repellantur, & aërearum discedat
malignitas tempestatum. Per Christum Domi-
num nostrum. R. Amen.

Deinde dat populo benedictionem cantans.

Benedictio Dei omnipotentis Patris † (*sim-
plex Sacerdos producit unam tantum crucem*) & Filii,
& Spiritus sancti descendat super vos, & super
fructus terræ, & maneat semper. R. Amen.

Evangelium secundum

Ÿ. Dominus vobiscum &c.

Ÿ. Initium sancti Evangelii secundum Marcum.

R. Gloria tibi Domine.

Initium Evangelii Jesu Christi Filii DEI sicut
scriptum est in Isaia Propheta: Ecce, ego mit-
to Angelum meum ante faciem tuam, qui præ-
parabit viam tuam ante te. Vox clamantis in
deserto: parate viam Domini: rectas facite se-
mitas ejus. Fuit Joannes in deserto, baptizans,
prædicans baptismum poenitentiae in remissio-
nem peccatorum. Et egrediebatur ad eum om-

nis Judææ regio, & Jerosolimitæ universi, & baptizabantur ab illo in Jordanis flumine, confitentes peccata sua. Et erat Joannes vestitus pilis cameli, & zona pellicea circa lumbos ejus: & locustas, & mel silvestre edebat. Et prædicabat dicens: venit fortior me post me, cujus non sum dignus procumbens solvere corrigiam calceamentorum ejus. Ego baptizavi vos aquâ, ille verò baptizabit vos Spiritu sancto.

Sacerdos osculatur licrum dicens: Per Evangelica dicta deleantur nostra delicta Amen. Et incensatur. Sic etiam fit post reliqua Evangelia.

Officiator verò canit.

Per istos sermones sancti Evangelii, & merita, ac intercessionem sancti Marci Evangelistæ, indulgeat nobis Dominus universa crimina, atque delicta nostra. Resp. Amen.

Deinde Officiator redit cum duobus assistentibus Diaconis ad venerabile Sacramentum, & factâ reverentiâ à Diaconis canitur.

Vers. Panem de cœlo præstitisti eis. Alleluja.

Chorus. Resp. Omne delectamentum in se habentem. Alleluja.

Oremus.

DEUS, qui nobis sub Sacramento mirabili Passionis tuæ memoriam reliquisti: tribue quæsumus, ita nos Corporis & Sanguinis tui sacra mysteria venerari, ut redemptionis tuæ fructum in nobis jugiter sentiamus. Qui vivis & regnas in sæcula sæculorum. Resp. Amen.

Incensato assumpto Sacramento Officiator versus populum stans canit.

Vers.

Ÿ. A peste, fame, & bello. R. Libera nos Domine Jesu Christe.

Ÿ. Fiat misericordia tua, Domine super nos.

R. Quemadmodum speravimus in te.

Ÿ. Domine exaudi &c.

Ÿ. Dominus vobiscum.

Oremus.

Benedic, Deus omnipotens, locum istum, ut sit in eo sanitas, castitas, victoria, virtus, humilitas, bonitas & mansuetudo, plenitudo legis, & gratiarum actio Deo Patri, & Filio, & Spiritui sancto, & hæc benedictio maneat super hunc locum, & super habitantes in eo, nunc & in sæcula sæculorum. R. Amen

Deinde populum benedicat cantans.

Benedictio Dei Omnipotentis Patris † & Filii † & Spiritus sancti † descendat super fructus terræ, & maneat semper, Amen.

Evangelium tertium.

Verf. Dominus vobiscum. &c.

Verf. Initium sancti Evangelii secundum Lucam.

Resp. Gloria tibi Domine.

Fuit in diebus Herodis Regis Judææ, Sacerdos quidam, nomine Zacharias, de vice Abia, & uxor illius de Filiabus Aaron, & nomen ejus Elisabeth. Erant autem iusti ambo ante Deum, incedentes in omnibus mandatis & justificationibus Domini sine querela. Et non erat illis filius, eo quod esset Elisabeth sterilis & ambo processissent in diebus suis. Factum est autem, cum sacerdotio fungeretur Zacharias in ordine vicis suæ

ante Deum, secundum consuetudinem Sacerdotii, forte exiit, ut incensum poneret, ingressus in templum Domini. Et omnis multitudo populi erat orans foris horâ incensi. Apparuit autem illi Angelus, stans à dextris Altaris incensi. Et Zacharias turbatus est videns, & timor irruit super eum. Ait autem ad illum Angelus: Netimeas Zacharia, quoniam exaudita est deprecatio tua; & uxor tua Elisabeth pariet tibi filium, & vocabis nomen ejus Joannem: & erit gaudium tibi & exultatio: & multi in nativitate ejus gaudebunt. Erit enim magnus coram Domino: & vinum & ficeram non bibet: & Spiritu sancto replebitur adhuc ex utero matris suæ: & multos filiorum Israel convertet ad Dominum Deum ipsorum. Et ipse præcedet ante illum in spiritu & virtute Eliæ, ut convertat corda Patrum in filios & incredulos ad prudentiam iustorum, parare Domino plebem perfectam.

Omnia servantur, ut supra post primum Evangelium.

Officiator canit.

Per istos sermones sancti Evangelii, & merita ac intercessionem sancti Lucae Evangelistæ indulgeat nobis Dominus universa crimina atque delicta nostra. *R.* Amen.

Diaconi assistentes Venerabili Sacramento factâ reverentia canunt.

V. Panem de cœlo præstitisti eis. Alleluja.

Chorus. *R.* Omne delectamentum in se habentem. Alleluja.

Oremus.

DEUS, qui nobis sub Sacramento mirabili Passionis

sionis tuæ memoriam reliquisti : tribue quæsumus, ita nos corporis & Sanguinis tui sacra mysteria venerari, ut redemptionis tuæ fructum in nobis jugiter sentiamus. Qui vivis & regnas. in sæcula sæculorum. R. Amen.

Inconsato & assumpto Sacramento Officiator versus populum stans canit.

V. A subitanea improvisa, & perpetua morte.

R. Libera nos Domine Jesu Christe.

V. Fiat misericordia tua Domine super nos.

R. Quemadmodum speravimus in te.

V. Domine exaudi, &c.

V. Dominus vobiscum, &c.

Oremus.

Omnipotens, sempiternus Deus, qui in omni loco Dominationis tuæ totus assistis, totus operaris: adesto supplicationibus nostris, & huius loci, cujus es fundator, esto protector, ut nulla in eo nequitia contrarietatis obsistat, sed, virtute Spiritus sancti cooperante, fiat hic tibi semper purum gratumque servitium, & devota voluntas. Per Christum Dominum nostrum. R. Amen.

Oremus.

Visita, quæsumus, Domine, locum istum, & omnes insidias inimicorum ab eo longè repelle, & Angeli tui sancti habitent in eo, qui eum in pace custodiant, & benedictio tua sit semper super eum. Per Christum Dominum nostrum. R. Amen.

Evan-

Evangelium quartum.

✠. Dominus vobiscum.

✠. Initium sancti Evangelii secundum Joannem. R. Gloria tibi Domine.

IN principio erat Verbum, & Verbum erat apud DEUM, & DEUS erat Verbum. Hoc erat in principio apud DEUM. Omnia per ipsum facta sunt, & sine ipso factum est nihil, quod factum est. In principio vita erat, & vita erat lux hominum: & lux in tenebris lucet, & tenebrae eam non comprehenderunt. Fuit homo missus à Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus eum non cognovit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in nomine ejus. Qui non ex sanguinibus, neque ex voluntate carnis, neque ex voluntate viri, sed ex Deo nati sunt. Et Verbum Caro factum est, & habitavit in nobis. Et vidimus gloriam ejus gloriam quasi unigeniti à Patre, plenum gratiæ & veritatis.

Reliqua omnia sunt, ut supra, Officiator verò canit.

Per istos sermones sancti Evangelii, & merita ac intercessionem sancti Joannis Apostoli & Evangelistæ, indulgeat nobis Dominus universa crimina, atque delicta nostra. Resp. Amen.

Deus-

Deinde à duobus Diaconis assistentibus canitur.

Verf. Panem de cœlo præstitisti eis. Alleluja.

Ref. Omne delectamentum in se habentem.

Alleluja.

Officiator.

Oremus.

DEUS, qui nobis sub Sacramento mirabili Passionis tuæ memoriam reliquisti; tribue quæsumus, ita nos Corporis & Sanguinis tui sacra mysteria venerari, ut redemptionis tuæ fructum in nobis jugiter sentiamus. Qui vivis & regnas in sæcula sæculorum. Amen.

Verf. Ab omni malo. Resp. Libera nos Domine Jesu Christe.

Verf. Fiat misericordia tua Domine super nos.

Resp. Quemadmodum speravimus in te.

Verf. Domine exaudi &c.

Verf. Dominus vobiscum.

Oremus.

Cœlesti benedictione benedicatur, custodiat, ac conservetur locus iste, & in eo habitantes, agri quoque & terræ fructus, in nomine Patris, & Filii, & Spiritûs sancti. Amen.

Oremus.

Omnipotens sempiterne Deus, qui das escam omni carni, qui operis cœlum nubibus, & paras terræ pluviam & januas cœli aperis, qui transfers austrum de cœlo, & inducis virtute tua Africum; qui rigas montes de superioribus suis, & de fructu operum tuorum satiabitur terra; qui Angelo præcepisti, ut terræ, mari & arboribus non noceret: parce metuentibus, & propitiare

tiare supplicantibus. Te etenim Domine, supplices exoramus, ut procul abscedat incurfus turbinum, calamitas tempestatum, fragor grandinum, percussio fulminum, & quælibet insidiæ inimici temperentur, infesta tonitura, noxiæque pluvix, & ventorum flamina fiant moderatè suspensa, omnis quoque spiritus procellarum & aëreæ tempestates dexterâ tuæ virtutis prosternantur. Descendat, quæsumus, Domine, desuper Spiritus sanctus, ut fugatis omnibus contrariæ potestatis virtutibus, fruges manus servet Angelica, & post sopitos nubium impetus, in laudum & devotionum spiritualium augmentum transeat comminatio tempestatis. Qui vivis & regnas Deus per omnia sæcula sæculorum. *R.* Amen.

Finita oratione, Sacerdos, thurificato, ut supra Venerabili Sacramento, & superimposito humeris velo, surgit, ad Altare ascendit, factâque solita genuflexione, & accepta Monstrantia, stans versùs quatuor mundi plagas cantat, ac simul benedicit, dicens versùs Orientem: A fulgure † & tempestate. R. Libera nos Domine Jesu Christe. Versùs Meridiem. A peste, fame † & bello. R. Libera nos Domine Jesu Christe. Versùs Occidentem. A subitanea, improvisa † & perpetua morte. R. Libera nos Domine Jesu Christe. Versùs Septentrionem. Ab omni malo. R. Libera nos Domine Jesu Christe.

Deß wahren / und Catholischen Glaubens-Bekanntnus.

Ich M. glaube und bekenne mit steifem Glauben

ben sambtlich und sonderlich, alles was in dem heiligen Glauben, den die heilige Römische Kirch braucht, begriffen ist/ nemlich: Ich glaube an einen GOTT Vatter den Allmächtigen, Erschaffer Himmels und der Erden / aller sichtbaren und unsichtbaren Ding, und in den HERRN JESUM Christum/ den Eingebornen Sohn Gottes, und aus dem Vatter gebohren vor aller Ewigkeit / GOTT von GOTT, Licht von Licht / wahrer GOTT vom wahren GOTT, gebohren, nicht erschaffen, mit dem Vatter einer Substanz und Weesens, durch den alle Ding erschaffen seynd, der umb uns Menschen und unsers Heyls willen / von dem Himmel herab gestigen, und ist Fleisch worden von dem heiligen Geist aus Maria der Jungfrauen / und ist Mensch worden. Er ist auch gecreuziget für uns unter Pontio Pilato, hat gelitten/ und ist begraben worden, und ist auffgestanden am dritten Tag nach den Schrifften / und ist aufgestigen in den Himmel, sitzet zu der Rechten des Vatters, und wird mit Herrlichkeit wider kommen zu richten die Lebendige und die Todte / dessen Reich kein End seyn wird. Ich glaube in den heiligen Geist, HERRN und Lebendigmachenden / der von dem Vatter und Sohn außgeht, der mit dem Vatter und Sohn zumahl angebetet und gleich herrlich gemacht wird; der geredt hat durch die Propheten. Ich glaub an eine heilige Catholische Gemeine und Apostolische Kirchen: Ich bekenne einen Tauff zu Verzeihung der Sünden / und erwarte ein Auferstehung der Todten, und ein Leben der künfftigen Zeit, Amen.

Ich

Ich laß auch vestiglich zu / und nimme an die Apostolische und Kirchische Satzungen/und andere diser Kirchen Ordnungen und Gebräuch.

Item/ ich laß die heilige Schrifft zu nach dem Sinn und Verstand/ den die heilige Mutter die Kirch gehalten hat/ und haltet, welcher zugehört zu urtheilen von dem wahren Verstand und Auslegung der heiligen Schrifften/ich will sie auch niemahlen anderst, als nach dem einhelligen Verstand der Vätter annehmen und auflegen.

Ich bekenne auch/daß warhafftig und eigentlich sieben Sacrament des neuen Gesetzes seyen, von Jesu Christo unserm Herrn eingesetzt, und zum Heyl des menschlichen Geschlechts (obwohl nit allen Menschen) nothwendig, nemlich der Tauff/ die Firmung, das Sacrament des Altars, die Buß/ die letzte Oelung, die Priesterweyhe und die Ehe, und dieselben geben Gnad/ und aus disen könne der Tauff / Firmung und Priesterweyhe ohne Gottslästerung nicht widerhohlet werden.

Ich nimme auch an und lasse zu die angenommene und bewährte der Catholischen Kirchen Gebräuch / in aller obgesagter Sacramenten Außspendung.

Ich halte und nimme auch an alle und jede Stuck / so von der Erbsünd / und Gerechtfertigmachung in dem heiligen Tridentinischen Synodo beschlossen und erkläret seynd.

Ich bekenne ebenmäßig/ daß in der Meß Gott ausgeopffert werde ein wahres eigentliches und versöhnliches Opffer für Lebendige und Abgestorbene/ und daß in dem heiligsten Sacrament des Altars

Altars wahrhaftig und weesentlich seye der Leib und Blut mit sambt der Seel und Göttheit unsers Herrn Jesu Christi/und daß ein Veränderung beschehe der ganzen Substanz oder Weesens des Brods in den Leib, und der ganzen Substanz des Weins in das Blut. Welche Verwandlung die Catholische Kirch Transsubstantiatio, das ist/ ein Verwandlung einer Substanz in die andere nennet.

Ich bekenne auch, daß unter einer Gestalt allein der ganze unzertheilte Christus / und ein wahres Sacrament genommen werde.

Ich halte vestiglich/es seye ein Segneur/ und den Seelen/ so darinnen enthalten, werde durch der Glaubigen Gebett geholffen. Zugleich auch seyen die Heilige, so mit Christo herrschen/ zu verehren und anzuruffen, und daß sie Gott Gebett für uns aufopfferen/ und daß ihre Heiligthum zu verehren seyen.

Ich halte beständiglich, daß die Bildnussen Christi, und Mariä der Jungfrauen, wie auch anderer Heiligen zu haben und zu halten seyen / und daß man ihnen gebührende Ehr und Reuerentz erzeigen solle.

Ich bestätte auch/ daß der Gewalt der Ablass, von Christo der Kirchen verlassen, und deren Gebrauch dem Christlichen Volck höchst heylsam seye.

Ich erkenne die heilige/ allgemeine Catholische und Apostolische Römische Kirch für ein Mutter und Meisterin aller Kirchen / und verheiß und schwöre dem Römischen Pabst/ des heiligen Petri

des Apostel Fürstens Nachkommen wahren Gehorsamb.

Item alle andere Stuck/ so von denen heiligen Canonibus und allgemeinen Conciliis, und fürnehmlich von dem heiligen Tridentinischen Synodo verordnet, beschlossen und erkläret seynd/nimme ich unzweiffentlich an, und bekenne sie, herentgegen alle widrige Stuck und Ketzereyen/welche von der Kirchen verdammt/verworfen, und anathematizieret, oder verflucht seynd, die verdamme, verwirfse/ anathematiziere und verfluche ich gleichfahrs. Diesen wahren Catholischen Glauben/ ausser welchem kein Mensch selig werden kan/welchen ich jetzt für mich selbst ungezwungen bekenne/und warhafftig halte/ will ich (vermittelt Göttlicher Hülff) gang unverlezt, beständig halten, und bekennen, biß auf den letzten Athem meines Lebens/auch allen möglichen Fleiß fürwenden, damit er von meinen Unterthanen, oder von denen, welcher Sorg mir in meinem Ambt zugehören würdet / gehalten/gelehrt, und geprediget werde. Das gelob, und verheiß/und schwöre ich N. so wahr mir Gott helff/ und die heilige Gottes Evangelia.

9.

Forma Absolutionis ab Hæresi.

Finita Professione fidei professus facit Confessionem Sacramentalem, & Sacerdos ipsum absoluit formula sequenti.

Misereatur tui omnipotens Deus, & dimissis peccatis tuis perducate ad vitam æternam, Amen.

Indul-

Indulgentiam, absolutionem, & remissionem peccatorum tuorum tribuat tibi omnipotens, & misericors Dominus, Amen.

Dominus noster Iesus Christus te absolvat, & ego auctoritate ipsius, & sanctorum Apostolorum Petri & Pauli, nec non sanctissimi Domini nostri Papæ N. mihi commissa & hætenus nondum revocata, absolvo te ab omni vinculo excommunicationis, quo teneris propter hæresin, in qua vixisti; & incorporo te gremio sanctæ Ecclesiæ, communioni fidelium, & participationi Sacramentorum ejusdem sanctæ Romanæ, Catholicæ, & verè Apostolicæ Ecclesiæ: deinde eadem auctoritate absolvo te ab omnibus peccatis tuis, in nomine Patris † & Filii † & Spiritûs † sancti, Amen.

10.

Forma Absolutionis excommunicati jam mortui.

Si quis excommunicatus ex hac vita decedens, dederit signum contritionis, ne Ecclesiastica careat sepultura, sed suffragiis Ecclesiæ gaudeat, quantum fieri potest, absolvi potest, hoc modo: si corpus nondum sepultum fuerit, verberetur, & absolvatur, ut infra, deinde absolutum in loco sacro sepeliatur.

Si verò fuerit sepultum in loco profano, si commodè fieri poterit, exhumetur, & eodem modo verberetur, post absolutionem in loco sacro sepeliatur.

Si autem commodè exhumari non possit, locus sepulture verberetur, postea absolvatur. Quod si in

loco sacro sit sepultus, non exhumeretur, sed verberetur sepulchrum: dum autem corpus, sive sepulturam verberat, Sacerdos dicat Antiphonam sequentem.

Antiph. Exultabunt Domino ossa humiliata.

Psalmus. Miserere mei DEUS &c.

Quo finito absolvat dicendo.

Authoritate mihi concessa, ego te absolvo à vinculo excommunicationis, quam incurristi, vel incurrisse declaratus es propter tale factum, & restituo te communioni fidelium. In nomine Patris† & Filii† & Spiritûs† sancti. Amen.

Deinde dicatur Psalmus. De profundis, &c. In fine
Vers. Requiem æternum dona ei Domine.

Resp. Et lux perpetua luceat ei.

Kyrie eleison. Christe eleison. Kyrie eleison.

Pater noster &c.

✠. Et ne nos inducas in tentationem. &c.

Vers. A porta inferi. Resp. Erue Domine animam ejus.

Vers. Requiescat in pace. Resp. Amen.

✠. Domine exaudi &c.

✠. Dominus vobiscum &c.

Oremus.

DA quæsumus, Domine, animæ famuli tui, quem excommunicationis sententia constrinxerat, refrigerii sedem, quietis beatitudinem, & superni luminis claritatem. Per Christum Dominum nostrum, Amen.

II.

Forma Absolutionis Sacramentalis Apostatæ à fide.

Mise-

Misereatur tui omnipotens DEUS, & dimissis peccatis tuis perducatur te ad vitam æternam, Amen.

Indulgentiam, absolutionem, & remissionem peccatorum tuorum tribuat tibi omnipotens & misericors Dominus, Amen.

Dominus noster Iesus Christus te absolvat, & ego autoritate ipsius, & beatorum Apostolorum Petri & Pauli, nec non sanctissimi Domini nostri Papæ N. mihi commissa, ego te absolvo ab omni vinculo excommunicationis, quam incurristi propter Apostasiam à fide, & errores, quos fortassis etiam aliis tradidisti, & restituo te gremio sanctæ Matris Ecclesiæ, communioni fidelium, & participationi Sacramentorū ejusdem sanctæ Romanæ Catholicæ, & verè Apostolicæ Ecclesiæ. Deinde eadem autoritate ego te absolvo ab omnibus peccatis tuis, in nomine Patris† & Filii† & Spiritūs† sancti, Amen.

12.

Forma Absolutionis à suspensione vel interdicto extra vel intra Sacramentum.

Si Sacerdoti sit commissa facultas absolvendi aliquem à suspensione, vel interdicto, quamvis nulla verba sint præcipuè determinata, uti poterit hac forma Pœnitens dicat Confiteor &c. Et Sacerdos:

Misereatur tui omnipotens DEUS, & dimissis peccatis tuis perducatur te ad vitam æternam, Amen.

Indulgentiam, absolutionem, & remissionem

peccatorum tuorum tribuat tibi omnipotens & misericors Dominus, Amen.

Authoritate mihi ab N. tradita, ego te absolvo à vinculo suspensionis, (vel interdicti) quam (vel quod) propter tale factum (vel causam) incurristi, seu incurrisse declaratus es. In nomine Patris, & Filii, & Spiritûs sancti, Amen.

*Si verò Confessario seu in foro conscientiae, si-
ve extrà data sit potestas dispensandi super irregu-
laritate, tunc postquam absolverit à peccatis, addat
consequenter.*

Et eadem authoritate dispenso tecum super irregularitate vel irregularitatibus (*si sint plures*) in quam (vel in quas) ob talem (vel tales causas *eas exprimendo*) incurristi & habilem reddo, & restituo te executioni Ordinum, & officiorum tuorum: In nomine Patris† & Filii† & Spiritûs † sancti, Amen.

*Si nullum Ordinem habet, dicatur: habilem red-
do te ad omnes Ordines suscipiendos.*

*Quòd si necesse sit titulum beneficii restituere &
fructus malè perceptos condonare, subjungat:*

Et restituo tibi titulum (seu titulos) beneficii (seu beneficiorum) & condono tibi fructus malè perceptos: In nomine Patris & Filii, & Spiritûs sancti, Amen.

*Advertat autem Sacerdos, ne ullò modò in hu-
jusmodi facultatis suae terminos excedat.*



INDEX

Benedictionum & Rituum Partis Primæ.

Benedictio & Ritus.

- A**bsolutionis SS. Rosarii. 114.
S. Scapularis. 19.
Absinthii pro fumigatione. 357.
Aceti ac vini pro infirmis, & maleficiatis. 222.
Adjuratio vide Exorcismus.
Aëris pro pluvia. 387.
pro serenitate. 388.
Agni Paschalis. 63.
Agrorum seminatorum. 321.
Albæ. 162.
Alpium. 311.
Amictus. 162.
Animalium in communi. 314.
grassante morbo. 316.
maleficio afflictorum. 337.
Annuli nuptialis. 212.
Annulorum B. V. M. & S. Josephi. 105.
Annulorum, & armillarum, quæ in B. V. M. & S.
Josephi æternum obsequium deferri solent. 122.
Anserum & similium. 316.
S. Antonii de Pad. responsorium pro re perditâ. 363.
Aquæ cum sale communis. 3.
& salis in Festo S. Stephani. 11.
in Vigilia Epiphaniæ. 24.
in Festo S. Agathæ. 51.
S. Ignatii. 360.
contra maleficia cum reliquiis. 222. & 223.

Index.

- contra animalia nociva, mures, permes, &c.* 326
- Arborum fructiferarum.* 347
- Armorum in communi.* 397
- bellicorum.* 398.
- Aromatum ad fugandos daemones.* 194.
- Atramenti, Calami, Chartæ.* 145. & seqq.
- Avenæ in Festo S. Stephani.* 17.
- Avium domesticarum.* 316.
- noxiarum pulsiva.* 324.
- Aviarum, gallinarum &c.* 299.
- Auri Festo trium Regum.* 46.
- B** *Alnei pro maleficiatis.* 198. 215. & 217.
- Bombardarum.* 398.
- Bombicum vermiculorum.* 320.
- Bonæ, vide animalium.*
- Brodii medicati.* 215.
- Butyri.* 352.
- Butyri, cum aufertur maleficio.* 333.
- C** *Alami, Chartæ & Atramenti.* 145. & seqq.
- Campana dum æs conflatur.* 391.
- Camporum.* 311.
- Candelarum.* 109.
- in Festo S. Agathæ.* 51.
- in Festo S. Blasii.* 49.
- S. Magni Abbatis vel alterius Sancti.* 100.
- S. Rosarii.* 113.
- pro moribundis.* 111.
- Caprarum.* 314.
- Capsarum pro reliquiis includendis.* 157.
- Carnis in communi.* 63.
- Carnis in Pasce.* 63.
- Extra Pascha.* 351.

Benedictionum & Rituum

Benedictio & Ritus.

Casei, lactis, &c. 352.

Confecti ex lacte & ovis. 265.

Casula seu planeta. 164.

Cerae pro massa sacra conficienda. 255.

Cerevisiae. 203.

Chartae cum exorcismo contra demones. 142.

Chartae pro Agno Dei &c. 140.

Chartae, calami, & atramenti. 155.

Chordae. 206.

Ciborii. 170.

Ciborum quorumcunque. 65.

Cilicii. 363.

Cinguli. 163.

Cinguli S. Thomae Aquin. 156.

Cœnae pro maleficiatis. 228.

Columbarum. 316.

Columbarii. 299.

Comestibilis cujuscunque. 66.

Conjugum maleficio impeditorum. 179. & 183.

Coralliorum contra tempestates. 263.

Coronarum Christi D. 124.

B. V. Mariae. 112.

Corporalium. 168.

Cretae. 23.

Crucis. 86.

Crucis parvae pro moribundis. 86.

Crucis S. Caroli Borromæi contra tempestates. 88.

Crucis novae. 90.

Crucis & numismatum S. Benedicti. 131.

Crucis S. Zachariae contra pestem. 125.

Crucis, quæ ponitur supra vestimentum. 166.

DAlmaticæ. 165.

Index.

- Benedictio & Ritus.**
- Dolorum stomachi remedium.** 255.
- Domorum in vigil. Nativitatis D. N. J. Christi.** 8.
in profesto Circumcisionis D. N. 22.
in vigilia Epiphaniæ. 23.
in Sabbatho sancto. 62.
- Domus novæ vel alterius.** 277.
à malis spiritibus vexatæ. 280.
ne ab igne comburatur. 295.
- ENSis.** 397.
Equorum vide animalium.
- Esculentorum in Paschate.** 63.
- Evangeliorum S. Joannis.** 141
- Exorcismi contra ignem.** 390.
contra ignem & tempestatem. 367. & seqq.
contra grandines & tempestatem. 38 r. & seq.
contra locustas. 327.
maleficia patientium. 191.
conjugum maleficio impeditorum. 179. 173.
contra lactis, butyri &c. per maleficia ablationem. 333.
animalium maleficio afflictorum. 337.
contra dæmones, homines, domos &c. infestantes. 280.
- Farinæ pro infirmis, vel maleficio affectis.** 219.
- Febrium remedium S. Ambrosii.** 229.
- B. Salvatoris ab Horta.** 367.
- Ficum.** 349.
- Flagellorum.** 361.
- Fontis.** 303.
- Fornacis fusoriæ, coctoriæ &c.** 304.
- Fructuum arborum qualiumcumque.** 347.
- Fructuum novorum.** 348.

Benedictionum & Rituum.

omnis generis. 344.

in Festo S. Agathæ. 51. (238.

Fumigationis demoniacorū ad expellenda maleficia.

Fumigatio contra maleficia, vulgo *Hexenrauch*. 240

Furnelli. 304.

Gallinarum. 316.

Gallinarii. 299.

Gladii. 397.

Globorum plumbeorum, vel ferreorum. 398.

Herbarum comestibilium n. Maij. 69.

Herbarum in Festo Assumptionis B.V. 70.

Herbarum pro suffumigio. 357.

pro profumigatione, sive *Hexenrauch*. 240.

pro pane sive *Hexen Brod*. 251.

Horrei. 296.

Ignis domestici in fornace. 305. & 366.

Ignis, ne comburat domos &c. 295.

ad maleficia eomburenda. 358.

pro massa condensanda. 259.

Imaginum Christi Domini. 96.

B. V. M. 97.

Imaginum cordium Iesu & Mariæ contra maleficia &c. 330.

Imaginum S. Anastasii contra demones. 102.

S. Georgii. 155.

S. Magni Abbatis. 99.

aliorum SS. 98.

Incensi ad fugandos demones. 355.

Indumentorum. 210.

Indumentorum Sacerdotalium. 160.

Infantium induendorum ex voto. 260.

cum in Ecclesia præsentantur. 204.

Infir

Benedictio & Ritus

Benedictio & Ritus

Benedictio & Ritus

Index

Benedictio & Ritus

Benedictio & Ritus

Benedictio & Ritus

Infirmorum. 213.

Inundationum. 293.

Jumentorum. 314.

L *Actis.* 352.

cum maleficio aufertur. 333.

Lecti. 209.

Leguminum. 346.

Linteaminum seu mapparum Altarium. 167.

Linteaminis, quo Corpus Christi servatur. 168.

Litanie S. Benedicti. 131.

Loci vel domus ne ab igne comburatur. 295.

Locustarum & animalium noxiorum pulsiva. 324.

Lunula Monstrantii. 170.

M *Aleficiatorum.* 191.

Maleficiatorum conjugum. 179.

Manipuli. 163.

Mapparum Altaris. 167.

Massæ sacræ conficiendæ. 351.

Medicinalium. 198.

Medicinæ. 215. & 218.

ad maleficia destruenda. 198.

Militum ad bellum seu prælium euntium. 394.

Monasterii novi. 266.

Monetæ sive talerorum S. Georgii. 155.

Monstrantii. 170.

Mulieris prægnantis. 173.

Mulieris in Ecclesiam introducendæ post partum. 176.

Mulsi. 203.

Murium &c. pulsiva. 324. & 326.

Myrrhæ in Festo trium Regum. 46.

N *avis novæ.* 364.

Nominis Jesu. 65.

Numismatum S. Benedicti. 131.

Nu-

Benedictionum & Rituum.

Numismatum S. Georgii. 155.

S. Zacharia contra pestem. 152.

Officinae. 296.

Olei. 352.

Olei pro numismatibus S. Benedicti. 173.

Olei mirae virtutis contra infirmitates & praestigia. 139

Olei pro massa sacra. 255.

Olei pro cibo vel usu medicinae. 352.

Olerum. 346.

Ordo ponendi SS. Corpus Domini in sepulchrum, & recipiendi e sepulchro. 57. & 59.

Ovium. 314.

Ovorum in Paschate. 64.

extra Pascha. 351.

Pallarum. 168.

Panis. 65.

Panis in magnis Festis. 6.

Panis in Festo S. Agathae. 51.

Panis in Festo S. Blasii. 48.

Panis in Cæna Domini. 54.

Panis S. Erhardi Episcopi. 82.

Panis S. Nicolai Tolentini. 75.

Panis pro infirmis vel maleficio affectis. 219.

Panis ex herbis confecti contra maleficia vulgò

Hexen-Brod oder Hexen-Zeltlein. 251.

Parvulorum, 204.

Parvulorum cum in Ecclesia presentantur à parentibus. 204.

Parvulos induendi ex voto. 206.

Pascuorum. 311.

Pecorum. 314.

grassante morbo. 316.

Peregrinorum euntium ad loca sacra. 171.

redeuntium à locis sacris. 172.

Pirorum. 349.

Piscinae. 300.

Pixidis pro Eucharistia. 170.

Planeta seu casula. 164.

Plus

Index Benedictionum & Rituum.

Benedictio & Ritus

Benedictio & Ritus

Benedictio & Ritus

Pluvialis. 166.

Pomorum. 349.

Porcorum. 314.

Potionum. 350.

Potus cerevisiæ. 203.

Prandii vel cænæ pro maleficiatis. 228.

Prætorum. 311.

Praxatorii vel alterius officinæ. 296.

Psalteriarum B. V. M. 112.

Pulveris tormentarii. 398.

Putri novi. 303.

Rei cujuscunque. 354. & 355.

Remedium contra philtrum. 254.

Responsorium S. Antonii de Padua. 363.

Rosariorum B. V. M. 112.

Rosæ pro fumigatione. 357.

Rutæ &c. 236. & 357.

Sagittarum S. Sebastiani. 155.

Salis & aquæ communis. 3.

Salis & aquæ in Festo S. Stephani. 11.

Scapularis. B. V. 115.

Schedularum in Festo S. Agathæ contra ignem. 32.

Schedularum SS. Pirmini & Wendelini contra morbos animalium. 319.

Sclopetorum. 398.

Sementis. 66.

Seminata terræ. 345.

Seminis bombicum vermiculorum. 320.

Seminum Dom. 1. Sept. 72.

Serpentium pulfiva. 324.

Signi bellici. 366.

Stabuli equorum, boum &c. 297.

Stolæ. 164.

Storacis. 355.

Symbolum S. Athanasii. 370.

Tabernaculi pro Eucharistia. 170.

Tempestatis. 377. & seqq.

Terræ seminata. 345.

Thalami, thori, lecti. 185. & 209.

Thuris. 234.

Index Benedictionum & Rituum.

in Festo trium Regum. 46.

Thuribuli. 170.

Tunicellæ. 165.

Vasculi pro Eucharistia. 170.

Vasculi pro massa sacra. 260.

Vasorum novorum. 366.

sacrorum in genere. 169.

Vermium nocivorum. 324.

Vermiculorum bombicum. 320.

Vestimentorum. 210.

Vestis baptismalis. 176.

Vexilli bellici. 396.

Ecclesiastici pro processionibus. 112.

Vinculorum mancipatus parthenici. 122.

Vini vel alterius potus. 350. novi. 349.

in Festo S. Stephani. 16.

S. Joannis Evangelistæ. 19.

S. Blasii, vel alterius Sancti. 51.

S. Agathæ. 51.

in solemnitatibus nuptiarum. 212.

Pro infirmis vel maleficio affectis. 221.

Virgarum. 361.

Unctionis cujusvis. 198. & 215.

Uvarum. 349.

(125.

S. Zachariæ ad cruces, numismata contra pestem.

INDEX RITUUM.

Partis II.

Ritus	A bsolutionis ab Hæresi.	770
	- - à suspensione vel interdicto.	773
	- - Apostatæ à fide.	772
	- - Excommunicati jam mortui.	771
	Baptismi.	711
	Dispositiones requisitæ in maleficiato ut liberetur.	683
		Evân.

Index.

Ritus

<i>Evangeliorum quatuor initia in Processione Corporis Christi.</i>	582
<i>Exequiarum Adultorum.</i>	499
- - <i>Parvulorum.</i>	507
<i>Exorcismus ex Rituali Romano.</i>	409
<i>Exorcismus Nicuesæ.</i>	426
<i>Exorcismus I. in Festo Circumcisionis D. N. Jesu Christi.</i>	428
- - <i>II. in Hebdomada sancta.</i>	465
- - <i>III. in Die Pentecostes.</i>	497
- - <i>IV. in Festo Corporis Christi.</i>	520
- - <i>V. in Festo Annuntiationis B. V. M.</i>	544
- - <i>VI. in Festivitatibus B. V. Mariæ.</i>	575
- - <i>VII. in Festo S. Josephi.</i>	599
- - <i>VIII. in Festo S. Michaelis, & S. Ang. C.</i>	623
- - <i>IX. in Festo Sanctorum omnium.</i>	651
<i>Exorcismus X. Contra omnia maleficia.</i>	675
<i>Extremæ Unctionis.</i>	726
<i>Forma interrogatoria demoni facienda.</i>	426
<i>Infirmum providendi.</i>	723
<i>Litanie omnium Sanctorum.</i>	409
<i>Matrimonio assistendi.</i>	747
<i>Methodus disponendi maleficiatum ad liberationem.</i>	688
- - <i>eyciendi demonem per ultimum præceptum.</i>	696
- - <i>liberandi pueros maleficiatos.</i>	703
<i>Processionis in Festo Corporis Christi.</i>	528
<i>Professio fidei.</i>	535
<i>Providendi infirmum.</i>	477
<i>Regulæ pro Exorcista.</i>	401
<i>Sepeliendi Adultos. 737. Parvulos.</i>	743

FINIS.

2
9
7
9
6
u
8
5
7
0
4
5
9
2
3
1
5
6
6
3
9
7
1
8
2
6
3
8
5
7
1
3